CC-0. Dogri Sanstha, Jammu. Digitized by eGangotri







डुग्गर दा सांस्कृतक इतिहास

संपादक :



1985

जे० एण्ड के० अकडमी ऑफ आर्ट, कल्चर एण्ड लेंग्वेजिज, जम्मू Cultural History of Duggar

Edited by:

OM GOSWAMI

डुगार दा सांस्कृतक इतिहास

मुल्ल: 58 रपे 50 पैसे

Sales with series

©—अक्रैडमी/इस पोथी च संकलत समग्गरी दे पुनर्मु द्रण ताईं, हवाले ताईं ग्रकैडमी थमां इजाजत लैना जरूरी ते।

प्रकाशक—सैकेटरी: जे. एण्ड के. ग्रकैडमी ग्रॉफ ग्रार्ट, कल्चर एण्ड लेंग्वेजिज, जम्मू / प्रकाशन व'रा—1985 / पैह्ला पुज्ज—500 / छापाखाना—'राजा प्रिटर्ज, रिहाड़ी कलोनी, जम्मू तवी—180001

CC-0. Dogri Sanstha, Jammu. Digitized by eGangotri

प्रकाशकी

ग्रकैडमी नै ग्रपनी स्थापना परैंत, डोगरी दे मुक्ख ते मुंढले कवियें दे व्यक्तित्व ते कृतित्व वारै पंज संकलन छापे हे। इन्दे सिर-नां इस चाल्ली हे:-

- 1. नीहारिका
- 2. ग्रहणिमा
- 3. प्रात किरण
- 4. मधुकण
- 5. मगधूलि

इन्दे च संकलत कियों दियां रचनां ते डोगरी च हियां, पर, इन्दे बारैं समीक्षा, परिचे हिन्दी च दित्ता गेदा हा। किवतें ते हिन्दी भावानुवाद वी दित्तें गेदे हे। इनें संकलनें दा डोगरी दे साहित्यक खेतरें च काफी स्वागत कीता गेग्रा हा। ग्रज्ज ए पंजै संकलन लगभग पूरी चाल्ली विकी चुके देन। ग्रामतौरा पर ग्रस दिक्खने ग्रा जे डुग्गर दी सग्गोसार संस्कृति, भाशा ते लोक-साहित्यक परंपरा गी पुस्तक रूप च ग्रानने दी कोई परानी लीह् गै मजूद नेहीं। डोगरी संस्था दे शुरुग्राती कम्म दे बाद ग्रकैडमी नै ग्रपने बसीलें दे ग्रन्दर, इस बेगीर ग्रमीरी गी पोथियों च स'लने-छापने दा शुभ कम्म हत्था च लेग्रा हा। डोगरी साहित्य दे निर्मातायों दियें रचनें दे ग्रलावा उदे जीवन ते लिखतें बार परिचयात्मक समीक्षात्मक संकलन बी छापे गे। 'शीराजा' नां दा रसाला बी जारी कीता गेथा। लोक वार्ता दे संकलन दा कठन पर जरूरी कम्म बी बड़ी सूझबूझ कन्ने हत्थै च लैता गेग्रा ते ग्रजें बी संकलन-कारज जारी ऐ। डुग्गर दे साहित्य ते लोक-वार्ता बारै दो पोथियां ग्रंग्रेजी च छापियां गेड्यां — तां जे डोगरी नेई जानने आले जिज्ञासू, इनें विशें बारै जानकारी

हासल करी सकन । हून तकर डोगरी लोक-वार्ता दे विश्लेषण कन्ने सरबन्ध रखदे 'साढ़ा साहित्य' दे केई विशेण ग्रंक बी छापे गे न । होर बी केई पोथियां छापियां गेइयां । डोगरी दे लेखके दे प्रोत्साहन ग्रास्त ग्रंक किंद्र में उन्दियां पांडुलिपियां छापने ताई माली मदाद दा सरिस्ता बी चरोका कीते दा ऐ। श्रेश्ठ कतावें पर हर ब'रै दौं-दौं ज्हारें दे दो इनाम देने दा सरिस्ता बी कीते दा ऐ। 'प्ले स्किप्ट कम्पीटीशन' द्वारा डोगरी च नाट्य-लेखन गी बी प्रोत्साहत कीता जन्दा ऐ। संस्कृति दे केई पक्ख हुन्दे न। ग्रंक डमी, संस्कृति कन्ने बाबस्ता केइयें दूयें शोह् बें च बी दिलचस्पी लै करदी ऐ। ग्रंक डमी दे सैकेटरी दी स्हीयत च जनाब टैंग साब नै डुग्गर दे प्रसिद्ध सांस्कृतक थाह् रें दा दौरा बी इस सिलसले च कीता ऐ।

अबो, ग्रज्जा तगर डुग्गर दी सांस्कृतक बरासत दी इक थाह्रा पंछान कराने आले प्रन्थ दी कमी डुग्गर दे अदीब, विद्वान ते विद्यार्थी बुरी चास्ली मसूस करदे आये न। साढ़ी ए पोथी उस्सै कमी गी पूरा करने दी दिशा च इक पुख्ता कदम ऐ। डुग्गर बार कुसै बी भाशा च पैह्ले नेह्आ प्रमाणक ते ठोस कम्म नेई कीता गेदा। डुग्गर दी सांस्कृतक सग्गोसारी, उसदे प्राचीन दा गौरव ते ग्रजकणे समें दी महमा दा पूरा लाना इस बृहद ग्रन्थ थमां लाया जाई सकदा ऐ। इस ग्रन्थ च खासीयतें दे कन्ने-कन्ने किश किमयां बी होंगन। ग्रपने सूझवान पाठकें ग्रग्गें साढ़ा नबेदन ऐ जे ग्रसेंगी एह्दियें खूबियें-खामियें बार ग्रागाह् करन तां जे ग्रगले संस्करण च जां नमें प्रकाशन च संस्कृति दे उनें होरनी पहलुयें बार समग्गरी प्रकाशत कीती जाई सक । साढ़ी ए सच्ची तांह्ग ऐ जे डोगरा संस्कृति दी बरासत गी संभालने-बंदेरने दा ए सिलिसला गेडा बधदा र'वै।

तरतीव

खण्ड-1

डुगगर, डोगरे ते उन्दो संस्कृति

- O संस्कृति दी परिभाशा ते डुग्गर संस्कृति दियां विशेशतां (1-26) वेदकुमारी घई [परिभाशा ते परिन्याप्ति—1, जातियां ते पेशे—10, धार्मक विश्वास—11, धार्मक मेले ते ध्यार—16, नत्त-वरत संस्कार—17, कला—21
- O जम्मू दे इतिहासै च इक्क झांक (27—34) डा. सुखदेव सिंह चाड़क
- О डोगरा भूमि: एह् दे लोक, पेशे, कार-किरतां ते ग्रार्थंक ग्रधार (35-50) देशबन्धु डोगरा नूतन [भूगोलक स्थिति—35, डोगरें दा इतिहास ते डुग्गर दा ग्रर्थं—37, इतिहासक पछोकड़—47, लोक ते कार-किरतां—46]
- ऋग्वेद काल च डोगरा-प्हाड़ी लाका ते लोक (51—85)
 जगदीशचन्द्र साठे
 [ऋग्वेद काल दा भूगोल—51, सोम दे पौदे दी पीरपंजाल दे प्हाड़ें च तपाश—53, ऋग्वेद दा दधीचि ऋषि ग्राला जुग—58, इन्द्र-वृत्र दा त्रिक कुंभ प्हाड़ा कोल होग्रा जुद्ध—59, डुग्गर दे उच्चे प्हाड़ें च सोम दी पौद—61, पुराणें च सर्रुं इसर ते मानसर झीलें दी गल्ल—61,

शर्यणावत दा ऋग्वेद अनसार भ्गोल ते बाद दे विद्वानें दे मत—63, शर्यणा: जां शरवन—64, डुग्गर दे पैह्ले वेदक आर्य कुल—65, डुग्गर दे पहाड़ें दे कीकट नां दे श्रादिवासी—67, कीमची ते बभौर दा मूल आरम्भ—73, डुग्गर नां दा प्राचीन पूरुएं दे राजा दुर्गह् दे नां पर—75, सोम दा दूशा नां अन्धस, डुग्गर दा अन्धड़ लाका ते यदु-वैंसियें दा अन्धक कुल -78, तुप्र दा घराना, श्रश्विनिएं ते शिवें दी मानता ते डुग्गर नां च तुद्र दा रला—80, समाप्ती—84]

खण्ड—II

डुगगर दियां कलां

- (क) लोक-कलां
- О ड्रग्गर दी लोक-कला (89—115) डा. प्रशोक जेरथ [कला-प्रेरणा—89, (क) ईण्वरीय णिवतयां ते उन्दे प्रतीक—90: नाग—91, स्वस्तिक—95, सूरज—96, हाथी—97, (ख) लोक मूरतकला— 98, बौलियें ते वाइयें दियां मूरतियां 99, विणे—100, समें ते संदर्भ—101, मूर्तिकार ते कमग्गर—102, (ग) टेराकोटा, मित्ती दे खडोने —103, (घ) चित्तरना—107, रंगें दा इस्तमाल, डिजायन—108, तौर तरीका, संस्कारें च फुल्ल लिखना, राड़े—109, तुलसी पूजा, कन्धै गी चित्तरना—110, नाग पैंचमी, होई उप्पर कन्धें गी चित्तरना, (ङ) काठ उप्पर लोक-कला दी छाप—111, लक्कड़ी दे मन्दर ते मूरतां, सूई-धागे, कोशिये ते बुनाई-कताई फुलकारी दा कम्म—112, प्हाडी रमाल—113, प्हाडी चौलियां, चादरां ते गलाफ, मेंटल पीस, निक्के रमाल, थैंले. फुटमेटां—114, कोशिये दा कम्म—115, (छ) फुटकर घरेलू चीजां (ज) नाड़ दियां पिक्खयां, बिन्ते ते टोकरियां—115]
- O म्हाचल च प्हाड़ी लोक-कलां (116—128) डा. गौतम 'व्यथित' [म्हाचल च लोककला परम्परा —116, पर्वसज्जा सरबन्धी लोक-कलां, ग्रमुण्ठानिक लोक-कलां —117, पूजा मंडल—118, व्यवसायिक कन्ने

मनोरं जनी लोक-कलां—118: कांस्य-मूर्तिकला, पत्थर मूर्तिकला —119, वास्तुकला, काठकला —120, भिति चित्र—121, प्हाड़ी चित्रकला —122, कशीदाकारी, प्हाड़ी रमाल—124, रंगाई-छपाई —125, गैह्णे-गट्टे दी घडाई—वैंह्जां दा कम्म—125, गोदना, चिक्का दे भांडे, वर्तन कन्ने रिलयां—126, मुहारे— मुखौटे कन्ने स्वांग—126, सालोत्र, विश् वैद, हिनोप्लास्टरी—127, नचोड़ —128]

(ख) ललित-कलां

O प्हाड़ी चित्तर-क<u>ला (</u>129--143)

संसारचन्द शर्मा

- О डुग्गर दी वास्तुकला (144—156) 'शिव 'निर्मोही' [प्राक मुस्लिम युग—144, वबीर दे मंदर, देवी दा मंदर—145, काला देह्रा मंदर, निर्माता ते निर्माण काल—146, वलीर दा हरिहर मंदर—148, निर्माण काल, थड़ा कलेयाल दा शिव मंदर—149, किर्मची दे मंदर—150, ग्रम्बारां दे खंडहर, सुद्ध महादेव—152, मुस्लिम कला कन्ने प्रभावत स्मारक, म्होरगढ़—153, चिंगस ते थन्ना मंडी दी मुगल सरांड, मसजदां—जामां मसजद रजोरी, बह्रामगला दा किला, डोगरा राजों दे स्मारक—बसोह्ली दे राजमहल्न 154, जसरोट दे महल्न, चर्नह्नी दे राजमहल्न, रामनगर दे महल्न, रियासो दे महल्न, पुरानी मंडी दी बारांदरी—155, दुर्गं किले, डुग्गर दे परसिद्ध किले—156]
- O डुग्गर दी मूर्ति-कला (157—166)

ज्योजीश्वर 'पथिक'

- O डुग्गर दा लोक-संगीत (167-181) सुरेन्द्रपाल गंडलगाल [संगीत -167, लोक-संगीत, 168, लोक-संगीत ते लोक-गीत—169, साज, ढोल—177, ढोलकी, किंग, संरगी ते चकारा—179, संगीत सौंदर्य—180।
- O डुग्गर दे लोक-नाच (182—199) विश्वताथ खजूरिया [लोक-नाच दा जन्म-182, लोक-नाच दे भेद, डुग्गर दे लोक-नाच

-186, भागड़ा -187, हेकू -189, घुरेई नाच -191, सोहाड़ी -192, फुंमनी -193, चौकी, किक्कली -195, तम्हच्चड़ा, जागरना -196, छज्जा नाच -197, छज्जे दी बनीट, गीजरा नाच -198]

O लोक-नाट्य-परम्परा ते हुगगर (200-211) रामनाथ शास्त्री

खण्ड-111

डुग्गर दा लोक-जीवन

- उगार दं धर्म, दर्णन ते विश्वास (215—243) डा. बोणा गुप्ता [कुलदेवते ते सीलवैं तियां—217, देवी-देवते, शिब—218, विष्णु—219, राम—220, कृष्ण—222, शिव्रत पूजा—222, शिव्रत पूजा—223, दर्णन—227, धार्मक विश्वास, तीर्थ जात्तरा—230, भाग्यवाद—231, पुनर्जन्मवाद, कर्मवाद—233, देवी-देवता—234, प्रवतारवाद, वर्त, नत्त ते पर्व-ध्यार, बसोग्रा—235, धर्म-ध्याड़ा—236, रक्खड़ी, जन्माश्टमी, बच्छदुग्राह्, ते द्रुव्बड़ी, नाग पैंचमी—237, नराते—238, करेग्राचौथ ते भुग्गा—239, तुलसी दा वर्त, देग्राली ते धनत्रौस्ती—240, टिक्का जां बीर-दुतिया, लोह्डी जां ग्रत्रैण—241, शिवरात्री, होली—242]
- <u>इग्गर दे मेल</u> ते ध्यार (244—273) विश्वनाथ खजूरिया [भूमका—244, वसाखी—247, पीर बाबा, पीर मिट्ठा—259, धर्म-ध्याड़ा—260, नागपैंचमी, रक्खड़ी—261, कृष्ण जन्माग्र्टमी—262, द्रुव्वड़ी, बच्छ दोग्राह, गोपाल ग्रग्र्टमी—263, नराते, दसैंह, रा, करवाचौथ—264, देग्राली—265, होई, लोह ड़ी, उत्तरायण, ग्रिवरात्री—268, होली—269, ग्रब-ए-बरात—270, ईद-उल-फितर, ईद-उल-जोहा—271, ईद-ए-मेलाद, सिक्खें दे ध्यार, किसमस, वृद्ध जयन्ती—272, गुरु रिवदास दा जन्मिदन, महाबीर जयन्ती—273

- О डुग्गर दे बतं, पर्व ते दूए अनुश्ठान (289—312) शिवत शर्मा [बसोग्रा—291, ग्रक्षय तृत्तीया, खारका—292, नरिंसह चौदेग्रा—293, निर्जला कास्ती, धमदेंह. राड़े—294, व्यास पूजा—295, रक्खड़ी, चन्नन छट्ठ, कृष्ण जन्माश्टमी—296, गुग्गा नौमी—297, बच्छ द्रुग्राह् ते द्रुवड़ी—298, नाग-पेंचमी—299, हरदालका, वामन द्वास्ती, नैंत चौदेआ—300, कत्ते म्हीने दे नराते—301, दसेंह रा 302, करेग्राचौथ, होई—303, धनत्रोस्त ते देग्राली—304 गोवर्धन पूजा, टिक्का—305, गोपाश्टमी, ग्रक्खेग्रा नौमी, पंज भीखम—306, भुगो दा वर्त लोह्डी—307, मकर संग्रांद, वसैंत पैंचमी, शिवरात्री, होली—308, रामनौमी—309]
 - डुग्गर दे लोक-विश्वास : मन्नतां, ठाकां, कोह्डर ते लाने (313--0 ग्रोम गोस्वामी 355) [लोक-विश्वास : म्हता ते चेचिगयां—313 इतिहासक वकास दे भ्रन्तःसाक्ष्य---316, लोक मानतें दी वंड-वखरांद-- (क) श्रनुण्ठान-ग्राश्रत लोक-विश्वास—316, मरजाद ग्राश्रत लोक-विश्वास—317, (स) पूराण-ग्रधारत लोक-विश्वास—318, (ग) पर्व-ध्यारें कन्ने सरबन्धत कम्मै-कारै कन्ने सरबन्धत लोक-विश्वास, ग्रधारयुक्त लोक-विश्वास, लोक-विश्वास—-318, पेशे ते निराधार लोक-विश्वास—319, शहुरी ते ग्राई नजरीय: संस्कृति दे दौं धारे—319, रीतें गी जरम दिन्दियां मन्नतां, भले दा भाव : कोह्डर, मरजादा निर्धारत करदियां ठाकां-321, ग्रग्ग ते भूत सरबन्धी विश्वास-322, नमें बैह्में दी बुनेयाद, सफलता जां ग्रसफलता तगर पुजाने ग्राले नतीजें दा अधार ते लोक-विश्वास—323, अग्गी कन्ने सरबंधत होर लोक-विश्वास —324, भावनाएं दा प्रवर्तन : ग्रनुश्ठानक प्रतीके च-325, लोक-मानस ते ग्रसे दे सूरज-चन्न दी चिंता-326, गैं-गैं गेडे बधदे विश्वास : रीत, टोटका ते टूना, लोक-विश्वास : रूप ते सरूप—327, लोक-विश्वास संकलन ते वखरेमें - 329, होते ग्राले ज्याणे वारै --329, प्रसव सरवन्धी---330, निक्के गि'ल्ला वारै—331, ल्हूतना परैन्त, ज्याणे बारै

कोह्डर ते कुल रीतां—332, व्याह् वारै—333, अगला ज्हान—334, लूना दी चेच, ग्रारबला घटने वारै—335, पद्रब लक्खन—336, मांदगी दियां नणानियां, मौती वारै—337, वारें-ध्याड़ें बारै—338, चोरी वारें, शमाना दी विजली वारै—340, ग्रेंह्ण सरवन्धी, परोह्ना ग्रोंने सरवन्धी लक्खन, वर्खा वारें लक्खन—341, वर्खा वारें टोटके—342, राही-बाही वारें, नां लैंने जां शब्द उच्चरने दा कोह्डर—343, मुखने वारें, हानि जां लाभ वारें लाने ते लक्खन—(क) फलदेङ —345, शुभ लक्खन, मनुक्खें वारें. पशुयें वारें, देनदारी—346, किश ल'ब्बना, गरीबी—347, रसोई ते खाने-पीने सरवन्धी—347, वात्तरा सरवन्धी लोक-विश्वास—348, अपसगन, शुभसगन—349, ध्याड़ी शुभ बीतने बारें सगन, निच्छ बारें लोक-विश्वास—350, किश होर ठाकां—351, लच्छन ते उन्दे लाने, कलच्छन—352, किश होर विश्वास—353, लोक-धमं दे नियामक लोक-विश्वास—355]

- ा डा. चम्पा शर्मा [हिन्दू संस्कार—3 6, जन्म सरबन्धी संस्कार—357, व्याह् सरबन्धी संस्कार—360 मौती सरबन्धी संस्कार—366, मेले-पर्वे कन्ने जुड़े दे रवाज, धर्म-ध्याड़े ते रवाज—370, श्नान-दान ते रवाज, बर्ते-नत्तें, मोखें सरवन्धी रीति-रवाज—371, दान दा रूप वेग्रा—372, हक्खें बूटें दी पूजा—373, पशु-पूजा सरवन्धी रवाज—374, मान-प्रतिश्ठा वनाई रक्खने सरबन्धी किश रवाज −375]
- भदरवाह् : सांस्कृतक पछोकड़ (378—401) डा. प्रियतम कृष्ण [(क) धार्मक पक्ख—श्रेष्ठ देवते—378, हेरथ, पट्लपूजा, खड़ाह्, प्याला—379, नवाला, गुस्सेतन. घणचक्क, शंख ढाल, वगनी, देह्र्रियां जां देह्र्रे, जात्रां, नां, शक्तिपूजा, देवालय—380, नाम पूजा, देह्र्रे—382, चश्में ते बौलियां—383, लोक देवते—384, (ख) समाजक पक्ख—ध्यार ते अनुण्ठान—सांझी खुशी दे ध्यार—387, देवी-देवतें दी पूजा दे ध्यार, रेउट्लान—388, इतिहासक घटना कन्ने सरबन्ध रक्खने आले ध्यार—389, गरारी, कल्टक

जातर, उर्स किश्तवाड़, लोकें दे परिवारें दे ध्यार— 390, हेडू हिठार, पुणाव, ध्यार, नाग जुहारणो, वडकन, त्रोण, तत्सम, देवतो कालोव, पूछोई, भूंछोई, शरेइत, हल्लड़ पूजा—392, लोकें दे अनुष्ठान—393, नृत्त ते ताल—394, (ग) मानसक पक्ख—प्हाड़ी जातें दे नां—396, प्हाड़ी लाके दे ग्रां नां—398 प्हाड़ी लाके दे नदी-नाले गड—400, गडोड, नाला, ना, नाई, नोआड़ी—401]

खण्ड—1∨

डोगरी लोक साहित्य / डोगरी साहित्य

डा. बालकृष्ण शास्त्री डोगरी लोक-साहित्य (405-444) [होए दा कम्म—405, डोगरी लोक-साहित्य दा वर्गीकरण, डोगरी लोकगीत 407, डोगरी लोकगीतें दा वर्गीकरण, डोगरी लोकगीतें दा सरूप-408 (संस्कार गीत-408-411, जन्म वर्गें दे गीत-विहाइयां, लोरियां, वधावा जां वधाई, व्याह् वर्गे दे गीत-धोड़ी, सुहाग, सिटनियां, बोल्लियां, जागरणा, छंद, सेह्रा, मौत वर्गें दे गीत — लुहानी, पल्ला), रुत्त गीत -411-413, (वसैंत, सोहा बरसांत, स्याला, रित्तडियां, ढोलड्, छिं, बारांमाह्), पर्व गीत-413--416. (ध्यार गीत-नरात्ते, चूटी दे गीत थाल, बसाखी, होली, लोह्डी, द्रुटवड़ी, बच्छ-दुग्राह्, करवाचीथ, रुट्ट गीत, भक्ति गीत— भेटां (माता बैष्णो दियां, ज्वालामाई दियां) —416, विशनपते, शिव मैह्मा —417, रस गीत —417—418, (संयोग शंगार, वियोग शंगार, वीर रस, हास्य रस, करुण रस), खेढ गीत—419—420, (पर्वें दे खेढ गीत, सधारण खेढ गीत, टोक खेढ गीत, श्रम गीत-420—421, (सोहाड़ी, गरल्होडी, लाद्दी), नाच गीत—421— 423, (भांगड़ा नाच गीत, कुड्ढ गीत, चौकी नाच गीत, कीकली नाच गीत), रले-मिले गीत-423, दम्याने गीत-भाखां जां भाखें स्राले गीत-423, लम्मे लोकगीत-424-426 (क्वारकां-वारां), लोक-कत्थ —426, वर्गीकरण —427—410, (नीति लोक-कत्थां, मनोरंजन दियां लोक-कत्थां, धर्म कत्थां, भाव-लोक कत्थां, पौराणक

चमत्कार कत्थां, रली-मिलियां लोक-कत्थां—ि निकियां, लिम्मयां, किलियें ग्रालियां लोक-कत्थां), डोगरी लोक-कत्थें दियां विशेशतां—
430—431, (कुत्हल, घटना प्रधानता, उपदेश ते मंगल कामना, वर्णन शैली दी प्रधानता, संयोगांत होना, वासना-हीनता, मनोवं ज्ञानकता, मानवीकरण, लोक संस्कृति दी पुट, प्रकीर्ण लोक-साहित्य—432—443, (मुहावरा—इतिहास, म्हत्तव, विशेशता, मुहावरे दी उत्पत्ति, परिभाशा, जमातबन्दी, खुग्रान—इतिहास, उत्पत्ति, परिभाशा, जमातवन्दी—सधारण खुग्रान, जाति सरबन्धी, मर्व-जनानी सरबन्धी, खान-पीन ते स्वास्थ सरवन्धी, धन सरबन्धी, प्रकृति सरवन्धी, पशु-पेंछी, जीव सरबन्धी, लोक-विश्वास सरवन्धी, सगन सरबन्धी, जीवन-दर्शन सरबन्धी, परमात्मा सरबन्धी), बुझारत, फलौनी—नामकरण, बुझारत, परम्परा जां इतिहास, वहिरालापिका, वर्गीकरण—करसान सरबन्धी, खान-पीन सरबन्धी, घरोगी चीजें-वस्तें सरबन्धी, जीव-जैंत सरबन्धी, कुदरत सरबन्धी, काया सरबन्धी, प्रकीर्ण फलौनियां) उपसंहार—443

- O डोगरी साहित्य (गद्य ते पद्य) दा बकास (445—473) शिवनाथ [डोगरी लखौट—445, मध्यकालीन डोगरी गद्य दे नमूने—445, डोगरी गद्य दा मूल साहित्य—454, डोगरी उपन्यास—457, डोगरी नाटक—459, निबन्ध—460, डोगरी पद्य—461]
- O संदर्भनी (475—489)

सम्पादको

'संस्कृति' संस्कारें दे अनुवर्तन दा नां ऐ। ए सदियें थमां उज्जे-फले दे उस ज्ञान दा संचय ऐ— जेह् दे पर कुसै कीम दा भावगत दारोमदार रौह्न्दा ऐ ते स्रोह्दी इक बनखरी शनाखत बनदी ऐ — अर्ज्ज दी वैज्ञानक सूझ ते सोध दा अभाव हुन्दा ऐ ते संस्कृति कुसै सांस्कृतक इकाई दियें पिरतें-धारणें-रवाजें दा पता दिन्दी ऐ। संस्कृति इसकरी कुसै सांस्कृतक इकाई दे जीवन-मुल्लें दा निर्धारण बी करदी ऐ। संस्कृति तजर्बे ते सिखलाई कन्ने सिखे तौरा पर सरबन्धत ऐ।

'सभ्यता' ते 'संस्कृति' वश्कार फर्क गी स्पश्ट करदे होई 'मानक हिन्दी कोश' च लिखेग्रा गेदा ऐ—'सभ्यता मानव समाज की बाह्य ग्रीर भौतिक सिद्धियों की मापक ऐ और संस्कृति लोगों के ग्रांतरिक तथा मानसिक उन्नित की परिचायक होती है। इसलिये सभ्यता समाजगत ग्रीर संस्कृति मनोगत होती है।'

परिव्याप्ति दे लेहाजें संस्कृति इक समुन्दर ऐ। इसकरी कुसै समाज दियां रुचियां, पसंदा ते बौद्धक स्तर कन्ने सरवन्धत व्यहारां इस च गै समीन्दियां न। संस्कृति दे बक्ख-बक्ख स्तरें वारें समाज-शास्त्री ते मनो-वैज्ञानिक परचोल पांदे न, पर, समूलचे तौरा पर संस्कृति दियां देसें, भूगोलक बन्नें, धार्मक-इतिहासक खासीयतें कन्ने बज्झी दियां बक्ख-बक्ख झोनां 'माह्नू-संस्कृति' तैह्त समीन्दियां न। एह्दे बावजूद माह्नू-संस्कृति ग्रन्दर मनुक्खी वर्गें, कबीलें, समाजें दियां निजी खूबियां पछानियां जन्दियां न। इस्सै चाल्ली भारती महाद्वीप पर भारती संस्कृति तैह्त होर बी मतियां शाखां-प्रशाखां नजरी ग्रौन्दियां न। इन्दे चा गै इक 'डोगरा-संस्कृति दी बगीची' बी ऐ। एह्दियां ग्रपनियां खूबियां-चेचियां केह्न, ए जानने ग्रास्तै तुसेंगी ए पोथी गै पढ़नी लोड़चदी ऐ। ग्रस ते तुसेंगी इयै गलाइयै फारग होना चाह्नें ग्रां जे ए साढ़ी नौ ब'रें दी लगातार कोशश दा नतीजा ऐ।

ए पोथी छापने दी म्रकैडमी दी बड़ी परानी योजना ही। पर, मते कारणें करी, इसी पिल्लिकेशन प्रोगराम चा ड्राप करने दी गल्ल चली। 1975 ई. दे अप्रैल म्हीने च होने म्राली पिल्लिकेशन प्रोगराम दी मीटिंग च म्रकैडमी दे सकैटरी जनाब मुहम्मद यूसुफ टेंग नै इस कताबा गी संपादत करने दी ग्रसेंगी जुम्मेवारी सौंपी। कताबा दा सिर्फ सिरलेख हा—प्रारूप नेहा। पही बी इसी इक चैलेंज मन्निये ग्रसें एह्दे पर कम्म शुरु कीता।

जियां-क ग्रसें पिच्छें जिकर कीता, हर-इक जनपद दी श्रपनी-प्रपनी विशेशता हुन्दी ऐ—इसकरी भारती संस्कृति जां कुसै होर जनपद दी संस्कृति पर निकली दियें कताबें दे प्रारूप गी ग्रपनाना वाजब नेहा। साढ़ा मूल मकसद हा डोगरा जनपद दियें चेचियें खूबियें गी बंदेरना। इसकरी इस कताबा दी रूपरेखा त्यार करिये, ते डोगरी दी ग्रडवायजरी कमेटी कोला एह,दा ग्रपूवल लैंने परेंन्त, ग्रसें बक्ख-बक्ख विशें पर लेख लिखवाने दा कम्म रंभेग्रा। ए इस योजना दा मुश्कल मर्हला हा। लेखकें कन्ने लेख दी जरूरतें, स्कोप ते रूपरेखा बारें लगातार विचार-विमर्श हुन्दा रेहा। ग्राखर, इस योजना गी मुकम्मल दिक्खनां तां धन्न सराह्नां, उस प्रेरणा गी जिसदें जोरें ए कम्म तोड़ चढ़ेआ।

मते-हारे विद्वान लखारी जिनें ग्रहु-ग्रट्ठ व'रे पैह्ले लेख लिखी दित्ते हे ते साढ़े कन्ने ए कताव चिरें छपने पर रोहें हे—उन्दे हिखेंं ले रोह् नै बी ग्रसोंगी इस योजना दे कियान्वयन च गुज्झी प्रेरणा दित्ती ऐ। लेख लिखने च बरती दी उन्दी संजीदगी ते मेह्नत गी कदर दी निगाऽ कन्ने जाचदे होई, अस उनेंगी होई दी असुविधा ग्रास्तै खिमा इच्छने थां। इस गौरव-ग्रैन्थ गी साकार रूप च दिनिखयै श्रो साढ़ी मजबूरी गी ग्रवश्श समझी जांगन।

इस कताबा दे त्रिय्ये खंड च तुसेंगी किश ववस-बक्स लेखें च किश चीजां सांझियां लवगन जिन्दे लेखकें ग्रयने-ग्रयने तौरा पर ग्रयने लेखें च लो पाई दी ऐ। पर ए पुनर्जकित नेई ऐ। हर लेखक नै इस चाल्ली दे विशे पर किश वधीकी सूचना दित्ती दी ऐ। इस्सै करी इनेंगी संगत मिन्नये ग्रसें प्रैस च जान दित्ता ऐ। हन रिसर्च स्कालरें दा कम्म ऐ जे इस खिल्लरी दी सूचना गी इक थाह् रा कठेरन ते ग्रयने निश्कर्श कड्डन। ए ग्रैन्थ डोगरा संस्कृति बार प्रन्तम-सच्च जां आखरी कम्म नेई ऐ। पही बी जेकर इसी डोगरा संस्कृति दा ज्ञानकोष गलाचे तां बाद्धी गल्ल नि होग। संस्कृति बार इन्नी प्रमाणक समग्गरी दे संकलन ते विश्लेषण दा ए पह ला जतन ऐ। साढ़ा ए प्रयास पह ली गैं बी गलाया जा तां गल्त नेई होग। इस गैं कन्ने बनने ग्राली घास पर साढ़े युवा निमयां सेधां तुपगन तां गैं अस ग्रयने जतन गी सार्थक मनगे।

24 मई, 1985

—ओम गोस्वामी

हुगगर, होगरे ते उन्दी संस्कृति

संस्कृति दी परिभाजा ते डुगार संस्कृति दियां विशेशतां

वेद कुमारी घई

संस्कृति शब्द सम् उपसर्ग कन्ने जुड़ी दी कृ धातु थमां बने दा ऐ। द्वा आगम सजौट दे अरथ न होए दा ऐ ते वितन् प्रत्यय जोड़िय ए संज्ञा ब्द बनाई लैता गेदा ऐ। संस्कृ दा अर्थ ऐ सोआरना, संगारना, शैल नाना। मनुक्खें गी म्हेणां थमां सबूरेपने ते शलैं पे दी तांह् ग रेही ऐ। हर अधूरी चीजा गी पूरा करना ते उसी सोआरना चांह्दा ऐ। इस्सें ह्गै करी मनुक्खें ने इस धरती उप्पर जे किश बी बचारेआ, बनाया ते गारे आ ऐ ओ सब किश संस्कृति दा अंग बनी गेदा ऐ। मनुक्खें दी हर गव ते सुन्दर सोच ते उस सोचें थमां जन्म लैंने आली हर गैं संस्कृति दी कास-यात्रा दी गैं ऐ। धर्म, दर्शन, साहित्य, संगीतकला, चित्रकला, गस्तुकला, वेशभूशा, साजसज्जा - ए सब संस्कृति दे हिस्से न, जिन्दे कन्ने ननुक्ख अपने शरीर, बुद्धि ते आत्मा गी सोआरने दा जतन कर करदा ऐ। वरस्वामी ने संस्कार शब्द दी ब्याख्या इंथां कीती ऐ—

संस्कारो नाम स भवित यस्मिनजाते पदार्थो भवित योग्यः कस्यचिदर्थस्य । जैमिनि 3.1.3 उप्पर शावर भाष्य. पृ. 660.

श्रर्थात् संस्कार उसो ग्लांदे न जेह्दे करी कोई चीज शैल दरतोने गोग होई जन्दी ऐ। नेदांत सूत्र 1.1.4 दी व्याख्या करदे होई शंकराचार्य होरें ग्लाया ऐ-—

संस्कारो हि नाम गुणाधानेन था स्याद् दोषापनयेन वा ।

दोशों भी दूर करना ते गुणें दी स्थापना करना मैं संस्कार हुन्दा ऐ। संस्कार शब्द कन्ने जुड़े दा सजौट ते पवितरता दा इये भाव कालिदास ने कुमारसम्भव च दस्सेग्रा ऐ।

संस्कारवत्येव गिरा मनीषी तया स पूतश्य विभूषितश्य ।

कुमारसम्भव 1. 28

मिल्लिनाथ ने संस्कारवत्या गिरा दी व्याख्या ग्रंपनी टीका च इंयां कीती ऐ—

संस्कारो व्याकरणजन्या शुद्धिस्तद्वत्या गिरा वाचा ।

जियां व्याकरण भाशा वियें यशुद्धिएं गी हटाइयें उसी संस्कृत करी विन्दा ऐ उंग्रां गै संस्कारें दी समूह्-संस्कृति कुसें वी देसें दें लोकें च शरीरक मानसक ते बौद्धक शलैंपे दी स्थापना करी दिन्दी ऐ।

इक पश्चमी विद्वान टी. एस. इलियट हुन्दे अनुप्तार 'संस्कृति' (कल्चर) शब्द दा अर्थ कुसँ इक थाह्र किट्ठे रौह्ने आले लोकें दे जीने दा ढंग ऐ। उन्दी कला ते समाजक व्यवस्था च उन्दिएं आदतें ते रीति-रवाजें च, उन्दे धार्मक ते अध्यात्मक बचारें च संस्कृति दे दर्शन हुन्दे न। अस अपनी सुबधा लेई इनें सब्बनें गुणें ते कम्में दे कट्ठ गी संस्कृति आखी दिन्ते आं, पर असली च ए संस्कृति नेई संस्कृति दे अंग न। जियां शरीरक अंगें दा सनूह गैं मनुक्ख नेई हुन्दा, इन्दे सब्बनें शा बद्ध किश होर धनुक्ख खुआंदा ऐ, उस्सै चाल्ली रीत-रवाज, रौह्न-वौह्न, कला, धार्मक विश्वास वगैरा दे समूह थमां वक्ख किश होर वी ऐ, जिसी संस्कृति आखदे न।"1

मैथ्यू आर्नल्ड दे मनावक संस्कृति पूर्णता पासै लेई जाने आली बत्त ऐ।²

हर देनौ दी अपनी भी संस्कृति हुन्दी ऐ। कुसै वी देसै दी धरती ते उस धरती पर रौह्ने आले लोक उस देसै दा शरीर हुन्दे न ते संस्कृति उसदी आत्मा जां प्राण। उस संस्कृति दा इक मूल विचार विन्दु ऐ जेह् दे आले-दुआले उस संस्कृति दा वस्तार हुन्दा जन्दा ऐ। कुसै संस्कृति च 'त्यागवाद' दी प्रधानता हुन्दी ऐ ते कुसै च 'भोगवाद' दी। कुसै च 'प्रकृति'

¹ टी. एस. इलियट—नोटस् टूवर्डस् द डैफिनिणन ग्राफ कल्चर, पृ. 120 जी. एस. घुर्ये — कल्चर ऐण्ड सोसाइटी।

प्रमुख मन्ती जन्दी ऐ ते कुसै च 'ग्रध्यात्म' गी उच्चा दरजा दित्ता जन्दा ऐ।

देश ते समें दे भतावक संस्कृति दे सरूप च थोड़ा-मता फरक वी ग्रींदा रौंह्दा ऐ पर भूल रूप दा तत्त खतम नेईं हुन्दा । जुगें-जुमें दे संस्कारें ते परम्पराएं कन्ते नित नमें प्रजोग, नमें जीवन मुल्ल, निमयां खोजां ते स्थापनां जुड़ित्यां चलित्यां न । चिर सत्य ते जुगा दे सत्य, इनें दमें कंड्ढें दे बण्कार वगदी लंस्कृति दा प्रवाह् भै कुर्प देसे दे भौतक, बौधक ते ग्रध्यात्मक बकासें दी कहा शि वनदा ऐ । संस्कृति दा खेत्तर बड़ा व्यापक ते बशाल हुन्दा ऐ । संस्कृति कन्ते जुड़ें दे सभ्यता शब्द दा खेत्तर इन्ना वशाल नेईं । ग्रक्तर संस्कृति ते सभ्यता दमें शब्द प्रयार्यवाची समझी लैते जन्दे न पर दोनें च मता फरक ऐ।

सभ्यता जब्द सभ्य थमां बने दा ऐ ते सभ्य जब्द सभा थमां बने दा ऐ। मध्य दा ग्रर्थ ऐ कुसै सभा जा समाजै दा सदस्य। इंयां मध्यता इक समाजक गुण ऐ । समाजै इच कियां इक-दूए कन्ने वरतना, दूएं सामनै कियां उट्ठना-बौह्ना, रौह्ना, खाना, समाजै च कियां गल्ल-बात करनी, कनेह टल्ले लाइयै वाहुर जाना, ए सब सभ्यता दे ग्रंग न । सभ्यता दा मता सरवन्ध भौतक उन्नति कन्ने मन्तेग्रा जन्दा ए। जे कुसै देसै च मतियां छिड़कां बनी जान, रेल, मोटर, हवाई ज्हाज मते चलन लगी पौन, टेलीफून, रेडियो, टैलीविजन घर-घर होन, कल-कारखाने ते उच्चे-उच्चे मैहुल बनी जान तां इये ग्राखना चाही दा जे उस देसे दी सभ्यता ने वडी तरक्की करी लैती ऐ। जे सभ्यता दी इस उन्नित दे कन्ने-कन्ने लोकें च सचाई, इमान-दारी, संतोख, हिरख, प्यार, ग्रहिंसा, त्याग ग्रादि दियां भावनां बी बधी जान ते उन्दी रुचि साहित्य, कला ते अध्यात्म पासै बी बधा दी होऐ तां उस देसै दी संस्कृति वी उच्ची भन्तनी पौग । ए बी होई सकदा ऐ जे कूसै देसै दे लोक जंगलें च गै रौंह दे होन, जानवरें दी ख़ल्लू कन्ने जां बेलें-पत्तरें कन्ने शरीर ढकदे होन, कारें, हवाई-ज्हाजें थाह्र वैल-गड़ियां गै वरतदे होन पर सचाई ते प्रेम कन्ने सरीवार जिन्दगी गजारदे होत, ऐसे देसे दी सभ्यता भांएं नीमी होग पर सभ्यता उच्ची होत।

इंयां सभ्यता ते संस्कृति इक-दूए दे कन्ते-कन्ने वी चली सकदियां न चे इक-दूए दे वगैर वी चली सकदियां न। कुसै देसै ग्रास्तै दूए देसै दी सभ्यता दी नकल करी लैंने च मता जोर नेई पाँदा की छे स्रो बाह्रा दी चीज ऐ पर कुसै दी संस्कृति गी पूरी चाल्ली स्रपनाना मता कठन हुन्दा ऐ।

भारती संस्कृति दी प्रमुख विशेशता भीग ते त्याग दा समन्वय ऐ। इस धरती दे रिशिए-मुनिए परलोक सोग्रारने दी दिन्ता थी कीती ही ते इस दुनियां दे भोग भोगने शा वी मनुक्खें गी मना नेई हा कीता। शरीर ते ग्रात्मा, भौतकवाद ते ग्रध्यात्मवाद, भोग ते त्याग इन्दा जनेहा मेल इस देसै दी संस्कृति च थ्होंदा ऐ, उऐ जनेहा कुते होर नेई मिलदा। इत्थें धर्म ग्रर्थ, काम ते मोक्ष इनें सब्बनें दा टकोह्दा थाह्र ऐ। निरा धर्म ते मोक्ष गै संस्कृति नेई खोग्रांदे ग्रर्थ ते काम वी कन्ने जुड़े दे न ते चौनें दा सन्तुलन बनाई रक्खने दा जतन भारती संस्कृति दी विशेशता ऐ।

शरीर गी धर्म करने दा पैह्ला साधन मिन्नयै कालिदास ने इयै गल्ल ग्राखी ही। शरीरै दी सफाई कन्ने भुक्ख-त्रेह् दी सच्चाई गी वी नकारेग्रा नेई जाई सकदा। रुट्टी, कपड़ा मकान ए सब शरीरै दियां जरूरतां बी पूरियां कर्शनयां लोड़चिदयां न। भारती संस्कृति च इस्सै करी भौतक साधनें दी निदेशा नेई सगुग्रां प्रतक्ख जीवनै गी सोग्रारने गितै इन्दी जरूरत मन्ती गेदी ऐ। महाभारत च ग्लाए दा ऐ---

मनुष्यलोके यच्छ्रेयः परं सन्ये युधिष्ठर ।

परलोक दी गल्ल पिच्छुग्रां सोचनी लोड़चदी ऐ, पहुले इस मनुक्ख-लोक दे प्रतक्त्य जीवन गी शैल बनाने दी लोड़ ऐ। इस जीवन गी शर्लंप कन्ने भरने ग्रास्त गै नेकां कलां सिरिजयां गेइयां। भांत-सभांत दे खाने, टल्ले, गैह्ने-बन्धे, खडाला, पिक्खियां, करण्डू, बिन्ने, फलकारियां, रमाल, इस्से जीवन गी शैल ढंगै कन्ने जीने दी तांह्ग थमां पैदा हुन्दे न। तिहार मेले छिजां इस्से प्रतक्ख जीवने च रस भरदे न। बो, इस्से प्रतक्ख जीवने पर कहानी खतम नेई हुन्दी, ग्रो ग्रागों वी चलदी ऐ ते दूए लोकों दी चिन्ता बी करदी ऐ। धार्मक ग्रास्थां, बिश्वास, देवी-देवतों दी पूजा, सुरगै दी तांह्ग ते नरक दा डर, ग्रागले जीवन कन्ने जुड़े दे न। ज्याणें दे इस धरती पर जन्म लैने थमां पहलों गै उस लेई संस्कार शुरू करी दित्ते जन्दे न ते उसदी जिन्दगी दी जात्रा खतम होने परैंत बी उस लेई पिण्ड भरे जन्दे न ते सराध कीते जन्दे न।

एह् जीवन ते परलोक, कर्म ते सन्यास; प्रवृत्ति ते निवृत्ति, भोग ते त्याग, आशावाद ते संसार दो निस्सारता, ए वरोधी विचारें दे जोड़े भारती संस्कृति च रली-मिलियै चला करदेन। डा० मंगलदेव शास्त्री <mark>श्र</mark>पनी पुस्तक 'भारतीय संस्कृति का विकास' चते डा० रामधारीसिंह दिनकर होर 'संस्कृति के चार ग्रध्याय' च इनेंह् बरोधी बचारें दे मेल दा कारण आर्थसंस्कृति ते आर्थभिन्नसंस्कृतिएं दा मेल मन्नदे न । भारती संस्कृति दे विशाल ते ग्रथाह् समुन्दर च नेकां संस्कृतियां ग्राई मिली दियां न, बो दो बड्डियां संस्कृतिधारां ग्रार्य ते द्रविड न । ए धारां हुन इंयां इक मिक्क होई गेदियां न जे इक दे विश्वास दूई दे विश्वास बनी गेदे न ते ए पन्छानना गै कठन होई जन्दा ऐ जे केहुड़ा विश्वास मुलरूपै च किस संस्कृति दा हिस्सा हा। हिन्दूधर्म गी निगमागमधर्म इस्सै करी आक्षेत्रा जन्दा ऐ, की जे इस धर्म च वैदिक ते प्राग्वैदिक धार्मक विचारधारां रली-मिली गेदियां न। निगम दा अर्थ वैदिक परभ्परा ऐ ते आगम दा अर्थ प्राग्वैदिक काल थमां चली ग्रावा करदी वैदिक भिन्न सांस्कृतिक परम्परा ऐ। पुराणक धर्म च ए दमैं परम्परां थ्होंदियां न। रामायण महाभारत ते पुराणें च यक्ष, नाग, राक्षस, विद्याधर, पिशाच ग्रादि ग्रवैदिक जातियें दा वरनन मिलदा ऐ। ग्रमरकोशकार ने इनेंह् जातियें गी देवयोनियां मन्नी लैता ऐ।

वाद दे साहित्य च ऋषि ते मुनि, ए दमैं शब्द इक्कै अर्थ च बरते गेदे न पर शुरू च दौनें दे अर्थ च मता फर्क हा। वैदिक संहिता च ऋषि शब्द दा गै मता प्रयोग होए दा ऐ। मुनि शब्द घट्ट गै मिलदा ऐ ते उस दा ऋषि शब्द कन्ने सरबन्ध नेई ल'बदा। वैदिक ऋषि जीवन गी कर्म खेत्तर मनदे न ते उस दियां खुशियां पाने गित्तै सौ ब'रें थमां बद्ध जीना चाह्न्दे न। संसार ते उन्दे आस्तै सुखें ते नन्दें दा थाह्र ऐ पर दूए पास्सै मुनि संसार ते जीवन गी दुक्खें भरोचा मन्तदे न। मुनि शब्द कन्ने अक्सर ज्ञान, तप, योग. वराग जनेह् बचारें दा सरबन्ध दस्सेग्रा गेदा ऐ। गीता (2.56) ग्लाए दा ऐ जे मुनि ओ हुन्दा ऐ जिस दा मन दुक्खें च घवरा नेई, जिसी सुख दी लालसा नेई होऐ, जिसी राग, कोध ते डर नेई सतान, ते जिसदी बुढि स्थिर होऐ। ऋषि अक्सर गृहस्थी हुन्दे है। ऋषयो गृहमेधिनः। पुराणें च आइयै ऋषि ते मुनि इक्के अर्थें च वरतोन लगी पे दे न। डा॰

मंगलदेव शास्त्री हुन्दा ए ग्राक्खना ठीक ऐ जे भारती संस्कृति दियें ग्राध्यात्मकता, पारलोककता, ग्राहिसावाद जनेइयें प्रवृत्तियं दियां जड़ां वैदिकसंस्कृति दी तह थमां ख'ल्ल चिलयां जन्दियां न ते ग्रसें वैदिक संस्कृति ग्रागर गें प्राग्वैदिक, संस्कृति उप्पर वी मान करना लोड़चदा ऐ ।

दिनकर होरें ग्लाया ऐ—''म्रायें ते द्राविड़ें दे मेल करी भारती संस्कृति ने जेह्, ड़ा रूप धारण कीता उस्सै दी ए ताकत ही जे इस मेल दे वाद जेह (ड़ियां जातियां इस देसै च म्राइयां म्रो सब्बै इक-इक करिये भारती संस्कृति दे समुन्दरें च विलीन होई गेइयां। जियां थी जवाहर लाल होरें लिखेम्रा ऐ—इरानी ते यूनानी लोक, पार्थियन ते वैक्ट्रियन लोक, सीथियन ते हूण लोक, मुसलमानें थमां पैह ले म्रौने म्राले तुर्क ते ईसवी सन् दियें गुरू गुरू दिए सिदएं च म्रौने म्राले ईसाई, यहूदी ने पारसी ए सारे इक-इक करी भारत च म्राए ते उन्दे म्रौने पर समाजै च किश हलकी जनेई कम्बनी वी मसूस होई, पर खीरै च म्रो सब दे सब भारती संस्कृति दे महासमुन्दरें च गी विलीन होई गे। उन्दी कोई वक्खरी सत्ता नेई बची थीं

पुराणें च जिस ग्रवतारवाद दा वस्तार कन्ने वरनन ऐ उस च समन्वय दी भावना गै प्रमुक्ख ऐ! महात्मा बुद्ध बी विष्णु दे ग्रवतारें च गिनी लैते गेदेन। वैदिक देवता ते जनजातिएं दे देवता किट्ठे होई गेदेन जैन धर्म ते बौद्ध धर्म च ब्री हिन्दू देवी-देवतें दा जैनीकरण ते बौद्धीकरण करी लैता गेदा ऐ।

वैदिक जुनै दे वीर इन्द्र बौद्ध धर्म च ग्राहिसावादी वनी गेदे न ते वृद्ध दे दर्शन गित्तै धरती पर ग्रौन्दे न । ब्रह्मा बी बुद्ध दे भगत बनिये उन्दी प्रशैसा करदे न । रामजातक च राम गी बोधिसत्व दस्से दा ऐ । 'पउम चिरय' च बालि वरानी वनिये जैन धर्म दी दीक्षा लैन्दा ऐ ते सुग्रीव गी ग्राप् गै राज देई ग्रोड़दा ऐ । जैन ते बौद्ध पुराणें च राम कथा दे केई रूप मिलदे न । जिन्दे च ग्राहिसा दी महत्ता दस्सने दा जतन ऐ । बौद्ध ते जैन धर्म सुधारवादी ग्रान्दोलनें दे रूप च जरमे दे ते लोकें गी ग्रन्धविश्वासें थमां बचाना चाह्नदे हे, पर किश चिरै परैन्त ए दमैं धर्म ग्राम लोकें दी

^{1.} भारतीय संस्कृति का विकास, पु० 20

^{2.} संस्कृति के चार श्रध्याय, पृ० 97

मानता ग्रमों झुकी गे। तीर्थं करें ते बोधिसत्वें दी पूजा उस्से चाल्ली शुभ होई गेई जिस चाल्ली ब्राह्मण देवी-देवतें दी जां लोक देवी देवतें दी होग्रा करदी ही। जैन धर्म च ते बौद्धधर्म दी महायान शाखा च लोक प्रचलत विश्वास ते देवी-देवते शामल करी लैत्ते गे ते इंगा इक मिली-जुली संस्कृति विन्द-क वदले रूपै च सामने ग्राई।

मुसलमानें दे हमले तगर भारती संस्कृति दा ए रूप चलदा रेह् ग्रा पर मुसलमानें दे ग्रउनीं सदी च भारत दे सिन्ध प्रदेश च ग्रौने दे बाद इस्लामी संस्कृति बी इत्थें पुज्जी। जिसी हिन्दू संस्कृति ग्रपने च पचाई नेई सकी। जात-पात दे कटोर निजमें हिन्दू जाति गी कमजोर करी दित्ते दा हा। मुसलमानें दी जितू दे कन्ने-कन्ने इस्लाम बी इस देसै च ग्राया। तत्त्रवार दी ताकती कन्ने, जिज्ञया दे डरें कन्ने ते हिन्दुधर्म च ग्राई गेदियें कमजोरियें करी हिन्दुएं दी मती सारी ग्रवादी ने इस्लाम धर्म मन्नी लैता। हाकमें दे ग्रत्याचारें करी हिन्दुएं ते मुसलमानें च मेल-मलाप घट्ट गै होग्रा। अकवर ने मेल मलाप दी नीति गुरु कीती, ब ओ चली नेई सकी ते मुल्लें उसी इस्लाम दा दोही समझी लेग्रा ।

दिनकर होरें लिसेश्रा ऐ जे हिन्दू ते मुसलमान रली-मिलियै इक मिक्क ते नेईं होई सके व, फी बी दमैं जातियें दियां मितयां सारियां गल्लां इक्कै जनेइयां होई गेइयां। हिन्दुएं दे ग्रसर करी मुस्लिम समाजै च वी केई विश्वास ते रूढ़ियां ग्राई गेइयां। मुसलमान बी गजनी मियां, पंजपीर पीर वदर, ख्वाजा खिजिर ग्रादि देवतें दी पूजा करन लगी पे। मुसलमानें दे ए पीर ग्रक्सर ग्रां दे देवता बनी गे ते हिन्दू-मुसलमान सारे दरगाह, पर मत्था टेकन लगी पे। मठें दी नकली पर पीरें ग्रेखें दियां वी गिंद्यां चली पेइयां। रथयात्रा दी दिक्खा-दिक्खी मुसलमानें ताजिये कड्ढने ग्रुरु कीते, जिन्दा रवाज हिन्दुस्तान गी छोड़ियै होर कुतै नेईं। हिन्दुएं दी दिक्खा-दिक्खी मुसलमानें च वी उच्ची-नीमी जातियें दा भेदभाव आई गेग्रा ते ग्रेखें-सैयदें दियां धियां व्याह नियां वन्द करी दित्तियां। वेश-भूगा रीति रवाज ते राह ने-वौह ने दियां ग्रादतां रली मिली गेइयां। ग्राहंसा दा ग्रसर सूफियें पर इन्ना पेग्रा जे उनेंह मास खाना वी छोड़ी दित्ता। इस्लामिया सम्प्रदाय

^{1.} संस्कृति के चार ग्रध्याय, पृ० 388

दे खोजा लोकें हजरत ग्रांजी गी विष्णु दा गै दममां श्रवतार मन्नी लैता। वंगाल दे वाडल हिन्दू ते इस्लाम धर्म दौनें दे नजदीक न। राजपुताने ते ग्रांगरा जिले दे मलकाना राजपूत मुसलमान राम नाम वी जपदे न ते दरगाहें उप्पर वो जन्दे न। हिन्दू धर्म दे केई सम्प्रदायें उप्पर वी इस्लाम दा मता ग्रांस र पेग्रा, जियां सिद्ध सम्प्रदाय उपार भारती संगीत कला, चित्र कला ते वास्तुकला उप्पर वी इस्लाम दा ग्रांसर पेदा ऐ।

ग्रापसी मेल-जोल कन्ने पनपो दी इयै संस्कृति पूरे भारत दी संस्कृति ऐ जेदे च केई भागां, धर्म, विश्वास, रीति-रवाज इक दूए दा प्रभाव लेइयेँ ग्रगडे वधा करदे न। डा० वासूदेवशरण ग्रग्नवाल होरें सच गै ग्लाया ऐ ''पता नेई किन्नियां चीजां ग्रायें, द्राविडें क्या ते द्राविडें ग्रायें क्या, ते मार्ये द्राविड़ों, निशादें कशा ते निशादें इन्दे कशा लैती दियां न । कुल रेवता, ग्रामदेवता, नगरदेवता ते नदी देवताएं दी ग्रापसै च इयै जनेई गड़-मड़ होई गेदी ऐ जे स्रो सारे समूचे देसै दे बनी गेदे न । जेहुदी जनेई इच्छेस्रा ऐ, उन्नै उसै चाल्ती मन्नी लैता ऐ। जियां बरसान्तीं हर बरै नदी मिट्टी दी तंह् अपने कंढै वछाई दिन्दी ऐ उस्सै चाल्ली जुगै-जुगै गा बचारें दियां नेवां तैंहीं भारती संस्कृति च किट्ठियां होई दियां न । ग्रज्ज उन्दी वक्खरी-वनखरी पन्छान कड्ढनी गैर मुमकन नेई ते कठन जरूर ऐ। संस्कृति दी ए प्रभावशाली प्रक्रिया भै हिन्दूधर्म दी बत ऐ। इसदा सब्बर्ने शा भरोए दा रूर पुराणक हिन्दूधर्म ऐ। ए इक्क बशाल जंगल ऐ जेदे च लीह की जनेई दर्भ थमां लेइये देवदार दे सौ-सौ फुट उच्चे रुक्ख खड़ोते दे न । सब्बै अपनी-अपनी संधा दे चौधरी न ते हस्सी-हि सयै सूरजै दा स्वागत करा करदेन । इक्कै व्हा उनेंह् सबनें गी झूटे देश्रा करदी ऐ ते इक्कै जनेड्यां बरखा दियां बंदां उन्दे शारीरें गी हरे-भरे करा करदियां न। सब्बनें दे जीवन रस दा स्रोत इस्सै धरती च ऐ। इस्सै चाल्ली सबनें जन - जातियें दियां संस्कृतक जड़ां इस्सै देसै दी धरती कन्ने जुड़ी दियां नै।

समूचै देसै च व्यापी दी इयै भारती संस्कृति देसै दे बक्खरे-बक्खरे हि-सें च रंग-बरंगें टल्ले लाइयै मंगलगीत गा करदी ऐ। मूंहें दे बोल भाएं

संस्कृति के चार श्रष्टमाण् पृ० 471—482 भारत की मौतिक एकता पृ० 129-30

वक्खरे-वक्खरे न, व, मनै दी भाशा इक्कै ऐ। उत्तर- पच्छमी प्हाड़ें दी गोदा वस्से दे डुग्गर देस्सै दो सस्कृति वी इस्सै वशाल संस्कृति दा इक लौह्का नेह्या रूप ऐ। डोगरी भाशा ते डुग्गर संस्कृति दा खेतर जेह्ड़ी भूम ऐ ग्रोदे च पीरपंजाले दे दक्खन पास्सै दा सारा जम्मू सूवा हिमाचल दे बलासपुर, चंबा कांगडा, कुल्लू, मण्डी सुकेत, ऊना-हम्मीरपुर दे लाके, पंजाब दे गुरदासपुर ते होशियारपुर दे विस्तृत इलाके, पाकिस्तान दे किश हिस्से जफरवाल ते शकरगढ़ तसीलां ते स्यालकोट दे उत्तरी हिस्से औन्दे न । प्राचीन ग्रन्थें च इस भूम दे नां उदीच्य मद्र, केकय, त्रिगर्त, कुलूत, वाहीक, आरट्ट, दार्वाभिसार घ्होन्दे न । वेदें च शतुद्री (सतलुज) बिपाशा (ट्यास) असिक्नी (चनाव) ते परुष्णी (रावी) दे उल्लेख मिलदे न । मरूदृधा दा वी जिकर ऐ जेदी पनछान किश्तवाड च वगने ग्राली मरूवर्धान नदी कन्ने कीती जन्दी ऐ। महाभारत ते पुराणें च मद्रदेश ते दार्वाभिसार दा केई वारी जिकर म्राए दा ऐ। महाभारत दे सभापर्व च दर्व ते औदुम्बर जातिएं दा उल्लेख ऐ, जिनें-क युधिष्ठिर गी मते उपहार दित्ते हे । औदुम्बरें दे सिक्के पठानकोट कोला मिले दे ना पाणिनि दी अष्टाध्यायी च मद्र दा ते इत्युम्रां दे दो नदें उद्य (उज्झ) ते भिद्य (वई) दा उल्लेख ऐ। नीलमतपुराण विष्णुधर्मोत्तरपुराण, वायुपुराण, मत्स्यगुराण, वामनपुराण ग्रादि केई पुराणे च इस प्रदेशें दिएं नदियें राबी, चनाव, देविका ग्रादि दे उल्लेख मिलदे न । विष्णुधर्मोत्तर पुराण च वर्णन मिलदा ऐ जे गन्धर्वे केकय देश दे राजा युधाजित् गी तंग कीता दा हा । उसने रामचन्द्र जी ग्रग्गें प्रार्थना कीती ते उने भरत गी केकय देस भेजेग्रा। भरत होर ग्रयोध्या थमां चले ते गंगा-जमना पार करिये कुल्क्षेत्र पुज्जे । उत्थुम्रां ग्रम्में वधदे होई सतलुज व्यास ते राबी पार करिये देविका नदी दे कंढै पुज्जे। ड्ग्गर शब्द दा जिकर ते पराने ग्रन्थें च नेईं थ्होन्दा । आरमीं मदी दे चम्वा दे म्राभिलेखें च 'दुर्गर'

यैवदेवी उमा सैव देविका प्रार्थता भुवि
 मद्राणामनुकम्पार्थं भविद्भिरवतारिता ।। नीलमत क्लोक

^{2.} इरावतों शीघ्रगमां: अरतोऽपितया ययौ । उत्तीय तां ययौ शीघ्र देविकां पापनाशिनीम् ॥

विष्णुधर्मोत्तरपुराण ग्र. 201. श्लोक-35

शन्द रावी ते चम्बा निदयें दे बश्कारले हिस्से दे प्रदेश ग्रास्तै बरतोए दा ऐ। इऐ दुर्गर शब्द डुग्गर च बदलोई गेदा ऐ। इस प्रदेशै दे त्रै टकोदे हिस्से न। प्हाड़ी लाका, कंढी दा लाका, ते मदानी लाका। प्हाड़ी लाके दे किश मश्हूर नग्गर न—रामबन, बटोत, भद्रवाह, किश्तवाड़, उधमपुर, रियासी, रामनगर, रामबन, चम्बा, धर्मशाला ते कुल्लू। कंढी दे लाके दे किश शैह्र न—जम्मू, साम्बा, कागड़ा, बसोह्ली, नूरपुर, ते मदानी लाके च रणवीर सिंहपुरा, गुरदासपुर, पठानकोट, होशियारपुर वगैरा ग्रीन्दे न।

जातियां ते पेशे: - इस धरती पर केई जातियें दा बस्सना इतिहास थमां सिद्ध हुन्दा ऐ। डुग्गर च प्रचलत नागपूजा थमां अनुमान लगाया जन्दा ऐ जे नाग - लोक इत्थुआं दे पराने बसनीक हे। त्री चौथी सदी दे शृद्ध महादेव दे लोहे दे खम्भे पर खुदे दे शिलालेख च बी नाग राजे दा जिकर ऐ । यक्ष, किन्नर आदि प्रागैतिहासक जातियां ते इितहासक जुगै दियां भ्रौदुम्बर, मद्र, वाहीक, दर्व, त्रिर्गत, यवन, शक, हूण, खश, गुर्जर, टक्क, ठक्कर, स्रादि केई जातियें दे लोक इत्थुस्रां दे बसनीक बनदे रेह् ते उनें रली-मिलियै, जिस संस्कृति गी समरिद्ध कीता, उयै डुग्गर दी संस्कृति ऐ। इतिहास दे दौरें च केई लौह्के-लौह्के राज बने ते त्रुट्टे, केई बिदेशी जातियें दे हमले होए, ते केई कबीले भारत दे दूएं हिस्सें थमां इत्थुग्रां प्हाड़ें च शरण लैने गी औन्दे रेह्। ग्रखनूरा दे कोल ग्रम्बारां थमां मिली दियां कुशान काल दियां मूर्तियां, पठानकोट कोला मिले दे भौदुम्बरें दे सिक्के. किरमची ते बबौर दे मन्दर, बसोह् ली नूरपुर ते कांगड़े दी चित्तरकला दे शानदार नमूने, ए सब डुग्गर दी संस्कृति दे बकासै दे गवाह् न । इस संस्कृति च ग्रादिम समाजै दे नशान बी मिली जंदे न ते बीह् मीं सदी दे रेडियो, ट्रांसिस्टर, टैलिविजन बी ल'ब्बी जंदे न । गुज्जर, बकरवाल, गद्दी, कोरू-सांसिये, पेरने वाजीगिर, ग्रादिम-कवीलें दे रौह्न-बौह्न दा नमूना ग्रज्ज बी दसदे न। ग्राएं च रौह्ने आले मते पेशेवर जियां कम्हैर, चमैर, लुहार, तरखान, जुलाहे अर्जे वी इक दूए गी जरूरते दियां चीजां बस्तां बनाई दिन्दे न ते पैसे बिजन गै मता सारा कम्म चलाई लैंदे न। गुज्जर, बकरवाल, गद्दी ते प्हाड़ी लाके दे होर केई करसान जातिएं दे

^{1.} शिवनाथ---हिस्ट्री ऋाँफ डोगरी लिट्रे तर पृ० 2.

लोक अज्जकल वी खानांबदोश न ते सोहे अपना माल लेइये धारें गी चली जंदे न ते स्याले ख'ल्ल मदानें ढली औंदे न।

इग्गर दे मते लोक करसानी ते फौजा दा कम्म करदे न। राजपूतें च ज्यादा लोक फौजै च गै भरथी हुन्दे न। बै ह्यानें दा ग्राम पेशा करसानी ऐ जां नौकरी। महाजन मते वपारी न ते वाकी लोक लुहार, तरखान, राजड़े, चमैर, कम्हैर, सनैर, मजूर, वगैरा न। जेह् ड़े थाह् रें उन्न सक्खर थहोंदी ऐ, उत्थुआं दे लोक कम्बल पट्टू वी बुनदे न। गद्दी, वकरवाल ते भिड्डां-वकरियां पालदे न। गुज्जर गमां-मेहियां पालिये दुद्ध-पनीर घ्यो दा कम्म करदे न। कोल्ली, करसानी दे कन्ने लुहारी-तरखानी वी करदे न। किशा लोक करसानी दे कन्ने-कन्ने रेशम दे कीड़े पालने दा जां गणें दियां मिक्खयां पालिये मखीर त्यार करने दा, जां घा दे बिन्ने करण्डू छिक्कू-चटाइयां वगैर बनाने दा कम्म करिये गजारा करदे न। आर्थक नजरी कन्ने डुग्गर दे ग्राम लोक पसमान्दा न। धनी करसाने ते वपारियें दी गिनतरी घट्ट गै ऐ। मते लोक करसानी जां मजूरी चा खिच्ची-ध्रूडियें गजारा करदे न। राजे-माह्राजे ते बड्डे जमींदार बी हुन नेई रेह्। शैह्र रें च जरूर किशा बड्डे ओह्देदार, ट्रांसपोर्टर, ते वपारी ऐशै दी जिन्दगी गजारने दी समर्था रखदे न।

धार्मक-विश्वास: जुगर च केई धर्में ते विश्वासें गी मन्नने याले लोक रौह्न्दे न। हिन्दू, मुसलमान, सिक्ख सब्बनें गी अपने-अपने ढंगें कन्ने पूजा - पाठ करने दी ते मंदर, मसीत, गुरहारे बनाने दी अजादी ऐ। की जे इत्थुआं दे मते बसनीक हिन्दू न, इसकरी हिन्दू धर्म दे देवी - देवतें दी पूजा मते थाह्रें ल'बदी ऐ। इस हिन्दू धर्म च शास्त्रें च बरने दा धर्म ते लोकधर्म, दमें रली - मिली गेदे न। शिव, विष्णु, शक्ति, राम ते कृष्ण दे कन्ने - कन्ने केई थानी देवतें, नागें, यक्ष, वीरें, दह्रे-देहरियें दी पूजा हुन्दी ऐ। पुरमण्डल, उत्तर बैह्नी, शुद्ध महादेव, बसोह्ली, बलौर, महानपुर दे शिव मन्दरें च बड़ी मानता कन्ने शिवें दी पूजा हुन्दी गै ऐ। इंदे इलावा ग्राएं ग्राएं च देह्रे मिलदे न, जिंदे च शिवलिंग गी पूजेआ जंदा ऐ। व्हाड़ें च शिवें दी जातर वी चलदी ऐ। भद्रवाह् च वासकुण्ड, चन्तैनी च शुद्धमहादेव, रियासी च पौनी भारख दी शिवगुफा, पुंछ च बड़ढे अमरनाथ ते चस्वा च मनम्हेश

दियां जात्तरां प्रसिद्ध न । जम्मू दे पीरखोह. रणवीरेश्वर ते पंजवकतर शिवें दे मश्हूर मंदर न । ग्रखनूरै च दरया दे कंढै कामेश्वर शिव दा मंदर ऐ । काला देह्रा च बी इक शिव मंदर ते शिवः**ला** ऐ ।

विष्णू दी पूजा वी डुग्गर च केई थाह्रें हुन्दी ऐ। अखनूरा थमां मिली दियें परानी मूर्तियों च त्रै मुंह् आली विष्णु दी मूर्ति वी मिली दी ऐ। जम्मू दे प्रसिद्ध रघुनाथ मंदर च विष्णु दे दस्सें अवतारें दियां मूर्तियां स्थापत कीतियां दियां न। मच्छ, कच्छ, कूर्म, वामन, वराह, नर्रासघ, राम, कृष्ण, नारायण दियां विष्यां गैं शैल मूरतां न। जम्मू कशा दस मील दूर सूई सिम्बली दे मंदर च राम-सीता दियां मूरतां न। जम्मू, घघवाल रामनगर, उधमपुरै कच्छ 'कौघ' ग्रां च नर्रासघें दे मंदर न ते उत्थें इस औतार दी मानता च मेले वी लगदे न। रियासी दा पराना राधाकृष्ण दा मंदर वी मश्हूर ऐ। डुग्गर दे लोकगीतें च राम कृष्ण दी चर्चा वैष्णव धर्म दा जन-जीवत कन्ने सरवन्ध दस्सदी ऐ। पुत्तर जरमने दी खुशी च गाई जाने अशिवयें विहाइयें च पुत्तर जनम गी कृष्ण जनम कन्ने जोड़ियै जागतें दे बावल गी वसुदेव जां नन्द ते माऊ गी देवकी जां जसोदा मन्नेआ गेदा ऐ जियां:—

घर नन्द दे बज्जन बधाइयां, घर नन्द दे जी।

कृष्ण जी दे जीवनै दियां घटनां, जियां उन्दा जेल्लै च जरम, गोकुल जाना, गवें गी छड़ाना, जमुना दा पानी सुकाना, मथरा च कैंस गी मारना लोकगीतों च मिलदियां न :—

> कृष्ण जदूं लेग्रा ग्रवतार कम्बेग्रा कैंस दा दरबार खुं त्ले जंदरे, बुटियां हत्थकड़ियां वसुदेव उसलै ग्रक्खों दे तारे गी गोकल लई चले राजदुलारे गी करियै जमना पार ।

इस्सै चाल्ली ब्याह् मौके गाए जाने ग्राले लोकगीतें, घोड़ियें, सुहार्गे च राम-सीता दा मता जिकर ग्रौन्दा ऐ:—

> बर होऐ सिरी राम लशमन देर होऐ, मात कौसल्या होऐ, सस्स सौह्रा जसरथ होऐ।

में ते मंगनियां जुधेश्रा जी दा राज, पंयूड़े बैठी हुकम करां।

दयाली, जन्माण्टमी, रामनौमी, दसैंह्रा, गवर्धन पूजा ग्रादि ध्यार विष्णू पूजा कन्ने सरवन्ध रखदे न ।

शक्ति दी पूजा दी डुगार च वड़ी महत्ता ऐ। कटड़े कच्छ वैष्णो माता दा भवन ऐ। लक्खां लोक हर व'रै माता दे दरशनें गी ग्रीन्दे न। डुगगर दे गै तेई भारत दे हर हिश्से थमां, देवी दे भगत इस त्रिकृटा प्हाड़ी पर बड़े भगती भाव कन्ने पैदल जात्तरा करदे न ते भेटां चढांदे न । वैष्णो माता दे वति-गीत वी भेटां खुम्रांदे न । वैष्णो देवी दे भवन उप्पर मास-मच्छी दा सेवन वर्जत ऐ ते वैष्णो दे भगत अक्सर जाकाहारी हुन्दे न। जम्मू च तवी दे पार बाह्रवे ग्राली माता दा मन्दर ऐ। उत्थें माता दी पूजा महाकाली दे रूपै च होंदी ऐ। पह लें छिल्लुएं उप्पर पानी दा छट्टा देइये वल मन्नी लैती जन्दी ऐ। साम्बे दे कच्छ चीची देवी दा मन्दर ऐ। कठूए दे कच्छ पड़ोल ग्रां च वालासुन्दरी दा मन्दर ऐ। वलीर थमां दस्स किलोमीटर दूर प्हाड़ी उप्पर म'त्ल देवी जां सूकराला देवो दा मन्दर ऐ। किश्तबाड़ च ठारां-भुजी सरथला देवी दा मन्दर ऐ। महानपुरै च जगदम्बा देवी दा मन्दर ऐ। म्हाचल च ब्रजेश्वरी माता, ज्वालामुखी देवी चिन्तपूरनी, नैना देवी ते छतराड़ी दे मन्दर मिलदे न ते इंयां डुगगर च थाह्रें-थाह्रें मात्री गिक्त दी पूजा हुन्दी ऐ। कुसे ना कुसै रूपै च देवी दी पूजा हिंगुलाज थमां कामाक्षा ते शारदा थमां कन्याक्मारी दे खेतरै तगर पूरे प्राचीन भारत च पैली दी ही। ग्रज्ज बी ए देवीपीर भारती संग्कृति च एकता दे सबूत वने दे न । ड्ग्गर धरती दा सरवन्ध पूरे भारत कन्ने जोड़ने ग्राला वैष्णवी देवीपीठ बक्खरी-बक्खरी बोलियां बोलने म्राले केई प्रांतें दे लोकें दी मलाटी दा केन्दर ऐ।

पुराणक देवतें दे कन्ने-कन्ने डुग्गर दे केई वीर वलदानी, सैत, महात्मा, पीर, सितयां, देवतें ग्रांगर पूजे जन्दे न । हर ग्रां च कोई ना 'वोई देह् रा-देह् री, समाध जां पिवत्तर थान क्सै ना कुसै दी सुच्ची सम्हाल लेइयै वराजमान ऐ। ग्हार ते काह्ने चक्क बावा जित्तो दे पिवत्तर थाह्र र न । ग्हार वावा जित्तो दा जनम स्थान ऐ ते काह्नाचक्क दे लागै झिड़ी उंदी दलदान-भू ऐ, जित्थें उस बैह्मण करसान ने बे-न्याई दा मकादला ग्रंपनी

जिंद गवाइयें कीता हा । जित्तों दा लाड़ली धी वूम्रा कौड़ी ने वी उत्थें भी बब्बे कन्ने प्राण छोड़ी दित्ते हे । झिड़ी च हर ब'रै कतक पुन्नेम्रां भी जहारां लोक उत्थें जाइयें मनौतियां मनदे न ते भेटां चाढ़दे न । म्रखनूर तसीलें च डागेह्रा मां च वावा मेईमल्ल दा थाह्र ऐ । कठूम्रा तसीलें च वावा थोलू दी समाध ऐ, जिसदी वाल उमरी च बेन्याईं कन्ने हत्या करी दित्ती गेई ही । रयासी दे लागे वीर बन्दा बरागी दा थाह्र ऐ । मुट्ठी दा दाता लीखो, म्राकलगुर दा दाता सुक्खो, मढ़ दे दाता भीखो, दाता हल्लो, मियां धनिया ते खिचड़ी राईं, स्मैलपुर दे मन्दूकड़ी म्राले बावा, इयें-जनेह् केईं वलदानिएं दे थाह्र शरधा कन्ने पूजे जन्दे न ।

'नाथ पंथ' दा प्रभाव केई डोगरी बारें ते कारके च नजरी श्रौंदा ऐ। राजा मण्डलीक दी बार च रानी बाशला गी गुरु गोरखनाथ दी पूजा करिये गुगा पुत्तर थ्होंदा ऐ। राजा होड़ी दी कारक च राजा बरागी होइये गुरु गोरखनाथ दी शरनी जन्दा ऐ। बाबा सिद्ध गोरिया कारक च इक खूनी बादणाह गुरु गोरखनाथ दे चमत्कार दिक्खिये उन्दा शिश्य बनी जन्दा ऐ। बिरपानाथ कारक च गुरु गोरखनाथ दी पुरमण्डल दी जात्तरा दा बरनन ऐ। इनें कारकें ते बारें च गुरु गी अन्तरयामी ने चमत्कार करने आला दस्सेआ गेदा ऐ। जम्मू च तबी दे कंढे शिव मन्दर च नाथें दी गद्दी ऐ। तिलोतलाऽ उप्पर बाबा सहजनाथ दा मन्दर ऐ, हीरानगर दे लागें जांडी ग्रां च बी सहजनाथ दा थान ऐ। रणबीरसिंहपुरा दे लागें तबी दे कंढें कालली उप्पर सिद्ध जोगी विरपानाथ दी समाध ऐ। साम्बे दे नेड़ें राड़ा ग्रां च कपला पीर दी गद्दी ऐ, सिद्ध सुआंखा ग्रां च बाबे सिद्ध गोरिये दा थान ऐ।

केई पीरें दे थाह्र वी डुग्गर च शरधा करने पूजे जन्दे न । हिन्दू, मुसंलमान उत्थें दिय्ये वालदे न ते झंडे चाढ़दे न । गुमट दरवाजे कच्छ, जम्मू च पीर रोशन शाह वली दा मकबरा ऐ, जिसदी बड़ी मानता ऐ। पीरिमिट्ठे च पीरिमिट्ठे दी मसीत ऐ, सतवारी लागै पीर वाबे दा थाह्र ऐ, साम्बे लागै गरीब शाह्दी मजार दी ते कठूए च पीर फाजिल शाह्दी मजार दी मानता ऐ। भद्रवाह, किश्तवाड़ च शाह् फरीदुदीन, शाह्य ग्रमीरूदीन शेख, ग्रैनुदीन वली ते होर केई पीरें दी मानता ऐ।

सिन्धु सभ्यता थमां चलकी ग्रावा करदी 'नाग पूजा' डुग्गर संस्कृति दा खास हिस्सा ऐ। संसार दे मते देसें च नागैं सरवन्धी लोककत्थां

थ्होन्दियां न ते इंग्रां सेई हन्दा ऐ जे नागपूजा केई म्रादिम जातियें च प्रचलत ही । वैदिक साहित्य च इन्द्र ते वृत्र दी लडाई दा यरनन मिलदा ए। उस्सै चाल्ली दी लडाई सूमेर बेबोलीनिया च वेलमददुक ते नियमन वण्कार, मिसर च रे ते एयोप वण्कार, यूनान च ग्रपोलो ते फाइकोन वश्कार, ते इरान च फरदियम ते अजीदहक वश्कार होने दे वरनन थ्होन्दे न । किश विद्वान जियां बैनर्जी (ग्रसुर इण्डिय। पृ. 96), ए० सी० दास (ऋग्वैदिक कल्चर पु. 167) नागें गी आर्यवंशी मन्नदे न । प्रिर्यसन उनेंह् गी अनार्य मन्नदे न (पैजाची, पिशाच एण्ड माडर्न पिजाच - जैड०डी०एम० जी॰ भाग 66 प्. 72) नाग भाएं ग्रार्य हे ते भाएं ग्रनार्य, रामायण महाभारत ते पुराणें च ग्रो भारती संस्कृति दा महत्वपूर्ण हिस्सा वनी गेदे न। नागें दी पूजा करने करी जां जाति दा नशान होने करी उनें गी नाग ग्लाया जन्दा होग। नीलमत पुराणै च छे साँ थमां उप्पर नागें दे नां थ्होन्दे न ते नागें गी कश्मीर दे ग्रादिवासी दस्से गेदा ऐ। वासुकिपुराण च वासक नाग दी कथा ऐ। डुग्गर धरती पर थाह्रें-थाह्रें नाग देवतें दे मोह्रे थ्होन्दे न । ग्राएं-ग्राएं च संधें जां वौलिएं उप्पर नागदेवतें दियां मुरतां थ्होंदियां न जिन्दी पूजा कीती जन्दी ऐ। भद्रवाह् च वासक नाग दे बहु मण्हर मन्दर भद्रवाह शैहर, गाठा ग्रां ते नाल ही ग्रांच न । इन्दे इलावा मते सारे नागें दे देह्रे केई ग्राएं च बक्खरें-बक्खरें नाएं कन्ने पूजे जन्दे न। चश्में ते बौलिएं कन्ने वी नागें देनां जुड़े देन। केई लोक विश्वास इनें नाग देवतें कन्नें सरवन्ध रखदे न । नागपैंचर्मा दा ध्यार खासकरी नागें दी पूजा दा ध्याड़ा हुन्दा ऐ, जिसी पूरे डुग्गर च मनाया जन्दा ऐ।

दैवी शक्तियों दे कन्ने-कन्ने राकशी शक्तियों थमां डरे दा माह् न् उन्दी वी पूजा करदा ऐ। डुग्गर दी भलोकी जनता राक्षश भूत-प्रेत मसानें पर वी जकीन करिय, उनेंगी परिसन्न करने ग्रास्तै जां दूर करने गितैं जतन करदी ऐ। ग्रन्थ विश्वास दे इस न्हेरे जीवनपक्ख कन्ने वी किश ना किश सुरताल जुड़े दा ऐ। भूतप्रेत कड्ढने ग्राले संगीत दा प्रयोग करदे न, जिसी लैंह् रां, वैंसक, गददी मुहार ग्लांदे न। कैंह् दी थाली कन्ने तेज-तेज वजदी डोलकी सुनियें सरकंडे उंब्बरी ग्रौन्दे न। 'हाड़ी लाके च लोक ग्रक्सर बमारियें दा कारण इंयां समझदे न जे कुसै दुश्मनी रक्खने ग्राले ने जड़ो मरधूड़ वगैरा खलाई दित्ती दी ऐ। ग्रो हकीम डाक्टर कच्छ नेई जंदे कुसै जोगी, दयाले, वजैन्त्रो गी बलाइये जिड़्यां नचान्दे न।

धार्मक भेले ते ध्यार : रितुएं, देवी-देवतें ते इतिहासक महापुरखें कन्ने जुडे दे मेले-ध्यार ते जात्तरां डुग्गर संस्कृति गी इक रंग-वरंगा गुहाड़ दिदे न । लोक-गीत ते लोक-नाच इनें मेलें-ध्यारें दी जान हुन्दे कारकां-बारां गांदे जोगी-गारड़ी ते दरेह्स समां बन्नी स्रोड़दे न। क्तै सरवने दी बैंह्गी फिरदी ऐ ते कृते भैरों दी फेरी दिती जन्दी ऐ। कृतै देवी-देवतें दी जात्तरा चलदी ऐ ते कुतै पीरें दे पोत्ते झंडे ते ढोल-ढमाके कन्ते चलदे न । कुतै भांगड़े दा रंग मचदा ऐ ते कुतै रौंस ल'बदी ऐ । कुतै माता दियां भेटां गांदियां भगतें दियां टोलियां चलदियां न ते कुतै खु'ल्ले चगानें च ऋरगा वालियै चेले-दयाले बलदी ग्रग्गी च नाच करदे न। वैष्णोदेवी दी जात्तरा ते सारा व'रा गै चलदी रींह्दी ऐ ते भौन दियां प्हाड़ियां भेटें ते जैकारें कन्ने गूंजदियां रौंह दियां न। बाबा जितो दी यादिगरी च झिड़ी दी जात्तर कृते दी पून्नेग्रा थमां लेइयै चार-पंज दिन चलदी ऐ। पुन्नेग्रा ग्राले दिन उग्हेरा ग्रां (ग्रखनूर) च वावा मेई मल्ल दी जात्तरा चलदी ऐ। नरातें च वैष्णो देवी दे इलावा चीची देवी (सांवा), वाला मुन्दरी (कठ्या), मुकराला देवी (बलौर) ते होर देवियें दे भौनें दियां जातरां वी चलदियां न । चेतर-चोदेग्रा गी परमण्डल, उत्तरवैह्नी, उधमपुर, सुद्धमहादेव, रामनगर, मानसर ग्रादि केई थाह् रें मेले लगदे न। बसाखी, दयाली, शिवरात्री, नागपैंचभी, गुरगेत्रा नौमी, कृष्ण जन्माण्टमी, दशैह्रा, लोह्डी, वसैंतपैंचभी, होली, शबे - बरात, ईद, गुरुपरव, रिवदास जन्मदिन, महाबीर जयन्ती, ग्रादि केईं ध्यार इग्गर च मते जोर-शोर कन्ने मनाए जन्दे न । भद्रवाह च कपलास कुण्ड दी जात्तरा भाद्रों दी ह्योस्ती गी चलदी ऐ, जेदे च दूरा-दूरा दे लाके दे लोक शामल ४-दे न वासकनाग दी पूजा सरवन्त्री ए जात्तरा वड़ी मश्हूर ऐ। रक्खड़पुन्नेग्रां गी बुड्ढे ग्रमरनाथ (पुंछ-रजौरी) दी जात्तर हुन्दी ऐ। ए प्रारियां जातरां डोगरी प्हाड़ी लाके दे लोकें दी धार्मक भावना ते कश्ट-कसालें भरोचे जीवन वी किश खुणी ते मस्ती ग्रानने दी तांह्ग दसदियां न । इनें जात्तरें त्र दूरा-दूरी दे ज्हारां लोक किट्ठे होइये देसै दी एकता दा प्रमान बी दिन्दे न । इंग तीरथ जात्तरा भारती संस्कृति दा इक खास पैह्लू ऐ जेदेकरी इस धर^त पर रौह्ने स्रालें दा पवित्तर सरबन्ध धरती कन्ने बन दा रौंह्दा ऐ।

भूम उनें गी मिट्टी ते पत्थरें दा ढेर नेई' इक सजीव शक्ति परतीत हुन्दी ऐ।

नत्त बरत संस्कार: ड्रगर च मनाए जाने ग्राले बरत-नत्त ते परबारक संस्कार वी बशाल भारती संस्कृति दा ग्रग न । नरातें च नाज छोड़िये फलोहार खाने दा रवाज ऐ। लीह कियां-लीह कियां कुड़ियां झुण्ड वनाइये रोज बहुले नदी न्होन जन्दियां न ते तरकालें किट्टियां होइये ग्रपने ग्रपने घरादाग्रान्दीदीरुट्टी खन्दियां न । इयां बचपने थमां संजम ते सामूहक जीन जीने दा ढंग सिक्खी लैता जन्दा ऐ । डुग्गर च जनानियां स्राये दिन कोई ना कोई बरत-नत्त स्रपने बच्चें, पति, घरै दे लोकें त माल-बच्छें दी सुख-शांति ग्रास्तै रखदियां न । हरदालका, होई भुगा, बच्छुदुग्राह्, बिद्धी दा बरत, इये जनेह् बरत न, जिन्दे च जनानियां अपने वाल-बच्चें दी मंगल कामनां करदियां न । करेग्राचौथ पति दी बड्डी उमरी ग्रास्तै रखदियां न । ब्यास पुन्नेग्रां च गुरु जां परोह्त दी पूजा कीती जन्दी ऐ। जन्माश्टमी ते रामनौमी दे बरत कृष्ण जी ते रामचन्द्र जी दे जन्मदिन मनाने गित्तै रक्खे जन्दे न । द्रुब्बड़ी दा बरत घरै दे मर्दें-जागतें श्रास्तै रक्खेत्रा जन्दा ऐ। नागपैंचमी दा बरत नागें दी पूजा च हुन्दा ऐ। इन्दे इलावा केई लोक हर संगार जां मंगलवार नत्त रखदे न। पुन्नेग्रा जां कास्ती गी बी बरत रक्खेआ जन्दा ऐ। इयै जनेह् नेकां बरत, नत्त ते धर्म-ध्याङ्रे डुग्गर संस्कृति दी बशेशता न । हर बरत कन्ने दान-पुन्न करने दा बड़ा म्हात्तम मन्नेग्रा गेदा ऐ । करेग्राचौथ ते विद्धी गी सस्सू गीवेग्रादित्ताजन्दाऐ। नमींफसलग्रौनेपर खारका दित्ता जन्दा ऐ। कोई निश्चा धारिये पूरा साल हर म्हीने दी सरगांदी बेग्रा देने दा रबाज बी ऐ, जियां सस्सू गी ठूठी देने दा, सोह रे गी पतासे देने दा, ज्याणें च सौंगी वगैरा वंडने दा, पैह रेदारे गी रुट्टी, कम्बल देने दा, गली च दिय्या बालिये टकाने दा । बारा-संरगांदा गी बेआ देइये फी उसदा मोख कीता जन्दा ऐ। रोज दर्पहर्री म्राली रुट्टी चादौं फुलके ते त्योड़ा कुसै गरीब ब्रँह्मण परिवार गी देने दा रवाज बी डुग्गर सस्कृति च दान दी म्हत्ता गी दसदा ऐ। इस भोजन-दान गी ग्यासन ग्लांदे न। जन्म थमां लेइयै मरण तगर जिन्ने सस्कार कीते जन्दे न, सब्बनें कन्ने दान जुड़े दा ऐ। जागत होने पर लाड़ी ते जागतै उप्परा बारड़ां करिये पैहे न्याणी ते झीरी गी दित्ते जन्दे न । साक-सरबंधिएं गी मठेआई बंड्डी जन्दी ऐ । मुन्ननें च बी

इस्सै चाल्ली नाई गी पैहे टल्ले देने दा, साक-सरविधएं गी धाम खलाने दा रवाज ऐ। व्याह् परैन्त लाड़ी दे घर स्रौन्दे गै उस थमां कंजकें गी ते साक-सरवंधिएं गी गुल्लरें दियां मुट्ठां भराइये दुआइयां जन्दियां न । सौह्रा नू है अग्गें भनकट भरोची गुत्थी रखदा ऐ, जेह्दे चा मुट्ठ भरियै ओ पनते भी दिन्दी ऐ ते इंयां घृस्ती च पैर पान्दे गै दान-पुन्न दी शुरुग्रात करी दिन्दी ऐ। मरन शय्या पर पेदे मनुक्खा कोला दान कराना मता जरूरी मन्नेआ गेदा ऐ। अन्न, वस्तर ते गौ इन्दे दान दी खास म्हत्ता ऐ। मरने दे परैन्त किरया-करम कीता जन्दा ऐ। केई दिन रोज गवै गी रुट्टी दित्ती जन्दी ऐ। ब'रा भर मासक कीता जन्दा ऐ। अद्ववारखी ते चव'री उप्पर खट्ट-बर्छना, ग्रन्न-बस्तर ग्रादि दा दान दित्ता जन्दा ऐ। इंयां जन्म थमां लेइये मरण तगर दान-पुन्न करने दा म्हातम ऐ। डुग्गर च जग करने दा ग्रर्थ गै गरीवें गी रुट्टी खलाना ते टल्ले बंडना होई गेदा ऐ। बौलियां बनोग्राना, सदाबरत जां भण्डारे चलाना, गर्वें गी घाऽ खलाना, ए सब कम्म धरमै दा ग्रंग मन्ने जन्दे न । इस चाल्ली डुग्गर संस्कृति च परवारक प्यार ते समाजक सांझगिरी गी मजबूत बनाने दे जतन इनें बेएं ते दान-पुन्नें च नजरी ग्रीन्दे न। बुड्ढे सीह्रे गी घ्यो-पतासे देने म्राली, सस्सू दे पैर बन्दियै उसी पिन्नियां, मट्टियां, बदाम, छुहारे खलाने ग्राली नूह भला कियां मन्दी लगी सकदी ऐ ? इंयां गै ननान, जठानी, देर वगैरा गी दित्ते जाने श्राले बेए घरै दे जीवें च प्रेम, प्यार बधान्देन ते चौकीदार, मलाह् वगैरा गी दित्ते जाने आले देए समाजक जिम्मेदारी दा नभाऽ दस्सदे न।

संस्कार भारती सस्कृति दे प्राण न । डुग्गर च सोलां संस्कार ते नेई पर किश प्रमुक्ख संस्कार बचे दे न । पैह्लें, ग्रठमें म्हीने ग्राशाबैंती नार (गर्भवती) गी पीढ़ बठाइये ठुम्रां कीता जन्दा ऐ। इसी रीतां ग्लान्दे न । नाना पकोग्रान, बदाम, छुहारे, सुंढ, गैह्ने, टल्लें कन्ने होने ग्राली मां दा ग्रादर करना, इस गल्ला दा सबूत ऐ जे डुग्गर संस्कृति चं माऊ दा किन्ना उच्चा थाह्र ऐ? ए सस्कार प्राचीन पुसवन संस्कार दा ग नमूना ऐ। जागत जम्मने पर सूत्तरा ते (नामकरण) मुन्तन (मुण्डन) बी कीते जन्दे न, पर कुड़ी होने पर नेई। उग्रां ते डोगरें च कञ्जकां यूजदेन ते हर दिन ध्यार व्होई दी धियूगी किश ना किश पजाइंगै उसदा

मान करदेन, पर धी दा जन्म खुशी दा मौका नेई समझे ग्रा जन्दा। मां-बब्ब धी दे घरा दा पानी नेईं पीन्दे। जिस ग्रां धी ब्याही दी होऐ उस ग्रांदा वी पानी नेई पीन्दे ते ना गै किश खन्दे न। धियु दे सीह रियें गी म्हेशां किश नां किश दिन्दे रौहुना ते उन्दे अग्गें नीमें रौहुना ठीक समझेग्रा जन्दा ऐ। धिय गी दाज ते देना पौन्दा गै ऐ। इनें रीति-रवाजें करी धिय दा जनम कण्टकारी मन्नेग्रा जान लगी पेग्रा होग। डोगरें राजपूतें च पहुलें धियु गी जम्मदे गं दब्बी ओड़ने दा रवाज बी हा, जेह ड़ा हन बन्द होई गेदा ऐ। डुग्गर च ब्याह संस्कार केई रूपें च ल'बदा ऐ। कृतै दोह री हुन्दी ऐ, कृतै पैहे देइये लाड़ी आनदे न ते कृतै धर्में-पुन्नें ब्याह कीता जन्दा ऐ । दोह री च अपने घरा दी कूड़ी कूसै गी देइये उसदे घरा दी धी ब्याही जन्दी ऐ। मते बे-मेल ब्याह् इस्सै दोह्री दा नतीजा हन्दे । जिन्दे घर कूड़ी नेई होऐ, उन्दे जागत कुत्रारे गै रेही जन्दे त । मूल्ल चकाइये ब्याह, करने दा रवाज बी प्हाडें च ऐ, भाएं हुन घटी जा करदा ऐ। ए प्राचीन ग्रासुर व्याह् दा ग्रवशेश ऐ। धर्में-पुन्ने दे ब्याह च मुडे ग्राले जान्नी लेइयै कुडी ग्रालें दे घर ग्रीन्दे न ते व्याह परैन्त दाज-दान समेत लाड़ी लेइयै घर परतोन्दे न। मर्हाज ते उसदे साक-सरविन्धयें गी जन। नियां सिठनियां (गालियां) दिन्दियां न। इंयां लगदा ऐ जे राक्षस ब्याह दे किश ग्रवशेश बचे दे न, जेह दे च मुड़े आले हमला करिये जबरदस्ती लाड़ी लेई जन्दे होडन। हिन्दूएं दे ब्याह् च उप वेद-मैंतर पढ़े जन्दे न, जेह ड़े भारत दे द्ए हिस्से च पढ़ोंदे न।

ब्याह् च गाये जाने म्राले लोकगीतें च सीता-राम, जिव-पारवती, रुकमनी ते कृष्ण जी दे ब्याह् दी चरचा हुन्दी ऐ ते इंग्रां लाड़ी-मर्हाज गी वशाल सांस्कृतक परम्परा दा हिस्सा मन्नी लैसा जन्दा ऐ। ग्रंगनी दी प्रदक्खना जिसी फेरे लैना ग्राखदे न, लामां, होम, सप्तपदी, ध्रुवदर्शन ग्रादि विधियां जियां भारत दे दूएं हिस्सें च हुन्दियां न। ब्याह् च बरतोने ग्राली शब्दाबली च मते सारे संस्कृत दे शब्द न, जियां बर, कन्या, कलश ग्रादि।

मौती दे मौके गौ ते अन्त-दान कराने दा रवाज ऐ। आक्षेप्रा जन्दा ऐ जे वैतरणी नां दी नरक नदी गी पार करने आस्ते मरे दे मनुक्खें दी जीवात्मा गर्व दा स्हारा लैन्दी ऐ। मरने आले दे हत्थे पर दिय्या वालिये रक्षेग्रा जन्दा ऐ जे उसी अग्नें न्हेरे रस्तें औख नेई पर्व। गीता दा ग्रठारमां ध्या जां कोई होर ध्या सुनाया जन्दा ऐ। नरक ते सुर्ग दी कल्पना पौराणक संस्कृति दा ग्रंग ऐ ते मरने ग्राले ग्रास्ते इये कामना कीती जन्दी ऐ जे स्रो सुर्गवासी होऐ। मरने परैन्त मृतक दे शरीरै गी नुहालिये नमें टल्लें लुग्राइये, मूं हैं च पञ्जरत्नी पाइये उसी संखारने ग्रास्तै लेन्देन ते त्रेद-मैंतरैं दा पाठ करियें उसी चिता पर फूकदेन । शर्वे गी चिता पर रवखने थमां पैह्ले शमशानै च इक कोरा घड़ा पानी डोह्लियै भन्नी दित्ता जन्दा ऐ। ए इस गल्ला दा सूचक ऐ जे जीवन-रस थमां खाली होए दे शरीरे दी खाली घड़े ग्राला लेखा कोई म्हत्ता नेई । उस्सै मौके मृतक दे निमत्त पिण्डदान बी कीता जन्दा ऐ। चौथे दिन ग्रस्थियां चुनियां जन्दियां न । ब्राह्मणें च नारमें दिन, खत्तरियें च तेरह्में दिन ते म्हाजनें बगैरा च सताह्रमें दिन किरया-करम कीता जन्दा ऐ। मृतक दा बड्डा पुत्तर ग्रपने साक-सरबन्धियें ते बरादरी सामने पगड़ी ब'न्नदा ऐ जेह्ड़ी इस गल्ला दी प्रतीक हुन्दी ऐ जे परवारक ते समाजक जिम्मेदारियां हुन बब्बै थाह्र स्रो सम्हालग । मृतक दे निमत्त खट्ट, बछैना, छतरी, टल्ले आदि दान दित्ते जन्दे न । ए सब रीति-रवाज हिन्दुएं दी पुनर्जन्मै च ग्रास्था दस्सदे न । मनुक्ख ग्रपने कर्में मताबक सुर्ग-नरक भोगदा ऐ ते चरासी लक्ख जूनें दा चक्कर कट्टदा ऐ, इस चाल्ली दे भाव डोगरी लोक-साहित्य च थाह्रें-थाह्रें मिलदेन । नेकी दा इस लोक ते परलोक च शैल फल थ्होन्दा ऐ ते बुराई दा फल बुरा हुन्दा ऐ। 'पिछला जन्म' लोक-कत्थ च घर श्राए परौह्ने गी रुट्टी नेईं देने करी अगले जन्म च दुक्ख भोगने दा बरनन ऐ। लोकगीतें च बी स्रक्सर दान देने दी देवतें दी पूजा करने दी, सैन्तें-पीरें दा मान करने दी म्हत्ता दस्सी गेदी ऐ। खारकें पर कुसै जोड़े गीते जट्टी, झीरी जां तरखानी गी रुट्टी ब्राक्खी जन्दी ऐ। खारका देने मौर्क पढ़े जाने ग्राले मैंतर च ग्रपने बाल-बच्चें ते माल-बच्छें दे कन्ने परौह्नें दा बी चेता रक्खेग्रा गेदा ऐं :—

बाल बच्चा राजी त्वखेश्रां, माल-बच्छं सुख रवखेश्रां, भंडार भरी त्वखेश्रां, परौह् ने श्रौन्दे-जन्दे त्वखेश्रां। भुल्ल-चुवक माफ करेश्रां।

दान ते त्याग दी भावना डुग्गर सं कृति दी वशेशता ऐ जिस च शुएं-पखेरुए दा वी ख्याल रक्खेत्रां जन्दा ऐ। गऊ ग्रास ते चिड़ियें-कांएं गी दाने सुटुना ते कीड़े-मकोड़ें दियें म्होरियें च ग्राट्टा पाना इसदे प्रमाण न।

कला:--डुग्गर दे वसनीकें दियां मानसक भावनां जियां उन्दे रीति-रवाजें, पर्व-ध्याङ्ं ते लोकसाहित्य च प्रगट हुन्दियां न उस्सै चाल्ली मूर्त्तिकला, चित्रकला ते वास्तुकला च बी प्रगटोन्दियां न । ए कला मानसक भावें दा गै मूर्त रूप हुन्दियां न । डुग्गर संस्कृति च धार्मक भावना दी प्रधानता होने करी इत्थुम्रां दी कला गी धर्म ने मता संगारेम्रा ऐ। म्रखनूरी दे नेड़ै ग्रम्बारां थमां मिले दे गन्धार शैली च वने दे नरमुण्डें ते गूलगुलावगढ़ थमां मिली दियें पत्थर दियें मूर्तिए दे मूल प्रयोजन बारे किश निश्चत नेई ग्राक्खेग्रा जाई सकदा, पर बबौर, बलौर, रजौरी दे पराने मन्दरें दियां देव मूर्तियां धार्मक भावनाएं दा गै फल न। वबीरै दे मन्दर दी मूरत ग्रत सुन्दर ऐ। शिव ते पार्वती दी मूत्तियां वी शैल न। भद्रवाह् च वासुकि नाग दियां मूर्त्तियां ते बलौर, बसौह्ली ते शुद्धमहादेव च शिव मूर्त्तियां, नाग पूजा ते शिव पूजा कन्ने सरबन्ध रखदियां न । जम्मू गी मन्दरें ग्राला शैह्र ग्राविषेग्रा जन्दा ऐ। रघुनाथ मन्दर ते मन्दरें दा समूह् ऐ जेदे च मते सारे हिन्दु देवी-देवतें दियां मूत्तियां स्थापत कीतियां गेदियां न । सीता, राम, लक्षमण, भरत, शत्रुघ्न, राधाकृष्ण, लक्ष्मी नारायण ते विष्णु दे ग्रवतारें दियां बड़ियां सन्हाकड़ियां मूरतां दिक्खने ग्रालें दा मन मोही लैन्दियां न । शिवलिङ्ग ते शिव-पार्वती-गणेश दियां मूर्तियां बी स्थापत न । शक्ति पूजा डुग्गर संस्कृति दा खास ग्रंग ऐ, इसकरी थाह रें-थाह रें देवी दे मन्दर ते उन्दे च मूर्तियां मिलदियां न । देवी-देवतें दे इलावा सितयें ते बलिदानी बीरें दियां मूत्तियां बी मिलदियां न। ग्रांएं-ग्रांएं च देह्र्रे-देह्रियां बने दे न । कुतै कोई बेकसूर बेन्याई कन्ने मारेग्रा गेग्रा जां कोई सतबन्ती नार बलिदान होई गेई जां कोई बीर विलदान होई गेम्रा तां उन्दे मानै च देह रे-देह रियां बनाई दित्ते गे। इनें गी सजाने गितै कलाकारें पत्थरें च बेलां-वटे, फूल्ल-पत्तर, सूरज-चन्न-तारे, स्वस्तिक नाग, पखेर हाथी-घोड़े ग्रादि घड़ी बनाए।

झिड़ी च बावा जितो ते बूग्रा दियां मूर्तियां न, टिक्करी च गुग्गा चौहान ते उसदे साथिएं दियां घोड़ें पर सवार मूर्तियां मिलदियां न। डुग्गर दे प्हाड़ी ग्रांएं च बनाई गेदियें बौलियें उप्पर बी गैल मूरतां सिल्लें पर खुनी दियां मिलदियां न। चढ़ेग्राई दी बौली पर विष्णु दे भ्रवतार दियां, घोड़े पर चढ़े सवारें दियां ते डोलिएं च बैठी दिएं जनानिएं दियां ग्रक्त सुन्दर मूरतां बनी दियां न । इस्सै चाल्ली दियां बौलियां केई थाह्र्रें मिलदियां न । मूर्त्तिकला दे नमूने ग्रजें कला पारखिएं पूरी चाल्ली परखे नेई ते इस खेतरैं च खोज-पड़ताल करने दी लोड़ ऐ।

डुग्गर दी वास्तुकला गी पुरातत्ववेता श्री केदारनाथ णास्त्री होरें चौं वर्गेंच रक्खेग्रा ऐ । सबनें कोला प्राचीन वास्तु दे नमूने बबौर ते किरमची दे मन्दर न । किरमची दे मन्दरें दे शिखर उड़ीसा ते मध्यभारत दे मन्दरें दे णिखरें आंगर बेलननुमा न । इन्दी शकल भ्वनेश्वर दे लिङ्ग-राज ते राजारानी मन्दरें दे शिखरें कन्ने मिलदी ऐ। वबीर दे मन्दरें दे शिखर एौडी-जन बने दे न । इन्दी शकल प्रतिहार राजें दे बनाए दे गढवाल इलाके दे मन्दरे कन्ने मिलदी ऐ । होई सकदा ऐ जे सतमीं-ग्रठमीं सदी च राजनैतिक उथल-पथल करी प्रतिहार जां कोई होर राजवैंस इनें प्हाड़ें च ग्राई बस्से होन ते ए मन्दर उनें गै बनवाए होन । इनें मन्दरें दी शोभा दिक्खने जोग ऐ। किरमची दे मन्दरें च नीहें थमां लेइयै टीसियें तगर पत्थरें पर फुल्ल-बु'टे खुन्ने दे न, बबीर च देवी मन्दर ते शिल मन्दर वास्तुकला दे शैल नमूने न। दूए वर्ग दे वास्तु मुगलमानी काल दे न, जिन्दे च मसीतां-मकबरे किले होंदे न, जियां पुन्छ दा किलानुमा मैह्ल रजौरी दियां थान्नामण्डी सरांऽ ते चिंगस सरांऽ ग्रादि। त्रिय्ये वर्ग च अठारमी-उन्नमीं सदी दे सिक्ख काल दे वास्तु गुरहारे धर्मसालां मेह्ल आदि न । चौथे वर्ग च महाराजा गुलाबसिंह ते महाराजा रणवीरसिंह दे बेल्ले दे मन्दर, मैह्ल, समाधां, धर्मसालां, बौलियां बगैरा ग्रौदियां न। बसोह्ली दे दो शिवमन्दर ते इक पार्वती मन्दर, थड़ा कलेयाल दा शिव मन्दर ते सूर्य मन्दर, महाधेरा दा शिव मन्दर, म्हानपूरै दा शिव मन्दर, नगरौटा पृथीपाल दा हरिहर मन्दर ते सुकराला देवी दा मन्दर, म्हातपुर ते मानसर दियां धर्मसालां, रियासी, रामनगर, म्हौरगढ़, बाह्वा, रामगढ़ ते ग्रखन्रै दे किले —ए सब डुग्गर दी वास्तुकला दी गवाही दिन्दे न । मुस्लम वास्तुकला बी डुग्गर च पनपी ते उस दे किश नमूने न—रजौरी दी जामा मस्जिद, पुंछ दी दित्तू वजीरनी दी मस्जिद, जम्मू दी मस्तगढ़ दी मस्जिद, पुंछ दी बहराम गला दा किला आदि।

ड्रगर दी चित्तरकला दी शोभा ते दुनिया दे केई मुलकें च पुज्जी

दी ऐ। प्हाड़ी चित्तरकला च कांगड़ा ते बसोह ली दे चित्तरें गी सिरमौर मन्तेग्रा जन्दा ऐ। मूरकापट, हैवल कुमारस्वामी, ग्रार्चर, खण्डेलवाल, रन्धावा ग्रादि केई विद्वानें प्हाड़ी चित्तरकला दा ग्रध्ययन कीता ऐ ते इसदी प्रशसा दे गीत गाए न । इस कला च भावें गी प्रगट करने दी पूरी समर्था ऐ। मिलन दी तां'ग, फिकर भरोचियां नजरां, वछोड़े दी वेदन ते मिलन दी खुशी, तमल्ली, झाका, काह्ली-ए सब भाव बड़ी सूखमता कन्ने चित्रत कीते गेदे न । जम्मू दे अमरमैहल म्यजियम च डोगरा शैली दी नलदमयन्ती चित्रमाला च इस गैली दी मुग्ध करी देने ग्राली विशेशता साफ नजरी श्रीन्दी ऐ। बसोह ली, पठानकोट (नुरपूर), मनकोट, जम्मू च बी प्हाड़ी चित्रकला ने ग्रपना गृहाड दस्सेआ ऐ। बसोह्ली दा राजा कुश्नपाल सोलह मीं सदी दे खीर च ग्रकबर दे दरवार च नजराना लेइये गेग्रा हा ते होई सकदा ऐ जे उसदे समें च गैं दिल्ली दे चित्रकार बसोह्ली श्राए होन । होई सकदा ऐ जे किश समें बाद दिल्ली दे राज च गड़वड़ी होने उप्पर कोई चित्रकार इनें जान्त प्हाड़ें च आई बसे होन जां कुसै राजै उनें गी सद्दी लैता होएे। मते विद्वान वसोह्ली शैती दा बकास सताह्रमीं सदी च होग्रा दा, मन्नदे न । भानूदत दी रसमजरी दे ग्रधार उप्पर बनी दी बसोह्ली दी चित्रावली डोगरा आर्ट गैलरी जम्मू च ऐ। वसोह्ली ते जम्मू दे होर केई चित्तर बी इस गैलरी च रक्खे दे न । जम्मू शैली दे प्रमुख चित्तरकार हे नैनसुख, छ्निया, नरोत्तम । ए शैली उन्नी जेरदार नेई जिन्नी बसोह्ली दी ऐ । बसोह्ली चित्तरें च कृष्ण ते राम दे जीवन दा ग्रकन प्रधान विशा ऐ । रसमञ्जरी दियां नायिकां राधा ते गोपियां न । बसोह्ली च रामायण दी चित्रावली बी बनी ही।

बसोह्ली दे चित्तरें च पीला, लाल जां सिन्दूरी रंगै दा कनारा शंगार गी प्रगट करदा ऐ। जमीन ग्रक्सर हल्की हरी, चाकलेटी जां पीली हुन्दी ऐ। गासै चा चन्न बी मते चित्तरें च झांकदा ऐ। कांगड़ा ते गढ़वाल शंली थमां वक्खरा नारी शरीर च ग्रोज नजरी श्रौंदा ऐ। पिच्छें गी धसे दा मत्था, लम्मी नक्क, भरी दियां ग'ल्लां, मस्ती भरोचे नैन नारी चित्रण दियां विशेशतां न। डोगरा ग्रार्ट गैलरी जम्मू दा इक चित्तर दिक्खने जोग ऐ जेदे च कृष्ण जी गौ दी धार कड्ढा दे न ते राधिका बच्छू दी रस्सी फड़ियै कच्छ गै खड़ोती दियां न। ख'ल्ल सैले-सैले घा च किश चिट्टे पीले ते नीले फुल्ल खिड़े दे न। उप्पर नीला गास ऐ। जमीना दा गूढ़ा पीला रंग धुप्प दस्सा करदा ऐ। गौ मन्त्रमुग्ध होई दी कृष्ण जी गी दिक्खा करदी ऐ। इंयां बझोंदा ऐ जियां बच्छू गी बी भुल्ली गेदी ऐ। बच्छू दी नजर माऊ दे थने पर टिकी दी ऐ। उसदे चकोए दे पैर ते किश उप्पर होई दी पूछल उसदी माऊ दे थनें तगर पुज्जने दी लालसा दरसाठ करदे न। कृष्ण जी दी नजर राधिका उप्पर लग्गी दी ऐ। सबनें दे नैनें च इक मस्ती-जन ल'बदी ऐ। इयै-जनेह् भाव-भरोचे नेकां चित्तर डुग्गर संस्कृति दी ग्रनमुल्ल सम्पत्ति न, जिनें इस संस्कृति दा नां संसारें दे केई मुलखें च चमकाई दित्ता ऐ।

चित्रकला ग्रांगर गै डुग्गर दा संगीत बी मन मोही लैन्दा ऐ। प्हाड़ी राग इत्थुग्रां दे संगीत दी भारती संस्कृति गी खास देन ऐ। डुग्गर दे लोक संगीत दी विविधता दिक्खने ग्राली ऐ। जीवन दे बक्खरे-बक्खरे पक्खें गी गुहाड़दे बक्खरे-बक्खरे लोकगीत अपनी टकोदी पन्छान करांदे न।

बिहाइयां-लोरियां ते ञ्याणें दी खे'डें दे गीत बचपुनें दा एहसास करान्देन। मिलन ते बिरह दे गीत, प्रेमियों दे सुख-दुख, ग्राशा-नराशा, हिरख ते तांग दा पता दिन्देन। धार्मक गीतें च लोकें दे धार्मक विश्वास झलकदेन। करसानें दे गीत, रितुएं सरबन्धी गीत, देस प्यार दे गीत, नाच-गीत, ध्यारें दे गीत—ए सब डुगगर दी संस्कृति दा चित्तर-जन अन्खियें ग्रगों रक्खी दिन्देन।

साह् म्बिये रक्खेश्रां माए गुड्डियां पटोले, फिरी नेईं रोयां माए भित्तें दे श्रोह्ले । में परदेसन होई ॥

सुहाग दे ए बोल सुनियै माऊ दे गै नेई ग्रांड-गुग्रांड दे ग्रत्थरू दी किरी पौन्दे न ।

कंडी दा मसीवतां भरोचा जीन किन्ना दरद लेइये बोलदा ऐ:-

जली जा श्रो कंडिया दा बस्सना, भर दपैह्री पानिये गी नस्सना।

सोए भरी दपैह्री दियां धुप्पां ते बरसांती दियां ठंडियां फुहारां, बरान थाह्रों दियां दुम्रासियां ते मेलें-ध्यारें दियां रौनकां, सपाहिएं दे हौंसले ते गोरिएं दे बळूरे, ज्यांणें दियां खेडुां ते जुग्रानें दियां तांह्गां— ए सब डुग्गर दे लोकसंगीत ने साह्म्बी रक्खे देन। कुतै दरेसे दी सरंगी दी सुर कन्नें च रस घोली दिन्दी ऐ। बौंसरी, चिमटा, तबला, थाली, कैंह्ल, शंख, खड़तालां, कैंसियां, घैंटियां—ए सब साज लोकसंगीत दी मदत करदेन। भांगड़ा, कुड्ढ, फु'म्मनी, फेरी बगैरा नाच बी ग्रपनी गैं रौंसली व्हार दस्सदेन जेह्दे च मनुक्ख ग्रपने सारे दुक्ख-कसाले भुल्ली जन्दा ऐ।

डुग्गर दे खान-लान दी बी ग्रपनी खसीयत ऐ। उंग्रां ते ढिड्ड भरने गी टुक्कर ते गरीर खट्टने गी टल्ले लोड़चदे न, ब, जेल्ले इन्दं च वला गलेपा ग्रानने दा जतन करदी ऐ ते ए खान-लान बी संस्कृति दा ग्रग बनी जन्दे न। भांत-भांत दे सोग्रादले न्योड़े जियां मद्धरे, ग्रम्बल, ग्रौह्रिया, उन्दे कन्ने खाने गी पूड़ियां, खमीरे, घयूर, सुच्चियां, भांत-भांत दे भत्त, सोहै ठडेग्राइयां ते छाह्र ते स्थाले मांह्र ते ग्रलसी दियां पिन्नियां, बरतें गी फलोहार ते ब्याहें दी धाम कुसदा दिल नेईं ललचांदे? दाल-भत्त ते ग्राम गरीबी खाना रोज खाना गै होग्रा। पर, कदें-कदें ए दाल बड़े, पकोड़े, बड़ियां, पापड़, मिस्सियां रुट्टियां ते पिन्नियां बनियें ल'बदी ऐ ते डोगरी रसोई दी करामात दसदी ऐ। बबखरी-बक्खरी किसमां दे पलां जीवभा दे कन्ने-कन्ने ग्रिक्खएं गी नन्द दिन्दे न।

डोगरी पशाक ते हुन शैंह् री लोकें छोड़ी दिती ऐ। ग्रांएं च बी पैंट-कोट जाई पुज्जे न। फी बी ब्याहें कारजें जनानियां रंगबरंगियां सुत्थनां, झिक्के कुरते ते कनारी आले दपट्टे लाई लैंदियां न। जान्नी चढ़ें दे राजपूत बुंबले ग्राली कस्सी दी पग्ग ब'नी लैंन्दे न। मह्राजै दी पशाक ते चूड़ीदार पजामा, ग्रचकन ते पग्ग हुन्दी ऐ। कुर्ता, धोती लाए दे, बुंबले बगैर ढिल्ली पग्ग ब'न्ने दे मूंडे परना जां शाल रक्खे दे कोई जा करदा होएे तां निश्चत गै बहु मण-परोह्त होग। ग्रांएं च मुसलमान कुर्ता ते सलोग्रार जां तैह्मत ते हिन्दु कुर्ता ते घटन्ना लान्दे न, पर नमीं पीढ़ी च ए फरक खतम होग्रा करदा ऐ। पराने समें च खास मौकें-ध्याड़ें दियां खास-खास पशाकां हुन्दियां हियां पर हुन जान्नी च मह्राज ते उसदे बढ़्बे दी गै खास पशाक ल'ब दी ऐ ते लाड़ी ते उसदी माऊ गी पशाक ते

ब'न्दें नत्थें थमां पछानेग्रा जाई सकदा ऐ। इंयां गै कुसै नड़ोए च चिट्टी बनैन-धोती लाए दे सिरा पर भुंगी ब'न्ने दे बहुा पुत्तर जां कृत्त करने आला सबनें थमां नजदीकी रिश्तेदार पन्छानेआ जाई सकदा ऐ। परानी डोगरी पशाक राजस्थानी ते मुगलें दे समें दी मुसलमानी पशाकें दा रले- मिले दा लाब्बा हा, जेह्ड़ा हिन्दु ते मुस्लमानी संस्कृतिएं दा मेल दसदा हा।

ए सब ऐ डुग्गर दी संस्कृति जिसदी झलक ग्रस इस धरती दे बसनीकें दे रौह्न-बौह्न, खान-लान, गान-बजान, पूजा-पाठ ते सोच-बचार देदर्गन च दिक्खी सकने आं।

जम्मू दे इतिहासै च इक्क झांक

डा० सुखदेव सिंह चाड़क

जम्मू - जेह्की घनियैं धूड़ैं ते उच्चियैं सिद्धियै धारें दे कंगरैं ते बल्लें-बल्लें बनदी ढालू-पधारें दी धरती ऐ, जतुं थमां मनुक्ख-मात्तर दा इतिहास जानेग्रा जन्दा ऐ, एह् धरती ग्रनसम्ब खड्डैं ते दरेग्रायें हा खंडादी वादियें दी धरती ऐ, जेह ्कियां निक्के-निक्के जाड़ैं नै खटोदियां न, कदैं माह्नु ते मिरगें दी वसनीका दा पुन्न खटदी रेही। लक्खां-करोड़ां पैह्लैं दा समां हा, जेल्लै इसदे निक्के-निक्के जाड़ैं ते झूड़ भरोची हरियैं-भरियें वाहियें च देऽ-जन, त्रीह्-त्रीह् चाली-चाली, फुट्टे हाथी ग्राम हे। ग्रकसर ग्राद-जुगै दा माह् नु, जेह्का इनें हाथियें ते मिरगैं बांगर गै हा ते इसगी छड़े सरीरे दी बनौट ते घाट गै मिरगें थमां करेरदी ही। की जे एह् भाग इस आग्तै ग्रत्त गै माफक हा — इसदे वेढंगे बने-बनादे संदर थ्याह् रें ग्रास्तै जन्नी-पत्थर इत्थें रवांत हे । जंगल-जाड़ उस गित्तै कंद-मूल फल पैदा करदे हे । नीर भरोचे दरेग्रा ते उच्चे-उच्चे ठिल्ल कुदरती ते वाफाजत वस्सने दा थाह्र, जीवन दियां लोड़चिदयां चीजां, मनुक्ख-मात्तर दी व्हान ते कन्नै उसदे संगी-साथी मिरगें गी साद्दा दिंदे हे। इस धरती दे खित्ती च कीतियां गेदियां स्रासारे-कदीमां दियां तुपाइयां ते तांह्-तुस्रांह् थों दे भूगर्भ-फास्सलें (Geological fossils) नै जम्मू च पराने ते नमें पत्थर-जुगे ते उसदं परैन्त जुगैं च मती गिन्तरी च, मनुक्खे दे होने दा सबूत प्रदान कीता ऐ।

इस खित च ग्राद-मनुक्खें दी उग्राई ते उसदे चलन-फिरन दे ग्यान बार साढ़े कोल कोई तत्थ नेई हैन, बो वकास दे वक्खरे-वक्खरे पड़ाएं च पत्थरें दे संदर-थ्याह्र लब्भे न, जेह्के 'प्री-सोहानियन' कच्चे-मुच्चे ते बहुाहां लेइये निक्कें तोड़ी, भिरी शैल सरोखड़ ते पैने 'सोहानियन' किस्मै दे
न, लगातार सनुक्खी-समाज दे होनै वार दसदे न ते समाज, समाजी-वकास
दी वक्खरी पड़ाई —खानाबदोश, वर्बर शकारी ते जड़-मूल किट्ठे करने
ग्रालें, अपने संदर-थ्याह्र वनाने ग्रालें, वड़े गै लाभकार ते शैल सुग्रारने
ग्रालें, जींदा रौह्ने ग्रास्तै ग्रपनी खराक ग्राप्ट्र पैदा करने आलें, ग्रावै
पकाई भाण्डे बनाने ग्रालें ते ऐत ग्राद-परवारे ग्राली टिकी दी जिंदगी वताने
ग्रालें दे बारे च दसदियां न। मनुक्ख-समाज दियां एह्कियां सारियां
पड़ाई, आद-जुगै थमां ग्रर्ध-सभता दे जुगै तोड़ी, सार जम्मू खित्तै च
लिंक्भयां जाई सकदियां न।

भाद-इतिहासक जुगै च पुज्जनै पर ग्रसें गी जम्मू खित्ती च चनांह्र् दै दबक्खें भ्राद-हड़प्पा ते हड़प्पा सभता दी रैंह्द-खेंह्द कोल पेदी ल'बदी ऐ। भखन्र दै कच्छ अत्त कलात्मक टैराकोटा नुहारां मूरती - मनुक्खें दे सिर लब्भे दे न, जेह्के सभता दी पुज्जी-परमन्नी पड़ाईं, कुषाण ते गांधार समाज तगर आई पुज्जी दी पड़ाईं गी दरसांदे न। इस ग्रास्तै, इक्क बड़ी संस्कृति दी धारा जेह्की हिंदोस्तानी उप-महादीपे पर दूर तोड़ी चबक्खें बगा करदी ही, दा हिस्सा गे—एह् ग्राद-इतिहासक ते इतिहासक मनुक्खी समाज जेह्का जम्मू च हा बझोंदा ऐ ते एह् कोई बक्खरी इकाई नेहा। रम्भ थमां गै एह् जम्मू दा समाज कोई बक्खरा ते नकेबला नेहा, बड्डे मनुक्खी-समाज दा गै ग्रटूट ग्रंम हा।

श्रार्य ते दूए सारे कबीले जेह् के समैं-समैं पर श्रौन्दे रेह्, इस खिनी गी मल्ली बैठे दे हे ते श्रसिकनी, देविका ते परुशुनी, दे पिवत्तर जलै नै घालदे हे। इनें दरेश्राएं दे उपजाऊ ते मनमोहक कण्डै मते रिखिएं-मुनिएं अपने श्राश्रम बनाए ते पिवत्तर निदयें ते थाह् रें दी मैह् मा दे गुणगान गाये। इस्सै श्रास्तै श्रार्यें दे धार्मक साहित्य ते पराचीन कृतियें च मितयें निदयें, तीर्थंस्थानें ते प्हाड़ें दा बखान ल'बदा ऐ।

केइयों पराचीन कवीलें इस धरती गी ग्रपना घर वनाया। ग्रनार्य ग्रौदुम्बर ते शलव-मद्र पिछेकड़ हे। शक-कृषाण ते खस इन्दे परैन्त ग्राए ते भिरी हूण, दुर्गर ते ऐंत च गुज्जर। बाद तोड़ी बी मते कबीलें दी उग्राई इस धरितया पर लग्गी दी गै रेही ते मते चिरें ग्रौने ग्रालें च टक्क, खुक्खर चिभाली (Chibhalis) ते ठक्कर हे। श्रपने सभाऽ च जम्मू दा मनुक्खी समाज रला-गोबरा ऐ, बो इसदा स्वात्तम ते रीत-रवाज इस्सी रलदी-मिलदी इक्कै-नेही जाती बनांदे न।

लगातार कबीलें दियां धाड़ें दियां धाड़ों ते विजेता जातियें थमां इस प्हाड़ी खेत्तर दी संस्कृति ते बचार रले-गोबरे मिथे जन्दे न ते प्हाड़ ढिलिए मदानी लाक तगर अपना रंग खलारदे सेही होन्दे न। इस जनेही सयासी इकाई दा सभावक स्वात्तम रेहा ऐ, इस्से करी परत-खिरत, खानदानें कुलें ते हुकमरान शाएक दा बदलोन-परतोन होंदा रेहा ते एह् 850 ई० थमां पैह्ला इतिहास दरसादा ऐ, भांएं इत्थुम्रां दे रवाज ते बेंसाबलियां किट्ठे करने मालें कदें बी इस तबदीलिया पास्से ध्यान नी दित्ता ते इय्वे दस्सने दा जतन कीत्ता जे छड़ा इक्के खानदाने ते कुले दा राज रामायण जुगै थमां चलदा रेहा। इत्थें कदें वी सयासी खलाऽ (Vaccume) नी रेहा, भायें जम्मू देस्सै पर तबाही दे बदल घनोदें रेह्, ते हमलावरें इस्सी मदानी लाकें च शरण लैने गित्ते मजबूर कीत्ता। महाभारत दे जुगै थमां जीतिसले साकल (सियालकोट) ते तक्षिणला (टैक्सला) जितत दे बड्डे केंदर हे उत्थूं दा गै जम्मू पर क्हूमत चलदी रेही।

भिरी बी जम्मू, बाहु, पुंछ ते रजौरी दे स्थाई केंदर बननें दें परेंत बी नमें-नमें रजवाड़े चिरभर जारी रेह्। ग्रस पढ़ने ग्रां जे किश मनचले बीरें इस प्हाड़ी खेत्तरैं च ग्राइयै इत्थुग्रां दे हाकम राणें गी दवाया ते ग्रपने राज कैम कीते। इन्दैं चा केइयें बीरें ते जम्मू दे केंदरी ग्रपने राज कन्ने सरबन्ध बी त्रोड़ी दित्ते हे। ग्रोह् खुदमुख्तैर बनी गे, भायें केंदरी हाकम खानदानें दी मतैह्ती कबूल करदे रेह्। कुलै दे सरबन्ध ते खूनी रिश्ते इन्ने निग्गर हे जे उंदे भाग बी केंदरी क्हूमतें दे भागें कन्ने गै विगड़दे ते सौरदे रेह्। इस कोटि च साम्बा, जसरोटा, लखनपुर, बबौर, बाहु, ग्रखनूर, बंदराह्लता ते किश दूए राज ग्राँदे न।

वो मनचले-जन किश बीर दूर दराड़ें दा ग्राए, जेह्के देस्सै दे कुसैं दूऐ भाग दे राजकुलें चा हे ते प्हाड़ी खुंदरैं दे देऽ लाकैं च जम्मी जां थ'ड़ी गे जित्थें कुसै दी मल्ल (कब्जा) नेही ते उत्थुग्रां दा गै किरन-मिकिरनी वधदे-वधदे खासे तगड़े राज कैम कीते। इनें पराने बैंसें च किश्तवाड़, भड्डू-वलीर (वसोह्ली) भद्रवाह्, रजौरी, पुंछ ते भिम्बरैं

म्राले इसदा दाऽवा करदे न जे म्रोह् हिन्दोस्ताना दे दूएं थाह् रें दा, जिय्यां बंगाल, कामरूप, कुल्लू, कांगड़ा, धारानगरी ते उज्जैन दा ग्राए दे न। इने कबीलें उनें दूर-दराड़ें लाकें दी परम्परायें गी हूनै तगर सम्हाले दा ऐ। 640 ई० च ह्यून-सांग दी (Yuan Chwang) दी उम्राइया वेल्लै वी एह् रजवाड़े मजूद हे जेह्दा बखान होएदा ऐ ते किश दसमीं सदी ते एह्दै परैंत बी ऐ हे । भायें एह् रजवाड़े खुदमुख्तैर इकाइयें कोला रम्भ होए, वो भिरी वी भामें हारियें जां सयासी नेहु हैं करी इक्क वडडे केंदरी राज्जें च खपी गे, जेह्का जम्मू जां बाहू ते किसै रूपै च, जेह्का कोई बहुा राज उसले मजूद हा, नै मूला बज्झिय इक्क संस्कृति ते बचारधारा गी ग्रपनांदे रेह्। इस खित्तै च बीत्ती दियां गल्लां ते इतिहास गी जाचनै मगरा बझोंदा ऐ जे इत्थुय्रां दे हाकमें ते लोकें ग्रपना इक्क मुलख जां स्टेट बनाई लैत्ती दी ही जेह् की पन्दरमीं सदी ई० कोला 1812 ई० तोड़ी ग्रखंड रुपै चलदी रेही । अपने सयासी बजूद दे लम्मे वक्फै च इत्थुऐं दे लोकें बड़े परत-खिरत दिक्खे, अनगिनत हमलावरें नैं लड़े, बड़ी अगों नेई बी गे परती-परती ग्रपनी जादी ते मुतंतरता प्राप्त करी लैंदे रेह् ते बड्डी गल्ल एह् जे दूएं लोकें बांगर गै एह् बी सयासी सोच रखदे हे ते इस्सै जतनै च होंदे हे जे ग्रपनी मल्ल ग्रग्गें बधान।

इंदी सयासी कारवाही दा मूल-खेत्तर रावी कोला जेह्लम तोड़ी पहाड़ी लाका हा, जिस्सी इनें गुग्रांड दे दक्खनी मदान तगर वधाया। सयालकोट जेह्का पराचीन साकल हा ते शक्तिशाली राज्ज दा गढ़ हा, इस देस्स खासकरी जम्मू दे वंदोंदे (उद्भरदे) हाकमें दी लुम्क-जन दा केंदर रेहा ते बाज बेरी इनें इस्सी लई वी लैता। साकल दे शाल-वैस दे नश्ट होन मगरा एह् शहर जम्मू दे हाकमें जित्ती लैता हा। की जे शलव-मद्र जनतन्त्र दा भाग होने कारण जम्मू दे लोकें दी एह् राजधानी हा ते इस पर श्रपना हक्क वी एह् रखदे हे। पराचीन जुगै दे ऐंत च जम्मू कुल दे मनहारा जां मलहान हस न स्यालकोट पर राज कीता। दिल्ली-पंजाब दे सूर ते लोधी राज्ज दे बेल्ल स्यालकोट जम्मू राज दी इक्क जगीर ही। मगरा वी, रंजीत देव न इस पर राज कीता ते गुलाब सिंह न 1844 ई० गो इस पर, राजकमार कशमीरा सिंह ते पशौरा सिंह गी मुहाइय कटला कीता। जम्मू दे हाकमें शक्तिशाली राज दा गढ़ होनै

कारण, कन्नै उत्तरी हिंदोस्तान ते पच्छमी एशिया मंझ बड्डें बपार दा केंदर होनै कारण सयालकोटै पर खास ग्रवख रक्खी दी रेही।

इंयां गै पच्छमी पंजाब कन्नै पराचीन जम्मू दे सयासी सरबंध रेह् ते इन्नै तोड़ी जे दत्त बैंस दे राजों दा जम्मू पर राज रेहा । चढ़दे पास्सै पूर्व च—जम्मू दे हाकम त्रिगर्ते कन्नै लगातार जंगें च रुज्झे दे रेह्, जेह् के नगरकोट-कांगड़ा पर राज करदे हे, ते एह् रावी दरेग्रा तोड़ी गै बज्झे दे रेह् ते कदें-कदें रावी दै पारें जाइये पठानकोट ते नूरपुर खेत्तरे तोड़ी ग्रपनी धाक जमांदे रेह् । ग्रपने लम्में इतिहास दे दरान मुगल राज दा थापना तोड़ी जम्मू दे कश्मीरा कन्ने सयासी सरबन्ध रेह् ते कदें इसदी मतेह्ती दे कारण ते कदें इसी मतेह्त करने दे जतन दे कारण, सदा गै इसदी सयास्ती च रुच रखदे रेह् ते खीरी मसाल 1780 ई॰ दी ऐ, जिसलें रंजीत देव कन्ने कश्मीरा दे गवर्नरें, कश्मीर जित्तियें खराज लेंने वारे बचार कीत्ता हा।

भिरी बी, जम्मू कर बी इक्क बड्डा राज नीं बनी सकेग्रा, जिय्यां कुसै-कुसै बेल्लै कश्मीर ते कांगड़ा रेह् हे। छड़ा इक्के बेरीं, 15मीं सदी ई० दे पूर्वार्ध च जम्मू दे प्हाड़ी लाके दे खुक्खर कबीलें सारें उत्तरी पंजाब गी मतैह्त नप्पड़ी लैता दा हा ते दूर कलानीर, होशियारपुर, लुधियाना ते ल्हौर तगर ग्रपनी सरदारी कैम कीत्ती दी ही। बो एह् बिद भर टिकने ग्राली गै गाथा रेही, जेह्दा किश नतीजा नेई निकलेआ। जम्मू राज दे सारें इतिहासें ते दरान जेल्लै एह् शिखर उप्पर हा, जेह्लम थमां रावी तगर दे प्हाड़ी लाके इन्दें थल्ले दे किश मदानी टुकड़ें तोड़ी गै वधेग्रा हा। छड़ा इक्क बेरीं जां दों बेरीं एह् चढ़दे पास्सें चम्बा, नूरपुर ते कांगड़ा तगर बधेग्रा हा। ग्रपने राज दे शिखरें पर जम्मू इक्क प्हाड़ी स्टेट गै रेहा, जिसने ग्रपनियां किश शाखां ग्रास्सें-पास्सें ते प्हाड़ें दे ग्रन्दर तोड़ी भेजियां।

एह् सुझोंदा ऐ जे मदानी पंजाबै दे शक्तिशाली सयासी ताकतें दे हर भांती दे हमलें ते खासकरी उत्तर-पच्छम पासेग्रा बदेशी कबीलें दे ते विजेताएं दे परती-परती ते मगरो-मगर हमले गै इसदा मूल कारण है। ग्रोह् ते जेह्लम कोला सयालकोट, ल्होर तगर मदानी लाक पर अपना कब्जा जमाई लैंदे हे, किश चिरै गित्तै प्हाड़ी लाके दे हेठलें खेत्तर पर सनै

जम्मुब्रा इक्कै तफानी हमलें दे कन्ने सारी शक्तियों गी फलह-फलह करी छोडदे रेह । इस लाके दा इतिहास विदेशी कवीलें ते हमलावरें दी बेग्रंत गाथा ऐ. जेह के बिजन रुकै, बिजन बलगै, धाड़ां मारदे रेहु, जे सयास्त दी इस पड़ां तोड़ी मनुक्ख मात्तर नै इन्ना किश दिक्खेआ ते परखेग्रा होग। इन्दे बड्डे तफानै ते अफरा-तफरी दे दौर च सामने खड़ोने दी इस खेत्तरे दे लोकें दी बीरता दे इतिहास दे ग्रैन्थें दे ग्रैन्थ ग्रापूं मूंहां बोलदे न, की जे एह् खेत्तर हमलावरें ते लुटेरें गी दक्खनै पास्सै जानै स्रास्तै इक झगाड दरवाजा हा। कश्मीर, चम्बा ते कांगड़े बांगर गै ते जम्मू खेत्तर दा बी चबक्खेग्रा कुदरती बचाऽ नेहा होंदा। इसकरी पंजाब दे हर हमलावर, गवर्नर जां हाकमें गी हमले करने गित्ते जम्मू इक्क खु'ल्ला-खलाड़ा थ्होंदा हा। इस ग्रास्तै जम्मू दा इतिहास, खासकरी लोके दे अपने इस खेत्तर गी बचाने दा इतिहास गै रेहा ऐ ते इत्त च मार्के मारी सफल रेह्। इन्दे मास्तै अगड़ै बधने दा मौका घट्ट गै रेहा, वो जिसलै बी उनेंगी हमलें शा लक्क सधेरने दा मौका थ्होग्रा जां पंजाबै च सयासी शक्ति कमजोर रेही, जम्मू देहाकमें चबक्खे ग्रपनी धाक जमाइये अपना राज बधाया, देऽ मौके घट्ट गै ग्राए।

दूए कारण फौजी ते आर्थक साधनें दी थोड़ वी वक्षोंदी ऐ। जम्मू दी जनसैंख्या वी प्हाड़ें च खिल्लरी दी ऐ ते फौजी ते शासक वर्ग वी गिना-सिथा दा गै हा। सदा गै बड़ी फौज रखोंदी नेई' ते विजन बड़ी फौजा दे बड़ी क्हूमत नां गै वनदी ते नां गै सम्वलोंह्दी। कोई वी जम्मू दा हाकम इस जुगा नेहा जे बिरथा गै मनुक्ख शक्ति दा तश्ट पुटदा, जे कदें ओह् करो वी छोड़दा तां शिरी अपना राज बी ओह् सम्हालने जोगा नीं रेही सकदा हा। आर्थक साधन ते अतिऐंत गै थुड़दे हे। जम्मू दा खेत्तर कश्मीर दी वादी जां कांगड़ा जां पंजाव दी पधारी (मदान) साहीं उपजाऊ नेहा। मताहारा इसदा क'डी खेत्तर खि'ल्ला-खीरज हा ते पधार वी अनउपजाऊ ही, इस आस्त जम्मू दे हाकमें दे आर्थक साधन वड़े थुड़दे हे ते एह् इक्क तत्थ ऐ, सच्चाई ऐ जे उनेगी वड्डी जित्त प्राप्त करने शा पिच्छें खिचदे रेह्। थोड़मां साधन गै मूल कारण हा जे इन्ने तोड़ी जे रंजीतदेव वी प्हाड़ी खेत्तरें थमां अगड़ा नीं वधी सकेग्रा, भांए जेह्लम हां व्यास दरेआ, सनै किश्तवाड़, चम्बा ते कांगड़े तोड़ी वड्डे खेत्तरें च

उसदी शक्ति फैली दी ही । भिरी बी उसने श्रपनी काबल राजनीती दे स्हार ते दुरानी हाकमें नै जुड़ियें श्रपने साधन बधाए । जम्मू दे लोकें दी सयासी तांह्ग श्रपने जन ते धनै दी साधनें दी थोड़ा मूजब बज्झी दी जन रेही ।

इय्यै मूल तत्थ जिन्दे नै किश होर तत्थ बी जुड़ेदे न, जम्मू राज गी 19मीं सदी ई० दे पैह्ले द्हाकै च मूला मुकाने दे जिम्मेदार न। रंजीतदेव दे जान-नशीन वी जान-नशीनी म्रास्त मगरा दे मुगल जान-नृशीने स्राली परम्परा गी स्रपनांदे बझोंदे न । रंजीतदेव दे जींदें सती भी उसदे पुत्तरें वृजराजदेव ते दलेल सिंह ने जान-नशीनी दी जंग रंभ करी दित्ती ही। दलेल सिंह गी कत्ल करिये बृजराज देव ने जिसले राज लेई लैता तां तीलें गे हालत विगड़ी गेई। इसने हाकम परवार गी दुशमनें ग्राले बक्खो-बक्ख टोलें च बंडी दित्ता, ग्रापूं-चें दुक्ख (हसद) कलह् दुशमनी दी भावना दी ग्राग इन्नी भड़की ते उच्चर हिस्सली नेई सकी जिच्चर ग्रोह् ग्रापूं गै इक्क-दूए गी मारी मकाने दी लालसा च शक्तिशाली सिक्ख-सरदारें (Sikh-Chiefs) गी अपनी मदादी आस्ते सद्ने दे कारण बनने करी मरी नीं मुक्के। इसने इक्क पास्सै जम्मू दे हाकम वर्ग दी ताकतू गी वंडियै कमजोर करी दित्ता ते इंदै मतैह्त जुड़े दे सयासी ढांचै च परोदे रजवाड़ें गी इन्दी मतैंह्ती गी छुड़ने दा चुहाका दिता ते दूऐ पास्सै सिक्ख-सरदारें गी जम्मू पर परती-परती चढ़ाई करने दा मौका दित्ता, जिंदियां लोभी नजरां उस दौलत ते खुशहाली उप्पर लग्गी दियां हियां जेह्की रंजीतदेव दे राज्जे च जुड़ी ही। रंजीतदेव दे जान-नशीनी नां छड़े बंडोए दे हे, बो कन्ने भे ऐ हे बी कमजोर ते नकारे। जिसले वृजराज देव इक्क सूरमे आली मौती मरेग्रा तां उसदे पिच्छें इक्क ज्याणा पुत्तर रेहिया, छड़ा इक्क ब'रे दा ते ओह् बी हौलिया बरेसा च गै, बिजन कोई जान-नशीन छोड़ें मरी गेग्रा। इसदा नतीजा एह् निकलेआ जे वृजराज देव दी मौती परैंत 1787 ई० थमां 1813 ई० तोड़ी हाकम नेईं, छड़े टोले गै चप्पा सदी तोड़ी राज करदे रेह् । इनें टोलें जां मण्डलियें दा राज ते वड़ा वदनाम, ग्रफरा-तफरी ने भरपूर ते बदेसी हमलें दी मारधांड़ तं दखलंदाजी ग्रल रेहा ऐ ते इस्सै स्हाबै दा नाटक जम्मू दी सयासत च बी चलेग्रा।

जम्मू दे दक्खने च मदानी खेतरै च सिक्ख-सरदारें (Chiefs) जम्मू दे मुकाबलें च बेह तर साधनें ने निग्गर ताकत बनाई लंती। इनें सिक्ख मिसलें च भंगी, सुकरचिकया ते कन्हैया मिसलें दे राज जम्मू दे कोल गुहांडै च हे। जम्मू दरबार दी कमजोरी ते फुट्ट दा लाभ ठुग्रांदे होई जम्मू दा मता मदानी लाका खुस्सी लैता दा हा, जिसने जम्मू दे साधनै ते सन्मानै पर मंदा प्रभाव सुट्टेग्रा। सुकरचिकया मिसल दे नेता महाराजा रंजीत सिंह ने जिसलै ताकत सम्हाली तां उसलै फुट्ट ते ग्राप् -चें कलह दे जम्मू राज पुज्ज गै खस्ता होई दा हा ते जम्मू दे हाकम व्हादर सुकरचिकया (मिसल दे) नेता दी लम्मी जित्तू ग्राले हत्थें थमां ग्रपने गी बचाई नीं सके। तौलों गै जम्मू रंजीत सिंह दे मतैंह्त होई गेम्रा। जिसने 1816 ई० च जम्मू दे खीरी राजे गी सिंघासनै दा ख'ल्ल सुट्टेश्रा ते जम्मू दे लाके गी ग्रपने राज्जें च मलाई छोड़ेग्रा। निक्के-निक्के रजवाड़ें दे उठभरने ते बनने दे दिन पूरे होई दे हे ते बड्डे-बड्डे राजें च निक्के-मुट्टे रजवाड़ें दे खपने दा सिलसिला रम्भ होइदा हा। निक्के-मुट्टे, पंजाब दे प्हाड़ी ते मदानी सारे रजबाड़े रंजीत सिहै दे राज्जै च मिलियै, मगरा दा हिंदोस्तानी वर्तानवी सामराज दे सागर च डब्बी गे।

इस बड्डे सिलसले च जम्मू राज बी लुप्प होइया। बो म्रोह् लोक जिनें केई सिदयें तोड़ी इस राज्जे गी बनाइये सम्हाली रक्खे दा म्राजें जींदे-जागदे हे ते उनें म्रपनी धरती पर होर ढंगे ने सयासी ताकत लेई लैती। केई सिदयां ग्रपने गे राज दी परजा रौह, ने दे लम्में म्रनुभव दे असें ते अपने मुलखें दी कठन धरती दे कारण जम्मू खेत्तर दे लोकें गी किश तंगनजर (प्रतिक्रियावादी) बनाया ते एह् गुम्रांडी मदानें दी संस्कृति दे मकाबले किश पिछेड़े रेह् जेह्दे करी फौजी जोश असानी ने मरी-भुरी जन्दा, कला ते सुन्दरता दा मोह् परौह्न-सेवा (सत्कार) म्राला स्वात्तम, धार्मक ते परम्परावादी रुझान (झुकाऽ) भोलापन ते चतन्नता, चलाकी दी थोड़ ते म्रक्सर तंग सोच प्हाड़ी जीवने गी किश नखेड़दी रेही। उंदे जाती व्यक्तित्व दे सारे स्वातमै कन्ने जम्मू दे लोकें दा, राज-नीतौ, कला ते संस्कृति च खासा जोगदान रेहा ते किसे बी रूपै च साढ़े देस्सै दियें हाकम-नसलें च घट्ट नी रेहा। म्रनुवादक: देशबन्धु डोगरा नूतन

डोगरा भूमि : एह् दे लोक, पेशे, कार-िकरतां ते आर्थक अधार — देशवन्ध्र डोगरा 'नृतन'

डोगरा भूम इक वशाल भूम ऐ। इसदे लोक बड़े सूरमें मैह्नती ते ग्रमन-पसंद न । इस सर-जमीन दा रकवा 8539 मुरव्वा मील ते ग्रबादी 20.75 लक्ख गलाई जन्दी ऐ। 1 बो, डोगरा भूम इसलै दाऊ देस्सें (हिन्दोस्तान ते पाकस्तान) त्रैं सूबें (पंजाव, हिमाचल ते जम्मू-कश्मीरा) च वंडोई दी ऐ, जिसकरी इसदा रकवा ते ग्रवादी ठीक ढंगें ने दस्सना कोई सौखा कम्म नेई ऐ। इयां गै दुनिया दे नकशै पर इसदी पुजीशन 32.22° थमां 34.10° ग्रक्षांश ते 75.39° — 78.28° रेखांश दस्सी जन्दी ऐ। वो, डोगरा भूम दाऊं देस्सें ते केई सूबें च बंडोने करी (दुनिया दे नकर्षे पर) इसदी ठीक पुजीशन वी दस्सन नीं होंदी। डोगरी भाशा ते उसदे कन्ने रलदियां-मिलदियां भाशां जेकर लैनियां होन तां पीर-पंचालै दे दक्खना च समूलचा जम्मू सूबा (पाक ग्रधिकृत डोगरा लाका बी) हिमाचल दा बलासपुर, चंबा, कांगड़ा, कुल्लू, मण्डी सकेत, ऊना, हमीरपुर, पंजाब दा गुरदासपुर ते होशियारपुर (खास करी देहाती लाके) ते पाकस्तानी पंजाब दे सयालकोट दा उत्तरी पूर्वी किशा हिस्सा डोगरा भूम आखेआ जाई सकदा ऐ । जिय्यां योरप च सरमायादाराना इन्कलाब होने करी जगीरदार समाज दियां रयासता (States) त्रुट्टियां ते निमयां रयासतां (मुल्ख) कौमी बुनियादै पर (खासकरी भाशा दी बुनियादै पर) सामने म्राइयां। डोगरा भूम इय्यां कदें वी इक मुल्ख जां देश जां कुसै मुल्खे च समूलचा इक सूबा

^{1.} Jyotishwar Pathik: The Cultural Heritage of Dogras

बी नेई बनी सकेआ। इसदे केई इक कारण न। बो, इन्दी हालत पच्छमी एशिया च ग्ररब, इरान दे खुर्द, लोकें बांगर ऐ। फर्क छड़ा इन्ना ऐ जे ग्रो इक धर्में गी मन्नने ग्राले न ते डोगरे केई धर्में च बंडोए दे न ते योरप आली कौम-परस्ती दी भावना थमां केई कोह् छिण्डै न।

स्रम्बर ने छोंदियां, चिट्टे पालें ने लदोदियां धारां, सैलियें चीड़ें ते दयारें ने भरोचियां धारां ते पथरीली, चट्टानी नंगियां धारां डुग्गर दियां शोभा न । थोड़े हारे पढ़रे लाके गी छोड़ियै बाकी सारा दा सारा लाका गैं प्हाड़ी ऐ, जिसगी तैं भागें च बंडेआ जन्दा ऐ:—

- पैह्ला सतह समुन्दर कोला 2000 थमां 4000 फुट उच्चा (जिस च शिवालिक रेंज दे प्हाड़ न) ।
- 2. दूत्रा सतह समुन्दर कोला 8000 थमां 10000 फुट उच्चा, जिस च भद्रवाह, किश्तवाड़, रामवन, रजोरी, पुंछ दे प्हाड़ न ।
- 3. त्रीया 17000 कोला 22000 फुट सतह समुन्दर थमां उच्चा प्हाड़ी सिलसला शामल ऐ।

इतें प्हाड़ें चा गै चन्द्रभागा, रावी, व्यास ते सतलुज दरेआ निकलदे न (ते जेह्लम छोंह्दा-छोंह्दा लगदा) जेह्के ख'त्ल पंजावै गी हरा-भरा बनांदे न । डुग्गर गी इन्दा खास लाभ इय्यै जे अमारती लकड़ी इनें दरेश्रायें राहें प्हाड़ें थमां ख'ल्ल मदानै च पुजाई जन्दी ऐ जां टामीं-टामीं कोई नैह्र खेतरें गी घालदी होग । दरेश्रा सारा पानी समेटी-सोती जन्दे उठी । बो, इस धरती दे खेतर त्रयाहे दे गै शेंह्दे न ते अज़ें तोड़ी ते पूरी विजली बी इनें दरेश्रायें ने प्राप्त नी होई । ल्हा, ध्रस्सां, जिमियां गी खर (Erosion) इनें दरेश्रायें कारण नित-प्रति बधदी गै जारदी ऐ ते घाटियां मितयां गैह्रियां होश्रा करदियां न ।

वो, डुग्गर दे प्हाड़ें च किच्चयें धातें दे खजाने भरपूर न। लोहा, कोयला, नीलम, अबरक, ताम्बा, ग्रल्मोनियम, लिगनाईट, सीमैंट बनाने दा पत्थर, चीनी भाण्डे बनाने ग्राली मिट्टी ते होर धातां इनें प्हाड़ें च मुल्ख होंदियां न बो, नीलम ते कोयले गी छोड़ी होर किश बी धरितया चा बाह्र नी आया। ज्वालामुखी होने कारण गैस दे भण्डार बी हैन ते मिट्टी दा तेल बी। बो, ग्रीने-जाने दे साधन नेईं होने कारण एह् चीजां धरितया

च गै दवोदियां पेदियां न । उधमपुर जिलै च वसंतगढ़ दे कोल कुसै जमाने लोहा निकलदा हा ते खानां होने कारण जगह दा नां खनेड़ पेई गेआ हा ते ग्राखदे जे इस लोहे कन्ने तोफें दे गोले ते होर सम्यान बनदा हा।

इनें धारें च गै तैं बिडुयां झीलां न । जम्मू दे कोल शिवालक दे दक्खन च मानसर ते सहईं सर मिट्ठे पानी दियां झीलां न । मानसरै दा सर गोलाई च ऐ। कण्डें पर इक-दाऊं थाह्रें दे ग्रलावा इन्ना डूग्गा नी ऐ। हजारां लोक इत्थें सैर करने गी औंदे न ते केइयें दा मानसर ने धार्मक सरवन्ध ऐ ते ग्रपने जागतें दे मूनन करने गी बी औदे न । सहईं सरै दा सर लम्बाई च ऐ ते इसदी डुगाई कण्डें परा गै रम्भ होई जंदी। मानसरै च इक बरेती पेई, जेह्की पानियें दे ग्रन्दरें चढ़दे थमां घरोंदे पास्से गी मझो-मंझ गेई ऐ ते पानिया थमां बाह्र ऐ, जिस च ग्रम्बें दे बू'टे बड़े गै गैल बझोंदे, खासकरी पानियें च बू'टें दी परछाईं ग्रत्त गै गैल लगदी ऐ। भद्रवाह दे कोल सयोज धारा पर वासकुण्ड (कैलाण कुण्ड) सरोवर ऐ, जितथें वरसांती जात्तरां जिन्दयां न। दौं दिन मेला लगदा ऐ ते दूरा-दूरा दा लोक (प्हाड़ी लोक) ग्रौंदे न; खासकर रामनगर वलौर, बसोह्ली, चम्बा, उधमपुर, डोडा, भद्रवाह, रामवन, दे लोकें दी गिन्तरी होंदी ऐ। बासकुण्डा चा नीर, तौह् ते उज्झ दरेआ निकलदे न।

डुगार दे प्हाड़ी लाकें च तीर्थ स्थान वी वड़े न । वैष्णो देवी, सुकराला, ज्वाला जी ते होर वी मते थाह्र न जित्थें पंजाव ते दिल्ली तोड़ी लोक ग्रौंदे न । जिय्यां वासकुण्ड दी जात्तर चलदी ऐ इय्यां गै चम्बा च मणि-महेण दी जात्तर वी चलदी ऐ ते ग्रमरनाथें दी यात्तरा दा चिरता उठी ग्रौंदा । रौंसलियें धारें च सैर-सपाटे आस्तै जम्मू च ते नेईं, वो हिमाचलै च किश थाह्र जरूर न, जित्थें लोक ग्रपनियां छुट्टियां कट्टने ग्रास्तै ग्रौंदे न जिय्यां के डलहोजी, कुल्लु-मनाली, शिमला वगैरा ।

डोगरें दा इतिहास ते डुग्गर दा श्रर्थ: — ग्रज्जै तोड़ी विद्वान इस गल्ला गै इक राठ नीं होई सके जे 'डुग्गर' बोल कियां बनेग्रा। इस पर सारें दियां गै बक्खरियां-बखरियां राईं न। स्हाड़े इक पराना रवाज ऐ जे इत्थें हर परानी चीजा दा सरबन्ध संस्कृत दे कुसै ग्रैन्थ कन्ने जोड़ी छोड़दे। डोगरा, डोगरी, डुग्गर दा सरबन्ध इंयां गै द्विगर्त कन्ने जोड़े दा ऐ। ग्राखदे, इत्थें 'मानसर' ते 'सहईं सर' दाऊं सर होने कारण,

इसदा पराना नां द्विगर्त रेहा ऐ, जिसदा विगड़दा-विगड़दा डुग्गर वनी गेम्रा ऐ। हरानगी एह ऐ जे द्विगर्त दा दुगत्त, बनदा ताम्मीं खबरें वनकी जन्दा (श्यामलाल शर्मा: डोगरी हिन्दी शब्दकोश दी भूमका) वो 'द' दा उ बनना किश वनकदा नेई ऐ। इयां गैं किश विद्वान 'दुर्जर', 'दुर्गल', 'दुर्गल' बोलें ने सरबन्ध जोड़ी सारें गी डुग्गर बनाई छोड़दे न ते इन्दा मधार म्र्य दे लेहाज ने डुग्गर दी जुगराफियाई पजीशन दसदे न। इक राड ऐ (श्री जगदीश चन्द्र शास्त्री: म्रार्यों का उद्गम स्थान तथा मूल भाशा, हवाला श्री ज्योतिश्वर पार्थक: The Cultural Heritage of Dogras) जे डुग्गर बोल 'देविगरी' वोलें थमां निकलेम्रा, कीजे महाकि कालीदास ने बी हिमालिया गी देविगरी म्राव्ये दा ऐ। देविगरी, देवोगिरी, दियोगिरी, दियोगिर थमां विगड़ी-विगड़ी डुग्गर बने दा ऐ। बोल संकोच ते डोगरी दा म्राम सुम्रात्तम ऐ, बो, भिरी बी किश स्हाब-कताव होंदा। जेकर 'देवता' दा किश नी बनेआ तां भिरी ते देविगरी दा डुग्गर बनना बी कठन ऐ।

डा० वालकृष्ण शास्त्री होर ग्रपने लेख (डोगरी भाशा दा निकास ते विकास) च यूनानी हमलावर सिकन्दर दे कुसै जोतिशी प्लोमी दा जिकर करदे, जिसने 'डगोरस' बोल दा वरता कीता दा ऐ ते लोकें दा वखान कीता दा ऐ। एह् थोह् भिरी बी नेई लगदा जे 'डुग्गर' दा रम्भ कियां होया? 'डगोरस' कु'न होग ते यूनानियें थमां पुज्ज बी गलांदे जे इरानियें दे सरबन्ध हिन्दोस्तान कन्ने रेह दे न।

किश लोक राजस्थानी बोल 'डूंगर' कन्ने बी इसदा सरबन्ध जोड़दे, जिसदा अर्थ ऐ प्हाड़ियें दी टेकरी' जां 'टिल्ल'। एह् इंयां होग्रा गलांदे न जे राजस्थान थमां नस्सी किश राजपूत परवार कांगड़ा, जम्मू ते चम्बा उठी आये ते उनें इस्सी डुगार दा नां दित्ता। 'डूंगर' दा 'डुगार' वनना तां किश चवात नेईं ऐ, बो, आखदे जे बारमी सदी दा इक त्राम्मी पटा बी ल'ब्बा ऐ जिस च डुगार बोल बरतोए दा ऐ। राजपूतें दी एह् नाठ भला कटूं पेई होग ते भिरी औदेसार गैं उनें नां 'डूंगर', रक्खेग्रा ते सार प्रचलत होई गेग्रा ते भिरी डुगार बनी गेग्रा हा। इतिहासक परमान नेईं होने करी, एह् गल्ल बी भलेग्रां सिरैं नीं चढ़दी।

राजतरंगनी दे 'कल्हण', ने दार्भाविसार इलाका रावी ते जेह्लम

दरेग्रा दे मंझ जेह्का दस्सेग्रा ऐ, डा० वेद कुमारी घई हुंदे ग्रनसार इयें हुगर हा। कल्हण ने इस लाके दे नग्गरें दे नां गिनादे न—राजपुरी हें (रजोरी), वब्बापुर (बबौर), बल्लापुर (बलौर), ते चम्पा (चम्बा) वर्गरा। जिंदे राजें दा टाकरा कश्मीरी राजें ने रेहा ऐ। निक्के-निक्के राजे हें, कोई इक छत्रपित राजा नेहा। विद्वान लोक इस्सी गैं 'डुग्गर' ग्राखदे न, वो, कल्हण ने वी डुग्गर वोल ग्रपनी कतावा च नेई वरतेग्रा।

डुग्गर दा मता लाका हिमालिया प्हाड़ ते शिवालिक धारें ने घिरे दा ऐ ते डूगियों घाटियों च वस्से दा ऐ, डुग्गा, डुग्ग, डूग वोला थमां जेकर 'डुग्गर' वनेश्रा होऐ तां कोई तज्जब नेईं। डुग्ग, डुग्गा, डगेर, डगेढ़, डगोढ़ वोल डोगरी च मते न ते ग्रायों मोह्ड़ों दे नां न। होई सकदा डुग्गा थाह्र होने करी इस्सी एह् नां दित्ता होऐ ते लोकें गी डोगरा श्राखेग्रा होऐ। डोगरा लाके च वड़े थाह्रें दे नां सुग्रात्तमैं करी वने दे न। जिय्यां सामना वंज, उच्चा पिण्ड, व'ट्टों ग्राला नग्गर, सरनी, खड़ी जन्न, जां गिह्यां कोलां गिदेरन, गदैह्डा, ठकरैई, मट, कवेंह्डा, बरेयालता, वंधरालता।

डुगगर ने सरवन्धै कारण इत्थुऐं दे लोकेंगी डोगरे गलाने दो गल्ल बनकाई जन्दी ऐ ते हून इसलै इस लाके दे सारे लोकें गी गै डोगरे म्राखेम्रा जारदा ऐ, जिय्यां ग्रस सारे नेपालियें गी गोरखा, सारे दक्खन-बासियें गी मदरासी ते पंजाब थमां अगड़े चढ़दे सारें गी हिन्दोस्तानी गलाने आं, बो देहा ऐ नेईं। इंग्रांगैं डोगरा बोल बी अपना बक्खरा ग्रर्थ ते सुग्रात्तम दसदा ऐ। 'डोगरा' दा ऋर्थ ग्रायें च उच्चे ते शाही (हुकमरान) लोक न । इस लाके दाऊं भान्ती दे बराह्मण न । करसान बराह्मण ते गैर-करसान बराह्ण । जिंदी रैह्नी-बैह्नी बक्खरी-बक्खरी ऐ । गैर-करसान <mark>बराह्मण गैं ढोगरे ब</mark>राह्मण खुम्रांदे न, कट्टर धार्मक न, हल्ल नेई चलां<mark>दे, दोह् रिया ब्याह् नेई</mark> करदे, करसान बराह् मणें गी ग्रपनियां कुड़ियां नेई दिन्दे, बो बिच्च-बिच्च उन्दियां कुड़ियां ब्याही लैंदे । ग्रकसर डोगरे बराह्मण जगीरदार तबके ने सरबन्ध रखदे न । गुज्जर लोक गैर गुज्जरें गी, खासकरी खन्दे-पोंदे लोकें गी डोगरा ब्राखदे। रामनगर दे लाकैच जिय्यां गुज्जरें दा जागत शैल टल्ले पाई लै तां उसी म्राखङण 'डोगरो मुण्डो लबतो'। शैल भठोरुग्रां ग्राला खाना—'डोगरो खानो'। भाशा च 'डोगरा' बोल निक्का ते संगड़ोंदा बोल लगदा ऐ जिस च वणालता नेईं

ही, छड़ा हुकमरान तबकें कन्ने जुड़दा हा। इये कारण ऐ जे डोगरा बराह्मण ते करसान वराह्मण, बक्खरे-बक्खरे तबकें दे बराह्मण न। होर ते होर इन्दी भाणा च वी दाऊं बनखरे-बनखरे तवकें दी झलक पौंदी ऐ। डोगरा बराह्मणें दी भाशा च संस्कृत दे बोल बरतोंदे न ते करसानें दी भाशा च ठेठ डोगरी हुन्दी ऐ जां 'डोगरीकरण' होई जन्दा ऐ।

इस लाके दी भाशा गी डोगरी ग्रालेग्रा जन्दा ऐ, जिसी इस लाके दे सारे गै लोक समझी ते बोली लैंदे न, भायें ग्रो पुंछी न, भायें भीरपुरी, भायें गद्दी न जा गुज्जर, बक्करवाल, भायें पोगली-सिराजी न, भायें किश्तवाड़ी, भद्रवाही, मण्डी दे मण्डेग्राल् ते चम्बे दे चम्बेग्राल् सारे गै डोगरी बोलदे ते समझदे न ते इक-दूएं ने मिलने बेल्लै डोगरी गै बोलदे न । बोलने दा लैंह जा भायें बक्खरा होऐ वो, उन्दे लोकगीत सारे डुग्गर च बोले जन्दे न । खुग्रान, मुहावरे, फलौनियां, बुग्राखां सब्ब गै इक न । दना फर्क होना ते जरूरी ऐ। बुग्राख पांदे न—'चौदें कोहें पर ते चौदें व'रें च भाशा बदली जन्दी ऐ' - ठीक गै लगदी ऐ। जार्ज ग्रियर्सन ने भल्ल-भलेखें डोगरी गी पंजाबी दी 'उपभाशा', गलोई गेआ हा, इस करी इसी म्रजें बी पंजाबी दे किश 'पंत' पंजाबी दी उपभाशा गै गलाई जारदे न ते ग्रियर्सन हुन्दे गै सर्वे दी भूमका दे पैह्ले पत्तरे गी ग्रक्खीं मिट्टी बिसारी छोड़दे न, जिस च ग्रियर्सन साह्ब, हिन्दी कवि ग्रमीर खुसरो दी कताबा दा हवाला दिन्दे स्राखदे न, जे उसदी भाशा दी चन्दी च दिल्ली दी भाशा दे परैन्त डोगरी भाशा दा नां ग्रौंदा हा ते उनें दिनें पंजाबी दा कुर्त नां-पल्ला बी नेहा (हवाला डा० सिद्धेश्वर वर्मा: वंसीलाल गुप्ता हुन्दे डोगरी व्याकरण दी भूमका)। इंयां गै बड़े चिरै मगरा उन्नीमीं सदी दे रम्भ च गै ग्रंगरेज पादरी केरी (Carey) ने भाशें दी जेह्की चंदी बनाई ही उस च बी इंयां गै दिल्ली दी भाशा मगरा डोगरी दा गै नां ग्राएदा ऐ, (हवाला डा॰ सिद्धेश्वर वर्मा Ibid उयै)। गलाना होऐ तां पंजाब प्रांत गी कदें बी लक्क सधेरने दा खरा मौका नीं थ्होप्रा, की जे बाह्रले हमलें ते स्रापूं-चें बड़ी बढ़ गिन्तरी च मार-काट होने कारण, राम-रौला मचे दा गै रेहा, जिसकरी कुसै इक भाशा जां इक कीम दा गलवा इस लाक च नेई रेहा। इसदे उल्ट दूऐ पास्सै वाह्रलीं भागें ते कीमें दा इत्थें गल्बा रेहा। इन्ना तगर जे डोगरी दा ग्रसर वी पंजावी पर

खासा ऐ। ग्रज्ज वी पंजाबी पर बाह रली भाशें दा मता पानी चढ़ेदा ऐ साहित्यक भाणा ते मूला गै (पूर्वी पंजावै च) हिन्दी संस्कृत ते (पच्छमी पंजाव च) अरवी-फारसी दे दाऽ हैट्ठ फसी दी ऐ। डोगरी पंजाबी दी उपभाशा होंदी तां पंजाबी दा ग्रसर इस पर होंदा। डोगरी भाशा च ग्रपनियां बक्खरियां (अ) बाजां न, सूरां न, व्यञ्जन न, इंयां गै बोलने दा ढंग बी बक्खरा ऐ, नायें (संज्ञायें) दा स्हाब-कताब बक्खरा ऐ. बोल ते फिकरें दी बनौट बक्खरी ऐ, जेह ड़ी-क इक भाशा गी दूइयें भाशें थमां नखेड़दी, करेरदी ऐ। जेह के लोक डोगरी भाशा गी पंजाबी दी उपभाशा होने दा जाप घोखी जा करदे न, उनें डोगरी (म्र)बाजें पर ग्रजें गौर नेईं कीता दा ऐ। डोगरी दी मंझलियां सुरां उनें से ई नी हैन, जिन्दी वरतून जम्मू शैंह रै दे बाहुर ग्राम ऐ। डोगरी च हर लघु (हस्व) ते दीर्घ स्रै दे मञ्झ इक वक्खरा स्र वरतोंदा ऐ, जेह का हिन्दो-स्तानी भाशों च छट्ट कश्मीरी दे नेईं ल'बदा। एह ठीक ऐ जे जम्मू शैहरा दी भाशा पर पंजाबी ने खासा असर सुट्टेश्रा ते इसकरी भाशा दे पनतें गी भलेखा लग्गना किश चवात नेई ऐ। बो, जम्मू शैहर गै डुग्गर देस नेईं होई सकदा। 1947 ई० च भान पेई ते पंजाबी खासी गिन्तरी च जम्मू छोड़ी किश पाकस्तानी ते किश हिन्दोस्तानी पंजाबै च परती गे उठी ते उन्दे थाहर पूछी, मीरपुरी ते जिला सयालकोट दे डोगरे उठी ग्राये ते इक बहुा काफला, ग्रांई डोगरें दा उठी ग्राया, जिसने पंजाबी दे ग्रसरैं गी पिच्छें धिक्कना रम्भ करी छोडेग्रा ते डोगरा सुग्रात्तम परती सिर सुहान लगी पेग्रा ते डोगरी दियां मञ्झलियां सुरां परती वलोन लगी पेइयां। भाशा-विग्यानक सर्वे कीता जा तांपता लगग्ग जे जम्मू सूबे दे बाकी न गरें (ग्रखनूर, साम्बा, कठ्या, हीरानगर, रयासी, उधमपुर, रामनगर बगैरा) दी भाशा च कोई खास फर्क नेई ऐ ते जम्मू शैंह्रै दी भाशा म्हल्ले-म्हल्ले दी बक्खरी ऐ। चम्बे दे लोकगीत रयासी दे 'बमाह्ग' च ते चनैह्नी दे गीत हिमाचलै च गाचदे न । पाकस्तानै च ल्होर रेडियो ते डोगरी गीतें गी सिद्धा लोकगीत गलान लगी पेदा ऐ। कवि रामधन हुन्दा 'चन्ने दी चाननी चन्नै कन्ने' दे ग्रलावा मते गीत देए न।

डोगरी भाशा दा ग्रसर मते दूरै तोड़ी रेहा ऐ, खासकरी डोगरी वाजां दा ग्रसर हून तोड़ी पंजाब हरयाणा च ल'ब्बी जन्दा। दूर पंजाबै म्हल्ले-बस्तियें दे नां बी डोगरें ने जुड़े दे न। पंजाब च फरीदकोट च डोगर बस्ती नां दा म्हल्ला ऐ। डोगरी दी लिपि टाकरी ते शारदा इक्कै लिपि चा निकली दियां गलाइयां जिदयां ते टाकरी दा पंजाब च मता चिर चलन रेहा। टाकरी लिपि ते वर्णात्मक ऐ नां के अवखरात्मक। हिन्दोस्तान च इसलै टाकरो लिपि गै वर्णात्मक ऐ (बंसीलाल गुप्ता: डोगरी ब्याकरण, त्रिय्या ध्या) ते दूआ पंजाबी भाशा दी लिपि गुरुमुखी बने दे बी थोड़ा चिर गै होआ ऐ ते ऐन्तरराष्ट्री पढ़रै-र बद्ध लोक ते हून बी इसी फारसी लिपि च लिखदे न, बो, टाकरी दा चलन ते दसमी-आरमीं सदी च रम्भ होई गेदा हा।

इसदे कन्ने गैं उपसर्ग प्रत्यय जेकर दिक्खे जा'न तां डोगरी भाषा च मध्य प्रत्यय Infix) दा वरता बी होयारदा ऐ, मते बोल ऐसे न जिन्दे च हिंदोस्तानी भाषों च 'ह' दे थाह्र (स' बनदा ते इरानी च ते डोगरी च बी इरानी ग्राला लेखा 'ह' गैं रौंह्दा ऐ। डोगरी च सैमेटिक-हैमेटिक दा नारी-वाचक नर-बाचक लिंगा दा 'त' ते 'ता' डोगरी ग्रायों दे नामें नै ग्रंज्ज वी जुड़ी जारदा ऐ—कटवालत, चढ़त, कलसोत, बटोत, रतनोत नारी-वाचक ऐ ते बजालता, मजालता, मझालता ते बंधरालता नर-बाचक न।

होगरी च हिंदोस्तानी भाशें दै मकावलै च सँमिटक-हैमिटिक भाशें दा ग्रसर वधीक ऐ जिय्यां 'त' दा 'थ' बनना, भारत— भारथ, भरता— भरथा, भरती—भरथी, भरतरी हिर—भरथरी हिर वगैरा। डोगरी च सुर-व्यञ्जन जोटड़े सुर (Dipthong) जोटड़े व्यञ्जनें दी गिन्तरी ते ग्रद्धे व्यञ्जनें ने सुर लग्गना खासा ऐ ते एह् हिंदोस्तानी भाशों थमां निक्खड़ी जंदी ऐ। पंजाबी दी ते गल्ल गै नेईं जेह्की नमीं-नमीं सिर चुक्का दी ऐ। इसदे कन्ने डोगरी च संगड़ोने दी किया मते गै चिरै दी रम्भ होदी ऐ, जेह्का इक बड्डी समृद्ध भाशा दा खास सुआत्तम ऐं। (एह. सगड़ोने दी किया शिवालिक धारें दे मंझलै लाकै मूला होई दी, खलकै लाकै ग्रजों पूरी नी होई दी, जिय्यां :— 1. करुड़ेआ, 2. करी ग्रोड़ेग्रा, 3. करी छोड़ेग्रा। एह् संगड़ोने ग्राली किया डोगरी च दाऊं-दाऊं ते तैं-त्रैं बोलें दे ग्रापूं-चें जुड़ने लै खासी होंदी ऐ। बो, साढ़ी गुहांडन पंजाबी च एह् किया धक्ख घट्ट ऐ। ग्राईं खेत्तरैं च बोल ग्रापूं गै इक्कला

सुंगड़दा ऐ, दाऊ बोल किट्ठे होई सुंगड़दे नीं हैन। देह सुम्रात्तम डोगरी गी दूइयें भागें थमां वनखरा खण्डादे न, भायें दूइयें भागें डोगरी पर मता ग्रसर पाया, बो इसदा सुम्रात्तम ऐ जे दूइयें भागें दा जे किश बी लैता, ओह निरिफर उऐ देहा नीं रेहा, उसदा डोगरीकरण जरूर करी लैता दा ऐ, भाए बक्खरी बाज गैं कैंह नीं बनाई छोड़ी।

इतिहासक पछोकड़ : - इसदा इतिहास वाकी देस्से दे लोकें साई खासा पराना ते भलोका ऐ । लिखेदा इतिहास नेई होने कारण मता घमचोल पेदा ऐं ते जिय्यां पैह्लों गै श्राखेश्रा गेदा ऐ जे डुग्गर दी धरती इक देस जां कुसै मुल्खै च इक समूलचा सूवा अर्ज्जे तोड़ी बनी नीं सकेग्रा, जिसकरी सारे दा सारा इतिहास खिल्लरदा पेदा ऐ; जिसी सोती समेटी सम्हालने दी लोड़ ऐ। डुगगर दा इतिहास बी बाकी लोकें साईं गै चलदा ग्रावारदा ऐ। 1. आदिम समाज 2. दास स्वामी समाज, 3. जगीरदारी समाज, 4. बस्तीवादी ते नीम जगीरदारी समाज, 5. नीम बस्तीवादी ते नीम जगीरदारी समाज। इनें समाजें दी रैंह्द-खैंह्द हून वी रीतें-रवाजैं ते खुम्रानैं च ल'ब्बना लगीं-दी ऐ। डोगरा शकारियें दे शकार खेढने दे निजम स्रजें वी स्रादिम समाजी शकारे दे निजमें अनसार न। जात्तर, गुसेत्तन, जगेरन (जागरण) उस समाज दा चिरता नुम्रांदे न । गुज्जर, बक्करवालें दा रैह्न-सैह्न म्रादिम समाज दे कवीलें ने मिलदा ऐ । गिंद्यें दा कुड्ढ नाच जनजातियें दे नाचें नै मिलदा ऐ । कौरु-सांसिये, पेरने, बाजीगिर ग्रजें कबीलें दा सुग्रात्तम छोड़ने गी त्यार नेई ते म्रादिम समाज दे 'कम्यून' दी गै भज्जी-त्रुट्टी दी रैंह्द-खेंह्द ऐ। डुग्गर दी धरती पर सांझियां जूहां (चरागाहां) ते शामलाट ते ग्रादिम समाज दे कम्यून दी ग्रावारदी सांझी जदैंद ऐ। ग्रायों च लोकों दे पेशे ते सांझे वरतन ग्रादिम समाज दा चिरता करांदे, जित्थें ग्रजें वी लोहार-तरखान, घमैह्र-चमैर, रामदासिये, जुलाह्, म्हाशे, नाई वगैरा ग्रजें पैहे लेइये कम्म नीं करदे ते ग्रापूं-चें विजन पैहें कम्म करदे । घलाई, गरलोढी, गुढैर, सांमद, लेह्र, बडैर (बाड्ढी), लाही— सब्ब कम्म सांझे होन्दे न । ब्याह्, जग्ग-धाम, मरना, मानगी श्रास्तै सांझा कम्म करदे विजन पैहें। बाकी दे समाजें दे बार व बी खासा किश ल'व्वी सकदा ऐ । डुग्गर दी धरती पर बाकी दुनिया दा म्रसर किश चिरें गैं पौंदा रेहा, कीजे इत्थें ग्रौने-जाने दे साधन इन्ने नेहे जिले मदानी लाकें च हे।

मोहनजोदारो ते हड़प्पा ग्राली सभता दे किश नशान माण्डा (ग्रखनूर) चा ल'ब्बे न जेह् ड़े डुग्गर दी धरती दे इतिहास दे विद्यार्थी भी पिच्छें लेई जन्दे न । किंश लोक कश्मीरा लेखा डुग्गर गी वी नाग-पिशाव थ्यूरी नै जोड़देन । इसदे ग्रसली वसनीक, 'नागे', ग्राखे जन्देन । ना जाति दे लोक हिमालिया दी गोदा च रौंह्दे ग्राये ते दूर चढ़दै-तोड़ी खि'ल्लरे दे हे । डुग्गर च प्रचलत नाग-पूजा उन्दे थमां गै ग्राई । थाह् रॅं थाह्रे बौलियें, झीलें पर नागें दियां मूर्तां ल'बिदयां न । नाग-लोक इस थ्यूरी दे अनसार सोहै धारें पर जन्दे उठी ते सयाले ख'त्ल मदाने व उठी ग्रौंदे हे ते उन्दे थाह्र पिशाच लोक उठी ग्रौंदे हे। एह् लीह् ते ग्रज्ज बी चलारदी ऐ। लोक, ग्राम करसान सोहै ग्रपना माल दूहारी (बैहुकें-ढोकें) धारें पर लेई जन्दे न ते सयाले ख'ल्ल उठी ग्रौंदे न। गै सयालै धारें परा सब्बनी थमां पुज्ज गुज्जर ख'ल्ल मदानै च भिरी उन्दे परैन्त वक्करवाल ढलदे, खीरी गद्दी ढलदे न । जिसलै सयाला मुकदा ते बांदी व्हार ग्रौंदी तां सब्बनी-थों पूज्ज गद्दी लोक ग्रपना (भिड़ां-बक्करियां) लेड्ये धारें पास्से चली पौंदे, भिरी बक्करवाल ते परैन्त गुज्जर लोक ग्रपना माल (मैंहीं-गवां) धारें पर लेई जन्दे। हिंदोस्तान ते पाकस्तान बनने करी पच्छमी-दक्खनी डुग्गर च कंध लग्गी दी ऐ, बो, हिमाचल ते जम्मू-कश्मीरा दे गुज्जर दूर पंजाबै च सयालै जन्दे उठी न ।

किश विद्वान गलान्दे न जे डुग्गर च पराने वासी गुज्जर हे वे इत्थुआं दा गै हिन्दोस्तान ते पाकस्तान दे लार्के च गे हे, बो, एह् गत्स बनकदी नेई कीजे जम्मू कश्मीरा च गुज्जर खाना-बदोश न ते हिंदोस्तानी पाकस्तानी लाकें च बसनीक न, जित्थें उनें राज बी कीता दा ऐ वे राजपूतें ने मिलदे न जां ग्राखो राजपूत न। बो, जम्मू-कश्मीरा च वे हिमाचल, पंजाब च खासी गिन्तरी अपना घर-बार नी बनाई सकी। इत्थें हैन बी दाऊ हिस्सें च गुज्जर मेंही-गवां पालने ग्राले जां बक्करवाल भिड्डां-बक्करियां पालने ग्राले । इंदियां जातां ते गोत्तर सब्ब इक्के देइयां न, लाब्बे ते भाशों च थोड़ा-हारा फर्क ऐ। डोगरी धारणा दे अनसार बक्करवाल तौले-तौले गै जम्मू-कश्मीर च ग्राएदे न काहकान दा तां गै

इनें गी काहकानिये (काहगानिये) ग्राखदे। जनाब सरवरी कसाना हुंदे लेख अनसार, एह् जिला हजारा चा आएदे न (शीराजा डोगरी 1980)

किश विद्वान गलांदे न जे इस देस्से दे ग्रसली वसनीक 'कोल्ली', हे। एह् पता नी कनेह् 'कोल्ली' हे, कीजे इक कोल्ली गिह्यें दी बोली बोलदे ते कम्म लुहारें दा करदे ते गद्दी उन्दे रुट्टी नेई खन्दे, बो, उन्दे जात-गोत्तर वी इन्दे बांगर गैन।

डुगगर दी धरती दा इतिहास बाकी दुनिया कोला बक्ख नेई रेहा ऐ, जिय्यां-जिय्यां बाकी दुनिया च परत-खिरत होंदे रेह्, फेर-बदल होन्दे रेह्, इस धरती पर बसनीक लोकें दे समाजा च बी फेर-बदल होंदे रेह्। भायें ग्रोह् मालकें बरुद्ध गलाम-दासें दियां बगावतां हियां, भाएं जगीरदारें बरुद्ध करसान बगावतां हियां। शूदर (हरिजन) लोक ते दास जां बेजमीने करसान रेह्, इस ग्रास्तै इतिहास दी प्रेरक शक्ति लोक हे ते मालकें जगीरदारी जुल्में दै बरुद्ध बगावतां करदे रेह्। मालकें जगीरदारें दी बुग्राख बी ऐ, 'छिल्लू रिहा दा ते डूम बहादा।' कारण हा बेजमीन शूदर करसान बागी बनेदा रेहा ते जिसलें बी उस्सी दां लग्गा, उस बगावत कीती।

जिन्नें तोड़ी मालक जगीरदार राजें दा सरबन्ध ऐ, उन्नै ते सदा गैं मरकजी सरकार नै समझोता-वाजी कीती। जेह्की सरकार वी तगड़ी रेही उनें उस्सी गैं मत्था टेकेआ। भायें त्रिगर्त देस दे राजें महाभारथ च कोरवें दा साथ दित्ता, भायें डोगरा जरनैलें औरंगजेव दी मदाद करियें सुलेमान शिकोह् गी जंगें च फगड़ेआ जां 1857 ई० च ग्रजादी दी लड़ाई च महाराजा रणबीर सिंह ने ग्रंगरेजें दी मदाद ग्रास्तै ग्रपनी डोगरा फौज भेजी। राज भायें मुगलें दा रेहा, भायें पठानें दा, भायें सिक्ख जगीरदारें दा रेहा, राजें-जगीरदारें उदी बद्ध थमां बद्ध सेवा करने दा जतन कीता हा, भायें मियां डीडो गी गैं धोखें नै कैंह् नी मरवाया। वो, लोकें दियां तांह्गां उन्दे लोकगीतें चा प्रगट होई जारदियां न। ग्रजें पराना इतिहास मुड़ी-मुण्ढा दा लखोना ऐं।

इतिहास भायों किश बी रेहा होऐ, बो अज्ज इस धरती दा हर माह्नू डुग्गर गी अपनी मातृ-भूम मनदा ऐ। भायों गुज्जर ऐ, भायों गद्दी, भायों कश्मीरी मुस्लमान केंह्ं नी होऐ। डुग्गर दी धरती पर चिरें दे आएदे कश्मीरी मुस्लमाने दी रैह्त-बैह्त बी हून डोगरा होई गेदी ऐ। डोगरा रस्में-रवाजें च सारे गैं रची-पची गेदे न।

लोक ते कार-किरतां :- ड्गार दी धरती दे लगभग पचासी फीसदी लोक ग्राई लाकें च रौंह देन। कल-कारखाने नेई होने करी, गरीबी ते पसमांदगी मती ऐ। आम पेशा, करसानी ऐ ते इसदे परैन्त मजुरी। मज्री कमाने श्रास्त लोक दूर दक्खन तोड़ी जाई पुजदे न ते फसल राह्ने ते सम्हालने दे बेल्लै परती घर उठी ग्रौंदे न । प्हाड़ें पर जित्थें जंगल न, लोक लकड़ी चीरना ते भिरी दरेग्रायें राहें म्हान चलाई सड़कें तोड़ी पुजांदे न । तारें दिया लोई कम्म रम्भ करदे ते संबां तारें दिया लोई गै खत्म करदे। जनानियां, जागत बी वाजै बेरीं कम्में पर लग्गे दे होंदे। इसदे कन्ने गै जाड़ै च चीढ़ें दा खलदरा कढदे, कत्था, रसोंत, किल्मां बनाने दा कम्म करदे । इनें कम्में आस्तै ज्हारां मजूर ठेकेदारें लाएदे होंदे, जेह्के जाड़ें च दरेग्रायें दै कढै रौंह्दे ते रोज गै ग्रयना डेरा-डप्पा च्यकी खलेडे-खलेडे चले दे रौंह्दे न। इस कम्मै ग्रास्तै लोक दूर-दूर जन्दे न । हिमाचल दे मजूर जम्मू-कश्मीर च ते जम्मू-कश्मीर दे मजुर हिमाचल च कम्मै पर चली जन्दे न । बो, एह. मजूर व्हारी मजूर न ते सर्वहारा सुग्रात्तम ग्रपनाई नी सके न। एहं मजूर अर्जे वी जगीरदारी रिश्तें च बज्झे दे न।

इसदे परैन्त ग्रांई कारीगिर ग्रोंदे, जिन्दा कम्म कम्बल, पट्टू, लोइयां बुनना ऐ। प्हाड़े थाह्रें, जित्थें उन्न सक्खर होंदी, कारीगिर लोक बुनाई करदे रींह्दे ते सयालें ख'ल्ल ग्रांह्रें च ग्राइयें बेचदे न। प्हाड़ी कम्बल बी ते इक कला दी नंशानी ऐ, बो, इन्दी पैदावार बद्ध गिन्तरी च नेई होंदी, मांग बड़ी ऐ ते थोड़ पेदी गैं रौंह्दी। दूग्रा कच्चा माल थहोंदा बी घट्ट ऐ, कीजे मता कच्चा माल मण्डी च पुज्जी जन्दा, कारखानें ग्रास्ते।

किया लोक मौसमै पर गुच्छियां, वनगशां, धूफ, कुट्ठ, दाड़मां (नारदाना), खोड़ें दी दातन ते होर जिंह्यां-बूटियां चुनी ठेकेदारें गी भोऐ दे भाऽ बेचदे—मण्डी च भाऽ भायें किन्ना तेज कैंह् नी होऐ। इसदे कन्ने गैं लोक गणे दियां मिक्खयां पालदे ते मखीर किट्ठां करदे रौह्दे। शिवालिक प्हाड़ियों दी बादियों च लोक हून रेश्म दे कीड़े पालदे न से अपनी आमदनी

च किश बाद्धा करी छोड़दे, बो, भिरी बी एह् कम्म सारा-साल चलने ग्राले नेई होंदे न । मसां-क म्हीना खण्ड गैंटपचदा ते भिरी बेह्ल्ले ।

किशा लोक घाऽ दियां वैस्कां, काण्डु, छिक्कुं, पंदी-विन्ते वनाई-वनाई शैह्रें च वेचदे न । वो, इस कम्मै च वी समूलचा ढिडु नेईं भरोंदा । करसानी दे कन्ने-कन्ने गं एह् कम्म वी चलदे रौंह्दे, जिय्यां कोई कुक्कड़ पालदा जां कोई सूई दी मेंह्-गो होऐ तां घ्यो, कलाड़ियां लाई लैंदा । सड़कें दें कोल-कोल पनीर ते मावा (खोग्रा) वनाने दा कम्म वी चलदा । गद्दी, वक्करवालें दें ग्रलावा ग्राम करसान वी भिडुां-वक्करियां पालदे न ते वेची गजारा चलांदे न, वो, लोकें दी गरीवी घटती नेईं सगुग्रां वधदी गैं जन्दी ऐ।

ग्रायें च लुहार, तरखान, राजड़े, चमैर, घमैह्र, सनैर, लोकें दे माड़े-मुट्टे कम्म करदे न। पलास्टक ते नायलोन दा वरतारा होने करी चमैरां दा कम्म घाटें च चली जारदा, बो, राजड़े-तरखान ते लुहारें दा कम्म वाद्धें च गै ऐ। सड़कां, डैम, ग्रमारतें च बाद्धा होने करी राजड़ा-वटैह्डा घर घट्ट गै बौह्दा ते हून नग्गरें-ग़ैह्रें च उठी जारदा ऐ।

थोड़े-मते पढ़े-लिखे दे लोक नोकरी तुप्पने ग्रास्त गैह्रें च जाई खज्जल होंदे न । कुसै जमाने फीजा च नौकरी ग्राम ही, बो, ग्रज्ज-कल उत्थें बी कोई बात नी पुच्छदा । ग्रायें च जित्थें सड़कां नेई हैन ते करसानें गी छुड़ जिमियां होर ग्रामदन नेई ऐ। जम्मू-कश्मीरा च ते हिमाचल च करसानें दी गरीबी दी हालता च कोई फर्क नेई ऐ। 24 ग्रप्रैल 1981 दे धर्मयुग च ग्रपने इक लेख च हिमाचल प्रदेश दे पिछले मुक्खमन्त्री श्री गांता कुमार ने जेह् हे ग्रांकड़े दस्से दे न, उस ग्रनसार तेत्तरी फीसदी लोकें दी माह नुऐ परती इक रपेग्रा ध्याड़ी बी ग्रामदन नेई ऐ।

इसदे ग्रलावा ग्रायें च लगभग पज फीसदी लोकें गी ग्रस अमीर ग्राखी सकने, कीजे ग्रपनी करसानी दे कन्ने उन्दी ग्रामदन होर बी ऐ, घरा दा कोई जना नोकर ऐ ते बाफर ग्रामदन ऐ ते उन्दा स्टैण्डर्ड बाकियें कोला किश खरा ऐ। बो, उन्दी तदाद कदें बी बधदी नेईं, कीजे उन्दा रुझान शैंह् रें पास्सै जाने दा होई गेदा ऐ। बीह् फीसदी लोक दिमयाना होई सकदे, जेह्के ग्रां अनसार ग्रपना गजारा करी सकदे, कीजे उन्दे कोल जिमीं बी ग्रपनी ऐ ते भिडु-बक्करी बी सालै च बिकी जन्दी। जिमियां नाज पूरा होई जन्दा ते बाकी गजारै ग्रास्तै ग्रामदन निकली ग्रौंदी ऐ। चाली फीसदी लोक गरीब न, कीजे जिमियां दा पूरी पुजत नेई होंदी. कल छे म्हीनें टपदे ते भिरी नाज मुल्लें लैंने दी बारी उठी श्रोंदी ऐ ते बाकी खर्चे ग्रास्त वी पैहे दी लोड पेदी रौंह दी। इस ग्रास्त मज्री दूर-दूर जाना पौंदा ते केई बेरीं कर्जाऊ वी होई जन्दे। पैंतरी फीसदी कोल जां ते अपनी जिमीं नेई ते कुसै दी बांह्दे, जां भिरी अपनी जिमीं थोडी ऐ ते बंजर पथरीली ऐ। इसदे कन्ने गैं ग्रपने कोल दांद नेई हैन ते होर साधन नेई हैन । इन्नी सर्मथेग्रा वी नेई जे ग्रां छोडी कुतै वाह्र जाई मजुरी थ्होई जा। निक्के शाहुकारें ते मीर करसानें कर्जें च दब्बे दे न। ग्रज्ज कुसै दै कम्म करारदे, कल्ल कुसै दै। फसल राह्ने दी वारी ग्रावै तां खबरै होरस कुसै दै जुगड़े दे होन, जे मत अपनी जिमियां आस्तै दांद थ्होई जान जां दुहारा बीं थ्होई जा। बीं दुहारा पंजाह् फीसदी नाजै दे ब्याज पर छे म्हीनें ग्रास्तै थ्होंदा ते खाने ग्रास्तै पंजीह् फीसदी उपार थ्होंदा। पैह्लेगी 'बत्तर' ते दुएगी 'चपंज' आखदे न। निक्के जागत-कुड़ियां बी मीर करसानें दे रुट्टिया पर जां पंजें-दग्सें रपें पर भेजना पींदे न।

इसदे कन्ने गै देहाती लाके च गद्दी-गुज्जर ते वक्करवाल न । गद्दी बाकियें कोला खरे न । इन्दे कोल पैहा ते टल्ले बी होंदे ते प्हाड़ें पर अपनी जिमियां ते घर-कोठे बी होंदे । इन्दे तै वर्ण न— वराह्मण, गद्दी ते कोल्ली । 1. वराह्मणें गी गाद्दे वराह्मण ग्राखदे न ते इन्दे रिक्ते दूए वराह्मणें ने नेई होंदे । ग्रपने ग्रापगी एह् बी उच्चे समझदे ते गोत्तर ते जाति डोगरें ग्रालियां गै दसदे न, बो, भाशा गाद्दी ऐ ते ग्रादतां कम्मिकरत गद्दियों वी ऐ । मेरा बचार ऐ जे किशा गरीब बराह्मण गद्दियों दे पनतैई करने गी ग्राये होडण ते इन्दे गै शादी-व्याह् करी लैता ते पिछली वरादरी नै छिण्डा पेई गेग्रा । 2. गद्दी वराह्मणें थमां थल्लै मिथे जन्दे ते ग्रापने-ग्रापें गी राजपूत ते ठौकरें कोला घट्ट नेई समझदे । पेशा करसानी ते घर टामें-टामें गै औदे न । 3. कोल्ली, जिय्यां-क उप्पर ग्राखेग्रा गेदा ऐ गद्दियें कोला थल्लै होंदे । लुहारें, तरखानें दा कम्म करदे ते करसानी बी । बड़े कारीगर होंदे, बो, इन्दे दुए लोक रुट्टी नेई खन्दे, बो, एह् ग्रापने ग्रापनी उच्चा समझी हरिजनें नै छ्होत करदे न । इन्दे त्रैन्नी च

ब्याह् दी फारगित बरादरी दी पचैत च तौली लग्गी जन्दी ते जनानी जिस दुऐ मड़दै दै गेदी होयै, उसगी मालिया (पैहे) देना पींदा ऐ।

गद्दी लोक हिमालया दी हेठली रेंज च गै चन्दरभागा दे बाउर तोड़ी घरोन्दे च रौंह्दे न, चन्दरभागा दै पार घट्ट गै ल'बदे न । बाकी चढ़दै इन्दी गिन्तरी सक्खर ऐ। इन्दे नकण-पत्तर ते रंग-रूप अत्त शैल न । बोलचाल नै गै गद्दी होने दा पता लगदा, इंयां नेईं।

गुज्जर ते बक्करवाल खानाबदोशी दा जीन जींदे न । जेह्के वसनीक न स्रोह् वी स्रजें जांगल युग (Pasture Age) दे स्रादम कवीलें ग्राला लेखा न जां ग्राखो चरागाहें कन्ते सरवन्धत ग्रार्थक ढांचे च रवारदे न । हां, जम्मू शैह्र ते पुंछ, रजोरी दे किश गुज्जर परवार ग्रमीर न । बो, वक्करवालें च बीह् फीसदी बी बसनीक नेईं न । ग्राम बक्करवालें दा लाव्वा, सलवार, कमीज, वासकाट ते सिरैं दी टिण्ड लुंगी ने खट्टी दी ते दाढी लम्मी । पैरें जोडा वडा-भारी मेखें नै जड़ेदा । जनानियां सलवार, कमीज, सिर जोजी ते उप्पर चादर रखदियां। बाल मीण्डैं नै सजादे होंदे। ग्राम रंग कनक-वन्ना जां फिरी काला ऐ। घनै जाड़ च रौंह्दे ते सम्याने ग्रास्तै घोडे पालरे न । गुज्जर लोक बक्करवालें दे मकावले बड़े गै जफैदे ते जनानियें पिच्छें लड़दे रौंह दे। मालिया लैरदे, देआरदे। इक मुकद्दमा भद्रवाह कोर्ट च ऐ तां दुम्रा कट्म्रा सैशन कोर्ट च ते त्रिय्या गुरदासपुर जां जलंधरे दिया ग्रदालती । बो, कोर्टच फैसला घट्टा गै होंदा ते खीर गुज्जर-पैंची पौंदी ते राजीनामा होंदा। मड़द बड़े तगड़े उच्चे लम्में शैल सरोखड़ — जनानियां ग्रत्त गै शैल, नकश-पक्तरें ते रंगे च बी। रंग लालगी पर होंदा। मड़दें दा लाब्बा उच्चा तैह्मद, लम्मां कुर्ता तै वासकाट, सिर साफा ते निक्की दाढ़ी। जनानियां डोगरी सुत्थन (लम्में फेरे ग्राली) कढाई ग्राला कुर्ता ते मुट्टी चादर जिस्सी सलवारा ग्राखदे, लाब्बा रखदियां। चांदियै दे वंधे पाये दे होन्दे। सम्यान लेने ग्रास्तै दांद रखदे, घोड़े नेईं, कीजे जित्थें घोड़ा चरदा उत्थें घाठ तीला नी पौंगरदा ऐ । गुज्जर मास घट्ट खन्दे । ब्याह् कारजें च शक्कर, घ्यो ते चौल जां शक्कर, मट्टा (दहीं) ते चील खन्दे। बड़े दलेर ते डांग चलाने च, कन्ने पैह्लवानी च उस्ताद होंदे न ।

कौरु, सांसिये, पेरने, बाजीगिर नग्गरें-नगरोटें दे कोल-कोल रौह्दे ।

पराने घाटै पर खड़ोते दे न ते आम लोकें दी सभता कोला वक्ख न। ऐसे जानवरें दा मास खन्दे, जिनें गी दूए लोक नेईं खन्दे। हिमाचल च जित्थें पैदावार मण्डी गी दिक्खी कीती जारदी ऐ, जम्मू खेत्तर च करसान ग्रपनी लोड़ दिक्खी पैदावार करदा, ग्रते ग्रोह् हर किस्म दी फसल लांदा, कपाह्, तमाकू, सन, कमांद, दालीं, स'रेग्रां, तिल, गढें. थोम तोड़ी बी राही छोड़दा, भायें मरला-मरला जिमीं गैं हिस्सै कैंह्, नीं औंदी। कन्ने गवां, मेंहीं, भिट्टां, वक्करियां, सूर, कुक्कड़ लगात वी पालदा ते उस्सी कठन मैह्नत करना पौंदी ते ग्रोह् लग्गा दा रौह्नदा तं पूरी भिरी बी नेईं पौंदी।

इसदै परैन्त हून ग्रस नग्गरें-शैह्रें च औन्ने ग्रां। डुग्गर देस्सें दे शैह्रें च सन्नत घट्ट ऐ, जेह्की बी ऐ ओह् बाह्रिले सरमाये ग्रालें हत्थ ऐ—बड्डा बपार बी। बाह्रलें बपारियें हत्थ कीजे उन्दे कोल पहा ऐ ते डोगरा बपारी तबका उसदा मुकाबला नेई करी सकदा। डोगरा बपारी तबका पसमांदा ऐ। ग्रो निक्का दकानदार ऐ जा रेह्ड़ी, हाइबे लाने ग्राला। रयास्त दे बाह्रा आये दे बपारी वर्ग ने बपार च बी ग्रपनी इजारेदारी कैंम रक्खी दी ऐ। हां, पुंछी लोकें दी मैह्नतें कारण जम्मू च ट्रान्सपोर्ट किछ कदर डोगरें हत्थ ऐ।

इसर्दं कन्ने गं तमीरी कम्में च सरमाया बी डुग्गर च बाह्रलें दा ऐ कीजे डोगरें कोल सर्मथेश्रा नेई ऐ ते बाह्रले सफल होई जन्दे न।

ऐन्त च डुगगर दी धरती शैल ऐ, सुन्ने दी खान ऐ, डोगरे मैह्नती ते ग्रमनपसंद न। खासकरी, भलोके न, जिसकरी गरीब न। बुद्धिजीवियें दी गिन्तरी बी सक्खर ऐ। किश बी घट्ट नेई, बो, डुग्गर कौम-परस्ती दी सोचा हां बड़ी छिण्डे ऐ जां खबरें ऐन्तरराश्ट्रवाद (Internationalism) दी सोचा तोड़ी पुज्जी गेदे न! गलाना होयें तां कला ते संस्कृति च 16मीं-17मीं सदी च ग्रज्जें दे मकाबलें च डोगरे ग्रग्गें हे। धन्न ग्राखो ग्राईं लोकें गी जेह्ड़े संस्कृति ते कला खेत्तर च पिच्छें नेई। लिखत साहित्य च शेंह्र्री वर्ग ने खासा वाधा कीता ऐ, बो, लोक साहित्य ग्रजें बी इस थमां ग्रगड़ा ऐ।

ऋग्वेद काल च डोगरा-प्हाड़ी लाका ते लोक

-जगदीश चन्द्र साठे

ऋग्वेद सारी मनुक्ख जाति दा सारें-शा पराचीन ते म्हत्तव श्राला ग्रैन्थ ऐ। ए ग्रैन्थ उत्तरी भारत दे सप्तिसिन्धु लाके च रौह्ने आले श्रार्य लोकें दी गै भारत, ते आखो, सारी दुनिया लेई, वड़ी गै श्रद्बुद देन ऐ। आम तौरा पर सिन्धु ते श्रोह्दे च मिलने श्रालिए पंज बिहुएं निदयें ते फिरी दक्खन-पूरव श्राली पराचीन नदी सरस्वती, जेह्ड़ी बाद च लोप होई गेई ही, इन्दे सारे लाके गी पंजाब ते हरियाणा दे मदान गै समझेग्रा जंदा ऐ। पर् जेह्ड़ियां गल्लां ऋग्वेद च होई दियां न, उंदे शा ते इंयां पता लगदा ऐ जे ऋग्वेद दे उनें पराचीन ऋषिए-मुनिएं दी नजर डोगरा-प्हाड़ी लाके पर वी मती गै बज्झीदी ही।

ऋग्वेद काल दा भूगोल: उस पराचीन काल च प्रादेशक नां पाने ग्राली प्रथा ग्रजों नेई ही पेई दी। इस लेई डुग्गर, पंजाब, कश्मीर, हिमाचल किस्मां दे नां अजों परचलत होने दा सोग्राल गैं नेई हा। उस बेल्ले दी सारी भूगोलक जानकारी निदएं दे गैं ग्रधारा पर बनदी ऐ, जां फिरी किश इक अद्ध प्हाड़ा जां सरोवर दें स्हारें। 'मेक्डानेल' ते 'कीय' दे नाएं ते थाह् रें दे वेदिक इण्डेक्स ग्रनसार ऋग्वेद च कुल कत्तरी निदएं दे नां ग्रीन्दे न। उदं च सरस्वती दें पूरब च सिर्फ चार गैं निदयां औंदियां न। गंगा, जमना, ते गोमती ते सरजू। एदे-शा पता लगदा ऐ जे ऋग्वेद च जिन्ने बी पराचीन जुगें दी गल्ल होई दी ऐ, ग्रीह्दा मुक्ख केन्दर सरस्वती नदी शा मता उप्परें हा, वशकक ऋग्वेद काल दा इक्क परसिंद्ध ग्रार्थ-कुल सरस्वती नदी ते ग्रोदे पूरब च जमना नदी ग्राले मदानें च अबाद हा। इंयां गैं पच्छम भेठा सिन्ध

दरेम्रा ते पच्छम पास गै म्रोदे च पौने म्रालिएं नदिएं दै कन्ने जेकर म्रो सारियां नियां बी शामल करी लैतियां जान, जिंदी पछान अज्जा तकर नेई होई सकी दी, तां उंदी कुल गिन्तरी चौदां गै बनदी ऐ। इस मुट्टे स्हाई गै पूरव दी सरस्वती नदी-शा लेइऐ, जेह् ड़ी 'सरमौर' म्रालिएं प्हाड़िएं चा निकलदी ही, पच्छम च वितस्ता (ग्रज्जा दी जेह्लम) नदी गी पाइऐ, जेदे कन्ने म्रज्जा दे हुग्गर दी पच्छमी सरहद बनदी ऐ, तेरां निदयां डोगरा-प्हाड़ी लाके चें बगदियां निकलदियां न। इनें तेह्रें चा हिमाचल च सरस्वती शुतुद्र सुषोमा, विपाश, ऊर्णावती, त्रिष्टामा, पौदियां न, ते परुष्णी (अज्जा दी रावी), आर्जिकीया, असिक्नी, वीर पत्नी; अञ्जसी, कुलिशो, शिफा, ते वितस्ता सारियां जम्मू पास पौदियां न। सारें शा मती गिनतरी सहायक नदिएं दी 'सिन्धु दे बाद म्रसिक्नी (चन्द्र भागा) दी गै बनदी ऐ। ऋग्वेद च इक्के थाह्र सिर्फ सिन्धु ते म्रसिक्नी दा गै नां किट्ठे म्राएदा ऐ, ते इंगां चन्द्रभागा दी म्हता ग्रुरु चा गै बनदी से ई हन्दी ऐ।

ऋग्वेद च प्हाड़ें दे नां ते नेई ग्राएदे पर प्हाड़ी लाके दी म्हत्ता जहर गैं खास तौरा पर दस्सी गेई दी ऐ, उपह्वरे गिरीणां संगथे च नदीनाम् धिया विप्रो अजायत (8, 6, 26)' ते ग्राखेग्रा गेदा ऐ, जे बिचारशील बिपर-जनें दे चित्त-बुद्धि प्हाड़िएं च बने दे भीरें च ते निदएं दे संगमें पर गैं बने हे। तां एदे शा ए गल्ल मिथी लैन हुन्दी ऐ जे ऋग्वेद काल दे ग्रार्थ लोकें दे बुद्धिमान बर्ग दा ग्रचार-बचार, रहूत-बैहुत, ते उंदी संस्कृति बनाने च डोगरा-प्हाड़ी लाके दे निदएं, प्हाड़ें ते सरें दा किन्ना डूह्गा असर पेग्रा हा।

बशक्त गिरि ते पर्वत शब्द ऋग्वेद च मतें बारी बरतोएदा ऐ, पर डोगरा-प्हाड़ी लाके दे कुसै प्हाड़ा दा नां स्रोदे च नेई मिलदा। फी बा स्रस इक प्हाड़ी लाके दा नां ऋग्वेद काल थमां गैं पेई जाने दा अनुमान किश जकीनी तौरा पर करी सकने स्रां। ऋग्वेद (5, 61, 17-19) च इक दर्भ नां दे राजे दे कुला च होए रथवीति दार्भ्य नां दे राजे दी गल्ल होई दी ऐ, जे स्रो दूर प्हाड़ें च पर्वतिष्पित्रते:, ऐसै थाह्र रौह्न्दा हा जित्थें खूब ढोर-डंगर ते गवां-बच्छे गोमतीरनु हुन्दे हे। रथवीति ऋग्वेद दे इस सूक्ता दे मन्त्र-द्रष्टा, जिसदा नां श्यावाश्व स्नात्रेय हा, बड़ा गैं स्नादर सम्मान करदा हा। बाद आली बेदक परम्परा च ए गल्ल होई दी ऐ जे उस राजा दी रानी अपनी

राजकुमारी दा ब्याह् कुसँ ऋषि कन्ने गैं करना चांह् दी ही। इस कम्मा च, जे श्यावाश्व कन्ने गैं उस राजकुमारी दा ब्याह् होऐ, श्यावाश्व दे दुए संरक्षक ते मरुतगणें स्रोदी बड़ी गैं सहायता कीती जेदे करिऐ स्रो ऋषि बी बनेस्रा ते फिरी राजकुमारी वी उसगी श्होई गेई। तां होई सकदा ऐ जे रथवीति स्रसिक्नी-वितस्ता आले वाह् रले प्हाड़ें दे उस लाके दा राजा हा जित्थें मरुतें दी मानता ही, ते बाद च उससै दे नां करिऐ दार्थ्य-स्रभिसार उस लाके दा नां पेस्रा हा, जिसदा संस्कृत स्राली लोक-श्रुतिया च उसदा दर्वा-अभिसार नां गैं मता प्रचलत होई निकलेआ हा।

सोम दे पौदे दी पीरपंजाल दे प्हाड़ें च तपाश: ऋग्वेद च (10.34.1) सोमरस दे पौदे लेई इक्क नां मीजवत बी आएदा ए, 'सोमस्येव मौजवतस्य' जेदे शा पता लगदा ऐ जे पैह्लें ए पौदा मूजवत प्हाड़ा पासेग्रा औन्दा हा। यास्क नै (निरुवत 9.8) इसगी मूजवन्त प्हाड़ गैं दस्सेग्रा हा; पर एदी पछान कराने लेई उसने एदा नां मूजवन्त करिऐ दस्सेआ, जेह्ड़ा शब्द-रूप महाभारत (10.785;14.180) च मते चिरा बाद जाइऐ बरतोने च सामने आया हा। पर अथवंवेद अनसार (5.22, 5.7.8.14) मूजवन्त लोकें दा नां महाबृष, गन्धारी ते बल्हीक लोकें कन्ने बड़े दूर-दरेडे लाके च रौह्ने आलें कन्ने आया हा। इंयां गैं यजुर्वेद दिए सहितें च (तैत्तिरीय सं. 1.8.6,2; काठक सं. 9.7 ते 36.14; मैत्रायणो सं. 1.4.10 20, इत्यादि) बी मूजवन्तें गी बड़े दूर मुल्खा दे लोक दस्सेदा ऐ, ते रुद्र देवता गी उत पासै अपने धनुष समेत चली जाने दी बिनती कीती गेइदी ऐ; 'एतत्ते रुद्रावसं तेन परो मूजवतोऽतीहि (यजुर्वेद, 3.61)।'

एड्डी दूरा दा सोम दे पौदें दे भार ते बुग्के पंजाब तकर लेई ग्रानने च बी केई दिक्कतां पेश ग्रौन्दियां हियां। ऋग्वेद (9.113.3) च ए गल्ल होई दी ऐ जे गन्धर्व लोक सोमहरण करी लैंदे हे। ए गन्धर्व ग्राम तौरा पर समां बीतने करिऐ देवतें-तुल्ल समझे जन्दे हे। पर ग्रसली च, ए गन्धारी लोकें दा गैं पराचीन नां होना ठीक जचदा ऐ। गन्धारी नां ऋग्वेद (1.126. 7) च बी आएदा ऐ ते ग्रथर्ववेद (5.22.14) च बी। गन्धारी लोक पराचीन समें च गै भारत दे उत्तर-पच्छम च सिन्ध दरेग्या दै पारलें पासे रौंह दे हे। उन्दे गैं नां पर बाद च गान्धार दे इक्क नग्नजित नां दे राजे दा हवाला

्रोसरेय ब्राह्मण (7.34) च उनें वनस्पति-बिज्ञानिएं च होएदा ऐ, जिनें।
सोम पौदें-जनेह् गै किश दुए पौदें दी जानकारी ही ।

गन्धर्व लोक सोमहरण तां गै करी सकदे हे जे मूजवत प्हाड़ उते लाके गा दूर उप्परें मध्य-एशिया पासे हुन्दा । उस प्हाड़ा दी पछान ग्रस ता गै लहाख-वल्तीस्तान दे उत्तर च पौने ग्राली मूजताघ परवत-माला कने करी सक्रने ग्रां, जिस नां च ऋग्वेद ग्राला 'मूज' नां ठीक गै चलदा ग्रावा करदा ऐ । उस पासेग्रा सोम ग्राले काफलें गी कल्ला सिन्ध दरेग्रा गै टप्पने पर सोहन नदी ग्राले तक्षणिला (ग्रज्जा दा टेक्सला) पासे पठोहार (ऋग्वेद काल दा पस्त्यावन्त) दे लाके च पुज्जी जान हुन्दा हा । पर; पूरवी ईरान दे लोकें दी सोम दी मंग वी घट्ट नेई होनी । पारिसए दे धार्मक ग्रेन्थ जेन्द-ग्रवेस्ता (यस्त 10.2) च वी सोम दी गल्ल 'हओम' उच्चारण मतावक होईदी ऐ । इससे गल्ला ऋग्वेद काल च गन्धर्व लोक मूजवत प्हाड़ें चा निकलने ग्राले सोम दे काफलें गी रस्ते च गै लुट्टी-पुट्टी लैन्दे हे ।

इनें मुश्कलें करिएं गै श्रार्यं लोकें पीरपंचाल पासे दे वरफानी लाकें च सोम दी जवरदस्त तपाश शुरू करी दिली ही। सोम दा पौदा वरफानी पहाड़ें पर गै हुंदा हा, इसदे हवाँले अथवंवेद (5.4.1.2.8, 19.39.1) च मिलदे न, जे एदी पैदावार उच्चे प्हाड़ें पर कुट्ठ कन्ने गै हुंदी ही। श्रज्ज वी कुट्ठ दी पैदावार पीरपंजाल दे प्हाड़ें च गं हुंदी ऐ। इऐ तां मती संभावना वनदी ऐ, जे श्रो श्रादिश्रार्यं इनें प्हाड़ें च सोम दी बूटी ल'ब्बने लेई गै पुज्जे हे। ऋग्वेद च चन्द्रभागा दा पराचीन नां श्रासकनी ते दो वारीं श्राएदा ऐ, पर नदी स्तुती श्राले सूक्ता (10.75.5) च असिकनी दे कन्ने गै मरुद्वृधा नदी दा नां बी श्राएदा ऐ। ए नदी किश्तवाड़ पास चन्द्रभागा दे दूर उप्परें 'वाडवां' ते 'मरुउ' दो नदिएं दे नां पर गै नां पेदे लाकें पासेश्रा उत्तर दा दक्खन गी श्राइयै चन्द्रभागा च पौदी ऐ ते एदी पछान 'श्रारेल स्टेइन' ने कीती हो। उस वर्फानी लाके च मरुत गणें दी गै मानता होनी ऐं तां गै उनें दौनें नदिएं दा सांझा नां मरुदवृधा पाया गेश्रा हा।

पर सोम दी बूटी ते होरनें कुट्ठ जनेहियें मितयें में कारामद हाड़ी चीजें दी तलाश दे बारे च मैं डुग्गर पासे दे प्हाड़ी लाकें दियां किश होर बी गल्लां असें गी ल'बिदयां न । ऋग्वेद (1.104.3-5) च इक थाहर ग्रत्त गैं पराचीन समें दी ए गत्ल होई दी ऐ, जे अञ्जसी, कुलिशी, वीर-पत्नी, शिफा ते उदिभ निंदए दी पिट्टएं-उपत्यकें च इक अय-कुयब नां दा दस्यु हा। ग्रो ग्रौन्दे-जन्दे राहिएं-पिथएं दी लुटमारा लेई बदनाम होई गेदा हा। तां गैं इस सूक्त दे त्रिए मैंतरा च इऐ बदसीस निकली दी ऐ, जे जिसलें ग्रोदियां दोएं लाड़ियां भौड़ें (प्रवणें) ग्राले दुद्ध-चिट्टे पानियां च न्हौन तां ओ शिफा नदी दिएं भौड़े च गैं डुब्बी जान। फिरी चौथे मैंतरा च ग्रोदे बारे च गैं गत्ल होई दी ऐ जे ग्रञ्जसी, कुलिशी, वीरपत्नी ते उदिभ ग्रयने पानिएं कन्ने उसदा हित चतेन्दियां न, ते उत्थें गैं छिप्यें ग्रो रौंह्दा ऐ। ते फिरी पजमें मैंतरा च मघवन, इन्द्र गी ए विनती कीती गेदी ऐ, जे 'उस दस्यु दी छप्पने ग्राली जगाह् गी जाने ग्राले रस्ते दा ग्रसें गी पता लग्गी गेआ ऐ, इसलेई, हे मघवन, तुस ग्रोदे रोजा दे होग्रा करदे दुशकर्में शा ग्रसें गी बनाग्रो।'

डुग्गर दिएं इनें सारिये नदिएं दी पछान नेईं ही होई सकी। दूरें-दूरें दे प्राचीन विद्वान ग्रो प्राचीन वैदक परम्परां समें दी उथल-पुथल करिये नश्ट होई जाने कन्ने ए पछान नेई हे करी पाए । ते नमें जुर्गे दे विद्वानें लेई ते जम्मूदा सारा लाका बने दा गै नेईं ऐ, इस लेई इस पासै उन्दाध्यान जाना ते ग्रत्त गै मुश्कल गत्ल होई जन्दी ऐ। पर ग्रस बड़ी त्रसानी कन्ने दिक्खी सक्ते ग्रां, जे इनें सारियें नदिएं कन्ने डुग्गर दा नक्शा गै बनी जन्दा ऐ। ऋग्वेद दी शीफा नदी कपलास झील दे कोला दा निकलने ग्राली सेआवा नदी ऐ, जिस नां च प्राचीन पर ऋग्वेद काल च बाद च होए श्यावाश्व ऋषि दे नां दी सम्हाल बी जुड़ी दी ल'बदी ऐ। उद्भि डुग्गर दियां जमीन फाड़िये पुट्टी सुट्टने म्रालियां 'उजझ' ते 'भिद्य' गैन, जिन्दे बारेच पाणिनी ते कालीदास ने बी लिखिएे डुग्गर दी सांस्कृतक परम्परा गी सम्हाली रक्खने च हजारां ब'रे पैह्लें कम्म कीता हा। कुलिशी नदी बी किश्तवाड़ नग्गरा दे हेठें दक्खन पासे पूरब-शा पच्छम गी बगने ग्राली अज्जा दी कुलोगड ऐ जेह्ड़ी चनाब च ग्रानी पौन्दी ऐ। ठीक इये-नेही भूगोलक स्थिती रियासी नग्गरा दे कोलें बगने म्राली अञ्जी नां दी खड्डा दी ऐ ते उर्ये ऋग्वेद दी ग्रञ्जसी नदी ऐ।

उस प्राचीन ऋग्वेद काल च, जद उन्दे ग्रजें कुसै कबीले ते घराने दे नां नेईं हे बने दे ते डुग्गर दे ग्रार्य लोक इस प्हाड़ी लाके च ग्रपनियें

लोडचिंदयें चीजें गी तुपदे फिरा करदे हे ते इस धरती दे आदिवासी उने सभ्य लोकेंगी लुट्टने देसवा होर करी वी के सकदे हे, तां भला होऐ उस म्रादिवासी कुयव दा, जेह दी कुख्याती करिये म्रोदे नां कन्ने भामें आर्य लोकें भ्रोदेशा तंगपेदे 'कु' जोड़िये भ्रोदेनांदा कनांपाने दी नौबत पुज्जी ही, पर क्या ग्रस सोची सकने ग्रांजे उस दस्यु दे नेई होने करिये वी ऋग्वेद जैसे महान ग्रैन्था च डुग्गर दा भूगोल बनाने आलियें इनें सारियें निद्रां देनां इक प्रसंगच गैं इन्ने सुन्दर रूप च ते इन्ने साफ ढंगा कन्ने ऋौंदे? होई सकदा ऐ, जे डुग्गर दे उस बेल्ले दे जंगल-जाड़ें भरोचे देसा दा श्रो ऋग्वेद दे कुमै ग्रत्त प्राचीन समें दा लुटमार करने आला डीडो दस्यु क्यव वाद च गै खोग्राया हा, पर एड्डे बड्डे प्हाड़ी लाके दे ग्रादिबासियें लेई ग्री इक महान गै ग्रादमी हा। इयां लगदा ऐ, जे उसदी गै सम्हाल बनाई रक्खने लेई उनें लोकें डुग्गर दे प्हाड़ी लाके च ओ 'पुर' बनाया हा, जिसदा नां ग्रज्जा तकर जिट्ट मजुद ऐ। जिय्यां ग्रस ग्रगों गल्ल करगे, ग्रो प्हाड़ें दे अपने 'पुर' बनाने दे बड़े गै शकीन लोक हे। खबरै, ऋग्वेद (10.34.12) च जेह्ड़ी गल्ल होइदी ऐ, 'यो व: सेनानीर्महतो गणस्य राजा व्रातस्य प्रथमो बभूव', ग्रो यव गै ग्रादिवासी व्रातधर्मिएं दा डुग्गर च सारे-शा पहुला राजा हा। विसृष्टि शा पैहुलें, ब्योम-खलाऽ शा पैहुलें जिसले किश बी रजस नेई हा, नां गै सद् हा, जिय्यां ऋग्वेद (10.129) दे इक सूवता च चिन्तन-मनन होएदा ऐ, 'तम आसीत् तमसा गूटव्हमग्रे उप्रकेतं सलिलं सर्वमा इदम्', जे तमसा ग्राला गै गूढ़ा न्हेरा व्यापदा हा ते सब जलमई गै बनेग्रा हा, ठीक उंयां गै ऋग्वेद दे उस ग्रादि जुगा च डुग्गर दे प्हाड़ी लाके पेंह्लें ग्रादि ग्रायें लेई बी गूढ़ा न्हेरा गैं ल'वदा हा ते पानिएं भरोचियां नदियां ते खबरै उस्सै दी याद-सम्हाला च चन्द्रभागा दे उप्परले उत्तरी कंढे दा नां बी उनें ग्रार्य लोकें तदूं गूव्वह (ग्रज्जा दा गूल) इस्सै करिये पाया हा, जे ओ ग्रायं देवता लोक सच्चें गै उस पासै नेईं हे जाई पांदे, 'न स देवा अतिक्रमे', जिय्यां ऋग्वेद (1.105.16) च कृते वाक्य बी आया।

ऋग्वेद (8.32.4) च 'तूर्णाशं न गिरेरिध' इक प्हाड़ी नदी दा वस तूर्णाश नां गैं श्राएदा ऐ ते होर कोई गल्ल नेई होइदी। जम्मू दा पूरव च, साम्बे पासै; इक तर्णाह् नां दी खडु पौन्दी ऐ, जिसदा नां बी पता नेई किस गल्ला ग्रज्जा तगर लोकें जींदा रक्खेदा ऐ। तां ए पता नेई कैसा मेल वज्झेदा ऐ, जे ग्रकारण मैं ऋग्वेद च तूर्णाश नां वी ग्राया, पर ग्रोदी गल्ल नेई होई ते जनश्रुति च वी तर्णाह् नां ते उस खड्डा ग्राला मैं लेखा वेलोड़े ते वेचतें में चलदा रेहा ऐ। पर, जेकर ऋग्वेद ग्रनसार उस प्राचीन वेदक काल च व्हाड़ा दी मानस-चेतना पर तूर्णाश खड्डा दा मैं इन्ना प्रभाव हा, तां ग्रसें ग्रपने व्हाड़ें दी निवकी-निवकी गल्लें पर वी पूरा-पूरा ध्यान देना पौन्दा ऐ। तां मैं ग्रसें ऋग्वेद दे जिर्यं डोगरा-व्हाड़ी लाके दी पूरी पछान करी सकन हुंदी ऐ।

ऋग्वेद (10.75.6) दे नदी सूक्त च इक नदी दा नां तृष्टामा बी औन्दा ऐ, पर उसदी बी श्रज्जा तकर कोई पछान नेई होई सकी दी। ए गल्ल ठीक गै जे इस नदी दी पछान कराने त्राली कोई भूगोलक जां होर गल्ल म्रजें तकर नेईं ही ल'ब्बी, जिसदी बना पर किश गल्ल हिल्लै। इसलेई एदी गल्ल इक इतिहासक तत्था दे ऋधार पर गै लाना लाइयै करी सकते आं। प्राचीन चम्बे दे राज दा इक मण्हूर तामरपट्टा सोमवर्मा दे राजकाल दा ऐ, जिसगी लगभग 11मीं शताब्दी ईसवी दा समझेग्रा जन्दा ऐ। इस पटेच दुर्गर देराजे देकीर संन्यदल देहमले देबिफल होने दी गल्ल होइदी ऐ। इंयां लगदा ऐ जे जिस थाह्रा दा गैह्र लाने दे लेई ओ पट्टा दित्ते दा हा, शैंद उस थाह्रा दे नां कन्ने ऋग्वेद च ग्राई तृष्टामा नदी दे नांदा किश सरवन्ध बनदा होऐ। चम्बे दे उस सोमवर्मा ने जेह्ड़ा गैह्र लाया हा ग्रो उप्परली रावी पर त्रेहटा परगने च हा, जिसगी पटे च त्रिघट्टक करिये लिखेदा ऐ । इंयां से'ई हुंदा ऐ जे त्रिघट्टक नां च त्रेहटा नां दा किश ग्रौड़ गैं ढंगा कन्ने संस्कृत रूप बनाने दा प्रजतन होएदा ऐ । इयै-नेह् प्रजतन दा इक नमूना जम्मू पासे दे वज्जपुर थाह्रा दा साढ़े ग्रज्जा देसमें च मिली जन्दा ऐ। बज्जपुर ग्राले प्राकृत रूप दा संस्कृत शब्द ते वजूपुर गैं होना चाहिदा हा, पर जम्मू दे ग्रज्जा दे विद्वानें उसदा नां विजयपुर बनाने लाएदा ऐ। इंयां गै त्रेहटा अपभ्रंश शब्द दा जेकर राजपटे च त्रिघट्टक नां पेई गेग्रा होऐ तां 11मीं शताब्दी च इयै-ने'ई गल्ल प्हाड़ों च होनी कोई चवात नेईं लगदी । ऋग्वेद दी प्राचीन परम्परा जेकर लोकमानस ने त्रेहटा नां च अक्षुण्ण बनाई रक्खी दी ही, तां श्रस वेदक परम्परा कन्ने इसदा सरवन्ध जरूर गैं जोड़ी सकने म्रां। विष्णु पुराग (2.3.13) च जेह्डा भूगोलक वर्णन होएदा ऐ, ग्रोदे च त्रिसामा हे आर्यकुल्या, ग्रादि निदएं दा महेन्द्र परवत परा निकलने दा हवाला मिलदा ऐ। त्रिसामा एव्द रूप ते साफ गै ऋग्वेद दी त्रिष्टामा दा रूपान्तर ऐ। त्रिसामा ते आर्यकुल्या दौनीं विष्णु पुराण दिएं निदएं गी जेकर ग्रम कुल्लू ते त्रेहटा घाटिए दिएं निदएं कन्ने मेली लैचै तां ऋग्वेद ग्राली तृष्टामा नदी दी पद्यान बी भलेग्रां होई जन्दी ऐ।

ऋग्वेद दा दधीचि ऋषि श्राला जुग: श्रसें उप्पर ऋग्वेद च उस प्राचीन युग दी सम्हाली रक्खी दिएं गल्लें दा किण मुट्टे तौरा पर वर्णन कीता ऐ। जद श्रार्थ लोक डोगरा-प्हाड़ी लाके च भ्रमण करदे जा करदे हे ते श्रो बड़े दूरें दूरें डुग्गर दे उच्चे 'हाड़ें तकर पुज्जने दा प्रजतन करा करदे हे ते उत्थें ओ किण श्रादिवासियें कन्ने संपर्क च औने करियै केई कष्ट झलदे श्रावा करदे हे। पर इक समां श्रो श्राया जिसले दधीचि ऋषि डुग्गर देवनें च घोर तपस्या करा करदे हे। उस प्राचीन काल दी गल्ल ऋग्वेद च ऐसे ढंगा कन्ने होइदी ऐ, जिय्यां जे उस वेलै देवते ते असुर गै श्रापूं चें निवड़ा करदे हे ते धरती पर मनुक्ख दिक्खने गी नेई हे ल'वदे।

ऋग्वेद (1.80.16) च दधीचि गी 'मनुष्पिता' श्राखियै सम्मानत कीता गेदा ऐ। एदे-शा स्पश्ट होई जन्दा ऐ, जे ओ ऋग्वेद दी सहिता वनने शा मता गै चिर पैह्लें होए हे ते ओ इक ग्रत गै विलक्षण दैवल प्राप्त करी लैंने ग्राले देवऋषि मन्ने जन्दे हे। ग्रो तां ऐसे महापुरुश होए हे, जिन्दे कोला उस आदि बैदिक काल च गै सारी आर्य जाति प्रेरणा हं करदी ही। उन्दी त्योभूमि कुतै डुग्गर दे सरू इसर दे कोल गै पौन्दी ही। उन्दे जीवन दिएं दो मुक्ख घटनाएं कन्ने गै डुग्गर दा सांस्कृतक जीवन शुरू हुंदा ऐ, की जे दधीवि ऋषि इस धरती दे गै पैह्ले देवऋषि हे।

दधीचि ऋषि दे जीवन दी पैह्ली घटना ए होई ही, जे स्रो जंगी च नैठे दे तपस्या करा करदे हे, तां इक दिन दिव्य दैव शक्तिएं स्रोतं स्रिश्वनीकमार उन्दे कोल स्राए ते स्रध्यात्मक विद्यां सखाने लेई उनें गी प्रार्थना कीती। दधीचि ऋषि होरें उनें गी कुसै होर दिन स्रोने लेई आखेआं इस गल्ला दा पता इन्द्र देवता गी लग्गा ते स्रो दधीचि हुंदे कोल स्रार्तिं स्रिश्वितएं गी विद्या नेईं सखालने दी सलाह देई गेस्रा ते कन्ने गै ए धर्मिं बी देई गेस्रा, जे जेकर उनें विद्या देई दित्ती तां स्रो दधीचि दा सिर क्षी

देग । ग्रश्विनी कमार जद फिरी दधीचि ऋषि हुंदे कोल ग्राए, तां उनें गी दधीचि होरें इन्द्र देवता दे ठाकने दी गल्ल सनाई दित्ती ।

ए गल्ल सुनिए अश्वितिए आसेआ, जेकर इन्नी गै गत्ल ऐ जे इन्द्र देवता दधीचि हुंदा सिर कप्पी देग, तां कोई गल्ल नेईं। ग्रश्वितिएं उनें गी ग्रपनी गै योजना बनाई दित्ती, जे ग्रो देवऋषि हुंदा सिर कप्पिये छपैली देङन ते इक घोड़े दा सिर उन्दे धड़ा पर लाई रखड़न, की जे उनें गी विद्या घोड़े दे सिरा कन्ने मिलग, इसलेई इन्द्र देवता गी उपे केह्ड़ा सिर कप्पिये संदोख करना पौग। पर जिसले ग्रो घोड़े दा सिर दधीचि हुंदे धड़ा कोला कप्पग, तां ग्रश्विनी देवऋषि हुन्दा अपना सिर मुड़िये उन्दे शरीरा पर जोड़ी देंडन।

ऋग्वेद च इस्सै योजना ग्रनसार गल्ल होने दा प्रमाण मिलदा ऐ। इक थाह्र ग्राध्वितिएं दी स्तुति करदे गल्ल होई दी ऐ, जे उने घोड़े दा सिर दधीचि दे सिरा पर लाथा हा, 'आथर्वणा-याध्विना दधीचेऽऽच्यं िशर: प्रत्यैरयतम्' (!.117.22)। ग्राध्वितिए दी इक होर स्तुति च इब्बी गल्ल होई दी ऐ, जे दधीचि घोड़े दे सिरा कन्ने बोल्ले हे, 'दध्यङ्'' अश्वस्य शीष्टणी प्रयदीमुवाच' (!.116.12) इस तरीके वन्ने दधीचि हुन्दा ग्राध्वितिएं गी दित्ते दा वचन वी पूरा होग्रा ते उने गी विद्या दित्ती गई, फिरी इन्द्र दा वचन वी पूरा होग्रा ते उसगी घोड़े दा सिर कट्टना पेग्रा।

इन्द्र-वृत्त दा तिककुभ प्हाडा कोल होग्रा जुद्ध: दूई घटना बी इस पैह्ली घटना कन्ने जुड़ी दी ऐ। ग्रिश्विनिए बाद च दधीचि हुन्दा ग्रपना सिर उन्दे धड़ा पर जोड़ी दित्ता हा ते घोड़े ग्राला सिर उनें जाई शर्यणावत सरोवरा च सुट्टी दित्ता हा। चिरें बाद जिसले दधीचि होर नेई हे रेह् तां इन्द्र गी वृत्त नां दे असुर कन्ने गुद्ध करने दी तेग्रारी करदे इक वज्र बनाने दी लोड़ पेई। ग्रो वज्र कुसै महान तपस्वी दी हिंहुएं दा बने दा हुन्दा तां गै ग्रोदी इन्नी शक्ती होई सकदी ही जे वृत्रासुर जैसे बहु योद्धा गी परास्त कीता जाई सकदा। इन्द्र गी उस बेले दधीचि दे घोड़े दे सिरा दा चेता ग्राया ते ए पता लग्गने पर जे ग्रिश्विनिए उस सिरा गी शर्यणावत च सुट्टेग्रा हा, इन्द्र दे तपाश करने पर ग्रो सिर उसगी उत्थुग्रां ल'ब्बी गेग्रा हा। इन्द्र दी इक स्तुतिया च इस गल्ला दा हवाला बी मिलदा ऐ, 'इच्छन्नश्वस्य यिच्छरः पर्वतेष्व-पक्षितम्, तद् विदच्छर्थ-

णाविति' (1.84.14) जे घोड़े दे सिरा दी लोड़ पौने पर, जेह्ड़ा प्हाड़ा पर सुरेदाहा, उसदापता शार्यणावत दा लग्गाहा । इन्द्र नै दधीचि दी उस ग्रस्थि गी प्रतिष्कृत करिऐ वृत्र गी मारेग्रा हा। एवी गल्ल ऋग्वेद (1.84 13) ते सामवेद छन्दाचिक (2.7.5) च इनें शब्दें च होइदी ऐ, 'इन्द्रो दधीचो अस्थिभिव ताण्यप्रतिष्कतः उस वज्य गी त्वण्टा नै बड़ा मजबत बनाया हा, 'त्वष्टा यद् वज्यं स्कृतं हिरण्ययं' (1.85.9), ते वज्रं नियुतं' (1.121.3) तक्षत नै उसगी जोड़ेआ हा ।

ओ इन्द्र वृत्त युद्ध त्निककूभ प्हाड़ा कोल होग्रा हा, 'यद्ध प्रसगें तिककुम्निवर्तद' (1.121.4) ते ग्रो वृत्रमारू वज्र ग्रोदी ग्रक्खा चें पार निकली गेश्रा हा, 'वृत्रहणं पार्यं ततक्ष वज्यम्' (1.121.12) इन्द्र ते वृत्रासुर दा ग्रो युद्ध त्रिकक्भ प्हाड़ा कोल होने दे किश हवाले बाद दे बेदक साहित्य च बी मिलदेन। विद्वानेंदी ए इस गल्ला पर इक राऽ बनदी ऐ, जे ग्रथर्ववेद (4.9.8) च जिस प्हाड़ा दा नां त्रिककूद ग्राया, ते शतपथ ब्राह्मण (3.1.8.12) च त्रिककुभ करिऐ स्राप्ता, स्रो प्हाड़ स्रज्जा स्राला त्रिकुटा प्हाड़ गैहा। शतपथ ब्राह्मण, मैत्रायणी संहिता ते काठक संहिता च ग्राए हवालें शा पता लगदा ऐ, जे इस थाह् रा दा इक अञ्जन निकलदा हा जिसगी त्रैककूद ग्राखदे हे । त्रिकुटा प्हाड़ा पासेग्रा सुरमां ग्रज्जा तकर निकलदा हा । त्रैककुद सुरमे दा ए नां अथर्ववेद (4.9.9.10;19.44,6, इत्यादि) च ग्रौन्दा ऐ । शतपथ ब्राह्मण (उप्पर ग्राला गै हवाला), मैत्रायणी संहिता (3.6.3) ते काठक संहिता (23.1) च ते इब्बी गल्ल होइदी ऐ, जे ए ग्रञ्जन वृत्र दी ग्रक्खीं दा बनेग्रा हा।

त्रिककुभ म्राली इन्द्र-वृत्र दे युद्धा दी भूमि ग्रर्यणावत सरोवर दे लाक गै ही, इसदा प्रमाण बी ग्रसें गी ऋग्वेद च ग्राए इस हवाले शा मिली जन्दा ऐ, जे इन्द्र युद्ध करने दे लेई अपना बल ते उत्साह्-जोण बधाने आस्ते सोमरस दा पान करने लेई सरूं इसर गेग्रा हा, 'शर्यणावति सोमिनिन्द्रः पिवतु वृत्नहा, बलं दधान आत्मिन करिष्यन् वीर्यं (9.113.1)। इस गल्ला शा एवी असें गी पता लग्गी जंदा ऐ, जे शर्यणावत जां सरूं इसर दा ल का ते इन्द्र दी आर्य मानता ग्राला ऐ हा, पर त्रिकुटा प्हाड़ा ग्राला पासा ग्रजों वी कुयव ग्राला गै लेखा वृत्रासुर दी ग्रधीनता च हा। ते कर्ने गै इब्बी गल्ल पता लग्गी जन्दी ऐ, जे शर्यणावत स्राला पासा हून बरफानी

प्हाड़ें दी सोम बूटी लेई जानेग्रा जान लगी पेदा हा, ते प्हाड़ी ग्रादिवासी लोक ग्रो सारी पैदावार उत्थें लेई ग्रीन्दे हे।

डुगार दे उच्चे प्हाड़ें च सोम दी पौद: जेकर शर्यणावत सोम दे थहोंने लेई इक केन्दर बनी गेदा हा, तां जरूर गैं डुगार दे उच्चे प्हाड़ें पासै सोम दी पौद दा ग्रादि ग्रार्य लोकें गी पता थहोई गेदा हा। ऋग्वेद (9.67.26)च सोम दे त्रै धाम, 'त्रिभि: धामिभ:' दस्से गेदे न। शंद इस्से स्वत च उनें त्रीनें धामें दे नां ग्राए होन, जिय्यां 'पिवित्रेण सवेन' (9.67.25), ते 'पावमानीर्यों' (9.67.32) जिन्दे दौं च 'सव' ते 'तीरू' भदरवाह, पासे दिएं दो निदएं दे नां आएदे से'ई हुन्दे न। होई सकदा ऐ त्रिय्या थाह, र शर्यणावत गैं गनोन्दा होऐ।

'ज़ेनाइदे-ए-रगोजिन' ने श्रपने ग्रैन्थ वेदक इण्डिया च किश श्रत्त गै मनोरंजक ढंगा कन्ने गल्ल कीती दी ऐ, जे 'इन्द्र ते स्रापूं बी सोमरस पीने ग्राला हा, ते उसने ते इस कम्मा च हद् गै सम्हाई म्रोड़ी दी ही। ग्रो इक वारीं पीन वैठे दे सोमरसा दे किट्ठे त्रीह् सरोवर मकाई ग्रोड़दा हा। इस्सै लेई ग्राखदे हे, जे इन्द्र दे दो ढिडु हे, जेह्ड़े दौं सरें जेड्डे-जेड्डे हे। ते उसगी सारे इऐ प्रार्थना करदे हे जे स्रो स्नावै ते स्रपने दमैं ढिडू भरी लै। ते फिरी ग्रो इंयां ऐसी विनती मन्नी बी लैन्दा हा। इन्द्र देवता दी सोमरस पीने दी तां किन्नी हिम्मत ही। ते स्रो त्रेहाए दे हिरना म्राला लेखा सोमरस पीने गी म्राई जा, ते भामें जल-रैह्त बरानें च फिरने श्राले बल्दा श्राला लेखा गै श्रावै, ऐसियां गल्लां ते ऋग्वेद दे कवि दी कल्पना म्रालियां गल्लां होई सकदियां न।'' पर इन्द्र देवता दे दो ढिडु होने दी गल्ल ते जरूर गै बेदककाल दे डुग्गर दे प्हाड़ी जन-मानस नै अपने तौरा पर गंढी कड्ढी होनी ऐ, ते स्रो दो ढिडु-सरोवर फिरी सरूं इसर ते मानसर देरूपै च ओदी ग्रक्खीं सामने परतक्ख गैं ल'ब्बने ग्राले इन्द्र देवता दे दो ढिड्ड हे, जेह् ड़े बरखा ग्राली रितू च उस बेदककाल च कंढे तकर उप्परें भरोई जन्दे होने न।

पुराणें च सरूं इसर ते मानसर झीलें दी गल्ल: जेकर बेदक समें च इस किस्मां दियां गल्लां होई सकदियां हियां, तां पुराणक युगा च होर बी मता किश होई सकदा हा। तां गैं पुराणें च इन्द्र-वृत्रासुर जुढ़ा दी गल्ला दा वी नमां गैं रूप बनी जाना कोई बड़ी बड़ी गल्ल नेईं ही। पुराणें अनसार वृत्रासुर इक ब्राह्मण हा। उसगी मारने दे लेई इन्द्र देवता गी जेह इी ब्रह्म-हत्या लग्गी ही, ग्रोदे-णा बचने ग्रास्तै इन्द्र 'पूरव ते उत्तर' च इक नुक्करा च स्थित 'मानसरोवर' च जाई छप्पेग्रा हा, ए गल्ल श्री-मद्भागवत पुराण (स्कन्ध 6, ध्या 11-13) च होइदी ऐ। देवराज इन्द्र मानसरोवरा दे कमलनाल तंतुएं च उत्थें इक हजार व'रें तकर विना भोजन दे छप्पेग्रा रेहा हा। ग्रोदे थाह र तां राजा नहुण, जेह इा पुरू राजाएं दा इक पुरखा हा, स्वर्गे दा णासन चलांदा रेहा हा। ते फिरी इन्द्र दे निरन्तर भगवान दा ध्यान करदे रौह ने करिऐ उसदी ब्रह्म-हत्या दे पापा दे निस्तेज होने दी गल्ल बी उससे पुराणा च होइदी ऐ, जे उत्तर-पूरव दिणा दे ग्रधिपति रुद्र ने ग्रो पाप निस्तेज करी ओड़ दा हा।

तां ते इक प्रसुर गी ब्राह्मण मन्नने स्राली पौराणक गल्ला च ते जकीन नेई करन हुन्दा, पर स्रो ब्रह्म-हत्या दधीचि जैसे विप्र गी, जिसगी ऋग्वेद च मनुक्खिपता स्राक्षेत्रा गेस्रा, उसदी हत्या करने दे इक दै वाद दुए परजतन करिए जरूर गै लग्गी सकदी ही। फिरी तिव्वत स्राले पास दे स्रज्जा दे मानसरोवर च वी कमल फुल्लें दे नालतन्तु हैन जां नेई, इसदे वारे च उत्थें जाने-स्राले अज्जा दे गै यात्रुएं कोई गल्ल कीती होएे इसदा कोई पता नेई लग्गी सकेदा, पर सक्ष्इंसरा दै कोल गै 'उत्तर-पूरव' पास दुग्गर स्राला मानसर कमला दे फुल्लें ते कमला दे नालततुएं लेई स्रज्जा तकर परसिद्ध रेहा ऐ। ऐत्तरेय ब्राह्मण (8.14) स्राले वाद दे वेदककाल च ते 'परेन हिमवन्तम्', हिमालय दै पारलै पासे आली भूगोलक जानकारी होने दा हवाला ते मिलदा ऐ, जित्थें उत्तर-मद्र ते उत्तर-कुरु लोक रौह्दे हे। जेकर कमलें दे नालततुएं स्राला मानसरोवर हिमालय दे पारलै पासे हुन्दा ता उस समें दे पुराण-ग्रैन्थें च स्रोह्दी गल्ल ते जरूर गै कुतैं आइदी होनी चाइदी ही।

फिरी दधीचि मनुबखिपता ग्राले पराचीन बेदककाल च ग्रादि आर्थे लोक जेकर वरपत्नी, शिफा, ग्रंजसी, कुलिशी, इत्यादि निदएं दी उपत्यकाएं पट्टिएं च गैं रौंह्दे-बसदे हे तां उनें लोकें ऐसे रमणीक हरे जंगलें-भरोबे लाके गी छोड़िएे कमल नालतंतुएं गी तुष्पने आस्तै वी सरूं इसर ते मानसर गी छोड़िएे तिब्बत पासै जाने दी लोड़ की बझोई सकदी ही ? तिब्बत जाइएे उत्थें मानसरोवर ल'ब्बने शा पैह्लें कंश्मीरा दी घाटी दे सरोबरें दे कमल नालतंतुएं दी शोभा गै पुराणकारें पैह्लें नजरी पेई जानी चाइदी ही, पर उस पासै उन्दा बिन्द ध्यान नेईं ग़ेग्रा। कश्मीरा ग्राले कमलें भरोचे सरोबरें च छिपिए इन्द्र देवता भामें अन्न-भोजन नेईं हे करी सकदें पर उत्थें ग्रो हजारें ब'रें तकर नदड़ू ते संघाड़ें दा फलाहार ते जरूर गै करी सकदे हे।

शर्यणावत दा ऋग्वेद ग्रनसार भूगोल ते बाद दे बिद्वानें दे मत: शर्यणावत दे बारे च ऋग्वेद च मते गैं हवाले ग्रौन्दे न (ऋग्वेद 1.84.14, 8.6.39, 8.7.29, 8.64.11, 9.65.22, 9.113.1, ते 10.35.2) इन्दे चा दौं थाह्रें ते साफ गैं गल्ल होइदी ऐ, जे ए सरोवर प्हाड़ें च हा। इक हवाला ते इन्द्र देवता दे दधीचि ऋषि दा घोड़े दा सिर तुष्पने बारे गैं हा; जिसदी गल्ल ग्रस उप्पर करी बैठे ग्रां। ऋग्वेद च गैं इक होर थाह्र वी साफ गैं भातृन् तिसन्धून् पर्वताञ्छर्यणावत:' (10.35.2) करिऐ गल्ल होइदी ऐ।

पर सायण नै इस किस्मां दी स्पण्ट गल्ल ऋग्वेद दे उल्लेख लेइऐ नेई कीतो । उसनै किंग मुट्टी गल्ल रस्तै पाने ग्राली कीती, जे शर्यणावत सरोवर कुरुक्षेत्र समां 'जघनार्घे', जां ग्राखो ग्रोदे पिछले भाग च गै पौत्दा हा। सायण नै कुरुक्षेत्र च 'शर्यणाः' नां ग्राले लाके दी बी गल्ल कीती ही, पर एदे कन्ने शर्यणावत गी जोड़ना ठीक नेई वझोंदा। सायण ते किश गै शताब्दियां पैह्लें दक्खन पासै होआ हा। जेकर ग्रो ग्रपने गै बेले दे कुरुक्षेत्र गी समझिऐ गल्ल करा करदा हा, तां उसगी स्रस प्रमाणक ढंगा दी गल्ल नेई मन्नी सकदे, की जे ऋग्वेद काल च कुसै बी जगाह् दा नां उस वेद च जां कुसै बी वेद च कुरुक्षेत्र नेईं पेदा ल'बदा। जेकर अस महाभारत काल दे उस थाह्रा गी लैचै जित्थें उस बेलै कीरवें-पाण्डवें दा जुद्ध होग्रा हा, तां ऋग्वेद दे भूगोल कन्ने उसदा वी मेल नेईं बझदा, कीजे उत्थें कोई ऐसे प्हाड़ नेईं जिन्दे च कोई सरोवर होऐ। ऋग्वेद च कुसै वी थाह्र शर्यणावत सरोवर कन्ने उस कुरुक्षेत्र दिएं सरस्वती, दृण्दवती, ग्रापया नदिएं चा कुसै-केड़ी दा नां नेई औन्दा। ऋग्वेद च सोम, पुरु, पञ्चजनाः, कन्ने जेह्ड़े भूगोलक नां सारें-णा मते मिलदे न स्रो णर्यणावत ते आर्जीक नदी न । ए स्रार्जीक नदी शर्यणावत (सरू इसर) दे दक्खन च वगने ग्राली ग्रज्जा दी 'ऐ ह' नदी ऐ।

ग्रज्जा दे विद्वान वी सायण दी गत्ला पर गैं चलदें शर्यणावत् कुरक्षेत्र च दसदे रेह् न। उनें इक गल्ल इव्वी नमीं कीती जे ऋग्वेद च इक थाह्र (7.8.4) पूरुएं दा नां सरस्वती नदी कन्ने ग्राएदा ऐ, इसलेई शर्यणावन्त गी कुरुक्षेत्र च समझी लैन हुन्दा ऐ। वेदिक इण्डेक्स च जेह्ड़ी टिप्पणी 'कुरुक्षेत्र' लेई दित्ती दी ऐ, ग्रोदे च लिखे दा ऐ, 'इत्थें गैं शर्यणावन्त वी हा, जेह्ड़ा इक सरोवर से'ई हुन्दा ऐ, उस्सै किस्मां दा जनेहा अन्यतः प्लक्षा नां दा शतपथ ब्राह्मण (11.5.14) च वी मिलदा ऐ।' पर शर्यणावन्त नां दे सरोवर दे कुरुक्षेत्र च होने दी गल्ल नेई होइदी। पूरु किस सिलसले च सरस्वती पर गे हे, ते क्या उनें शर्यणावन्त गी वी प्हाड़ें चा किड्डिऐ लेई जाना हा? क्या इन्द्र-वृत्रासुर दे ते दधीचि ऋषि वारै जेह्ड़ा भूगोलक नक्शा असें बनाया हा ओ गल्त हा, ते तिककुभ प्हाड़ा गी शर्यशावत समेत डुग्गेर दे पहाड़ें चा नखेड़न हन्दा ऐ?

शर्यणाः जां शरवन : जेकर ग्रसें सायण ग्राला लेखा 'शर्यणाः' ग्राले थाह्रा दी वी गल्ल करनी होऐ, जे शर्यणावत दै कोल शर्यणाः, कान्नें, दा जाड़ वी हा, तां इऐ-नेई भूगोलक स्थिति सर्रूं इसरा दै कोल बी बनदी ऐ। पुराणें, रामायण-महाभारत महाकाव्यें च, जिस शरवण दा इन्ना चर्चा होग्रा जे कार्तिकेय जां कुमार शरवण च खेढदे हे, जिय्यां रामायण च गैं ए गल्ल होइदी ऐ, ग्रो थाह्र सर्रूं इसरा दे गैं हेठें हा:—

एष मातुर्वियोगाच्च क्षुधया च भृशादितः ।
ररोद शिशुरत्यर्थं शिशु: शरवणं यथा ।।

(हनुमान जी दी मां ग्रंजना बना च फल लैंने गी गेई दी ही) ग्रीदे वियोगा च ते भुक्खे-भाने शिशु हनुमान जी पे-पेदे इयां रोग्रा करदे हे जिथ्यां शिशु कुमार शरवन च इक्कले रोंदे हे।

इसलेई ग्रसेंगी सायण दे दस्से दे 'शर्यणा:' दे ग्रर्थ वी शरवन गै लाने चाइदे न, जेह, ड़ा सस्कृत साहित्ता च इक्क प्रसिद्ध थाह र मन्ने गेदा ऐ। शरवन कोई डिड-सौ साल पैह लें तकर सरूं इसर ते मानसरा शा लेइऐ साम्बाहिरानगर दे हेटें तकर सारे लाके च फैलदा हा। वैरन कार्ल वॉन ह यूगत जदूं 1835 ई० च इस कान्नें दे जंगला च पुज्जा तां हाथी जेड्डे-जेड्डे उन्ले कार्नें च ग्रो रस्ता भुल्ली गेग्रा हा।

ए सरवन जेकर संस्कृत साहिता च प्रसिद्ध हा तां उर्दू दे मायानाज शायर इक्वाल गी दाद देनी पौग जे जम्मू दे कोल सियालकोट रौंह् दें होई, उन्नै प्राचीन संस्कृत परम्परा शा हासल होने ग्राली गल्ला गी किश खूबी ते सादगी कन्ने ग्रपनी इक नजमा च जिसदा ग्रनवान हा 'ग्रव्न', बद्दल, प्राचीन शरवन दी याद कैम रक्खी ही:—

उठी फिर आज वो पूरव से काली-काली घटा, स्याहपोश हुआ फिर पहाड़ 'सरबन' का । निहां हुआ जो रुखे मेहर जेरे दामने-अब्न, हवाए सर्द भी आई स्वार तो सने-अब्र ।

इक़वाल नै हिन्दोस्तानी हुन्दे होई शरवन दी याद ते ताजा कीती गै, ग्राखरी लाइन च 'सने-ग्रन्न' शब्दें च इक डोगरी शब्द दा वेजोड़ इस्तमाल वी पेश करी दित्ता ।

कश्मीरा, श्रीनगर शैंह रा दै कोल, डल झील पर इक हारवन नां दा प्राचीन थाह र इक मश्हर सैरगाह ऐ। इक कश्मीरी लेखक जे० एन० गन्हार नै ग्रपनी 'वुद्धिजम् इन कश्मीर' कतावा च संस्कृत दे पट-हृद्-वन शब्द, जिसदे ग्रथं हुन्दे न 'छें तलाएं ग्राला वन', ओदी पछान हारवन कन्ने गै करी टकाई, तां डा० सिद्धेश्वर वर्मा होरें ग्रपनी समीक्षा च दस्सेग्रा, जे ए पछान भाशा-विज्ञान ग्रनसार ठीक नेई बनदी, की जे 'हरवन' दा संस्कृत रूप 'शरवन' गै होई सकदा ऐ। पर कश्मीरा ग्राले थाह रा दा नां 'हरवन' नेई 'हारवन' ऐ, जेह दा संस्कृत रूप 'विहारवन', 'सैर करने आला वन' गै होई सकदा ऐ।

सायण दे शर्यणाः थाह्रा वारै इस समीक्षा च ए गल्ल स्पण्ट होई होई जन्दी ऐ जे उस भाष्यकार दी वेदक ते पौराणक परम्पराएं दी ठीक-ठीक जानकारी नेई होने करिए उसनै कियां शरवन ते शर्यणाः गी जाई कुरुक्षेत्र च रक्खी दित्ता।

डुगार दे पैह्ले वेदक ग्रायं कुल: ग्रसें ग्रयंणावत पर ग्रानिएें इन्द्र दे सोमरस पान करने दी गल्ल कीती ही। उस बेलें उत्थें कु'नें ग्रायेंदा ठीक-ठीक पता नेईं हा। पर बाद च ऐसा जुग बी आया हा जदूं ग्रयंणावत दै पारें ते रोग्रारें सोम पीने ग्राले ग्रायं अबाद हे, उसदै हेठें ग्राजींक नदी पर बी ते होर बी नदिएं दी बण्कारली रौह्ने ग्राली धरती पर बी। ऋग्वेद ग्रनसार ग्रो पूरु ते पंचजन लोक हे:—

ये सोमासः परावित ये अर्वावित सुन्विरे, ये वादः शर्यणावित ॥ 9.65.22 ॥ य आर्जीकेषु कृत्वसु ये मध्ये पस्त्यानाम्, ये वा जनेषु पञ्चसु ॥ 9.65.23 ॥ अयं ते मानुषे जने सोमः पूरुषु सूयते ॥ 8.64.10 ॥ अयं ते शर्यणावित सुषोमायामाधि प्रियः, आर्जीकीये मदिन्तमः ॥ 8.64.11 ॥

ऋग्वेद दे इने मैंत्रें च डुग्गर दा भूगोल गै वनी गेदा ऐ। इंदे च गर्यणावत (सरू इसर), ग्रार्जीकीय (ऐक), मदिन (मढ़ीन ग्राली खड़), सुपोमा (सोहन नदी, इक टेक्सला कोल, ते दूई सतलुज दी सहायक नदी ऊना कोल) ते पस्त्यानाम् (पठोग्रार दा लाका टेक्सला पासै), जेह् इे नां ग्राएदे न, इस सारे लाके च पंचजना: ते पूरु लोक रौंह् दे हे। पच्छमी विद्वानें पंचजनें वार केई गल्लां कीती दियां न, जे ग्रो कु'न हे। पर, जिय्यां ग्रसें गी पुराणें शा पता लगदा ऐ, पूरु गै पंज भ्रा हे, ते उंदा गै साझा नां पंचजन हा। उदे पंजें दे नां हे तुर्वश, यदु, अनु, द्रुह्य ते पूरु। इंदे पंजें दे नां ऋग्वेद दे इक मैंत्रा च (1.108.8) किट्ठे ग्राएदे न—

'यदिन्द्राग्नी यदुषु तुर्वशेषु यद् द्रुह्युष्वनुषु पूरुषु स्थः'

ऋग्वेद काल दे इस युगा च इनें पंजें दे स्रपने-ग्रपने घराने बनी गेदे, ते ओ पंजाब दे सारे उत्तरी प्हाड़ें च रौंह् दे हे ।

ऋग्वेद काल दे इस्सै युगा च वेदक ग्रायें दा मुक्ख केन्दर सरूं इसरा दा गै लाका हा । इस लाके च पूरु गै कुला ग्राले रौंह् दे हे । उस काल च सारें शा मता पूरु कुल गै चढ़दा हा, जिय्यां ऋग्वेद (8.64.11.) च सुपोमा (सोहन), ग्राजींक (ऐक) ते शर्यणावन्त (सरूं इसर) दे सारे लाके च पूरुएं दा गै नां चलदा हा। पर जिय्यां ऋग्वेद (9.65.22-23) च गल्ल होइदी ऐ, ग्रसली च ओ पंजै सारे किट्ठे गै हे।

जम्मू प्रान्ता च ग्रज्ज वी किश ग्रां 'पंज ग्राई' नाएं ग्राले मजूद न । ओ ग्राएं गी किट्टे रिक्खिए उंदी जेह्ड़ी ब्यवस्था कैम कीती गेई ही, ग्रो उनें गैं पंचजना: दी चलाई दी ही । ऋग्वेद (9.65.22-23) ग्रनसार सोम वी पंचजनें दे गैं पासै हुन्दा हा, तां ग्रो ग्रजें मदानी लाकें पासै नेई हे फैले दे ।

ग्रज्जा ग्राला देवक नदी-परा ग्राला पुरमण्डल थाह्रा दा नां दसदा ऐ जे पूरुएं वेलें दे पंचजनें दे राज्जें दा इक मण्डल गै खुग्रान्दा हा, ते ग्री उन्दी गै प्राचीन वेदक काल दी नशानी ऐ। हून बशक ए थाह्र इक प्राचीन तीर्थ गै मन्नेग्रा जन्दा ऐ, की जे इत्थें प्राचीन शिवें दा स्थान ऐ, पर असली च इस थाह्रा दा नां 'पूरुमण्डल' हा, ते इत्थें पंचजनें दा मुक्ख केन्दर बनेदा होना ऐं। पूरु-भ्राएं दे नांएं दे राज गै 'पूरु-मण्डल' खुग्रान्दे हे। ऋग्वेद ग्रनसार ढुग्गर दे 'पूरुएं' दे ए पंज राज भारती ग्रायें दे वेशक सारें शा पुराने राज हे।

ग्रसें उप्पर गल्ल कीती ऐ जे इन्द्र-वृत्रासुर युद्ध त्रिकुटा प्हाड़ा कोला होग्रा हा, ते इन्द्र सोमरस पीने लेई सरू इसर गेआ हा। उत्थें इन्द्र गी सोमरस पलाने ग्राले पूरुजन गै होने न। वृत्र दे मारने च पूरुएं दा किश हत्थ जरूर हा, जिय्यां ऋग्वेद च ग्रीन्दा ऐ, 'यं पूरवो वृत्रहणं सचन्ते' हत्थ जरूर हा, जिय्यां ऋग्वेद च ग्रीन्दा ऐ, 'यं पूरवो वृत्रहणं सचन्ते' (1.59.6), ते 'क्षेत्रसाता वृत्रहत्येषु पूरुम्' (7.19.3) तां इंयां लगदा ऐ, जे डुग्गर दे प्हाड़ें च होर बी जिन्नें दास, दानव, दस्यु ते ग्रादिवासी उनें ग्रादि ग्रायें गी तंग करदे हे, उनें सारें गी पूरु-पंचजनें गै देवतें दी मददा कन्ने मारेग्रा समाया हा। शुष्ण ते कुयव दास सरगनें गी ग्रैद सिख-मत्त गै दित्ती गेई ही, की जे ऋग्वेद (7.19.2) च उन्दे बारे च 'शिक्षण' गै शब्द आएदा ऐ। चुमुरि, धुनि, दभीति ते 'नृक्षिनृं मणो देववीतों' गी शब्द आएदा ऐ। चुमुरि, धुनि, दभीति ते 'नृक्षिनृं मणो देववीतों' गी वृत्र ग्राला गै लेखा मारेआ हा। ते नमुचि दे नौ पुर खाली कराइऐ ग्रोदे ग्रादिमएं गी नसाई दित्ता हा ते उसी मारी दित्ता हा (7.19.5)। किश पुर जलाई ग्रोड़े हे (7.5.3), किश ध्वंस करी दित्ते गे हे, विदुष्टे अस्य वीर्यस्य पूरवः पुरो यदिन्द्र शारदीरवातिरः सासहानो अवातिरः। ' (1.131.4)

डुगार दे प्हाड़ें दे कीकट नां दे ग्रादिबासी: इन्दे ग्रलावा डुगगर दे प्हाड़ें दे इक कीकट नां दे ग्रादिबासी बी, हे जिन्दे बारे च ऋग्वेद (3.53.14) च इक्कै बारी इंग्रां गल्ल होइदी ऐ:—

कि ते कृण्वन्ति कीकटेषु गावो नाशिरं दुहे न तपन्ति धर्मम्।
आ नो भर प्रमगन्दस्य वेदो नैचाशाखं मघवन् रन्धया नः
वेदिक इण्डेक्स च इनें कीकटें बार्र इंयां गल्ल होइदी ऐ—'इस नां दें लोकें दा हवाला ऋग्वेद च इक गै बारी होएदा ऐ, जित्थें ग्रो गान करने ग्रालें दा बरोध करने ग्राले ते प्रमगन्द दै धीन दस्से गेदे न। यास्क नै (निरुक्त, 6.32) ते ग्रालेदा ऐ जे कीकट इक ग्रनार्य प्रदेश दे रौह्ने ग्राले हे, ते बाद च इच्बी गल्ल कीती दी ऐ जे कीकट मगध दा पर्यायवाची ऐ। तां वेवर नै बी इऐ गल्ल मन्नी लेइदी ऐ, जे ए लोक मगध दे हे, पर है ग्रो ग्रायं हे, वशक उन्दे कुलें शा ग्रो बक्खरे पौंदे हे, खबर इस गल्ला जे उन्दियां मानतां ते अचार-वेहार आर्यें कन्ने मेल नेईं हे खन्दे, ते वाद च मगध ते बौद्ध धर्मा दा इक पीठ गै बनी गेआ हा। पर ए पछान पक्की नेईं बनदी, ते ग्रोल्डनवर्ग ते हिल्लेग्राण्ड्ट नै इस गल्ला गी नेईं मन्ने दा।

फिरी कीकटें दे राजा प्रमगन्द लेई वी वेदिक इण्डेक्स च ए गल्ल लिखी दी ऐ, 'ऋग्वेद च प्रमगन्द नां कीकटें दे इक राजे दा ग्रीन्दा ऐ ते उत्थें ग्रोदे नां कन्ने इक विशेशण नैचाशाख, जां 'निचली जाता दा' वी लग्गे दा से 'ई हन्दा ऐ। ते दूऐ पासै यास्क नै प्रमगन्द गी मता मनाफा जां सूद लैंने ग्राले दा पत्तर करिए समझाएे दा एं, जेह डी गल्ल इत्थें जुड़नी सम्भव नेई वनदी । हिल्लेब्राण्ड्ट दा वचार ते ए बनदा ऐ, जे नैचाशाख प्रमगन्द लेई नेईं, सोम दे पौदे लेई गैं आएदा ऐ, की जे उस पौदे गी गैं नैचाशाख श्राखदे होने न, जेदा ग्रर्थ हा जे उस पौदे दियां डालियां हेठा गी मुड़ी दियां हुन्दियां हियां, ते जिस सूक्ता च ए हवाला मिलदा ऐ, स्रोदे च कीकटें दें खलाफ कीते गेदे इक हमले दी गल्ल होइदी ऐ, की जे ब्रो लोक सोमपान ते जग्गें-हवनें, जां दुद्धा आली मानता पर नेईं हे चलदे, ते हमला करने दा सबब्ब इऐ बनदा हा जे कीकटें दी ओ भूमि जित्थें गर्वा बी हुन्दियां हियां ते सोमरस म्राला पौदा बी, उसगी म्रपने हत्था हेठ लैताजा। पर बोह्तिलिक नैइस बचार देसम्भव होने पर मता गै शक्क बुज्झे आ । होई सकदा ऐ जे नैचाशाख दा मतलव कुसै थाह्रा कन्ने गै वनदा होऐ। प्रमगन्द नां किश ग्रनार्य गै किस्मा दा से दें हुन्दा ऐ।

इस सारी गल्ला दा मुण्ड यास्क कन्ने गै पेदा ऐ । जिय्यां ग्रस समझी सकने ग्रां, यास्क दे समें तकर पुजदे-पुजदे ऋग्वेद काल दियां केई परम्परां लोप होई गेई दियां हियां, की जे वेदक ग्रायें दा कार्यक्षेत्र चरोकते दा डुग्गर दे 'हाड़ें दा निकलिए फैलदा-फैलदा दूर गंगा-जमना दे मदानै शा खीर-तोड़ पूरव तकर जाई पुज्जे दा हा।

जेकर ग्रस यास्क दी गल्ला दी ज'ड़ पकड़ने दा जतन करची, ता

गल्ल इंयां बनी दी ल'बदी ऐ । ऋग्वेद काल च भारत दे कुसै प्रदेश दा नां नेई हा पेदा, उस वेले तकर ते लाकें दी पछान निदएं, सरें ते प्हाड़ें ते जंगलें कन्ने गै होई सकदी ही। दो निदए दे विच पौने ग्राले लाकें लेई गै पस्त्या जनेह् शब्द ऋग्वेद च ग्राएदेन, ते 'मध्ये पस्त्यानांम्' (9.65.23) दा प्रयोग अस पंचजनें दे लाकें वारै उप्पर दिखदे म्राए म्रां। इसकरी ऋग्वेद दे कीकट ग्रादिवासिएं लेई मगध, जां ग्रज्जा दे विहार राज्य पासे दे होते दी गल्ल यास्क दा इक सुझाऽ गै समझन हुन्दा ऐ, जिसगी मन्नने च बड़ी मुश्कल पौन्दी ऐ। इस सुझाऽ स्राली गल्ल किश इस्सै किस्मा दी ऐ, जे ऋग्वेद (10.34.1) च मौजवत (सौम दा पौदा) जिस प्राचीन ऋग्वेद काल च मूजवत प्हाड़ा पासेग्रा ग्रीन्दा हा, उस प्हाड़ा दी ठीक पछान ग्रथर्ववेद (5.22.14) गी ते यजुर्वेद दिएं तैतिरीय संहिता (1.8.6 2), काठक संहिता (9.7;36.14), मैत्रायणी संहिता (1.4.10.20), वाजसनेयी संहिता (3.61), ते फिरी शत्पथ ब्राह्मण (2.6.2.17) गी ऐही, जे स्रो प्हाड़ गन्धारिएं; बल्हीकें ते महावृषें पासै हा, तां गै उनें ग्रैन्थें च तक्मन-तापा गी उनें दूर-दराजे लोकें च चली जाने म्रास्तै गल्ल कीती ते रुद्र देवता गी बी, उन्दे पासै गै जाने दी विनती कीती। पर यास्क नै मूजवत दी पछान करान्दे उसगी मुञ्जवत कन्ने जाई मेलेग्रा जेह्डा नां महाभारत (10.785; 14.180) च ग्राया हा ते दस्सेग्रा गेग्रा हा जे ओ प्हाड़ हिमालय च हा । फिरी सिद्धान्त कौमदी (4.4.110) च उस नां दा इक होर नमां रूप मौञ्जवत वी निकली पेग्रा । इंयां सोम बूटी ग्राले वरफानी प्हाड़ा दी पछान मध्य एशिया आले मूजताघ कन्ने नेईं ही होई सकी, ते पीर-पञ्जाल दे ऐसे प्हाड़ा कन्ने कीती जान लगी जित्थें मुंज-घा हन्दा हा ।

सायण नै वी ग्रसली शर्यणावत दी ऋग्वेदक परम्परा गी भुल्लिऐ प्हाड़ें चा कडि्डऐ जाई कुरुक्षेत्र दे 'जघनार्घे' पछान कराई कड्ढी, जित्थें नां गैं प्हाड़ ल'ब्बने ते नां गैं शर्यणावत ते त्रिककुभ प्हाड़।

पर यास्क गी गल्ती लगने लेई मती गल्ल ग्रथवंवेद च ग्रंग ते मगधें पासे दे हवाले करिए बनी होनी ऐं, जे ग्रो ऋग्वेद काल च बी जरूर गैं ग्रनार्य होने हे। की जे डुग्गर पासे दे पूरुएं दी परम्परा दा लोप होई गेदा हा, तां यास्क गी अपने कोला आले मगध पासे दे ग्रनार्य गैं ल'ब्बने हे, जित्थें ग्रो ऋग्वेद दे कीकटें दा होना ग्रपने समें ग्रनसार मता सम्भव बुज्झी सकदा हा। पर ग्रस वेदिक इण्डेक्स ग्रालियां दूइयां गल्लां जी विच लेई सकने ग्रां। जेकर कीकट लोक वेदक आदि आर्यें दे सामगान जां सोमरस दे पौदे दियां गुत्थियां आनने ग्रालें गी दिक्खिएं खुशी कन्ने स्वागत च हर्ष ते उल्लास गी बुरा मनान्दे हे, शैद इस्सै लेई जे कीकट ग्रायें दो भाशा नेई समझी पांदे होंडन, ते उनें गी इस गल्ला दा पता नेई लगदा होना, जे क्या ग्रायं लोक उन्दा ग्रान्दे दा प्हाड़ी माल लुट्टना चांह्दे न, जां उन्दे कन्ने वाद च धरोते दे गल्ल करङन ते माल-वटाई करङन, ता उन्दा गाना बुरा भाना समझा पेई जन्दा ए।

पर मगध आले मागध लोक ते आर्यें दा स्तुतियां गाना विल्कुल वी बुरा नेई हे मनांदे। मागध लोकें दी इतिहासक एरम्परा ते असें गी इऐ गल्ल दसदी ऐ जे ओ पराचीन समें दे राजा पृथु दे वेलें सोमरस कड्डने आलें दिन अभिपव करदें सामनें आए हे ते मागध गी देवतें ते ऋपिए पृथु दी स्तुति करने लेई आलेआ हा। उस्सै लेई खुश होइऐ पृथु नें सूत-मागधें गी अंग-मगध दे लाके उनें गी नामां च देई दित्ते हे। वन्दना करने आले सूत-मागध रामचन्द्रें दे जन्म पर दशरथ कोला बी नाम लेई गे हे, ते कृष्ण जी दे द्वारका जाइऐ बस्सने पर उन्दे कोला बी। इसलेई कीकटें दा गाने दा विरोध ते मागधें च कुतें बनदा गैं नेई पर बड्डी गल्ल ते ए ऐ जे कीकट गैं जेकर मागध है, तां कीकट नां बदलोना गैं कैसी हा।

होई सकदा ऐ जे सोम वूटी दी पौद पीरपंजाल पासै उठी गेई होऐ ते जिसले गंगा पासे जां होर पूरव च उत्थें कुतै ग्रो बूटी मिली गेई होऐ, तां उऐ पुराना धंदा करदें कीकट लोक उससे पासै निकली गे होन। पर क्या, जिय्यां पैह लें मूजवत प्हाड़ें दा निकलने आली सोम बूटी ग्रीनी बन्द होई गेई पही ते भारती ग्रादि आयें गी उसदे लेई पीर पंजाला पासे ल'ब्बना पेग्रा हा, क्या ए पीर पंजाल पासे साम बूटी दे उड़ने दी घटना बी ऋग्वेद काल च गें होई ही, ते कीकट सिद्धे मगध गी चली गे हे। हरिवंश पुराण, जिसगी महाभारत दा गै वाद-दा भाग समझेग्रा जंदा ऐ, ग्रोदे च इक्क हवाला ऐ, 'गङ्गाद्वारं कनखलं सोमो वै यत चोत्थितः' जेकर महाभारत दे बाद दे समें तकर बी सोम दी पछान गंगा तट पर कनखल तकर गै होई सकी दी ही,

तां ते कीकटें दा यास्क शा पैह्लें मगध पुज्जने दी गल्ल सम्भव नेई वझोन्दी।

ऋग्वेद (3,53.14) च बशक कीकटें दे सरगने जां राजा प्रमगन्द दा नां श्राएदा ऐ, पर श्रोदे कन्ने कुसै पूरु जां होर कुसै दुए कुला दे श्रार्थ राजे दा नां नेई श्राएदा ऐ। पर ऋग्वेद च दास ते दस्यु-हाटे श्रादिवासी लोकें दे सरगनें जां राजें चा लगभग कुसै दा वी नां नेई छुटेदा। पर जेकर शम्बर दास ते भेद श्राला लेखा, जिंदे वेले दे दिवोदास ते सुदास भरत कुला दे दो अत्त गैं परिसद्ध राजें दे नां ऋग्वेद च श्रीन्दे न, कदें प्रमगन्द दे कन्नूं दे राजे दा नां वी मिली गेदा हुन्दा, तां डुगगर दे कीकटें कन्नें बज्झे दी इतिहासक परम्परा दा म्हत्तव किश होर वधी जाना हा। पर जेकर कुसै श्रार्थ राजे दा नां ऋग्वेद च नेई श्राया तां एदे शा इक्क म्हत्तव श्राला श्रनुमान इऐ लान हुन्दा ऐ जे प्रमगन्द गी कुसै श्रार्थ राजे नै नुक्सान नेई हा पुजाया। जेकर ऐसी गल्ल हुन्दी, तां जरूर गैं श्रोदै खलाफ कुसै देवते दी सहायता लैनी पौनी ही, ते फिरी उस श्रार्थ राजे दा नां वी ऋग्वेद दी कुसै स्तुतिया च श्राई जाना हा।

की जे प्रमगन्द कन्ने कुसै आर्य राजे दा लड़ाई-झगड़ा नेई हा होया, इसलेई पच्छमी विद्वानें आला लेखा इच्बी गल्ल नेई करन हुन्दी, जे ऋग्वेद दे मैन्तरा दे पहुँ ले हिस्से दे 'कि ते ऋणवन्ति कीकटेषु सावो ?' कीकट लोक गवें दा के करदे न । इसदे अर्थ अस ए नेई लाई सकदे जे एदे करिए कीकटें ते आर्य दा झगड़ा होया हा, इस मैन्तरा दे दुए हिस्से च 'आ नो भर' आले वाक्य-अंश दे जेंकर सधारन अर्थ 'आइए भर/भरोची जान' दें थाह्र उल्टे हमला करने आले पढ़ने होन तां ते वेद ते दुए मैंतरें दे अर्थ वी किश दे किश होई जांडन । 'आ नो भर' कन्ने ऋग्वेद च चार मैंतर (3.30.19.6. 19, 8.8.7 & 2;8.81.6) शुरु हुन्दे न, क्या उदे वी अर्थ सैनक ढंगा दे हुक्मा आले गै लाने पौंडन ? मेरे बचार च 'आ नो भर प्रमगन्दस्य वेदो नैचाशाखं' दे वी सदारन गै अर्थ लाने चाइदे न, जिय्यां होरनें मैन्तरें च अस पढ़ने आं। तां गै वेद दे इस वेद-वाक्य दा वी से'ई अर्थ अस पकड़ी सकगे। इस वेद-वाक्य दे अर्थ तां इयां गै करचदे बनदे न, जे 'प्रमगन्द दे (आन्दे दे जिसदा) पता गै, उस नैचाशाख (सोम बूटिया) गी अस ओदे शा लेइऐ (अपनै) भरी लैचै।'

अथर्ववेद च (5.4,6.102,19.139) वरफानी प्हाइं दी पैदावार सोम ते कुट्ठ दौनीं दा किट्ठे-किट्ठे गै नां मिलदा ऐ। कुट्ठ ते अञ्जा तकर वी जम्मू कश्मीर राज्जा च गै हुन्दी ऐ, जैदातर जम्मू आलै पीर पंज्जाल दे प्हाइं पासै। इस लेई वी कीकट लोकें दा जम्मू पासे दे गै प्हाइी लाकें च होना बनदा ऐ, नां जे यास्क दे दस्से दे मगध पासै। आर्य लोकें दी सोम बूटी प्हाइं दा आनने दा कम्म कीकट प्हाइी आदिवासी गै करदे होने न।

यजुर्वेद च सोम दा पौदा खरीदने दी गत्ल होइदी ऐ । इस पाँदे दियां शाखां ग्ररुण, हरि, जां फिरी वभर रंगा दियां हुन्दियां सियां । हिल्लेबण्ड्ट नै इस पौदे दे नैचाशाख होने म्राला बचार बी दित्ता ऐ। इस पौदे गी ऋग्वेद (9.92.1) च गैं अन्धस नां कन्ने वी दस्सेदा ऐ, ते ग्रोदे भो गी वी (9. 86.44) एह्दा रस वी ग्रन्धस (2.14.1;19.1;35.1) गै खुआन्दा हा। शतपथ ब्राह्मण (3.3.1.15), मैत्रायणी संहिता (3.7.5) इत्यादि च सोम कन्ने बटाई दित्तिएं जंदिएं गवें दा बभु ते अरुण नां गै बरतोए दा ऐ। एदे शा पता लगदा ऐ जे ऋग्वेद काल दे प्हाड़ी लोकें गी इस गल्ला दा पता लग्गी गेदा हा जे बरफानी लाकें च काले रंगा दा माल-बच्छा ठण्ड बरदाश्त नेई करी सकदा, तांगै स्रो लोक लाल ते चिट्टियां गवां गै बटाई च लैंदे हे। सोम दे रसा दी ग्रपनी सुगन्धि ही, ते उमदा रंग बी वभ्रु (9.33.2; 63.4.6) जां हरि (9.3,9;7.6;65.8.12.25, इत्यादि) जां अरुण (9.40.2, 9.45.3) हुन्दा हा। इंयां कीकटें कोल सोम दी ते होर जनेही प्हाड़ी पैदावार दी बटाई च मितयां गै गवां ते माल-बच्छा थ्होई गेदा हा। प्रमगन्द ते कीकटें कोल तां गैं इन्नियां गवां दिविखयें ऋग्वेद च ए वाक्य श्राया होना ऐं जे कीकट लोक इन्नियां सारियां गवां, जेह् डि़यां प्हाड़ें च किट्ठियां हुन्दियां जां करदियां न, उन्दा के करदे न ? तां जेकर इस गल्ला गी बपारी ढंगा कन्ने गै दिवखना होऐ तां इसदा म्रर्थ ए लैन हुन्दा ऐ, जे क्या सोम दी बटाई च किश होर चीज देइऐ लैन-देन नेई होई सकदा ?

या क नै (निरुवत, 6.32) प्रमगन्द लेई गल्ल कीती ही, जे ग्री कुसीदिन, जां सूदखोरा दा पुत्तर हा। डोगरी भाशा च इस शब्दा गी सम्हाली रक्खेदा ऐ, ते एदा शब्द बनैदा ऐ कुऐदी, ग्रो ग्रादमी जेह्ड़ा मुल्ल-भा बनाने च मता गै झगड़दा होऐ। पर जेकर प्रमगन्द जां फिरी

कीकटें दे लेई इस किस्मा दा शब्द वरतोन्दा हा, तां असेंगी ए गल्ल बी ध्याना च रक्खनी पौन्दी ऐ जे प्हाड़ी पैदावार आलिएं चीजें दा बपार मौसम कन्ने गै बज्झे दा हुन्दा ऐ ते आयें कन्ने उन्दा ए सोम आला धन्दा कोई साल-भर चलने आला नेई होई सकदा। जंदे कुऐदी होने दा असली इऐ सबब्ब होई सकदा हा, जेह ड़ा आयें गी मती मनाफाखोरी ल'बदा हा। इहारा-सिर जेकर इक्क बारी कुतै मण्डी लगदी होऐ, तां कीकटें दा गुजारा ते साल-भरा दा उस्मै आमदनी पर चलाने दी मुश्कल बी ते उनें गी गै पौन्दी ही।

तां गैं, जेकर प्हाड़ी कीकट लोक ग्रपने वपारा च इन्ने पक्के हे, तां ओ अपनियां जरूरत आलियां चीजां-वस्तां वी ग्रपने घरें साल-भरा लेई जमा करी लैंदे हे। ए कोठा भरने ग्राला उन्दा सुभा वी सारे पणु संसार च कीड़ें-मकोड़ें ग्राला गैं वनदा हा। ग्रार्य लोकें तां गै ग्रोनें प्हाड़िएं दा नां गै कीकट पाई ग्रोड़ेग्रा हा, जेह्डा उन्दे सुभा लेई ऐन वनकदा हा।

डुगार च इक्क होर ऋग्वेद काल दी पराचीन नशानी जेह ड़ी इत्थें अज्जा तकर इस्तमाल होग्रा करदी ही, ओ ऐ खारी। ऋग्वेद (4.32.17) च मैन्तर औन्दा ऐ, 'शतं सोमस्यखार्यः,' सोम दियां सी भरोची दियां खारियां। खारी शब्द चम्बे दे सोमवर्मन ते ग्रासट दे तामर पटे 25 च बी वरतोएदा ऐ। वेदिक इण्डेक्स च खारी दे इस्तमाल दा एबी ग्रर्थ लेई लेता गेदा ऐ जे ए नाप दे तौरा पर वरतोन्दी ही।

क्रीमची ते बभौर दा मूल श्रारम्म : ऋग्वेद काल च सोम ते कुट्ठ जनेइएं प्हाड़ी पैदाबार आली चीजें दी उपज ते बंज-बपार तां कोई निक्की-मुट्टी गल्ल नेई ही । एदे पर डोगरा-प्हाड़ी लाके दी ग्रार्थक वस्था बनी गेई ही ते एदे करिए सारा लाका पैरें पर खड़ोई गेग्रा हा । इस फलने-फुल्लने ते बाद्धे दे कम्मा च पूरूमण्डला दे प्हाड़ी राज्जें ते कीकटें दी आपसी सांझेदारी दा बड़ा मता हत्य हा । बशक सोम दा इस्तमाल ते जग्ग-हबन सधारन ग्रार्थ नेई गै करी सकदे होङन, पर सोम ते कुट्ठ, जेह्ड़ी बेदक काल दी पैनिसिलिन ग्रीशद ही, ते त्रैंककुभ अंजन ते होर बी दूइएं प्हाड़ी चीजें दी मंग गै ग्रार्थ-जगत च दिनो-दिन बधदी गै गेई ही ।

ऋग्वेद च पूरूएं दिएं ग्रादिबासिएं कन्ते उन्दे रौह्ने ग्राले लड़ाई-झगड़ें दे मते हवाले मिलदे न । पर ग्रो ग्रनार्य जात्तीं दे लोकें कन्ने कुतै मते गैं पराने CC-0. Dogri Sanstha, Jammu. Digitized by eGangotri जमाने दियां गल्लां हियां। जेकर कीकंट लोक प्हाड़ी ग्रायों लेई उच्चे-उच्चे प्हाड़ें दी जरूरी पैदावार ग्रानदे हे, तां उंदियां ग्रापसी लड़ाइयां चरोकनियां वन्द होई गेइयां हियां। जिसले सोम ग्राला प्हाड़ी चीजें दा वंज-वपार शुरू होग्रा करदा हा, तां उस नमें-नमें कम्मा च आपसी आशा नेई समझने किरऐ केई गल्तफैंह्मियां पैदा होनियां स्वभावक गै हियां। मसाला लेई जेकर कीकटें गी इस गल्ला दा किश ग्रर्ग-पर्ग नेई हा लगदा, जे ग्रायं लोक उच्चे-उच्चे सोम दी ग्राग्रो-भगत लेई गा करदे न, जां फिरी वाह्मां लोग्रारी-लोग्रारी उन्दे पर हमला करने दी तंग्रारी करा करदे न। ते ग्रुरू-शुरू च इस्सै किरऐ लड़ाइयां झगड़े वी जरूर हुन्दे होने न। ते ग्रो तां गै इक-दुए शा छिण्डै रीह्ना मता पिसन्द करदे होन न।

ग्रसें उप्पर गल्ल कीती ऐ जे पूरू लोकें दा सरू इसरा कोल वड़ा पुराने समें च रौह्ने दा पता लगदा ऐ ऋग. वे. 7.96.2)। उस्सै ग्रधारा पर ग्रसें पुरूषण्डल ग्राला बी सुझाऽ सामनै रक्षेआ। जेकर पूरू सरू इसरा दै हेठें ग्रबाद हे, तां मती सम्भावना बनदी ऐ जे कीकटें सरू इसरा दै उप्परें ग्रथनी बंज-बपारा लेई बनाई लेई होऐ, जां फिरी ग्रो पहुलें दे गैं उस थाह्रा पर रौंह्दे हे।

सर्ल इसरा दै उपपरें कीकटें दी ओ वस्ती होई सकदा ऐ क्रीमची आला गै थाह्रा होऐ। कीमची नां पराचीन संस्कृत शब्द क्रीमीशा-चैत्ति दा गें डोगरी च बने दा रूप ऐ। किमीश यक्ष डुग्गर दे प्हाड़ी लाके पर मीयें दे साम्राज दे ग्राखरी दिनें च राज करा करदा हा। ग्रशोक दे बेले दा ए सारा लाका बौद्ध मानता ग्राला होई गेदा हा, ते किमीश यक्ष बी बौद्ध धर्मी हा। ए किमीश यक्ष उऐ हा, जिस नै पुष्यिमत्र शुङ्ग गी इक लड़ाइया च मारेग्रा हा। किमीश शब्द बी संस्कृत दा सधारन शब्द किमि + ईश, कीड़ें दा राजा ऐ। कीकट ते किमी पर्यायवाची गै शब्द न। जिय्यां ग्रज्ज कल बड्डे ग्रादिमएं दियां समाधियां वनान्दे न इंयां गै पराचीन समै च उस बेलें चैत्ति वनान्दे हे। कीमची थाह्र तां ओ ऐ जित्थें किमीश यक्ष दी स्माध ही। होई सकदा ऐ कीकटें बौद्ध धर्मी बनने पर ग्रपना पराचीन नां, जेह्ड़ा किश हीनता ग्राला समझेग्रा जन्दा होना ऐं, बौद्धें दे बड्डें बदलिएं किमी बनाई दित्ता हा। ए गल्ल इयां गै होई होनी ऐं जिय्यां म्हातमा गान्धी नै नमां नां हरिजन चलाया। वशक कीमची दे सारें शा मते शैल दिन किमश

यक्ष दै बेलें गैं दिक्खने गी ध्होए होंगन, की जे अपने युग च उसने गैं हुगार दा नां भारत दे इतिहास च बनाया हा। पर कीमची दा थाहर उस शा वी मता ऐ, जिस दे चेते दी किश सम्हाल ऋग्वेद जैसे ग्रैन्था च सुरक्षत ऐ।

कीकट ग्रादिवासी तां क्रीमची पासेआ गै सिरें पर सोम दे पीदें दियां गुत्थियां खारिएं च भरिएं लेई ग्रानदे हे। ते पूरू ग्रादि ग्रार्य लोक सारे उत्तरी भारत दे सरस्वती जमना पासेग्रा ग्राई दिएं वभ्रु गवें गी लेइऐ पूरूमण्डल पासेग्रा उप्पर प्हाड़ा पासे गी चढ़दे हे। जिस थाह्रा पर ग्रज्ज प्राचीन वभौर दे मन्दरें दे खंग्डर न, उत्थें खुंल्लें थाह्र उस पुराने समं च जेह्दी याद ऋग्वेद चा मिलदी ऐ, ग्रो वभ्रु गवां उत्थें ग्रानिएें किट्ठियां रिक्खयां जिन्दियां हियां ते इक बड्डी मण्डी उत्थें लग्गी जन्दी ही। की जे सोम दी वूटी गरम बाऊ च तौलें खराव होई जन्दी होनी ऐं, इस लेई तौलें-तौलें गै वभ्रु गवें दी, वभ्रु सोम कन्ने वटाई होई जन्दी ही। ए मण्डी तां सेम्राल गै लगदी होनी ऐं, जां किश सेम्राला स्रीने पर। तां जिय्यां महाभारत काल च मथुरा कोल गर्वे दे पिच्छें गोकुल नां दा नगर वस्से दा हा, इंयां गै वभ्रु गवें दी मण्डी लग्गने करिऐ होंदे-होंदे उस थाह्रा दा नां बी बभ्रुपुर गैं पेई गेग्रा हा। ऋग्वेद काल दे बाद जिसलैं ग्रो वभ्रु गवें दियां मण्डियां लग्गनियां वन्द होई गेइयां की जे भद्रवाह-किश्तवाड़ पासै सोम दी पौद उड़ी गेई ही, तां ए थाह्र वी भुल्ली-भलाई गेग्रा हा, वशक इत्थें वभ्रुपुर दी निक्की-सारी बस्सोग्रां वनी गै रे'ई। इस थाह्रा दे भाग क्रीमची दे कोई सत्त-ग्रट्ठ सौ साल वाद 6मीं-7मीं ईसवी च गै जागे हे । ग्रो मन्दर, जिन्दे किश ख'ण्डर ग्रज्ज वबीर ल'वदे न, ग्रो उस गै समें देन । इंयां बवौर ग्राले प्राचीन थाह्रा दी शुरूग्रात ऋग्वेद काल च वभ्रु दिएं वाहन गवें करिएे ते ग्रादिवासी वभ्रु ढोने ग्राले कीकटें करिऐ गै होई ही, नां जे महाभारत आले बभ्रुवाहन नां दे उस वीरपुरुष करिऐ, जिनें ग्रपने नां च बेदक काल दी सोम दियां खारियां चुक्कने स्राली परम्परा दी नणानी गै सम्हाली रक्खी दी ही ।

डुगार नां दा मुण्ड प्राचीन पूरूएं दे राजा दुर्गह दे नां पर: ग्रसें उप्पर गल्ल कीती ऐ, जे पुरमण्डल तीर्थ, जित्थें श्रज्ज णिवें दा प्राचीन स्थान ऐ, ऋग्वेद शा भूगोलक जानकारी दे ग्रधार उप्पर पूरूएं दा गै ऋग्वेद काल दा इक थेह् ऐ, ते इंग्रां ए थाह्र हुग्गर दे ग्रस प्राचीन इतिहास कन्ने परतक्ख सरबन्द जोड़दा ऐ। ऋग्वेद (8.64.10-11) च वणक्क पुरमण्डल पुर जां नगर नां नेईं ग्राया, पर पूरूएं दी शर्यणावन्त एहाड़ें च स्थित सरोवरा पर, ते ग्राजींक ते मदीन नदिएं कण्डै सोमरस पीने दी गल्ल होइदी ऐ, ते सुषोम नदिएं ते पस्त्यावन्त थाह्रें पर बी, तां ग्रसे गी ए गल्ल समझने च चिर नेईं लगदा, जे पूरव आले व्यासा दे प्हाड़ी लाकें शा लेइऐ, रावी, चनाब, ते जेह्लम न्दिएं तकरा दा सारा पहाड़ी लाका ऋग्वेद काल दे पूरूए दे राज्जा च हा, जेह्ड़े पंचजनें च शामल हे। पुराणें ग्राली परम्परा शा बी ग्रसें गी पता लगदा ऐ, जे यदु ते तुर्वंश दो भ्रा ययाति दी इक रानी देवयानी चा होए, ते द्रुह्यु, ग्रनु ते पूरू ए त्रै भ्रा दूई रानी शर्मिष्ठा चा। इस्सै लेई ऋग्वेद च ग्राया पंचजनाः शब्द उन्दे गै सामूह्क राजनैतक ग्रस्तितव गी जाह्र करदा ऐ।

ऋग्वेद च की जे इनें पंजें भ्राएं दियां सन्तानां पंचजना: खुम्रान लगी पेदे हे, इसलेई ठीक-ठीक पता नेई लग्गी सकदा जे जित्थें उनें राजें दे हवाले ग्रींदे न, ग्री ययित दे पुत्तर गै हे जां फिरी उनें पंजें दे नाएं पर होने ग्राले कोई उन्दे वैसा ग्राले दुए राजे हे। इसलेई पहले पूरू राजे लेई किश ग्राखन नेई हुन्दा ऐ, पर ग्रोदे पिता दा नां ऋग्वेद (10.63.1) च 'ययातेर्ये नहुष्यस्य', नहुष दा पुत्तर ययाति, करिऐ ग्राएदा ऐ। पर पूरू कुला च कु'न-कु'न राजे शुरू च होए उन्दा ऋग्वेद चा ठीक पता नेई लगदा।

पूरू दे बाद जिस इक राजे दा नां ग्रौंदा ऐ, ते ओवी इवकै बारीं (8.65.12) ग्रो ऐ दुर्गह । ओवी सिर्फ 'नपातो दुर्गहस्य', दुर्गह दे कुला दे जां, पोत्रे गैं गल्ल होइदी ऐ। इसलेई ऋग्वेद चा इन्ना गैं पता लगदा ऐ, जे दुर्गह दा ग्रपना कुल वी हा, जेह ड़ा ऋग्वेद काल च चला करदा हा। ऋग्वेद (4.42.8-9) च पूरूवंश दे इक पुरूकुत्स नां दे राजे लेई, जिसदा पुत्तर त्रसदस्यु हा, दौर्गहे शब्द ग्राएदा ऐ। इंयां उन्दी राजौली वनदी ऐ दुर्गह-गिरिक्षित-पुरुकुत्स-त्रसदस्यु । शत्पथ ब्राह्मण (13.5.4.5) च पुरुकुत्स गी ऐक्ष्वाक करिऐ वी ग्राखेदा ऐ, जेदे करिऐ एवी पता चलदा ऐ जे दुर्गह ते इक्ष्वाकु ग्राले कुल इक्कै हे, ते ग्रो दोऐ कुल पूरूवैंसी है। इक्ष्वाकु कुला दे बाद च ग्रयोध्या पासै होने दी परम्परागत गल्ला दा पता

गै ऐ, पर जिय्यां ग्रसें ऋग्वेद च दौर्गह ते ऐक्ष्वाक दौनें कुलें दे पूरू वैंसी होने दी गल्ल कीती ऐ, ग्रो इक्ष्वाकु कुला ग्राले तां पैह्लें सरस्वती पर वी वस्से देहे वशक्क, उन्दा नां उत्थें पूरू किरऐ गैं चला करदा हा (7.96.2)। पर दुर्गह ते इक्ष्वाकु राजें तकर ग्रो पूरूवैंस ग्रजें दुग्गर च गैं मजूद हा।

ऋग्वेद (5.34.7 ते 7.25.2) च 'दुर्ग' शब्द कठनता कन्ने पुज्जी पौने ग्राले थाह्रा लेई जां सुरक्शत थाह्रा लेई घट्ट गैं वरतीएदा ऐ। ऋग्वेद (5.34.7) च ते पुरुजनें दे लेई गैं ग्राएदा ऐ जे, 'दुर्गों चन ध्रियते विश्व आ पुरुजनों', जे उनें इऐ नेह् थाह्र अपने ग्रधीन कीते दे न। इसलेई पूरु दे बाद जेकर दुर्गह नां ग्राला गैं राजा ऋग्वेद च दिक्खने गी मिलदा ऐ, तां ग्रो बड़े म्हत्त्वा ग्राली गत्ल ऐ। दुर्गह ते फिर दौर्गह जनेह् राजें दे नां पाने कन्ने पूरू वैंसिएं दा डुग्गर कन्ने बशेश रिश्ता जुड़ी जन्दा ऐ। दुर्गह दे कन्ने दा इक होर नां दुर्गमः बी असें गी पूरू दे भ्रा द्रुह्म दी सतमीं पीढ़ी च जाइऐ विष्णु पुराण च दिक्खने गी मिलदा ऐ। ते फिरी इक दुर्गारण्य नां दे जंगल दा हवाला बी मिलदा ऐ, जेदे बारे च श्रीधर ग्राली टीका च 'अल्पसाधनः स्वल्प परिवारः' लिखेदा ऐ, ते कालीपद शर्मा ने 'दुर्ग दुर्गमं यत् अरण्यं तत्र' गत्ल कीती दी ऐ। ए सारियां गल्लां प्राचीन समें ग्राले डुग्गर लेई बिल्कुल ठीक बौन्दियां न। एदे च कोई शक्क नेई जे डुग्गर दा प्हाड़ी लाका पूरूएं दे गैं समें च नेई, हजारें व'रें बाद तकर वी घना जंगल गैं रेहा हा।

शतपथ ब्राह्मण (13.5.4-5) ते नैघण्टुक (1.14) च दौर्गह शब्दा दे अर्थ अश्व जां घोड़े लेई लैंते गेदे न । घोड़ा गै इक ऐसा पशु हा जेह्, ड़ा कठन ते दुश्वार प्हाड़ें-जगलें आले थाह्, रें पर दरेआ पार कराइऐ जाई पुजान्दा हा । तां 'पुरुवीर', जिय्यां ऋग्वेद च उन्दे लेई शब्द इस्तमाल होएदा ऐ, डुगगर दे सारे दुर्गम लाक च पुज्जी निकले दे हे, जिसलें पूरू दे वाद उन्दे राजे दा नां दुर्गह पेदा हा ।

ऋग्वेद दे उस प्राचीन पूरू राजा दुर्गह दे नां कन्नुग्रां गै डुग्गर शब्द वनने दा मुण्ढ वज्झा हा। पर, म्राखो तां ए दुर्गह नां वी ते उस राजा गी डुग्गर दी धरती दा गै उसदे जम्मने पर पाएदा सगन हा। ऋग्वेद काल च जेकर भारत देसै दे कुसै वी हिस्से दा नां नेई हा पेदा, तां वी डुग्गर भूमि दा सौभाग्य गै समझो, जे डुग्गर देसा दा गै नां दुर्गह नां दे पैह्ले श्चार्य राजा दे नां विच उद्घोष करन लगा हा। इंयां श्चस श्चाखी सकने श्चां जे दुर्गह दे हुग्गर लेई दो श्चर्यं बनदे न, डुग्गर देसा दा नां बी ते श्चोदे पैह्ले राजा दा नां बी। ते उस प्हाड़ी लाके गी बनाने आले राज बी पूरूमण्डल थाह्रा दे नां च श्चर्यजा तकर कैम न। जेकर शिव दे श्चर्यं सुन्दर गैहोई सकदे न, तां बशक श्चो डुग्गर दी संस्कृति ते जीवन दा प्राचीन थेह् ऐसा गैमन्दर ऐ।

जम्मू दे अज्जा स्राले राजघराने स्राले स्रपने-स्रापा गी रामचन्द्रें दे सूरजबैंस कन्ने नाता जोड़ने दियां गल्लां करदे न, जे स्रो स्रयोध्या दा स्राए जां राजस्थान दा आए। पर पता नेई स्रो केड़ी गल्ला गी जकीनी तौरा पर ठीक समझदे न। पर ऋग्वेद परा धूड़-खुक्खल फंडिऐ जेह्डिएं मूल गल्लें दा तत्त्व स्रसें पकड़ने दा जतन कीता ऐ, स्रोदे स्रनसार ते इऐ ध्रुव सच्च बनदा ऐ, जे जिस प्राचीन बेदक काल दे इक्ष्वाकु कुला च रामचन्द्रें दा जनम होया हा, स्रोदा आदि घर डुग्गर च देवका, ऐक ते सरूंइसरा दे कंढे हा, ते स्रो इक्ष्वाकु कुल चलाने स्राले राजे उत्थुस्रां दे गै पूरू ते दुर्गह राजें दियां सन्तान हे।

सोम दा दूत्रा नां श्रन्धस, डुग्गर दा श्रन्धड़ लाका ते यदुवैंसिएं दा श्रन्धक कुल: असें उप्पर गल्ल कीती ऐ जे सोम दे पौदे गी अन्धस गलांदे उसदे रस गी बी, ते उसदे भोग्रा गी बी, जिसदा बान, ऋग्वेद (9.52.1) च बान, बी बट्टेग्रा जन्दा हा। तां एदे बारे च किश मुट्टा लाना लाई लैन हुन्दा ऐ, जे जेकर सोम नां उसदी मान-प्रतिश्ठा लेई जग्गें-हवनें च बरतोन्दा हा, तां श्रन्धस नां श्रोदे श्राम घरेलू इस्तमाल श्रास्तै प्रादेशक जां स्थानीय नां दे तौरा पर प्रचल्लत हा।

तैत्तिरीय संहिता (4.5.10) दे इक होम-मैंतरा च 'अन्धसस्पते' शब्द वी मिलदा ऐ। एदे अर्थ अन्धस दी रक्षा करने आले दे, जां फिरी अन्धस लाके दा मालक वी होई सकदे न। अन्धस दे पिच्छें लाके दा नां गैं उऐ पौने लेई इऐ बड्डी गल्ल होनी ऐं, जे उत्थें इनें चीजें दा वपार खूब होंदा होना ऐं। इस्तै वंज-वपारा लेई गैं तां उस थाह्रा दा नां अन्धर पौना सम्भव हा। अन्धड़ शब्दा दे अर्थ अन्धस आला वनदे न, ते जिय्यों पञ्ज-गराई जां पुरमण्डल थाह्रों दे नां ऋग्वेद च नेई आए, इंयां गैं अन्धड़ नां वी नेई आएदा। पर इस निक्के-नेह्रावी नदी परा दे लिंके

दी पछान ग्रस ऋग्वेद काल दे जीवन गी दिखदे होई ग्रसानी कन्ने गै करी सकने ग्रां। अन्धड़ ग्राला गै लेखा हिमाचल भेठा दा ऊना लाका बी ऐ। शतपथ ब्राह्मण (3.4.3.13 ते 4.2.5.15) च ग्रींदा ऐ जे उशना नां दा इक पौदा हा, जिसदे रस गी मलाइऐ सोमरस दा इक शरवत पीने ग्रास्तै त्यार कीता जन्दा हा। ऊना पासै तां वेदक काल च उशना दा पौदा होंदा हा, जेदे लेई ग्रो नां पेग्रा हा।

हजारां ब'रे बीती जाने किरिए अज्ज रावी नदी परा दे अन्धड़ लाके दे नां पौने बार कोई परचोल नेई पौंदी, ते नां गैं सोम बूटी दियां गुत्थियां कुत एहाड़ें दा और दियां न, नां गैं उनें गी रावी दे ठण्डे पानिया च ताजा रक्खने दा किश कम्म गैं बनेदा रींह्दा ऐ। नां गैं उत्थें बभौर पासे दा खारियां भरोची दियां अन्धस दे भार आनने आलों दे कुतै कैम्प लग्गे दे हुन्दे न, ते नां गैं सरस्वती नदी तकरा दा बभ्रु ते अरुण गवें गी सोम दी गुत्थिएं दिएं खारिएं कन्ने बटाई आस्तै जां कुट्ठ ते त्रैककुद सुरमा खरीदने आस्तै गैं हेठा दा आएदे बपारिए दा गैं कुतै कट्ठ होंदा ऐ। अज्ज ओ वेदक समें आला कम्म-धन्दा नेई रेह्दा। नां गैं उसदे बारे च सोचने दी किश सूझ गैं।

पर जिसलें ग्रस पुराणें च मिलने ग्रालिएं किण गल्लें पर सोच-वचार करन लगने ग्रां, तां ओ अन्धड़ दी इतिहासक नणानदेई करने च म्हत्तवपूर्ण किंद्रियां वनी जिन्दियां न । हरिवंशपुराण, जिसगो महाभारत दा गै वाकी-इतिहास समझेग्रा जन्दा ऐ, यदु दे वैसा च होए वृष्टिण ते ग्रन्धक कुलें दी गै गल्ल होइदी ऐ, 'वृष्ण्यन्धकानां च तद् भवान वक्तुमर्हति' (1.1.17) । महाभारत दे समें च यादव वैसी जमना नदी पर मथुरा पासै ग्रानी वस्से दे हे । यादव वैस पूरू दे भ्रा यदु कोला गै गुरू होया हा । महाभारत दे समें च गै कृष्ण जी यादवें गी द्वारका पासे लेई गे हे ।

महाभारत शा मता पैह्लें यादवें दा भे इक बड़ा बहुा राजा क्रोण्ठा नां दा होग्रा हा, जिस दियां दो रानियां हियां, इक गन्धारी ते दूई माद्री। उस माद्री दे गे घर दो पुत्तर वृष्णि ते ग्रन्धक नां दे होए हे, जिन्दे दौनें दे नां पर दो नमें कुल ग्रभों चिलिए निकली पे हे। कृष्ण जी बी यादवें दे वृष्णि वैसा च गै होए हे। मद्र लोकें दा हवाला बृहदाणयक उपनिषद च ग्रीन्दा ऐ। ग्रो लोक डुग्गर दे प्हाड़ें हेठ रावी शा लेइएे चनाव तकरा दे

लाके पर म्रवाद होई गेदे हे। तां रावी परा दा अन्धड़ म्राला लाका बी मद्रें दैं गै धीन होई गेदा हा। माद्री तां असली च मद्रें दे धीन प्रन्धड दी गै राजकमारी ही, इस्सै लेई उसनै ग्रपने निगड़े राजकमारा दा नां बी ग्रन्धक रक्खेआ होना ऐं। यादवें दे दूर बस्सी जाने आले राजा कोव्टा दा मद्रें दै धीन ग्रन्धड़ दी राजकमारी व्याह्ने दा बहुा परजोजन इऐ होना एं जे उनें यादवें गी अन्धस-सोम मिलदा र'वै। यादवें गी कृष्ण जी दे बेले तकर सोम मिलदा रौंह्दा हा, इसदे प्रमाण च पुराणें च गै इक्क प्रसंग इब्बी ग्रीन्दा ऐ, जे कृष्ण जी दे मथुरा दा द्वारका चली जाने पर, उस शा पच्छम पासे दे षट्पुर दे 'दैत्यें' बी यादवें कशा ए मंग कीती ही जे उनें गी बी सोमरस पलाया जा, 'सोमपास्यामहे वयम्।' इरा मंग गी पूरा नेई करने पर **गै** उनें दैत्यें कन्ने लड़ाई छिड़ी पेई ही जेदे च त्रिगर्त ते मद्र ग्राले राजें दैत्यें दा पक्ख लैता हा । इंयां ग्रन्धड़ दे निक्के-सारे बेदक काल दे राज्जा दा म्हत्तव असेंगी पता लगदा ऐ। असेंगी एदे कन्ने इब्बी पता लगदा ऐ जे षट्पुर चली जाने आले अन्धकासुर दैत्य बी सोमरस पीने श्राले हे, जेह्, इा कम्म होर कुसै तरीके कन्ने हुन नेई हा होई सकदा, ते जिसले उनेंगी द्वारका म्राएदे यादवें दे सोमरस पीने दी गल्ला दा पता लग्गा, तां उनें बी उन्दे कोला सोम-अन्धस प्रापत करने दा जतन कीता।

तुम्र दा घराना, म्रश्विनिएं ते शिवें दी मानता, ते डुगगर नां च तुम्र दा रला: ऋग्वेद च गैं अत्त पराचीन गल्ल तुम्र ते म्रोदे घराने दे तुम्र य खुआने म्रालें दी होइदी ऐ। मेरा इक्क इच्बी सुझाऽ हा, जिसगी हंसराज पंदोत्रा नै बलराज पुरी दी सम्पादत मेगजीन 'कश्मीर अफेयर्स' दे मार्च-ग्रप्रैल 1961 दे म्रंक नं० 10 च छपे इक्क लेख 'भ्रू कारीडार्स म्रॉफ जम्म्'ज पास्ट' च शामल कीता हा, जे डुगगर शब्द दी उत्पत्ति तुम्र नां कन्नुआं वी होई सकदी ऐ। इसदै वाद जेनाइदे ए रगोजिन दी कताब वेदिक इण्डिया च जिस ढंगा कन्ने तुम्रें बारें गल्ल पढ़ने दा मौका लग्गा, तां ते ए गल्ल होर वी मनें लग्गी जे तुम्र घराने गी वी अस डुगगर शा वक्खरे नेई करी सकदे। उसदी कतावा च जेह् डा नक्शा छपेदा हा, भ्रोदे च तुम्र नां ठीक डुग्गर म्राले लाके पर छपेदा दिक्खेआ हा, तां मिगी किश उन्दे बारे च सोचने दा होर समां थ्होग्रा।

तुग्र इक बड़ा ग्रसर-रसूख ग्राला ग्रादमी हा। ऋग्वेद च ग्रोदा

समां दुर्गह कोला बड़ा गै चिरें बाद, पर सुदास णा काफी पैह् लें दिबोदास अतिथिग्व दे शुरू दे दिनें दा लगदा ऐ। शैंद उस प्राचीन समें च दिवोदास अतिथिग्व अपने पिता वधर्यश्व ('घोड़े बधेरने, खस्सी करने आला') आला गै लेखा अग्नि देवता गी मनदा हा, ते इस्सै करिए इन्द्र देवता नै पक्थें (पख्तून) दे राजा तूर्वायण कन्ने मिलिए दिवोदास कुत्स ते आयु गी हराया हा तां जे भ्रो सिद्दै रस्तै आई जान ते इन्द्र दी मानता मन्नी लैन। ऋग्वेद च इब्बी गल्ल होइदी ऐ जे तुग्र गी बी इक बारीं कुत्स कोला हार खानी पेई ही। तुग्र अश्विनिएं दी मानता आला हा। तुग्र गी हराने आले कुत्स ने गै बाद च इन्द्र दी सहायता कन्ने शुष्ण नां दे दास-दस्यु गी मारेमा हा।

तुग्र कोला किश मती गत्ल ऋग्वेद च तुग्र दे पुत्तर भुज्यु दी होइदी ऐ। शैंद उसदे बब्बा नै भुज्यु गी घरा दा कड्ढी दिला हा ते ग्रो इक भयंकर समुद्री तुफाना च फसी गेग्रा हा, जेह्दे चा ग्रश्विनि कमारें उसगी बचाई लेग्रा हा। इस्सै सिलसले च इक ऐसे समुन्दरी ज्हाजा दा जिकर होएदा ऐ जिसगी इक सौ चप्पू, शतारित्र, लग्गे दे हे।

ऋग्वेद चा इंयां लगदा ऐ जे इन्द्र देवता कुसै दुए देवता जां देवऋषि दी मानता नेई हा बधन दिन्दा, ते फिरी श्रनार्य मानताएं आले
आदिबासी जां दास जां दस्युएं दा ते अग्गें बधने दा कोई रस्ता गैं नेई हा।
पंचजनें चा श्रो यदु ते तुर्वशें दा गैं साथ दिन्दा हा, दिवोदास ते श्रोदें बाद
सुदास तकर फिरी इन्द्र दी मानता मनदे गैं रेह्।

तां कोई बड़ी गल्ल नेईं जे स्रो समुन्दरी तुफान इन्द्र दा गै चलाए दा होऐ, जेदे चा अश्विनिएं तुप्र दे घरा कड्ढी दित्ते दे पुत्तरा गी बचाया हा। इन्द्र नै दधीचि ऋषि गी बी ग्रश्विनिएं खातर गै मारना हा, पर अश्विनिएं बड़ी शैल योजना बनाइऐ दधीचि दा जीवन बचाई लैत्ता हा ते श्रिपना कम्म बी कड्ढी लैता हा।

इनें सारिएं गल्लें शा अस दिक्खी सकते ग्रां जे इन्द्र देवता हर चाल्ली ग्रपना दबदबा ते मानता जमाने पिच्छें लग्गे दा रौंह्दा हा। की जे तुग्र घराने ग्राले अश्विनिएं दी मानता ग्राले हे, ते इन्ने प्रभावशाली ते समृद्ध हे, तां गैं इन्द्रं दी अवख उनें गी अपने धीन करने लेई उन्दे पर आनी टिकी ही। ते फिरी आखर तुग्रियें गी उनें अपनी मानता च करी बी लैता हा, ते स्रो उन्दे च बड़ा गैं खुश रौंह्दा हा। तां गैं इन्द्र दा इक नां 'तुश्रियावृध' बी पेई गेदा हा।

जेकर तुप्रिएं दे बधने-फुलने म्राली गल्ल ऋग्वेद च होइदी ऐ, तां दुऐ पासै जेनाइदे ए रगोजिन नै ग्रपनी कताब वेदिक इण्डिया च दस्सेदा ऐ, जे शिव नां तुग्रें दा गै होना मन्नेग्रा जन्दा ऐ। तुग्र सारें शा प्राचीन म्रादिवासी हे, जिन्दा नां आर्यें 'नागें दी सन्तान' गै पाई दित्ता हा, ते उन्दा धार्मक तौरा पर नां शिव गै बनदा हा, कीजे शैद नागें कन्ने जुड़ने ग्राले सरबन्ध बनाने आली पूजा दा विधान उनें गै रम्बेग्रा हा। रूस दे प्राचीन काल चका च इक कीड़ियां गल्लां जरी लैंने श्राला गै देवता-जन निकलेदा हा, जेह्ुा 'बोगतैरें' बीर पुरशें दा सदा बरोध गैं करदा ते स्रोदा नां ऐ 'तुगारिन नाग।' साढ़े लोक-बार्ता किट्टियां करने विद्वान इस करिऐ मते गै चवकरें च पेदे रेह् न, जे ए नां किह्यां बनेग्रा होग, ते कृत्थुम्रां म्राया होग ? तां खबरैं उसदा भेद ऋग्वेद आली इस्सैं गल्ला कन्नुग्रा गै खुलदा होऐ । ए मता गै सम्भव ऐ जे स्रो सारे स्रादिवासी लोक आर्यें दे गै समाजा च कुसै पासै खपी गे हे। पर इस श्रत्त गै महत्त्वा श्राली गल्ला दे पता लग्गने करिऐ, जे ग्रज्जा दे हिन्दु धर्मा च ब्रह्मा-विश्नु-शिव दी पूजा दा मुण्ड पौने दी गल्ल ऋग्वेद च होइदी ऐ, ते त्रित्सु-विधाणिन-णिव इस्सै कम च गै होइदी ऐ, तां अन्दरा दा साह् अन्दर ते बाह्रा दा बाह्र गै रे'ई जन्दा ऐ।

रगोजिन दी इस केह् ड़ी रूसी लोकवार्ता गी लेइऐ चलने आली गल्ला शा साढ़े विचार गी इक नमां मोड़ ध्होन्दा ऐ। सारे गै पच्छमी विद्वानें म्रांगू भावें रगोजिन दे बचारा च किश राजनैतक किस्मा दिएं गल्लें म्राली गै रंगत की नेई म्राई जन्दी होऐ, इस रूसी विद्वान दी तुम्र नां दे शिवें कन्ने सरबन्ध बनाने म्राली गल्ल ते तृम्प्रियें दे कुला दे बाहे दी गल्ल ऋग्वेद दे अपने म्रन्दरा दा गै किश प्रमान देने म्राली गल्ल ऐ। वेदिक इण्डेक्स दे सम्पादकों इब्बी गल्ल लिखी दी ऐ, जे सेंट पीटर्सबर्ग डिक्शनरी च भुज्यु शब्दा दे म्रथं ऋग्वेद दे दीं थाह रें (4.27.4 ते 10.95.8) नाग

गै बनदे न, ते कीजे तुग्र ते भुज्यु दोऐ शब्द नागें दे बोधक न, तां ए नाग-जाति आला गै इक बैंस हा।

रगोजिन नै तां जेकर तुग्नियों गी भारत दे इक अस्त प्राचीन आदि-बासिएं दी संज्ञा दित्ती ऐ तां आदे अर्थ अस इऐ लाई सकने आं जे ऋग्वेद च जिनें बी लोकें दे नां आएदे न, ओ सारे गैं इत्थूं दे आदिबासी गैं हे, कोई बाह्रा दा नेई हे आएदे! तां जरूर गैं असें गी बी उनें शिवें दी मानता आले लोकें दी तपाश करनी बनदी ऐ।

रगोजिन नै जेह्ड़ा निक्का-नेहा इक नक्शा ऋग्वेद काल दे समाजक भूगोल ग्राला ग्रपनी कताबा च दित्तेदा ऐ, ग्रोदे च तुग्र नां बड़ा शैल टकोदा गेदा डुग्गर दे प्हाड़ें च गै लिखेदा ल'बदा ऐ, बशक्क उसने कताबा च इस बार किश बी गल्ल नेई कीती । वेदिक इण्डेक्स च बी इक मता शैल नक्शा दित्ते दा ऐ पर ग्रोदे च तुग्रियें दा नां नेई दित्ता गेआ, बशक्क कताबा च उन्दे बार जरूर किश चर्चा होइदी ऐ। की जे तुग्रियें दी धार्मक शिवें ग्राली मानता दा डुग्गर दी नागें ते शिवें ग्रालिएं लोकबात्तें कन्ने भरोची दी धरती कन्ने वड़ा गै कोला दा सरबन्ध बनदा ऐ, इसलेई इस सांस्कृतक - धार्मक पक्ष गी लेइऐ बबेचन करने दी ग्रत्त गै मती लोड़ बक्कोंदी ऐ।

ऋग्वेद च जिय्यां शिवें दियां रुद्र नां कन्ने स्तुतियां होई दियां न, इंयां गैं उग्रा नां कन्ने बी होइदियां न, जिय्यां 'उग्रादेवं हवामहे' (1.36. 18)। इंयां गैं कृष्णयजुर्वेद दी तैं तिरीय संहिता च बी मैंतर श्रौंदा ऐ, 'पशुपतये च नम उग्राय च भीमाय च' (4.5.8)। की जे ऋग्वेद च उग्रा नां पूरु दे भ्रा तुर्वश ते यदु कन्ने ग्राएदा ऐ, इसलेई ग्राखन हुन्दा ऐ जे पैंह लें ग्रोबी शिवें दी गैं मानता करदे हे। शिवपुराण च दक्ष प्रजापति दे यज्ञ दी जेह ड़ी गल्ल होइदी ऐ, ग्रोदे च दधीचि ऋषि दे दक्ष गी समझाने दी गल्ल ग्रौन्दी ऐ जे यज्ञ च शिवें गी जरूर सहना लोडचदा ऐ। ए गल्ल नेई मन्नने पर दधीचि ऋषि जग्गा चा निक्ली आए हे। इसलेई ए गल्ल करी लैन हुन्दी ऐ जे ऋग्वेद काल च तुग्रिया कुला ग्राले लोक डुग्गर च बसदे है।

जेह्ड़ी गल्ल रगोजिन नै रूसी लोकवार्ता च तुगारिन नाग, ऐसे

देवता दी कीती ऐ जेह्डा कौड़िएं गल्लें दा जैह्र पी लैन्दा हा, तां कोई बड़ी गल्ल नेई जे डुग्गर ग्रांगू गै रूसी मध्य ऐशिया पासै ए मानता इस्लाम धर्म दे उत्थें ग्रीने शा पहुलें तकर चला करदी ही, ते उत्थें उग्ना गै नां बरतोन्दा हा। कनिष्क ते हुविष्क नां दे कुशान म्हाराजे जेह्र्ड़े उत्तरी भारत च मध्य एशिया पासे दा गै बख्तरी यवनें दै बाद आए हे, उन्दे प्राचीन सिक्कें पर संस्कृत दा ए उग्रा नां ग्रीक लिपि च OKRO (ग्रो-क-र-म्रो) करिऐ गै म्राएदा ऐ। डुग्गर च बी ए मानता 'ओगड़' जां स्रीगड़ देव नां कन्ने साढे समें तकर प्रचलत रे'ई ऐ। हविष्क दे बाद होए 'देवपूत्र शाहिन्शाही वासूदेव' दे शिव-त्रिमूत्ति स्राले सिक्के पर बी इए शब्द लिखेदा मिलदा ऐ। वासुदेव दा गै इक ग्रर्धनारी श्वर शिवें दी मूर्ति ग्राला सिक्का बी ऐ, जेदे पर लिखत ऐ ARDOCHRO (ग्र-र-द-ग्रो-ख-र-ग्रो) जां 'अर्धाख़ाे', जिसदा से'ई शब्द 'ग्रर्ध-उग्र' गै बनदा ऐ। इऐ नेहा इक सिक्का म्हाराज कडफ़ाइसिज दावी मिलेदा ऐ। ए सारे सिक्के पैह्ली-दूई शताब्दी ईसवी देन। एदे शा समझी लैन हुन्दा ऐ जे शिवें दी कृशान म्हाराजें दी मानता कोई उन्दे भारत ग्रौने परैन्त धर्म परिवर्तन करिऐ नेईं ही होई। यो ते उन्दी मध्य एशिया दी गै मानता ही।

यजुर्वेद (3.61) च इक मैंतर औन्दा ऐ जे, हे रुद्र ! तुस अपना धनुष लेइऐ मूजवत कोला बी परें पासे गी चली जाओ, 'एतत्ते रुद्रावसं तेन परो मूजवतोऽतीहि।' रगोजिन दी गल्ला शा तां पता लगदा ऐ जे शिवजी नै सच्चें गै ए प्रार्थना मन्ती लैत्ती ही, जिसदा प्रमान रूसी लोक-वार्त्ता ते कुशानें दे सिक्कें परा मिली जन्दा ऐ।

समाप्ती: इस सारी गल्ला शा ए निर्ना करना ग्रसान होई जन्दा ऐ, जे जिय्यां दुर्गह नां कोला डुग्गर शब्द वनी सकदा हा, इंयां मैं तुग्र कन्नुआं वी ए गल्ल होई सकदी ही। ते फिरी कीजे ऋग्वेद काल च दुर्गह ते तुग्र दोऐ डुग्गर पास होने दे प्रमान मिलदे न, इसलेई डुग्गर शब्द दी उत्पत्ति च दौनीं दा रला होई जाना सभावक मैं गल्ल बनदी ऐ, तुग्र> दुगर>डुग्गर<दुर्गर<दुर्गह। दुर्गह नां दे सुझाऽ लेई डोगरी रिसर्च इन्स्टिच्यूट दे श्री श्याम लाल शर्मा नै इक पंक्ती ग्रपने लेख 'डोगरी भाषा' च (हमारा साहित्य—1965 नां दो पुस्तक च) शामल कीती ही। ते

तुम बारै बी ठीक इन्नी मैं गल्ल 1961 च हंसराज पंदोत्रा दै जिरिए होई ही। ए दोएे शब्द भौरा दी मिक्खएं म्राला लेखा मेरे मना दे तला पर तदूं दा मैं मखीरा दे किश कन किट्ठे करने च लग्गे दे हे। इन्दी गुनगुन दी उग्गर दे इतिहास ते संस्कृति दी सुगन्धी भ्रोचियां मधु आलियां म्रौहुतियां ऋग्वेद दे मैंतरें कन्ने देइएे, 'म्रग्ने नय सुपथा' दी प्रार्थना करदे, सारे हुगार गी 'म्रदृष्टा विश्वदृष्टा प्रतिबुद्धा' भाव कन्ने दिखदे होई, ए किश ऋग्वेद दी मैं गल्ल कीती ऐ, जेदे बारे च 'गाथान्य: सुहचो यस्य' (1.190.1) ऋग्वेद दा मैं मधुर वाक्य ऐ। मिगी मेद ऐ जे हुग्गर दे मत्त पराचीन काल दी इस हिस्सली दी ग्रग्गी दी ए चिनग पकड़िएे विद्वान लोक ग्रपने स्वाध्याय कन्ने इसगी मुहिएे मकाई लैंगन, 'वर्धान्यं पूर्वीः'।

TO THE THE SECTION OF THE PERSON OF THE PARTY OF THE PART

I the reserve the table to a transfer of

reflection to the rest of the party of the p

डुग्गर दियां कलां

- (क) लोक कलां
- (ख) ललित कलां

किक मित्री आधार्

डुग्गर दी लोक-कला

—डा० अशोक जेरथ

लोककलां माह्नु दी सजीट आस्त अनसम्भ तांह्ग दी प्रतीक आखी जाई सकदियां न । शैह्री दिनख-दखाऽ छा दूर, आम ग्रादमी दी रचना दाते सोच दा ग्रपना सरूग होंदा ऐ, जिसदे च ग्री अपने स्यालें गी मूरत रूप देने तांई कोशश करदा रौंह्दा ऐ। लोककला दे इतिहास गी पिच्छें कबीलें दे ग्रागाख दे कोल-काल तुप्पेग्रा जाई सकदा ऐ। बू'टे गी ईश्वर दा रूप मिथियै इनें लोकें गी किन्ना मुख, ग्राराम थ्होंदा ऐ, सोचेग्रा मैं नेई जाई सकदा। ऋपनी ग्रास्थें गी देह्री दा रूप देइयें, इनें नोकें च ग्रनसम्भ जकीन, शक्तित ते समर्थ कुत्थूं, कियां ग्रपने-ग्राप ग्राई जन्दी ऐ जे इनें ईश्वरीय प्रतीकें ग्रास्तै ओ ग्रपना सब्बै किश बलिदान करी सुटदे न। ए शुद्ध कलात्मक प्रेरणा (Aesthetic Sense) बी नेई होई सकदी, जिसकरी स्रो ईश्वरीय मूर्तिएं गी घड़दे न, मण्डपें गी सजांदें न, देह्रियें ते देह्रें गी कलात्मक रूप दिदे न, बौलिए-चश्में गी ते खूहें गी चमकांदे न घर-बाह्र, खेतरें-खलाडें चौकें-संधें गी सुग्रारदे न । पर, में समझनां, ए ग्रो जकोन ऐ जेह्का तिलस्मी करदारें गी घड़दा ऐ ते उन्देच ग्रपने ख्यालें गी मूर्त रुप देने गित्तै शदाई बनाई सुटदा ऐ। इनें लोकें गी बड़े थोड़े सुख कन्ने सन्दोख होई जन्दा ऐ, जिसी ग्रस शैह री-लोक केई फेरें च पेदे वी नेईं पाई सकदे । इये सन्दोख लोककला च मूर्त-मान होन्दा ऐ ।

डोगरे ग्रपने सुभा कारण मण्हूर न। ए दमें सुभा इक दूए गी कटदे न। इसकरी इनें गी बिरोधाभासी करदार (Oxymorn Character) वी आखेआ जाई सकदा ऐ। इक बक्खी ते इन्ने निगर-लड़ाके न जे, उन्दे इस सुभा दा इतिहास गवाह ऐ ते दूई बक्खी ईण्वरीय णिकत्यें उप्पर अनसन्भ जकीन, कुसै बेकसूर दी मौती उप्पर सदा आरते उन्दे कबीले दी असे या दे गुनहागार बनियें रौह ने दी आस्था बी इक अपना गै इतिहास ऐ। णायद इयें कारण ऐ जे मते बारी डोगरे अपने इस सुभा दे मूजब ठगोए बी न। बिलदान ते उन्दे मूजबें दा अपना अपना इतिहास ऐ। आम-तौरें पर सारे डोगरे कुसै न कुसै देह री कन्ने जुड़े दे न। इनें पिवत्तर स्थानें दा बी बक्खरा-बक्खरा इतिहास ऐ। इनें देह रिये दे मूजब लोक-कलां वी फिलयां-फैलियां ते अगड़े बिधयां ते इनें देह रिये ने मते हारे ध्यारें- अनुश्ठानें गी बी जन्म दित्ता।

(क) ईश्वरीय शक्तियां ते उन्दे प्रतोक:

देह रियें दे कन्ने-कन्ने गै प्रतीकें मूर्त रूप लेग्रा ते इश्वरीय शिवतयां सजीव होई गेइयां। कलात्मकता नेहा जकीन हा, जिसनै सवनें छा पह ले दस्तकारी गी जरम दिता । भुसले बेढंगे लेतरें दे पत्थर ते सिलें (Rocks) गी घड़िये तस्वीरां बनाइयां गेइया । अगरचे ए जकीन हा, पर जनमानस आसेआ इन्दी सजौट गित्तै कोशशां होन लगी पेइयां ते डोगरा दस्तकार दे जकीन कन्ने-कन्ने ललित-पनख (Fine Taste) वी अगड़ा वधेग्रा। ए पत्थर घड़ते ग्रालें कुंसै खास तलीमी ग्रदारे दे मोहं ताज नेई है। कोई इक ग्रांव ग्रादमी ए कम्म गुरू करदा हा ते ए उसदी वंश परम्परा बनी जन्दी ही। पुत्तर, पोत्तरे, पीढ़ी-दर-पीढ़ी, ए कम्म चलदा रौंह्दा हा। इंयां हर पुण भ्रपने ख्यालें गी मूर्त रूप दिन्दी रे'ई, सुआरदी रे'ई ते बल्लै-बल्तै लोक पनख च सजौट दा पक्ख अगड़ा बधन लगा । मूर्ता (Icons) चौड़े मुरब्बे (Square) पत्थरें दी स्लैब (Slabs) उप्पर घड़ियां जदियां, (Boulders) खोह. (Caves) वगैरा घड़िये मन्दरें, देवीद्वारें मण्डपें वगैरा दा रूप दिता जंदा हां। ए मूर्ता धार्मक पृष्टभूमि (Mythological Background) स्थानीय विश्वांस (Local Beliefs) लोक व्यवहार (Folk Nature) वर्गरा दा नतीजा ग्राखियां जाई सकदियां न। देवीद्वारें ते देह रियें गी सजा^{ते} गित्तै पत्तर वेलां रुक्ख वगैरा बनाए जंदे रेह्। मूर्ते दे विशे बक्खरे-बक्खरे हि। इन लोक कलाकारें केई चाल्ली दे अभिप्राय (मोटिफ) चुने। इनें सारे 'चें पौराणक कथाएं दे मोटिफ सब्बनें छा मते न । विष्णु नरसिंह ग्रवता^{र,}

गणपति-गणेश, राम-लक्ष्मण-सीता, शिव दा रूप — लिङ्ग, कच्छ प्रवतार, मच्छ ग्रवतार, हनुमान, ब्रह्मा, यक्ष ते यक्षणियां वगैरा न। इन्दे इलावा शक्ति दे बक्खो-बक्ख रूप जियां बैंग्णो, सुकराला, (चामुण्डा)-चौण्डा, काली म'माया बगैरा ते कुलें दियां बलिदानी जनानियें दियां मूर्ता वी शक्ति स्रांग गै पूजियां जिन्दयां न । इने गी शिलावैं तियां ग्राखदे न । कबीलें ते कुलें दे माह न पुरखें दियां मूरतां ते डुग्गर दे हर ग्रां च थ्होई जाङ्गन । काह् नाचक्क च, बाबा जित्तो दे मोह्रे टकोदा उदाहरण ऐ। इस्सै चाल्ली स्रवेकां स्थानी कथाएं ते लोक पक्ख कन्ने जुड़े दे पुरखें ते ग्रां-देवताएं दियां मूरतां इनें लोक-कलाकारें ग्रपने विशे चुने । पंचैह्री दे लाके च त्रौं प्हाड़ी किंगरें उप्पर त्रौं देवताएं दे स्थान न 'सांकरी देवता' 'शंखपाल' ते 'सपोर' देवता। डुगार दे कंढी, मैदानी ते प्हाड़ी लाकें च सब्बनें छा मतियां मूर्तां मिलदियां न—नाग देवते दियां । फी घोड़े, हाथी, कछुए, मच्छियां, उड़दे फिनगर, पखेरू-पैंछी वगैरा, ग्रनेकां जीव-जन्तु इनें चतरें दी छैनी दा विशे बने । कमल दा फुल्ल, सूरज, चन्न, तारे, स्वस्तिक, मतलव ए जे लोक व्यवहार ते ग्राम जीवन कन्ने जुड़े दे ग्रनेकां मोटिफ लोक कलाकारें दी लोककला दे नींह् हे। इनें 'ग्रिभिप्राय' दे विच्छै केई तत्थ ते लोककत्थां, पौराणक गाथां जुड़ी दियां न । इन्दा सब्वनें दा ग्रपना-ग्रपना इतिहास ऐ।

(i) नाग: नागदी मूर्त सब्बनें छा विवादास्पद ते लगभग हर जगह, हर स्थान कन्ने वावस्ता ऐ। कुण्डली मारे दा सप्प आम तौरै पर इक्कले चौड़े चौरस पत्थर उप्पर छैनी कन्ने घड़ेग्रा जन्दाऐ। 1' imes 1' छा लेइयै $3' \! imes \! 2'$ माप दे पत्थरें उप्पर इनें गी छैनी कन्ने लेतरी सिलैं पर उक्करेग्रा गेदा (Carve out) ऐ । कुतै-कृतै ते काविंग बिल्कुल समूथ होंदी ऐ ते कुतै-कुतै ऐ 'काविंग वड़ी गैंह्री ते नमूनेदार होई जन्दी ऐ, जिसदा रूप वड़े थाह्रें थहोंदा ऐ । इनें गी 'मोह्रे' गलाया जन्दा ऐ । वनखरे-वनखरे थाह्रें उप्पर इनें मोह्रें दे ग्रपने-ग्रपने खास नां होंदे न । मियां डीडो (डोगरा गाथा-नायक) दे ग्रां इनें कुण्डली मारे दे सप्पे दे मोह्रों गी 'बोला देवता' सिर-नां कन्ने बुलाया जन्दा ऐ । इक बुजुर्गे ने अपनी अवखीं दिवखे दा वाक्या सुनाया जे जदूं वरखा नेईं ही होंदी तां इत्थें इक कट्ठ होंदा हा। दूर-दराडेग्रा लोक इत्थें श्राइये सुक्खन सुखदे हे, ते ढोल वजांदे हे। ढोला दी रफ्तार समय कन्ने-कन्ने तेज होई जंदी ही । ए ढोल मतवातर बजदा रौंह दा हा ते इक दौं दिनें बाद पता नि कृत्यूं गासै उप्पर बदल छाई जंदे हे ते धाम होंदी ही ते गलांदे जे राजा दौ रोजें जागेग्रा ऐ। इस्सै करी इस नाग-मूरत दा नां 'बोला-देवता' मण्हूर होई गेग्रा।

इस्सै चाल्ली मानतलाई अपर्णा ग्राश्रम दे कच्छ गै इक शक्ति मन्दिर कोल त्रौं सिलें उप्पर 2.2' × 2.5' माप दे नाग बने दे न, इनें गी बड्डा बाबा नां कन्ने बुलाया जन्दा हा। पन्चैह री नियाबत च गै 'मीर' ग्रां कशा इक कोह उप्पर चढ़दी भेठा तूतें दे बूटे हेठ इक बड़ी परानी बां ऐ। सिलै उप्पर उक्करे दा बड़ा गै शैल नमूना ऐ कुण्डली मारे दे को डियें ग्राला नागा दा। इस्सी 'ग्रक्खड़ देवता' गलांदे न ते इत्थै साल च इक मेला बी लगदा ऐ।

पन्चेह्री बजार दी दूई वबखी कोई इक फलांग ख'रल नाले आले पासे इक होर 'देवते दा स्थान' बने दा ऐ। इत्थें बी इक कुण्डली मारे दे नागा दी बड़ी सन्हाकड़ी ते शैल घड़ी दी मूरत ऐ।

बौलिएं वाइयें ते संधें उप्पर हुग्गर दे हर ग्रांच ए मोह्रा ग्रपनी सम्पूर्णता ते सजीवता कन्ने वराजमान ऐ। अगर ए ग्राखचै जे हर घर इसदी पूजा करदा ऐ तां ए ग्राखना गल्त नेईं। भद्रवाह दे लाके च नाग देवतें दे बहुं वहुं मन्दर बने दे न ते उन्दियां धात दियां वनी दियां मूरतां बी मितियें थाह्रें स्थापित कीतियां गेदियां न। उत्थूं दे बहुं वहरे गलांदे न जेह्ड़ें लोक इनें मोह्रें दी पूजा करदे न, बड़यांदे न, उन्दी गै कपलाश-कुण्ड यात्रा, सुफल होंदी ऐ ते नागराज दे दर्शन हुन्दे न।

नाग दी पूजा करने ग्रालें दा इक दूग्रा पक्ख बी ऐ। जिस जगह नागें दे स्थान बने दे न, उस दे कन्ने-कन्ने गैं कुतै-कुतै नागें दे दुश्मन गुगों दे स्थान बी बने दे न। ए गल्ल बड़ी चर्जें ग्राली ऐ जे इक पासै ए लोक नागें दी पूजा करदें न ते दूए पासै गुग्गा चौहान दी। जेह्डा-क इन्दा संहार करने ग्राला आखेग्रा जन्दा ऐ।

टिक्करी च गुग्गा चोहान दी बड़ी खूबसूरत घोड़े उप्पर सवार इक मूरत दे कन्ने दूए कन्ने गैं घुड़सवारें दियां मूरतां इक जगह उप्पर खडेरियां गेदियां न । लोक-कला दा ए ग्रदभुत नमूना ऐ ।

इनें नागें दे इतहास गी वेदें च फरोलेग्रा जाई सकदा ऐ। मोह्न-जोदाड़ो दी खुदाई च इक ऐसी मूरत थ्होई ऐ, जेह्ड़ी चौकड़ी मारियै वैठे दे कुसै देवते दी लगदी ऐ। जेह्ड़ा क जोग च लीन ऐ। जिसदे दीनें पासें, दौं भगत उसदे अगों झुके दे न, जिन्दे उप्पर दौं फिनगर अपिनयां फिन्नां सुआइयें खड़ोते देन। वेदें च सप्पें गी नाग नेईं हा आखेआ जन्दा। 'अही' ते 'वृत्रें' दी संज्ञा इनें गी दित्ती जन्दी ही, जेह्ड़े-क इन्द्र दे दुश्मन है। वेदें च ए जिकर थ्होंदा ऐ जे इन्द्र ने वृत्रें दा वध करियें पंजाब दी जरखेज जमीन गी अजाद कराया हा ते उत्थें सत्त दरिया छोड़ें हे। पर्याण च भोगवती पताल लोक च स्थित ते अमरावती-इन्द्र दी नगरी दा वरोवर जिकर औदा ऐ। भोगवती इनें अहियें दी ऐश्वर्यशाली नगरी ही। 'अही' दासराज आखेआ जंदा हा। इन्द्र ते इसदे वश्कार लगदी रीह्दी ही। पर आस्ता-आस्ता इसदी शिवत गी आर्य लोक बी मन्नन चिंगे पे। ए इन्द्र साईं गैं शिवतशाली मिथेआ जंदा हा।

ए ठीक चाल्ली ग्राखेग्रा नेईं जाई सकदा जे नागराज आर्य देवता वितय सामने ग्राया जा इसदा जन्म ग्रानार्य जातियें दी कल्पना ही। पर ए वड़े चर्ज दी गल्ल ऐ जे नागें थमां भारत दियां सारियां जातियां परभावत रेइयां न। केई रजवाड़े ते नागें दे नां कन्ने जुड़े दे न। 'नागार्सण्ड' अजें तोड़ी नागें दी संज्ञा कन्ने जुड़े दा ऐ, नागराज, नागदत्तं, नागभट्ट, नागाग्निक, नागदेव, बगैरा केई नां उत्तरी ते दवखनी भारती राजवाड़ें कन्ने जुड़े दे न⁵। भद्रवाह दे इतहास च इक नागजाित गै काफी चिरं तगर राज करदी रे'ई ऐ।

¹ A deity found to be seated on dias in a cross legged yogic posture flanked on either-side by two kneeling worshippers hooded by two cqbras in verticle position". Asis Sen's 'Animal Motifs in Ancient Indian Art'

^{2. &}quot;Made the seven rivers flow" उब सफा 41

^{3.} विष्णु पुराण, म्रनुदित, एच० एच० विलसन, त्रिया संस्करण, पृ० 168

^{4.} God of Dasas not only admitted into Aryan Pantheon as a divinity but was also attributed with rower and prowess almost smilar to the Aryan god Indra—Animal Motifs in Ancient India, Page-45

The Naga Cult in Ancient Indian History—Miss Karuna Gupte

नाग सम्प्रदाय बुद्धमत, जैनमत, शैवमत सबनें च अपनी टबोह्दी जगह रखदा रेहा ऐ। शैवमत च ते शिव ते नागें दा सम्पर्क सदियें थमां चलदा आवा दा ऐ।

नागें दी पूजा की ? कैंह् दे ग्रास्तै ? इतहास गवाह् ऐ जे हर उस शिवत दी पूजा होन्दी ही जितदी शिवत दी थाह् आदमी नेई हा पाई सकदा। इक डर-त्राह् आम ग्रादमी गी इनें शिवतयें ग्रग्गें झुकने गित्तै मजबूर करी दिदा हा। सप्पें दी ग्रजीब शकल ते मिनयें दी शिवत कन्ने भरोचे दे इनें जीवें कोला कु'न नेई डरदा ? दूग्रा कारण ऐ नागें दा सेक्स प्रतीकें दे तौरा पर पजोना नागपूजा ग्रक्सर बच्चें दी प्राप्ति ग्रास्तै, ते गर्भधारण आस्तै बी होन्दी ऐ ते केई दन्तकत्थां इस बारै मश्हूर न सप्पें दी ग्राकृति लिंग दी आकृति कन्ने मेल खंदी ऐ। ग्रिकीका च इक खास कबीले दी किशोरावस्था च पुज्जी दिएं कुड़ियें कच्छ इक बहुा सप्प राती औदा हा।

खुगर धरती स्रांगू गै नागें दियां सिल्लां ज्हारें सालें पैह्ले मैसो-पोटामियां च चश्में, बौलिएं, बांईं कण्डै खढेरियां जिन्दियां हियां। इनें गी 'नागकल' स्राखदें हे। ए केईं तरहें दे सप्पें दी मूरतें कन्ने सजाइयां जिन्दियां हियां। स्रमूमन बच्चें दियां इच्छुक स्रो जनानियां, जिनें गी बच्चा नेईं हा होंदा इन्दी स्थापना मन्दरें, संधें, बू'टें हेठ करांदियां हियां। इसें धारणा ते मत बुग्गर धरती पर स्राइयें फैलेस्रा होग। भद्रवाह च इक कत्थ मश्हर ऐ जे राजा दे घर लुम्नाद नेईं ही होंदी तां कुसें माधुयें ने उसी नागें दी पूजा ते उन्दे स्रास्तें नत्त रवखने गित्तें स्राखेस्रा, उसदै घर राजकमार जम्मेआ ते उसदी पिट्ठी उप्पर नागें दी मूरत चित्तरी दी ही। राजे ने उत्थें नाग मन्दर बनाया। स्रो अजें तोड़ी भद्रवाह च ऐ।

^{1.} The Golden Bough by J. G. Frazer, Vol X Page 31

^{2.} This ancient device Commonly appears on votive slabs erected to serpent genii. Such other tables, called Nagekals (Sic) viriously decorated with serpent forms, are votive gifts from women desiring offsping. They are set up in temples, courtyards, at the village enterances, near ponds, holy places" Myths and symbols in Indian Art and Civilization.

(ii) स्वस्तिक: नागें दे वाद ग्रगर कोई ग्राम प्रतीक इनें लोककलाकारें दी छुँनी जां कूची दा माध्यम बनेआ तां ग्रो हा 'स्वस्तिक।'
स्वस्तिक दा म्हत्तव पौराणक मता ऐ ते समाजक घट्ट। एह् नशान धर्मस्वस्तिक ध्मां चलदा ग्राम लोकें तकर पुज्जा ऐ। एह् बड़ें चर्जा दी गल्ल
ऐ जे एह् चिन्न हिन्दू-दर्शन कन्ने जुड़े दा ऐ पर सिर्फ हिन्दुएं तक्कर गै
महदूद नेई रेहा। योरप च नाजियें इसी अपने ग्रहम् दा प्रतीक बनाया
हा। गुर्ज ग्रांगू कोनें ग्राला स्वस्तिक 'डच पेनिनसिलवेनिया' दे खलाड़ें
दे दरोग्राजें उप्पर वी दिक्सेआ जाई सकदा ए। 'ग्रोहियो' च बी इसदे
प्रमाण मिले न। योरप च, इस मत गी 'एजियन संस्कृति' बी-— जेह् की केट
दे जजीरे च चार ज्हार व'रे पह ले फली-फुल्ली ही, स्वस्तिक गी मनदी
ही। इस्सै चाल्ली दो बड़े पराने स्वस्तिक दे नशान तलवारें दी मुट्ठें
उप्पर मिले न। इक तलवार माईसिन ते दूई यार्कशायर दे कोल ईकली
(Iikli) च 'ग्रांज एज' (Bronze Age) दी ध्होई ऐ।¹

स्वस्तिक ग्रपने ग्राकार मूजव गै प्रगति करदा क्लाकवाईज गति कन्ने ग्रगड़ा वधदा ल'वदा ऐ। एह् प्रगति दा प्रतीक ऐ। स्वस्तिक गणपित गणेश दा प्रतीक वी ऐ। गौर कन्ने स्वस्तिक दे नशान गी दिक्खेआ जां ते हर पासेग्रा ए 'ग' ग्रवखरे दी भेठा इशारा करदा ऐ — भि । 'ग' गणेश ग्रास्तै लैता जाई सकदा ऐ जेह्ड़ा-क पौराणक देवता ऐ ते हर ग्रावणेश ग्रास्तै लैता जाई सकदा ऐ जेह्ड़ा-क पौराणक देवता ऐ ते हर ग्रावणेश देवता ऐ ते हर ग्रावणेश देवता पूजा कीती जदी ऐ एह् अच्छी शुरुआत, तरक्की ते बुराई कोला बचाऽ दा प्रतीक ऐ।

हर धार्मक अनुष्ठान ते केई ध्यारें च सब्बनें थों पैह लें मध्यमा भौगली कन्ने सन्दूर ते चौंलें दे दाने कन्ने स्वस्तिक दा नशान कन्धै पर जां फर्शा उपर बनाया जंदा ऐ तां जे बुरी नजर, बुरी शिवतयें थमां बचा र'बैं संधूर ते चौल बी अपनी थाहर तरवकी ते बाद्धे ते नशान न ।

डुग्गर धरती पर मकान दी नींऽ रक्खने थमां पैह्लें, बच्चे दे जन्म उप्पर, मूननें उप्पर व्याह् शादिएं उप्पर, होई, दग्नाली, कम्मकाज दे मूह रत उप्पर स्वस्तिक दा नशान बनाया जंदा ऐ। स्वस्तिक थाह्रें-थाह्रें श्होंदा ऐ।

^{1.} Zinner, Edited by J. Campbell, Newyork, 1962, Page 72.

(iii) सूरज: त्रिय्या म्हत्तवपूर्ण प्रतीक लोक कलाएं च इस्तेमाल होने श्राला सूरज ऐ। लगभग सब सभ्यताएं दी पृष्ठभूमि च मन्दरें ते देवीद्वारें दा जिकर औंदा ऐ । आर्य लोक सूरजपूजक हे । सूरज दे मन्दर, पैंह्ले मन्दर बने हे। सूरज सवनें थों बड्डा देवता मन्नेग्रा जन्दा हा, जेह्,ड़ा ऊर्जादा प्रतीक हा। ज्हारां साल परानी 'इंका' ते दूइयें 'रेड इंडियन' सभ्यतें दे पराने मन्दर इस पासै संकेत करदे न । ग्रीक ते रोम देलोक बी सूरर्जं दे उपासक हे। ग्रपॉलो—सूरज दा देवता, यूनान च ग्रपना म्हत्तवपूर्ण स्थान रखदा हा। हिन्दू सस्कृति, सभ्यता ते मानताए च सूरज दी दणा, दिशा ते गति दा इक टकोह्दा म्हत्तव ऐ।

सूरज ऐसी शवित ऐ जिसदे ग्राले-दुग्राले सारा ब्रम्हांड चक्कर कटदा ऐ। सूरजा गी गै केन्द्र मन्तियै ग्रस दिशा बंडने ग्रां। भारत दे पराने सूरज मन्दर—कोर्णाक जनेह् अर्जे तोड़ी जिज्ञासुए गी शान्त नि करी सके।

सूरजैदा 'ब्राँज एज' चबी उन्ना गैम्हत्तव हा, जिन्ना ग्रज्ज ऐ। ताम्बे दियां ऐसियां प्लेटां माईसिन ते केट (Mycenae, Crete) जजीरें थमां थ्होइयां न, जिन्दे उप्पर सूरज खुदे दा ऐ। 1 'सोलर डिस्क' इस्सै कोला परभावत ही ते केई चाल्ली दे जादू-टोने ग्रास्ते इस्तेमाल कीती जन्दीं ही ।² मुख्तसर त्राखना ए ऐ जे सूरज ने सारे संसार गी परभावत कीता ऐ ते फी डोगरे कियां पिच्छें रीह्न्दे।

डोगरें दे मते सारे राजपूत रजवाड़े, बंश जेह् ड़े दूए स्थानें, राजस्थाना वर्गरा थमां इत्थें ग्राए—ग्रो ग्रपने ग्राप गी सूर्यवंशी राजा राम दे वंश कन्ने जोड़ने भी ग्रपना मान समझदेन । ग्रमूमन सूरजै दा प्रतीक गै शौर्य होंदा ऐ । महान म्रात्माएं दे सिरें पिच्छें रोशनी दा गोला सूरजं दा प्रतीक ऐ। इनें रजवाड़ें थमां एह् विश्वास ग्राम लोकें तकर वी जाई पुज्जा। सूरज म्राशा, विश्वास ते उमंगें दा प्रतीक ऐ । सूरज चढ़दे गैं लोक म्रनेकां ग्राशाएं, विश्वासें कन्ने ग्रपने कम्में-कार्जे गी लग्गी जन्दे न । इस आस्तै सूरजैं दी उपासना कोई चर्जें दी गल्ल नेईं।

^{1.} The Study of Folk lore: August C Makr, Page 383.

^{2.} उये सफा 388.

डोगरे राजा सूरजै दे उपासक हे। महाराजा रणवीर सिंह ने जदू रघुनाथ मन्दर बनवाया तां सूरजै दे अनेकें रूपें दियां मूर्तां बी उत्यें खढेरियां। उतरायण, दक्षिणायण, हाड़ दा सूरज, पोह् दा सूरज बगैरा। पर सूरज सिर्फ देवता बनिये गै नेई रेहा। स्रो आम लोकेंच लोककला दाबी इक प्रतीक बनेम्रा। म्रनेकें बौलिएं दियें सिलें उप्पर सूरज दी खुदाई होई दी ऐ ते बड़े खूबसूरत सूरज दे डिजायन इनें बौलिएं दे पत्थरें उप्पर थ्होंदे न । सुकराला दे कोल इक बौली उप्पर कमल दे फुल्लै साई मुरजे दी मूरत खुदोई दी ऐ। जम्मू दे पराने मैह्ले च सूरज दा लकड़ी दा म्हरवखा-जन लकड़ी दे तख्तें उप्पर खुदे दा ऐ, जेह्का हून बरखा ते धुप्पा कन्ने खराब होग्रा करदा ऐ । एह् सूरज ग्रपनी किरणें कन्ने भ्रट्ठ बड्डी पत्तियें ते अट्ठ लौह्की पत्तियें कन्ने फुल्लें साई खिड़ेदाल'बदाऐ। 'मीर' ग्रां दियें केइयें बौलिएं उप्पर सूरज दियां मूरतां बनी दियां न । मीर दी सड़क उप्पर गै इक सूरजें दी खूबसूरत मूरत इक चौरस पत्थर उप्पर ग्रशोक चनकर साई खुदी दी ऐ, जिसदियां लीकरां इन्नियां त्रिक्खियां न जे लगदा ऐ जे उने गी बड़ी बरीकी कन्ने सजाया गेग्रा होग। एह् पत्थर इक बौली उप्पर गै पेदा ऐ।

सूरज पत्तियें ते कमल दे रूपा च की दस्सेश्रा गेदा ऐ—शायद इस करी जे ग्रस सूरजें गी ग्रपनी पूरी-सबूरी शक्ति च नेई दिक्खी सकदे पर कमल उसदा बिम्ब दसदा ऐ। सूरज जल मोटिफ नेई, पर एह् बौली-पत्थरें उप्पर की होंदा ऐ—इस करी जे लोक स्नान करने परेन्त सूरजें गी जल ग्रपंण करदें न। इस करी मितयें बौलियें उप्पर सूरज दे प्रतीक ग्रह कोने, सोलां कोने, चौठकोने चक्र जां कमल दे फुल्ल बने देन।

(iv) हाथी: एह् बड़े चर्जा दी गल्ल ऐ जे प्हाड़ें च हाथी कुदरती नेई पाया जन्दा, पर डुग्गर लोक चित्तरकारी, फुलकारी, काठ-शिल्प मूर्तिकला ते लोक-कलाएं दे दूए पक्खें च, हाथी दा खूब परजोग होए दा ऐ। हाथी ताकत ते जिस्मानी शक्ति दा प्रतीक ऐ। ऋग्वेद च हाथी 'मृगहस्तिम' यानी हत्थ ग्राला जानवर नां कन्ने मण्हूर हा। सिन्धुघाटी दी सभ्यता बी हाथी दी जानकार ही। हाथी दी तस्वीर कन्ने इक सील थ्होई ऐ। महाराष्ट्र च ग्रहमद नगर दे कोल धनवाद नां दी जगह उप्पर खुदाई करने पर चार

धातु दे जानवर मिले न । जेह् इं-क 1800 वी॰ सी॰ दे मन्ने गे न । उदे च इक हाथी वी ऐ । मतलव ए जे ग्रज्जै कोला 4000 साल पैह् लें वी हाथी इंदे शिल्प दा माध्यम हा । पौराणक कथाएं च ऐरावत दा जिकर थहोंदा ऐ—जेह् का इन्द्र दा वाहन हा ते वरखा बराह् ने ग्रास्त पूजेग्रा जंदा हा । हाथी पौराणक कथाएं मतावक स्रजा दा भ्रा हा । ग्रदिती दे ग्रहु पुत्तर हे । ग्रो उदे चा सत्तें गी चांह् दी ही । अठमां जेह् का वेढंगा मासै दा लोथड़ा हा—सुट्टी दित्ता गेग्रा हा, पर उऐ वाद च विवस्वत—ग्रर्थात स्रज बनेग्रा । ईश्वरीय कलाकार जिन्नै मास दे लोथड़े गी स्रज बनाया हा, किछ टुकड़े मांसे दे जमीन उप्पर सुट्टी दित्ते हे, जेह् इं किट्टे होइऐ हाथी बनी गे । बाद च हाथी शक्ति, ताकत ते ऊर्जा दा प्रतीक बनेग्रा । बादशाह, राजे रजवाड़े इसी ग्रपनी फौजै च रवखन लगे । डोगरे राजाएं ऐश्वर्यणाली सवारी दे तौरा उप्पर इस्तेमाल कीता । पंजाव दे राजा रणजीत सिंह दे खास हाथी 'वादणाहे दी बच्ची' पर गै राजा हीरा सिंह साजो समान लेइये निकलेग्रा हा, पर जम्मू नेई पुज्जी सकेग्रा । डोगरा धरती दी लोक कलाएं च हाथी दा परजोग खूव मिलदा ऐ ।

बौलिएं ते बाइयें दे पत्थरें उप्पर प्हाड़ी लोक चित्तरकारी च, फर्श ते कन्धें उप्पर हाथी गी खूब चित्तरेग्रा गेग्रा ऐ। दो चौरस लेत्तरै दिएं सिलें उप्पर हाथी ते सवार जुद्ध-दक्ख च दस्से गे न। इक सिल उप्पर हाथी उप्पर इक डोली च बैठी दी इक नार बनाई गेदी ऐ। इक चौरस सिल उप्पर इक हाथी उप्पर इक फौजी नायक दस्सेग्रा गेदा ऐ। हाथी दुश्मनें दे सैनकें गी कुचलदा द्रौड़ा दा ऐ। मूरतां साफ घड़ोई दियां न। 'डोगरा ग्रार्ट गैलरी' दी विछ सिलें च उधमपुर थमां देवका कढ़िग्रा ग्रांदियें गेदियें सिलें उप्पर जुद्ध-मगन हाथियें दियां मूरतां घड़ियां गेदियां न।

केई चाल्ली दी लोक चित्तरकारी च भित्ते ते कन्धें उप्पर, फर्शा उप्पर हाथी गी चित्तरेग्रा जन्दा ऐ। भाएं एह् प्रतीक धर्म पुस्तकें दे माध्यमें कन्ने साढ़े तगर पुज्जा ऐ, पर ए पूजा ते देवता दा प्रतीक नीं होईऐ शक्ति ते जिस्मानी ताकत दा गैं प्रचलत होग्रा। उप्पर दित्ते गेदे प्रतीकें

^{1.} Indian Myth and Legend-Mecheinzie--Page 32

दे (इ)लावा डुग्गर लोक-कलाएं च 'केले दा रुक्ख'—मांसल जंघा दा, 'पैल्छिय दी जोड़ी'—हिरख ते प्रेम दा, इक्कली खड़ोती दी नार दी विरह्र दा, केले दे रुक्खा कन्ने खड़ोती दी नार—शारीरक भुक्ख दा, 'बदल-बरखा'—विरह्, 'मिलन दी, 'फुहार'— मनै दी ठण्ड दी, 'कमल दा फुल्ल'—कोमलता दा, मुंह्, अक्खीं ते कोमल हत्थै, पैरें दा प्रतीक ऐ। हंस, ज्ञान ते सुन्दरता (सरस्वती दा वाह्न होने करी) दा, कुम्भ मंगल कामना, सुख दा, बक्ख-बक्ख रुक्ख अपने आकार ते शक्ली मताबक प्रतीक बनी जन्दे न। एह् आम प्रतीक डुग्गर लोक-कलाएं च इस्तमाल कीते जन्दे न। इन्दे (इ)लावा खास मौकें पर खास टकोह्दे प्रतीकें दा वी इस्तमाल होंदा रेहा ऐ।

लोक चित्तरकारी च रंगें दा बी अपना म्हत्तव रेह्दा ऐ। सफेट-सादा रंग शान्ति दा, सूहा रंग जोशा दा ते भूरा-काला, सोगी रंगें दा प्रतीक ऐ।

(ख) लोक मूरतकला:

लोक मूरतकला गी दो टकोह् दे हिस्सें च वंडेग्रा जाई सकदा ऐ।
मन्दरें, देह् रियें-देह् रें च इस्तेमाल होने आलियां मूरतां ते वाइएं-वौलिएं
गी सजाने गित्ते बनाई गेई दियां मूरतां। पैह्ली किस्म दियां मूरतां
ग्रम्मन 'श्री-डाइमेन्शज' च होन्दियां न। मतलव ए जे उनें गी पूरे पत्थर
गी घड़ियें मूर्त-रूप दित्ता जन्दा ऐ। सिर्फ तस्वीर नेई बनाई जन्दी।
इनें मूर्तियें ग्रास्तें इक खास किस्मै दी सिल तुप्पी जन्दी ही, जेह्ड़ी भूरे
ते काले रंगे दी होंदी ही। ए सिल छैनी कन्ने छलोइये मूर्त रूप पांदी
ही। पर इसदी लेतर तौले गैं पानी जां वाऊ कन्ने खुरदी नेई ही। इयें
लोक मूरत-कला, वाद च लित कला च बदली गेई। कारिगरें नमें रस्ते,
ढंग ते गैंलियां ग्रयनाइयां। पर लोक-कलाकारें दी घड़ी दी मूरतियें च
जेह्का सहज रूप थ्होंदा ऐ ग्रो लितत कलाकारें दी मूरतें च नेई थहोंदा।
हां, सजौट जरूर इनें मूरतें च मती होंदी ऐ।

(।) बौलियं ते बाइयें दियां मूरितयां : जिस चाल्ली पूरी-सबूरी मूरितयें गी बनाने ग्रांतें त्रै-ग्रायामी पत्थरें ते सिलें दी जरूरत पौंदी ऐ— बाइयें ते बौलियें दी सजीट आस्तै सिलें दियां मुट्टियां चादरां बनाइयां जंदियां ते फी उन्दें थमां गैं मूरतां घड़ियां जंदियां न । ए मूरतां चड़ाई

ते लम्बाई च सिर्फ दौं पैमायशें च गै होंदियां न । इनें गी अर्धमूरतां (Icons) बी ग्राखेग्रा जन्दा ऐ। इनें मूरतें गी घड़ने गित्त भूरे ते काले पत्थरें त परजोग कीता जन्दा ऐ। कर्दें-कर्दें 'ग्रेनाइट' चट्टानें टा इस्तमाल वी होंदा हा। नाप दे स्हाबा च $1' \times 9''$ थमां लेइऐ $3' \times 2.5'$ दे पत्थर वी इनें गी घडने गित्तै बरते जन्दे न । अक्सर चौरस स्लैबें दा इस्तमाल गं मता होंदा हा। प्हाड़ी लाकें च दूर-दराजै दियें बौलियें गी सजाने गित्तै केई बारी पत्थर-क्यब गै इक-दूऐ कन्ने जोड़ी दित्ते जन्दे हे। ए केई तरहें दे बेल बटें, जीव-जन्तूएं, देवतें-देविएं दे प्रतीकें कन्ने सज्जे दे होंदे हे। पर इंदी लीकरां त्रिक्खियां नेई हियां होंदियां । पर जेकियां बौलियां राजधानी दे कोल-कोल होंदियां हियां उन्दी सजौट ते वानगी मती शैल ते कलात्मक होंदी ही । चिन्हैनी दी बड्डी बौली, सुद्धमहांदेव दी पापनाशी वां, 'पन्चैह्री' दी मुख बां, 'मीर' दी बां बगैरा किश उदाहरण दित्ते जाई सकदे न, जिन्दे च लग्गे दे पत्थरें उप्पर बनी दियां मूरतां श्राकर्शक, सुहामियां ते कलात्मक न । इस्सै चाल्ली बसोह्ली, भड्डू, सुकराला दियें बाइयें दियां मूरतां मुक्ख बौलिएं उप्पर लग्गी दियां होने करी कलात्मक न । इनें केईं बौलिएं दे दौं दौं, त्रौं-त्रौं, पौड़िएं उप्पर ए मूरतां खिल्लरी दियां न । पर दूर रुक्खें जाड़े दे (इ)लाकें च जेके नमूने इनें घड़ी दी मूरतें दे ग्रसें गी थ्होंदेन ओ मते पराने न, पर सैह्ज ते ग्राम न । मीर दे उप्परली बक्खी कोई दौं कोह् उप्पर चढ़दी भेठा 'ग्रक्खड़ देवता' दे स्थान कोल इक बां ऐ, उत्यूं कोई इक फरलांग होर उप्पर इक होर वां ऐ ते 'सांकरी देवता' दे स्थान कोला कोई दौं फरलांग चढ़दी भेठा इक त्री वां होर ऐ—इनें त्रैन्तीं वाइएं उप्पर लग्गे दे ग्रर्धमूरत पत्थर अनघड़ ते खुरदरे न । मूरतां पन्छानी नेईं जन्दियां । इरसै चाल्ली उधमपुर देलाके च 'दुद्र' दे रोग्रार मुक्ख सड़क कोला कोई $1rac{1}{2}$ किलोमीटर उप्परली भेठा 'नगेलियां' दी परानी बां ऐ । इसदिया मूरतां वी त्रिक्खियां लीकरां नेईं रखदियां । 'जिब्ब' ग्रां च निमयें ते परानियें बौलिएं दी भरमार ऐ। त्रिक्खे नैन-नक्श ते गन्धार शैली दियां मूरतां जिब्ब दी बौलियें दी पौड़िएं ते थ'ड़ें उप्पर खिल्लरी दियां न।

(ii) विशे: इनें मूरतें दा विशे पौराणक प्रतीकें थमां लेड्यैं स्थानी विश्वासें तगर फैले दा ऐ। मती हारियां मूरतां जल ग्रिभिप्राय गी प्रकट करिदयां न । भाएं ए मोटिफ पौराणक कथाएं कन्ने जुड़े दे न, पर इंदा अपना स्थानी म्हत्तव वी ऐ। ब्रह्मा गी जन्म दिंदा, विष्णु मत्स्थ अवतार, जलपरियां, कछोपड़, जबख ते जक्खनियां वगैरा किंज जल मोटिफ न ते अनेकां देवी-देवता, घुड़सवार, डौली च बैठी दी सुन्दर नार क्हार, हाथीवान ते लड़ाके शूरवीर सैनक। कुतै-कुतै योणक, तांत्रक तस्वीरां वी बनी दियां न। चन्हैनी दी बड्डी बौली उप्पर इक तांत्रक मूरत बनी दी ऐ जेड़ी सूरज दी प्रतीक वी आखी जाई सकदी ऐ।

केई जगहें उप्पर किछ निर्श्यक (Abstract) मूर्ता वी बनाई दित्तियां गेइयां न, जेडियां कमग्गरे-बटैह्ड़ें ते बनोग्राने ग्रालें दी मानसकता दसदियां न । रानगर कोल इक तलाऽ गी बनाने गित्तै इक शाह् ने कारीगरें गी लाया । तलाऽ दनी जाने पर जदूं वी कारीगर उजरत लेंने ग्रास्तैं श्रांदे तां शाह् होर ग्रपना सिर खुरकन लगी पौंदे हे । तंग ग्राइऐ कारिगरें सिर खुरकदे शाह् दी मूरब तलाऽ दी पौंडियों उप्पर घड़ी दित्ती । ग्राम ग्रादमी जेका इसदा इतहास नेई जानदा, ए तस्तीर उसदे ग्रास्तै निर्थक ऐ । किछ बौलिए दे पत्थरें उप्पर राज-दरबार दियां तस्वीरां ते केइएं उप्पर मुर्दा ढोने दिया सूर्तां बी खुदोई दियां न ।

(iii) समें दे संदर्भ: ए लोककला सिंदेयें थमां बिजन म्हत्तव पाए दे इक खानदान थमां दूए खानदान तगर सफर करा दी ऐ। व, डोगरा राजाएं दा काल इस कला दा स्वर्ण काल ग्राखेग्रा जाई सकदा ऐ। ठीक काल दा पता करना बड़ा कठन ऐ, पर ए गल्ल जोर देइऐ ग्राखी जाई सकदी ऐ जे सी साल पहुं ले तगर ए कला ग्रपने सबूरेपन कन्ने जींदी ही। सुद्धमहादेव दे मन्दरा दे बाह्र इक पानी ते स्रोत दे थ'ड़े उप्पर इक परानी भद्दी-जनेई काले रंगें दी जनखनी दा मूरत खढेरी गेई दी ऐ। बड्डे-बर्डरें दे मताबक ग्रो मूरत इन्नी गैं परानी ऐ, जिन्ना पुराना शिव दा त्रुट्टे दा त्रिशूल शुद्धमहादेव दे मन्दर च पेदा ऐ। ग्रगर ए गल्ल सच्च ऐ तां ए मूरत घट्ट कोला घट्ट इक ज्हार साल परानी होग की जे शिव त्रिशूल उप्पर ब्राह्मी लिप च किछ लखोए दा ऐ। ब्राह्मी लिपि ग्रज्जे कोला इक ज्हार साल पैह्ले प्रदलत ही। पुरानियां मूरतां लगभग इक्क जनेइयां वनी दियां न। अक्सर जक्ख-जक्खनियां गैं इनें कारिगरें दी कला दा ग्रधार हियां जां कुतै-कुतै घुड़सवार, डोली, बगैरा विशे हे। पर समें

कन्ते-कन्ते विशे च ना सिर्फ बदलाव आया, सगूं केईं नमें विशे वी आई जुड़े। विशे दे कन्ते-कन्ते अनुभव ते अभ्यास कमग्गरेंगी म्हारत ते वरीकी हासल करने च सहयोग देन लगे। हुन ए लोक-मूर्तिकार तरह-तरह दे तजरवे बी करन लगी पे हे।

(iv) मूर्तिकार ते कमग्गर: ग्राम सिल ते पत्थर कियां मृर्त रूप लैंदे हे ? त्रौं हिस्सें च ए कम्म पूरा होंदा हा। पैह्ले चट्टानें ते कुप्पड़ें गी नापा दे मतावक कट्टेग्रा जन्दा हा । ए पैमाइश इस्तमाल करने दे व्यवहार उप्पर निर्भर करदी ही । ग्रर्धमूरतें ग्रास्तै बड्डी-बड्डी 'स्लैंबस' कट्टियां जन्दियां हियां । सबूरी मूरतें आस्तै 'क्यूब' कट्टे जन्दे हे । ए कम्म सलैह् ड़ें दा होंदा हा । सलैह् ड़ ग्रक्खर सिल कोला विकसत होएदा ऐ। स्रो लोक जेके सिलें दा कम्म करदे हे, 'सलैह्ड़े' आखे जन्दे हे। दुआ हिस्सा होंदा हा, इने सिलेंगी मूर्त रूप देना। ए वड़ा ओखा, सैह ज-धीरज ग्राला कम्म होंदा हा। केई ध्याड़ियां इवकै सिल उप्पर ए लोक गाली दिन्दे हे । बटैंह् ड़े ते सलैंह् ड़े दौनें जातियां ए कम्म करदियां हियां। इनें कमग्गरें गी मान, सम्मान ते शैल उजरत दित्ती जन्दी ही। कम्म खतम होने उप्पर इनें गी (इ)नाम बी दित्ते जन्दे हे ते इन्दा सम्मान कीता जन्दा हा। अक्सर ए लोक पैसे पिच्छै घट्ट, श्रद्धा ते विश्वास उप्पर मता कम्म करदे हे। पर ग्रास्ता-ग्रास्ता इंदे परिवारें इसी ग्रपना प्रोफेशन मिथिये कम्म करना शुरू कीता। केईं लोक-कलाकार गैं रेह् ते केईं नमें परजोग करिये लित कलाकार बनी गे।

मूरतें दे बनने उप्पर राजा, जमींदार जां शाह् लोक जेह् ड़े मूर्तां बनवांदे हे ग्राइऐ दिखदे हे ते केई बारी ब्राह्मणें, पन्तें ते विद्वानें गी बी मूर्तियें गी दिक्खने गित्तें बुलाग्रा जन्दा हा। खास करियें देवतें दी मूरतें गी धार्मक पुस्तकें च दित्ती गेई दी तस्वीरें ते व्यौरे कन्ने मलाया जन्दा हा। सन्तुश्ट होने दे बाद म्हूरत वगैरा कड्ढेग्रा जन्दा हा। स्थानक देवी-देवतें दियां मूरतां कारिगरें दी ग्रपनी मानसिकता दी उपज होंदियां हियां। समें दे कन्ने-कन्ने ए मूर्तिकार आम लोकें च गुम होई गे, जेह् ड़े कम्म करदे रेह् ग्रो ग्रांएं च कोई प्रोत्साह्न नेई थहोने कारण शहर ं च गुग्राची गे। केइयें मकान बनाने दा धंधा करी लैता। इस चाल्ली ए कला लुप्त होई गेई।

विख्या हिस्सा इनें मूरतें दी स्थापना ते अनुश्ठान दा होंदा हा।
ए अनुश्ठान केइयें दिनें तकर चलदा हा। लोक दूर-दराज लाकें थमां
कर्ठे होंदे हे ते किट्ठे श्लोक बोलदे हे। यग ते हवन इनें अनुश्ठानें दा
मुक्ख कम्म होंदा हा। ईश्वरीय मूरतें गी गंगाजल दा स्नान कराया जन्दा
हा ते लोक फुल्लें दी बरखा करदे हे। सूरज पुत्तरी तवी, देविका, चन्द्रभागा
ते केई बारी कश्मीर थमां वी पवित्तर जल मगाइयें उसदे च इनें मूरतें
गी स्नान कराया जन्दा हा— इसी मूरती गी सजीव करना आखेआ जन्दा
हा। जमीदार, राजा जां शाह चिट्टी धोती पाइऐ इस कर्मकांड च पूरा
हिस्सा लैंदे हे। ब्राह्मणें गी भोजन कराइऐ आम लोकें गी बुलाया जन्दा
हाते सह भोज चलदा हा। मूरत दी स्थापना कन्ने त्रिय्या चरण खतम
होंदा हा। केई बारी ते चश्में-बौलिए ते बाइयें उप्पर बी स्थापना दे मौके
पर खूब मेला लगदा हा। अर्थमूरतें गी गंगाजल ते उस बौली दे जल

(ग) टेराकोटा, मित्ती दे खडोने :

रोते, हस्सने, खेढने दे कन्ने-कन्ने म्रादमी ने सजौट दे सम्यान बी कट्ठे करने गुरू कीते। सजौट भेठा माह्नू दा कुदरती झुकाऽ हा। आदमी दी सब्बनें कछा बड्डी इजाद ही ईश्वर दी। ईश्वर दे म्रविश्कार दे कन्ने-कन्ने उसदी सजौट दी खोज गुरू होई। माह्नू पैह्लें कुदरती वस्तुएं—हिंडुयें, मनकें बगैरा दे कन्ने अपना ग्रारीर सजांदा होग। उसदे बाद म्राया मौका ग्रपने थेह् सजाने दा। कोठे पाने, सजाने, लिप्पने, पोचने ते उन्दे उप्पर तस्वीरां ते रंगें दियां मूरतां बनानियां गुरू होइयां। इस चाल्ली अन्जाते गै सजौट दी प्रतिस्पर्धा चलनी गुरू होई। इयै स्पर्धा ही जिसदे कारण माह्नू ने रंग तुप्पे, मित्ती दे खडोने बनाये ते उनें गी सजाने दा कम्म गुरू होग्रा। केई कबीले इस स्पर्धा च ग्रगों निकली गे ते इस कला दे मालक होई गे ते केई पिछड़ी गे।

डोगरे वी ग्रपने नर्म सुभाऽ, परौह्नचारी ते कलात्मक झुकाऽ दे कारण मण्हर रेह् न। इस धरती दा इतहास गवाह् ऐ जे ए जिन्ने लड़ाके न, उन्ने गैं सूक्ष्मचेता वी न। खुदाई च ऐसियां केई वस्तुग्रां थ्होइयां न जिन्दे करी ए ग्राखेग्रा जाई सकदा ऐ जे ज्हारां साल पैह्ले वी डोगरें लोककलाएं दे हिरखी हे। मित्ती दे खडोने बनाने गित्ती ते 'टेराकोटा' कला दे पारखी हे।

ग्रखनूर च होई दी खुदाई च अम्बारां नां दी जगाह, उप्पर टेराकोटा दे केई नमूने थ्होए न । ग्रम्बारां थमां थ्होए दे 'टेराकोटा' दे ग्रद्भुत नमूनें कन्ने गैं 'मानतलाई' दे कोल इक टीले परा खुदाई च थ्होए दे टेराकोटा दे नमूने मेल खंदे न । इंदा समां बी इक्कै ऐ, 800 ए. डी. । ग्रम्बरां थमां खुदाई च पक्की दी मित्ती च आदमी ते जनानी दे मुंह् ते उप्परले शरीरक हिस्से थ्होए न, जेह् ड़े कला दे बेजोड़ नमूने ग्राखे जाई सकदे न । इऐ-नेह् त्रे पीस 'डोगरा ग्रार्ट गैलरी, जम्मू च नुमायश गित्तै रक्खे गेदे न । इये नेह केई नमूने चण्डीगढ़ दे म्यूजियम च बी नुमायश गित्तै रक्खे गेदे न, जिंदे च इक जनानी दा कलात्मक सिर, गन्धार शैली च घड़े दे नैन नक्श, बालें दी सरुचिपूर्ण सजावट बगैरा चेचे ग्राकर्शण न । सिर्फ मनुक्खें दे म्हरक्खे गैं नेई प्लेटें दे टुकड़े, जग, कप, बगैरा बी इनें खुदाइयें च थ्होए न । इनें टुकड़े उप्पर बेल बूटें दी सजीट, गोलाई च सज्जे दे फुल्ल बगैरा ग्रावर्शण दे केन्दर न । जग दे बाह्रले पासै गोलाई च बेल-बूटे बनाए गे न ते सजीट कीती गेई ऐ । ए गोल-चक्कर ख'ल्ल पैदे तगर चलदे न ।

ए कला अज्ज वी अपने सबूरेपन कन्ने जींदी ऐ, ए गल्ल बक्खरी ऐ जे मित्ती दे भांडे बनाना हुन हुनर घट्ट, धन्धा मता होई गेदा ऐ ते बड़े घट्ट कबीले हुन इस धन्धे च जुड़े दे न । फी बी उन्दी कलात्मक तांह, ग अजें घट्ट नेई होई। खास जाति जेड़ी अजें तक इस लोककला कन्ने जुड़ी दी ऐ, ओ धमैह, र आखी जन्दी ऐ। पराने बक्तें च असूमन ए जाति ग्रां दे जां नगर दे इक कोने च बसदी हो तां जे ओ चिकनी मित्ती दे कोल होऐ ते अपनी जरूरत पूरी करी मकें। इस जाति दा म्हतवपूर्ण अनुश्ठानें च खास स्थान होंदा हा। पर समें कन्ने-कन्ने ए बिस्सरी गे। ते केई कबीलें दे लोके नमें धंधे अपनाई ले। अज्जतक मित्ती दे बने दे भांडे—घड़े, सुराहियां, चाट्टियां बगैरा गी गिमियों च गै इस्तमाल कीता जन्दा ऐ, की जे गिमियों च इन्दा पानी ठण्डा रौंह्दा ऐ। इसदा एह् मतलब नेई जे होर किछ एह् लोक बनांदे गै नेई। इन्दी कला सच्चें सराह् ने-जोग ऐ, खास करियें उनें चीजें आस्तैं जेह्, डियां सजीट आरतें ए लोक बनांदे न। खरीदने आनें दा रुझान शैल चीजें आले पासै होई गेदा ऐ, इसकरी इनें कलाकारें अपना रुझान बी उस्सै चाल्ली बनाई लैता ऐ। खूबसूरत गमले,

गुलदस्ते, ऐशट्रेग्रां, द्रौड़दे घुड़सवार, रुक्खें उप्पर बैठे दे पैंछी, देवी-देवतें दियां मूरतां, मनुक्खें दे म्हरक्खे, बैड बजाने ग्रालें दा झुण्ड, कृष्ण-गोपिएं दी रास लीला, राम अभिषेक ते दूए खडोने, इनें कलाकारें दियां किछ कला-कृतियां न ।

उप्परले खडोने बनाने गित्तै चिकनी मित्ती दा गै अक्सर इस्तमाल होंदा ऐ। मित्ती गी पैह्ले गैल किरये गु'न्ने आ जन्दा ऐ। फी चक्के उप्पर चढ़ाइये गोलाई दियां चीजां जिय्यां—कड़े, गमले, चाटियां, सुराहियां वगैरा बनाइयां जिन्दयां न ते उनें गी धुप्पै सुकाइये पाथियें ते कोलें दे आवे च पुछता कीता जन्दा ऐ। खडोनें गी बनाने गित्तै चक्के दी थाह्रा लोहे जां लकड़ी दे सांचे दा इस्तमाल होंदा ऐ। ए सांचे थोक माल बनाने ते बेचने गित्तै बड़े सहायक होंदे न। ए खडालां ते मित्ती दियां मूरतां मौसमी होंदियां न। खास मौकें, ध्यारें, अनुश्ठानें बेल्लै खास मूरतां बनाइयां जिन्दयां न। गणपित गणेश, लक्षमी, सरस्वती ते सजीट दियां दूइयां चीजां—मोमबत्ती स्टैंड, धूपदान बगैरा देशाली गी बनाइयां जिन्दयां न। राम, लक्षमण, सीता, हनुमान, लंका दा किला, टोलो, फलें बगैरा दियां मूरतां दसैह्रे गी बनाइयां जिन्दयां न। शिक्त दे रूपा च मां बैष्णो शेरै दी सवारी उप्पर, महाकाली, मां सुकराला बगैरा दियां मूरतां नरातें गी बनाइयां जिन्दयां न।

हुन ते चन्दन, अखरोट दी लकड़ी दा रंग देने आस्तै ए लोककलाकार केई तरहें दे रंग बी इस्तमाल करा करदे न । केई बारी काली, लाल, भूरी मित्तियों गी बी इस्तमाल कीता जन्दा रेहा ऐ । हुन होर आधुनिकी-करण गित्तै केई कारीगरें 'प्लास्टर ग्रॉफ पेरिस' दा बरतना गुरू करी दिता ऐ । इस चाल्ली ए लोककला बल्लें-बल्लें लिलत कला दी परिधि च ग्रावा करदी ऐ ।

इनें कमग्गरें दे धंधें ते कम्मै दे इलावा बी आम डुग्गर जनमानस अनेकां ध्यार मनांदा ऐ, जिन्दे च हत्थें दे बने दे अनेकां खडोने ते मित्ती, आटे, गोहे दियां मूरतां बनाइयां जन्दियां न ।

शिवरात्री गी घमैह्रें देघरा जनानियां मित्ती दा बने दा शिवलिंग, जिस उप्पर छत्तर लग्गे दा होंदा ऐ ते छतरी दी सीखें गित्तै जी दे दानें दा इस्तमाल कीने दा होंदा ऐ, घर-घर जाइयें जनानिएं गी ए शिवलिंग दिदियां

न । इस शिवलिंग दी पूजा होंदी ऐ। इक होर ध्यार बच्छ-दुग्राह् गी मित्ती दियां गोग्रां ते बछड़े कुसै तलाऽ, चश्में जां दूए जलस्रोत कच्छ वनाए जन्दे न । ऐसियां जनानियां जेह् डियां पैह्ली बारी मां वनदियां न ते जागत जम्मदियां न, ग्रो इंदी पूजा करदियां न । इनें मूरतें गी सजाया जन्दा ऐ ते लोकगीतों दी तानों च दुद्ध-देहीं, मखीर, फुल्ल, फल वगैरा कन्ने इंदी पूजा कीती जन्दी ऐ। गो मां दी प्रतीक होंदी ऐ ते बछड़ा बच्चे दा। केई बारी इनें मूरतें गी गुज्झे दे ब्राटे कन्ने बनाया जन्दा ऐ ते सिज्जे दे चोलें, धागे ते सिंदूरै कन्ने इंदी पूजा कीती जन्दी ऐ। केई बारी जट्ट ते जट्टनी दी मूरतां वी बनाइयां जिन्दयां न । इक होर बड़े मश्हर ध्यारं 'द्रुब्बड़ी' चबी 'बच्छ-दुग्राह्' ग्रांगूं गै सब रीतां कीतियां जन्दियां न। पर 'करवाचीथ' इंदे सारे ध्यारें थमां मण्हूर ध्यार आखेआ जाई सकदा ऐ। ए सहागनें दा ध्यार होंदा ऐ, जिस दिन ओ अपने सोहाग दी सलामती ते लम्मी ग्राय तांईं नत्त रखदियां न । मित्ती ते गोहे कन्ने इक मुरत त्यार कीती जन्दी ऐ, जेकी बुड्डसुहागन दी प्रतीक होंदी ऐ। इसगी लाल कनारी ग्राली चुन्नी कन्ने सजाया जन्दा ऐ। इस्सै मूरतै दे ग्रागें-पिच्छें 'करवाचौथ' दा लोकगीत गांदियां सोलां गंार करिये सोहगानां हत्थें दियां थालियां फेरदियां न । इनें थालियें च सुक्का मेवा, फल, मट्ठियां, मिसरी बगैरा होंदेन। इक नार कथा सुनांदी ऐते हर इक कथानक दे बाद थालियां फिरनियां शुरू होई जन्दियां न । बाद च थालियेंगी इस मूरत कन्ने छुम्राया जन्दा ऐ, गडवे च पानी, चौल दे दाने ते सन्दूर त्रौंकेआ जन्दा ऐ।

इक होर ध्यार — 'धामें' च 'राजा-रानी' दी जोड़ी गु'न्ने दे ब्राटे दी बनाई जन्दी ऐ ते उन्दी पूजा कीती जन्दी ऐ। जनानियां पीले धामें बन्नदियां न ते नत्त रखदियां न। ए सारे ध्यार परोवारी रिक्तें गी पुख्ता करने गित्तै मैं मनाए जन्दे न—इस च कोई शक नेई, पर इंदे पिच्छें लोक-कलाएं गी बी फलने दा मौका धहोंदा ऐ, लोक साहित्य गी फैंजने दा मौका धहोंदा ऐ।

ग्रांएं च मित्ती दे वेल-बूटे वनाने, मूरतां वनाने ते मित्ती दी फुल्ल-कारी गी रंगने दी लोककला ग्रजें तोड़ी बी ग्रपने सब्रेपने च जिंदा ऐ। जनानियां इस कम्मै च मर्दें कोला मती रुचि रखदियां न। कोह्लें गी बाह्रा सजाने गित्ते मित्ती दे वेलबूटे उस उप्पर बनाए जन्दे न। इंदे उप्पर केई बारी 'स्वस्तिक' ते दूए 'प्रतीक-चिन्ह' बी मित्ती कन्ने बनाए जन्दे न तां जे कोई बुरी नजर इस उप्पर ठैह् रैं नेई । फुल्ल, वेलां, बार्डर, डिजाइन ते प्रतीकें दियां मूरतां गैं इंदा मुक्ख विशे होंदा ऐ।

घर टंगनी (Hanging) उप्पर वी बड़ी बारी मित्ती दे बिल्ली, शेर, कुत्ते बगैरा दे मुंह् बनाए जंदे न, जेह्ड़े विच्चा दा खाली होंदे न। इनें गी कन्धें, भित्तें वगैरा उप्पर टंगी दित्ता जन्दा ऐ ते इंदे च रोजमर्रा दियां चीजां जिय्यां—सूई-धागा, पिन्नां, बिस्कुए, रमाल, कंघे बगैरा रक्खे जन्दे न।

बरसांती, बच्चे गिल्ली मित्ती दियां ग्रनेकां खडालां बनांदे न । इक अपनी गैह्ली दे ज्याणे दियां बनाई दियां चीजां दिक्खने दा मौका थ्होया तां चर्ज होग्रा जे निक्के-मुट्टे ग्रनेकां खडोने—कुत्ते, बिल्लियां, चिडियां, हाथी, गुड्डे बगैरा बनाइये उसने धुप्पा च सुकाए दे न ते हून उंदे उप्पर रंग भरने गित्तै ग्रो इन्तजार करा दा हा ।

(घ) चित्तरनाः

पराने समें च राजें-रजवाड़ें, जमींदारें दियां ब्हेलियां केई किस्में दे मित्ती-चित्तरें कन्ने सज्जी दियां होंदियां हियां। इनें ब्हेलिएं दे अवशेश इस पासे खासी ली सुटदे न। इयें ब्हेलियां गें डोगरा लोक कलाकारें गी ग्रपने पासे खिचदियां हियां। चौकपूरना, कन्धें गी चित्तरना, कन्धें गी रंगें कन्ने सजाना। देवीद्वारें, रसोइयें गी चित्तरना बगैर किछ लोक चित्तर-कला दे नमूने दिक्खे जाई सकदे न।

चित्तरने दी लोककला गी दौं थाह्रें रक्खेश्रा जाई सकदा ऐ:-

[1] फुल्ल लिखने

(i) संस्कार अनुश्ठानें च चौक पूरना (ii) राड़े (!ii) तुलसी पूजा।

[11] कन्धै गी चित्तरना

(i) सस्कार अनुश्ठानें च चित्तरना (ii) देआली (iii) नाग पैंचमी (i∨) होई (∨) तुलसी पूजा।

फुल्ल लिखने: ग्रन्सर डोगरे परिवारें च कच्चे मित्ती दे फर्शेंगी गवैदे गो'ए कन्ने लिम्बेग्रा-पोचेआ जदा ऐ। कन्ने लम्बोए दे ए थाह्र पित्तर मन्ने जंदे न। गो'ग्रा फेरना बी इक लोककला गै। जनानियां इस कला च म्हारत रखदियां न। फर्शेंगी शैल करियै सोतेग्रा जंदा ऐ, फी उस

उप्पर गो'ए दी पतली पर्त चाढ़ी दित्ती जन्दी ऐ। ए सब्बै किछ हत्थै कन्ने कीता जंदा ऐ। गो'ए दी पर्त जिस बेल्लै सुक्की जन्दी तां उसी मलैम करने गित्तै उस उप्पर सिल फेरी जंदी ऐ। ते फर्ण इंयां मलैम होई जंदा ऐ जिय्यां कुसै भूरे रंगै दा सिमैंट कीते दा होऐ। ग्रक्सर गोह्ती फेरने दा दी अपना गैंढंग होंदा ऐ। जेकर घरैं च सुख-सान्द होऐ तां सिद्दे हत्थै कन्ने गोह्ती फेरी जन्दी ऐ, नेई तां पुट्टे हत्थै कन्ने।

ए गोह्ती फेरे दे फर्श बाद च बक्खरे-बक्खरे रगें कन्ने रंगे जदेन। रंगें कन्ने केई चाल्ली दे फुलकारी चित्तर ते ज्यामित्ति डिजाइन बनाए जदेन।

चौक पूरना । सारे भारत देसँ च ग्राम चित्तरकला ऐ। जनानिएं गी गैइस च म्हारत होंदी ऐ।

महाराष्ट्र च इसी 'रंगोली', गुजरात च 'साथिया', राजस्थान च 'मांडणा', उत्तर प्रदेश च 'सोन रखना' ते 'चौक पूरेना' ग्रत्मोड़ा ते गढ़वाल च 'ग्रापना' विहार च 'ग्रत्पन' ते वंगाल च 'ग्रत्पना' ग्राखेग्रा जंदा ऐ। मण्डी च इसी 'लिप्पना' गलाया जंदा ऐ।

(i) रंगें दा इस्तमाल: अक्सर घरू बने दे रंगें दा गै इस्तमाल होंदा ऐ। ए रंग घर च ग्राम इस्तमाल होने ग्राली चीजें थमां बनाऐ जंदे न। जिय्यां चिट्टा रंग ग्राटें थमां, चौलें गी पीहिय उसदे पाउडर गी पानी च मिलाइयें घुले दे रंगा दे तौरा पर बरतेग्रा जंदा ऐ। परोले दा इस्तमाल बी चिट्टे रंगें दे तौरा पर कीता जंदा ऐ। पीला रंग हल्दी थमां जां फी किक्कर दे पीले फुल्लों गी सुकाइयें ते उनें गी बाद च पीहियें बनाया जंदा ऐ। लाल रगें ग्राग्तै हुरमची, गेरी, गाची, ते लाल इट्टों दा पाउडर बरतेग्रा जंदा ऐ। लकड़ी दा चा'ई रंगें दा कम्म करदा ऐ। बदामें दे छिलके गी साड़िऐ काला ते सैले पत्तरें गी सकाइऐ ते उंदा पाउडर सैले रंगें गित्तें इस्तमाल कीता जंदा ऐ।

(ii) डिजाइन: ग्रवसर भान्त-सभान्त दे फुल्ल, नुवकरें ग्राली ज्यामिति दियां मूरतां जिय्यां चकोर, त्रिकोन, बगैरा बनाए जंदे न । कदें कदें ब्याह्र ग्रादिएं पर मंगल चिन्न—'स्वस्तिक, 'गणेशाय नमः' बगैरा बी चित्तरेशा जन्दा ऐ। कमल, गुलाब ते गुट्टे दियां मूरतां फुल्लें च टकोदियां दिविखयां

^{1.} Floor Painting

जाई सकदियां न । इनें फुल्लें दिएं मूरतें दे कन्ने-कन्ने केई चाल्ली दे बार्डर डिज़ाइन बनाए जंदे न । लैह्रें साई द्रोड़िदयां बेलां, जिदे कन्ने पत्तियां ते फुल्लें दियां डोडियां सज्जी दियां होदियां न, इस कला दे च खास थाह्र रसिदयां न । श्रम्ब, दिय्या, कुम्भ, डोली, बहार, सिट्जियां ते दुए फल बगैरा बी चित्तरे जदे न ।

तौर तरीका: जनानियां अपने हत्थैं कन्ने गै ए फुल्ल ते डिजाइन बनांदियां न । चौक पूरने दे पैह्ले कोई कच्ची-पक्की मूरत नेई बनाई जंदी। जनानियां सिद्ं तौरा उप्पर गैं इनें गी त्यार करिदयां न । बो हिमाचल दे किछ लाकें च मित्ती दा घड़ू जां कुज्जा इस कम्मै आस्तै बरतेआ जन्दा ऐ। ख'ल्ल इक सुराख कड्ढेआ जन्दा ऐ ते इस भाण्डे च रंग पाइयैं फर्श उप्पर डिजाइन मतात्रक फेरेआ जंदा ऐ। बिलासपुर ते कांगड़े च जनानियां फर्श उप्पर घरै आलें दे नां बगैरा बी लिखदियां न । इसी भ्रो लिखनू गलांदियां न।

म्हीने च सोलहें खानें च इक थमां दस तगर गिनतरी लिखी जंदी ऐ—इस चाल्ली जे इनें खानें दे हिस्सें दा जोड़ कुसै भेठा बी कीता जा तां कुल्ल चौंतरी गैं बनदा ऐ। चौंतरिएं दी गिनतरी शुभ ते मांगलिक समझी जन्दी ऐ।

डुगगर च नमीं लाड़ी दे स्वागत दा तरीका बड़ा मोह्क ते दिलकश ऐ। अक्सर उसी फर्श उप्पर टुराया जंदा ऐ। उसदे पैरे ख'ल्ल रूं दियां पूनियां रिक्खयां जंदियां न ते पसारै च ग्रन्दर ढुकदे दीं पैरें दी जोड़ी दे चिन्न वनाए जंदे न। इत्थूं तोड़ी जे तीर्थ-यात्रा करिये घर वापस औने बेलें यात्रुएं दा स्वागत बी फुल्ल लिखियें गै कीता जंदा ऐ।

संस्कारें च फुल्ल लिखना: फर्शा गी रंगें ते फुल्लें कन्ने सजाना, व्याह्-कारजें, मूननें ते जागतें दे जम्मने पर इक ग्राम रवाज ऐ। पसार गी फुल्लें कन्ने चित्तरेग्रा जंदा ऐ। शुभ मांगलिक कम्में च लाल, सैले, पीले ते जामनी रंगें च फुल्ल चित्तरे जन्दे न। भूरे ते काले रंगें गी निखिद्ध मन्नेग्रा गेग्रा ऐ। इनें सस्कारें च उऐ उप्पर जिकरत डिजाइन बनाए जंदे न।

राड़े: 'राड़े' कुड़ियें दा ध्यार ऐ। इस रोज कुड़ियां भज्जे दे घड़े ते चाहियें दे गलमे लेइऐ कच्चे पसारै च, कोठें दे छत्ते उप्पर ते केई' बारी अपने बेह् ड़ै च फुल्ल चित्तरदियां न। त्रुट्टे दा गलमा 'स्टैण्ड दा कम्म बी दिदा ऐ। इस्सै दे ग्राले-दुआले रंगें कन्ने फुल्ल चित्तरे जंदे न, ग्रम्ब, कनकी षटकोण, चकोर, त्रिकोण केई मूरतां बनाइयां जंदियां न । नीले, पीले, लाल सैले ते जामूनी रंगें च बनी दियां तस्वीरां बड़ियां शैल होंदियां न । इन्दे विश इक बड्डा राड़ा बनाया जंदा ऐ। इसी 'धम्मा-राड़ा' ग्राखदे न। धम्मा राह्य परिवार दे मुखिया दा प्रतीक होंदा ऐ। इनें राड़ें उप्पर गै श्रपनी पत्तलां जां थालियां रिक्खरे कुडियां लोकगीत गांदियां न ते रुट्टी खंदियां न ।

तलसी पुजा: कत्तक महीने दी कादशी गी जनानियां तुलसी दे थ'डे गी चित्तरियां न ते बड़ी रीझा कन्ने उसी सजांदियां न । टिमकडे; सतारे फुल्ल, दिय्ये दियां शक्लां बगैरा चित्तरे जन्दे न । जामुनी ते लाल रंग खास करिये इस्तमाल कीते जन्दे न । केई बारी तुलसी दे चौंतड़े उप्पर लोकगीत दियां पंक्तियां लिखियां जंदियां न ।

- (i) तुलसां रानी, नमो नमा, ठाकरें-मनभानी नमो नमा।
- (ii) धन्न मेरी तुलसी धन्न मेरे राम, धन्न तुलसां धन्न सालगराम। जनानियां वर्त रखदियां न ते हर रोज दिय्ये वालदियाँ न । इस करी इस उत्सव गी—'दिय्ये' बी ग्राखेग्रा जंदा ऐ ।

कन्धं गी चित्तरना: एह् लोक-चित्तरकारी डोगरें च ग्राम ऐ। मित्ती दी कन्धै गी शैल चाल्ली लिप्पी-पोचियै गोह्ती फेरी जंदी ऐ। केई बारी सिद्दे परोले कन्ने बी पुचाई कीती जंदी ऐ। उसदे उप्पर लाल, पीले, सैल्ले ते जामुनी रंगें कन्ने फुल्ल ते मूरतां चित्तरियां जंदियां न । ए मूरतां जीवन कन्ने बावस्ता न-पन्नेरू, जीव-जैन्तु, बूटे, बेलां, फुल्ल, डोली, गमले वर्गरा स्राम मजमून दिक्खने गी थ्होंदे न । सूरज, चन्न, तारे, गणपति गणेश, बगैरा किछ मूरतां बी चित्तरियां जंदियां न । पसेरूएं च मोर गटारी, चिड़ी, बतख बगैरा ते बड़े बारी ड्योढी दे सज्जै - खब्बै चित्तरे दा बिल्लें दा जोड़ा स्वागत ग्रास्तै त्यार रौंह्दा ऐ इऐ-नेह् किन्ने गै बिल्लें दियां मूरतां 'नड्डु' ग्रां दे ग्रास्सै पासै दिक्खियां जाई सकदियां न।

- (i) संस्कारगत चित्तरने : इन्दा जिकर पिच्छें करी आये ग्रां।
- (ii) देश्राली गी कन्धां चित्तरना : देश्राली वपारियें श्रास्तै ते श्राम लोकें गित्तै इक म्हत्तवपूर्ण अनुश्ठान ऐ। बनारी इस रोजे धर्मा गै स्रपना स्हाब-कताव शुरू करदे न। हट्टिये गी सजाया जदा ऐ ते लक्ष्मी दी पूजा कीती जंदी ऐ। स्वस्तिक, लक्ष्मी, बगैरा दियां मूरतां इस रोज कर्ध

उपपर लाल ते सन्द्रो रंगें कन्ने चित्तरियां जंदियां न । नमें जम्मे दे जागतें दी पहुली देश्राली गी कन्धें उप्पर हार सजाए जंदे न ते जागतें गी छोड़ी दित्ता जन्दा जे श्रो कोह्का हार दिवखग ।

नाग पंचमी: डुगर धरती पर नागें दा खास म्हलव ऐ। नागें दे स्थान ते मोह रे थाह रें-थाह रें खिल्लरे दे न। केई डोगरा परिवार ग्रपने-ग्राप नागें दे वंगज गलांदे न। नाग पैंचमी नागें दा गै ध्यार ऐ। इस दिन नागें दियां मूरतां कन्धै उप्पर चित्तरियां जंदियां न—कदें परोले कन्ने, कदें ध्योऐ कन्ने। उनेंगी पूड़े, कड़ाह, खीर ते चोलें दे ग्राटे दे वने दे पक्षवानें कन्ने वरताया जंदा ऐ।

होई उप्पर कन्धें गी चित्तः ना : करवाचीथ दी अगली अश्टमी गी होई दा मश्हूर ध्यार ग्रींदा ऐ । इस रोज झीर जाति दियां जनानियां घरें च रसोई दी कन्धें उप्पर 'होई' माता दी मूरत, उसदी डोली, क्हार ते परिवार दे सदस्यों दे नां सूहे, पीले, जामनी ते सैले रंगें कन्ने चित्तरदे न । माता दे नां उप्पर गन्ना, मिट्ठी मिट्ठियां ते फलों दा चढ़ावा चाढ़दे न ।

(ङ) काठ उप्पर लोक-कला दी छाप:

डोगरे राजे रजवाड़े ते ग्रमीर लोक, काठिशाल्प गी वड़ा परिसद करदे हे। लक्कड़ी दे वजनी दरवाजे, ग्रंदरिलयां छत्तां, लक्कड़ी दा सम्यान-कुर्सी, मेज सन्दूख, सन्दूखिड़यां, गुलदस्ते, सिगरट केस निवू-नचोड़, मदाह्नियां, चरखिड़यां. लूणिकयां, उस्तरेदान, वौंसिरियां ते दूए संगीत दे सम्यान वनाने गित्तै टाह्ल्ली, कैह्ल, द्यार, चीढ़ दी लक्कड़ी दा इस्तमाल कीता जन्दा हा। शैल ते कीमती सम्यान ग्रास्तै ग्रखरोट दी लकड़ी दा इस्तमाल वी हुन्दा हा—जिय्यां कतावें दे शेल्फ, धूफ-दानियां, टेवल-स्टैण्ड, मोमवत्ती स्टैण्ड वगैरा। लक्कड़ी उपर वरीक कारीगरी कीती जन्दी ही।

पैह्ले लोड़चदी लक्कड़ी दे टुकड़े बरोबर हिस्सें च कीते जन्दे हे ते फी उनेंगी रिन्दिय उन्दे उप्पर फुल्लकारी दा कम्म णुरू कीता जंदा हा। अक्सर भित्तें दे फट्ट उप्पर फुल्ल ते बेलां किड्ढियां जंदियां हियां ते उनेंगी रंगेआ जंदा हा। उयं-नेह् केई भित्त खस्ता हालती च अर्जे तोड़ी बी कटरा, रियासी ते सुद्ध-महांदेव दे लाकें च लम्बड़दारें ते महाजनें दे घरें च लग्गे देन।

पुराने जमाने च लक्कड़ी दियें इमारतें गी खड़ा करने गित्तै बड़े बड्ढे शहतीरें दा इस्तमाल कीता जंदा रेहा ऐ। ए शहतीर थ'मियों दे स्हारें खड़े कीते जंदे है। ते इनें थ'मियों गी छैनी-थ्होड़ी कन्ने उक्करेग्रा जंदा हा ते फुल्ल बगैरा दे डजैन पाये जन्दे है। इस चाल्ली दे भित्त ते थ'मियां हुनै तोड़ी बी देवीद्वारें ते परानी इमारतें च लग्गे दे दिक्खे जाई सकदेन। केई बारी पसार ते अन्दरले कमरे दे बश्कार लक्कड़ी दी शानदार जाली दा बी इस्तेमाल होंदा हा, जेकी इक्क पासै ते पसार ते अन्दरले कमरें गी जोड़दी ही ते दुए पास्से उनेंगी इक्क दुए कोला बक्ख करदी ही।

लक्कड़ी दे मन्दर ते मूरतां: भद्रवाह, रियासी, पौनी, गूल वगैरा दे लाकें च लक्कड़ी दे मन्दर ते मूरतां बड़ियां परिसद्ध हियां। ए मन्दर दयार ते कहुल दी लक्कड़ी कन्ने बनाए जंदे हे। भद्रवाह दे गाठा ग्रां च ते इस्से लाके च वासुकी नाग दे मन्दर उदाह रण दे तौरा उप्पर लैंते जाई सकदे न। कुल्लू, कांगड़ा ते चम्बे दे काठ-मन्दर ग्रपनी व लात्मक उकराई आग्तें बड़े परिसद्ध रेह न। रयासी च 'संगरोट' दे उच्चे लाकें च ते सलाल दे कोल 'चरियाना' देवता, दे मश्हूर मन्दर इस ग्रास्तै गनाए जाई सकदे न। इनें मन्दरें च ग्रादम-कद्द लक्कड़ी दियां ते पत्थर दियां मूरतां गै होंदियां हियां। अक्सर दुक्ख-कसाले ते बमारी बेलें इनें मन्दरें च रोगी जां दुखी लोक ग्रपने कश्टें गी कट्टने ग्रास्तै इनें मूरतें दी चढ़त सुखदे हे ते सुक्खन पूरी होने दे बाद बैंड-बाजे कन्ने ए मूरतां सन्दरें च चढ़ाइयां जंदियां हियां।

इदे ग्रलावा व्याह्-शादिएं च 'तोरण', 'दरयाह्स', 'पखेरुए दियां मूरतां' बी लक्कड़ी थमां गै त्यार कीतियां जंदियां हियां । बेदी ते उसदी सजौट बी लक्कड़ी दी बनी दी डोली ते लक्कड़ी दे पखेरुएं कन्ने गै सजाई जंदी ही । 'हाड़ो लाके च पट्टू गी सज्जी देने ग्रास्तै लक्कड़ी दे बड्डे पतीले जनेह् त्यार कीते जंदे हे । इन्दे (इ)लावा केई चाल्ली दियां संदूखड़ियां, झोलें दे हैंडल, पिक्खियें दियां डंडियां, चाकू - छुरी वगैरा दियां डंडियां वी लक्कड़ी थमां गै बनाइयां जंदियां हियां।

(च) सूई-धागे, क्रोशिये ते बुनाई-कताई फुलकारी दा कम्म:

तिल्ले दी कढाई ते फुलकारी दा कम्म शिवालिक ते उसदे चिगर्द हे लाकं च बड़ी मण्हूर लोककला ऐ। कुड़ियां कुदरती तौरा पर सीने परोने ते बुनने दी तांह्ग रखदियां न। अस ए ग्राखचैं जे कुड़ियें गी शुरू थमां गै घरा ग्राले इनें कम्में च पाई दिंदे न तां गलत नेईं होग। होशा सिर ग्रौंदे गै कुड़ियां ग्रपना दाज-दान त्यार करने गित्तै जुटी पौंदियां न। ग्रो स्वैटर ते उन्नी बनयानां बुनदियां न। साड़िएं गी तिल्ले ते रेशमी धागे कन्ने सजांदियां न। अपने हत्थें दी चाल कन्ने वक्खरे-वक्खरे किन्ने गै किस्में दे डिजायन ते फुल्ल कढ-दियां न। ए कला ग्रज्ज गै नेईं सदियें थमां डोगरें दे रत्ता च रची दी ऐ।

(i) प्हाड़ी रमाल: प्हाड़ी कढाई ते सीने परोने दा उदाह्रण प्हाड़ी रमाल न। सिदयें थमां रमाल प्हाड़ी लाकें दी जनानियें दे सिरें दा पहनावा रेह् न। ए रमाल सादे ते हलके रगें च होंदे न। इन्दे उप्पर कढाई दा खास कम्म बी नेई कीते दा होंदा। पर जेह् ड़े रमाल असली च, 'प्हाड़ी रमाल' दे तौरा पर जाने जंदे न ग्रो डुग्गर दी कढाई दा ग्रैल नमूना न। उनेंगी रेग्नी ते तिल्ले दे धागे कन्ने कड्ढेग्रा जंदा ऐ। ग्रक्सर ए रमाल चम्बे दे रमालें दे तौरा पर जाने जंदे न, पर ए चम्बे तक गै महदूद नेई हे —प्हाड़ी चित्तरकारी ग्रांगू बसोह ली, बिलासपूर, जम्मू, कुल्लू, कांगड़ा, मण्डी ते मनकोट बगैरा दी प्हाड़ी रयासतें च उस्सै चाल्ली मण्हूर हे।

प्हाड़ी चित्तरकारी ग्रांगू बसोह्ली दे रमाल सब्बनें छा पराने ग्रांखे जाई सकदेन। ए गल्ल वक्ख ऐ जे ए परम्परा उत्थे हुन खत्म होई चूक्की ऐ। बसोह्ली दे बाद रावी पार करिये ए परम्परा चम्बे दे लोकें कण पुज्जी इक 'हाड़ी रमाल 'साउथ किंसघटन' दे ग्रजैबघर च नुमायण ग्रास्ते रक्खे दा ऐ। ए मन्तेआ जन्दा ऐ जे ए रमाल बसोह्ली दे मैह्लों थमां 1782 ई० च चम्बे दे राजा राजिसह ने लुट्ट दे दुए समान कन्ते चम्बा चुक्की ग्रांदा हा, जित्थुग्रां दा ए बाद च उस अजैबघर च पुज्जेग्रा।

(प्हाड़ी चित्रकला - किशोरी लाल वैद्य ते ओम हांडा, सफा-151)

प्हाड़ी रमालें दे केईं नमूने देश दे होर मते सारें ग्रजैबघरें च रक्षे गेदे न । ए रमाल अक्सर चौरस, चौड़े कप्पड़े उप्पर कड्ढे जन्दे हे। जित्थे प्हाड़ी चित्तरकला च मर्द कलाकारें दी, कला पास्सै इक अनसम्भी तांह्ग ही, उत्थे प्हाडी रमाल जनानियें दी कसीदाकारी दा इक ग्रनोखा नमूना हे।

अक्सर लैन-देन दे कम्मै ग्रास्तै रेशमी जां मैंह्गे सूती रमाल इस्तमाल कीते जन्दे हे । ग्रवसर इनें रमालें उप्पर दोह्री कसीदाकारी दा कम्म कीता जन्दा हा, तां जे दोनें पासें थमां इस रमाल गी इस्तमाल कीता जा। बेल-बूटे, फुल्लें दी कसीदाकारी दे कन्ने-कन्ने इनें रमालें उप्पर रासलील जनेह् सदा-ब्हार विशे बी बनाये जन्दे न । जिनें धागे कन्ने ए रमाल कड्ड जन्दे हे, ग्रो धागे ग्रमूमन सादा धागे होंदे हे । इनें गी घर गैं रंगेग्रा जन्द हा, जिय्यां—पीला रंग किक्कर दे फुल्लें थमां, काला दिय्ये दी लोई दे धुएं थमां, केसरिया केसर दे फुल्लें थमां।

ए रमाल ग्रजें तोड़ी बी शगन, कड़माई बगैरा च सौगात देने ते फलें दे टोकरे ते मठाइयें दे टोकरे ढकने गित्ते इस्तमाल कीते जन्दे न। पहाड़ी रमालें दे दीं तमूने डोगरा ग्रार्ट गैलरी जम्मू च रक्खे गेदे न।

- (ii) प्हाड़ी चौलियां: प्हाड़ी रमालें आंगू प्हाड़ी चौलियां वी लोक-कला दा इक परतक्ख नमूना रेइयां न । बड़ी गंह्री कसीदाकारी कन्ने सज्जी दियां ए चौलियां डुग्गर राजें, सामन्तें ते अमीर लोकें दे घरें व बिड़यां प्रचलत हियां। तिल्ले ते रेशम दे धागे कन्ने कढोई दियां ए चौलियां अमूमन पिट्टी पासे थमां खुं लिलयां होंदियां हियां। अदी बांह्र आलियां ए चौलियां शीशे दे टोटे, अभरक मोती बगैरा कन्ने जड़ी दियां होंदियां हियां। अक्सर दो कप-जनेह्—इक्क दुए कन्ने बुने जदे हे। ए छातियों गी ढकने गित्ते होंदे हे। इनें कपें गी लाल-पीले-नीले रंगें दे धागें दे फुल्लें कन्ने सजाया जन्दा हा। अक्सर इक्क-इक्क बड़ा फुल्ल दौनें पासे होंदा हा। अक्सर उप्परले हिस्सें गी धागे कन्ने ब'न्नेग्रा जन्दा हा। जेह् ड़े पिच्छै पिट्टी उप्पर जाई बन्होदे हे। इयै-नेइयां दौं चौलियां डोगरा आर्ट गेलरी जम्मू च प्रदर्शत न।
- (iii) चादरां ते गलाफ: कसीदा-कारी दा त्रिय्या नमूना कढीई दियां चादरां ते गिह्एं दे गलाफ न, जिनेंगी अञ्ज कल 'कुशन' आसेश्रा जन्दा ऐ। ए चादरां बेलबूटे, फुलकारी ते ज्यामितीय डिजायनें कन्ने सजांड्यां जंदियां हियां। कुड़ियां अपने दाजे आस्ते आपूंगे इनें चादरेंगी कड्ढने-सीने आस्ते लिगायां रौह्दियां न।
- (iv) मेंटल पोस; निक्के रमाल, थैले, फुटमेटां: जनातियां विद्यां किफायतशार ते कलाकार होंदियां न । घरै च इस्तमाल होने ग्रालियां रोजमर्रा दियां चीजां जिय्यां निक्के रमाल, टोपियां, थैले, मेजपोश फुटमेट्स वगैरा घर गै त्यार करी लैंदियां न ते उनेंगी सूई ते धागे कन्ने सजाई दिदिया न । बोरु गी चौनें पासै धागे कन्ने सीऐ सूहे-नीले ते पीले रंगें दे धागे दे फुल्ल किड्डिए दरोग्राजे दे वाह्र फुटमेट दे तौरा पर रक्खी उड़िद्यां न ।

फालतू बचे दे कपड़े दा यैला सीऐ उसी बाह्रा दा सजांदियां न । यैले दे बाह्र गुड़ी दे मुहारे दिक्खे जाई सकदे न । इनें मुहांदरें दे काले बालें गी काले धागे कन्ने ते होठ सूहे धागे कन्ने बनाए जन्दे न ।

(V) क्रोशिए दा कम्म: क्रोशिए कन्ने लेस, रेडियो, शिशे, ते पड़छितियां ढक्कने ग्रास्तै रमाल बनाए जन्दे न । रमाल श्रवसर सादे रंगें च
सूती धागे कन्ने बुने जन्दे न । बक्खरे-बक्खरे फुल्लें दे डिजायन पाइयें उनेंगी
फी क्रोशिए कन्ने गै इक्क-दुए कन्ने सीता जन्दा ऐ । केई बारी ए सीने दा
कम्म बी क्रोशिए कोला गै लेग्रा जन्दा ऐ ।

(छ) फुटकर घरेलू चीजां :

कज्जल रक्खने ग्रास्तै कपड़े दी बनाई दियां कलीतिड़ियां हियां, जिनेंगी कनारी ते रंगदार धागे कन्ने सजाया जन्दा हा। रोजमर्रा दी चीजें ग्रास्तै दीवारी जेवां, जिंदे उप्पर कुत्ते-बिल्लुएं दियां शक्लां पाइयां जंदियां हियां। गृड्डियां-गुड्डे, ग्रासन वगैरा किज चीजां न जिनेंगी वगैर कुमैं खर्च दे बची दिए लीरें वगैरा कन्ने बनाया जन्दा हा। इयां गैं रंग-विरंगे कपड़े दी लीरें गी जोड़िए इक साज-सज्जा दी चीज फानूस ग्रांगू टंगने गित्तै बनाई जन्दी ही। होलियें गी स्वांग रचने गित्तै पत्तंगी दा इस्तमाल होंदा हा। पत्तंगी रंगदार गुड्डी थमा टोपीनुमा इक चीज बनाई जन्दी ही, जिसी पाइयें लोक स्वांग रचदे हे ते होलिएं च नचदे हे। इंयां गैं लोह ड़ी उप्पर छज्जें दा रवाज ग्राम हा। ए छज्जे मोर दा प्रतीक होंदे हे ते इनेंगी बड़ी मैह नत कन्ने सजाया जन्दा हा। होलिए गी खेढने ग्रास्तै कुम-कुमे दा बड़ा रवाज हा। ग्रक्सर अमीर लोक लाख दे गुबारे ते फलूस बनवांदे हे, जिस च लाल रंग भरियें इक दुए उप्पर सुट्टोग्रा जन्दा हा।

(ज) नाड़ दियां पिवखयां, बिन्ने ते टोकरियां :

जनानियां घर गै नाड़ दे तीले कन्ने सीऐ-परोइऐ पिक्खियां, बिन्ने, चंगेरां ते टोकिरियां बगैरा बनांदियां दियां । पिक्खियां बुनदे होई केई किस्में दे डिजायन उन्दे उप्पर बनाए जन्दे हे। ए नाड़ दियां पिक्खियां बंद किरयें झोले च रिक्खियां जाई सकिदियां हियां ते मौके उप्पर इनेंगी खोल्लियें इन्दा इस्तमाल बी कीता जाई सकिदियां हियां। इन्दे इलावा काह्ने दियां टोकिरियां, छिक्के, छाबड़ियां बगैरा घर बनाने दा आम रवाज हा।

म्हाचल च प्हाड़ी लोक-कलां

डा० गौतम व्यथित

म्हाचल इक पुराणा प्रदेश ऐ। इस च लोककलां दी परंपरा वही डुग्गी कने पुराणी ऐ। इत्थु देआं गढ़-किलेग्रां, मंदरां, मैह्ल-चुवारेग्रां, जगीरदारी घरां बगैरा च पत्थरां कने लकड़ियां पर होयो स्रनोखे कम्मा दे नमूने ग्रज वि मिलदे न । इत्थु देग्रां मंदरा च सजियां बणियां कांसे कने पत्थरां दियां मूर्तियां दी जांच-परख करणे पर कांस्य-पत्थर मूर्तिकारां दी पुराणी परंपरा दे संकेत मिलदे न । ठाह् री-ठाह् री वास्तुकला कृतियां दे नमूने वि सुखल्ले सुझदे न । चितरेग्रां, सुनारां, घुमारां, डूमणेग्रां, खरादियां, चराहढेग्रां, चणाहढेग्रां बगैरा कारीगिरां दियां बणीयां पिता-पुरखी कला-कृतियां कने तिन्हां पर जणासु चित्रकारियां दे नोखे नमूने वि श्रपणी परख-पच्छैण कने बरास्त रखदे न । ब्रतां, मोखां, तीज-तिहारां पर जणासां दे बणओ भित्तिचित्र, मन्दलू, रोह्पण वि इत्थु दिया संस्कृतिया दी झलक कने परंपरा-संकेत दिन्दे न । म्रादि क्षेत्रां च शिवरात्री, दशहरा कने होर मेले-कमेलेआं पर मुहारे लाई नाच रंग कने बणक-ठणक, ब्याह््-कारजां च परोह्तां, जोतसियां दे वणेओ मंडल कने लीखणू लोककला दे नमूने न म्हाचली लोककलां दा व्योरा कने परख पच्छैण पाई, इन्हां दा ग्रध्ययन इजा करी सकदे न:

- (क) पर्वसज्जा संबंधी लोककलां।
- (ख) ग्रानुण्ठानिक लोककलां।
- (ग) व्यावसायिक लोककलां।
- (घ) मनोरंजनात्मक लोककलां।

(i) पर्वसज्जा संबंधी लोककलां :

कांगड़े च कुवारियां कुड़ियां कने सजव्याहियां ताई 'पखड़ी हंडाणा' वड़ा शुभ कने पतिव्रत धर्मे दा शोभला संकेत मनदे न। सजरे गो'ए ने गोल जां चकूणे मंदलू पाई ने गोलुएं जो उंगली दे बुर्सा ने कथी बेल-बूटे कुथी तितर-मोर तां कुथी मर्द-जणासां कीह्रदियां न। मंदलुग्रां पर सैली द्रुव, फुल्ल, ग्रच्छत, धूप-टिक्का, रोली वि इञा बच्छादियां जिञा सृष्टिया दियां ग्रादि कलाकार होन। इञा ही म्हाचले दे होरनी खेतरां च वि व्याह्-कारजां, पर्व-त्योहारां पर जणासां ग्रंगण-द्वारां च भान्ति-भान्ति दे लीखणू रोह्पन, मन्दलू-मन्दले वणादियां, ग्रपणे मने अन्दर कला-कृतियां दिया परख-पन्छुणा कने थां जो साकार करदियां न। व्याहे च अन्दरोणे दें बेले ग्रंगणे पर सतरंगिया रोह्पन तां वड़े-वड़े कलाकारां जो मात करदा ऐ।

दियालिया दें दिने ग्रंगणे च कालिया कने लाल चिक्का ने वणभ्रो बड़े-बड़े गोल, चौरस मन्दले, तिन्हां पर होइभ्रो फुलकारी, तितर, मोर; कंगूरे, बत्तां, श्रीलियां, घड़े, चन्द्र; ग्रर्धचन्द्र कने स्वस्तिक चिन्ह ग्रपणियां कला परंपरा दे ग्रप्पूं ही गुम्राह् लगदे न । सराहन दे पास्सें तां लोक भ्राटे कने 'राजा बलि' दियां मूर्तियां वि बणादे न । लोहड़िया दा अपणा ठिरक-ठराका कने नखरा ऐ । चुल्ह-चौंका, खड़ियां-फेटियां कने गोल-गोल बिन्दकुम्रां ने चितरोग्रा इञा लगदा जिण तारे धरती उतरम्रो न । नुरातेम्रां, रिलयां, नाग-पंजी, बगैरा ब्रतां-तुहारां, पर्वां बगैरा पर वि इसा कला दे नमूने मिलदे न । इन्हां दा विषय 'पलोरल' (पुष्प) ग्रंकन बगैरा ऐ।

(ii) आनुश्ठानिक लोककलां:

ग्रानुश्ठानिक लोककला दे दो रूप परम्परित न— (1) जणासु भित्तिचित्र कने, (2) ब्राह्मणा-जोतिषयां दे बणायो, व्याह-कारजां पर पूजा-मंडल।

(क) जणासु भित्तिचित्र व्रतां-नजातरना पर मिलदे न। इन्हां चित्रां दा भाव कोधी, कोपओ कने ग्रसंतुष्ट रुस्यो, देवी-देवतेग्रां जो मनाणे दी मिन्नत-खुसामदी कोस्त लगदी ऐ। होई, बूहलाचौथ, बच्छ-दुग्राह, गो तृतीया, ज्येष्ठ-नवमी बगैरा ब्रतां पर पूजा-परसना लई जणासु चित्तरकारी

इन्हां मूलभावां दी खुह्र्ली डौंडी पिटदी ऐ। श्रसल च, इन्हां तस्बीरां मृतां च ब्रतां ने जुड़ियों कथा दे मूल भावां दा प्रतीकात्मक प्रयोग मिल्ह ऐ। जिब्रा—बूहलाचौथ। इस ब्रते दा चित्तरलेखन 'छज्जे' पर हुंदा ऐ छुज्जे जो गो'ऐ ने लेपी करी जणासां गोलुऐ ने कथा मताबक गाईं, बच्छु शेर, घर, सूरज, तारे, ग्रर्ड चन्द्र, गाई चूं ह् गदा बच्छू बगैरा वणादियां न 'होई माता' दा पूजन दुआलां पर हुंदा ऐ। इस ताईं जणासां कंधां प होइया दी मूर्त बणाई ने कथानुसार जणास, मुंडू, रोटियां, ठौड़ियां, डोहे चुकी चलेग्रा क्हार, सूरज, चन्द्र कई किछ पेड़दियां न । ऐह् सारे _{चित्रा} कथा दे मूल विशे दे प्रतीक हुन्दे न । इजा ही बच्छ-दुग्राह्, कजली-तृतीय, गोतृतीया, करवाचौथ, पचभीखम, तुलसी-विवाह बगैरा व्रतां पर वि 'देहरें दुग्रालां पर चित्तर जां लीखण् वणदे न । कुथी चौरस लकीरां, कुथी आयाता कार, कुथी बेल-पत्तर, बिन्दकु, सिरे पर गणेस कने चूहे दियां मूर्तां को कूणेआं पर बैठेग्रो, उडरदे पक्खरू । तुलसिया दे ब्याहे पर तां पीपे (टीन) , जो गोलुएं जां चूने ने पोची करी ब्याहे साहीं देह रा लखोंदा ऐ।

(ख) पूजा-मण्डल : प्हाड़ी बसणीकां पर ब्राह्मणवाद दा खरा ग्रसर मिलदा ऐ। इत्थू वैदिक कने पौराणिक कथां च 'परंपरित प्रतीक' वक्षे दीया रफ्तारा ने प्हाड़ी जनमानस च व्यापक बणदे गै न । कुछ समै बार इन्हां चित्तरां दा प्रयोग त्योहारां, पर्वां कने समाजी-सांस्कृतिक अनुष्ठानां व लोकप्रिय बणदा गिया। इत्थु दे समाज च 'परोह्तां' दा बड़ा म्हत्तव ऐ। जीणे च 'संस्कारां' दी ग्रपणी ठाह्र कने सत्ता ऐ। जन्म, ब्याह्र, मृत्युः ब्रत-त्योहार, पूजा-पाठ कुछ वि शुरू करणे ते पह् लैं सजरे गो'ए ने लेण पाई मण्डप बणदा ऐ। तिस पर चौलां जां कणकां दे ग्राटे ने नीग्रह्, चर्के सूरज, ग्रोंकार, सप्तऋषि बगैरा बणदे न । इन्हां मंडलां च सर्वती भर् मंडल, कात्यायन तिलक मंडल, नवग्रह मंडल, ग्रक्षदल, स्वस्तिक, कुंभ, मच्छ, गंणपति, ग्रोंकार, कलजा, बसुधारा बगैरा मुख्य न । बतां, मो^{खां} पर बणग्रो मंडल ग्राटे दे बणाग्रो रंग-बरंगे रंगां ने सजाए जांदे न। इल् दा म्रानुश्ठानिक कने लौकिक म्हत्तव ऐ, जिसजो नकारना सौखा नी।

(iii) व्यावसायिक कने मनोरंजनी लोककलां:

इन्हां लोककलां च कांस्य-पत्थर मूर्तिकला, वास्तुकला, चित्तरक्रती खराद, गोदना, आभूषण-कला, रंगाई, कताई, कढ़ाई, खेल-खलोनेग्रां दी कलां, जुत्ते, चप्पलां, गुड्डियां बणाणे दी कलां रिखयां जाई सकदियां न। म्हाचल च इन्हां कलां दी परंपरा कने रूप थोड़े शब्दां च इब्रा मिलदा ऐ।

- (क) कांस्य-मृतिकला: म्हाचले दे नेकां मन्दर कांस्य मृतियां ने मजग्रो-भरग्रो न । इन्हां पर होयो लालित्य कने छैल शोभले रेखाचित्तर बडे लोकप्रिय न । इन्हां दी परख-पच्छैण करने पर स्हांझो भारतीय कांस्य-मितिकला परंपरा दा सीगा मिलदा ऐ। बी. एन. शर्मा होरां दा गलाणा ऐ जे—छतराह्ड़ो, भरमौर, वजौरा (कुल्लु) कने होर कइयां ठाह्री कांस्य मर्ति स्ट्डियो थे ,जिन्हां च न्हेकां कलापूर्ण ते मनमों ह् दियां मूर्तियां बणियां न। इन्हां च कुछ म्हाचले दे कइयां मन्दरां च रखोइयां न, भौएँ तिन्हां दी हालत खस्ता ऐ। पर इन्हां मूर्तियां ते इस प्रदेस च कांस्य मूर्तिकला दिया बरास्ता दा, संकेत मिलदा ऐ, इस च शके दी गुंजाइश नी। चम्बे दें कांस्यमूर्तिकार शिल्पी गुग्गे दा नां कइयां मृतियां पर खदीया मिलदा ऐ। गुग्गे दा संबंध चम्बे दे 8वीं शताब्दी दे राजा मेरूवर्मन ने जोडदे न। मेरूवर्मन दे गलाणे पर तिन्नी कई चित्तर बणाये। अर्द्ध-नारीश्वर कने विष्णु-मूर्तियां 'मूर्ति-शिल्प' दे अनूठे नमूने न । स्कन्द कार्तिकेय दी मूर्ति छेमीं-सतमीं सदिया दी ऐ। कांस्य मृतियां च-सदाशिव, सदाशिव-पत्नी, गणेश, वैकुण्ठ-विष्णु, उमामहेश्वर, महिषासुर मर्दिनी, कार्तिकेय, दुर्गा शक्ति स्रादि रूप बड़े लोकप्रिय न I इन्हां दी शक्ल-सूरत पुराण-कथां मुताबक मिलदी ऐ। शिमला जिला कने नरमंड इलाके च वि इसा-कला दे संकेत मिलदे न। सन् 750 ई० — 1030 ई० तिक्कर उत्तरी भारत च प्रतिहारी विशाल राज्यकाल च कांस्य मूर्तियां बणियां, अदेह संकेत वि मिलदेन। कांसे कने पितलू दे भांडेग्रां-वर्तणां पर वि चित्तर लेखन हुंदा रिहा ऐ। कांगडे च 'गंगथा' दा नां इसकरी लोकां दें मुंहें चढ़ी रैंह दा। मुसरव्वेंग्रा, गलासां, गड़िवयां, थालियां, चरोटियां, सन्दूकिचयां, डिब्बियां, पूजा-पात्तरां, घंटियां, पीहड़ूयां, चौिकयां वगैरा पर फ्लोरल पैंटिंग्ज कने सूक्ष्मचित्तरण परंपरा प्रवाह दे संकेत मिलदे न । चम्बा, कूल्लु, सरमौर, किन्नौर बगैरा लाकेआं दे कई बड्डेआं घरां च इन्हां चीह्जां दा संग्रह् मिलदा ऐ।
- (ख) पत्थर (पाषाण) मूर्तिकला: एह् प्रदेश शैव, शाक्त कने पौराणिक देवी-देवतेआं दे मन्दरां ने भरया ऐ। इन्हां च रखोइयां पत्थरां

दियां घड़ियां-बणाइयां मूर्तियां पाषाण-कला दे उत्कृष्ट नमूने न। दुर्गा, महिषासुर मर्दिनी, सिंह सवारिया भवानी दियां मूर्तियां दी भाव-भंगिमा, रूप-छलपा, नजरीं दी मस्ती कने कोध दिखदेग्रां सार दंभी कने घमंडी माह्ण्यां दा मत्था अपणे आप न्हठोई जांदा । लाहील स्पीति, कुल्लु, किन्नीर बगैरा प्हाड़ी खेतरां च इन्हां मूर्तियां दा रूप, रोब स्थानीय लोक धारणा-नुसार मिलदा ऐ।

गराई गुग-मिंद्यां च गुग्गा कने गुगड़ी, तिद्दी सेना, घोड़े, घुड-सवार पत्थरां-पत्थरोलुग्रां पर बड़ीया चतुराइया ने घड़ेओ-बणाओ<mark>े मिलहे</mark> न। ग्रांच कुसी दे मरणे पर 'मूहरे घड़ी' खूंहां, पणियासां पर रखणे दी प्रथा भी इसा कला जो चतरैं मे दा मोका दिन्दी ऐ। एह् वला 'बटैह् डेग्रां' ग्रज् वि साह्म्बी-सम्भाली ने रिखयो ऐ। घरां-द्वारां गणेश-मूर्तियां दी स्थापना मिलदी ऐ । शैव मन्दरां च शिवलिंग, नंदीगण, नागमूर्तियां वगैरा ग्राई कलाकार बणांदे न । शेर, हाथी, गरुड़ बगैरा पशु-पखरू वि ग्रपणा प्रतीकात्मक महत्तव रखदे न।

- (ग) वास्तुकला : पुराणे दुर्ग, देवमन्दर, महल कने होर बड़े-बड़े भवन बास्तुकला दे सुन्दर नमूने न । इन्हां दी डुह्गी पछैण कने परख करणे पर बझोंदा ऐ जे इत इसा कला दी इक लम्मी परंपरा रही ऐ। भवन कला दे छैल नमूनेग्रां ते ग्रलावा दुआलां-दुआरां पर खुदाइया दे कम्मां दे कई नक्से-नमूने वि उपड़ेग्रो न । शिव मन्दर वैजनाथ कने मसरूर ठाकुरद्वारा ता इक्की पत्थरे पर खुणी-तराशी ने बणायो दसदे न । चम्बा, मण्डी, बिलासपुर, कुल्लू च मन्दरां, महलां, किह्लेग्रां च होयो इसा कला दे कम्म, वास्तु-करागिरिया जो मात करदे न । वड़-बड़े इंजीनियर खडेरस्रो पत्थरां-प्हाड़ां दिक्खी भझक रही जांदे न । टखलिया, कूंडे-कूंडियां, मूर्तियां, क्षेल-खलौने बी इसा कला दे रूप न । 'छिणी कने थोह् डूं सिर्फ दो ग्रीजार इतड़ा चमत्कार करी सबदे न, कई बारी एह् कलां-कृतियां दमागे चकराई दिदियां। छप्परां किन मन्दरां दे नमूने इस कला दे मुंह. बोलदे गुआह् न।
- (घ) काठकला: म्हाचले दे प्हाड़ी इलाकेआं च 'लकड़ीया दे बणयो मन्दरां' दी अपनी नराली कने मनमोह्णी शोभा ऐ। मिंधल (पांगी), छतराह्ड़ी (चंबा) भरमौर, मनाली, परागर, करसोग, सरांह्, मूरंग, सराह^{त,}

बगैरा ठाह री खड़ोतयो काष्ठ मन्दर इसा कला परंपरा दे अद्भृत नमूने न। इन्हा च लिगयो लकड़ियां पर होयो खुदाई दे कम्म कने चित्रलेखन वेजोड़ कने विमिसाल न। जिला शिमला दे नीरथ गरायें च इक सूर्य मन्दर ऐ। इसदे दुरग्राजे पर नंदी सवारिया शिव, तिन्हां दिया गोदा च पारवती, शिवजटां च बगदी गंगा वड़े सजरे कने अणहोंदे घाट घड़ियो सुझदे न। इस च बन्दूकां दागदे सपाही, घोल-घुलारी करदे पलुहाण, खड़ग नृत्य वगैरा दे नमूने सुझदे न। मलाण (कुल्लु) ग्रां तां अपणे ढंगे-रंगे दा इक वक्खरा कने अद्भुत ग्रां ऐ। इस च इक खम्भा दिखणे च ग्रौंदा जिस च मैथुन किया दे दृश्य वि उकीरयो न। पर ग्रदेये चित्र होरथी घट मिलदे न। सिप्पी-वाह् डी जातियां च वि खरादी कम्मा दी परंपरा रही ऐ। हंडू, पारू, पातड़ियां, संदूकड़ियां, रैक, पीह डियां, चौकियां, संगारदान, ग्रलमारियां, कुर्सियां, मेजां पर वि इसा कला दे पुंगरने-फलतरने दे ग्रणरोक रस्ते मिलदे न।

- (ङ) मित्तिचित्र: एह् चित्र दुग्रालां पर बणदे न । इस ताईं विक्का-मिट्टिया, चूने, गारे बगैरा दा प्रयोग करी दुग्रालां पर सतह-धज्जी तैयार करदे न । तिस पराह् लें गोलुऐं च लुगड़ी (पिच्छ) मलाई ने पलस्तर करना जरूरी ऐ । इस जो नरम कने दरेड़ा बगैरा दूर करणे ताईं नरम चोटिणयां ने घोटणा पौंदा । इस च जस्त-भस्म कने सलेस मलाई ने वि घोटदे न तां जे एह् होर वि कोमल वणी जाए । एह् चित्र वाल पेंटिंग्ज (Wall Paintings) दे नाऐं ने प्रसिद्ध न । इन्हां दे दो रूप मिलदे:—
 - (1) व्यावसायिक चतरेग्रां दे चित्र,
 - (2) संस्कारां, ब्रतां पर जणासां दे बणायो चित्र ।

इन्हां चित्रां जो बणाणे ताई धन कने समय बड़ा लगदा। इसकरी एहं कला राजदरबारां तिक्कर सीमित रही। चम्बा, मंडी, कांगड़ा, कुल्लु, बिलास गर बगैरा रियासती राजधानियां च खड़ोतयो मन्दरां, किह्लेग्रां, महल-चुवारेआं, अमीरी घरां वगैरा च इह्दे नमूने मिलदे न। चंबे दा रंगमहल इसा कला दा इक उच्चा कने किल्ला नम्ना ऐ। इस जो राजा उमेदिसह (1748—1764) ने बणाणा शुरू कित्ता था, जिस च राजिसह,

जीतिसह कने राजा चढ़तिसह ने अपणियां रुचिया ने गांह् बधाया था। अखंडचंडी महल, लक्ष्मीनारायण मन्दर, दुर्गा कने मांगणू (चित्तरकार) वर्गरा दे अपणे घरां च वि इसा कला दे सौह्णे नमूने मिलदे न। देवी-कोठी कने छतराहड़ी माता दा मन्दर वि अपणी मसाल अप् न । दसदे न ऐह् चित्र दुर्गा कने मियां तारासिह ने बणायो न। मंडिया च राजा सूरसेन दा दमदमा भवन कने मियां भागिसह दी हवेली (1846—1851) भित्ति चित्रां दी नुमाइण न। मुहम्मदी गहिया राम, गोवर्धन कायस्थ वर्गरा वहें मन्नेओ-तन्नेओ भित्ती चित्तरकार थे। बिलासपुर, मुजानपुर वि इक्षा परंपरा ते अलग नी। बिलासपुरे दे भित्तिचित्र तां गोविन्दसागर च गोतयां खा देन। कुल्लु कने बिलासपुरी भित्तिचित्रां पर कांगड़ा-कलमा दा प्रभाव मुझदा ऐ। इन्हां चित्रां दा विषय कृष्णलीला, रामलीला, लक्ष्मीनारायण, बेलबूटियां, पक्षी, नायिका भेट, रूपचित्रण वर्गरा रेह् न। देह्रा-लेखन जां कामदेव, द्वार लिखणे-संगारने वि इसा परंपरा दा इक पक्ख न।

(च) प्हाड़ी चित्रकला: प्हाड़ी चित्रकला (म्हाचल) च गुलेर कलम दा नां सबनां ते पैह्लें श्रौंश ऐ। एह् प्रदेश पुनर्गठन ते पैह्लें छोटियां-छोटियां रियासतीं च बंडोग्रा था। कांगड़ा, चम्बा, कुल्लु, बिलासपुर, मिण्डिया दे शौंकिये राजेग्रां, चित्तरकला जो पुंगरने, फलने-फुलने दियां स्टूलतां दित्तियां, जिसकरी कांगड़ा कलमा दा ढोल-ढमाका दुनिया च बजणा लग्गा। इसदे विकास इतिहासे ने राजा संसारचन्द (1775—1823) होरां दा नां बड़े सनमाने ने जुड़िया ऐ। चम्बा कलम राजा राजिंसह (1765—1794) होरां दिया लग्ना ने अग्गें बढ़ी। चम्बे च 'निक्के' चतेरेग्रां दियां तस्वीरां बिड़ियां लोकिप्रिय न। एह् सन् ई० 1765 च गुलेरे ते चम्बें गिया था। 'मंडी कलमा' च सबनां ते पुराणी तस्वीर राजा केसवसेन दी ऐ, जेह्डी ग्रणदाजन सन् ई० 1595 दी ऐ। राजा घमण्डचन्दें कुल्लु पर चढ़ाई कित्ती जिसकरी तिस लाके च वि कांगड़ी चितरे पुज्जे। सन् ई० 1667 च राजा प्रीतमिंसह कुल्लु दा राजा बणेआ कने तद्ं तेई कुल्लु कलम दा विकास गुरू होया।

कांगड़ी कलमां दुनिया च धूम मचाई । इसा चित्रकारिया पर तां 'ग्रार्ट हिस्टारियन 'हैवल' कने 'स्मिथ' भझक रही गै । श्री लॉकवुड किपलिंग ने तां गलाया था — 'चित्रकारिया च कांगड़ा कलम इक मुहावरा वणी गियो ऐ। ' डब्ल्यू जी. आर्चर कने डा. रंधावा होरा वि इसा कलमा दीया बरास्ता तोपदेआं भतेह्रा खट्टेग्रा-कमाया। शाही घरानेग्रां, चितरेग्रां कने होर राजेग्रां दे सजणा मितरां ने सांठ-गांठ गट्ठी, सजण-मितरी बन्हीं लक्खां दीयां तस्वीरां भुऐ दे भायें खरीदी, दुनिया दिया न्हेरियां कूणां जाई पुजाइयां। राजा संसारचन्द चित्रकला ने कितड़ा सरबंध रखदा था, हिस्ट्री ग्रॉफ हिल स्टेट्स दे लेखक हचिन्सन लिखदे न—'राजा खुद चित्रकारी करदा ऐ कने तिन्नी मते चितेरे रखयो न। इस बाह्ल तस्वीरां दा ग्रणमुक भंडार ऐ। रियासती राजेग्रां दियां तस्वीरां वि संभाली ने रिख्यां न। इस बाह्ल ग्रलक्षेत्द्र दियां दो तस्वीरां न, इक मिजो वि भंट कित्ती।'

भागवत पुराण, गीत गोविन्द, रासलीला, रामलीला, शिवलीला, दुर्गा शिवत लीला, बिहारी सतसई, रिसकिप्रिया, किविप्रिया, नलदमयन्ति प्रणय, राग माला वगैरा इन्हां तस्वीरां दे ग्राम विशे मिलदे न । ग्राम आदिमियां दियां तस्वीरां वि विणयां न । ए तस्वीरां स्यालकोटी कागजे पर वणित्यां न जिसजो इक खास ढंगे ने वणांदे न । इसदे रंग वि वजारू नी होई करी फुल्लां, बूटियां, बीयां, जड़ां वगैरा जो घोटी वणाई ने तैयार हुंदे न । ज्यादातर लाल, प्यूला, नीला रंग वरतोंदा ऐ । कुछ चितेरे एह वि दसदे जे इन्हां च सु ने मोतियां दा रला वि रैंह्दा ।

ग्रम्मन इन्हां तस्वीरां दे पुराणे खाके मिलदे न। इन्हां दे मूल चित्र हिरणे दिया खलड़िया पर वणदे। इन्हां च हाथी, हंस, वैल, गाई, पपीहा, तोते, मैना, चकोर, मोर, पेड़-पौधे, बेल-बूटे, केले, जामुन, सिंबल, सरूंह, बदल, बरखा, बिजली, सुराही, घड़ा, शीशा कने ग्रवखां-बवखां च कुदरती छलैपा वि मिलदे न। पर एह् सब ग्रपणा प्रतीकात्मक म्हत्तव रखदे न।

रियासती छायाछत्र च पलदी-पुंगरदी चित्तरकला रियासती दे मुकणे ने कुम्हलादी गई। चितेरे अपणे पिता-पुरखी कम्मे छड्डी होरथी हत्थ मारना लग्गे। गरीविया च खाके, रंग, कलमां, तस्वीरां सब कुछ विकदे गे। कुछ समै बाद डा. रंधावा ने इसा बरासता दा मुल पछाणया। इस प्रदेसे दा दौरा करी रैंह् द-खूं ह् द बटोलया। अखवारां च गल चली, रिसर्च बगैरा होई। कांगड़ा कलम दा खीरला चित्तरकार चन्दुलाल रैणा गुरु पदवी

पाई ने इसा कलमां जो मुड़ी जगाणे प्रचार करणे लई सधेरया। रैणा (कांगड़ा) च हुण 'कांगड़ा-स्कूल' चला दा ऐ। कुछ नौए चितेरे वि उभरे न जिन्हां च ग्रोम प्रकाश टाँक, संसार चन्द रैणा वगैरा दे नां गणोई सकदे न। पुराणे खाकी कम्मे ते ग्रलावा कथां-गीतां पर तस्वीरां वणना लिग्या न। एह इसा कला-परंपरा च इक नौई खासीयत आई ऐ।

कशीदाकारी, प्हाड़ी रमाल: म्हाचली लोककलां च 'प्हाड़ी रमाला' दा ग्रपणी बखरी ठाह्र ऐ। एह् रमाल कांगड़ा, चम्बा, मण्डी, विलासपुर, कुल्लु, सिरमीर सब्बी रियासती क्षेत्रां च बणदे रैह् न। इन्हां सबनां च 'चम्बा दे रमाल' बड़े मश्हूर होये। इन्हां दी कलां दूर-दुरेडें चर्चा दा विशे बणदी रही। प्हाड़ी रमालां च बसोह् लिया दे रमाल परंपरा दिया नजरी ने बड़े पुराणे न। तित्थू ते ही एह् कला चम्बे पुज्जी कने राजा संसारचन्दे दे बक्ते च कांगड़े। तिसते परन्त जित्थू-जित्थू वि कांगड़े दे राजेग्रां दा प्रभाव होग्रा, एह् कला पुंगरी कने प्रली-फुल्ली।

एहं रमाल चकूणे (वर्गाकार) कपड़ेग्रां पर वणदे। कुथी-कुथी लम्बाइया-चुड़ाइया दी लाम-चौड़ वदी-घटी वि जांदी। थापड़े, कोहरें (दुआला ने लटकाणे वाले कपड़ें) सराह्णे दे बुग, चोलियां, टोपियां (खास करी चक्लू टोपियां) जम्मर, बगैरा चीह्न्जा पूर कशीदे दे कम्म वि इसा कला दे नमूने गणोंदे न। ग्रसल च घर-गृहस्थी जो सजाणे-वणाणे ताईं लोकमानस कई किसमां दे बला-तंत्र सिखदा-सखांदा ग्राया ऐ। जणासां महीने गाणी रेशमी धागेग्रां वरीक सुइथां च परोई ने कशीदाकारी करदियां ग्रपणिया चतिरयाइया दी सहादत दिन्दियां। ग्रां च एड कला-कृतियां बड़ीया साम्भ-सम्भाला रखोंदियां न। कई वारी तां दिखणे च औंदा जे कपड़े लीरां-लीरां, कितरू-कितरू हो गियो हुन्दे तैह च रखयो रखयो। कुड़िया दे व्याहे दा दाज कने घरें ग्रायो परौह्णयां दी ग्रादर-खातर ही इसा कला दी बड़ी-बड्डी प्रेरणा लगदी थी। पर हुण तां मशीनी कढाइयां, कुड़ियां-बिट्टियां जो पढ़ने-लिखणे कने कमाणे-खाणे दी सोच, एह् कलां मशीनी-कारीगिरां दे हत्थों सुलकी गइयां न।

इन्हां रमालां, चोलियां, बुग्गां, चादरां, गलीचियां वगैरा पर कृष्ण-लीला, रासलीला, राग-रागितयां कने पुराण-कथां दियां तस्वीरां कशीदियां हुंदियां न । वैठकुयां कने रमालां (चोलियां च वि) गोल पैसे साहीं सीह् से वि कसीदयो हुंदे। इस कने एह होर वि छैल कने चतरैंमे भरियो लगदे। हिमाचल उद्योग विभाग इसा भुलदिया-विसरिदया कला-परंपरा जो संभालने बखी सरोह्ता भरियां कोसतां करा दा ऐ। पर एह इसा कला परंपरा कने स्वाभावी गुणां जो जीन्दे रखणे च कुदी तिक्कर सफल हुंदा ऐ, भविक्ख ही गवाह ऐ।

कुल्लुई, सिरमौरी कने किन्नौरी टोपियां हस्तकला दा इक वखरा कने नोखा नमूना न । कुल्लु दे शाल-दुशाले, लाहौली नमदे, गलीचे, पट्टू वास्तुकला-सौष्टव कने परंपरा च प्हाड़ी चित्तरकला वरोवर न । फटेग्रो पुराणे गुदड़ां, लीरड़यां जो नौए कपड़ेग्रां च लपेटी ने गुडियां वणाणे दी दी कला, बुडियां दा चतरैमा वेमिसाल ऐ । इन्हां दा केश विन्यास, मुखा-कृतियां, रूप-छलैपा, वेषभूषा वगैरा जो वड़िया श्रद्धा कने चतरियाइया ने कशीदया जांदा । इंयां ही रोज सौणे-बौह्णे जो वणाइयां 'खि'न्दा' कने वैष्कू (बिछीने) बड़े-बड़े कारीगिरां जो मात करदे न । चम्बे कने भरमौरे दे पट्टू, चादरां अपणी खिच रखदियां न ।

रंगाई-छपाई: म्हाबले च कपड़े रंगणे दा कम बी बिड़्या श्रोह्ता दा रिहा ऐ। मिस्टर किपिलिंग लिखदे न— एह् कांगड़े दी स्रसाधारण विशेषता ऐ। इत्थु छपस्रो कपड़े स्रांच दिल्लिया दे छपस्रो कपड़े स्रां ते वि बदी करी छलैंगा कने सफाई मिलदी ऐ। इत्थु दे घराह्ड़े कने छीम्बे इसा कला च पुज्जी करी थे। खासकरी प्हाड़ी लोक—गद्दी, पंगवाले, कोले, ढीगरी बगैरा इन्हां दे रंगयां कपड़े स्रां ही पह्नदे थे। गिह्यां दे चोले कने लुस्रांचिड़्यां इह्दे चुभदे नमूने न। छीट कने खद्दर रंगोई-संगरोई ने मिल्लां दे कपड़े स्रां जो मात करदे।

गैह्णे गट्ठे दी घड़ाई:

सुनारां दा कम्म वि लोककला दे कोई घट नमूना नी। गद्दणी दे गह्णे— चक, फुलियां, राणीहार, चन्द्रहार, नत्थलू, बालु, बंगां, टोके, विच्छु, गूठियां, थिपू तां क्या कुलुई, सिरमौरी, किन्नौरी, लाहौली, पंगवाली वगैरा जनजातियां दे गह्णेग्रां पर नजर टकाई दिखिये तां सर चकराणा लगदा। उच्चियां जातियां च सुन्ने दे गह्णेग्रां दा रुग्राज कने तिन्हां दे 'डिजाइन' इक ग्रलग परंपरा कने कला-रूपां दा पता दिन्दे न।

वेंह्जां दा कम्म : डूमणे स्रांदा बैह्जां (वांस) दा कम्म वि इक

बखरा कला रूप ऐ। खेतिया, घर-गृह् स्थिया कने होर साज-सजावटी चीह् जां, तिन्हां पर लाल-पीले रंगां ने चित्तरकारी तिस जात्ती दी कला-प्रियता दी गवाही दिन्दे। न छक्कू, पटारू, डल्लां, टोकरियां, पेड़ू, किरिनयां, संगारदान, फूलदान, चिक्कां, कुर्सियां, मेज, बुक-रैक इसा कला दे नमूने न। चमड़े दे कम्मे च वि लोककला सुझदी ऐ। चम्बे दियां चपिलयां, तिल्लेदार जुटकू कने पणियां, गादे-जुट्टे, किन्नौरी, सिरमौरी कने लाहौली बूट अपणे-अपणे इलाके च इसा कारीगिरिया कने कलारूपां दे अप्पूं गुआह्

गोदना: महाचली जनजातीय लोकां च गोदना परंपरा वि मिलदी ऐ। शरीरे जो मोर, तितर, मछली, फुल्ल-पत्ते, चन्द्र, अर्धचन्द्र, सूरज चित्त नां वगैरा खुदाई ने संगारने-वणाणे दा इक कलपदा चाठ मिलदा ऐ। मरद-जणासां इसा कला-परंपरा ने बड़ा प्यार रखदे न। मेले-कमेलग्रां च इसा कला-कृतिया दे कई नमूने मिलदे न। मत्थे, ठोड़ियां, छातियां, जंघा, बाहीं, मूनेग्रां पर मसीनी सुइया दी पीड़ स्हारी ने जिसमे पर गोदना करवाणा, इन्हां दे वस्वास कने रस्मां वि कम्म करदियां न। मैंह्दी कने तयूर लाई ने वि जणासां शरीरे दी वणक-ठणक वणादियां न। मैंह्दी लगाणा वि इक कला ऐ। हत्थां-पैरां जो इबा सजाया-वणाया हुंदा जे दिखणे आला घड़ी-भर मने संभालदा वकलोई जांदा।

चिवका दे भाण्डे, बर्तण कने रिलयां: घुमारां दा कम्म—घड़े, पातड़ियां, चाटे, हंडू, पारू, दीये, दयूड़ियां, करुऐ, ग्रौलियां, खेल, खिलौने वगैरा वि हस्तकला दी ग्रपणी वरास्त कने वांक रखदे न । चिक्का-मिट्टियां दिया इन्हां कला-कृतियां पर गोलुऐं कने पीलियां-कालिया मिट्टियां ने फुलकारी वगैरा न कई कला-रूप झांकदे न । कांगड़े च 'रिलयां' (शिव-पार्वेती दियां मूरतां) वणाणे दी कला वि बेमिसाल ऐ । पिता-पुरखी कला-परंपरा नभांदे इन्हां दे कलाकार ग्रदेए चेह्रे घढ़दे, जिल्ला गत्लां करा दे होन, सचले फोट्ट लगदे । तित्थां-तिहारां पर भांति दे पकवान कने व्याह्-कारजां पर विणयां धामां, नेकां स्वादां भरयो न्योड़े, खान-पान लोककला दी ग्रपणी वखरी कने सुग्रादली पछुँण दिन्दे न ।

मुहारे-मुखौटे कने स्वांग:

किन्नौर, लाहौल-स्पीती कने सिरमौर-कुल्लु च मेले-कमेलेग्रां, पर्व-

तिहारां पर मुहारे-मुखोटे लाई ने नाच-रंग करणे दी परंपरा वि मिलदी ऐ। दणहरे पर वि ठाह् री-ठाह् री रामलीला दे कई दृश्य मुहारेम्रां लाई ने झांकियां वणाई कढे जांदे न। किन्नौर कने कुल्लु च देव-दानव नृत्यां संबंधी कई कथां सुणने जो मिलदियां न। राकसी मुहारे लाई माह् णुम्रां दा देवतेग्रां ने जुद्ध करणा इत्थु दे इतिहासे कने संस्कृतियां पर लो पांदा ऐ। विशेष मुहारे वाह् रे ते मंगवांदे न, एह् संकेत वि मिलदे न। होलियां दे मेलेग्रां पर पालमपुर कने सुजानपुर देवी-देवतयां दे डोले निकलदे, जिन्हां जो स्वांग वि बोलदे। घुग्घर (पालमपुर) कने वन्दले (पालमपुर) दियां पार्टियां दी तां स्वांगा बणाने-चणाणे च हार-जित पई जांदी ऐ। मुंडुम्रां, कुड़ियां जो देवी-देवतेआं दे कपड़े, गह्णे कने होर संगार बणाण करी अदेम्रा सजाई दिन्दे जे लोक तिन्हां जो सीता-राम समझी मत्थेआं टेकदे, पैसेग्रां चढ़ांदे, सुबखणा सुखदे नी थकदे। थोड़यां शब्दां च स्वांग तैयार करणा वि इक प्हाड़ी लोककला दा नमूना ऐ, जिसदी परंपरा इत मिलदी ऐ।

सालोत, विष-वैद: सालोती (इंगरां दी वदंगी) वि इक लोककला ऐ। इसजो कोई कुसी स्कूले जां हस्पताले च जाई ने नी सिखदा। एह् पिता-पुरखी कला ऐ। एह् घर-सिखन्तरू डाक्टर उतिरयां, चिह्यां कने टुटियां हिडयां विड्या चतरयाइया ने जोड़दे न। इस ग्रास्ते सैंह्, कुसी ग्रेजी दुआई जा जैंकसना, सुइयां दा प्रयोग नी करदे, पर देसी जड़ी-वृटियां दी मालस करी ग्रपणिया कला दी मह्रमी दिन्दे न। शरीरी-अशरीरी वमारियां ताई वि कई किस्मां दे जटके-टोटके, टूणे-टेसे, जंतर-मंतर, धागा-डोरू करदे न। सर्पा, विच्छुग्रां दे डंग (जैह्र्र) डालियां-मंतरा कने धागे-डोरूयां दे जोरें उतारदे न। हलक्यो (पागल) कुत्तेग्रां दे खाह्र्यो ठंडे नाडुआं दा पाणी मंत्री ने पियाई निफकरा जीण जीन्दे न। जोगियां-गारियां दे दवातरे दा कमाल कने ग्रोपरे, ग्रशरीरी (लोक देई-देग्रोग्रां दे रस्सणे पर लगयो रोग) बमारियां दा हाखीं फरकदयां दूर करने दा दावा करदे न।

हिनोप्लास्टरी: कांगड़े च नक्के दिया जगह पर नौग्रां नक लगाणें दी परंपरा वि रही ऐ। एह परिवार कांगड़े भीणा वाली माता दे मन्दरे दे नेड़े ही रैंह्दा था। इसजो नकैंड़यां दा टोल्ला बी बोलदे थे। इन्हां दिया हुनरी (कला) हुण्यारिया जो दिक्खी ने श्री बार्नस होरां सैटलर्मेंट रपोट च लिखिया ऐ जे—हिनोप्लास्टरी च कांगड़े दे सर्जनां (नकैह् ड्यां) इ बड़ा कमाल हासल ऐ। एह् लोक कटोयो, भडोयो, सड़यो, बढयो नक्के कि ठाह् री नौग्रा कने हूबहू नक लाई दिन्दे। एह् नक सचले नक्के सहं सूंघणे, मुस्क लैंणे दा पूरा कम्म करदा ऐ। एह् कम्म इतिड़या हुण्याकि ने करदे जे मुंहें दे छलैंपे पर कोई खराबी जां विकार नी ग्रींदा। मैक्समूका ने वि 'भारत से क्या सीखें' पोथिया च लिखिया ऐ जे—हिनोप्लास्टरी कि योष्प देग्रां सर्जनां विक्टोरिया दे राज्जे च भारते दे सर्जनां ते सिक्खी। इन्हां कलाकारां दी ग्रल्ल 'नकैंह् ड़ें' पई गेई। सुन्दर नायें दा नकेह्ड़ बीह् मयां सदीया च बड़ा मण्हूर रिहा। तिसदे हत्थें दिया सफाइया वे श्रोह्ता सारें गजदी-बजदी रही।

नचोड़: म्हाचली लोककलां दा उपरला ब्योरा स्हांझो सोचने को गलाण जो मजबूर करदा ऐ जे इस प्रदेसे दियां लोककलां दी परंपर, इतिहास, खासीयत, छलैपा, उपयोगिता कने संस्कृतिया संबंधी परख-पच्छैण दी समर्थ रखदा ऐ। एह् कलां इत्थु दियां नवासियां दी नमुल्ली विद्या ऐ, जिसको सैह, बरास्ता सांही संभालदे प्रजोकिया ग्रंसया जो सखांदे को परोकिया जो प्रेरणा दई सिखणे दी समझ-सुरत छडदे न। ग्रजोका साई सी जुग खाणे-जीणे, चलणें-हंडणे दे कई रंग-ढग बदलदा छालों-छड़णे भरा दे ऐ। परंपरां, हआजां, रिश्तेदारियां, साख-सरबंध, मान-ग्रादर, ल्होक-बड़याई, सरम-धरम सब किछ नौइयां सधोटां लांदा ग्रपणा चमत्कार दस्सा दा ऐ। मशीनी जुग माह्णुऐं जो हत्थे ने कम्म करणे दी प्रेरणा कने रोटी कुदी तिक्कर दिन्दा इन्हां हस्तकलां कने होरनी कलां रूपां जो उमर दिह्णा, एह् सोचणे दा सुआल ऐ। पर एह् वि सच ऐ के कुसी जाति, वर्ग, देश, प्रदेश दी भाशा, संस्कृति, लोकाचार, कलाहण्महेशां बखरे-बखरे रैह दे कने तिन्हां दे स्हारें ही सैह् जाति, देश, सभ्यती फलदी-फुलदी संसारे च ग्रपणा अस्तित्व वणाई रखदी ऐ।

Some

प्हाड़ो चित्तरकला

संसारचन्द शर्मा

जिस बेल्ले अस उस भारती चित्तर-शैली दी चर्चा छेड़ने ग्रां, जिसगी 'प्हाड़ी' नां कन्ने जानेग्रा जंदा ऐ तां असें उसदी भूगोलक स्थित बारै ध्यान रक्खना पौग । जिवालक दियां पहाड़ियां, जेह डियां पुन्छा थमां गढ़वाल तक्कर फैली दियां न, ए ख'ल्ल पद्दरे मदानें दे उप्परें-उप्परें न ते उन्दी बनावट आमतौरै पर रेतली 'सैडीमैंटरी रॉक्स' जां 'कांगलेमोरेट' ऐ। उन्दे च नेकां खड्डां-नाले ते नदियां वगदियां न । ए प्हाड़ियां थियेटर दी गैलरी साई उत्तर पासै पद्धरे मदानें गी दिखदियां न। कुसै जमाने च ए लाका, बक्खरे दा बक्खरा रेहा ते कुसै इस पासै नज़र मारियै नेई दिक्खेआ। पास्सा वी नकेवला हा । इन्हें प्हाड़ियें च घने जंगल, कंडे स्रालियां झाड़ियां ते भयंकर जीव-जन्तु हे । आग्रो-जाई घट्ट ही । लोक साद्दे भोले ते निष-कपट हे। लाई-लग्ग होने करी म्राखै लग्गी जन्दे हे। धार्मक ते ब्हादर वी हे । मदानी लाका हमलावरें गित्तै शह्राह् ही । जिन्ने हमलावर स्राये उत्तर-पच्छमी रस्तै ग्राये । लुट्ट-पट, खून-खराबा ते कीता—पर ग्रो किछ पद-चिन्न बी छोड़ी गे। भाशा ते संस्कृति पर उन्दे नशान मिलदे न। केई जातियां ग्रपने नशान ग्रंकत करी गेइयां। नस्से-भज्जे दे लोकें गी इनें प्हाड़ियें महेशां शरण दित्ती ऐ।

ख'ल्ला देसा दा महामारियां जिय्यां 'प्लेग' बगैरा इस पासै आइयां।
फैशन बी ख'ल्ला उप्पर चढ़े। किश लोक जेह् ड़े हर नमीं चीजा दे बैरी
हुंदे न, ग्रो रूढ़िबादी खुआंदे न। प्हाड़ी लोकें दे मुंहां दा उन्दी खिझ इंयां
व्यक्त हुंदी ऐ ''जेह्ड़ी बलाऽ ग्रच्छनी ऐ, बु'न्ना दा ग्रच्छनी ऐ।'' संसारै

च लैन-देन बने दा ऐ। ख'ल्ला दा छ ड़ियां कबैह्तां गै नेई आइग्रं, चंगियां चीजां बी ग्रौंदियां रेहियां। संस्कृति च जेह् ड़ी खूबसूरती ग्राई, ओ बी ते ख'ल्ला दी देन ऐ। ग्रो भाएं भगोड़ें ग्रांदी जां इस्सै पासै दे लोक सगात समझी लेई ग्राए। हून ग्रो इत्थें फली-फुल्ली ग्रपनी मैह्क लोक ग्रे दस्सा दी ऐ। कला बड़ा सूखम ते नाजक बूटा ऐ। ए जरा ताऽ, घा नेई सहारदा। कला गी खु'ल्ली व्हा, प्यार, सम्हाल, देख-रेख दी लोड़ हुंदी ऐ। इये परवस्तियां इसगी सरोखड़ बनांदियां न। जिन्ना ग्रमन-चेंन होग, उन्नी फलो-फुल्लग। कला अपने बेल्ले दी बड़ी सच्ची सुच्ची ते इमानदारी ग्राली शाह्दत ऐ। ए ग्रपने मूल-थाह्रा दा ज्वलंत परमान ऐ। इस च संस्कृति ते सभ्यता झांकदी ऐ। इस च निरी सभ्यता दा स्तर गै नेई ल'बदा, इस च लोकें दी मानसक स्थिति प्रतिबिम्बत हुंदी ऐ। चित्तरकला बारै कुसै सच्च गै ग्राखेग्रा ऐ जे ए सभ्यता दी रैह्द (Fossil) ऐ। ए कुसै तरीखदानें दी अतिश्योक्ति नेई । ए कुसै भाट जां मरासिये शै कसीदा-गोई बी नेई ।

क्लाइक छुई-मुई ग्रांगर नाजक बूटा ऐ। ए उस भोली-भाली कंजक स्रांगर ऐ, जेह् ड़ी लड़ाई-झगड़े च राह्न परेशान, डरी-सैह्मी दी कम्म-काज ठप्पी मुंहां च उंगली दवाएं दे डेल्ले कड्ढी खुंजा खड़ोती दी रौंह्दी ऐ। जिस वेल्लं अमन-चैन परतोने पर बसैंती हवा झुल्लै - इस च ग्रपने-ग्राप कुंगली पौंगर पौन लगी पौंदी ऐ । फुल्लड़ू टाली-टाली हस्सदे समें दा स्वागत करदें न ते खुशियां बेह् इ च तिलकनी पान लगी पौंदिर्ग न । कला खुकी दाफुल्ल ऐ। एदा गमी ते दुखें कन्ने सरोकार नेईं। इतिहासकार ते कला मर्मज्ञ इस गल्ला गी मनदे न । कला छड़ी संस्कृति दी परमान नेई, इस च मानसक प्रवृतियां ते विश्वास बी भाख लांदे न। इस च राजनीतक स्थिति दा गै चित्रण नेई हुंदा, एदे च स्रार्थक स्तर दा बी पता लगदा ऐ। छड़ी म्हत्त्वाकांक्षी राजें दे वैभव, श्राचरन ते उन्दे शुगलेंदा गैपता नेई मिलदा, उन्दे ग्रन्दरले जीवना दी इ.लक बी गुत्थियां खोल्ली टकांदी ऐ। लोकें बी धार्मक रुचि, व्यसन, व्यवसाय, जैंतर-तैंत्तर, ग्रंध-विश्वास सारे पास्से, ग्रपनै अपनै लिश्कन लगी पौंदे न । जिल्हें राजें रोमांस दी लोड़ ही, उन्दे ग्रास्ते चित्तरकारें वैश्णव कविएं दे मूंहे. पर हत्य रक्खेश्रा ते वासना कन्ने गलेफो दियां रचनां पेश कीतियां, ते कृश्ण दी

उपै चिरत्तर चित्रण कीता जेह्ड़ा मालकें गी पसंद हा चित्तरकार दी तूलिका ग्राप्ते रिजकदाता ग्रास्तै ही । ग्रोदे रंग मालक दे रंगें रंगोए दे हे । उनें चित्तरें थमां इपै परतीती हुंदी ऐ । लोकें दे विश्वास मतावक भगवान मता कोल हा । ग्रो ग्रराधना दे दायरे च ग्राई व'ज्जी जंदा हा । केई भावनात्मक गल्लां चित्तरें दे परखने ते उन्दे सुआतम समझने च बड़ियां स्हायक सावत हिन्दयां न ।

्री भूरकापट, पह्ला ग्रादमी हा, जिस ने पह्लो पह्ल प्हाड़ी चित्तर-कारी गी भारत च दिक्खेआ ते स्रोदी चर्चा कीती। ए कोई 1820 ए० डी॰ दी गल्ल ऐ। मूरकाफट ने राजा संसारचन्द दे दरवारै वारै लिखेआ ते ग्रो उस बेल्ले दे चित्तरकारें कन्ने बी मिलेआ । ग्रोदे बाद ए० कुमारा-स्वामी (आई. सी. एस. जेह् डे सिलोन दे रौह्ने ग्राले हे) 'बोस्टन' दे म्यूजियम च भारती सैंवश्न दे इन्चार्ज रेहा । उनें ग्रपने ग्रध्ययन च प्हाड़ी चित्तरकला दी बधी चिंदये तरीफ कीती ते उन्दे उस बेल्ले दे कड्ढे दे निश्कर्श हूना तक्कर परमाणक न । उस विघ्लेषन च प्हाड़ी चित्तर ग्रंलिएं दी बडेग्राई ते खु'िल्लये चर्चा कीती ते बक्खो बक्खो बंड-बंडारा कीता। 'ई. बी. हेवल जेह् इं कलकत्ता च 'म्रार्ट स्कूल' दे प्रिसीपल हे, ने भारती लोकें पर बड़ी खि'ज दस्सी ते उस बेल्ले पच्छम दी नकल करने स्राली भिड्डचाल गी निन्देया। भारतीएं च हीनभाव भरोचे दा हा ते ग्रो ग्रंधा-धुंध पच्छम गी महान समझी अपनी कला ते कल्चर गी भुलाऽ दे हे। हेवल ने चित्तरकला ते मूरती कला वारै ज्यादा बस्तार कन्नै चर्चा कीती ते कन्ने जम्मू, बसोह्ली, कांगड़ा, कला दा नाम संस्कार-कीता। फी ओदे बाद 'कलकत्ता स्कूल आफ ग्रार्ट' दे दूये प्रिसीपल 'पर्सी बाऊन' ने सारी भारती-कला बारे लिखदे हिन्दू, बौद्ध ते मुगल कला दी बबखो-बक्ख चर्चा कीती ते कलाकारें दे कम्म करने दे ढंग ते उन्दी बरतूने च ग्रौने आली समग्गरी दी चर्चा बी छेड़ी। ए ओ जमाना हा, जिस बेल्लै मुगल चित्तरें दी मांग बघदी जा करदी ही। प्हाड़ी चित्तर शैलिए दा उद्गम स्थान वी उसी थापेग्रा गेग्रा। उस्सै बेल्लैं कला-प्रेमिए दा रौं कांगड़ा शैली पासै बी बदलोग्रा। सच्च पुच्छो तां कांगड़ा शैली भारती-ग्रात्मा दी (ग्र)वाज ही। मुगलकाल दे कलाकार मुगल दरवार कन्ने ब'ज्जे दे हे। भारती संस्कृति गी उस्सरने दा मौका गै नेई मिलेग्रा। जेह्डी हिन्दू संस्कृति ही ग्रो इक खु ल्ला बातांवरण चांह्दी ही। ए इक इन्ना बड्डा खेतर हा, जिस च चित्तरकला गी चौनी पासें खु'ल्ल ही। सारा साहित्य दबोए दा ते सारियां पुराणे दियां कत्थां अनछूतियां वलगा करदियां हियां। बाकी भारती कला शंलिएं गित्तै फाटक खु'ल्ली गेग्रा।

हर्बर्ट रीड, ग्रजित कुमार मुकर्जी, वेसिल ग्रे, वेंजामिन रौलेंड, डब्ल्यू, जी. ग्रार्चर, कार्ल खण्डेलवाला, ल्यौन वेटिस्टा, ल्योनिल हीथ, मुल्कराज सराफ, एम. एस. रंधावा ते गोस्वामी इस प्हाड़ी शैली दी ववेचना गित्ते अगड़े वधे।

प्हाड़ी चित्तरकला दी प्रभुता इन्नी बधी गेई जे-संसार-भरा दा कोई अजैवघर कोई कला-गैलरी नेई, जित्थें इस कला दे नमूने नेई होत। डब्ल्यू. जी. ग्रार्चर ने अपनी कताव, 'पेंटिग्स आफ पंजाव हिल्ज' च बड़े बस्तार कन्ने उने चित्तर-जैलिएं दी चर्चा कीती, जेह डि़यां शिवालक च पिलयां ते उस ब्योरे दा जिकर करदे, उसने दस्सेआ जे शिवालक च कोई पैत्तरी केन्दर हे, जित्थें प्हाड़ी-चित्तर शैलिएं, ग्रपने गुणें दा बवखो-बवस रंग दस्सेश्रा। श्रार्चर ने राजें दियां बैंसावलियां पता कीतियां, जिदे दरवारें कला ने स्थान पाया हा। सब्बनें थमां बहुा कम्म जेह्ड़ा ग्रार्चर ने कीता, श्रो हा जम्मू केन्दर वारे जानकारी। कांगड़ा पुज्जने थमां पैह्लें मुगल कला दा जम्मू पुज्जना ते एह्दा 'प्री-कांगड़ा कलम' नां रखोना — उसरी , गै खोज दा नतीजा हा। नैन सुखा दे हत्यों दे चित्तर जेह््ड़े उन्न राजा बलबंत दे दरवार च बनाए हे, ग्रार्चर ने पूरी पड़ताल कीती। उन्न नेही सोध सोधी जे इस कलमा दे चर्चे गी कुन्दन बनाई गेआ । हून लोकें ए निश्कर्श बी कड्ढेग्रा जे राजा बलवंत इन्ना कला-प्रेमी हा जे उस ग्रापूंबी चित्तरकला च हत्थ-शत्थ मारेग्रा। एम. एस. रंधावा इस कला-पारखी कन्ने पिच्छें-पिच्छें टुरदा रेहा। फी रंधावाने बी कांगड़ा कलमा पर कलम चुक्की ते रिज्जिय गुण गाए। रंधावा ने, स्त्री चित्रण, जेह््ा कांगड़ा कलमा च होग्रा, दी भाव-व्यंजना करदे उस बू'टे गी इक ग्रजीब वनाई दित्ता। सच्च पुच्छेग्रा जा तां इस कांगड़ा-शैली दा नमूना जेह्र्ड़ा 'ग्रमर मैह्ल म्यूजियम' चलगो दा ऐ- ओदी मसाल भारती कला-कृतिए च नेई मिलदी। इस शैली ने मुगल-शैली गी फिक्का करी दित्ते ऐ। इस कलमा दे किछ चित्तर 'बड़ोदा म्यूजियम' च दिक्खे गे न ।

कार्ल खण्डेलवाला होर इक एडवोकेट न पर । उन्दी कला बारै नजर बड़ी पैन्नी ऐ ते उन्दे निश्कर्श बी काफी म्हत्तव रखदे न । उन्दी कलाकारें बार खोज सराह ने-जोग ऐ । उनें 'सेन' दी बैंसावली ते नेई दस्सन होई पर ग्रो सेन दे दरबारा बार मता किछ दस्सी सके न । उन्दी कताब मते चंगे निरने लेइये सामने ग्राई ऐ । उनेंगी इक मश्हूर ग्रालोचक ते समीक्षक समझेग्रा जंदा ऐ । उन्दे निरने बजन रखदे न ।

1950 ए. डी. च शैनशाह् ग्रकवर उस बेल्लै पैंत्तरियें व'रें दा होग, जिस बेल्लै कृष्णपाल बड़े नजर-नजराने लेइये स्रोदे दरबार च गेस्रा। ए बसोह ली दा केंदर कन्ने पैह ला संपर्क हा। उंग्रां मुगल चित्तरकार 1720 जां 1750 ए. डी. च शिवालक पुज्जे । दारा शिकौह् दा पुत्तर सुलेमान शिकोह् 1658 ए. डी. च गढ़वाल गेम्रा ते स्रोह् अपने कन्ने चित्तरकार वी लैदा गेग्रा। भीलाराम उन्दे चा कुसा दा वंशज श्राखेश्रा जन्दा ऐ। इस कलाकार नै वड़ा जस्स कमाया। इस कलाकार बारै मुकुंदी लाल नै मता किछ लिखेग्रा ऐ। ए आखना मुख्कल ऐ जे किन्ने कलाकार दिल्ली दा आए । वेगुमार हत्थ दिक्खने च ग्रौंदे न ते कला वी ग्रनसम्ब ही, जेह्डी ग्रजें तगरा बांदै हुन्दी ग्रावै करदी ऐ। किन्नी कला-कृतियां मूर्ख लोकें दे हत्थ चिंदयां ते किन्नियां सिनकू, सि'ल ते ग्रग्गी दे हवाले होइयां — इच्बी लाना नेई लान हुन्दा। ए कला सारी दी सारी अज्ञात लोकें दी तख्लीक ही, इस दा बेत्रीकरण मुशकल ऐ। ए पता करना नामुमकन ऐ जे कु'न केह्ड़ी कलाकृति कोदे हत्थै दी ऐ। हत्थ बक्ख-बक्ख भ्रपना थां-पता दिंदे न पर, बनाने स्राले दा पता नेई स्रो कु'न हे ? सेन दा पुत्तर 'नैनसुख' राजा बलवंत दे कोल राज-दरवार च रेहा । उसने राजे दे केई चित्तर बनाए।

बलवंत देऽ दा बहुा भ्रा रंजीतदेऽ जम्मू च राज करा दा हा पर ग्रोदा कोई चित्तर बने दा ग्रजें तक्कर नेईं ल'ट्वा। उंग्रां राजा बलवंत देव दे जेह् इं चित्तर छपी चुके न, उन्दे लावा लन्दन च इक ग्रादमी डा. मैनले दे संग्रेह् च बी न। ए गल्ल से'ई होंदी ऐ जे उस बेल्लै कार्ल खण्डेलवाला दे आखे मताबक दौं चित्तरकार उस बेल्लै बी कम्म करा करदे हे — 'दीदी' ते 'बांजन'।

इतिहास दसदा ऐ जे जम्मुग्रा दे राजे बी दिल्ली जन्दे हे। ओ बी

मुगल कला गी दिखदे होंगन ते उनें गी बी चाऽ ग्रींदा होग जे उन्दें बी कोई नेइयां-जनेइयां चीजां लीकने ग्राले होन । योरपी यात्तरू विलियम फिल्म ने लाहोर च बादणाह् जहांगीर दे वेल्ले दे किछ चित्तर दिक्खे । इक चित्तर नूरपुरे दे राजे वसुदेव दा ऐ ते दो चित्तर जम्मुग्रा दे राजें दे न—इक ध्रुवदेंऽ जम्मुग्रा दा राजा ऐ ते दूशा वाह् वे दा राजा ऐ ।

गोस्वामी लिखदा ऐ जे दिल्ली दी कला गी ग्रानने ग्राले तै गै जो होई सकदे न, कोई राजा, कोई शाहूकार जां कोई चित्तरकार गै ग्रापू ग्राया होग। गोस्वामी लिखदा ऐ, जेह्ड़ी तबदीली इस नमें वातावरण च कला च होई, ग्रो झटपट नेई होई सकदी—मुगल कलम ते प्हाड़ी कलम च फर्क ग्रापू गै स्पष्ट हुन्दा ल'बदा ऐ। केई नॉर्मज छोड़ी देने पर होलिया गै बदली गेआ। मुगल कलम इने श्रृंखलाएं च कदूं पुज्जी—केई ग्राखदे न 16 मीं शताब्दी च। ग्राम मत 17 मीं शताब्दी दा ऐ।

इस गल्ला च झूठ नेई जे मुगल कला थमां पैह्लें इक कलम मौजूद ही, जेह्ड़ी राजस्थानी कलम कन्ने मिलदी ऐ। इस कलमा दा प्रभाऽ जम्मूच बसोह्ली दी इक ग्रपनी वक्ख शैलीच हा ते ग्रोदा प्रभाऽ वधदा-बधदा जम्मू, नूरपुर, भद्रवाह्, किश्तवाड़, मंडी, सुकेत ते कुल्लु तक्कर श्राम हा। इस कलमा च 'गीत गोविंद' ते 'रसमंजरी' दे चित्तरें जैसे चित्तर बने। रसमंजरी दे त्रै मुकब्बे जेह् इे थ्होए स्रो साफ-साफ पता दिंदेन, जे ए कलम कियां कांगड़ा शैली दे प्रभाऽ च ग्राई। भूपतपाल ने 1635 ए. डी. च बसोह्ली गी राजधानी बनाया । इस बैंशा दे सारे राजे कला-प्रेमी हे । संग्रामपाल दिक्खने च बड़ा सुन्हाकड़ा जुग्रान हा । दिल्ली च रौह्ने करी उसने उत्थुं आं दा रौह्न-बौह्न दिक्खेश्रा, राजदरबार बी दिवखदारेहा — होई सकदा ऐ ग्रोदै बेल्लै गै कला नै वी बसोह्ली च पर्दापन कीता होयै। 1918-19 ई. च 'सैंट्रल म्यूजियम लाहोर' दी रिपोर्ट जेह्ड़ी 1921 ई. च छपी, हीरानन्द शास्त्री ने दस्सेग्रा जे मती सारियां बसोह्ली दियां तस्वीरां हियां, जिन्दे हाशिए नीले, पीले ते है। एस. एन. गुप्ता (प्रिसीपल मेग्रो ग्रार्ट कालेज) ग्राखदा ऐ जे ए चित्तर मुगल शैली कोला पुराने न। ए नेपाली शैली कन्ने मिलदे न ते उंग्रां सेही हुंदा ऐ जे ए ग्रजन्ता चित्तरें दी परम्परा गी कैम रक्खा दे न । बपारियें इन्हें चित्तरें गी तिब्बती ग्राखेग्रा। ए सतारमीं शताब्दी दे न। इन्हें

चित्तरें दी परचोल उस बेल्लै बी बधी जिस बेल्लै एन. सी. मेहता जेह्ड़ा ग्राई. सी. एस. हा ते कांगड़े पासे डी. सी. रेहा, इक चित्तरें गी दिक्खी अपनी कतांबें च लिखदा ऐ जे इत्थें इक जनांनी चित्तरकार 'मानकू' नां दी बी होई ऐ। भारत च जनांनी चित्तरकार इक ग्रचम्बा हा। मुगल शैली दी इक मात्तर चित्तरकरत्री 'शहीफा बानो' ते ऐ ही। ए इक होर प्हाड़ी चित्तरकरत्री ही। इक चित्तर पर इक श्लोक लिखे दा हा जेदे च चित्तर बनाने ग्राले ते बनवाने आले दौनी दे नां हे। इक दे वशेशण जनाने बझोंदे हे। एह्दी बड़ी चर्चा होई। श्लोक इंगां ऐ:—

मुनी वसु गिरि सोमे संमिते विक्रमाब्दे, गुणि गणित गरिश्ठा मालिनी वृत्त वित्ता। व्यरचयदज भक्ताः माणकु विव्यकत्ती, ललित लिपि विचित्रं गीत[्]गोविंद चित्रम।।

जेह ्डे चितर जनाने न, उन्दें करी गड़बड़ होई गेई। मता चिर इस गल्ला पर चर्चा चली—कोई फैसला नेई हा होआ करदा। खीर, विद्वाने दी इक कमेटी बनी। ए कमेटी बम्बई च बैठी। ग्रादमी बड़े मारके दे विद्वान हे। ए फैसला होआ जे मानक नां दे चित्तरवार गी मानकू लिखेग्रा गेआ ऐ। ए उऐ 'सेन' दा वंशज ऐ। मानका दे हत्थें दे मते चित्तर मिलदे न। मानकू नां मुड़ी नेई बौड़ेंग्रा, ब, हत्थ ग्रपने-ग्राप पन्छोई जन्दा ऐ। मानक, नैनसुखा दा भ्रा हा। चेह डि़यां बैसाबलियां हून छिपयां न—उन्दे करी हून कोई शक्क गैं नेई रेहा।

वसोह ली चित्तर वड़े त्रिक्खे ते चुब्भने आले, प्राइमरी ते सैंकंडरी रंगें दे बने दे न । रंगें दी शोखी ते चुंब्बा मूजब इनें गी 'सैंबेज' गलाया गेम्रा ऐ। ग्रक्खी बी गुम्राली दियां ल'बिदयां न । इनें तस्वीरें च जैन धर्म दियें पांडुलिपियें च बनी दियें तस्वीरें दा असर ल'बदा ऐ। ग्रादिमएं दे कह लम्मे न ते नक्क - मत्था सरोखड़। जनानिएं दे टल्ले बाजे थाह्र र बरीक न, संगार रिजय कीता हुंदा ऐ। सुन्ना, गोटा, मोती ते होए सबजे दे थां कुसै पक्खरा दा 'पर' लाये दा ल'बदा ऐ, जेह्ड़ा बक्खरा चमकदा ऐ। इस 'परा' दा इस्तमाल स्वाए बसोह्ली दे कुसै नेई कीता। एदा प्रयोग 'रस मंजरी' च गै मता ऐ। बूंटे बिलकुल लाक्षणक ढंगे कन्नें बनाए दे, रंगें च हारमनी थोड़ी, कंट्रांस्ट ज्यादा ऐ। बाजे थाह्रें शोखी

चुंबदी ऐ। चेह्रे ग्राम तौरै पर 'यक-चश्में न । यक-चश्में चेह्रें दा रबाज जहांगीर दे समें थमां चले दा ल'बदा ऐ। भाएं पुरानी जैनी पुस्तकें दी तस्बीरें च बी ऐ, अजंता दी कला च सब चेह्रे सामने वे लबङ्गन। बसोह्ली कला तेजमान ते खड़ंग ऐ। इस कला च इक बूंटा 'वीपिंग विस्लो' ऐ जेदा मते थाह्रें प्रयोग होए दा ऐ। इस कला च होरिजान बड़ा उच्चा ऐ। जिय्यां-जिय्यां ए कलम कांगड़ा शैली कोल ढुक्की, इस च मुलामी ग्रौंदी गेई। रंगें दें मेल बी बधदे गे। इक जने दा मत ऐ जे बसोह्ली कलमा दे नॉर्मज पैह्लें शिवालक च मजूद हे।

जिन्ना प्रोत्साह् न बसोह् ली दे राजें ते राजा संसारचन्द दे राजकाल च कला गी थ्होग्रा इन्ना उसगी कृतें बी नेई मिलेग्रा। इत्थें कला काफी समे तक्कर चलदी रेही। इस बेल्लें बसोह् ली कलमा दी बड़ी मांग ऐ। डब्ल्यू जी. ग्राचर ने पिछलें बारी ए गल्ल सनाई जे इक चित्तर दी कीमत इक लक्ख तक्कर पुज्जी गेई ऐ। 'रस मंजरी' मुकब्बे च इक दलान जां बारादरी समझो, सारी तस्वीरें दा केंदर ऐ। उसगी बी बड़ी सजीटा कन्ने दस्सेआ गेदा ऐ। इस च जित्थें बदल दस्से न, ग्रो दिलक्षण मरोड़ें च दस्से गेदे न। एदा शीर्शक सारा रोमांटक ऐ। कांगड़ा वलमा च ग्राभि-सारिका, परिकया उत्कंठा, प्रोढ़ा, सुिकया, विप्रलबदा ते होर चौंठ नायकां न।

वसोह् ली कलमा नै, किव केशवदास ने जेह् डियां चार किस्मा दियां जनानियां बयानी दियां न: -- ग्रनुकूला, दक्षणा, सठा ते दुष्टा -- उन्दा नायका-भेद ग्रपनाये दा ऐ।

हुन कला पारखी इस कलमा दी म्हत्ता गी वधाऽ दे न, की जे ए ख लं भारती कलम खुग्राने दे कावल ऐ। ए कलम राजस्थानी कलमा दी भैन ऐ, जिस कन्ने मिलिय इरानी कलम मुगल कलम खुग्राने दे कावल होई। अगर भारती राजस्थानी-कलम इरानी कलम गी नेई फिलदी तां ग्री खालस मुसलिम-मुगल रौह्नी ही। यक्तचश्मे चेह्रे मृगल कलमा गी राजस्थानी कलमा ने दित्ते। ग्रकत्वर दे वेल्ल जद्रं-क इरानी कलमा नमीं नमीं ग्राई दी ही, सारे दे सारे चेह्रे वे सामने हे। जहांगीर दे बेल्ल भारती ते इरानी कलमा दा संगम पूरा होग्रा ते चेह्रे प्रोफाइल च ग्राई गे। बल्लें-बल्लें राजस्थानी दी मात्रा वधदी गेई ते कांगड़े च ग्राइयें पूरी

भारती बनी गेई। 'लाईट एण्ड शेड' दा जेह्डा पच्छमी ग्रसर ऐ, श्रोदे वगैर सामने चेह्रे च प्रोर्ट्रेचर घट्ट हुंदा ऐ, 'पोफाईल' च पोर्ट्रेचर' मता हुंदा ऐ। बाकी परिण्कार वी बधदा गेग्रा।

जम्मू च पुराने चित्तर, जेह् इं सरकारी मैह्लें च ल'ब्बे जां वपारिएं कोला वी खरीदे गे, उन्दे चा मते मारे वसोह्ली कलमा कन्ने मिलदे न जां वसोह्ली दे न । केइएं च अपनियां खूवियां न । राग-माला दा इक मुकब्बा जेह् ड़ा मलूम होंदा ऐ ते खालस जम्मू दा ऐ । इस कलमा च चेह्रे मोह्रे कद्ध, म्याने, नुहारां निजी प्रतीत हुंदियां न । जम्मुग्नां च वी कला वधी । इसदे अपने चित्तरकार हे ते उन्दियां अपनियां समस्सेग्नां हियां । ए हत्थ बड़ा प्रिवड़ा ऐ । इस च पहुँ लें वारी सुन्ने दे कन्ने चान्दी दा वी प्रयोग होए दा ऐ, जिसकरी जम्मू कलमा दा ए वक्ख तजरवा ऐ । होर वी इक हत्थ दिक्खने च श्राया ऐ, जिस च भरमा दे ख'ल्ल ते उप्परले कुनासा दे उप्पर 'शेड' ऐ । अविधा बिहुयां न, पर, वसोह्ली साईं गुग्नाली दियां नेईं। ख'लके होठं दे वट्ट दिस्सय इस कारीगिर कमाल करी दित्ते दा ऐ । नेहा तजरवा, यज्जै तक्कर कुसै नेई कीता । होर वी केई चित्तर जम्मू च ल'ब्बे जेह् डे वक्खा दे ववख ल'बदे न ।

रंजीत देऽ दा राज ग्राया। उसने मते सारे राजें गी ग्रपने ग्रधीन कीता ते ग्रपनी राज सत्ता जालन्धर तक्कर नेती। उस दी दोस्ती ग्रहमद ग्राह ग्रव्दाली कन्ने होई गेई। उसने रंजीतदेव गी किज लाका वी दित्ता ते इक घोड़ा साज कन्ने सज्जे दा वी दित्ता। रंजीतदेव दा राज पैह्ले बड़ी ऐमनी दा रेहा। सैंकड़े लोक जम्मू च आई वस्से। पंजाव च खोह दल पेदी ही। चंगे-चंगे वगरी, कलाकार ग्रोदी सिफ्त सुनी शहर च ग्राए। राजे ने 'वस्त-एशिया' दे वपारा गी जम्मू चा रस्ता देने दी खातर मुसलमाने गी रियातां दित्तियां, मसीतां बनवाइयां। ग्राखदेन, उस वेल्ले शहर दी ग्रवादी इक लक्ख कोला वी उप्पर होई गेई। जम्मू दी ऐमनी दिक्खी, सेन दा पुत्तर नैनसुख वो ग्राया। राजा रंजीतदेव दा लौह का भ्रा बलवंतदेव हा, जिसगी, सरूई सर जगीर थ्होई दी ही। ए राजा बड़ा कलाभेमी हा। नैनसुख नै ग्रोदे मते चित्तर बनाए। एदे दरवारा च दो होर वी चित्तरकार है इक 'दीदी' ते दुग्रा 'वाजन' हा।

डब्ल्यू. जी. ग्रार्चर दी नजरी च नैनसुखा दे हत्था दे चित्तर 'प्री-

कांगड़ा' मिथे गे न । राजा रंजीतदेव दा पुत्तर नकम्मा निकलेआ । उस पर सिक्खें दा छाया पेआ तां उसगी ग्रफरा-तफरी पेई । शैह्रा दा बुरा हाल होग्रा। शैंह्र लुट्टेग्रा गेग्रा। दो बारी ते धाड़ुएं श्रग्ग लाई। नाठां पेइयां, लोक जंगलें च जाई बस्से । चौन्नें पासें त्राही-त्राही लगी होन। खबर नेई किन्नी कला सड़ी-फकोई होनी ऐ। फी बी जिन्नी कला जम्म् चा बाह्र गेई इन्नी कुते दा नेई गेई होनी। नाठें दे समे गी केई घृणा कन्ने याद करदे हे। ग्रफरा-तफरी दे बाद इक सतारा चमकेआ, जिय्यां ग्रंधी-झक्खड़ा दे बाद लो बंदोदी ऐ। लाहोर दे दरबार च गुलाविसह, ध्यानिसह ते सुचेतिसह पुज्जे । स्रपने गुणें मूजब स्रो राज दे बड्डे स्रधिकारी बने। गुलाबर्सिह गी जम्मू दा राज थ्होग्रा। राजा समझदार हा। ग्रो भ्रपनी ताकत बनांदा रेहा ते खीर इक बड्डी रियासत बनाई वैटा। उन्दा पुत्तर रणबीर्रांसह बी लायक निकलेग्रा । जम्मू-कण्मीर इक बड्डी रियासत बनने करी दूरा-नेड़े दे कलाकार ग्राई ढुवके। रुलदृ, हरीचन्द ते खास चित्तरकार हे। राजा प्रगतिशील हा। रणवीरसिंह दे ऐह्द च केईं मन्दर बने, मैह्ल बने — उन्दे च चित्तरकारी होई। भिती चित्तरें दा रबाज इन्ना वधेया जे कोई मन्दर, कोई बारांदरी ऐसी नेई ही, जित्थें चित्तरकारें ग्रपने जौह्र नेई दस्से। बुरज, परानी मंडी मदर, मानसर ठागरद्वारे वगैरा देनां इस सरवन्धै च लैते जाई सकदे न । कश्मीरा दा फुल्ल-पत्तर बनाने म्राले कमग्गर म्राए । म्रजैबघर बनने करी कारीगरें दी मांग होर वधी। चित्तरकार ते कमग्गर दौनीं कलाकारें दी मदद कन्ने केई मुकब्बे वने । मते सारे थाह्रें दे नां राम ग्रक्षरा पर पे —रामसूह्, रामवन, रामगढ़, रामकोट वगैरा।

चित्तर आलेखन च बी फर्क ग्राया, सजौट बधी। चित्तर पर मैह्नत लगी होन। रामायण दे कन्ने रागमाला, कोका दे कोक-शास्त्तर उप्पर चार चाल्ली दियां स्त्रियां—पदमनी, चित्रणी, संखनी, हस्तनी ते चार किस्मां दे मदं अश्व, मृग, वृष ते शष बनाए गे न। कोका पंडित कश्मीरा दा हा, इसलेई ए-नेह् चित्तर जम्मू च गैं बने। ए कांगड़ा नेई हे बनी सकदे। इक सैंट कांगड़ा चित्तरकारा दे हत्थें दा जम्मू च बनेग्रा। फी इक सैंट उस्ताद छुनिये ने बनाया। इस जमाने च पोट्रेंट बी बने।

महाराजा रणवीरसिंह दे मरने पर राजनीतक चार्ले महाराजा प्रताप

सिंह गी घेरी लेखा । चित्तर बनदे रेह्, दौनीं किस्मा दे कारीगिरें गी कम्मा दी थोड़ नेई ही । इस समें च तांत्रक चित्तरें जोर पकड़ेग्रा । शिवें दी उपासना बधी । ग्रद्भृत किस्में दियें तस्वीरें जनम लेखा । त'ख दा चित्तर इक उदाहरण ऐ । देवी प्हाड़ें ग्राली कोल ही । दुर्गा पर इक सैंट बनेग्रा । ए सैंट 60 तस्वीरें दा हा । इक पागर्ज ओदा फीता फीता करी दिता । इस ऐह्द च महाराजा प्रतापिसह दे भ्रा रामिसह ने इक मण्डी दा चित्तरकार रक्खेग्रा । इस दा नां नरोत्तम हा । ए चित्तरकार काफी उम्री दा ऐ ते अर्जे तक्कर जींदा ऐ । रामिसह ने रामनगर च अपनी वारांदरी (जां दरबार हाल) गी भिती चित्तरें कन्ने सजाया । फर्शें शा छत्तै तक्कर बड़े बड्डे-बड्डे चित्तर बने । इन्हें भिती चित्तरें करी रामनगर मण्हूर होग्रा दा ऐ । ए हून 'सुरक्खत-स्मारक' ऐ, ग्रन्दरले शीश मैह्लैं च काफी चित्तर बने । राजा सुचेतिसह दे मैह्लें च सजावट होई दी ऐ, पर बे-गौरी रौह्ने करी मैह्ल, तबाह् होई गे न । इस च बड़े-बड़े हाल न, जिंदे छत्तें उपपर नक्काशी होई दी ऐ ।

महाराज प्रतापिंसह दे बेल्लै छुनिया उस्ताद इक मण्हूर चित्तरकार हा । एदा जन्म-स्थान भड्डू किशनपुर हा ते ग्रसली नां जगतराम हा— लोक छुनिया-छुनिया आखदे हे । इसने मता चिर कम्म कीता । इसगी सरकारी वजीफा कोई 25 रपे मिलदा हा, जिस कन्ने गुजारा नेई हा चलदा । इस चित्तरकारै प्हाड़ी ग्रैली दे कन्ने 'दिल्ली आला कम्म' (Ivory Painting) कीता । तेलिया रंगें दा प्रयोग बी करदा रेहा । तांत्रक तस्वीरां बनाइयां । जगतराम छुनिये दे गुरु हरिचन्दा दा हत्थ बड़ा खूब हा। इस कलमा दी जिन्नी तारीफ कीती जा घट्ट ऐ । इसने राम-पंचायत पर चित्तर बनाए । राम दी मुद्रा पूरी ऋध्यात्मक ऐ । होशिए पर कम्म कमग्गरें दा ऐ । हाशिए पर कम्म नूरपुर कलमा च वी होए दा ऐ। उस च राजें दे शोक जिय्यां शिकार वगैरा ऐ, ते तित्तरें दे चित्तर बने दे न । केइयें हाशिएं पर सादा रंगें दा छनका ऐ । हाणिया वी कलमकारा दा पता दिंदा ऐ । मते सारे कांगड़ा चित्तरें च तस्वीरा दे गिर्द बेल-फेर हाशिया होंदा ऐ। बसोह्ली वित्तरें च केई कलाकारें डिजाइन कीता हुंदा ऐ। डिजाइन बी केई प्रकार देहोंदेन। बाजियां मूर्तानेहियां बीदिक्खनेच ग्राइयांन जिन्देच कुसै पासे वशकारला चित्तर श्रपनी हद् टिप्पर्यं हाशिये पर चली गेदा ऐ। इस किस्मा दी ग्रजादी गी सराहेग्रा वी गेआ ऐ, की जे ए उनें चित्तरें गी त्रिया डायमेंशन दिन्दा ऐ। आमतौरै पर जम्मू च हाशिया गुलावी रंगा दा रेहा ऐ.)

कांगड़ा कलम—इस कलम दा केह् श्राखना, जगत प्रसिद्ध ऐ हे प्हाडी प्रदेसा च सिरमीर गिनी गेई ऐ। राजा संसारचन्द दे बेल्लै जेह डी सरप्रस्ती ते प्यार थ्होग्रा, ग्रो खबरै शैनशाह् जहांगीर बेल्लै बी नेईं मिलेग्रा होना। एकला चाली व'रे कांगड़े च फलदी-फुलदी रेही। पता तेई किन्ने कलाकार उत्थें पला दे हे। कृशन लाल, पदमू, बसमा, हस्तू, फत्त, पुरख, दोख दे नां मिलदे न । हन खोज करने ग्रालें होर चित्तरकारें दे नां वी कड्ढी टकाए न । सारियां रियासतां दिक्खो-दिक्खी चित्तरकारें दी सरप्रस्ती करदियां रेहियां। इयै बजाह् ऐ जे वे-ग्रन्दाज कला-कृतियां इस प्हाड़ी शिवालक च बनी सिकयां। कलाकार जिस बेल्लै दिल्ली दा नसदे ग्राए उनें गी इत्थें कम्मै गित्तै वड़ा खु²त्ला मदान मिलेग्रा। सारे धर्म-ग्रैंथ बलगा दे हे। सारे कविएं दियां कवितां दिक्खा दियां हियां। वैश्णव सम्प्रदाय दे भाव अनलू ते पेदे हे। इत्थु यां तक्कर जे स्रो 'रोमांस' जेह्डा जीवन दालवण-तत्त ऐ, जिस वगैर जीवन फिक्का होई जन्दा ऐ ते दे रसें च जिसगी उच्च कोटि दा रस समझे त्रा गेग्रा ऐ, उस पासे कुसै हा दिक्खे दा । सारियां कत्थां-वहानियां, बरसांती दे पानियै च जिय्यां सब बनस्पती उस्सरी पौदी ऐ - खुम्बें ग्राला लेखा जीवन पाई लैंदियां न। योग, अध्यात्म, जैंत्तर-मैंत्तर, सिद्धी सब तस्वीरें दे विशे बने ।

शंगार रस, रसें च प्रधान ऐ। लोकें गी ग्रपनी-ग्रपनी रुचि दी चीज मिली गेई। इस कलमा ने सुन्दरता दा पूरा पीछा कीता। कोमलता नजाकत ते खूबसूरती गी इक आदर्श बनाई लेग्रा। ग्रक्ख, नक्क, कन्त, मत्या, ठुइडी बगैरा दे चित्रण च ऐसा तोल ते संयोजन निश्चत होग्रा जे चेह्रें च आकर्णन बधेआ। मुखाकृति इन्नी मोह्क बनी जे अञ्जी तक्कर कुतै चित्रत नेईं ही होई दी। मस्त भोलियां बेबाक ग्रक्खीं, पूरियां खुंली दियां—हिरना साईं बेबाक। हर चित्तरैं च रूप-रस चौंदा लंबदा ऐ। मनुक्खी भावें गी चित्रत करियें जित्तरें गी जीवनदान मिलेग्रा ऐ। कुर्मं ने इस कांगड़ा कलमा दा गुनगान करदे ग्राखेग्रा ऐ जे इस कलमा च लालिया, मुरम्यता, लावण्य, सुकुमारता, परिश्कार, भावनात्मक प्रतिभा, जेह्डी

मुखरत होई ही, ग्रो शायद कुदै गै ल'व्बै। भाव-भंगिमा वरणीकार ग्रति उत्तम ऐ। चीजें दा अनुपात ते फी इन्दे च रोमांस दे प्रतीक लाक्षणता दा ख्याल, इन्दे कन्ने चित्तर इन्ने शैल बनी जन्दे न जे स्रो उतकर्श गी पुजदे न। च यथार्थवाद (Realism) पर बड़ा जोर रेहा ऐ। पर, भावें गी प्रथम वनाने दा कम्म कांगड़े ने कीता । एम. एस. रंधावा लिखदा ऐ जे कांगड़ा गैली दा स्त्री-चित्रण हजारें स्त्रिएं दा नचोड़ ऐ। ए नेहा हुसन जीवत मनुबखा च घट्ट गै ल'ब्बग। कांगड़ा शैली दे चित्तरकार इक स्रादर्श स्त्री दी तलाशा च रेह् । प्रवाह्मान, सजीव ते आकर्शक कलम दिक्खनी होयें तां ग्रमर-मैह्ल च 'नल-दमयंती सैट' च दिक्खो। मलूम हुंदा ऐ जे इस चित्तर चित्रण च राजा नल होर कोई नेई, ए राजा चम्बे दा राजा राज सिंह ऐ। इस कलमा दे किश चित्तर बड़ोदा 'म्यूजियम' च न 🖟 वैसे कांगड़ा कलमा दे चित्तर संसार भरा दे अजैयवघरें ते गैलरिएं च मिलदे न । पर ए मुकव्वा ग्रयने थां ग्रदभुत ऐ। इस शैली च कांगड़ा घाट्टी गी चित्रत कीता गेदा ऐ । इस च व्यक्ति चित्तर पोर्ट्रेट वी बने, पर स्रो मुगल कला कोला वद्ध किछ नेईं दस्सी सके। मते चित्तर 'संयोग', 'विरह', 'नायका-भेद'मताबक न । राधा-कृष्ण दे दैव प्यार गी लेइयै बी बने, पर कुदै-क्दै चित्तरकार ग्रश्लीलता पर ग्राई गेग्रा ऐ । शिव-विवाह् पर बी चित्तर वने। टंग्रां इस च हरिवंश पुराण ते शिव पुराण खास शीर्शक रेह ्न। ए चित्तर तरल-चिंतनता कन्ने भरोचे दे न । खास चित्तरें पर खर्च बी होए दा ऐ। रंग भरने थमां पैह्लें सारे कागजा पर सुन्ने दा लेप कीता जन्दा हा, जिस कन्ने रंगें च मुलयामी ग्रौंदी ही ते कलमा दी बरीकी गित्तै थां बनदा हा । बाजे बारी सुन्ने कोला होर चमक लैंने खातर थां-थां वरीक मुहारी 1 कन्ने चमक बधाई जन्दी ही । इक चित्तर च ए नेही करमीगी करिये सप्पा दी ग्रक्खों गी सजीव कीता गेग्रा ऐ।

कुसै नै इस कला वारै खूब आखे दा ऐ जे ए कला पच्छमी कला जेह्ड़ी-क इसाई धर्मा थमां प्रेरत ऐ ते दुखी ते ठंडी कला ऐ, ग्रांगर नेईं, ऐ।

इक सुच्चा ते सूई आंगर पत्थर जेह्डा कदे-कदें नोकदार हुन्दा हा ते तस्वीर च सुन्ते दे कम्मा गी लण्काने गित्तै तस्वीर दी पिछली भेठा बल्लें-बल्लें रगड़ेआ जन्दा हा।

ए ते प्रसन्नता ते ग्रानन्द लेइये ग्राई ऐ। ए कला जनाना खूबसूरती गी चमकांदी ऐ, ब्रात्म-परमात्म दे एकीकरण दी साधना ऐ। इसने केशव, सूरदास ते विहारी कविएं दी कवताएं गी मूर्तिमान कीता ऐ। कुशाला जिस ब्यूंदा (Technique) कन्ने ते स्तर्कता कन्ने चित्तरत करदा ऐ, स्रो किव दे दोहें मनोक्ति चित्तर द्वारा कोमल भावें गी पूरा मूर्तिमान करदा ऐ। कुशाले दा कमाल, किव कोला श्रग्गें लंघी गेआ ऐ। कांगड़ा कलमा च प्हाड़, बू'टे नदी-नाले, फुल्ल, पक्खरू—उस पर प्यार दी भाणा दे सुरा गी उजागर करदेन । सब प्रतीक ग्रलंकारक न । कलाकारें उन्दे कोला कम्म लेइये सुन्ने पर सुहागे दा कम्म लेदा ऐ। इनें तस्वीरें उस संस्कृति ते सभ्यता गी दस्सियै उस थां ते बेल्ले दे इतिहास गी पेश करी दस्सेग्रा ऐ। लोकें च किन्नी जाग्रती, किन्नी पैन्नी नजर ही, विचार-धारा ही ते सोच कुत्थें तक्कर जन्दी ही ? कुर्सं ए गलत नेईं ग्राखेग्रा जे समे दी कला उस बेल्ले दी सभ्यता दा स्तर दसदी ऐ। स्रो वातावरण ते संस्कृति गी चित्रत करदी ऐ। इत्थुआं तबकर जे स्रो मौके दे ग्रार्थक स्तर गी सामनै कड्ढी टकांदी ऐ। चितरकारा दे गुणें बारै लिखदे आखेआ गेआ ऐ—प्रगलभ, भावुक, सूखम, रेखा विशारद, निर्माण कुशल, पत्र लेखन कोविद ते चत्र वर्णाकार होयै।

इक चीनी विद्वान ने श्राखेश्रा जे चित्तर वगैर (ग्र) वाजा आली कवता ऐ ते कवता बारै श्रो आखदा ऐ जे श्रो वगैर रंग ते रेखा श्राला चित्तर ऐ। एम. एस. रंधावा इस कलमा पर मोह्त होई इसदी स्नुति च लिखदा ऐ जे श्रो केह् इा भाव ऐ जेह् इा चित्रत नेई होग्रा। इस कला दा 'पोस्चर' सजीव गै नेई ठकाने दा बी ऐ। मुद्र-ग्रलोचना, मसूरतां, मिलन दा शर्म-झक्क, मिलाप दा पता देना, राह्नी दे कदम, झक्का करी कदमें च बोझ, तसल्ली दे शब्द, छेड़-छाड़, काह्लियां नजरां, फिकर भ्रोची अक्खीं, मिलने पर पापी श्रात्म-प्रताड़ना, कम्मै च व्यस्त, ध्यान कुतै, चर्ची, घबरा, चोर नजरां, सुभावक मिलन, झूठी चर्चा, चलाकी, कनसोऽ लैनी, इक्कलापन, प्यार दा पागलपन, वछोह् ते शंगार च व्यस्त—कोई वी सूखम भाव जान नेई दित्ता।

प्हाड़ी कला जेह् इे थाह् रें रेही उत्थें उसने खसूसी तत्त बी पैदा कीते। ए फोटोग्राफी ऐ गैं नेही। इसगी लोड़ ही खूबसूरती दी। ए ग्री क्ला ही जिसगी ग्रस ग्राखी सकने ग्रां--ग्रानंद ग्रास्त कला।

श्री कृश्ण ने स्रापूंगलाया जे स्रो ईश्वर दा स्रवतार ऐ ते फी 11में ध्या च ग्रपना वराट स्वरूप बी दस्सेग्रा। पर ए-नेहा कोई चित्तर दिक्खने च नेई ग्राया। महाभारत इन्ना बड्डा ग्रैंथ, जिस पर चित्तर बनाने होन तां कोई गिन्तरी नेईं रौंह्दी। इस च किन्नियां कत्थां न, किन्ने चर्चे ग्राए, पर इन्ना बड्डा ग्रभ्यास कुसै करन नेईं होग्रा । चित्तरकार बाललीला पर गै, मोह्त होए दे रेह् ते मनुक्खें दे चितर चित्रत कीते गे। दुयै पासै तुलसी दे राम भगवान जरूर हे, पर ईश्वर नेईं हे। उन्दे राम गी मरयादा पूरुशोत्तम आखेआ जन्दा ऐ । स्रो स्रादिमएं च मरयादा रक्खने करी पुरुशोत्तम खुआए। राम ने कदें अवतारी होने दा दाऽवा नेई कीता, पर कृश्ण ने दाऽवे कन्ने ग्राखेग्रा ते ग्रपने योगवल कन्ने वराट रूप बी दस्सेग्रा। जम्मू च तुलसी रामायण पर ग्रधारत राम पर चित्तर बने, जिंदे च कुतै बी ग्रश्लीलता दिक्खने च नेईं ग्रौंदी। दुए पास्सै श्री कृश्ण गी लोकें साक्षात् काम दा ग्रवतार बनाई दित्ता ते गीता दा उपदेश सारा भुल्ली गेआ। छुड़ियां राधा ते गोपिएं कन्ने खेड्डां चित्रत होई सक्कियां । ए सिर्फ इसकरी जे लोकें कृष्ण गी उस रूपा च दिक्खेग्रा—इक बाल ग्रवस्था ते दूए गोपियें दी अनुरक्ति च प्रेम लोलुप होए दे। कृश्ण मथरा जाने बाद उन्दे च कदें नेई बौडे, प्रेमलीला उत्थें खत्म होई गेई ते श्री कृश्ण ने बक्खरे पासै रुख करी लेग्रा। जिस बेल्लै कृष्ण मथरा गे उस बेल्लै उन्दी केह् ग्रायु ही, इस गल्ला गी नेई पुच्छेग्रा ते चित्तरकार मनोक्ति उस बेल्ले दी मांगा गी दिखदे रेह. ।

धौलाधार लोकें वड़ी पिंसद ही पर चित्तरकारें उसगी नेई लिखा।
गद्दी लोकें दी खूबसूरती मध्हूर ऐ—पर गद्दी गी बतौर गद्दी नेई लैता।
कांगड़े दी दुर्गा, ज्वाला जी ते होर केई थां कलाकारें नेई छूह्ते। 'कला कला ग्रास्तै ऐ'—इस गल्ला गी चित्तरकार नेई भुल्लिग्रा। नल-दमयंती दे मना च बैठे दा ऐ, जिस कारण ग्रो पागल-जन बनी गेई ऐ। चित्तरकार उसी उंआं गै दस्सेआ ऐ। कांगड़ा कलमा ने शिवालक दे लाके गी ग्रो विभूति दित्ती जिस कन्ने ए प्हाड़ी परदेस चमिकय सामन ग्राया ते भारती संस्कृति गी ग्रो देन दित्ती, जिस कन्ने ग्रोदी त्रिप्ती होई गेई।

डुग्गर दी वास्तु-कला

शिव 'निर्मोही'

कुसै वी देस जां प्रदेस विशेश दी समृद्धि दा लाना उत्थुश्रां दी कला ते श्रार्थक-समाजक वकास गी दिक्खिये लाया जाई सकदा ऐ। कला दी नजरी कन्ने डुग्गर समृद्ध प्रदेस रेहा ऐ। इत्थें कला दे वक्ख-वक्ख ह्वं दा वकास शैल चाल्ली होग्रा। चित्तरकला ते मूर्तिकला श्राला लेखा डुग्गर च स्थापत्य कला दी वकास-यात्रा वी बड़ी लम्मी ऐ।

डुगगर दी स्थापत्य कला (वास्तुक्तला) गी काल भेद दी दृष्टि कले प्रसिद्ध पुरातत्ववेत्ता केदारनाथ शास्त्री होरें त्रौं भागें च विभवत कीते दा ऐ। उन्दा काल-विभाजन उपयुक्त ते तर्कपूर्ण लगदा ऐ, जेह्ड़ा इस चाल्ली ऐ:—

- (1) प्राक मुस्लिम युग—13मीं सदी ई. कोला पैह्लें।
- (2) मुस्लिम काल—13मीं सदी ई. कोला 17मीं सदी ई. दे मझाटै।
- (3) सिक्ख-डोगरा काल—10मीं सदी ई. कोला 19मीं ई. सदी दे मझाटै।
- 1. प्राक मुस्लिम युग :--

प्राक मुस्लिम युन च डुगगर च जिन्ने बी मन्दर बने, ग्रो सारे ग्रार्थ गैली देन। आर्य गैली देमन्दरें दी बशेशता ए ही जे ग्रो चबूतरे उप्पर बनाये जन्दे हे ते मूर्ति गी स्थापत करने ग्रास्त जेह् ड़े ग्राले बनाये जन्दे हे उन्दे अगों खु'ल्ला थाह्र छोड़ी दित्ता जन्दा हा। गर्भगृह् जित्थें-के देवते दी मूरत रखदे हे, उस दी छत्त ठोस वक-नेखात्मक ते कूने-शिखर ग्रांगर हुंदी ही। ए शिखर उप्पर गी निक्का हुंदा जन्दा हा। सारें कोला उच्चे थाह्रै पर ग्रामलय हुंदा ऐ ते उसदे उप्पर कलश ते ध्वजदण्ड हुन्दा ऐ। मन्दर दे चीन्नीं पासें 'परदक्खन-पर्थ हुन्दा ऐ।¹

ग्रार्य ग्रैली च डुगार च जेह्ड़े मन्दर निर्मत होए उन्दा ब्यौरा इंगां ऐ:—

बवौर दे मंदर: — डुग्गर च उन्नत स्थापत्य कला दे नमूने ववौर दे मन्दर न । ववौर तवी नदी दे तट उप्पर उधमपुर कोला 24 किलोमीटर दूर उत्तर-पूर्व दिशा च, वसोह्ली कोला त्रीह् किलोमीटर उत्तर-पृर्व दिशा च, वसोह्ली कोला त्रीह् किलोमीटर उत्तर-पृश्चम दिशा च, जम्मू नग्गर दा 64 किलोमीटर दूर पूर्व-दिशा च ते मानसर झील कोला 5 किलोमीटर दूर पूर्व दिशा च स्थित न ।

ववीर दा पराना नां 'वब्बपुर' हा। वब्बपुर दा उल्लेख राज-तरंगिणी च वी आये दा ऐ। बबीर दे मंदरें ते मैह्लें दे खंडरात इस गल्लें दा प्रमाण न जे ए नग्गर कुसै वेलें डुग्गर प्रदेश दी राजधानी रेहा ऐ।

हिन्द सरकार दे पुरातत्व विभाग दे उत्तरी हिस्से दे निरीक्षक डाक्टर 'वोगेल' नै वी ए गल्ल मन्नी लैत्ती ही जे बबौर उसे स्थान ऐ, जेह ड़ा कश्मीर दे प्रसिद्ध इतिहास राज-तरंगिणी च वव्वपुर दे नां कन्ने जकरोए दा ऐ। डुग्गर दी वास्तुकला दे ममंज्ञ सूरज सराफ हुन्दा अनुमान ऐ जे पैह लें इत्थें 13 मन्दर हे। फेडिक ड्रियू नां दे इक ग्रंग्रेज यात्री नै 1870 ई. दे लगभग ग्रपने यात्तरा व्यौरे च वबौर च त्रै वड़े पक्के मन्दरें दी गै चर्चा कीती दी ऐ। छें मन्दरें दे खंडह र अजें वी इत्थें ल'वदै न। इनें मन्दरें दे निर्माण आस्तै शिल्पकारें बड्डे घाड़मा पत्थरें, स्तम्भें ते धरनें दा प्रयोग कीते दा ऐ। बड्डे-बड्डे पत्थर इक-दूर्य उप्पर वगैर चूने जां सीमेंट दे लेप कीते दे इस ढंगै कन्ने जमाये गेदे न जे ग्रो सिदयां वीती जाने दे बाद वी उंग्रां गै खडोते दे न।

ववौर दे मन्दरें च दौं मन्दर जकरोने जोग न : -

(1) देवी दा मन्दर। (2) काला देह्रा।

देवी दा मन्दर : देवी दा मन्दर टुटी-फुटी दशा च हून वी स्थित ऐ। मन्दर दे 'द्वार-स्तम्भ' पर मगर उप्पर स्वार लगभग इक मीटर उच्ची गंगा दी मूरत ऐ। ए मूरत मूर्तिकला दी उत्तम कलाकृतियें च गिनी जन्दी ऐ। इस मन्दर दा रकवा लगभग 12×8 मीटर ऐ। गर्भगृह चकूनी

^{1.} भारतीय संस्कृति का इतिहास—दिनेश चन्द्र भारद्वाज ।

कोठरी ऐ। मन्दर दी हर भुजा लगभग $6\frac{1}{2}$ मीटर लम्मी ऐ, जेह्ड़ी प्रश्वा दी भारी सिलें कन्ने बनी दी ऐ। मन्दर दे बाह्र कंधें दियें सिलें के कुरेदियें उद्भरमां चित्तर बनाये गेदे न। देवगृह् दे इर्द-गिर्द निक्के-िनके चक्करें च ग्रंकत मूरतें गी दिक्खियें इन्दे बनाने ग्रालें दी सराह्, ना करना पौदी ऐ।

इस मन्दर दे गर्भगृह्दा द्वार मूरितयें ते वरीक नक्काशी के सजाया गेदा ऐ। शिल्पकारें भाव बड़ी सफाई कन्ने उभारे दे न। इसी

सूखमता ते सफाई दिक्खने जोग ऐ।

काला देह्रा मन्दर: प्रसिद्ध पुरातत्व शास्त्री केदारनाथ शास्त्री हुन्दे मतावक ए शिव मन्दर ऐ । उन्दा अनुमान ऐ जे ए शिव मन्दर ववीर हे मन्दरें च सारें कोला बड्डा हा । इसदा रकवा $16 \times 6\frac{1}{2}$ मीटर दे लगभग ऐ । इसदा मण्डप ते परदक्खन-वत्त एकाश्म पत्थरें दे खम्भें पर मुश्तक हा । अट्ठ खम्भे ह्न वी उत्थें खड़ोते दे न । चौं मन्दरें दे खंडह्र इहिलोमीटर रकवे दे ग्रन्दर खिल्लरे दे न ।

निर्माता ते निर्माण काल: वबौर दे मन्दरें दे निर्माता बब्बपुर दे गैराजा हे। ए मन्दर वक्ख-वक्ख कालें च वक्खो-वक्ख राजें निर्मत करवाये। इन्दे मन्दरें च इक मन्दर दी कन्धे उप्पर हक णिलालेख वी मिलदा ऐ, जेह्डा शारदा लिपि च ऐ, जेह्दे अक्खरें दा आकार उसी शारदा लेख दे अक्खरें कन्ने मिलदा ऐ, जेह्डा बैजनाथ मन्दर च ऐ ते जिसदा समां 1126 शक सन् 1204 ऐ।

श्रनुमान ऐ जे वबीर दे मन्दर दसमीं सदी च वनना शुरू होये ते 12मीं सदी तक इन्दे निर्माण दा कम्म चलदा रेहा । इन्दे मन्दरें दे निर्माण विव्यपुर दे गैं राजे रेह् होंगन । राजतरंगिणी च बव्यपुर दे शैं राजें वी उल्लेख वी मिलदा ऐ ते श्रो न—कीर्तिधर, वज्रधर ते उमाधर । इति जिकर यथाक्रम कश्मीर दे राजा कलण, सुस्सल ते हर्ष कन्ने होए दा है। जिय्यां :—

एवं वशीकृतभुवो भूपदे नर्यवेदिनः, समये वाष्ट भूपाला स्त्रिषष्ठेऽब्देऽविशन्पुरम्।

^{1.} कविदत्त ग्रंथावलि-प्रो. गौरीशंकर।

कीतिर्वब्बपुराधीशश्चाम्येयो भू भृदासटः, तुक्कात्म जस्तु कलशो बल्लापुर नरेश्चरः ॥

कश्मीर नरेश कलश कन्ने कीर्तिधर दी भेंट सन् 1017 च होई ही। मुमकन ऐ जे कीर्तिधर नै कश्मीर दे कलात्मक मन्दरें गी दिक्खियें अपनी राजधानी च बी कलात्मक मन्दर बनवाने दा निश्चा कीता होयें।

इस गल्लै दी पुश्टि डॉ. वोगेल दे वक्तव्य कन्ने वी हुन्दी ऐ जे बबीर च उनें गी इक मुद्रा प्राप्त होई ही जेह्ड़ी कश्मीर दे राजा कलश दी ही \mathbf{l}^2 कश्मीर दे राजे कलश दा समां ई. 1063-89 तक हा \mathbf{l}

ववीर दे मन्दर वास्तुकला दी दृष्टि कन्ने वेशक कश्मीर दे मन्दरें कोला किछ वक्ख न, पर फी वी कश्मीरी वास्तुकला दे दौं-तौं ग्रंशों दा समावेश इन्दे च जरूर पाया जन्दा ऐ। प्रसिद्ध पुरातत्ववेत्ता रामचन्द्र काक नै ए गल्ल मन्नी दी ऐ जे कश्मीर दी वास्तुकला दे जिनें ग्रंशों दा ववीर दे मन्दरें च समावेश ऐ, ग्रो न--झरींदार (Fluted) खम्भे, उन्दे पर घट पल्लव ग्राले शिखर ते नरमुण्ड पैछी। ववीर दे राजे छड़ी कश्मीर दी गै वास्तुकला कोला प्रभावत होये होंगन, ए गल्ल बी सच्च नेई लगदी। ववीर दे राजे भारत दे केई तीर्थ-स्थानें दी यात्तरा बी करदे हे। मुमकन ऐ जे वक्खो-वक्ख प्रान्तें दी वास्तुकला दा ग्रध्ययन करिये उनें इक नमें वास्तु शिल्प दा सैह जभायें मृंढ पाया होयें।

वबौर दे राजा वज्रधर दा सूर्य-गैह्ण दे समै कुरुक्षेत्र च दूये व्हाड़ी राजें कन्ने जाने दा वर्णन राजतरंगिणी च बी मिलदा ऐ। उत्थें वज्रधर नै कांगड़ा, विलावर, चम्बा ते वर्तुल दे राजाएं कन्ने मिलिये कण्मीर नरेश सुस्सल उप्पर ग्राक्रमण करने दी योजना बनाई ही:—

उपरागे नवे सज्जे पार्वतीया स्त्रयो नृपा:, चाम्पेयो जासटो वज्जधरो बब्बापुराधिप:, राजा सहजपालश्च वर्तुल नाम धीश्वर:। युवराजौ त्रिगर्तोवीं बल्लापुर नरेन्द्रयो:

राजतरंगिणी VII. 587-90 ।

^{2.} History of the Punjab Hill States, Vol-II

राजतरंगिणी —VIII 538—5

राजतरंगिणी दे इनें ग्रंगों कोला ए गल्ल स्पश्ट हुन्दी ऐ ते बब्बपुर दे ते दा कश्मीर दे राजें कन्ने सम्पर्क हा। ए राजे कश्मीर ते भारत दे तीर्थ-स्थानें दी यात्तरा करदे हे। ए राजे शक्तिशाली हे ते इन्दा प्रदे दूथे प्हाड़ी राजें पर बी हा।

वबौर दे इनें राजें ग्रपनी राजधानी गी सुसज्जत कलात्मक महे कन्ने सुशोभत कीता होग, इस च मिगी कोई सन्देह् नेई सेही हुन्दा।

सम्भव ऐ जे इनें राजें बबौर च ग्रपने रौह्ने ग्रास्तै भव्य राज-महन् वी बनाये होन, जेह् ड़े राजधानी उज्जड़ने दे बाद नण्ट होई गे होंगन।

ववौर नगर दा पतन कटूं, की, ते किनें परिस्थितियें च होण किछ बी पता नेई चलदा ऐ। जे पुरातत्व विभाग द्वारा इस थाह्रै दी खुवा कराई जा तां सभ्भव ऐ जे केई नमें तत्थ सामने ग्रीन।

बलौर दा हरिहर मन्दर: बलौर दा ए मंदर इण्डो-आर्यन शैलीं शिखर मंदर ऐ। ए मंदर वी हुन जीर्ण-ग्रवस्था च ऐ इस मंदर दे बार कूने गर्भगृह, उप्पर सुन्दर गोल शिखर ऐ, जिस उप्पर उद्भरमी नक्का दा कम्म होये दा ऐ। इस मंदर दे शिलापट्टें पर कीती गेदी वारीक नक्का कला दी नजरी कन्ने बड़ी गैं म्हत्तवपूर्ण ऐ। मंदर दी ग्रंदरली कन्धें पर बेल कृं दो नक्काशी दिवखने जोग ऐ। मंदर दे ग्रन्दर सजामें तौकड़े बने दे न। गर्भगृह दे ग्रन्दर चोटी उप्पर पूरा खिड़े दा कम्ल बने दा ऐ। इसदे शिखर उपा उद्भरमां ग्रलंकरणें दी सजौट ऐ। डुग्गर दी वास्तुकला दे प्रसिद्ध कलाहिं केदारनाथ शास्त्री हुन्दे मत दे ग्रनुसार बलौर दे मंदर दा बाह्र रला ग्राका भुवनेश्वर दे लिंगराज ते राजरानी दे मंदरे कन्ने थोड़ा मता मिलदा ऐ की इस मंदर दा शिखर वी उनें मंदरें आला लेखा थोड़ी-थोड़ी बक्रता लैंदा ऐते मूल ते चोटी पर शिखर दी मोटाई च वड़ा घट्ट फर्क ऐ!

विलावर दे मंदर दी बड्डी विशेशता एह एे जे इस दियां मूर्तियां किते पत्थर कन्ने घड़ियां गेदियां न । इनें मूर्तियें स्नास्तै काला पत्थर कुत्थूं दा ग्रावी होग ! विश्वास कन्ने किछ नेईं स्नासेस्ना जाई सकदा। स्रनुमान ऐ जे बसोह्ती ग्नंचल च स्थित वनी खेतरा दा पत्थर ग्राया होना की जे काला पत्थर उत्थूं दे प्हाड़ेच सुद्धा मिलदा ऐ।

वलीर दे मंदर कन्ने केई दन्तकत्थां प्रचलत न । किछ लोक ग्राखदे न जे इस मंदर दा निर्माण पांडवें कीता जां किछ लोक ग्राखदे न जे इस मन्दर दी इट्ट डिग्गै तां कोई राजा मरदा ऐ। ए मन्दर इन्ना जीर्ण ऐ जे इंगां सेही हुंदा ऐ जे हून पेग्रा पलैंगी पेग्रा।

निर्माण काल : इस मंदर दा निर्माण काल वबौर दे मंदरें दे निर्माण काल दे लगभग कच्छ-कच्छ गै ऐ। दसमीं सदी च वबौर म्राला लेखा वलौर वी इक वक्खरा प्हाड़ी राजा हा। वलौर दा वबौर मसां 30 किलोमीटर गै दूर ऐ। मुमकन ऐ जे वबौर दे मन्दरें दो प्रसिद्धि सुनिये वलौर दे राजे नै वी अपने राज च इक भव्य मन्दर दे निर्माण दा कम्म शुरू करवाई दित्ता होये।

राजतरंगिणी च विलावर दा नां बल्लापुर जकरोए दा ऐ:—
युवराजी विगर्तोवीं बल्लापुरनरेन्द्रयो,
वल्ह श्रानन्दराजश्च पंच संघटिता: क्वचित्,
प्रस्थानार्धकृतपणा: कुरुक्षेत्रभुपागतः ॥

वलीर दा राजा ग्रानन्दराज ववीर दे राजा वन्त्रधर दा समकालीन हा। मुमकन ऐ जे इस्मैं राजे ने बलीर दा मन्दर बनवाया होयै। ग्रानन्द राज दा समां 12मीं सदी दा पहला चरण हा ते ए मन्दर वी पुरातत्व शास्त्रियों दे ग्रनुसार 12मीं सदी दे लगभग दा ऐ।

थड़ा कलेयाल दा शिव मन्दर : बलीर दा वबीर ग्रौंदे होई पराने रस्तै इक ग्रां औंदा ऐ—थड़ा कलेयाल । इत्थें दौं परानें मन्दर न । इक शिव मन्दर ऐ, दूग्रा सूरज मन्दर । शिव मन्दर वबीर ते बलीर ग्राला लेखा मता गैं पराना लगदा ऐ । इस मन्दर दा निर्माण-शिल्प वलीर मन्दर कन्ने किछ-किछ मिलदा-जुलदा ऐ । इस मन्दर दे गर्भगृह दे अन्दर चोटी उप्पर खिड़े दा कमल बनेदा ऐ । मझाटै दा ए मन्दर थोड़ा चौड़ा ऐ । इसमैं मन्दर दे ग्रन्दर $1\frac{1}{2}$ मीटर लम्मा ते इक मीटर चौड़ा इक बहुँ-चौड़े पत्थरैं दा चौतरा बनेदा ऐ । इस चौतरे उप्पर शिव ते पार्वती दी मूरत रक्खी दी ऐ । ए मूरत इक सिलैं गी उकेरियें बनाई गेदी ऐ । शिव दी मूरत डेढ मीटर उच्ची ते पार्वती दी मूरत उच्ची ते पार्वती दी मूरत उच्ची हो स्वर्थ स्वर्य स्व

मन्दर दे सामने इक चौंतड़े उप्पर बैल दी इक बड़ी बड़ी प्रतिमा ऐ, जेह् ड़ी लगभग पौने दो मीटर लम्मी ते इक मीटर चौड़ी ऐ। तक्षण कला दी दृष्टि कन्ने ए प्रतिमा खास म्हत्तव रखदी ऐ।

इस्सै कच्छ इक दूआ सूरज मन्दर ऐ। इस मन्दर दे मझाटलें तोकड़े पर सूर्य मूरत ऐ। बछकार शिवलिंग ऐ। इस मन्दर दे निर्माण च चूने दा प्रजोग होऐ दा ऐ। ए मध्य जुग दा लगदा ऐ।

दन्तकथा ऐ जे पांडव बलौरै ग्राला मन्दर बनाइयै ग्रग्गें बधे तां उनें थड़ा कलेयाल बसांऽ कीता । पांडवें इक ध्याड़ी च बलौरै दा मन्दर, इक ध्याड़ी च बबौर दे मन्दर ते अद्धी ध्याड़ी च थड़ा कलेयाल दा मन्दर बनाया।

थड़ा कलेयाल डुग्गर दी परानी रियासत सुमरतै दे अन्तर्गत औंदा ऐ। अनुमान ऐ जे 12मीं सदी च गैं कुसैं सोमन्तक जाति दे जागीरदार ने बलौर दे मन्दर दी अनुकृति करियै, ए मन्दर बनवाया होग।

किर्मची दे मन्दर : स्थापत्य कला दी दृष्टि कन्ने किर्मची दे मन्दर हुग्गर दी उन्नत वास्तुकला दे प्रतीक न । ए मन्दर बिरुग्नां उपनदी दे तर्टे पर 'त्रेट' नां दे थाह् रैं पर स्थित न । जीर्ण ग्रवस्था च पंजै मन्दर समूह् च खड़ोते दे शोध-कर्ताएं आस्तै ग्रजें बी प्रश्न-चिन्न बने दे न ।

ए मन्दर इंडो भ्रार्थन शैली दे शिखर मन्दर न । केदारनाथ शास्त्री इनें गी भुवनेश्वर दे लिंगराज मन्दर दी शैली दे मनदे न । बड्डी-बड्डी पत्थर शिलाएं गी तराशिय इनें मन्दरें दा निर्माण कीता गेदा ऐ । कुशल शिल्पकारें मन्दर दे द्वारें गी कलात्मक ढंगै कन्ने सजाये दा ऐ ।

टिप्पणी: —राजा वज्रधर नै ग्रपनी पत्नी परमेश्वरी गी कन्ने लेइये जगन्नाथ पुरी दी यातरा वी कीती ही । मुमकन ऐ जे वज्रधर उत्थुम्रां दा गै किछ शिल्पकार कन्ने लेई ग्राया होग ते उनें कलाकारें किर्मची दे मंदरें दा निर्माण कीता होना । होई सकदा ऐ जे किर्मची दा खेतर वी उनें दिनें राजा वज्रधर दे गै ग्रधीन रेहा होये, वज्रधर दे पुत्तर उमाधर नै इनें मंदरें गी पूरा कराया होग । पर इन्दी पुश्टि ग्रास्तै साढ़ें कोल कोई ठोस प्रमाण नेई ऐ । वज्रधर दी जगन्नाथपुरी दी यात्तरा दा वर्णन ''तारीख होगरा देस'' व मिलदा ऐ। इक उच्चे थड़े उप्पर वने दा ए मन्दर वास्तुकला दी दृष्टि कन्ने वबीर दे मन्दरें कोला किछ वक्खरा लब्भदे न । किमेची दे मन्दरें दे शिखर वेलन दे ग्राकार दे ल'वदे ते वबीर दे मन्दरें दे शिखर पौड़ीनुमां ग्राकार दे न । पुरातत्ववेता किमेची दे मन्दरें दा निर्माण काल 10मीं-11मीं सदी गै मनदे न । इनें मन्दरें दे निर्माता ग्रज्ञात न ।

मेरा अपना बचार एह् ऐ जे इनें मन्दरें दा नर्माण बी बबीर दे राजें ग्रैवमत गी लोकप्रिय बनाने स्रास्तै कीता होग। बबीर दे राजें दा कश्मीर दे राजें कन्ने निकट दा सरबन्ध हा। कश्मीर दे शासक हुई दे साथियें च बबीर दे राजा उमाधर दा नां राजतरंगिणी च स्राये दा ऐ:—

जासाटो नृपतिर्हर्ष भूभाँतु मीतुलात्मज: उमाधर मुखाश्चान्ये राजनो यत्र च त्रयः॥

हर्ष दे वेलै कश्मीर च शैवमत बड़ी तेजी कन्ने फैला दा हा। सम्भव ऐ, हर्ष दे साथी उमाधर नै शैव धर्म दे प्रचारकें ग्रास्तै किर्मची च शैव मठ वनवाया होग जित्थें शैव दर्शन दी दीक्षा दित्ती जन्दी होग। इनें मन्दरें च शिव ते गणेश दियां प्रतिमां इस तर्क गी पुश्ट करिबयां न।

किर्मची ववौर दा कण्मीर जन्दे पैह्ली पड़ांऽ वी ही। ववौर कोला किर्मची पुराने रस्तै वीह् किलोमीटर दूर ही।

वलौर, वबौर ते किर्मची दे पुराने मन्दरें गी पांडवें दे मन्दर वी ग्राक्षेग्रा जन्दा ऐ। सम्भव ऐ जे बनवास काल च पांडवें इनें थाह रें किश समा गुजारेग्रा होग। की जेए खेत्तर उस समै मद्र देश दे नां कन्ने प्रसिद्ध हा ते पांडवें दी इक मां मद्रा मद्रदेश दी ही। एह वी सम्भव ऐ जे इनें मन्दरें दे बनवाने ग्राले ग्रपनी वैंसावली दा सरवन्ध पांडव वंश कन्ने जोड़दे होन ते लोक उन्दें मन्दरें गी पांडव राजें दे मन्दर ग्राखन लगे होन।

शिवि के तृतीय पुत्र मद्र ने इरावती ग्रीर चन्द्रभागा नाम की निदयों के प्रदेश पर ग्रपना राज्य बसाया। इन निदयों को ग्राजकल क्रमशः रावी और चिनाव कहते हैं। इस प्रदेश का नाम उसके संस्थापक के नाम पर मद्र पड़ा। हस्तिनापुर के महाराज पाण्डु को उसी देश की राजकुमारी विवाही थी, माद्री से पाण्डु के दो पुत्र हुए—प्राचीन भारत में हिन्दू राज्य; वृन्दावन दास।

हुग्गर दी दन्तकथाएं च 'रावी' ते 'चन्द्रभागा' दे मझाटले भाग व पांडव ते उन्दे वंश कन्ने सरबन्धत केई स्थान न। वबीर दे सरबन्धे व ए दन्तकथा मती प्रसिद्ध ऐ जे अर्जुन दे पुत्तर वब्नुवाह् न ने वबीर गी वसाय हा। महाभारत च अर्जुन दे पुत्तर दा नां बश्चुवाह् न ऐ ते सम्भव है स्थानी उच्चारण-भेद दे कारण बब्नुवाह् न नां प्रचलत होई गेआ होग।

श्रम्बारां दे खंडहर: श्रखनूर कच्छ चनाव नदी दे कंढै पर इक पराने किले कोल देह नां दा पराना थाह र ऐ। श्रज्जै कोला पंजताली व'रे पैह लें खेती-बाड़ी दा कम्म करने श्राले करसानें गी बाड़ी गुडदे होई पराचीन काल दी इष्ट्रां, मिट्टी दे नर-मस्तक ते केई होर चीजां थ्होइयां। करसान इनें गी व्यानें दे खडीने समझिय घर लेई गे। ज्यानें ए कीमती चीजां भन्नी-त्रोड़ी दित्तियां।

डा. चार्ल्स फेबरी दे हत्थ अम्बारां दे थेह् थाह् रा दा थ्होई दिशं किछ चीजां ग्राइयां। उनें खुदाई करवाइयै किछ होर परानी चीजां ग्रम्बारां दा प्राप्त कीतियां। डा. फेबरी नै इन्दी उमर 700 ई. पू. कोला बी पैह्लें दी निश्चत कीती। डा. फेबरी नै इनें ग्रवशेषें च गांधार शैली दा मता घट्ट प्रभाऽ दिक्खेग्रा। इत्थुग्रां दा शिव दी त्रिमूर्ति ते इक सूर्य दी त्रिमूर्ति बी थ्होई।

विद्वानें दा ख्याल ऐ जे 'ग्रम्बारयन' दे ग्रवशेष हड़प्पा दे ग्रवशेषें कलें मेल खंदे न । इस कोला ए सिद्ध हुन्दा ऐ जे डुग्गर दी वास्तुकला दा इतिहास मता पराना ऐ।

बबौर, बलौर ते किर्मची दे स्मारक ग्रजें वी जीर्ण अवस्था च ते ते 'ग्रम्बारायन' दे खंडहर भूमिगत न। उन्दी खोज दा कम्म ग्रजें पूरा नेईं होग्रा ऐ।

सुद्ध महादे 3: इत्थें इक लोहे दे त्रिशूल उप्पर ब्राह्मी लिपि च इक लेख खुदे दा ऐ। ए लेख अजें तकर पढ़ेग्रा नेई जाई सकेग्रा। लिपि दे माह् रें दा मत ए जे ऐ लेख छेमी जां सतमी सदी दा ऐ। विद्वानें गी विश्वाम ऐ जे इस थाह्र कोई पराना नगर हा जेह्ड़ा-क हून नेई रेह्दा ऐ। इस थाह्रा पर सोध दा कम्म भ्रजें चला दा ऐ।

इंयां गैं केई मते पराने खंडहरें दे नशान भद्रवाह, पुंछ ते पोनी नां दे थाह्रै पर बी मिलदेन ते ए डुग्गर दी पराचीन वास्नुकला दे बिकास दे इतिहास गी जानने आस्तै म्हत्तवपूर्ण स्वोत न । पौनी (तसील रियासी) कच्छ 'धनुवां' नां दी ग्हाड़ी उप्पर पत्थरें दा बने दा राजा सालवान दा मंदर मता गैं कदीमी ऐ। टिक्करी कच्छ लाड़ा-लाड़ी दा डक्क वास्तुकला दा नमूना ऐ।

2. मूस्लिम कला कन्ने प्रभावत स्मारक:

डुग्गर प्रदेस च नेह् स्मारक वास्तुकला दी दृष्टि कन्ने मुस्लिम कला दा ग्रसर दसदे न । मुस्लिम कला कन्ने प्रभावत डुग्गर च बने दे किछ स्मारक एह् न :—

म्होरगढ़: म्होरगढ़ दा परिसद्ध किला साम्बा कस्वे थमां कोई अडु मील प्हाड़ आ़ली बबखी ऐ। इस किले दे चार निक्के-निक्के भाग न। पच्छमी सिरे दा नां म्होरगढ़, विचले हिस्से दा नां ठेरगढ़ ते पूर्वी हिस्से दा नां ववनेरगढ़ ऐ।

वास्तुकला दे परिसद्ध पारखी विद्यारत्न खजूरिया होरें इस दुर्ग दी वास्तुकला दी बड़ी सराह्ना कीती दी ऐ। उन्दे शब्दें च—''म्होरगढ़ दा किला[।] लगभग ई० 15भीं सदी दा बने दा ऐ। इस किले दी किलाबन्द ड्योढियें दी बनौट ते दूये भवन कला दे नमुनें थमां साफ पता लगदा ऐ जे सूर खानदान दे कुसै बादशाह् नै एदी नींह् रक्खी होग।

मेरा वचार ऐ जे ए किला पंजाब ते दिल्ली दे शासक सिकन्दर सूरी नै सरिहन्द थाह् रै पर 1555 ई॰ च हुमायूं कोला हारने दे बाद बनवाया हा। सिकन्दर सूरी पंजाब दा हाकम बी हा ते उसी पंजाब दे सीमावर्ती डुग्गर प्रदेश दी भगोलक स्थिति दा ज्ञान बी हा। फी इतिहास च इस गल्लै दा उल्लेख बी मिलदा ऐ जे हारने दे बाद सिकन्दर सूरी शिवालिक दी प्हाड़ियें पासै नस्सी गेग्रा हा।

इस किले दे सिंह द्वार पर ग्ररबी भाशा च लिखे दा इक खडत लेख वी ऐ, जिसी ग्रजों पढ़ेग्रा नेईं जाई सकेग्रा। ड्योढी दैं उप्पर बने दे हर इक किंगरे पर 'कुरान-शरीफ' दियां आयतां खोदियै लिखियां गेई दियां न। ड्योढी दी घस्सी दी महाराबै दी चोटी पर कमल फुल्ल दे चार सुन्दर डिज़ाइन बनाए गेदे न ते हर इक डिज़ाइन मुरब्बे च घिरे दा ऐ। इस्सै

^{1.} म्होरगढ़: — विद्यारत्न खजूरिया — साढ़ा साहित्य 1964 ई॰ च दा उध्दृत।

किस्म दे कमल फुल्ल ग्राले डिजाइन म्होरगढ़ दे दरवाजे पर वी वने देन।

चिंगस ते थन्ना मंडो दी मुगल सरांऽ : जिला रजौरी दे यन्ति मुगल सम्राटें द्वारा वनवाई गेदियां ए सराईं शुद्ध रूप च मुगल वास्तुक्ताः नमूना न । इनें सरायें दा निर्माण समां 16मीं सदी मिथेग्रा जदा ऐ । कृ वादशाहें ए सराईं कश्मीर ग्रौने-जाने ग्रास्तै पड़ाईं दे रूप च वनवाइयां । सराईं दी वास्तुकला दी प्रमुक्ख विशेशता ऐ – विशाल गोल गुम्बद, कर्संभ ते विशाल खुंले प्रवेश द्वार ।

मसजदां:--

जामां मसजद रजौरी: ए मसजद बी मुगल वास्तुकला दा मुह नमूना ऐ। इसी शायद जहांनीर नै बनवाया हा। ए प्रसजद त्रैं हिस्सें चहे बछकारला गुम्बद बड्डा ऐ ते बक्खी-वक्खी ग्राले गुम्बद निक्के न

बहरामगला दा किला : जिला पुंछ दे अन्तर्गत वहरामगला नांहे थाह्रैं पर मुगल किले दे खंडरात मिलदेन । ए दुर्ग बी, अनुमान ऐ जहांकी नै गैं बनवाया हा ।

इन्दे ग्रलावा मसजद दित्तू वजीरनी पुंछ, जामा मसजद नजामही पुंछ, ग्रल्लापीर पुंछ, नौशैह्रा दा किला ते सरांड, जम्मू नग्गर च मस्तव्य च राजा रंजीतदेव दी बनवाई दी मसजद, जम्मू च गै 16मीं सदी च बनीई वेगम दी हवेली, पीर मिट्ट मुस्लिम फकीर दी मजार, वास्तुकला दे मुद्ध नमूने न।

3. डोगरा राजें दे स्मारक: —

बसोह्ली दे राजमह्ल: बसोह्ली दे राजमह्लें गी प्हाइंदें सत्तों ग्रचम्बें च गिनेआ जन्दा सा। हून ए मैह्ल ध्वंस ग्रवस्था च वसोह्लें कस्बे दी उप्परली भेठा न । केदारनाथ शास्त्री हुन्दे मताबक ए मैह्ल मुगल वास्तु शैली दे ढंगै कन्ने बनाये गेदे न । इन्दे च दरबार हाल शीश मैह्ल, रंग मैह्ल वगैरा दे कक्ष वने दे न । इने मैह्लें च कुल्लू दे मैह्लें ग्राला लेखा उच्चकोटि दे रंगीन भिति चितर वने दे न । इन्दा निर्माण राज ग्रमृतपाल (ई० 1553-76) ते उसदे पोत्तरे राजा महेन्द्रपाल (ई० 1806-13) दे समै होआ।

वसोह्ली च दो पुराने शिवसंदर ते चट्टानें गी खोदियें बनी दिशं किछ गुफां बी हैन। विश्वेश्वर गुफा वड़ी बड़ी ऐ ते शैल ऐ। इस दी कंधे वर इक मूरत खुदी दी ऐ जेह््ड़ी लगभग दो मीटर उच्ची ऐ। ग्राखदे न जे ए मूर्ति विश्वकर्मा दी ऐ।

जसरोटे दे महुल: कठूमा कस्वे कोला लगभग 12 किलोमीटर उत्तर पासै उन्झ नदी दे कंढ इक प्हाड़ी उप्पर जसरोटा नगगर ते इस नगगर दे राजे दे राजमहुल भग्न-म्रवस्था च लगभग मैं किलोमीटर खेतर च खिल्लरे दे न । जसरोटा नगगर दी नींह 1195 ई० च राजा जसदेव नै रक्खी ही । वर्तमान महुल जम्मू दे राजा रंजीतदेव दे समकालीन राजा रत्नदेव दे समै वसे । जसरोटा डुग्गर प्रदेस दा इक समृद्ध राजा हा । इत्थ्रमां दे गासै गी छूह ने म्राले महुल, डंगे तलाऽ, चौड़े वजार, पिक्कयां गिलयां ते खु'िल्लयां इयोटियां इस नगगर दे वैभव दा गीत गांदे न । इत्थें दौं पराने मन्दर म्रच्छी हालती च हुन वी हैन । ए नगगर हुन भलेमां उज्जड़ी चुके दा ऐ।

चनैह्नी दे राजमैह्ल: इतिहासकार चनैह्नी दे राजें दा सरबन्ध चन्देरी राजबंश कन्ने जोड़देन । ग्राखदेन जेनौमीं सदी च गम्भीर चन्दनै इस राज्य दी स्थापना कीती।

चनैह्नी दे वर्तमान मैह्लें दा निर्माण राजा शमशेरचन्द हितांल नै कीता। शमशेरचन्द रंजीतदेव दा समकालीन हा। ए मैह्ल ध्वंस अवस्था च चनैह्नी च हून बी स्थित न। इनें मैह्लें च खास विशेशता एह् ऐ जे इन्दे च प्हाड़ी वास्तुकला दी हलकी-नेई झलक मिल ही ऐ।

रामनगर दे मैह्ल: महाराजा गुलाविसह दे निक्के भ्रा सुचेतिसह नै इनें मैह्लें दा निर्माण करवाया। ए मैह्ल ग्रन्दरले भित्ती चित्तरें दी सुन्दरता दे कारण मते परसिद्ध होये।

इत्थें इक किला बी ऐ, एह बी राजा सुचेत्तसिंह नै बनवाया हा।

रियासी दे मैह्ल: रियासी दे मैह्ल राजा गुलावसिंह नै बनवाये है। स्थापत्य दी दृष्टि कन्ने एह् साधारण मैह्ल न ।

इत्थें गै महाराजा गुनाबिसह देसमें दा बने दा भीमगढ़ दा किला मुगल वास्तुकला दी झलक दिन्दा ऐ।

पुरानी मंडी दी बारांदरी: ई० 14भीं सदी च राजा मालदेव नै
पटानकोट गी जित्तने दी याद च इसी बनवाया हा। वास्तुकला दी दृष्टि कन्ने
इस दा खास म्हत्तव नेई ऐ। राजाध्रुवदेव नै (ई० सन् 1703-1725)
दरवारगढ़ (हूनै दी मुवारक मंडी च) केई मैह्ल बनवाये। महाराजा रंजीत

देव नै बी जम्मू च केई भव्य मैह्ल बनवाये ते जम्मू गी नमां रूप दित्ता।

दुर्ग-िकले: मध्य जुग ते मध्य जुग दे बाद डुग्गर च स्थानक राजें कई दुर्गें दा निर्माण कीता। बने दे किलें चा मते-सारे हून नष्ट-भ्रष्ट होई चुके दे न। ते इन्दे ग्रवशेश थाह रें-थाह रें पेदे न। इन्दे दुर्गें दा शिल्प-विधान भारती दुर्गें दे शिल्प-विधान कन्ने रलदा-िमलदा गै ऐ। केइयें दुर्गें दियां कन्धां पक्के पत्थरें दियां बनी दियां न। ते केई किलें दियां कन्धां नानकी इट्टें कन्ने बनी दियां न। कन्धां मुट्टियां ते सिद्धियां न। कन्धें च तीर जां गोली मारने ग्रास्तै झरोखे बने दे न।

डुगार दे परिसद्ध किले : मस्तगढ़ जम्मू दा किला, कपूरगढ़ दुर्ग, देवीगढ़ दुर्ग, जसमेरगढ़ दुर्ग, लखनपुर दुर्ग, थेह् दुर्ग, वसन्तपुर दुर्ग, गढ़ी दुर्ग, बिलावर दुर्ग, थिहाल दुर्ग, भड़्डू दुर्ग, सुमरता दुर्ग, रामकोट दुर्ग, वाडीगढ़ दुर्ग, थलोड़ा दुर्ग, वसन्तगढ़ दुर्ग, चनैह्नी दुर्ग, किमंची दुर्ग, जगाह्नू दुर्ग, भद्रवाह् दुर्ग, किश्वाड़ दुर्ग, पाडर दुर्ग, डोडा दुर्ग, पोगल दुर्ग, डिंगवाल दुर्ग, गुलावगढ दुर्ग, सलाल दुर्ग, मनावर दुर्ग, कलीठ दुर्ग, मंगल दुर्ग, कठार दुर्ग, राजगढ़ दुर्ग, भारख दुर्ग, दरहाल दुर्ग ते ग्रमरगढ़ दुर्ग वर्गरा।

इन्दे च मते सारें दा नशान वी मिटी गेदा ऐ। मते सारें दुर्गे च स्कूल खुल'ले देन ते केइयें च सरकारी दफ्तर बी लग्गा करदेन। एह् दुर्ग वास्तुकला दी दृश्टि च खास म्हत्तवपूर्ण।

अस ग्राखी सकने आंजे वास्तुकला दी दृष्टि कन्ने डुग्गर इक समृढ प्रदेस रे'ग्रा ऐ।

डुग्गर दो मूर्ति-कला

ज्योतीश्वर 'पथिक'

डुग्गर देसा दे आद-वसनीक बुनियादी तोरै पर मूर्तिपूजक रेह् न, इसलेई डुग्गर दी मूर्ति कला दा लेखा-जोखा करने थमां पैह्लें, इंदे 'इष्ठ' दे बारे च जानी लैना जरूरी ऐ। इनें इष्ठें दी ग्रराधना आस्तै गै डुग्गर देस्सै दे अनजाने कलाकारें ग्रपनी मूर्तिकला दे जोह्र दस्से।

जम्मू दे प्हाड़ी इलाकें च 'शिव' ते 'शिवत' दी अराधना म्राम तौरै पर हुन्दी रे'ई ऐ। इसदे म्रलावा राम, विष्णु ते दूए देवी-देवताएं दी मानता बी इत्यें कीती जंदी ऐ। पर 'शिव' ते 'शिक्त' दी म्राराधना, इत्यूं दें लोकें दे विश्वास दे श्रद्धा दा मूल-म्राधार रेह्म्रा ऐ। इस कोला बी मता इनें लोकें गी शिक्त पर श्रद्धा ते विश्वास ऐ। केई लोक ते इस हदै तक्कर म्राखदे न जे शिक्त विजन शिव वी अधूरा ऐ ते मात्तर 'शिव' रे'ई जन्दा ऐ। शायद इये कारण ऐ जे जम्मू दे प्हाड़ें च पुंछ यमां किश्तवाड़ ते रावी थमां पीरपंचाल तक्कर प्हाड़ी म्रलाकें च जगह-जगह देवी ऐ तां कुतै मुकराला। कुतै म्रह-भुजा सरथल देवी ऐ तां कुतै चंचूली ते चीची माता। कुदै भद्रकाली ऐ तां कुदै दुई कौड़ देवी। जगह-जगह प्हाड़ें दे दामन च मंदरें दे कलसें कच्छ, देवी दे लाल झंडे इस गल्ला दा प्रतक्ख प्रमाण न। देवी दे ए मंदर कोई चार-पंज सौ साल पराने न ते इंदे च विराजमान मूर्तियां भारती-शैली दियें कलाकृत्तियें दे नमूने न, जेह् डियां ग्रामतौरै पर काले जां चिट्टो सगंमरमर दियां बनी दियां न। संग-मरमर दी मूर्तिकला दा म्रारम्भ लगभग पंज सौ ब'रे पैह्लें होग्रा। पैह्लें

सारे भारथ च मूर्तियां खुरदरे पत्थर गी घड़िये वनाइयां जंदियां हियां। संग-मरमर दी मूर्ति-कला दे ग्रौने कन्ने कलाकारें ग्रपनी कला दी सारी बरीकी ते निपुणता बरतियै इनें कलाकृत्तियें गी बिलकुल रियलिस्टक' बनाई दिता। जम्म्-प्रदेस च देवी दे मंदरें च दो तरांऽ दियां मूर्तियां वनाइयां गेई दियां न। इन्दे च इक ते तांत्रिक मूर्तियां न, जेह् डि़यां सुकराला देवी दे मन्दर च मिलदियां न । एह मंदर बलोर कोला दस्स किलोमीटर दूर प्हाड़ें च स्थित ऐ। श्राखेश्रा जंदा ऐ जे एह् मंदर चम्बा दे राजा मेह्रसैन ने बनवाया हा । उस जुग च जिसले यातायात दे साधन वड़ं कठन हे ते उसले ए मंदर बनाना ते देवी दी मूर्ति दा स्थापन, इस राजा दी ग्रास्था दी प्रतीक ऐ । किण्तवाड़ च सरथल देवी दे मंदरा च ग्रष्ठाकर-भुजा मूरत बी कलादा इक्क टकोह्दा नमूना ऐ। दंत-कथा ऐ जे जिसलै सकंदर बुतिशिकन ने कश्मीर पर हमला करिये कण्मीर वादी दे मंदरें गी नष्ट-भ्रष्ट करना शुरु करी टित्ता तां इस देवी नै इनें प्हाड़ें च अपना वास कीता। ए मूर्ति इक चरवाला गी जंगलै च पेई दी थ्होई ते उसने इस्सी इस प्हाड़ी पर देवी दी स्राज्ञा स्रनुसार इत्थें स्थापत कीता। आखेआ जंदा ऐ जे सरथल देवी कश्मीर घाटी दी देवी क्षीरभवानी दी भैन ऐ। त्रिकूटा पर्वत दे दामन च श्री वैष्णो देवी दी मैह्र्मा सारे भारथ च फैली दी ऐ। त्रीह ्फुट लम्मी इस गुफा च देवी दा वास चार पिंडियें दे रूप च मिलदा ऐ। इत्थें बैष्णो देवी दे भ्रलावा लक्ष्मी, सरस्वती ते महाकाली दियां पिंडियां न ।

भद्रवाह् दे भद्रकाली मंदर दी मूर्ति काले पत्थर दी ऐ। त्रै-चार फुट उच्ची ए मूर्ति कला दा इक टकोह्दा नमूना ऐ। ए मंदर कोई दो-सौ साल पराना ऐ। इस्सै मदरै दे नां पर इस घाटी दा नां भद्रवाह् पाया गेदा ऐ।

जम्मू प्रांता च प्हाड़ी टीलें ते मदानें च कोई बाई किले न । किश किले इसले तगर ठीक-ठाक न ते बाकी खंडहर होई चुके दे न । इनें सारें किलें च देवी दी मूर्ति स्थापत ही । ज्यादातर किलें च महाकाली दी मूर्ति ल'बदी ऐ, कीजे काली प्रलय ते काल दा प्रतीक ऐ।

देवी देवाद इत्थें प्हाड़ी अलाकें च खासकरी शिव दे उपासकें दी गिनतरी वड़ी ऐ । ग्रांएं-पिडें च मंदरें, मदानें ते खासकरी 'वड़' ते 'पिप्पल' दे बूटें ख'ल्ल शिवें दा प्रतीक शिवलिंग थापे गेदा हुन्दा ऐ । शिव दी शक्ति संहार दी प्रतीक ऐ । इंयां भावना ते प्रतीक मिलियें दोये प्रजनन ते संहार दे प्रतीक बनी जंदे न, जिसदे वारे च इक अंग्रेज इतिहासकार ते लेखक ग्रीसैंट¹ गलाना ऐ:—

There is a profound symbolism, whose phillosophic import, we should be careful not to misinterpret, for this shows the god of destruction as one and one the same with creative principle, as the act of death as source of creative power.

Kashmir and Central Asia; P. P. 20

इंयां शैवमत दर्शन ते शिव दी शक्ति साढ़े सारे जीवन पर प्रभाऽ छोड़ी गेई दी ऐ। इये गल्ल ऐ जे ग्रांएं-पिंड्डें च थांएं-थांएं शिव मन्दर ते शिव दे प्रतीक शिवलिंग मिलदेन। जम्मू प्रांत दे खंलके इलाके दे प्हाड़ी सिलसले दा नां शिवालिक ऐ, एह् नां वी उच्चे प्हाड़ी टीलें पर जित्थे शिवें दा नवास ऐ दे नां पर पेदा ऐ। श्री ए. एन. रेणा² हुन्दा गलाना ऐ:—

The Province of Jammu with Siwaliks and outer Hills forms the first storey. 'Siwaliks' is a word meaning the edge of the roof of Siva's dwelling. This word was first used by Babar in his Memoirs:

-Geography of Jammu and Kashmir; P. P. 1

एह् गल्ल इस तत्थ दा प्रतक्ख प्रमाण ऐ जे इस प्रांत दे वसनीकें दी शिव प्रति ग्रापार श्रद्धा ऐ। बलोर दे परिसद्ध मन्दर च शिवें दी मूर्ति लगभग इक उहार साल परानी ऐ। ए मंदर डोगरा निर्माण शैली दा इक टकोह्दा नमूना ऐ। शिवें दे इस मंदर दा जिकर राजतरंगणी च बी मिलदा ऐ। बलोर दा एह् बिल्केश्वर मंदर उत्कल ते बिहार दे मदरें दी शैली कन्ने किछ सांझ रखदा ऐ। इंयां गै वसोह्ली दे कोल शिव मंदर ते इत्थूं दा शिव मंदर वी इक उहार साल पराना ऐ। उच्चे पतले कलस ते पत्थरें दी घड़ाई

कश्मीर एण्ड एशिया-पृ. 20 च गांधार कला पर लेख च ग्रीसैट दा प्रवचन (Quotation): — पी. एन. वाम्जई। प्रका लाइट एंड लाईफ, नई दिल्ली।

^{2.} ज्योग्राफी श्रॉफ जम्मू एंड कश्मीर ले. डा. ए. एन. रेणा, पृ. 1 : नेशनल वुक ट्स्ट।

^{3.} राजतरंगणी: स्टाईन

करी एह् मन्दर हिन्दू निर्माण कला दा शैल नमूना से ई हुन्दा ऐ। पर इसदै बारे च कुसै ग्रेंथे च कोई जिकर नेई मिलदा, पर इसदी निर्माण-कला दा इसदी, प्राचीनता दा परतक्ख प्रमाण ऐ। वसोह् ली च बने दा शिवें दा मंदर ग्रपनी ग्रद्भुत लोकोक्तियें करी काफी परसिद्ध ऐ। ग्राखदेन जे वसोह् ली च पाल राजें दी हकूमत दरान एह् मंदर बनवाया गेग्रा। इत्थू दा शिविलिंग किश्तवाड़ दे अलाके चा ग्रांदा गेग्रा, जेह् ड़ा शीशे दा बने दा हा। दंत-कथा ऐ जे इस शिविलिंग च दिनखने ग्राले गी ग्रपने पिछले जनम दी शकल ल'ट्वी ही। ग्राखदेन, इक रानी ने जिसलें उस शिविलिंग च झांकियें दिक्खेग्रा तां उसगी ग्रपनी शकल बांदरी दी ल'ट्वी। रानी ने गुस्से कन्ने खिझियें उस शिविलिंग गी पुटाई सुट्टेग्रा। गुलांदेन जे इसदे कन्ने गैं 'पाल-शासन' दा खात्मा शुरु होई गेग्रा। हुन उत्थें शिविलिंग काला पेई गेदा ऐ।

इस अलाके च कुसै बेल्लै मूर्ति कला दा रवाज आम हा। रावी नदी दे कनारे निक्की-तिक्की गुफाएं च भगवान विष्णु, शिव ते देवी 2 दियां मूर्तियां आम मिलदियां न, जेह् ड़ियां कोई पंज-सत्त सौ व 2 रे परानियां न। इक गुफा कोई $10'\times4'$ दी ऐ। इत्थें भगवान विश्वकर्मा दी मूर्ति मिलदी ऐ। आखरे न इस्सै दे नां पर इस नग्गरा दा नां बसोह्ली पेदा ऐ। गुफाएं ते कन्दरें च बने दे ए मंदर रावी नदी पर पाए जाने ग्राले होर मन्दरें दा इक सिलसला न, जिंदे च परानी मूर्तिकला दी चेची छाप ऐ।

जम्मू दे रणवीरेश्वर, पंज वक्तर ते रघुनाथ मदर च शिवें दे शिविलग बड़े परिसद्ध न । भद्रवाह् दे गुप्त-गंगा मन्दर दा शिविलिंग काफी उच्चा ऐ । इत्थें प्हाड़ै दा पानी ग्राइयै ग्रपने-ग्राप शिविलिंग पर पौदा ऐ ।

जम्मू दे मंदरें च शिवें बाद रामचन्द्र जी दी मानता बड़ी मती ऐ। जम्मू दा रघुनाथ मन्दर सारे उत्तर भारत चवड़ा परसिद्ध ऐ। इत्थें राजस्थानी मूर्तिकला दा नमूना अपने पूरे जोवन पर मिलदा ऐ। इक सौ दस ब'रे कोला बी पराने इस मंदरै च जित्थें काले ते चिट्टे पत्थरें च रामचन्द्र जी, लक्षमण

एह् गल्ल मिगी बसोह्ली च बड्डे-बुड्ढें कन्ने साक्षात्कार दे बाद पता लग्गी । इतहासिक पुस्तकें च इस दे बारे च किश बी पता नेई चलदा।

^{2.} वसोह्ली दी ए रॉक टैम्पल कला कोई इक ज्हार साल परानी मन्नी जदी ऐ।

ते सीता जी दियां मूर्तियां न, उत्थें गै लक्ष्मी नारायण, विष्णु, भरत, शत्रुघ्न, मच्छु-कच्छ, लक्ष्मी, विराट रूप दियां मूर्तियां पकरमा च स्थापत न। रघुनाथ मन्दर दी इस पकरमा च वने दे मंदरें दे कमरें च शालिग्राम दियां पिंडियां वनी दियां न। ग्राखेआ जंदा ऐ जे इंदी गिनतरी दस्स लक्ख ऐ। रघुनाथ जी दे इस मदर च इक ग्रनोखी चीज ऐ जे रामायण, महाभारत ते इनें पौराणक कथाएं दे म्हत्तवपूर्ण व्यौरे इनें मंदरें च मूर्तिकला दे सरोखड़ नमूनें दी शकली च मिलदे ने। इस मूर्तिकला दी शैंली ते कला ग्रपने पूरे गुहाड़ै पर ऐ। मूर्तियां इयां से ई हुंदियां न जे हूनै मूहां बोली उठगन। हनुमान, शनि ते दूइयां मूर्तियां बी इस मन्दर च बड़ी उच्च कोटि दियां न। इस्सें मन्दरें च कोई चार साल पैह लें धर्मार्थ ट्रस्ट दे सोल ट्रस्टी डा. कर्ण सिंह ने नटराज दी इक मूर्ति दी स्थापना कीती ऐ। इसदे ग्रलावा पुंछ, रजोरी, रियासी, उधमपुर, ते दुए इलाकें च रामचन्द्र जी दियां मूर्तियां पाइयां जंदियां न।

नाग-पूजा जम्मू दे व्हाड़ी ते नीम-व्हाड़ी इलाकें च कीती जन्दी ऐ। भद्रवाह् दे ग्रलाके च वासुकी नाग गाठा दी बड़ी मानता ऐ। भद्रवाह् नग्गर ते गाठा च बने दे मंदरें च वासुकी नाग दियां काले पत्थर दियां मूर्तियां बिड़्यां सुन्हाकिड़्यां न। चार कोला पंज फुट उचाई दियां ए मूरतां सांब-सम्हाल कन्ने रबखी दियां न। स्यालें जिस बेल्लें इत्थें भारी वर्क पौंदी ऐ, इनें मूर्तियों दे उप्पर कप्पड़े दा गलाफ चाड़ी दित्ता जंदा ऐ। ग्राखेग्रा जंदा ऐ जे इनें दिनें च भगवान वासुकी नाग जगननाथ पुरी चली जंदे न। कपलाश पर्वत दे उप्पर 17000 फुट उचाई पर स्थित मन्दरै च बी वासुकी नाग जी दी सुन्दर मूरत ऐ। उंथां वी इत्थें शिवें दे हर मन्दरै च नाग देवता दी पत्थर, त्राम्मे, पित्तल जां कुनैं दुई धातु दी ग्राकृति मिल-दी ऐ। प्हाड़ी लाकें च चश्में बौलियों गी नाग आखेग्रा जंदा ऐ। उप्पर पत्थर रियां कन्धां बनी दियां हुन्दियां न, जिन्दे पर उप्पर नाग देवता दी मूरत पत्थर उप्पर खुदाई करियें वनाई गदी हुन्दी ऐ। डुग्गर देसै दे हर हिस्से च पाई जाने ग्राली धार्मक मूर्तियें पर हिन्दू काल दी मूर्ति कला दी गैह्री छाप ऐ। भायें

स्याल वर्फ ते ठंड कोला वचाने ग्रास्त इनें मूर्तियें उप्पर मुट्टे कपड़े चढ़ाई दित्तें जंदे न । इदे जगननाथपुरी जाने ग्राली गल्ल ग्रप्रंल 1981 च मन्दर दे पुजारी कन्ने साक्षात्कार दे बाद पता लग्गी ।

एह् मूर्तियां इस दे बाद बी बनाइयां गेइयां पर से ई एह् हुन्दा ऐ जे कला धारा उये ऐ। मूरत भामें कैंह्, त्राम्मे जां पित्तलू दी होऐ भामें सैंखमा दी, पर शैली दे लिहाज कन्ने एह् मूर्तियां हिन्दू काल दियां वेजोड़ किरताः राम, शिव, शक्ति, वासुकी नाग दे ग्रलावा इत्थूं दे मंदरें च हनुमान दी बी पाई जन्दी ऐ। कुदै-कुदै एह् सैंखमरमर दी बनी दी ऐ ते प्राचीन मन्ते एह् मूरतां कन्धा पर उक्करिये वनाई गेदियां न। पिछले सौ पंजाह् व'रें के सीमेंट दा रवाज बी चलदा रेहा ऐ। पर एह् रवाज ग्राम नेई होई सकेंग्र किश मन्दरें च हनुमान जी ते बैंश्नो देवी दियां मूर्तियां सीमेंट दियां वनी हि वी मिलदियां न।

1958 ई. च 'स्टेट्समैन' दे चार्ल्स फैबरी¹ ने ग्रखनूर दे कोल ग्रंबा दे स्थान पर मिलने ग्राले नरमुं डें (Terracotas) पर इक लेख लिंद दुनिया भर गी चवात च पाई दित्ता। एह् नरमुं ड मित्तिया च खेढने ग्रं जागतें गी मिले हे ते इनें गी पैह्ली जां दूई शताब्दी दा ग्राखेग्रा जंदा ए इनें नरमुं डें दी झलक दिक्खिय एह् मस्स हुन्दा ऐ जे इनें सार्थ शक्तों दे नक्क फीन्ने ते अक्खीं मुट्टियां हियां। एह् श्रेती हिन्दू-कलां यूनानी-कला दे मिश्रण दा नमूना ही। बौध मूर्ति कला दी शैली दा प्रभाव इस पर रेह्गा, जेह्ड़ी बाद विच हिन्दू मूर्ति कला शैली दा इक ग्रंब गेई। हिन्दू ते यूनानी कला दी इस शैली कन्ने जेह्ड़ी चीनी प्रभाव कि कश्मीर घाटी च दाखल होई, गी गांधार शैली² दा नां दित्ता गेदा ऐ। इस गांधार शैली ने कश्मीर दी मूर्ति कला पर अपना खासा प्रभाठ छोड़ेग्रा। शिलीध कला (Graw-Buddhist Art) बी ग्राखेग्रा जंदा ऐ। इसने उस वेले हिन्दू मूर्ति कला पर ग्रपना ग्रच्छा खासा प्रभाठ छोड़ेग्रा।

326 कवला मसीह् च जेल्ले सिकंदर ने पोरस दे साम्राज्य कि हमला कीता, उसले पोरस दा राज जेह्लम ते चनांठ निदयें दे वश्कार की दा हा। सकंदर कन्ने दो इतिहासकार डायाटुरस³ ते स्ट्रै वो वी ग्राए दे कि जिन्हें ग्रपने सफरनामें च इत्थूं दे जन-जीवन पर काफी लो पाई दी है।

^{1.} मार्ग ग्रंक मार्च 1958 (ग्रखनूर टैराकोटाज पर चार्ल्स फैबरी दा लेख)।

^{2.} कश्मीर एंड सैंट्रल एशिया : पृ.—20।

^{3.} ग्रलैं जोंडर दी ग्रेट: ग्रर्जुनदास मिलक ते निसहदास निगस दी पुर्ह्त

इसदे बाद सिकंदर ने चनांऽ दरेशा पार कीता ते ग्रो रावी नदी पार करी गेआ । इंयां डुग्गर प्रदेस दी प्राचीन संस्कृति उप्पर यूनानी संस्कृति दी गैह्री छाप मिलदी ऐ । इंयां गै पुंछ दे मेंढर कोला लेइयै किश्तवाड़ दे इलाकें च बुद्धमत दे प्रभाऽ दे प्रमाण मिलदे न, इसलेई एह् कोई वड्डी गल्ल नेई जे यूनानी ते बृद्धमत दे प्रभाऽ स्थानी मूर्तिकारें वी स्वीकार कीते होन ते स्रंबारां दे एह नरमुंड इनें प्रभावें दा इक सुखद प्रमाण होन । 1977 ई. च वी सूरज सराफ ने गूल-गलावगढ़ च मिलने ग्राली पत्थर दियें मूर्तियें दे वारे च इक लेख 'टाइम्स ग्राफ इंडिया'। च लिखिये इक सनसनी-जेई पैदा करी दित्ती। एह् ग्रादमकद मूर्तियां उनें कोई इक ज्हार साल परानियां सावत कीतियां। मते सारे माह्नू घोड़ें पर सवार दस्से गेदे न, जेह्ड़े ग्रपने सिरें पर लग्गी दियें टोपिये कोला हिन्दू-गद्दी ल'वदे न। गूल दे कोल एह् मूर्तियां काफी गिनतरी च पाइयां गेइयां न । उनें इस पासै इन्नी गै लो ग्रपने लेखें च पाई दी ऐ। एह् लोक कु'न हे, केह् ड़े राजे दे काल च होए जां किस दौर च इस दूर-दराज दे प्हाड़ी लाके च मूर्तिकला ने इन्नी प्रगति कीती—इस बारे च विस्तार कन्ने किश पता नेई चली सकदा। इस वारे च 'ग्राक् योलोजिकल सर्वे ग्राफ इंडिया ते शोध करने ग्राली दूई संस्थाएं दे प्रयास मते जरूरी न।

मूर्तिकला दे इनें नमूनें दे ग्रलावा मते सारे मन्दरें च ऐसियां खंडत मूर्तियां मिलदियां न, जिन्दे कोला डुग्गर दी प्राचीन मूर्तिकला दें बारे च बड़ा किश पता चली सकदा ऐ।

रजोरी तबी दे मंदर च पेई दियां खंडत मूर्तियां बी काफी दिलचस्प न। दऊ मूर्तियां कुसै हिन्दू दरवारी नर्तकी दियां मूर्तियां से दें हुन्दियां न। इनें मूर्तियें दी पतली कमर ते इंदे गलें च पेई दी माला हिन्दू मूरत कला दा इक नम्ना सझोदियां न। इन्दा चीनी मूर्तिकला पर प्रभावें दा जिकर करदें पो. एन. वामजई ने ग्रपनी कताव 'कश्मीर एण्ड सैंट्रल एशिया' च लिखे दा ऐ:—

^{1.} श्री सूरज सराफ दा लेख, सूचना विभाग दी पत्रिका 'योजना' च बी छपेश्रा हा।

^{2.} कश्मीर एण्ड सैंट्रल एशिया।

The ideal figure of Indian dieties were accepted by Chinese painters and sculptors. The most usual pose that curious side tile, as if gods were about to dance, was emphasised by hips and slim waist.

इनें मूर्तियों च इक खुर्दरे पत्थर दी मूर्ति हिन्दू काल दी मूरत का दा इक्क टकोह्दा प्रमाण ऐ। इंयां गैं इक मूर्ति कुसै देवता दी पत्थर पर खोरी गई दी ऐ। समें कन्ने ए मूर्ति काफी घस्सी गेई दी ऐ। इसकरी इस वं शकल पनछानना बड़ा मुश्कल कम्म ऐ। इसदी चार बाह् में ते हत्था च पक्ड़े दे हथियारें कोला बझोंदा ऐ जे ए मूर्ति भगवान बिष्णु दी ऐ। पर, जकीत किश नेई ग्राखेग्रा जाई सकदा। इक होर मूर्ति नर्तकी दी ऐ जेह्ड़ी सैंखमरमर दी बनी दी ऐ। सैंखमरमर दी शिला पर खोदी गेदी ए मूर्ति किश ग्रधूरी-जन से'ई हुन्दी ऐ। खंडत हिस्से दे उप्पर इक पैर बने दा ऐ, जेह्ड़ा कुसै ग्रादमी दा बझोंदा ऐ। खंडत होने दे कारण मूर्ति दा पूरा क्याफा नेई लगदा।

इंयां गै पौगल परिस्तान च हिन्दू-जुग दी मूर्तिकला दे किछ नमूने मिलदे न, जेह ड़े ऐह ्ल नवास कच्छ बौली दी कन्धै पर तराशे गेदेन। एह सूर्तिकार कु'न हे, जां ए मूर्तियां किस जुग च बनाइयां गेइयां, इस दे बारे च किश पता नेई चलदा। नां गै राजतरंगनी च इस बारे च कोई जिकर कीता गेदा ऐ।

उधमपुर जिले च शुद्ध-महांदेव दा मंदर ग्रपनी प्राचीनता² करी काफी प्रसिद्ध ऐ। इत्थें शिवें दे मंदिर दे ग्रलावा इक प्राचीन त्रिशूल ऐ

2. शुद्ध महादेव दा एह् मंदर दूई शताब्दी दा दस्सेग्रा जंदा ऐ। लोक विश्वास ऐ जे शिव ते पार्वती दा ब्याह् मानतलाई दे स्थान पर होग्रा हा।

^{1. 1979} च लेखक ने ऐह्ल नवास (तहसील रामनगर जिला डोडा) दे उत्तर च इक बौली पर ए खोदी दियां मूर्तियां दिक्खियां, पर इंदी पृष्ठभूमि कुसै पुस्तक च नेई मिली। एह् इलाका कुसै बेले भद्रवाह् ते किण्तवाड़ राज्यें दा दूर स्थित हिस्सा रेहा हां जित्थें निक्के-निक्के जैलदार राज करदे है। ग्रीरंगजेब 1681 च इत्यें ग्राया ते सामूहक रूप च इत्यूं दे लोकें इस्लाम कबूल कीता।

जिसदे उप्पर खुदे दे ब्राह्मी लिपि दे अवखरें गी पंजाब विश्वविद्यालय दे प्रो॰ जगन्नाथ अग्रवाल होरें ते जम्मू विश्वविद्यालय दी डा॰ श्रीमती वेदघई होरें पढ़ने च सफलता प्राप्त कीती ऐ।

हुगार दी मूर्तिकला गी जनम देने ते इसी परवान चढ़ाने आले कलाकार कु'न हे, इंदे बारे च किश पता नेई चलदा । जिन्ने वी इतिहासकार हे, उने कलाकारें दे बारे च लिखने दी वजाए राजे-राजवाहें दा गुणगान कीता । सिर्फ सुरज सराफ दे इक लेख कोला पता चलदा ऐ जे हुगार दी मूरत कला गी जिंदा रक्खने ग्राला श्राखरी मूर्तिकार नत्था² हा ।

दिनोदिन मिटदी डुग्गर दी इस कला गी जिंदा करने ग्रास्त जम्मू-कश्मीर लिलत कला अर्कंडमी ने पिछले किश व'रें कोला प्रयास शुरु कीते न । ग्रकंडमी देसा दे ते मुकामी मूर्तिकारें दा इक कैंग्प हर साल ग्रायोजत करदी ऐ। इनें कैंग्पें दा नतीजा ऐ जे जम्मू दी नमीं नसल च मूर्तिकला दा शौक पैदा होआ करदा ऐ। डोडा जिले च ठाठरी दे स्थान पर चनांऽ नदी दे कंढे, पाया जाने ग्राला पत्थर, मूरत घड़ने लेई काफी उपयुक्त ऐ। अर्कंडमी दे कैंग्पें च ग्रीने ग्राले मूर्तिकारें जेह् ड़े नमूने बनाए न, उन्दे च परानी बारी-कियों दी थाह्र नमीं ग्रवस्ट्र कट ते प्रतीकात्मक रुझान पाया जंदा ऐ। आशा कीती जाई सकदी ऐ जे ग्रकंडमी दे एह् प्रयत्न पुरानी मूरतकला दे नव-

डा० वेद कुमारी हुंदे श्रनुसार ए ब्राह्मी लेख इंयां ऐ:—

^{1.} सिद्धम् स्वराज्य संवत्सरे पंक पतिनागेन

^{2.} भ (व) विभुनागस्य पुत्रे

^{3.} ग्रा कैली देवु: कस्य:

श्री धर्मचंद्र प्रशांत हुंदा गलाना ऐ जे पैह्ली पंक्ति सिर्फ सिद्धम् दी वजाए ग्रों नम: सिद्धम ऐ

^{2.} सूरज सराफ दे इस लेख अनुसार नत्यू दा काल ग्रज्जै कोला 60-70 साल पहुले हा ।

15. श्री सूरज सराफ दे इंडियन एक्सप्रैंस दें 18 जुलाई 198। च छं। दे इक लेख दे ग्रनुसार:—

"With cocked head, big eyes, perked ears, heavy dewalp, highly ornate caparison and with remarkably well balanced features, the magnifiscient block-stone life size bull of Ramkot in Jammu region seated imposing in a pedestal, displays a high water mark of little art and an abiding tribute to its consummate sculptor"

"Nathu belonged to a family of Bateras literally meaning workers in stone, may be as an artist or only a mason and Nathu was tops in both the lines.

It was after many years that it was ascertained that Nathu hailed from Purmandal, a well known pilgrimage centre 40 Kilometers from Jammu city. I also learnt that masters grandson was still living there. However, when I visited Purmandal to see the grandson Krishan Singh, I was much disappointed to find that he was no longer pursuing the art so laboriously & gloriously used by Nathu. Krishan Singh earned his livlihood through tailoring. Nathu had died even before the birth of Kishan Singh. There -fore Krishan Singh was not able to tell much about Nathu except that his father Chattar Singh did follow to some extent in the footstops of Nathu, but he himself had not taken to that line. He however, produced a list of his family names to nine generations and said that the older part has been lost. He claimed that according to the fuller geneology, they had descended from Prithvi Raj Chauhan's family and had migrated to this place in stages over the centuries.

But I was able to gather interesting information about Nathu from some old persons at Purmandal who said that they had seen Nathu and remembered him well. According and people used to come to him to get idols modelled for temples and Baulis.

Information continues trickling in sporadically about this idol or that idol having been done by him and his works as a master-mason. It is said that Maharaja Ranbir top mason.

(Extracts from creation of a Master Sculptor)

डुगगर दा लोक-संगीत

सुरेन्द्रपाल गंडलगाल

ग्रात्माभिन्यिक्त दे स्हावें मनुक्खें गी सारे संसारें च सारें-शा अगों मिथेग्रा गेदा ऐ। ग्रात्माभिन्यिक्त दे वसीले, मनुक्खें ग्रपनी वकास-यात्रा दे कन्ने-कन्ने गैं हासल कीते होंगन। ग्रुरू-ग्रुरू च ते मनुक्ख ग्रपने दुख-सुख, ग्रागा-निराणा आदि भावें गी व्यक्त करने ग्रास्तै सिद्धी-पद्धरी किछ ग्रवाजें दी वरतून गैं करदा होग। परैंत्त इनें ग्रवाजें दे 'स्वर', 'स्थिर' ग्रादि रूपें दा वी थोह् होग्रा होग ते 'आरोह्', 'ग्रवरोह्' ग्रादि प्रयोगें दी जानकारी वी।

संगीत: भरतमुनि, मनुक्खं दे शरीर गी 'गात्र वीणा' गलांदे न, यानी गाने ग्राली बीन । मनुक्खा दा सुभाऽ ऐ जे ग्रो कदें दुखी होंदा ऐ ते कदें सुखी। ग्रोदे दुखं-सुखं दी ग्रिभिन्यिक्त 'सुर' ते 'लय' दे राहें होंदी ऐ। दुख-भरे भाव गी सुर न्यक्त करदा ऐ ते खुशी दे भाव गी लय न्यक्त करदी ऐ। ए दमें अभिन्यिक्तयां किट्ठें मिलियं 'संगीत' दा रूप धारण करिदयां न। ए संगीत इक ऐसी भाशा ऐ, जिसी हर कोई बुज्झी सकदा ऐ, समझी सकदा ऐ। बोल्लें दी पुज्जें शा बाह् रैं दी ग्रिभिन्यिक्त संगीत राहें बड़े सैंह, ज ढगें कन्ने कीती जंदी ऐ। नेकें भावनाएं दा समझना-समझाना, संगीत दा गैं विशे ऐ। बड्डे दुक्खं च बी मनुक्खं दे मूंहें चा ग्ररड़ जां ढां गैं बजदी ऐ ते मती खुशी च बी ढील-जन खुशी दी सूचक कोई ग्रबाज गैं निकलदी ऐ। संगीत राहें ग्रिति-सूखम ते कोमल भावें गी बी ग्रैह, न कीता जाई सकदा ऐ। खनोशी दी गहराई च बी गोता लाइयें किछ तुप्पेग्रा जाई सकदा ऐ। किपाशी दी गहराई च बी गोता लाइयें किछ तुप्पेग्रा जाई सकदा ऐ। निराकार गी साकार करने दी तांह ग मनुक्खं च महेशां धमां गैं मजूद ऐ।

लोक-संगीत: सुर ते लय गी सनातन गलाया जाई सकदा है। इंदा रूप म्हेशां इक्कै-जेहा रौंह दा ऐ। जे लय गी ग्रात्मा ते सुर गी शक्त मन्नेग्रा जा तां बोल इस बजूद दे टल्ले, गैंह ने आदि मिथे जाई सकदे है। ए संगीत थां वशेश दे गैं रीति-रवाजें दे मेल च ग्राइयें उत्थूं, दा लोक-संगीं खुग्रान लगदा ऐ ते पीढ़ी दर पीढ़ी समृद्ध होंदा ग्रपने वारसें दे हत्थ सुरक्षेश गित्तै पुजदा जंदा ऐ। एदा लिपिबद्ध रूप बी एदे सम्हाले गी जकीनी वन्हें गित्तै गैं अमल च लाया जंदा ऐ।

"ग्रनपढ़ जां घट्ट पढ़े-लिखे दे ते ग्राएं-पिंडें च रौह्ने ग्राले लोकें दे गैं संगीत दा नां लोक-संगीत ऐ।" ए सोचना बड़ा गैर-मनासव ऐ। 'लोकें शब्द मनुक्खें दी सुतंतर अवस्था दी नणानदेही करदा ऐ। इस सुतंतर ग्रवस्था च मनुक्खें गी ग्रपनी चेतना दियें सभावक गित-विधियें दियां उपलिधियां हत्थ लगिदयां न। जड़ शारीर च बी चेतना दे दर्शन होंदे न। ए गल बड़ी टकोह्दी ऐ जे सुतंतरता दा ग्रर्थ चेतना दी ग्रजादी कन्ने ऐ, ग्रजादी दी शारीरक गुलामी कन्ने नेई।

लोक सिरजना दे ग्रासरमै पेदी कुसै सोह् गो गुमनाम साधक दी उच्च कोटि दी कृति भी अनपढ़ जां ग्रसभ्य लोक दी कृति नेई मिथेग्रा जाई सकदा ते नां गै इक्क उच्च-कोटि दे साधक दे नामे कन्ने जुड़ी दी कुसै देमेल कृति गी लोक-मानस दे मत्थे मढ़ेग्रा जाई सकदा ऐ। कुसै थाह्रा दे सब्बनें बसनीकों दी सांझी ते सभावक सिरजना गै उत्थू दी लोक-सिरजना खुग्नांदी ऐ। व्यक्तिगत भावना वी जन-भावना दा रूप धारण करी लैदियां न। समें दी पोथी दे हर सफे पर लोक-सिरजना दे गुहाड़ ग्रपना-ग्रपना थाह्र रखदे न। साहित्यकार, कलाकार ग्रादि लोक ग्रपने-ग्रपने ढंगे कन्ने इंदा निरूपन करदे न ते जतन करदे न जे हर गल्ला दा मनासब मुल्यांकन होई सक, ठीक-ठीक प्रसारन ते प्रकाशन होई सक।

लोक-संगीत दी सिरजना सभावक ते अपने-प्राप होंदी ऐ। कोई
गिनी-मिथिय नेई करदा। आप-मुहारी कुरजने आली जन-रस दी ए सीर
सुभाऽ च सोह् गी, शील ते सुतंतर होंदी ऐ। थां वशेश दी अपनी स्थित
ते अपने तकाजे गैं उत्थूं दे दुख-सुख (जां सुर-लय) दियां मात्रां निश्चित
करदेन ते उत्थूं दे लोक-संगीत दा कारण बनदेन।

लोक-संगीत ते लोक-गीत : लोक-संगीत दा लोक-गीतें कन्तै बड़ा गूढ़ा रिण्ता ऐ । कुसै भाव, रस ग्रादि दे वजूद गी व्यक्त करने च दमैं ग्रपनी-ग्रपनी थबीका मतादक हिस्सा लैंदे न ।

स्वरें राहें कीती जाने ग्राली जन-भावना, जन-रस ग्रादि दी ग्रिभ-व्यक्ति, लोक संगीत खुग्नांदी ऐ ते स्वरें दे स्हारें वोलें, राहें कीती जाने आली जन-भावना, जन रस ग्रादि दी ग्रिभिन्यिन्त लोक-गीत खुग्नांदी ऐ। लोक-संगीत कुसै स्थिति वशेश दी उपज होंदा ऐ ते लोक-गीत एदे प्रसारन दा कारण। इंदा दोनें दा वकास इक-दुए पर निर्भर ऐ ते ए वकास धरत वशेश दी खूबी प्रकट करदा ऐ।

हुगार दे लोक-संगीत च वी ए खूबी मजूद ऐ जे ए हुगार धरती दे हर ध्या गी सनाने दी पूरी समर्था रखदा ऐ। हुगार दे लोक-संगीत गी वक्खरे-वक्खरे परिप्रेक्षें च ते वक्खरे-वक्खरे दृष्टिकोणें थमां दिक्खने गित्ते इत्यू दे लोक-गीतें दी हर वनगी दे शीशे चा झांकने दी लोड़ ऐ। इस सब इगार दी भूगोलक, इतिहासक, समाजक ग्रादि स्थितिएं दी पूरी जान-गितें हुगार दी भूगोलक, इतिहासक, समाजक ग्रादि स्थितिएं दी पूरी जान-गितें होती चाही दी ते कन्ने जुड़दी हर गल्लै दे वकास-कम दा थोह् वी। कुसै थाह्रा दे 'समाजक-संगठन' ते 'सास्कृतक-पक्ष' इनें नीएं उप्पर गै उस्सरे दे होंदे न।

डुगगर दे लोकगीतें दी हर बनगी दा ग्रपना खास संगीत ऐ, कीजे इंदे ग्राधार-भूत अपने-अपने न, इंदा वकास-कम ग्रपना-ग्रपना ऐ। हर संगीत-ग्रुणी कुसै भाव, घटना, स्थान, समय, रस, ऋतु ग्रादि दा इक खास ग्रहसाम-जन पैदा करदी ऐ। कुदरती नजारें कन्ने सरबंधत गीत, संस्कार गीत, धार्मक गीत, प्रेम गीत, कम्मै-कारें दे गीत, ऋतु गीत, जड़ी-जादू ते भूत, मसानें सरबंधी गीत, नाच-गीत, तित्थें-त्याह्रें दे गीत वगैरा ग्रपने-ग्रपने समानें सरबंधी गीत, नाच-गीत, तित्थें-त्याह्रें दे गीत वगैरा ग्रपने-ग्रपने टकोह्दे संगीत राहें लोक दे लोकाचार, धर्म-वश्वास, बरतन-बरतान, सुभा-टकोह्दे संगीत राहें लोक दे लोकाचार, धर्म-वश्वास, करतन-बरतान, सुभा-वृत्ति सुख-दुख, ग्राणा-निराणा ग्रादि नेकें मानसक क्रियाएं-प्रतिक्रियाएं दे वृत्ति सुख-दुख, ग्राणा-निराणा ग्रादि नेकें मानसक क्रियाएं-प्रतिक्रियाएं दे वक्तर थमां पैदा होने ग्राले ग्रहसामें दी बसुली होंदी ऐ।

लोक-गीतें च भाव-लोक भाएं मते थाह् रें इक्कै-जेह् आ होयै, पर, हर थाह् रा दा संगीत अपनी टकोह् दी पन्छान रखदा ऐ। अकसर संगीत थमां गै ए लाना लग्गी जंदा ऐ जे ए गीत कुत्यूं दा ऐ, गीतै दे बोल समझा भाएं नेई गै औन। इस्सै चाल्ली हर संगीत-शैली बी शरीर च अपने ढंगै दा

इक खास रोर्माच पैदा करी जंदी ऐ ते श्रपनी पन्छान देई जंदी ऐ, ।

जन्हेस्रा सुहामां देस डोगरा— न्हेस्रादेस नि दिक्खनाकोई होर जी।

× × ×

गोरी दा चित्त लग्गा चम्बे दिया धारा। चम्बे दिया धारा, पौन फुहारां। स्रोढनू सिज्जा जंदा सारा.....।

x x x

पार धारा सेतिया दो सोटी स्रो।
तेरी मेरी किस्मत खोटी श्रो।
डूंगे नाले, सिम्बलू पकेरे श्रो।
खाने श्राले पक्खरू बत्हेरे श्रो।
डूंगे नाले बौंसरू बजांदा श्रो।
जानी म्हाड़ा दिल तरसांदा श्रो।

प्रकृति दे स्थूल ते चेतन रूप च इक सिद्धा रिश्ता कैम करने ग्राला इनें गीतें दा संगीत पूरे वातावर्ण च खुमारी-जन भरी दिंदा ऐ ते तन-मन सुगंधत होई जंदा ऐ। हर परिवेश दा इक चित्तर-जन ग्रक्खें च चतरोई जंदा ऐ, हिरदे च बस्सी जंदा ऐ।

डुग्गर च जीवन बत्ता दे हर मोड़ पर कोई ना कोई संस्कार श्रमल च लाया जंदा ऐ। हर संस्कार गी सलोभे ते सग्गोसार करने श्राला बक्खरा-बक्खरा लोक-संगीत ऐ, जियां बिहाइथां, लोरियां, सोहाग-घोड़ियां ते सिठनियां, स्याप्पा ते ढाहीं बगैरा:—

जिस ध्याड़ मेरा हरिहर जम्मेश्रा, सोई ध्याड़ा भागें भरेश्रा, राम। न्हाता-धोता हरेश्रा पट्ट पलेटेश्रा, कुच्छड़ मिलेश्रा श्रम्बडी रानी राम।

170

X

X

X

सेई जायां नन्द लालेश्रा, बांह् सरैह्ना दिन्नी थ्रां। सेई जायां गर - पालुग्रा, बांह् सरैह्ना दिन्नी थ्रां। (लोरी)

X

X

X

X

टिक्का जुद्देश्रा दा श्राया,
लग्गी सानू देर।
तुस लाश्रो मेरे बीरा
लग्गी सानू देर।
(बदावा)

imes im

सेह्रा ब नेत्र्यां, पंज लड़ियां; हीरे, मोती ते लालें जड़ियां।

(घोड़ी)

अंति स्वामें दिए कोयले ।
 बाग छोड़ी बन कैत चली ऐं।
 बावल मेरे धरम जो कीता,
 धरमै दी बद्दी ग्राऊं चली ग्रां।

(सुहाग) ×

x x x

मरने ते म्हातमदारिएं दी परिचयात्मक संगीत-शैली दा बजूद रोहे पिट्टने, ढाहिएं, स्याप्पें ते बरलापें च पाया जंदा ऐ। कन्सार पौंदे सार गैहे उदासी-जन छाई जंदी ऐ।

भेटां, विश्नपते, देवी-देवतें ते प्रकृति दे स्तुति-गान जा पूजा-अवंग धार्मक संगीत गी प्रकट करदे न :—

> माता दे दरबार जोतां जागदियां, शेरां बाली दे दरबार, जोतां जागदियां। सूहा-सूहा चोला माता ग्रंग बराजे, चन्तन तिलक लगाया जोतां जागदियां। (भेट)

श्राकर्शण प्रकृति दा पैह्ला निजम ऐ ते प्रीत श्राकर्षण दा दूग्रा निजम—इस सच्चाई दा आधार-भूत भाएं किश वी होयै, पर एदा सृष्टि-चक्कर च बड़ा म्हत्तव ऐ। ए तांह्ग संवेदनशील-संगीत थमां बड़ी टकोह्दी उ'ब्बरदी ऐ:

में केह् करां ननानें, जोवन होड़ेश्रा नेईं रौंह्दा। कर्दे राविया दे कंढे, कर्दे दरेश्रा दे फेरें, बगला बन-बन बौंह्दा। में केह् करा.....

X X X प्रमबे दिए डालिए, मोइए दुश्रास नि हो उनें अञ्ज ब्राई पुज्जना।

कम्मै-कारें देधनी डुग्गर दे लोकें दी ए चेच रेही ऐ जे ए अपने कम्मै-कार्ज चा बी अपना मनोरंजन गित्त नेकां धुनां जगाई लैंदेन:

देश्रां माए मिगी श्रोढनू,
कन्नै गोडनू।

में मच्छ्रा गुड्डन जाना
लोभी मरुए दा।।

X X X X
जली श्रो जा, कंढिया दा बस्सना,
भर दपैह्री पानियै गी नस्सना।

हर रित्तै दी अपनी चेच ऐ । ए चेच डुग्गर दे लोक-संगीत च बड़ी बनी-ठनी दी, साफ ते गूढ़ी होई-होइयैं उ'ब्बरदी ऐ:

जली जायो सोहे दिए नींदरे,
जिस दिले सज्जन रसाई।
जे में होंदी जागदी लोको,
ग्राऊं लैंदी गलै कन्नै लाई।
X

फुल्लें पर भौरें पाया फेरा, कलिएं पर भौरें पाया घेरा। सुन्हाकी क्राई रित्तड़ी॥ X

भागड़ा, कुड्ढ, फु'म्मनी, फेरी वगैरा नाचें दा मूजब बनने ग्राला संगीत डुग्गर दा नाच-संगीत खुग्रांदा ऐ। मनुक्खै गी ग्राप मुहारे गै ग्रंग-संनालन गित्तै मजबूर करी दिदा ऐ। ग्रंग-ग्रंग च इक उत्साह्-जन जागी खड़ोंदा ऐ।

हुगगर च नेकों तित्थें-त्याहरों गी वी मनाया जंदा ऐ, जिंदे च इक-इक दी अपनी-अपनी रौंस ऐ, अपना-अपना शलैंप्पा ऐ। ते इंयां गै हर तित्थैं-त्यहारैं दा अपना-अपना टकोह्दा संगीत वी:—

उड्ड मड़ क् जड़िए मड़िए, सौन भ्राया ई म्राहो। कियां उड्डां नीं भ्रड़िए, देस पराया ई म्राहो।

X

कुंड्डू - कुंड्डू कांटे,

भाई कुंडूड्-कुंड्डू कांटे—हेरनी।
पाई खन्दे बैरें दी, ते—हेरनी।
भक्तै गी न्यूं जानदे—हेरनी।

X

इस्सै चाल्ली खेढ्डें सरबंधी संगीत बी खेढ विशेश दा चेता लेई ग्रानदा ऐ ते अक्खिएं च इक उयै-जेहा समां व'ज्जी जंदा ऐ, हिरदे च नेकां स्पर्श-चित्र उ'ब्बरी-उ'ब्बरी खड़ोंदे न :

> खूह् बिच तुलसी; भैना मेरियां गोरियां। भ्रा मेरा मुन्शी।

X X X

ठीकरिए-मठीकरिए तूं केह्,ड़ा ताना ताया। जिस कुसै दा गीड्डा भज्जा, उस्सै नै छ्पाया।

डुग्गर दे लोक-संगीत दी खास बनगी 'भाख' ऐ। वगैर कुसै साजै दे भाखें दे गतार, भाखां लांदे अपने आले-दुआले दे समुच्चे बातावर्ण च इक अनोखा रस-जन घोलदे न। इक बज्झी दी कंट-ध्विन च बबख-बब्ख स्वरें दो उतार-चढ़ाऽ इस ढंगै कन्नै कीता जंदा ऐ जे एदी कोई मसाल नेई मिलदी। भाखें गी सुनिये मनुक्ख मुग्ध होई उठदा ऐ:

रानी दे दंद चम्बे दियां बो कलियां। मोइए होठ मिशरी दियां डलियां। लड़ी हत्थ रौंगें दियां फलियां। गोरी श्रक्खीं चम्बे दियां बो दलियां।

श्रध्यातम ते कर्म दमें पक्ख मनुक्खें गित्तं वरोवर म्हत्तव रखदे न ।
मुट्टे तौरें पर दिक्खेश्रा जा तां डुग्गर दी लोक-गाथाएं च इयं-जनेहा मेल,
दिक्खने गी ल'वदा ऐ— 'कारकें' च श्रध्यात्तम दी प्रधानता ल'वदी ऐ ते
'वारें' च कर्म दी।

लोक-परम्परा च 'कारकां' ऐसे थड़े-थान्नें कन्ने जुड़ी दियां लोकगार्थां मिथियां जंदियां न,—जिंदी स्थापना ते मानता किछ गै सरवन्धत वैंसें दे लोकें कीती करवाई ही। इन्दे गायक ते रचनाकार जोगी होंदे हे।

कारकें दे सरबंध च लोक परम्परा थमां पता लगदा ऐ जे ए ऐसियां गाथां न, जिंदा कुसै थड़े-थान्नै कन्ने जुड़े दा होना जरूरी नेई ते नां गै ए बी जरूरी ऐ जे इन्दी मानता-पूजां किछ खास वैसे दे लोकें द्वारा गै रम्भ कीती गेई होयै। बारें दे गायक ते रचनाकार जोगी, गारड़ी जां दरेह्स, कोई वी होई सकदा हा।

'कारकें ते 'बारें' दी शैली भाएं इक्कै-जनेही होयै, ब, इंदे संगीत च टकोह्द म्हेशां गै मजूद रौंह्दी ऐ। 'कारक' च ग्रातम निवेदन दी झलक ल'बदी ऐ ते 'बार' च ग्रातम-सम्मान दी।

मिथेश्रा जंदा ऐ जे इन्दे चा पहुलो-पहुल कारक दी परम्परा दा मुंढ पाने श्राले जोगी हे, ते दरेह्स वर्ग दे लोक बारें दी गै रचना करदे ते गांदे-बजांदे हे। हून जोके इनें लीहें पर गारड़ी वर्ग दे लोक बी टुरा करदे न। जोगी, गारड़ी ते दरेह्स नांएं च केह् अन्तर ऐ—इस प्रश्न दे उत्तर च मिली दी जानकारी दसदी ऐ जे 'जोगी' हिन्दू जाति दे उप्परले वर्ग दे लोकें चा न, गारड़ी हरिजन ते दरेह्स मुस्लमान जाति दे न।

'जोगी' णब्द 'योगी' थमां गै बिगड़ियै बने दा से'ई होंदा ऐ । इन्दियां केई कृत-कारां योग दे साधकें कन्नें रलदियां-मिलदियां न ।

'गारड़ी' शब्द होई सकदा 'गारड़ू' शब्द थमां बने दा होये । गारड़ू दा ग्रर्थ ऐ गारुड़ि मैंतर गी जानने ग्राला । ग्राखदे न गारुड़ि मैंतर गी जानने ग्राला सप्पै दे डंग्गे दा फांडा बाही सकदा ऐ ते विश तुग्रारी सकदा ऐ। कवीर जी दी रचना दा ए पद्यांश बी दिक्खो:—

तन मन डस्यो भुजंग भामिनी लहरइं वार न पारा, गुरु गारड़ू मिल्यो नींह कबहूं पसरयौ विख विकरारा ।

'गारड़ी' शब्द दी उत्पत्ति दे सरबंधै च 'गेय' धातु दा ग्राधार बी सुझाया गेआ ऐ। 'दरेह्स' शब्द 'दरवेश' शब्द थमां बने दा मन्नेग्रा जन्दा ऐ। 'दरवेश' मुसलमान जाति दे उनें लोकों गी ग्राखेग्रा जंदा ऐ, जेह्ड़े त्यागी होंदे न। समें दी दौड़ च ए लोक घर-पित होई गे ते दरेह्स खुआन लगी पे।

ग्रज्ज जोगी, गारड़ी ते दरेह् स ग्रपने कम्में-कार्जे च लगभग रली-मिली गेदे न । मते फर्क नेई रेह् दे । समें दी धारा च इनें लोकें ग्रपनी-ग्रपनी जजमानियां सांह् बी लेइयां ते ग्रपने जजमानें दे दित्ते-चाढ़ें दे बरसोतें-सीधें पर निर्भर रौह्ना स्वीकारी लैता । इस परम्परा पर ग्रज्ज बी मते लोक चला करदे न ।

कुदै-कुदै 'जोगी' थ'ड़े-थान्नें पर 'बावे' जां भोशकी दी भूमका बी

नभांदे न, 'सरवनै दी बैंह्गी' बी फरेदे न ते भैरो दा वान्ना पाइयै 'भैरोहे फरी' फरेदे 'ग्रौ-लक्ख, औ-लक्ख' दी अलख बी जगांदे न । इस्सै चालं गारड़ी ते दरेह्स बी होर केइएं ढंगें-रंगें दियां भूमकां नभांदे ग्रावा करदेन। किछ लोक छि'ज खाड़ें दे ढोल बजांदे ते 'भराई' खोग्रांदे न । छिज-भराह ते ब्याह नाइयें।' ए इक ग्राम खुग्रान ऐ।

भराई दी भूमका नभाने त्राले पहुलें-पहुलें मुसलमान जाति क गै होंदे हे ते 'पीरें दा पोता' वी फेरदे हे । इक लम्में वांसा भी रंग-वरिक्त लीरां लपेटी दियां होंदियां न ते एदे कन्ने झंडे-चान्नियां व'न्ने दे होंदे । पोत्ते कन्ने इक सूत्तरं दी अट्टी वी व'न्नी दी होंदी ऐ । भंडारे दा साहाः गराही दा प्रतीक, ए पोत्ता पीरें दी चौकी दे सिलसिले च होंदा ऐ । जिं भराई लोक ढोल बजाइयें फेरदे न । इन्दे कन्ने फु'म्मनियां पाने त्राले, धमा ते डंडारस खेढने ग्रालें दियां टोलियां वी होंदियां न ।

जादू-जिड़्यां ते भूत-प्रेत बगैरा पर विश्वास रक्खने आले रोगिएं जादू-जिड़्यां खढाना जां इंदे भूत-प्रेत फंडने-कड्ढने आलें गी 'सौरिए'ं प्राखदे न ते भांगड़े वगैरा च ढोल बजाने आलें गी ढोलिए। उम्रां ढंडो बगैरा बजाने आलें गी ढोलिया गै आखदे न। ढोलिए दी भूमका अक्ष गारड़ी ते दरेह् स गै नभांदे आए न जोगी नेईं। व्याहें-कारजें च ढोलिए ते हूं नमें-नमें वाजें कन्ने लैस 'वाजे आले' खुआंदे न।

बुड्ढें दे मरने पर नड़ोएं च ढडु बजाने म्राले बी ढोलिए खोआंदे व 'उयै ढोल ब्याहें ते उये ढोल मरने'। ए इक म्राम खुम्रान बी ऐ।

जाद्-जड़ियां खढांदे जां भूत मसान कढदे होई 'सौरिए' इनें भूतें मसानें गी प्रसन्न करने गित्तै नेकें सुर-तालें कन्ने गांदे-बजांदे न। इसें लैह रां देना ग्राखदे न। इनें ग़ीतें दा वर्गीकरन इस चाल्ली कीता गेर समझेग्रा जंदा ऐ, जियां 'बैंसरू', 'गद्दी,' 'प्हाड़ी' वगैरा। केई बारी मृहीं चा बी ग्रंग सनाए जंदे न। 'मुहार' भूत-मसानै दी ग्रपनी गाथा होंदी जिसी ग्रो गिनने (सनाने) परैंत्त ग्रपने रोगी गी 'कलबूत' जां 'बीं ग्राखदे न। लोक विश्वास ऐ जे ए ग्रराम देई दिन्दा ऐ ते रोगी निर्ण शिक्ष जन्दा ऐ। बाद च हर सान चौक्की लैंदे रौह दे न जां कर्दे कें चौकिएं गी बख्डाई बी लैता जन्दा ऐ।

लैंह्रां, वैंसरू, गद्दी, मुहारां वगैरा नांएं कन्ने जाने ब्राला हंगी

जादू-जड़ी ते भूत-मसानें सरबंधी संगीत खुग्रांदा ऐ। जादू-जड़ी ते भूत-मसानें सरबंधी संगीत दी ए वशेशता ऐ जे ए सुनने आलें पर वी इक जादू दा ग्रसर पांदा से ई होंदा ऐ।

इंयां गैं डुग्गर दियां दूइयां संगीत शैलियां वी अपनी-अपनी बाकवी देने च आपूं गै समर्थ न । ए सब्बै शैलियां किट्ठे तोरै पर 'डुग्गर दा लोक-संगीत' गलाइयां जंदियां न । डुग्गर दे प्हाड़-मदान, नाड़ू-दब्बड़ू, जाड़-पचुआड़, धारां-धूड़ा, धुप्पां-पाले सब्बै अपने लोक-मानस दी रिहा लांदे न ते इत्थूं दे संगीत दी उस सनैह्री अमर ज्योति गी जगांदे न जिस पर गर्व ते मान कीता जाई सकदा ऐ । आखां, छिजां, गाने ग्राले दिएं टोलिएं जा ब्याहें-कारजें च गाने भ्राले मर्दें, जनानिएं, कुड़िएं, जागतें दिएं टोलिएं दे दबख दिखदे बनदे न । तन-मन संगीत दी फुहारें कन्ने सिज्जी-सिज्जी जंदा ऐ । मुट्टे तोरै पर डुग्गर दे लोक-गतारें दा प्रतिनिधित्व करने ग्राले लोक-गाथा गायक गैं मिथे जंदे न ।

साज: डुग्गर दे लोक-संगीत च श्रकसर वरतोने श्राये साजें च ढोल, घड़ा, थाली, किंग, सरंगी, चकारा, बौंसरी, चिमटा, कैंसियां, घैण्टियां, घड़ेयोल, शंख, खड़तालां, कैंह्ल, ढोलकी, तबला, डमरू वगैरा दे चेचे नां लैते जाई सकदे न।

डुगगर दी लोक गाथाएं दे गायक जिनें साजें दा इस्तेमाल करदे आवा दे न, उन्दे च ढोल, किंग, सरंगी ते चकारा नांएं दे साजें दा खास थाह्र ऐ। किंग ते ढोल ग्रमूमन जोगी ते गारड़ी गैं बरतदे हे ते चकारा ते सरंगी दरेह्सें दे साज हे। केइएं दा ए बी ग्राखना ऐ जे चकारा ते सरंगी गारड़ी बजांदे है। जियां ग्रज्जकल बी बजाऽ करदे न। जोगी ग्रज्जकल बी सरंगी ते चकारे दी बरतून नेईं करदे। दरेह्स ढोल बजाई लैंदे न, पर किंग घट्ट गैं बरतदे न।

ढोल: लकड़ी दा इक गोल ते दनां लम्मा, बछकारा दा उ'ब्बरे दा इक भेठा घट्ट मुट्टा खोल-जन अपने गैं खास ग्राकार दा होंदा ऐ। मुटाई च घट्ट भेठ 'मादा-भेठ' खुआंदी ऐ ते दूई 'नर-भेठ' खुग्रांदी ऐ। ए दमैं भेठां चमड़े (प्रकसर वक्करे दे चमड़े) कन्ने मढ़ी दियां होंदियां न। इनें तलें गी कस्स्रने दी ववस्था खरी मजबूत डोरें ते लोहे, पित्तल जां तांबे दे छल्ले पाइयै कीती गेदी होंदी ऐ । इनें डोरें गी रंगियें वक्ख-वक्ख रंगें दे फु'म्मन का ते लक्कड़ी दे खोलें दी उप्परली सतह ते तलें गी रंगें ने चित्तरियें होतें। खूबसूरत बनाया जंदा ऐ ।

कारकें-बारें दी सुर-लय कन्ने बनकदे ढोलै दे तालै कन्ने थ'ड़े-कि पर इक रौंस-जन लाई दित्ती दी होंदी ऐ। पिंडें थाह् रें इसलै बी छि'जें-कि ते भांगड़ें दे ढोल अक्सर सुनने गी मिलड़े न। बक्खरे-बक्खरे मौकें पर का ग्राले ढोलें दियां ध्वनियां बक्खरियां-बक्खरियां हुन्दियां न। छिजा दा हो इक खास किस्मा दा सनेहा दिदा ऐ:

> ग्राश्रो पैंचो, बवो पैंचो, साढ़ पिंड छिज ऐ। लक्त भज्जै, बांह् भज्जै, साढ़ जिम्मै नेई ऐ। इंग्रां कूह्ला-बन्ना श्राले ढोला दा सनेहा इस चाल्ली ऐ: चलो ब'न्न, चलो ब'न्न।

व्याहें-कारजें आले ढोला दा मुर-ताल वड़ा सुहाना होंदा ऐ ते मा ढोलैं दा सुर वड़ा भयानक ते दर्दनाक होंदा ऐ । मारू ढोलैं दी ध्विति व ग्रवसर ए गलांदे बुज्झेंआ जंदा ऐ :

डूंगा पत्तन, डूंगा पत्तन।

जादू-जड़िएं ग्राला ढोल ते अपने वनखरे गैं ढंगै दे सुर-तालै च बजर ऐ। इस ढोलै कन्ने कैंह दी थाली वी बजाई जंदी ऐ। जादू-जड़ियां खहां ग्रास्तै थाली ते ढोला गी बजाने ग्रास्तै खास प्रबंध कीता ता होंदा ऐ। कैंह दी थाली, बिन्ने (जां मूह ्ड़े) पर टिके दे घड़े दे मृंहैं पर पुद्दी करियै रवधी है होंदी ऐ। ए थाली ते ढोल बक्खरे-बक्खरे दो जने बेइयै बजांदे न।

ढोल गी बजाने गित्ते वरतोने ग्राली लकड़िएं गी आमतौर पर हैं ग्राखदे न। पतली, सिद्धी ते लचकदार गी 'छिड़क' ग्राखदे न ते मुही हैं लफादार गी 'डगा' गैं ग्राखदे न। इन्दा इस्तेमाल 'मादा' ते 'नर' भेठें ग्राहिं सिलसलेबार कीता जंदा ऐ। थाली गित्तै वरतोने आली लकड़िएं गी 'टेरिनिगें ग्राखदे न। टेरिनियां दौं इन्कें जनेइयां मुट्टियां ते विंद निविकयां हिंथें औंगलिएं कन्ने फगड़ाई जाने ग्रालियां लकड़ियां होंदियां न।

ग्राम तौरै पर छिजें-जगरातें वगैरा च थाली गी वजाने गित्तें लोहे जा पित्तलें दे कड़े दा इस्तमाल वी कीता जंदा ऐ। थाली गी ढंगै कन्ने छिजा गाने ग्राले वजादे न। केंह् दी थाली गी घड़े दे मूहैं पर करियें गै रक्खेदा होंदा ऐ। इनें चौकड़िएं च इस कैंह् दी थाली कन्ने ढोलकी, तवला वगैरा बजाए जंदे न, ढोल नेई।

ढोलकी: ढोलकी दी बनौट ढोलै साईं गै होंदी ऐ। ब, एदा म्राकार ढोलै कोला बड़ा निक्का होंदा ऐ। ढोलकी गी म्रक्सर ब्याहें-कारजें च कुडियां-जागत म्रपने गोड्डें हेठ रिक्खर्य हत्थें कन्ने बजांदे न। हत्थें गी बड़ें - ढंगै-तरीके कन्ने ढोलकी दे तलें पर चलाया जंदा ऐ ते कन्नें कन्नें रोड़ा बी। हत्थें दे म्रंगूठें गी छल्ले जां छाप्पां पाए दे होंदे न ते इनें छल्लें-छाप्पें गी ढोलकी दी सतह पर खास ढंगैं कन्नै म्रंगूठ चलाई-चलाइयै बजाया जंदा ऐ। इसी 'रोड़ा' बजाना म्राखदे न।

ढोलकी गी वड़ा शुभ समझेआ जंदा ऐ, खुशी दे हर कारजै च ढोलकी गी वजाया जंदा ऐ ते मंगल-गीत गाए जंदे न ।

किंग: किंग दी बनौट किछ लम्मे ते गोल लकड़ी दे इक डंडे पर दौने सिरें लकड़ी दी गैं किज किल्लिएं कन्ने लोहे दी इक बरीक तार किस्सिय ब'न्नी दी होंदी ऐ। डंडे दे दौनीं सिरें मा बिंद उरें पक्के दे घीये-कद्दुग्रां दा इक-इक खोल लग्गे दा होदा ऐ, जेह ड़े तारा दे बज्जने गी सन्हाका बनाई दिदे न। किंग गी बजाने गित्त गतार मस्त होए दे, इसी दौनें हत्यें च फड़े दे अपनी छात्ती तक्कर चुक्की रखदे न ते पोट्टें कन्ने इसदी तार गी छेड़दे- लहांदे न। किंगा दी दनौट च खूबसूरती ग्रानने ग्रास्त एदे डंडे किरिलएं ते घीय दे खोलें पर कला-किरत बी कीती गेदी होंदी ऐ ते रंग-बिरंगे धाग्गें दे फु'म्मन बी लाए दे होंदे न।

किंगा दे बज्जने पर ग्रामतौरै पर त्रिंग-त्रिंग दी ध्विन निकलदी ऐ, जेह्की इस साज दे नां दा ग्राधार जताने ताई संकेत वी होई सकदा ऐ।

संरगी ते चकारा: सरंगी ते चकारे दी बी लक्कड़ी दा इक टोटा गैं बरतोए दा होंदा ऐ जेदे पर लोहे ते चमड़े दियां तारां ते तंदियां लक्कड़ी दी किल्लिएं कन्ने गैं कस्सी दियां होंदियां न । लक्कड़ी दा ए टोटा लम्मां, चौरस, विंद खोल-जन ते दना मुट्टा होंदा ऐ। चकारे दा आकार सरंगी कशा निक्का

ऐ ते तारें-तंदिएं दी गिनतरी बी चौं शा मती नेईं होंदी। सरंगी गो का . बी मतियां हो<mark>ंदियां न ते तं</mark>दियां बी । श्रमूमन इंदी गिनतरी चौं-_{शा ह} तगर होंदी ऐ।

सरंगी जां चकारा बजाने गित्तै ग्राक्सर घोड़े दी दुम्बा दे मुट्टे को दी वरतून कीती जंदी ऐ। एवाल इक निक्की, पतली ते गोल डंडी कः कमान्ते साई व'न्ते देहोंदे न ते इसी गज ग्राखदे न । इस गी इक हत्यै। फड़ियें इनें कसोए दे वाले गी चकारे जां सरंगी पर फेरदे जंदे न ते दुए हुने कन्ने इनें गी बरोबर दबांदे ते छोड़दे जंदे न । हत्थे स्राली भेठा 'डग्ं' कने पित्तलू दियां निक्की-निक्कियां घुंगरियां व'न्नी दियां होदियां न, जेह् जि कन्ने-कन्ने छनकदियां जंदियां न । सरंगी ते चकारे दी सजोट गित्तै बरतोई वी लक्कड़ी पर कला-किरत बी कीती होंदी ऐ ते भांत-सभांते रंगें दे फु'मनें ब इस्तेमाल वी।

ग्रयने मूंढे दे ढासनै फड़े दे इनें साजेंगी जिसलै कोई गतार ग्रफी लय च बजांदा ऐ तां इक समां बज्झी जंदा ऐ। किंग, चकारा ते सरंगी साजें दा चलन ढोलै दे चलन थमां बाद दा मिथेग्रा जंदा ऐ।

साजें थमां मुक्त भाखें जेह्या संगीत बी डुग्गर दे लोक-संगीत वी इक वेमसाल चेच ऐ।

संगीत सौंदर्य: लगभग डुग्गर दा सारा संगीत राग प्हाड़ी, दुर्गी ते भुपाली धुनें च ब'ज्जे दा मिथेग्रा जंदा ऐ I राग झंझोटी दियां धुना बी इं^{दे} च कुदै-कुदै मिली दियां न ते नाच-संगीत मुट्टे तौरै पर दादरा, कहरवा, रूपक, दीपचदी, चंचल ग्रादि तालें च व'ज्जे दा मन्नेआ जंदा ऐ। मता सारा संगीत सुतंतर ते स्वछन्द वी ऐ। दुर्गा, भूपाली शिव-रंजनी आदि भाखें थर्मा प्रभावत राग गलाए जंदे न ।

डुग्गर दे लोक-संगीत दा संग्रैह् ते एदी सुरवखेआ दे होर दुए कारज वी नभाए जाने वाकी न । इस सिलसले च चलै करदा लोक-गीतें दा संग्रीहर वी बड़ी म्हत्तवपूर्ण गैं ऐ। इस्सै दिशा च स्रगली म्हत्तवपूर्ण गैं भरने दा श्र 'ग्रैडो एण्ड सनलाइट' दे लेखक डा० कर्ण सिंह होरें गी ऐ। इस कताबा च लोक-गीतें दियां स्वर-लिपियां वी दित्तियां गेदियां न ।

धुष्पै तिड़कदी बैंह्कड़, धारें दे पाले, सूकदे नाड़ू, खुहें-बौलिए दियां गल्लां, संधें दियां रौंसां, बरसाती दियां फुहारां, गासें छूं दे पर्वत, सैंले

दब्बड़, खेतरें-खलाड़ें दे दक्ख, रौंसलियां व्हारां, फुल्लें कलिएं दे गुहाड़, वराने ते वन्जर थाह्रें दियां दुम्रासियां, जाड़ें दे न्हेरे, सपाहिएं दे जिगरे, गोरिएं दे हौंसले, करसानें दे हीले, चरवालें दियां टारां, चिक्कएं दियां घनकोरां, मोह्लें दियां द्रवाड़ां, संजोगी मलाह्रां, वजोगी-बछूरे म्रध्यातम ते त्याग दियां भावनां ते होर इयै-जेह्म्रा, मता किश डुग्गर दे लोक-संगीत दो मनुभूतिएं च गिनेम्रा जाई सकदा ऐ। इंदा इक-इक दा लेखा-जोखा वी यड़ा जरूरी ऐ ते संग्रह, सुरक्खेम्रा बी। इस कन्ने डुग्गर ते एदे जनमानस दा रूप-गुहाड़ ते वजूद होर उग्घड़ी सकदा ऐ। उंम्रां वी, म्रपनी परापरा ते सभ्यता-संस्कृति दी रक्खेम्रा गित्तै लगातार जतन करने दी लोड़ ऐ।

डुग्गर दे लोक-नाच

विश्वनाथ खर्जा

नाच गी संगीत दा शरीर ते कवता गी उसदी ग्रात्मा गलाया है ऐ । मुल्कराज आनंद हुन्दा बचार ऐ जे नाच मनुक्खें दी ग्रन्स्द-ग्रालाः इक्क बे-ग्रख्तयारी ग्रमल ऐ ।

इसदा जन्म कदूं होग्रा होग ? इस बार पक्के तौर किछ दस्ति साढ़े बित्ता बाह् री गल्ल ऐ । विद्वानें दा ग्रनुमान ऐ, जे नाच दा ग्रि ग्रादिमानव दे इस धरती पर पर टकाने दे कन्ने गै होआ होना ऐ। मृत्र जदूं गल्लां करना नेहा सिक्खे दा, तां कदें मता मार मारी ग्रानने दी कृं ग्रो बाहीं लोग्रारी-लोग्रारी, ग्रग्गड़-पिच्छड़ गैंईं पुट्टिय, ते मुंहां 'हार् हो-हो' दे बोलें राहें गै दसदा होना ऐ। इसदे बिना उस हर चाल्ली वेश माह्नू कच्छ होर साधन बी के हा ? इसगी ग्रस ग्रपने ग्राद-पुरखें पर्हे ला-पह ला लोक-नाच गलाई सकने ग्रां। ग्रपनी ग्रात्मा दी तृष्ती ही ग्रपनी ग्रात्मा दी तृष्ती ही ग्रपनी ग्री ग्रन्दर-ग्रात्मा दा बे-ग्रख्तयारी अमल।

'गुवार-ए-खातिर' च मौलाना ग्रवुल्कलाम 'ग्राजाद' होरें लिखें हैं ऐ, "जंगल दे मोरैं गी मन खुण करने लेई कदें बाग-बगीचे दी लोड़ कें पौंदी। की जे उसदी फुलवाड़ी उसदे ग्रंग-संग गै होंदी ऐ। जिस कें उसदा मन करें, ग्रपनी दुम खलारियें ग्रो 'पाह्ल' पाई लैंदा ऐ, ते उसकें चवक्खी इक 'गुलजार' खिड़ी पौंदा ऐ।"

लोक-नाचें दे तकड़े पारखी, श्री शम्सकंवल होर इस बारे च लि^{ही} न— "रक्स फितरत की ईजाद है। एक दरिया मौज में आ गया, ^{पार्व} लहराने लगा। गैर-श्रख्तयारी तौर पर इन्सान ने दरिया की लहरों की ग्रवनी नजर में यक्तजा किया तो नाच का सा लुत्फ आने लगा "" उर्ये गल्ल जे, नाच प्रकृति दी सुच्ची देन ऐ। ग्रादमी दरेग्रा गी, उसदी लैंह् रें गी, ठाठां मारदे दिखदा ऐ तां उसदे मनें च बी तरंगां उट्ठन लगदियां न। उसदी लतें-वांहें च सुरसुरी-जन होन लगदी ऐ, ते जदू ग्रादमी मनें दी उस तरंगें गी, हत्थें-पैरें दी उस सुरसुरी गी वाकायादा 'हरकत' दिंदा ऐ, तां ग्रो कला दा रूप धारी लैंदी ऐ। इस्सै गी कलाकारें दी बोली च नाच गलांदे न ते हत्थें पैरें दी हरकत जां मुद्रा कन्ने संगीत सुन्ने पर सोहागे दा कम्म करदा ऐ। डा. इकवाल लिखदे न:—

शेऽर से रोशन है जान-ए जब्राइल व ग्रहर मन।
रक्स-ग्रो-मोसीकी से है सोजो सरूर-ए ग्रंजमन।
फाश यूं करता है इक चीनी हकीम इसरार-ए फन।
शेऽर गोया रू-ए-मौसीकी, है रक्स उसका बदन।

भारती लोकनाचें दी ए खासीयत ऐ, जे उन्दे साथें आमतौर कोई लोकगीत जां लोकधुन चलदी ऐ।

मध्यप्रदेश दे ग्रादिवासी — गौंड लोक 'स्टेला' ते 'रीना' नां दे लोक-नाच पेश करदे होई गांदे न, जिसदा भाव इस चाल्ली दा ऐ: —

"दिवस्वो ए जवान कुड़ी किस चाल्ली मस्ती-भरी नजरी कन्ने दिक्खा करदी ऐ। इसदे केस 'रामझरिया' बेलु ग्राला लेखा झुल्ला करदे न "।"

''स्रो भिखमंगा जागत, किस चाल्ली धानें दी खड़ी फसलै स्राला लेखा झूभी-झूमिये गा करदा ऐ…।'

दूई भेठा जनानियां नचदे-नचदे गांदियां न : ---

श्रमें श्रपनी रसोई दे आलै-दुग्रालै धान राहे देन।
धानें दे जूड हून दानें दी मिजरें कन्ने लदोई गेदेन।
तुसें लोकें जेह् ड़े हिरण पाले देन।
श्रो एकड़ी फसल चरी जन्देन।
इनें हिरणें गी नसाई लेई जाग्रो।
नेई तां में श्रपने 'बछुए' कन्ने।
इनें गी मारी छोड़ना ऐ, लऊऐ दे दौधे बगी जाने न

इस्सै चाल्ली वम्वई (महाराष्ट्र) दे भड़ोची ग्रादिवासी फसलै दी

हलाने वाला सारें कशा सरोखड़ साधन ऐ।"

इस्सै चाल्ली केई होर पच्छमी विद्ववाने वी भारती लोकनाचें दी वहीं सराह्ना कीती दी ऐ। उंदा ए गलाना जथार्थ गैं ऐ, जे मछेरें दी किश्ती डोलकें दी हू-वहू तसवीर ल'बदी ऐ। लोकनाचें दे सिद्धांत, उन्दे सोआतम ते महत्तव ग्रादि दी मुखसर सारी भूमका परैत, लोक-नाचें दे भेत-भांति हा। जिकर की जरूरी बझोंदा ऐ।

लोकनाच दे भेद: भारत बड़ा विशाल देश ऐ। इत्थें अनेक प्रदेश न ते ग्रनेकां जातियां ते उप-जातियां ते ग्रादिवासी बी बसदे न। हर जाति, उपजाति ते हर प्रदेश दे बक्ख-बक्ख लोकनाच न। इसकरी सारे देसै दे लोकनाचें दे भेत ते उंदी चंदी ते नां देना मुमकन नेईं। मुल्कराज ग्रांनद होरें, ग्रपनी पोथी 'डांसिंग फुट' च भारत दे लोक-नाचें गी त्रैं हिस्से च बंडे दा ऐ:—

- 1. धार्मक मेले-ध्यारें ते दूए समाजी खलजगनें दे समुदाय नाच।
- 2. जादूं-टूनें दी भ्रक्कासी करने वाले ग्रादिवासी कवीलें है परम्परागत नाच।
- 3. किश घरानें च चलदे ग्रावा करदे पितापुरखी लोकनाच।

ते लोकनाचें च मती रुचि रक्खने वाले शम्स कंवल श्रादि विद्वार्गे भारती लोकनाचें दी इस चाल्ली तकसीम कीती दी ऐ:—

- 1. देवस्थानें सरबंधी लोकनाच।
- 2. फसली नाच।
- 3. ब्याह्-शादी दे मौके दे समाजी नाच।

डुग्गर दे लोक नाचे गी ग्रस इस्सै ग्राधार उप्पर बंडै करने ग्रां:

- 1. देवस्थानें सरबंधी लोकनाच—''ढेकू'', ''फु'म्मनी'', ''चाल' ग्रांदि ते लोह्ड़ी दा ''छज्जा नाच''।
- 2. फसली नाच-भांगड़ा, सोहाड़ी ग्रादि।
- 3. समाजी खुशी दे नाच-''भांगड़ा, जागरना, तम्हच्चड़ ग्रादि। डुग्गर दे लोकनाच: सतह दे लेहाजें जम्मू प्रदेश टकोह्दे तीर्रं [,पर त्रैं हिस्सें च बंडोए दा ऐ:—
 - 1. पंजाव कन्ने मिलदा पद्धरा इलाका, "ऐंदढ़"। इस च तसील

रणवीरसिंह पुरा, तसील साम्बा दा झिगला हिस्सा, ते तसील कठ्या दा झिगला हिस्सा शामल ऐ।

2. प्हाड़ी इलाका, जिस च रियासी, उधमपुर, किशतवाड, भद्रवाह् ग्रादि ते तसील वसोह्ली दे इलाके पौंदे न ।

 ते इनें दौनें दी बछकारली पट्टी, जिस च चन्द्रभागा ते राबी दा बशकारला, खुश्क-रक्कड़-पथरीला ते निक्की-निक्की टिब्बिए वाला कंढी दा इलाका ग्रौंदा ऐ।

इनें इलाकें दे तरतीववार त्रै लोकनाच बड़े मशहूर न।

1. ऐंदढ़ दा भांगड़ा 2. प्हाड़ी ढेकू ते 3. कंढी दा फु'म्मनी । इनें त्रीनें नाचें च प्रपने-ग्रपने इलाके दे जलवायु, वसनीकें दी रैंह् त- वैह् त, कार-किरत ते उंदे लाब्वे दी जुदा-जुदा झलकी सामने औंदी ऐ। केईं गल्लें च ए नाच इक दूए कन्ने रलदे-मिलदे वी हैन। सारे नाचें दी ग्रात्मा इक्कै ऐ। सब्बनें च इक्कै रस-भाव इस चाल्ली भरोचा दा ऐ, जियां संतरें दी तुरिएं च खट-मिट्ठा रस भरोचा दा होंदा ऐ।

भांगड़ा: ग्रापने मूलरूप च भांगड़ा पंजें दरयाएं दी धरत पंजाब दा हाड़ी दी फमलें दा लोकनाच ऐ, पर मता मन-भाना होने करी हून बसोऐ दैं ध्यारें दें इलावा दूए भेले ध्यारें ते शादी-ब्याह् ग्रादि दें खुशी दे मौकें बी चलदा ऐ। इंयां समझो जे पंजाबी (जां करसानी) जन-जीवन ते भांगड़े गी नखेड़ना मुणकल ऐ। कुसै मन-मौजी पंजाबी लेई मनें दी उमंग ते खुशी जाह्र करने दा पहला साधन इयैं जे ग्रो भांगड़े दी मुद्रा च आइयै ग्रपने मूं डे फरकान लगी पौंदा ऐ।

भाव, भेस ते सद्दें दी भाशा दे लेहाजें भांगड़े गी हुग्गर दा प्राचीन लोक-नाच नेई आखेआ जाई सकदा, पर साढ़े ऐंदढ़ें दे करसानी जीवन कन्ने, ए नाच काफी मेल खंदा ऐ ते दूई गल्ल ऐ जे साढ़े ऐंदढ़ी इलाके ते पंजाब दी गोआंडचारी ते सांस्कृतक सांझेदारी ऐ, इसकरी साढ़े ऐंदढ़ी इलाके च खासकरी, इस नाच दा काफी चलन ऐ। नशींह्दे चैतर म्हीनै केई आएं च रात घरोंदे गैं ढौलें गी डगा लगी जंदा ऐ ते भांगड़े दे शकीन खड़ें आहें रुट्टी खाइयें मिथे दे थाह्र जाई पुजदे न, ते धराते-धराते तोड़ी भांगड़े दी मशक करदे रींह्दे तां जे बसोए दे मेले च जंदा अपना ते उंदे पिंडे दा नां चमकी सकै। बसोए कशा गैं त्रै दिन परैत जम्मू-अखनूर सिड़कै पर नाग- वनी च जेकड़ा 'थिड़-बसाखी'' दा मेला लगदा ऐ, उसदा भांगड़ा दूरै-दूरै तोड़ी मश्हूर ऐ। इसदी चाल पंजाबी भांगड़े कशा मती जुदा ऐ।

भांगड़े दे बज्झे-बझाये दे निजम नेईं हैन, इसकरी इसदै डगे कन्ने मेल खाने वाली हर 'मुदा' इस नाच कन्ने बनकी जंदी ऐ । नाच दी हर ''हरकत'' जां मुद्रा, फसलैं दी राही-बाही जां बाह् ड्डी दी चलदी-फिरदी तसवीर होंदी ऐ। करसानी जीवन दी शोखी ते मस्ती च भरोची दी होंदी ऐ। जीवन दा शंगार इस च भरोचा दा होंदा ऐ।

नर्तकों दी पुणाक (नागवनी वाले किछ भांगड़ें गी छोड़ियै) बड़ी भड़कीली होंदी ऐ, पैरें मुट्टे-मुट्टे घुंघरू, लक्क णोख रंगै दा कनारी दे चतकें कन्ने लस-लस करदा लाच्चा, गल कुसै चमकदार कपड़े दा गोल ते ढिल्ली वाहीं मुगलेई कुरता ते कुरते उप्परें साटन आदि दी कनारीदार वासकाट, ते सिरै पर भोख रंगै दा गै जरीदार पटका बज्झे दा होंदा ऐ, जिसदे दोऐ लड़ नर्तकै दे कन्नें लागै झुलदे रौह्दे न । ग्रपने दौनें डुंडुएं पर नर्तकों रंग-वरंगे रमाल व'न्नियै रक्खे दे होंदे न । गल उन्दे तबीतिड्यां जां पैंड्लवानी कैंठा पेदा होंदा ऐ। हत्थै च उनें छाम्में ग्राला कूंड लेदा होंदा ऐ। टोली दे इक आदमी दे हत्थै च इक 'ढीचक' होंदा ऐ, जिसदी डोर खिच्चने कन्ने ग्री हिट्ठ-उप्पर चलदा ऐ ते उस बिच्चा 'चटक्क-चटक्क' दी वाज निकलदी ऐ। ते कुसै-कुसै ने लक्कड़ी दी इक बैकट लेदी होंदी ऐ, जेह्ड़ी नाच दे कन्ने खु'लदी ते बन्द होंदी जन्दी ऐ।

नर्तकें दे घरे च खड़ोता दा ढोलिया हुमकी-हुमिकय ग्रंपने ढोल पर इक त्रिक्खी-जनेही त्रिगी लांदा ऐ ते नर्तक नच्चने दी पजीशन च ग्राई जन्दे न । ते पही डगा लगदे गै ग्रो कदें इक, कदें दूई लत्ते भार, डुंडू ते आरकां हलाई-हलाइयें, मूंढे फरकाई-फरकाइयें, कदें बेहिये ते कदें खड़ोइयें नचदे चलदे न । उन्दा इक -इक ग्रंग इस चाल्ली फरकदा ऐ, ग्रखचें हवाऊ दे फणाकें कन्ने रक्खें दी डाल्ली-डाल्ली, पत्तर-पत्तर झुल्लें करदा होऐ। ढोलें दा ताल दना-भर मट्ठा पाँदे गै बारी-बारी कन्ने इक्क-इक्क करी नर्तक पिड़ें च ग्राँदा, ते इक हत्य कन्ने पर ते दूग्रा परेडा चुक्कियें 'सद्द' दिदा ऐ, ते सारे नर्तक 'होए' दी ग्रवाज कन्ने उम्बली खड़ोंदे न ते पहीं नच्चना ग्रुरू करी दिदे न । 'सद्दें' च ग्रपने देस जां खेत्तरें कन्ने प्यार जां कुसै गौरी दे लाँग-गजरें दा शंगार भरोचा दा होंदा ऐ।

भांगड़े दा मुक्ख साज ढोल गै होंदा ऐ। इंयां समझो जे इस नाच दी बागडोर ढोलिये दे हत्थ गै होंदी ऐ। जिस चाल्ली पुतलिएं दे सूत्तरधार दी ग्रींगली दी सारतीं उप्पर पुतलियां नचदियां न, इस्सै चाल्ली ढोलै दा डगा नर्तकें गी नचांदा ऐ। ढोलै दे नर ते मादा पुड़ें बिच्चा डगे दे बोल इस चाल्ली सनोचदे न :—

"धिनक ना धिन", धिनक ना धिन" धगन, धगन, धा " (नर) तिन, तिन, तिन" ता धिन, धिन " ताकेधिन (मादा)

भागड़े कन्ने रलदे-मिलदे असम ते मध्यप्रदेश दे लोकनाच न — 'बेहो' ते 'बेसाखी' ते 'होग्राई रंगीली' । उत्तर प्रदेश दा 'स्टेला' ते विहार दा 'करम' पही फसलै दी कटाई दे गैं लोकनाच न ।

ढेकू: प्हाड़ी बोली च 'ढेकू' दा अर्थ ऐ मेला। मेले-मसाधें पर नच्चे जाने करी, जां इसकरी जे जित्थें ए नाच होऐ, उत्थें मेला-जन लगी जन्दा ऐ, इसकरी गैं इस प्हाड़ी नाच दा ए नां पेग्ना होना ऐ। इस प्हाड़ी नाच गी भलेखे कन्ने 'कुड्ढ' बी ग्राखदे न, पर, एह्दा असल नां 'ढेकू' ऐ। ए धार्मक लोकनाच ऐ ते ग्रामतौर प्हाड़ी देवस्थानें पर गैं पेश कीता जन्दा ऐ। ग्राज्जकल ब्याह्-शादी ग्रादि खुशी दे मौकै पर बी 'ढेकू' चलदा ऐ।

प्हाड़ी देवस्थानें दे द्वार, जेह ड़े स्याल पह ला पाला (वर्फ) पौंदे गैं वन्द होए दे होंदे न, ग्रो सब देंह शिवरात्री पर खु'ल्ली जन्दे न। ते प्हाड़ी लोक ग्रपने देवी-देवतें ग्रग्गें 'ढेकू' दी चौकी देइगैं खेती-बाड़ी दा कम्म रम्भन लगी पौंदे न। पही मक्कें दी गोडी दा ते धानें दी पनीरी लाने दा कम्म मुकाइगैं परितियैं 'ढेकू' पान लगी पौंदे न। केई थवीकमंद लोक इनें दिनें गैं कारज-सिद्धी लेई जा कोई सुक्खन पूरी होने पर, ग्रपने घर 'ढेकू' लोग्रांदे न। नाचै परैत्त ओ सारी 'खलगतैं' गी धाम ते नर्तकें गी किछ 'नाम-काम' वी दिंदे न।

भांगड़े ग्राला लेखा 'ढेकू' सिवखने दी बी लोड़ नेई' पौंदी, की जे इसदी लगन ग्रंदर-प्रेरणा करी हर प्हाड़ी मर्द-जनानी च पितापुरखी चलदी ग्रौंदी ऐ। लैह्र ग्राई जाने पर इनें प्हाड़ें दा हर बासी इस नाच च शामल होई जन्दा ऐ। दूई गल्ल एव्वी है जे इस नाच दी सिद्धी-सादी मुद्रा सिक् सखाने दी लोड़ नेई पौंदी।

'ढेकू' आमतौरै पर दौं चाल्लीं पौंदा ऐ। कुतै अग्गी दे कुंडै दीक्र ते कुतै इंयां गै कुसै खु'ल्ले थाह्र। कुतै-कुतै नाच शुरू होने कशा कि भिडडू जां बक्करे दी बल बी दित्ती जन्दी ऐ, तां जे ग्रां दी 'जोगने कुसै होर 'जक्खै' दी करोपी थमां रक्खेग्रा होई सकै।

मिथे दे थाह्रै पर दिन घरोंदे-घरोंदे दूरा-दूरा दा लोक कि होन लगदे न । नर्तक पिड़ै च गेड़ ब'न्नी लैंदे न ते उन्दे घेरे अन्दर ह बाह्र इक भेठा बड्डा ढोल (जिसगी प्हाड़ी बोली च 'ढौंस' गलांदे न) हैं ते बौंसरी बजाने ग्राले खड़ोई जन्दे न । बड़ी मिट्ठी ते लम्मी प्हाड़ी ते जड्डे ताल उप्पर साज बज्जन लगदे न ते कन्ने गैनाच गुरू हों जन्दा ऐ।

नर्तंक घरे बिच गै लम्मी-लम्मी गैई पुटदे ते बड़े कलापूर्ण ढंगै करें बाहीं लोग्नारी-लोग्नारी ते बल्लें-बल्लें भावपूर्ण ग्रदा कन्ने झुकियें कदें चुटिंग ते कदें ताड़ियां बजांदे चलदे न। ते कदें मस्ती च ग्राइयें कोई प्हाड़ी क्षु (Gutteral tone) बी सं'गे चा कढदे न। इस्सें चाल्ली दे इक गीतें दे बोल क् ''ढेक्कू पुड़ नच्चतम दूई जने हो-हो '' (ग्रा इस ढेकू दे ताल उप्पर दौए कं नचचें ...) ढोलें दा ताल बल्लें-बल्लों तेज होंदा ऐ, जिसगी नाच दी बोली च 'केह्रा', 'दोह्रा' ते 'त्रेह्रा' जां 'डोगरा ढेकू' गलांदे न।

नर्तकें दी गिनतरी दा कोई लेखा नेई ऐ, त्रिहें-चालिएं कशा सैक्ड तोड़ी जाई पुजदी ऐ। पिड़ै चा निकलिये हमा-तमा नाच-मंडली कले आई रलदा ऐ। ते किश जने हुट्टिये पिड़ै च जाई बौंह्दे न।

भलेसा (भद्रवाह् ग्रैंह् रैं लागे इक ग्रां) दा ढेकू वड़ा मण्हूर है। सुनने च ग्राया ऐ जे कदें उत्थें केईं-केईं सैकड़े मर्द-जनानियां किट्ठें हेकूं पांदियां हियां। हून ग्रोकड़ा सिलसला बंद होई गेदा ऐ। ग्रज्जकल उंदा वविष वक्ष नाच होंदा ऐ। ते नर्तक-नर्तिकएं दी गिनतरी हून बी सैकड़े तोड़ी जाई पुजदी ऐ।

ए नाच सारी रात भर चलदा ऐ। प्हाड़ी दब्बड़ी च, सदा-व्हार, श्रध-गगनी देश्रारें, ते 'रां', 'तोस' दे रुवखें दे लम्मे ते 'हाड़ी हवाऊ च थर' थरांदे छोंरें हिट्ठ चलदा ए शांत जक्ख-नाच ते इसदा सरीला साज-संगीत दर्शकों गी वे-सुध करी छोड़दा ऐ। ते लो होने पर जिस वेल्लै पिड़ पटोंदा ऐ; तां उस थाह,र कची दोग्रासी छाई जंदी ऐ। इंपां वझोंदा ऐ, जे किश गोग्राची गेदा ऐ।

ढेकू दियां सारियां मुद्रां प्हाड़ी जन-जीवन ते माहोल कन्ने पूरा मेल खंदियां न। नर्तकें दियां झूलदियां वाहीं, प्हाड़ें दे लम्मे सिलसलें ते कक्खें दी झुलदी टैह्निएं दी गै अक्कासी करदियां न। उंदे सज्जै-खट्य झलदे लक्क, इक्खें दे फिरदे-धिरदे छोरे-जन लंबदे न। नर्तकें दी ढिल्ली पुशाक लोकें दे सिद्धे-सादे जीवन दी गै तसवीर ऐ। कुसै उच्चे मरगै पर हक्खें दे पत्तरें विचा जिस बेल्लें सां-सां करदी प्हाड़ी हवाऊ दे फणूके कन्नें च पौंदे न, तां अक्सर इंयां बझोंदा ऐ, जे दूर कुतै कुड्ढ नाच दा साज-संगीत चला करदा ऐ। नाच दा ताल इस चाल्ली दा ऐ:—''धिन्न ता, ता धिन्न ता.. ता ''' (अट्ठ मात्रा, घैरवा)

कुल्लू घाटी दा 'नाटी' नाच ते लद्दाख दे 'लामानाच' जां (मखीटा जां म्हरक्खा नाच) ढेकू जां कुड्ढ कन्ने काफी रलदे-मिलदे न । इनें सारे प्हाड़ी नाचें दी लैं काफी जड़डी ते मद्धम होंदी ऐ। कुतै-कुतै इस बारे चर्चा बी होंदी ऐ। पर ए इक कुदरती तत्थ (Natural Phenomenon) ऐ जे समुद्र तल कशा मते उच्चे थाह् रें पर हवा दा दवाऽ (Air Pressure) घट्ट होने करी उत्थें चलदे-फिरदे साह् तौले चढ़ी जन्दा ऐ, इसकरी लहाख, कुल्लू, भद्रवाह् ग्रादि दे लोक-नाच काफी जड़ होंदे न, उन्दे च मती नच्च-त्रप्प नेई होंदी।

घरेई नाच: घरेई भद्रवाही लोक-गीतें दी खास किस्म ऐ। ए जनानें गीत, जेह् इे आमतौर गौरी-पार्वती दी स्तुति च गाए जन्दे न। इंदी चंदी च किश शंगारी गीत वी हैन।

भद्रवाह् दे 'जनाना ढेकू' दी संगत चलने करी 'घुरेई गीतें' दे नां उप्पर गैं इस जनाना नाच दा नां बी 'घुरेई नाच' पेई गेदा ऐ। पिच्छें जिकर ग्राई चुका ऐ जे 'ढेकू' नाच पैह्लें जनानियां-मर्द किट्ठें नचदे हें, पर हून जनानियां ग्रपना नाच बबख नचिंदयां न। ए नाच स्यालें (शायद गौरी तृतिया) करवाचौथ दे पैह्ले रोज, 'गौरी तृतिया' गी नच्चेग्रा जन्दा ऐ। इस नाच दी इक बशेशता ए ऐ जे इस दे कन्ने-कन्ने 'चुरेइयां' गाइयां जिन्दयां न, जिन्दे च ग्रपने ग्रटल सोहाग लेई, गौरी मात ग्रगों प्रार्थना कीती

जन्दी ऐ। इस नाच च विधवा जनानियां शामल नेई होंदियां। के भलेसा दे इलाके च ग्रां-ग्रां फिरियें होंदा ऐ।

गौरी तृतिया (नवम्बर महीनै) म्राले रोज ग्रां दे कुसै ऐसे घराने जिसदे बजुर्ग दम्पित सलामती होन, छन्न-गोम्रांड ते रिश्तेदार सोहा किट्ठियां होंदियां न । बजुर्ग दम्पित दे पैर धोहाइये उन्दे चरण बन्दे हो न । उसदे परैत्त उससै घरै दे म्रांगन च म्रोह सोहागनां घेरा व'न्तिये के नाच दी चौकी दिदियां ते साथे गांदियां न ।

नाच दे साथें ढोल ते बौंसरी बजदी ऐ। नाच दियां मुद्रां 'ढेकू' ग्राकि गै होंदियां न। नाच दे परैंत घरैं ग्राले नर्तिकयें गी 'धाम' खलांदे ते विके करदे न। इस्सै चाली होर दौं-चौं घरें च इस नाच दी चौकी दित्ती जन्तीएं

सोहाड़ी: ए किशतवाड़ थमां होर परेडै व्हाड़ी इलाके ता हा 'नाच गीत' ऐ, जिसदा सः बंध उस फसलै दी फंडाई बन्ने ऐ। जी कनकर पक्के दे धानें दियां पूलियां बशकार टकाइयै पंज-छें मर्द इक वक्खी ते इलिए गै जनानियां दूई बक्खी (कुतै दबक्खी मर्द जां दबक्खी जनानियां) खड़ीं जंदियां न। उनें हत्थें च हाकी बांगर लम्मे डंडे लेदे होंदे न, जिंदे कन्ने पूर्ण बज्झे दे होंदे न। इनें डंडें गी ग्रो लोक 'छिणी' गलांदे न।

पैह्लें इक पार्टी खब्बा पैर ग्रगों पृट्टिय छिणी गी पूलिएं पर चलिं ते परितय पिच्छें लेई जंदी ऐ। पही इस्सै चाल्ली दूई पार्टी गैं ग्रगों पृट्छें छिणी चलांदी ऐ। इस चाल्ली दौनें बक्खी घुंगहएं दे ताल उप्परा बारी-बार्य गैंई ग्रगों-पिच्छें पांदियां ते छिणियां पूलिएं पर चलदियां ते परेड़िंब चकोंदियां न। उन्दे लक्क बी बड़ें कलापूर्ण ढंगें कन्ने झुकदे-चकोंदे न किन्ने-कन्ने जनानियां मर्द इकसाथ गांदे जंदे न :— "सोहाड़ी सेइए राम्म सोहाड़ी सेइए। रामेर बेला सीथी … भारे द्रावे खारे……।

(कनेह्आ सलक्खना हा ग्रो रामराज दा समां, जद् हल्लै दे इक इह सेहाड़े जिन्ने थाह्रा विचा इक-इक 'खार' दाने पुजदे हे · · ·) ''गीत दे कर्ने कन्ने साह्र फंडने लेई ग्रो लोक सेइयां दी सोग्राई वी लांदे न । घुं मुक्त हैं 'छन-छन' ते छिणिएं दी छेड़ दे सवा ''ऐक्शन-सांग च होर कुसै साज संगीत दी लोड़ नेई पौदी

सोहाड़ी कन्ने रलदा-मिलदा ऐ, सौराष्ट्र दा लोकनाच, 'ट्वानी'। सोराष्ट्र दी 'कोली' जाति दियां जनानियां, लक्कड़ी दे लम्मे-लम्मे दा^{ळे}। जिनेंई गुजराती बोल्ली च 'टपाणि' गलांदे न, हत्थें च लेइयै, ते इक ताल उप्पर गैंई अगों-पिच्छें पुट्टिय उनें 'टपाणिएं' कन्ने अपने कच्चे कोठें दे सारने (छतां) चिकदियां-दबादियां न। टपाणी कन्ने बज्झे दे घुंगरुएं दी छुनक-छनक कन्ने जनानिएं दे पैर ते टपाणियां इक साथ भुं आ पौंदे न। ते 'हें हो' दी रेहा कन्ने नृत-गीत वाला समां-ब'ज्जी जंदा ऐ। कुत्थें किशतवाड़ ते कुत्थें सौराष्ट्र, पर इन्नी दूरी पर बी लोक-मानस दी तार किस चाल्ली इक साथ वजदी ऐ।

फुंग्सनी: ए डुग्गर देसै दा प्राचीन सांकेतक ते देवस्थान सरवंधी लोकनाच ऐ। 'वावा सुरगल' जा 'गुग्गा' ते 'वासक' नां दे देवतें दा कंढी दे जन-जीवन उप्पर बड़ा प्रभाऽ ऐ। कंढी दे लोकें भी इनें देवतें पर अटूट श्रद्धा ऐ। कुसै दा दना भर कन्न तपै, ग्रो झट्ट इनें देवतें दे थान जाई पुजदा ऐ। लोकें दा ग्रटल विश्वास ऐ, जे देवते उंदे वाल-बच्चे दी ते माल-बच्छें दी हर चाल्ली दे रोग-सोग ते सप्प, कीड़ें कशा रक्खेग्रा करदे न।

फु'म्मनी नाच किश घरानें च पिता-पुरखी चलदा ग्रावा करदा ऐ, जेह् इनें देवस्थानें दे 'पचैले' (चेले) खोग्रांदे न ।

कृष्ण जन्मग्रष्टमी दे अगले रोज गुग्गा नौमी (ते कुर्त-कुर्त नागपंचमी)
ग्राले रोज उनें देवस्थानें पर 'गुग्यालां' (गुग्गे दी जात्रां) चढ़िदयां न, जिंदे
ग्रग्गें-ग्रग्गें रंग-वरंगे कोतल जां झंडे होंदे न। उदे पिच्छें घड़योल, ढोल ते
रणिंमघा ग्रादि वजदे चलदे न ते पिच्छें देवते दी चौकी सिरै पर चुिक्तयैं
'चेला' नंगे पैरें चलदा ऐ। ते उसदे पिच्छें फु'म्मिनयां पाने वालें दी टोली
होंदी ऐ। ए 'गुग्याल' ग्रां-ग्रां फिरदी ते बावे दे भंडारे ग्रास्तै रस्त-पट्टा
उगरांदी ऐ। ते जिनें-जिनें घरें बावे दी देग्रा कन्ने जागतें दा जन्म होए दा
होंदा ऐ, जां कोई डंगे दा राजी होए दा होंदा ऐ, उत्थें जाई नर्तकें दी टोली
फु'म्मिनयां पांदी ऐ।

नाच दा ए नां शायद इसकरी पेदा ऐ, जे इसदी इक मुद्रा च नर्तक अपने दौनें हत्थें दे पोटू फुल्लै दी बंद कली जां फम्वू दी ''फु'म्मनी'' वाला लेखा बंद करी लैंदे न । ते पही ढोलै दे तालै उप्पर नचदे-नचदे, हत्थें दी इक इक ग्रींगल बल्लें-बल्लें इस चाल्ली खोलदे न, ग्रखचै फुल्लें दियां पितयां इक इक करी खिड़ा करदियां होन । इसदा भाव बड़ा शुभ ते सुंदर ऐ। ''ए गिंल्लू अठज फुल्लै दी 'बंद कली' ग्राला लेखा ऐ। जियां-जियां ए बडोग,

इसने, बावे दे परताप कन्ने, फुल्लै ग्रांगू खिड़ना ऐ। ते इसदा जस्स, फुल्लै ही सगंधी ग्राला लेखा चबक्खी फैलना ऐ।"

नाच दियां बाकी मुद्रां बी इस्सै चाल्ली सांकेतक ते भावपूर्ण हों दियां न । ढोलैं दी 'तिग्गी' कन्ने हर मुद्रा बदलदी ऐ । इक मुद्रा च नर्तक अपित्यां बाहीं डींगियां-त्रेडियां इस चाल्ली छाती अग्गें लैंदे न, अखचै कोई ज्याणा मुहें कन्ने लाए दा होऐ । ते अगली मुद्रा च इयें बांहीं, 'नर्तक' अपिनी छाती ख'लें इक-दूई दे सामानान्तर इस चाल्ली झुलांदे न, जियां आखो बच्चे गी गोदा लेइयें लोशी देश्रा करदे होन । इस मौकै नर्तक दियां प्यार भरियां नजरीं अपिनी बांहीं पर इस चाल्ली झुकी दियां होंदियां न— अखचै भ्रो बड़े प्यार कन्ने बच्चे गी दिक्खा करदे होन । इस मौके नर्तकों दा मुखिया पिड़ें विच्छा सच्चें गै कुसै बच्चे गी अपिनी गोदा च लेई लैंदा ऐ । ते वाकी नर्तक हून मुंहां दा बड़ी सुरीली रेहा कन्ने 'सी-सी' दी अवाज कढदे चलदे न ।

अगली मुद्रा च नर्तक अपने हत्थ परेड चुक्की लैंदे न, ते ढोलै दी टकोह्दी टंकोर पर उदे पैर 'थप-थप', 'छन्-छन्' करदे बड़ी अदा कन्ने भुवां पाँदे न। उपपर चकोई दी बांहें समेत उदा लक्क हुशकी-हुशिकय सज्जे-खबे झुकदा चलदा ऐ। इसगी दिविखय पैह लो-पैह ल इस लेखक दे मुंहां सैह का गैए बोल निकले हे, गोरी चलदी ऐ सपोलुऐ दी चाल । इसदे कन्ने दा घुंगहएं दी छुन-छन, ते नर्तकें दी 'हो-हो' दी अवाज लोकें दा मन मोही लैंदी ऐ। इस केह डी मुद्रा गी नाच दी बोली च 'धमाल' गलांदे न।

ग्रखीर, सारे नर्तं क ग्रपना लक्क दोह्रा करियें, श्रपनी दौनें बांहीं गी छात्ती लागें, हाथी दी बौह्ली ग्राला लेखा सज्जै-खब्बें लोग्रारा दिंदे, श्रोंगली कन्ने चुटिकयां बजांदे ते मुंहां 'सी-सी' दी बड़ी सुरीली अवाज कढदे चलदे न। ते इसदे कन्ने गैं फु'म्मनी दी पंह्ली चौकी पूरी होई जन्दी ऐ। ते लोक 'वावे' दे जैकारे बुलान लगदे न— ''सुरगल बावा, तेरी साम। सबनें गी सुखी रक्खेग्रो, गुग्गा देव जी…।''

फु'म्मनी दी इक होर पुरानी शैली बी ऐ ही। इस च इक बड्डा 'चराग' रातीं वालिये, उसदी चवक्खी इक-इक जां दौं-दौं नर्तक फु'म्मिनियां पांदे है। इक नाच दी शोह रता जम्मू थमां, 1947 कशा पह लें दे पंजाव च दूरे-दूरे तौड़ी फैली दी ही। लहीर, लैलपुर, मुलतान ग्रादि दे कलाप्रेमी रईस, व्याह -शादी दे मौकें पर, ग्रपनी मैह फलें च, जम्मू थमां फु'म्मिनियां

पाने वाले उस्ताद नर्तकें गी सदांदे हे। ते उनें मैह्फलें च सैंकड़े-बढ़े शकीन लोक रात-रात भर 'फु'म्मिनयें दा जशन' दिखदे ते खु'ल्ले दिलें उनें नर्तकें गी इनाम दिंदे हे।

हून ओ गल्लां भाएं सुखना होई गेदियां न, पर पंजाब दे लोकनाचे 'झूमर', 'लुड्डा' ते 'टिपरी' ग्रादि पर साढ़े फु'म्मनी नाच दा प्रभाऽ अजें बी हरीकाम ऐ ।

मध्यप्रदेश दा लोकनाच 'करम', केरल दा 'पोरकल्ली' ते छोटा नागपुर दा 'सरहल' काफी हद्दै तोड़ी फु'म्मनी कन्ने मिलदे न।

फु'म्मनी नाच घैरवा ताल अट्ठ मात्रा च चलदा ऐ। इसदे डगे दे बोल न—''धागे धिङ न/नक धिन/धिङ नक धागे धिङ नक…''

चौकी: डुग्गर दी कंढी दा इक अपना फसली नाच ऐ 'चौकी'।
ए नाच 'फु'म्मनी' कन्ने काफी रलदा-मिलदा ऐ। ग्रांएं दे हिन्दू-मुसलमान,
ते हरिजन सब किट्ठे मिलियै इस नाच च शामल होंदे ते डुग्गर दी मजह्वी
रवादारी दा पक्का सबूत दिंदे न।

हाड़ी दी फसल घर पुज्जने परैंत्त करसान लोक नमां ग्रन्न जात पाने कशा पहलें, ग्रपने 'खेत्तरपाल' जां ग्रां दे सांझे पीरै दा भंडारा, शुकराने तौर देना जरूरी समझदे न। हर घरा 'राशन' किट्ठा करियै सांझा भंडारा दित्ता जन्दा ऐ, ते उसदे परैंत्त ग्रांएं दे नर्तक पीरै दैं नाच दी चौकी दिदे न। नाच कन्ने ढोल, लम्मी तुरही ग्रादि साज बजदे न। नचदे होई लोक कोई खास पुशाक नेई लांदे। फु'म्मनी कशा इस नाच दा बाद्धा ए ऐ, जे ग्रां दिग्रां जनानियां रिलयै नाच दी संगती च, पीरै दी स्तुति च इक लोकगीत बी गांदियां न।

किक्कली: ए बड़ा साहा, पर दिलचस्प नाच ऐ, जेह्ड़ा उत्तर-प्रदेश, पंजाब, डुग्गर कशा लेइये कश्मीर तोड़ी ते ख'ल्ल महाराश्ट्र च बी ए नाच दिक्खने च औदा ऐ कश्मीरी बोल्ली च इसगी 'हक्कत' ग्राखदे न । महाराश्ट्र च ए नाच 'फुगड़ी' खोग्रांदा ऐ। इस नाच च कुसै साज दी लोड़ नेई होंदी। ते नां खास जगह दी गैं लोड़ होंदी ऐ। घरैं दा ग्रंगन-पसार बी इस लेई काफी होंदा ऐ।

नच्चने लेई दौं-दौं कुड़िएं दी जोड़ी बनी जन्दी ऐ। हर कुड़ी ग्रपने सज्जे हत्थें कन्ते दूई कुड़ी दा सज्जा ते खब्बे कन्ते खब्बा हत्थ घोटियें पकड़ी लैंदी ऐ, ते इस चाल्ली उन्दी वांहीं दी कैंची-अन बनी जन्दी ऐ, ते अपना भार 'स्थिर' रक्खने लेई अपना-अपना सिर पिच्छें झुकाई लैंदियां ना ते पही दमें जिनयां भो आटिनियां लैंन लगदियां न । नाच च बल्लें-बल्लें तेजी औदी ऐ, ते अखीर च ए नाच इन्ना तेज होई जन्दा ऐ जे दूरा दा नच्चने आलियों दे बुत्त गैं इक घुम्मनघेरे च भो आंटदे से 'ई होंदे न ।

इस नाच दी खूबी ए ऐ जे इन्नी तेजी कन्ने नच्चदे होई बी ग्रो कुड़ियां गांदियां चलदियां न । नाच दे बोल ग्रामतौर घरेलू महोल दे होंदे न, जिंदे हासा-मखौल भरे दा होंदा ऐ:—

"किवकली कलीलदी, पगा सेरे बीर दी। दुपट्टा भरजाई दा—फेटे मूंह् जोश्राई दा…॥"

तम्हच्चड़ा: ए जनानिएं दा नाच ऐ। इस नाच दा डुग्गर व काफी रवाज ऐ। इस च कदें-कदें किक्कली दा दौर वी चली पौंदा ऐ। जदूं कोई लाड़ा जान्नी व'न्नियें ब्याह्न जन्दा ऐ, तां उस रातीं उसदे घर जनानियां 'तम्हच्चड़' पांदियां न, जिस च सारी रात भर जागरना होंदा ऐ, ते जनानियां रात भर इस खुशी च नचदियां ते गांदियां न ।

जनानियां घरा व'निनयं खड़ोई जिन्दयां न । किश जनानियां ढोलकी जां घड़ा लेइयें बजान लगी पौंदिया न । ते बारी-बारी इक-इक जां दौं-दौं जनानियां उस घरे विच्च ग्राइयें नचिंदयां ते गांदियां न । ते घेरा ब'निवं खड़ोती दियां जनानियां लै-ताल उप्पर ताड़ियां बजांदियां न । नाच दे इस गीत दे बोल ग्रामतौर शंगारक गैं होंदे न ।

नच्चने ग्रालियां इस बेल्लै हर चाल्ली दी चिंता ते फिकर-फाका भुल्ली जिन्दयां न । उन्दे हासे-गड़ाकें कन्ने सारे वातावरण च खुशी दी लैंह्र चली पौंदी ऐ। होऐ वी की नेई ? उन्दे 'लींगडैं' ने अज्ज व्याहर जे करना ऐ।

गीतै दा इक्क टप्पा मुकदेगै सब्बै जनानियां रिलयै गान लगी पौदियां न । तेगीतै दा इक दौर मुकदेगै तम्हच्चड़ परितयै शुरू होई जन्दाऐ।

जागरना: ए खालस जनाना नाच ऐ, जेह् ड़ा कुसै 'गबरू' दे व्याह. दी खुशी च चलदा ऐ। जनानियां सारी रातभर जागरना करियै 'तम्हच्चड़ं' पाई रखदियां न, इसकरी इसगी 'जागरना' गलांदे न। लाड़े गी व्याह्न टोरिय जनानियां व्याह् म्राले घर औदियां न । ते खु'ल्ले कमरे, दल्हान म्रादि च 'मुंडे' दी मां, मामी, चाचिएं गी वारी-बारी इक पीढ़े पर वठाइयें ते कच्ची लस्सी दी त्राम्बड़ी च उन्दा इक पैर रखाइयें उन्दे हत्थें च इक 'टेरना' (सूत्तर कत्तने लेई) पकड़ांदियां ते कन्ने-कन्ने गांदियां न :

''कच्ची लस्सी च पैर पा, ए मुंडे दिए माए, पीढ़े बैठी राज चला, ए मुंडे दिए माए। (माऊ थाह्र चाची, मामी ग्रादि जोड़ेग्रा जन्दा ऐ)

ते इसदे परेंत नाच शुरू होंदा ऐ। इस नाच दियां कोई खास मुद्रां नेई हैन। जनानियां गेड़ व'न्नियें खड़ोई जन्दियां ते इक्के थाह्र सज्जै-खब्बें झूली-झूलियें ते ताड़ियां बजांदियां, गांदियां न :

"मुंडे दी मां नच्चै, नच्ची तमाशा दस्सै"।"

(माऊ थाह्र चाची, मामी ग्रादि जोड़ेग्रा जन्दा ऐ) इक जनी मुंडे दी माऊ, चाची, मासी, मामी ते (जेकर एकड़ी खुशी दिवस्तने लेई ग्रजें सलामत होएं) तां दादी गी गेड़ च ग्रानदी ते नचांदी ऐ। ते ग्रोह् चुटिकयां बजाई-बजाई, हुमकी-हुमिकयै नचिदयां न। इस खुशी दे मौके पर बुड्ढी दादी गी ग्रपनी पिट्ठी दा कुब्ब, ग्रपने गैंटिए दियां पीड़ां सब बिस्सरी जिन्दयां न ते कोड्डरें-कोड्डरें ग्रोबी नच्चन लगदी ऐ।

एकड़ा दौर मुक्कने परैंत जनानिएं दे गेड़ बिच्चा वारी-वारी दौं-दौं जिनयां घरे च ग्रौंदियां ते बोलियां पाई-पाई नचिंदयां, कदें तम्हच्चड़, कदें किक्कली पांदियां न । ते पही हासे-टचकौलिएं दा दौर ग्रुरू होंदा ऐ। ए ग्रोह् मौका होंदा ऐ, जदूं जनानी सस्स, ननान ग्रादि दे दबदबे थमां बे-न्याज होंदी ऐ ते इनें टचकौली भरी नकलें राहें ग्रपनी सारी कौड़तन, खंगाल्दी ऐ।

इस चाल्ली जागरने दा तम्हच्चड़ मुक्कने पर ग्राई जन्दा ऐ। हून घरैं दी परधान-स्यानी जनानी मिट्ठे बब्बरू ते सिज्जे दे छोलें दा डूना-डूना वडी दिंदी ऐ। लो होंदे-होंदे सारा खलजनन मुकदा ऐ।

छज्जा नाच: ए नाच जम्मू दा खास नाच ऐ, जेह्ड़ा जम्मू शैह्र ते इसदे ग्राले-दोग्राले दे किश होर नग्गर-नगरोटें च गै दिक्खने च ग्रींदा ऐ। लोह्ड़ी दे त्याह्रै पर गै ए नाच पेश कीता जन्दा ऐ। नाच दे इस नां दा कारण ए ऐ, जे इस नाच दे कन्ने इक 'छज्जा' बी नचाया जन्दा ऐ। दनां छिड़िग्रा दिक्खने पर ए छज्जा इस चाल्ली दा ल'बदा ऐ, ग्रखचै कुनै मोरै पाह्ल पाई दी होऐ।

छज्जे दी बनौट: बांस दी दलाठें दा छज्जे दे श्राकार दा इक ढांचा खढरेश्रा जन्दा ऐ। उस उप्पर गत्ते दे गोल-गोल पत्ते-जन रक्खे जन्दे न, ते उन्दे उप्पर हरे, पीले, नीले कागजें दे 'चांद' बनाइयें ए सब किश बांस दे ढांचे उप्पर तारें कन्ने जक्की दित्ता जन्दा ऐ। छुज्जे दे हिट्ठ रंग-वरंगे कागजें कन्ने मोरें दा धड़ बनाइयें जोड़दे न। हून ए छुज्जा हू-बहू पाह्ल पान्दा मोर गैं ल'बदा ऐ। नाच-मंडली साथें श्रामतौर इक-दौं ढोलिए ते तूतड़ियां बजाने आले बी होंदे न। मते सारें नर्तकों दौं-दौं डंडे डंडारस खेढने लेई लेदे होंदे न। फु'म्मनी ग्रादि लोक-नाचें दियां किश मुद्रां ते डंडारस इस च शामल होंदा ऐ। नर्तकों दा मुखिया जां इक्क-दौं होर स्थाने नर्तक नाच दे पिड़ें च छुज्जा नचांदे न ते उसदा इक चक्कर-जन ब'नदे न। नर्तकों, बाकी लोकनाचें ग्राला लेखा कोई खास पुशाक नेई लाई दी होंदी। ग्रपने रोज-परती दे सधारण टल्लें च गैं नाच चलदा ऐ।

समें दे कन्ने छज्जे दा घाट बदलदा जा करदा ऐ। मोरै दे चतकें थाह्र हून छज्जे पर भारतमाता, कुसै कौमी नेता जां देवी-देवतें दी तस्वीर लग्गी दी होंदी ऐ। ते हून (शायद मेंह् गाई दे कारण) विना छज्जे गै नर्तक मंडलियां हर उस घर जाई नचदे न, जित्थें व'रे रेड्डा जागत जम्मेग्रा होऐ, जां जागत दा ब्याह् होए दा होऐ। घरैग्रालें कशा 'वधाई' ले विना ए लोक खलासी नेई छोडदे।

गोजरा नाच: "साह्वजादे" दे ब्याह् (निकाह्) दी खुशी व गुज्जर लोक वी नचदे-गांदे न । इंदा लोकनाच सादा, पर खरा जानदार होंदा ऐ।

मर्द लोक ग्रपनी 'रवायती' पुशाक च इक गोल दायरे च खड़ीई जन्दे न । इक 'लस्स' डांग हत्थै च लेइयै, इक वक्खी किश गुज्जिरियां, अपनी रवायती पुशाक ते बन्धें-गैह्नें कन्ने सज्जी दियां, खड़ोती दियां होंदियां न ।

ढोल दे डगे पर भांगड़े दे नर्तकें ग्राला लेखा, डांगां लोग्रारिय ते लम्मा होकारा लाइये ओ दायरे अन्दर गै कदें लम्मी गैईं, कदें छुट्टे कर्में कन्ने छुमकदे चलदे न । ताल उप्पर गै ग्रानी मुंढी दे समानांतर ग्रपनियां आरकां परेडियां चुक्किये सज्जै-खब्बै अपना उप्परला धड़ झुलांदे न ।

लागै खड़ोती दियां गुज्जरियां नाच दे साथें कुसै गोजरी लोकगोतै

दी भाख बी लांदियां न :---

''ग्रन्लाह् बिसमिन्लाह्, वैह्लो टुरिए। भ्रल्लाह् बिसमिल्लाह्, बैह्लो टुरिए। तेरो टुरन गो बेलो, बैह्लो टुरिए। कबीलेग्रा, बैह्लो टुरिए। साह्ब - जादेश्रा, बैह्लो टुरिए। बाबल जीनेश्रां, बैह्लो टुरिए…।"

गीतै दा इक बन्द मुक्कने पर नर्तक इक भारा हुंकारा मुंहां कढदे न। साढ़ किश होर लोकनाच वी हैन, जिंदी कलमी तसवीर कुस वक्खरे लेख च करगे।

ए हा डुग्गर दे लोकनाचें दा मुखसर-जनेहा व्यौरा । इस च शक्क नेई जे इनें लोकनाचें दी दौलत साढ़ा सांस्कृतक-जीवन काफी समृद्ध होग्रा ऐ। संसारी गैह्मा-गैह्मी दे होंदे होई बी, ए नाच जीवन कन्ने मोह्-प्यार वधांदे न । इंदी बदौलत भ्रमेंई भ्रपने आले-दोग्राले दा वातावरण मता सुन्दर प्यारा ते उज्जल से ई होंदा ऐ। इंदा इक वाद्धा ए वी है, जे इंदे राहें ग्रपने अतीत कन्ने साढ़ा सरवन्ध होर वी पक्का होंदा ऐ। इंदी बदौलत साढ़े ग्रन्दर इस गल्लै दा बड़ा 'गौह्' ते 'हुसन' पैदा होंदा ऐ जे ग्रस बड़ी शानदार परम्परा दे वारस ग्रां। दूर-दरेड़े वसने ग्राले वे-पन्छानु लोकें कन्ने साढ़ियां मित्रोकोठियां पक्कियां करने दा बड़ा भारा कम्म वी इयै लोकनाच करदे न।

इंदी वदीलत गै सारे भारतवासी, इक विशाल वरादरी म्राला लेखा गै ग्रपने बड़कें गी अपने ग्रतीत गी सीस नोग्रांदे ते ग्रपने भिबक्ख दे बारे च द्रिढ़ ग्रास्था रखदे होई हसदे, हुमकदे, गांदे-नचदे ल'वदे न ।

लोक-नाट्य-परम्परा ते डुगगर

रामनाथ शास्त्री

लोक-परम्परा, समाजी जीवन दा इक अति म्हत्तवपूर्ण यथार्थ है। उसदी जानकारी दे वगैर कुसै बी वर्ग-जाित दे समाजी जीवन दा ग्रध्यक जां इतिहास सिर्फ ग्रधूरा ते ग्रपूर्ण गैं नेईं होग, ग्रो यथार्थ कोला दूर ते अविज्ञानक बी होग। जियां नींह् दे वगैर कुसै ग्रमारती दी कल्पना, जं पौड़ें-जढ़ें दे वगैर वनस्पतियें दी कल्पना यथार्थ कल्पना नेईं होंदी, उसे चाल्ली लोक-परम्परा गी नकारियें समाजी जीवन दे वक्खरे-वक्खरे पहुतुएं दी विकास-चर्चा वी प्रमाणक नेईं होई सकदी। इस गल्लै दा बड़ा स्पश्य विवेचन 'रंग-दर्शन' नां दी ग्रपनी इक खासी म्हत्तवपूर्ण पोथी च, श्री तेमी चन्द्र जैन ने इस चाल्ली कीता ऐ:—

भारत जैसे कृषि-सभ्यता-प्रधान देश में यह ग्रनिवार्य है कि हमारी सर्जनात्मक गितविधि के बहुत से ग्रंगों के सूत्र लोक-जीवन में हों। विशेष रूप से हमारी सांस्कृतिक परम्परा का एक बड़ा भारी ग्रंश लोक-सस्कृति सम्बद्ध है। इसके प्रमाण हम ग्रपने अनेक रीति - रिवाजों, ग्राचार व्यवहार, पर्वों-त्यहारों तथा समाराहो ग्रादि में तो पाते ही हैं, संगीत, नृत्य, चित्रकला, साहित्य ग्रादि सर्जनात्मक ग्रभिव्यिक्त-विधान्नों में भी उसके (मौलिक) योग को स्वीकार करने को बाध्य हीते हैं। ग्राज हमारे देश की लगभग सभी कलात्मक ग्रभिव्यिक्तयों में लोक-परम्परा के महत्व की स्वीकृति ग्रीर कमश: बढ़ती हुई छाप स्पष्ट है।" (सफा 80)

''परम्परा का प्रश्न किसी भी कला-सर्जना के लिए मौलिक म^{ह्व} का प्रश्न है। स्राज देश में प्राजीन महत्वपूर्ण कलारूपों में पुनरुद्धार स्रौर पु^{तर} ज्जीवन के कारण भी लोक-नाट्य-परम्परा के अध्ययन को महत्व मिलने लगा है।
''लोक-नाट्य हमारी नाट्य-परम्परा की एक महत्वपूर्ण कड़ी है।''

'रंग-दर्शन' नां दी पोथी दे इस उद्धरण कोला लोक-परम्परा दे ग्रंग-रूपै च लोक-नाट्य-परम्परा दा प्रसंग ग्रसंगी ग्रपने विशे दी चर्चा पर लेई ग्राया ऐ। की जे ग्रस वी ग्रज्ज डुग्गर दी (ग्रर्थात डोगरी) लोक-नाट्य परम्परा दे बारे च गै सोच-बचार करने दा जतन करें करने ग्रां। इस सिलसले च जेह डा बुनियादी खतोह ला जागदा ऐ, ग्रो ए ऐ जे क्या डुग्गर दी बी ग्रपनी कोई नाट्य-परम्परा दा कोई लीह -नशान हुन बी कुतै कायम ऐ? दोऐ सुग्राल बड़े बुनियादी म्हत्तव ग्राले न, पर मूल म्हत्तव आली गल्ल ते इये जे क्या इस धरती पर कोई ग्रपनी मौलक नाट्य-परम्परा कदें रेही ऐ? इस खतोह ले दा कोई निश्चत जवाब देना इन्ने चिर ग्रसान नेईं, जिन्ने चिर ग्रसंगी डोगरा समाजी-जीवन दी सर्जनात्मक ग्रभव्यिक्त च कुतै लोक-नाटकें दी सत्ता दा प्रमाण नेईं मिली जा।

इस सिलसले च कोई निश्चत ब्योरा इस ग्रास्तै पेश नेई कीता जाई सकदा की जे रियासत जम्मू-कश्मीर दे अन्तर्गत भ्रौने आले डोगरा प्रदेश दी लोक-परम्पराएं बारे जानकारी किट्ठी करने दे बारे च ग्रज्जै तगर योजनाबद्ध तरीके कन्ने कम्म करने दा शायद कोई ठोस जतन नेई कीता जाई सकेग्रा। इस डोगरा-प्रदेश दे मते सारे अलाकें च पिछले 30-40 ब'रे च डोगरी भाशा दे माध्यम कन्ने इक नमीं लोक-चेतना जागी ऐ ते साहित्यक ते सांस्कृतक संस्थाएं दे रूपै च संगठत होई ऐ। लोक-चेतना दे इनें केंदरें दा प्रमुख खेतर भांएं डोगरी दे लोक-साहित्य दी तपाश ते स्रोदा संकलन वर्गरा ते डोगरी भाशा दे माध्यम कन्ने अपने भावें-बचारें गी कवता-वहानी जा लेखें राहें प्रगट करना गैरेहा ऐ, पर एदे कन्ने गै उनें संस्थाएं दे साधकें गी स्रपनी लोक-परम्परा दे दूए रूपें दी तपाण करने दी जरूरत ते ग्रोदे म्हत्तव बारै वी जानकारी ऐही। पर ग्रज्जै तगर इनें ग्रांचलक सभा-संस्थाएं बी ग्रपने अलाकें चा डुग्गर दी कुसै मौलक लोक-नाट्य-परम्परा दी सत्ता बारै कोई जानकारी प्रस्तुत नेई कीती। स्रोदा इक कारण ते इये जे उने प्रदेशें च कुसै लोक-नाट्य-परम्परा दा कोई चिन्त-नशान ग्रज्ज मजूद नेई ऐ। इस स्थिति दा दूआ कारण ए बी होई सकदा ऐ जे डुग्गर-प्रदेश दियें इनें श्रांचलक सभा-संस्थाएं च बी गोताखोर जिज्ञासुएं दी गै कमी रेही होऐ। विज्ञानक सूझ-

बूझ ते सच्ची लगन दे बगैर इस चाल्ली दे कम्म शुरू गैं नेई की जाई सकदे, उंदा तोड़ चढ़ना ते दूरैं दी गल्ल ऐ। दर-ग्रसल आंचल केंदरें च बी किंव, क्हानीकार ते लेखक बनने दी तांह्ग गैं प्रधान रेही, खोड़ सरबन्धी सलाहियत मती सारी दब्बी-दबोई दी गैं रेही गेई। शऊरी जांगेर शऊरी तौरें पर हर जगह लगभग इयै लीह् चालू रेही ते नतीजे दे तौरें पृ श्लो खेतर जिंदे च कम्म होई सकदा हा ते होना चाहिदा हा खेड़ें पेदे रेहें। कारण ऐ जे इनें खेतरें च कल्ले-कल्ले कम्म करने दी गुंजैश बड़ी घट्ट होंहें ऐ। इत्थें मते जनें दे सह जोग दी लोड़ होंदी ऐ। साहित्य-सर्जना दे खेतरें इक्कलसोखी मनोबिरती गी बड़ी सखाल सेही होंदी ऐ। वक्खरी-बक्खरी ग्रहम भावता गी नच्चने ते भाखां लाने ग्रास्तै बक्खरा-बक्खरा नवेकलापन होई जंदा ऐ। शायद ए इक्कलसोखी बनी दी रेही ऐ। नेई तां ए किंगा होई सकदा हा जे साढ़ें इस बिशाल देसै दे सबनें प्रदेशें च उत्थें बोलियें जो प्रालियें जन-भाशाएं च विविध लोक-नाटकें दियां परम्परां उपजियां, विकास होइयां ते परवान चढ़ियां ते सिर्फ डोगरा प्रदेश गैं इस फसलें श्रास्तै वंग सावत होग्रा।

"संस्कृत नाटक के ह्रास के बाद हमारे देश में नाट्यमूलक गतिकीं ने विभिन्न भाषा-क्षेत्रों में अलग-अलग रस लिया जिसको समग्र रूप में हैं मध्यकालीन नाट्यपरम्परा कह सकते हैं। हजार बारह सौ वर्ष की इं लम्बी अविध में देश के विभिन्न भागों में नाटक और रंगमंच का ठीक-किं रूप क्या रहा, इसका पूरा विस्तृत विवरण तो नहीं मिलता (लेकिन) कुं कें भाषा-क्षेत्रों के कितपय नाट्य रूपों की दो-तीन सौ वर्षों की थोड़ी-किं जानकारी मिलती है। इस विशाल देश के विभिन्न क्षेत्रों की स्थिति किं जैसी नहीं रही, न विकास की गित में, न उपलब्धि की श्रेष्टिता में। इं प्रकार देश-भर में हम यात्रा, नौटंकी, स्वांग, ख्याल, माच, प्रकी तमाशा, दशावतार, यक्षगान, श्रंकिया नाटक, रासलीला, तथा रामतीं जैसे विभिन्न स्तर के लोक-नाट्य पाते हैं।" ('रंग-दर्शन'—सफा 85)

^{1.} बंगाल दा लोक-नाट्य 2. 3. उत्तरप्रदेश दे 4. गुजरात दा 5. मही राष्ट्र दा 6. कर्नाटक दा 7. प्रधान रूपै च उत्तरप्रदेश ते राजम्भी —प्रका॰ राजपाल एण्ड सन्ज, दिल्ली (1945 ई॰)

विविध लोक नाटकें दी इस्सै स्थिति गी, डा॰ दशरथ ग्रोझा ग्रपनी प्रसिद्ध रचना-हिन्दी नाटक (उद्भव ग्रौर विकास) च इस चाल्ली स्पश्ट करदेन:

"किसी भी देश की सामान्य जनता ग्रपने वातावरण तथा रुचि के ग्रानुकृल विनोद का साधन स्वभावत: निकाल लेती है। इन साधनों में नाटक का स्थान श्रेष्ठ (सर्वोपिर) माना जाता है। इस बात को अस्वीकार नहीं किया जा सकता कि साहित्यिक नाटक जनता के दैनिक जीवन में मनोविनोद के सर्वोच्च साधन किसी युग में भी न वन पाए होंगे। ग्रतएव सामन्यतः ग्रपठित तथा ग्रद्ध पिठत जनसमुदाय अपने जीवन के ग्रनुरूप हास्य-विनोदमय नाट्य विधाग्रों का मृजन करता रहा है।

(इसीलिए) हमारी देशी भाषाश्रों में साहित्यिक नाटकों के पूर्व जन-नाटक शताब्दियों से अभिनीत होते ग्रा रहे थे। बंगला में यात्रा तथा कीर्तिनिया नाटक, विहार में विदेशिया पूर्वी हिन्दी (ग्रवधी), वृज तथा खड़ी बोली में रास, नौटंकी, स्वांग भांड, राजस्थानी में रास, झमर, ग्रीर ढोला-मारू, गुजराती में भवाई, महाराष्ट्री में लड़िते ग्रीर तमाशा इत्यादि (सफा 49)

इनें लोक-नाटकें दी गैर मामूली लोक-प्रियता दे वारे च हिन्दी दे अलवेले ज्ञानमार्गी कवि कवीरदास दी ए व्यंग्योक्ति वड़ी प्रसिद्ध ऐ।

कथा होय तहां स्रोता सोबें, वक्त मूंड पचाया रे। होय जहां कहीं स्वांग-तमाशा तिनक न नींद सताया रे।

इस उक्ति कोला पता लगदा ऐ जे कबीर दे समें च, ग्रर्थात चौह्दमी सदी ईस वीच बी उत्तर प्रदेश च 'स्वांग' ते 'तमाशा' नां दे लोक-नाटक लोकें च ग्रत्यंत मकत्रूल है।

इक खतोह्ला ए वी जागदा ऐ जे डोगरा प्रदेश कन्ने लगदे कशमीरी भाशा ते पंजाबी भाशा दे खेतरें च लोक-नाटक दी स्थिति के ही ? श्री बलवत गार्गी पंजाब दे इक प्रसिद्ध नाटक-लेखक ते नाटक-निर्देशक न । उनें रंगमंच नां दी इक बड़ी सुन्दर सचित्र पोथी पंजाबी भाशा च लिखी ऐ । एदे च उनें भारतवर्श दे वक्खरे-बक्खरे प्रदेशें दी लोक-नाट्य-परम्पराएं बार बी तफसीली परिचय दिला ऐ । एदे च पंजाब दे लोक-नाटकें दे हवाले च उनें कुस बशेश परम्परा दी चर्चा नेईं कीती । सिर्फ इन्ना लिखेग्रा ऐ जे :—

''नौटंकी खेडने वाले, जिन्हां नूं पंजाब विच **रासधारिये** स्राखिस्रा

जांदा है, उत्तर प्रदेश दे कईं बड्डे-वड्डे शहिरां विच वी नाटक खेडदे हैं। इक-इक मंडली विच कईं वारी तीह्-तीह् जने हुंदे हन।"

स्वांग यानी भंडां दा तमाशा इक प्रकार दी मशकरी है। ग्राम् करके दो भंड इह तमाशा करदे हन। दोहां विचों इक जना भाइग्रा वनदा है जिसदे हत्थ विच पतले चम्म दा तमाचा फड़िग्रा हुंदा है। भाइया दुजे जहे नूं (जेह ्डा तीवीं बनेग्रा हुंदा है) सवाल पुछदा है ते दूजा जना उस सवाल नूं किसे हासोहानी गल्ल उते लें आऊंदा है ते (जिस नूं सुन के) भाइया उसन् ताड़-ताड़ चम्म दे तमाचे (नाल) मारदा है •••••• इत्यादि।" (सफा 101)

इस कथन कोला ते इये गल्ल स्पश्ट होंदी ऐ जे पंजाब च बी कोई ग्रिपनी मौलक नाट्य-परम्परा नेई बनी सकी ऐ। भंडें दे तमाशे गी नाट्य-परम्परा दा थाह्र नेई दित्ता जाई सकदा। ते उत्तरप्रदेश-राजस्थान दी नौटंकी गी गै उत्थें रासधारियें दी मंडली ग्राखेग्रा जंदा रेहा ऐ। नौटंकी जा रास दा कोई रूप पंजाब दी ग्रिपनी मौलक उपज दे रूप च साढ़े सामने नेई ग्रींदा। हां एदे बपरीत कश्मीर घाटी च भांड जशन नां कन्ने प्रसिद्ध इक लोक नाट्य-परम्परा अञ्ज बी उत्थें मजूद ऐ। कश्मीरी भाशा दी ए ग्रिपनी मौलक नाट्य-परम्परा ऐ जेदे कलाकार ग्रिपने-ग्राप गी 'भगत' ग्राखदे न।

पंजाव दी स्थिति दी चर्चा कोला इन्ना स्पश्ट होई जंदा ऐ जे इस खेतरें च डोगरा प्रदेश गी प्रेरत जां प्रभावत करने जोग स्रोदी कोई प्रपनी मौलक नाट्य परम्परा नेई ही।

उत्तर प्रदेश दियां प्रोफ्रैशनल (Professional) रास मंडलियां अपने गुजारे ग्रास्तै जियां पजाब दे पिंडें-कसबें च ग्राइयै अपने प्रोग्राम पेश करदियां हियां, उंग्रां गै ग्रो साढ़े इस डोगरा प्रदेश च बी फेरा मारी जंदियां हियां। ऐसा कोई प्रमाण नेईं मिलदा जे हिन्दी-प्रदेश दियें इनें रास-मंडलियें कोला प्रेरत होइयै इत्थों दे स्थानी गाने-बजाने ग्राले लोकें बी कदें अपनी जन-भाशा डोगरी दे माध्यम कन्ने प्रोग्राम करने ग्राली कोई रास मंडली खढ़ेरी होऐ, किश लेखकें जम्मू च होने आलियें रासें (जां रास लीलाएं) दी लोक प्रियता दी ते जंदे प्रोग्रामें वगैरा दी चर्चा ग्रपने लेखें च कीती ऐ पर इनें चर्चाएं च जिदा व्योरा मिलदा ऐ ओ सब रासधारिये बाह रा दे (ज्यादातर उत्तरप्रदेश दे) होंदे हे। श्री जितेन्द्र शर्मा दे 1972 ई० दी नमीं चेतना ब छपे दे लेख 'जम्मू च रंगमंच दी परम्परा' च हीरानगर दे पं० जगतराम

होंदा जिकर जरूर ग्राया ऐ, जिनें मथरा-वृंदावन जाइयें ते उत्थें रासधारियें कन्ने रेहियें "रास लीला दा कम्म सिक्खेग्रा हा"। लेख च इस गल्लें दी चर्चा इंगां कीती गेई ऐ:

'जगतराम होर 17 व'रें दी उमरी च ग्रपने ग्रां राजपुरा (हीरानगर) श्रमां निकले ते मथरा-विदरावन जाई पुज्जे । उत्थें उनें रासलीला दा कम्म सिक्खेग्रा । पढ़ने लिखने दा रवाज घट्ट हा, इसकरी उनें रासधारियें दे संचालक जेड़े भगत खुग्रांदे हे लीलां जवानी चेते करदे हे । जगतराम होरें बी किछ लीला जवानी चेतें कीतियां, उनेंगी रंगमंच उप्पर पेश करने दी जानकारी हासल कीती ते जम्मू परतोई ग्राए । इत्थें ग्राइयें उनें रासधारियें दा इक टोला त्यार कीता ते ग्रां-ग्रां (जाइयें) 'शो' देने शुरू कीते । शो दिन्दे-दिन्दे ए रास-टोला पंजाव चा होंदा सिध प्रांत दे शकारपुर तगर जाई पुज्जा ।"

"पही भगत जगतराम हुंदे टोले गी जम्मू दे वजीर पुन्नू होरें ग्रपने ग्रां ढोका (जसरोटे कोल) सद्दी मंगाया। उत्थें क्या चिर रास-लीला खडोंदी रेही। पूरे चंऊ म्हीनें मगरा भगत (जगतराम) ग्रपना डेरा लेइयै राजपुरे गी परतोए। ग्रोदे बाद बजीर पुन्नू होंदी गैं सफारशी पर भगत जगतराम गी महा. रणवीर सिंह होरें 30 हाड़ 1940 वि० (जून-जुलाई 1983) दे दिन जम्मू दे मंदरें च गाने ते रासलीला दे प्रोग्राम पेश करने ग्रास्तै मैह्कमा धमार्थं च नौकर रक्खी लेगा।

इस चाल्ली भगत जगतराम दे रासमंडल दी सुतंतर-सत्ता ते ग्रोदे कन्ने गैं उसदी लोक-परम्परा वी समापत होई गेई।

इस ब्योरे कन्ने कुसै गी ए गलतफैंह् मी नेई होनी चाहिदी जे भगत जगतराम दी इस रासमंडली ने डोगरी भाशा गी मानता दित्ती होग ते डोगरी भाशा च गै लीलां पेश कीतियां होंगन । भगत जगतराम बी अनपढ़ हे। उंदा सरमाया उऐ रासलीला हियां जेह् डियां उनें मथरा-बिंदरावन दे रासमंडलें च रेहिये जवानी चेतै कीतियां हियां। उस्सै लीह् च ओ बज्झे दे रेह्। उंदे कोल नच्चने-गाने दी कला ते ग्रोदे संचालन दी योग्यता ऐ ही। पर डोगरी च मौलक लीलां रचने दा शायद उनेंगी ख्याल बी नेई ग्राया होग। ग्रो रासलीलाएं दी मथरा-विंदरावन परम्परा दे गै ग्रंग बने दे रेह्। उस्सै परम्परा कारण ग्रो पंजाब ते सिन्ध प्रान्तें च बी प्रोग्राम करी ग्राए। ते 'रासलीला' गी अपनी मित्ती दी रंगत ते खुश्वू च ढाली लैंने ग्राला दूआ के 'भगत' (कलाकार) बी डुग्गर च पैटा नेई होआ। इसकरी उने के गी डुग्गर दी लोक-नाट्य-परम्परा दा ग्रंग नेई ग्राखेग्रा जाई सकदा।

'भगत' उपाधि दा सरबंध जियां रासलीलाए कन्ने ऐ इंयां मैं भक्त नां दी इक लोक-नाट्य परम्परा कन्ने बी ऐ, जिसमी डोगरा प्रदेश दी ग्रूप्त मौलक लोक-नाट्य-परम्परा ग्राखेग्रा गेग्रा ऐ। बड़े दुख ग्राली गल्ल ऐं रयासत जम्मू-कश्मीरा दे डोगरा प्रदेश दे कुसै ग्रचल च बी ग्रज्ज एलोक नाट्य-परम्परा जीवत नेई ए। तसील बसोह्ली च बी नेई, जित्थें केई साथियें मुजब कदें भगतां खेढने दा ग्राम रवाज हा। भगतां खेढने दा खाः उत्थें कदूं गुरू होआ ते कदूं तगर कायम रेहा ते पही यकदम ए लोग की हों गेआ ? इनें खतोह्ले दा कोई माकूल समाधान ग्रसेंगी नेई मिलदा।

डोगरी दे लोकप्रिय किव-गीतकार श्री यश कर्मा मूल हुएँ व बसोह् ली दे मैं बसनीक न । श्रो बड़े बसूक करने उत्थें भगतां ना दे लोक नाटकें दी सत्ता दी तसदीक करदे न । डोगरी दे बजुर्ग किव श्री रामला णर्मा होरें सुनाया हा जे उनें सन् 1947-48 च रावी पार गंगथा नां देश च दिक्खेआ हा जिनें दिनें श्रो बाल-बच्चें समेत पाकिस्तानी गरीलें दे हुमनें कारण गुढ़ा ग्रां छोड़ियें रावी पार गंगथा चली गे हे ।

भगतां नाटकें दी प्रस्तुति बारै श्री जितेन्द्र होर अपने उस लेख व लिखदे न :—

"भगतें दा मुखिया भगतां प्रस्तुत करने दा कुसै दब्बड़ै-चगानै च बंदो वस्त करदा, लोकें गी समें ते जगह दी सूचना दिदा ते तमाशे च ग्रापूं बी भाग लैंदा ऐ। तमाशे च सीन-सीनिरयें दा प्रयोग नेईं होंदा पर जहलीं मतावक पशाकां लाइयैं स्वांग भरने दी परम्परा बनी दी ऐ। भगतियें दे वांदे ते त्रऊं बिक्खयें लोक पिड़ ब'न्नियै बेही जंदे ते मसैह्रें दी लोई भगतां ब प्रदर्शन गुरू होई जंदा।

ए लोक - कलाकार अपने ग्रलाके दे सुदखोर साहुकारें, कप्टी लोकों ते पखंडी पुजारियों-मुल्लाएं दियां नकलां तुग्रारदे । सुनने च ग्राया ऐ वे इनें ब्यंग-पूर्ण नकलें दे ग्रलावा भगतियें धारमक विशें उप्पर वी ए नाटक खेटदे हे ।''

इस व्योरे कोला इन्ना ते पता लगदा ऐ जे भगतां च लोक-नाटक दे

सारे गुण ते तत्व मजूद हे। प्रर्थात कोई समाजी व्यंग-कथा जां कोई धार्मक पीराणक कथा, नाटक खेढने ग्राले लोक-कलाकार दर्शक । इनें बुनियादी तत्वें दे ग्रतावा, भगतां जनेह लोक-नाटक दे प्रदर्शन दे सहायक दूए केइयें तत्वें दी कोई जानकारी नेई मिली सकी। जियां लोक-कलाकारें दा मेक-ग्रप, टल्ले-पशाक, नाटक दे कथा-वस्तु दी ताल ते पही उस ताली-चुनी दी कथावस्तु पर मौखक नाट्य-रचना त्यार-करने दा तौर-तरीका, ते उस नाट्य-रचना गी पेश करने ग्राले कलाकारें दी सखलाई ते ग्रभ्यास, ते इनें नाटकें गी खेढने दा मोसम वगैरा।

कथावस्तु, खासकरी ग्रपने खेतर दियें तत्कालक समाजी समस्यायें जां परिस्थितियें पर ग्रधारत विशें दी ताल जेदे च ग्रलाके दे प्रभावशाली माह्नुएं, चौधिरयें, व'जियें, पंतें-मुल्लाएं, शाहें-साहुकारें गी नाटकी व्यंग दा नाता बनाने ग्राली गल्ल बिंद बिखड़ा कम्म ऐ। एदे अलावा इनें लोक-नाटकें दा ग्रार्थक पैह्लू बी इक जरूरी बचारयोग्य गल्ल ऐ। इक होर जरूरी जिज्ञासा ए बी ऐ जे भगतां खेढने ग्रालियें टोलियें दे संगठन (तनजीम) जरूरी जिज्ञासा ए बी ऐ जे भगतां खेढने ग्रालियें टोलियें दे संगठन (तनजीम) दा सरूप के हा? क्या रास मंडलें आला लेखा इंदा बी कोई स्थाई संगठन होंदा हा जां हर बारी नमें सिरेग्रा गै किश कला-रुचि ग्राले कहें होइयें ए नाटक खेढने दा निश्चा करदे ते एदा प्रदर्शन करदे हे? इंदे कार्य-खेतरें वा घरा केड्डा व्यापक जां किन्ना सीमत होंदा हा? ग्रर्थात् क्या ए भगतिये दोले बी रास-मंडलें आला लेखा दूर-दराडे दे दूए थाह्र्रें बी प्रदर्शन करन टोले बी रास-मंडलें आला लेखा दूर-दराडे दे दूए थाह्र्रें बी प्रदर्शन करन जन्दे हे जां नेई ? शायद बसोह्ली दे अलाके दे बजुर्गें कोला ग्रजें बी इनें सबनें गल्लें दी जानकारी हासल कीती जाई सकदी होए।

पता लग्गा ऐ जे रावी-पार कांगड़ा जिले च म्रजें वी भगतां ते किश दूइयें लोकनाट्य-परम्परां जीवत न। इस गल्लै दी जानकारी दा इक स्रोत नमीं चेतना दे जुलाई-सितम्बर (1977 ई०) (म्रंक नं० 41) च छपे दा, कांगड़े दे इक प्राध्यापक शिव उपाध्याय दा इक लेख ऐ जेदा शीर्शक ऐ कांगड़ी लोक-नाटक।

श्री उपाध्याय कांगड़े दे लोक-नाटकें दे रूप-सरूपें दी चर्चा करदे होई लिखदेन :—

"कांगड़े च जां ग्रसां इस्सा कला दे दाणे-मणके जोड़दे तां पुराणेग्रां वगतां ते इद्धे दो प्रमुख रूप साम्हणे औंदे :—

(1) स्वांग ते (2) रास-भगत।

स्वांगां दे अग्गें प्रमुख भेद न :

- (1) चन्दरौली: 'चन्दरौली' नांदा ए लोक-नाटक स्याले कि रुत्तां च खेलेग्रा जाणे वाला मश्हूर स्वांग है। चन्दरौली मूल चन्द्रवली ह विकसित रूप है, जेह्ड़ा कि कृष्णें दी इक सिखया दा प्रतीक है। इस न प्रमुख पुरुष-पात्र **रौलू** हुंदा, जेह्ड़ा कि नोकदार कुल्ला-टोपू लाई, पुट्ठे-_{सिं} लत (टल्ले) लटकाई, लक्का जो इक काला डोरा जां रंग-वरंगे चादस्यां लीरड़े पलेटी, कोई फट्टेग्रा सुत्थणु लाई, हत्थां-पैरां, मूंहें धूड़-स्वाह को लाल ते काले लीकड़े लांदा। इनकी हत्थें छच्छरोग्रो (चित्थेग्रा गेदा) वह दा डंडखोरू ते दूए हत्थे रुमाल लेई, मंदलू, तबले, कंसिया ते हारमोनिम दे ताले चन्दौरालिया दे भ्राले-दुभ्राले मसखरियां करदा नचदा ते गांदा है। चन्दरौली चिटक-मिटक घगरुए लाई, गोटेग्रां-जड़ेग्रा लाल सुहागी सात् म्रोढी सिरें चक्क लाई, नक्कें बालू-बेसर लटकाई गांह्-पचांह् फरािखां भरदी। इहां कृष्णे ताईं राधा दे प्यारे दा ठठरा बन्हदी। कदी ए दोह्यो जणे लुक-लुकैह्, डा खेलदे, कदी सींडां-सिनकां (सीटियां) मार्द लटौंदे-मचकौंदे दिक्खने वालेआं जो हसांदे। ग्रसले च एह् स्वांग कृष्णलीत दी झलक अपणे रंगे-ढंगे पेश करदा । इस्सो खेलणे वाले कांगड़ा सैंह्रे व झीर ता पालमपुरे च झीर ता जुलाहे हुंदे। गाणें दियां रुणका-झुणका व माता दियां भेटां ता रित्ती (रित्तड़ियें) दे गीत भी सुनने जो मिलदे।
- (2) दूत्रा ऐ झमाकड़ा। एह् स्वांग व्याह्-शादियां दे मौके संस्कारां लोकाचारां दा इक्क वड़ा जरूरी ग्रंग वणी गिया है। लाड़े यां लाड़ियां नुहाई-धुआई, मां, सेती-सरूं ह् (सरेग्रां) तड़काई, भठूरुए दे चार टुकड़े करी चौंह्-चुफेरें सट्टदी, दूए पासें सत्तवाणिये वालियां (सुहागनीं) ताइयां-चावियां ता होर गोरतीं आटे दा नानू घड़ी (उसजो) लाल गोच्छा लुआई नचंदियां। मामेग्रां दे पासे ते ग्राइयां जणासां तिस्सी खोह्णे ताईं छीना-झपटी करियां। कने गाई-गाई गालीं दी गोलावारी चलदी। जणासां नंग 'नोनुए' दा झमाका दसदियां ते खोह्ने दा संघर्ष चलदा।
- (3) स्वांगा दा त्रिया रूप है गिद्धा । एह् शब्द पंजाबी गिर्दे साही लगदा, ग्रपण इन्हां दोहां च फर्क है । इस जो कइयां ठाह्री (थाह्री) 'नाच' जां सिर्फ 'स्वांग' भी गलांदे । इस जो करने वालियां जणासां हुंदियां।

तधंड़ी (जिस ध्याड़ें) मुंडुए दी जान्नी ब्याह्,ना जांदी तां रात्ती 'गिद्धा' पौंदा। नचाकड़ जणासां इक्की बन्द कमरे च खसम-जणासा (लाड़ी), सस्सां नूं हां, भाभी-द्योर (देर) बनिये मीणहे-मिणतां, रगड़े-झगड़ें, प्यारां दे हाख-मटकें, झुड्डू मर्दे दियां कौतकां, इन्हां ते बी अपने खसम-जणासा दे यौन-सरबंधा तक दे झलाके नच्ची-हस्सी दस्से जांदे।

कांगड़ा नाटके दा दूआ रूप है रास कने भगत।

- (क) रास: एह् नाच-नाटक है। इस च नाचे कन्ने-कन्ने कथा चलदी, ज्यादातर कृष्णलीला। केई बारी कोई पुराण-कथा जियां भगत प्रह्लाद, पूर्ण भगत, रूप बसंत बगैरा बी खेलियां जान्दियां। सबनें ते पहलें राम जां कृष्ण दी ग्रारती उतारी जांदी। फिरी इक मखौलिया ग्राई ने कथा दा सूतर जोड़दा। पही कलाकार ग्रपना-ग्रपना रूप सजाई पार्ट करदे। मर्द-मुंडू ही जणासां दा पार्ट करदे। लोक बेलां दिदे।
- (ख) भगत: एह् लोक-नाटक हेठिलयां जातीं च खेलेम्रा जाने वाला इक वड़ा प्रचलत लोक-नाटक है। कुसै व्याह्-कारजे यां कोई होर मनें दी मुरादी पूरने तांए लोक भगत सुखदे। तिसादे पूरा होने पर भगत करांदे।

इस च पहलां स्रारती हुंदी। फिरी मसखरा ग्राई ने कथा-सूतर जोड़दा। पही कोई पुराना ग्राख्यान छेड़ेग्रा जन्दा। ज्यादातर कृष्णलीला ही दस्सी जांदी। 'रास' च कोई सीमा-मरजादा हुंदी पर भगत बिल्कुल मस्त-निफकरी चलदी। जे मूंहें आया से गलाया। मूल-कथा च केई किलयां जोड़ी लैंदे। भगत सुक्खणे वालेग्रां पैह् लें रोट-कड़ाह मणसांदे पही कलाकार ग्रपनी छटा दसदे।

ग्रसली च रास ते भगत ही कांगड़ी लोक-नाटके दे रूप, नाटके दे ग्राले दुग्राले (ग्रथांत् समानता आले) लगदे । इत्यादि ।

एडे विस्तार कन्ने 'कांगड़ा लोक-नाटक' लेख दा ए उद्घारण देना जरूरी हा, तां जे डोगरा-प्हाड़ी ग्रलाके दे गैं इक प्रदेश च लोक-नाट्य-परम्परा दी स्थिति गी समझेग्रा जाई सकै। लेख चा इस चाल्ली दा ग्राभास मिलदा ऐ जे कांगड़ा च रास ते भगत लोक-नाटक दियां दोऐ विधां इस बेल्लै बी हरिकाम न।

श्री उपाध्याय ने वी अपने लेख दे ग्रंत च ए गल्ल स्पश्ट रूपे च

ग्रंगीकार कीती ऐ जे स्वांग गी नाट्य-परम्परा दा गैं ग्रंग नेईं मन्नेग्रा जाई सकदा। स्वांग दियों त्रौनें किसमें च 'नाटकीयता' भाएं ऐ, पर नाटक-रूपता नेईं ऐ। उन्दे चा चन्दरौली च जरूर किश नाटक-रूपता ऐ, पर ए प्रदर्शन बी ज्यादातर जागतें-ज्याणें कन्ने गैं सरबन्धत सेही होंदा ऐ। एदे च ना कोई कथानक होंदा ऐ ते नां कोई कथोपकथन। नम्बर दो स्वांग झमाकना व्याह् दे उत्सव दा गैं इक ग्रंग ऐ। एदे च बी नां कोई कथानक होंदा ऐ ते नां कोई बार्तालाप ते नां गैं एदा प्रदर्शन कुतै ग्राम लोकें आस्तै ग्रायोजत कीता जन्दा ऐ।

स्वांग दा त्रिय्या रूप गिद्दा (नाच जां स्वांग) वी जागतै दे ब्याह् ग्राले घरैं दा गैं इक लगभग गुष्त प्रदर्शन होंदा ऐ। साढ़े ग्रलाके च इसी 'जागरना' ग्राखेग्रा जन्दा ऐ। इस प्रदर्शन च वी नाटकीयता गैं होंदी ऐ। इसी नाटक-विद्या दे ग्रन्तर्गत नेई गिनेग्रा जाई सकदा।

इस लेख दे मूजब कांगड़ा च 'रास' निश्चत रूप कन्ने इक स्थानीय लोक-नाटक-विधा ऐ। निश्चित रूप कन्ने ए उत्तर प्रदेशी रास-लीलाएं दी गै प्रेरणा दी उपज ऐ, पर सेही होंदा ऐ, जे इसी कांगड़े दी लोक-परम्परा ने अपनी धरती दी बू-बास देइये अपनाई लैता ऐ। लेख कोला भाएं ए गल्ल स्पश्ट नेई होंदी जे कांगड़े दे रास-प्रदर्शनें च सिर्फ कांगड़ी भाशा गै प्रयुक्त होंदी ऐ जां नेई, पर निश्चत रूप कन्ने श्रो हिन्दी-भाशी प्रदेश दी रासलीलाएं दी गै इक ऐक्सर्टन्शन (Extension) मात्र नेई होग। श्रोदे च स्थानी रंगत ते उत्थों दी जन-भाशा कन्ने गै ते श्राई होग। रासें दा सरबन्ध स्थानीय समस्याएं जां समाजी विशें कन्ने नेई होंदा। बेलां देने दा रवाज बी इसी रासें दी उस व्यापक परम्परा कन्ने जोड़दा सेही होंदा ऐ।

कांगड़े दा भगत नां दे लोक-नाटक दे बवेचन च किश निमयें गल्लें दा सकेत मिलदा ऐ। जियां :—

- (i) लोक ग्रपने मनै दी कोई मुराद पूरी होने पर भगत सुखदे न। साढ़े ग्रलाके च मुराद-पूर्ती पर जग्ग करने, छिं ज करोआने, कीर्तन करोग्राने वगरा दे रवाज दी गल्ल सुनचदी ऐ पर भगत सुक्खने ग्राली गल्ल साढ़ ग्रास्तै नमीं ऐ। श्री उपाध्याय ने 'रास' बार सुक्खने आली गल्ल नेईं ग्राखी। की भला?
 - (ii) कथा-वस्तु दे लिहाजें रास ते भगत दोऐ इक-समान न, दौनें

च बुनियादी फर्क सिर्फ ए ऐ जे भगत सिर्फ हेठिलयां जातीं च खेलेग्रा जन्दा ऐ। क्या बसोह्ली दे अलाके च भगत नाट्य-परम्परा दा प्रदर्शन करने आले बी ज्यादातर, ''हेठिलयां जातीं'' दे गै लोग होंदे हे ? इस गल्लै दा कोई स्पश्ट संकेत श्री जितेन्द्र शर्मा दे लेख च नेई मिलदा।

(iii) साढ़े ग्रलाकें दियें भगतां च स्थानीय समस्याएं पर हास्य-व्यगं दी चोट करने दी जेह ड़ी गल्ल बड़ा जोर देइये ग्राखी गेई ऐ—जंदी चर्चा कांगड़ी रास जां भगत दौनें च नेईं मिलदी। में भगतें बार श्री जितेन्द्र शर्मा होंदे लेख चा उद्धरण देइये इस गल्लें बार इस खतोह ले दा संकेत देई ग्रायां जे, बिजयें, शाहें, चौधरियें ते पंतें बगैरा समाज दे प्रभावपूर्ण ते शिक्तशाली तत्वें गी नाटकें च हास्य-व्यंग दा नशाना बनाना जरा बिखड़ी गल्ल सेही होंदी ऐ। एदा करना उनें हेठलियें जातीं दे लोक-कलकारें आस्त जुर्रत ते कला दौनें दिष्टिप्यें कन्ने बिंद कठन कम्म ऐ।

कांगड़ी लोक-नाटकें च इस चाल्ली दे हास्य-व्यंग दा संकेत नेई मिलदा।

इस बवेचन थमां गैं सूह मिलदी ऐ जे रावी दे पारें निश्चय कन्ने ते रावी दे रुग्रारें मात्र ग्रनुमान कन्ने भगतां जां भगत नां दे इक लोक-नाटक दी परम्परा ऐ ही। रावी दे रुआरें हून मजूदा समें च ऐसी कोई वी परम्परा मजूद नेई ऐ, उत्थें श्री शिव उपाध्याय दे लेख दे प्रमाण कन्ने, इस गल्लै दा पता लगदा ऐ जे उत्थें सिर्फ भगत नां दे लोक-नाटक दी गैं लीह ग्रजें बनी दी ऐ बल्के उस्सै दे हम-शकल 'रास' नां दे लोक-नाटक दा वी चलन कायम ऐ।

क्या डोगरा ग्रलाके च दुवारा किसै चाल्ली दी कोई लोक-नाट्य

परम्परा गी चालू कीता जाई सकदा ऐ?

डोगरा प्रदेश च नरातें च रामलीला खेढने दी जो परम्परा चलैं करदी ऐ ग्रोदा ग्रभिनय ग्रादि दे 'स्तर' दे तौरैं पर ते राम-चरित्र दी मूल भावना दी सेही अभिव्यंजना दी द्रिश्टी कन्ने किन्ना-क म्हत्तव ऐ ?

रामलीला दे ग्रलावा समाजी जां धार्मक (बगैर) नाटक खेढने दी

रुचि दा के भविक्ख ऐ ?

खण्ड—III

डुग्गर दा लोक-जीवन

डुगार दे धर्म, दर्शन ते विश्वास

डॉ॰ वीणा गुप्ता

भारती संस्कृति दे हर खेतरा च धर्म दा टकोह्दा थाह्र रेहा ऐ।
भारती जीवन दी बुनियाद गैं धर्में दे स्हारे टिकी दी ऐ। इत्थें म्हेशां गैं
मिथेग्रा जन्दा ऐ जे हर चाल्ली दी खुशी ते दौलत धर्मी लोकें गी गैं
नसीव होंदी ऐ। एह् धारणा कोई नमीं नेईं, कदीमी समें-शा चलदी ग्रावा
करदी ऐ, जेह्ड़ी पीढ़ी दर पीढ़ी होर वी निग्गर ते पुख्ता बनदी जा
करदी ऐ।

'डुग्गर' जित्थें भारत दियें सोह्ल ते निर्मेल ग्रात्माएं दा बास ऐ, धर्म गी जान-प्राण कशा बद्ध मिथने करी लीह्की-मुट्टी गल्ले नुहाड़ी सगन्ध 'धर्म ने' चुक्कना बी पाप समझेग्रा जन्दा ऐ।

'धर्म' शब्द संस्कृत दे 'धृ' धातु थमां बने दा ऐ, जेह्दा ग्रथं बनाई रक्षिता, धारण करणा जां पृश्ट करना ऐ। एह् इक नेहा ग्रनुशासन ऐ जेह्, इा संसारें गी बनांदा ऐ, चलांदा ऐ ते उसी ग्रगड़े बधांदे जन्दा ऐ। जेह्, इा संसारें गी बनांदा ऐ, चलांदा ऐ ते उसी ग्रगड़े बधांदे जन्दा ऐ। संसारें दा समूलचा वजूद गै धर्म दी बनाह् उप्पर टिके दा ऐ, पर धर्म दा ग्रपना भाव टकाऊ जां स्थिर नेईं। एह् ते समें दे कन्ने समझौता करदे होई, ग्रपने सरूपें च लौह्की-मुट्टी तब्दीली गी समेटदा जन्दा ऐ। इयें होई, ग्रपने सरूपें च लौह्की-मुट्टी तब्दीली गी समेटदा जन्दा ऐ। इयें कारण ऐ जे प्राचीन समें थमां गै एह् दे अर्थ च थोड़ी-मती तब्दीली ग्रोंदी गेई। ऋग्वेद च 'धर्म' शब्द दा प्रयोग धार्मक कम्में ते उन्दे सरबन्धी

 $^{1.\ \ \,}$ डॉ. चरणदास शर्मा ; तुलसी के काव्य में नैतिक मूल्य ; पृ.-31

बिधि-उधानें लेई होए दा ऐ। छान्दोग्य उपनिषद् च एह् ब्रह्मचारी, घृस्ती ते तपस्वी दे करतव्वें लेई बरतोए दा ऐ। भगवद्गीता च वी धर्म दा इये ग्रथं लेता गेदा ऐ। मनुस्मृति च धृति, क्षमा, दम, ग्रस्तेय, शौच, इन्द्रियनिग्रह, धी, विद्या, सत्य ते ग्रकोध धर्म दे दस लक्षण दस्से गेदे न। उन्दे मतावक, जेह् ड़ा माह् नु इनें दस्सें निजमें पर चलदे होई जीवन-यात्रा दे रथें गी ग्रगड़ा रेह् ड़ने दी खोऽ ग्रपनांदा ऐ, ग्रोह् सेही मनें च धर्मी खोग्राने दा हकदार बनदा ऐ।

डॉ. राधा कृष्णन् सर्वपित्ल मूजव 'धर्म चौनें जातें ते चौनें ग्राध्रमें दे लोकें ग्रासेग्रा धर्म, अर्थ, काम ते मोक्ष प्राप्ति लेई पालन करने जोग करतब्ब ऐ।''4

इस चाल्ली इनें स'ब्बनें धारणाएं गी नजरी च रखदे होई धर्म दी
म्हत्ता स'ब्बनें थाह्र्रें ते स'ब्बनें मनुक्खें लेई इक्कै-जनेही सिद्ध होंदी ऐ। एह्
इक नेहा अनुशासन ऐ, जेह्ड़ा माह्र्नु दी आत्मा गी पिवत्तर करदे होई
धर्म, अर्थ, काम ते मोक्ष गी हामल करने दी प्रेरणा दिन्दा ऐ।

इस चाल्ली, जित्थें ग्रस 'धर्म' शब्द गी इक भेठा रोज-बरोजी जीवनै च कीते जाने आले नेक करतब्वें लेई मिथने ग्रां, उत्थें दूई भेठा एह् शब्द बक्ख-बक्ख धार्मक-सम्प्रदाएं ते सिद्धांतें दी सारत बी करांदा ऐ। डुगर दी इस घरती पर मते-सारे धर्में ते सम्प्रदाएं दी झांकी दिक्खने गी थ्होंदी ऐ। इक्कले हिन्दू धर्म दे गैं लोक बक्ख-बक्ख बचारधाराएं कारण सनातनी, ग्रायंसमाजी, शैव, शाक्त, जैन ग्रादि बक्ख-बक्ख धर्म सम्प्रदाएं कन्ने सरबन्ध रक्खने ग्राले न, पर पही बी सनातन धर्म दी किश खास गैं मानता ऐ।

डुग्गर दी धार्मक बचारधारा ते धार्मक विश्वासे वारै मता ज्ञान ग्रसेंगी डुग्गर दे लोक-जीवन, लोकसंस्कृति, प्रदेशै च थाह्र्रें-थाह्र्रें वने दे

एलोक - 35

द्यान्दोग्य उपनिषद् ; अध्याय—2, ज्लोक—23

^{2. &#}x27;'स्वधर्मे निधनं श्रेयः परधर्मो भयावहः''—भगवद्गीता ; ग्रध्याय—3,

^{3.} धृतिक्षमा दमोऽस्तेय शौचिमिन्द्रियनिग्रह: । धी विद्यासत्यमकोधो तणक कर्न

धी विद्यासत्यमकोधो दशक धर्मलक्षणम् ।। मनु—9162 4. डॉ. राधाकृष्णन ; साहित्य और समाज, पृ.—123

मन्दरें, तीर्थस्थानें, इत्थूं दी मूर्तिकला ते चित्तरकला कशा होंदा ऐ। डुग्गर दे लोक-जीवन ते लोक-संस्कृति च 'धर्म' नां दे महान अनुष्ठाने दे दर्शन वक्ख-वक्ख भ्राचरणें च होंदे न, जिन्दे च समूलचे हिन्दू धर्म दी तस्वीर दे कन्नै-कन्नै 'धर्म-निरपक्खता' दे रूपै च मुसलमान पीरें-फकीरें दी मह्मा दा बखान बी मिलदा ऐ । इनें ग्रनुश्ठानें च पूजा-पाठ, देवी-देवतें दी स्तुति, बर्त-नत्त, तीर्थ-यात्तरां, पर्व-त्यहार, दान-पुन्न ते पौराणक ते लोक-विश्वासें दे दर्शन होंदे न। डुगगर दे लोक देवी-देवतें दी पूजा च दृढ़ विश्वास रखदे न ते अपने इष्ट देवतें च शिव-पार्वती, विष्णु, शक्ति (देवी) गणेश, राम, कृष्ण म्रादि गी सिरमीर मनदे न। एह्दे लावा स'व्बनें धर्में, जातियें दे लोक म्रपने-भ्रपने कुलदेवतें ते सीलवैंतियें गी स'व्वनें कशा पैह्ले सिमरदे ते पूजदे न।

कुलदेवते ते सीलवैतियां : डुग्गर दा इतिहास महापुरखें दे तप-त्याग ते बलिदान दा इतिहास ऐ। इत्थे नेकां नेहियां विभूतियां होइयां न, जिनें धर्म, नीति, मनुक्खता ते न्यां दी रक्खेग्रा लेई ग्रपनी जिन्दू दे बलिदान दित्तें देन । उंग्रांते इस धरती दा चप्पा-चप्पा इनें श्हीदें (कुलदेवतें ते शीलवैंतियें) दी सग्गोसारी च रस्सा-बस्सा करदा ऐ, ब इन्दे च, झिड़ी ग्रां च बुग्रा-बावा (बावा जित्तो ते उन्दी धी बुग्रा कीड़ी), जम्मू नगरोटे कशा किश दूर तवी च इक लौह की पर डूं ह्गी डबरा च (बड्डियें-बड्डियें मिच्छियें दे रूपें च) बावा भैड़, बीरपुर च दाता-रणपत, मढ़ ब्लाक च बावा भैरोनाथ, दाता लीखो, दाता सुक्खो, दाता भीखो, दाता बाल्ला, दाता रंगू, दाता बीरम,2 रठोग्रा ग्रां च बावा भातो, साम्बा च सिढस्वाखां, ग्रखनूरा कश बावा मेई-मल्ल, वाह् वे कश वावा ग्रम्बो ग्रादि दे पवित्तर देवस्थाने दे लावा समूलचे डुगार च थाह्रों-थाह्रों बावा सुरगल ते गुरु गोरखनाथें दे स्थान बी मौजूद न । इस्सै चाल्ली थड़ा कलोग्राल च बुआ भागां, मढ ब्लाक च साह्रणा नां दे ग्रां च बुग्रा सजावती, गजनसूह् कश ग्रमरो, दाती लाडो ते बुग्रा मक्खां श्रादि डुगगर दी सतवैंती नारियों दी सम्हालै च पवित्तर स्थान (देहरियां) बने दे न,

[&]quot;विच झिड़ी दे बुम्रा-बावा पूजदे, लोक-म्राई-म्राई सीस नुम्रान जी 1. —डोगरी लोकगीत-भाग 2, पृष्ठ—4

सुरेन्द्र गंढलगाल, मढ़ ब्लाक दे म्हीद, पृष्ठ-5, 9, 19, 41, 46, 74 2:

सुरेन्द्र गंढलगाल ; मढ़-ब्लाक दे म्हीद, पृष्ठ-9, 19, 24 3.

जिनें कुसै पिवत्तर उद्देश्य लेई, कटारे खाइयै अपने कीमती प्राणें दे बालिया दित्ते जां जीन्दे-जी सत्ती होने दे प्रण गी गलै लाया। इने से ब्वनें कुलदेवते सजैवतियें कन्नै सरवन्ध रक्खने आले डुग्गरवासी अपनी-अपनी रीत-परम्पा मतावक, निश्चत होए दे पिवत्तर ध्याड़ें पर इने देवस्थानें पर किट्ठे होंद्रे के अपने-अपने देवतें गी सरधा दे फुल्ल अपंत करियें सीस नुआदे न । होर ते हो ब्याहें ढंगें जां होर दुएं शुभकारजें गी रम्भने पर वी सारें-शा पहले अपने कुलदेवता जां सजैवती गी सम्हालदे न ।

देवी-देवते: एह ्चेता कराने आली गल्ल ऐ जे डुग्गर दे लोक देवी-देवं दी पूजा च दृढ़ विश्वास रखदे न । उंग्रां ते तेत्तरी करोड़ देवतें, भगवान विण् दे दस्सें ग्रवतारें, शक्ति दे ग्रनेक रूपें — जिन्दे च महालक्ष्मी, सरस्वती, कालका, दुर्गा, अन्तपूर्णा, ग्रद्धक्वारी ग्रादि शामल न—इन्दे इलावा मुसलमान पीरें-फकीर गी वी पूजेग्रा-सिमरेआ जन्दा ऐ, ब, इस इलाके च जिनें देवी-देवतें दी खम मानता ऐ, उन्दे च शिव, राम, कृष्ण, विष्णु, शक्ति आदि दा प्रमुख थाह्र र ऐ।

शिव: डुगगर दे प्रसिद्ध देवी-देवतें च शिवें दा टकोह दा थाह र है।
समूलचे डुगगर देसे च थाह रें-थाह रें शिवमन्दरें दी बड़ी भरमार ऐ। परमण्डल,
उत्तरबेंह, नी, सुद्धमहादेव, देवका, शिवखोड़ी, वुड्ढा ग्रमरनाथ वगैरा थाह रें दे
शिव मन्दरें दा डुगगर दे सांस्कृतक इतिहासे च म्हत्तव ग्राला योगदान ऐ। जम्मू
शेंह रा च बी पीरखोह, रणबीरेश्वर, पञ्जवक्तर ग्रादि शिवमन्दरें दे इलावा हुए
ग्राम मन्दरें च बी शिवें दा टकोह दा म्हातम होनेकरी शिवमन्दरें दी मैह मा
नराली ऐ। इनें स'ब्बनें थाह रें जल चाढ़ने आले भगतें दी नित्त-परती खरी
भीड़ होंदी ऐ। डोगरी लोक-साहित्य च बी शिवें दा चेचा उल्लेख मिलदा ऐ।
इक लोकगीतें च गीतकार ने उनेंगी भोला-भाला, जंगलें च रौह ने ग्राला,
लक्क लंगोटी ते गलें च सप्पें दी माला पाने ग्राला ग्राविखयें उन्दी बिवर्तर
मह मा दा बखान कीते दा ऐ। होर ते होर डुगगर दी वास्तुकला ते मूर्ति

—डोगरी लोकगीत ; भाग 11, q . 34

^{1.} शैंकर जी भोले-भाले; गले च नाग पांदे ग्रो ।

कृष्ण खन्दे दुद्ध-मलाइयां, भोले जी धतूरे आले ग्रो ॥

कृष्ण जी करदे राज द्वारका, शैंकर जी जंगलें ग्राले न ।

कृष्ण जी पह नते रेश्मी कपड़े, शैंकर जी लंगोटे ग्राले न ॥

कला दे खास नमूनें च वी शिवपूजन सरवन्धी तत्थ खासी मात्रा च मिलदे न। वास्तुकला दे नमूनें च वसोह्ली दे दौं शिवमन्दर ते इक पार्वती मन्दर, वलीर च महादेव मन्दर, म्हानपुर च दौं प्राचीन मन्दरें च महाराजा गुलावसिंह पासेआ बनोआया गेदा शिवमन्दर, ग्राखनूरै च दरया दे कण्ढै कामेश्वरें दा शिवमन्दर प्रमुख थाह्र रखदे न । इंयां गै काला देह्रा च बी इक शिव-मन्दर ते इक शिवाला मिलदा ऐ, जित्थें लोक शिवें गी पूजदे ते स्नान करांदे न। मन्दरै च शिवलिंग स्थापत ऐ ते पार्वती समेत त्रिमूर्ति दी बी पूजा होंदी ऐ।2

इस चाल्ली ग्रस दिक्खने ग्रां जे डुग्गर भूमि दा चप्पा-चप्पा भगवान शिव दी मैह्मा कन्ने मंडोए दा ऐ। इस लाके दे अनिगनत ग्रायें च शिवजी दे निराकार रूप दी पूजा ते उपासना कीती जन्दी ऐ। म्हाचल प्रदेश च भरमौर नां दे थाह्रा पर भगवान शिव दे मन्दर ग्रज्ज बी चबक्खे ल'ब्बदे न,³ जेह् ड़े अपने धार्मक-पक्खें च नरोग्रा गोहाड़ ग्रानदे न ।

विष्णु: भगवान विष्णु दे वक्ख-वक्ख रूपें च मच्छ, कच्छ, कूर्म, वामन, वराह्, गरुड़, नरसिंघ म्रादि म्रवतारें दी पूजा सारे डुगगर च बड़ी शरदा कन्नै कीती जन्दी ऐ। इस धर्म सम्प्रदाय गी वैष्णव-धर्म करी जानेग्रा जन्दा ऐ ते एह्दे अनुयायी मूर्तिपूजा ते मन्दरें गी खास म्हत्तव दिन्देन। ओह् मूर्ति गी भगवान दा परतक्ख रूप ते स्रोह्दा प्रतीक मनदे न । इस च ज्ञान, भगती ते कर्मत्रीनें दा म्हातम समझेश्रा गेदा ऐ। गी परमात्मा दी आत्मा ग्राखदे न ते उनेंगी स'ब्बनें चीजें दा रचनेहार मनदे न । जम्मू रघुनाथ जी दे मन्दरै च भगवान विष्णु दे दसें ग्रवतारें दे बक्ख-वक्ख मन्दर सज्जे दे न, जित्थें रोज बडलैं ग्रनगिनत शरधालू भगवान विष्णु दी वक्ख-बक्ख रूपें च पूजा करदे न । मानसर दी हवेली च कन्धें पर जेह्डी चित्तरकारी होई दी ऐ, उन्दे च मते हारे चित्तर भगवान विष्णु दे इनें रूपें कन्ने सरबन्ध रखदेन। दौं चित्तरें च वामन ग्रवतार दे भिक्ख मंगने दा

साढ़ा साहित्य ; 1966, पृष्ठ—12 1.

^{2.} पं. केदारनाथ शास्त्री ; डोगरी निबन्धावली, सफा--43

डॉ. वी. के. शास्त्री ; डुग्गर में देविका नदी का सांस्कृतिक महत्व, 3.

वर्णन ऐ। इक चित्तरं च राजा विल दान देने दा वचन करदे होई हत्थै द अञ्जुलि बनाइयै सगन्ध खा करदा ऐ ते दुए चित्तरं च वामन अवतार राजे बिल दी पिट्टी पर पैर रिक्खिये दवा दा ऐ ते बिल दी रानी इक अजीव द्या भाव कन्नै राजे दी पिट्टी पर हत्थ फेरा करदी ऐ। एह् दे लावा मच्छ अवतार, वराह् अवतार ते गजमोचन दे चित्तर वी बड़े मनमोह्ने आले न।

वसोह्ली कश महाधेरा नां दे ग्रांच इक शिखर मन्दर ऐ, जिलें मनुक्खें ते देवतें दियां मूरतां उक्करी दियां न । इनें मूरतेंच वी विष्णु दा टकोह्दा थाह्र ऐ। गरुड़-वाहन-विष्णु ते मन्दरमाला धारणा कीते दे विष्णु दियां मूरतां विष्णु पूजा दा परतक्ख प्रमाण दिन्दियां न।²

श्रखनूरा थमां बी विष्णु दी इक पाषाण-िंमूत थहोई ऐ, जेह्दे त्रै मूह् ते चार बाह्मां न । त्रौं मूंहें च मझाटला मूंह् विष्णु दा ते श्रासे-पासे दे नरिसंघ ते वराह् श्रवतारें दे न । नगरोटा पृथीपाल ते घग्वाल थाह्रें पर नरिसंघ दे मन्दर न, जिन्दे चा घग्वाल दा नरिसंघ मन्दर वड़ा मण्हूर ऐ जित्थे हर व'रें वड़ा बड्डा मेला लगदा ऐ ते दूरा-दूरा थमां लोक नरिसंघ भगवान दे दर्शन करन श्रौंदे न ।

राम: विष्णु ग्रवतारें च भगवान राम ते कृष्ण अवतारें गी बी प्रमुख स्थान प्राप्त ऐ। इयें वजह ऐ जे डुग्गर दी लोक-संस्कृति, इसदी चित्तरकला ते मूर्तिकला थमां बी राम ते कृष्ण ग्रवतारें दी टकोह्दी मानता झलकदी ऐ। एह्दे लावा थाह्रें-थाह्रें इनें दोनें अवतारें दे मन्दर बी खासी मात्रा च मिलदेन।

जम्मू रघुनाथ जी दे मन्दरै च सारें कशा मुक्ख मन्दर गै रामचन्द्रें दा ऐ, जित्थै रामचन्द्र जी दे कन्नै सीता ते लक्ष्मण दियां मूरतां वी मूहां बोलदियां सेही होंदियां न । इनें मूरतें दे नक्शपत्तर ते घाट बड़े त्रिक्खे-घाड़मां ते सजीव न । इस मन्दरै दा नामकरण बी रामचन्द्रें दे वंश उप्पर गै ग्रधारत ऐ।

डोगरी लोकगीतें च ''राम'' दा पूजन छड़े ग्रवतार दे रूपै च गैं नेई

^{1.} शीराजा डोगरी, वालनाटक ते लेख ग्रंक, सफा--80

^{2.} केदारनाथ शास्त्री, डोगरी निवन्धावली; सफा-36

^{3.} कैदारनाथ शास्त्री, डोगरी निवन्धावली, सफा—62

बिल्क उस सर्वव्यापक शिवत दे रूपै च ऐ, जिसी सिमिरियें लोक इस जन्में च सुखी जीवन बतीत करने परैन्त परलोक च वी सुख भोगने दी ग्रास करदे न। इक लोकगीत च गीतकार दा राम उस परमात्मा पास सारत करांदा ऐ, जह डा मनुक्खें गी इस संसाररूपी भवसागर चा पार तोग्रारदा ऐ। उसी परमात्मा दे वगैर ग्रपना जीवन बड़ी लम्मी ते कदें नेई मुक्कने आली रात बझोंदी ऐ:—

मास सै लेइयो सैंसें सुखाए,

पिञ्जरा रेही गेइयां हिड्डयां ।

मेरे राम बिना, मेरे हिर बिना,

दिन निक्के रातां बिड्डयां ।

हुगार समाजै च मर्यादा पुरुषोत्तम राम दा ग्रादर्श इन्ना उच्चा ऐ जे हर कोई बावल इयै चितेंदा ऐ जो ग्रोह्दी धी गी व्याह्न ग्रीने ग्राला वर 'राम' ग्राला लेखा गुणवान होऐ² ते कुड़ी दी वी इयै तांह्ग होंदी ऐ ओह्दा वर राम ग्रांगर ते सस्स ते सीह्रा कशल्या ते दशरथ आंगर होन ।³

लोक संस्कृति ते मूर्तिकला आला लेखा डुग्गर दी चितरकला च बी भगवान राम गितै शरधा-भावना दे दर्शन होंदे न । जम्मू कशा कोई चौदहां-पन्द्रहां किलोमीटर दे छिण्डे पर सू'ई सिम्बली थाह् रै पर महाराज गुलाबसिंह हुन्दे ग्रासेग्रा बनोग्राए गेदे इक मन्दरै च, जित्थै राम ते सीता दियां मूरतां स्थापत न रामायण दी कथा सरबन्धी भित्तिचित्तर बने दे न, जेह् डे बड़ें सुन्दर ते ग्राकृष्ट करने ग्राले न ।

मानसर दी हवेली च वी ग्रसेंगी राम अवतार कन्नै सरबन्धत किश चित्तर ल'ब्बदे न, जिन्दे च राम-रावण युद्ध, बालि-सुग्रीव युद्ध सरबन्धी चित्तरें

 $^{1.\}$ डोगरी लोकगीत, भाग $-1,\$ सफा-125

 ^{&#}x27;'रामचन्द्र व्याहे मेरी कन्या रामा ।
 सोइयो तोड़े मेरा धनख रामा ।।''
 —-डोगरी लोकगीत, भाग--1, सफा—27

^{3.} डोगरी लोकगीत, भाग-4, सफा-115

^{4.} केदारनाथ शास्त्री, डोगरी निवन्धावली।

दे लावा इक चित्तर च, इक साधु दे स्राश्रम स्रग्गें चार जनानियां राहः लक्ष्मण दा बड़े स्रादर कन्ने स्वागत करदियां दस्सियां गेदियां न 15

कृष्ण: भगवान विष्णु दे कृष्ण अवतार दी चर्चा ज्ञान, भगतीं। धर्म दे स'व्वनें खेतरें च लौकक प्रेम थमां लेइये प्रलौकक दी उपासना तम प्रदितीय रूप च मिलदी ऐ। डुग्गर दे लोकधर्म च वी कृष्ण भगती दा कि थाह्र ऐ। भजनें ते विश्वनपतें दे लावा व्याहें च गाए जाने आले सुहमें घोड़ियें ते जागत जम्मने सरबन्धी गीतें (विहाइयें ते वधावें) च कृष्ण दे टकोह्दी मैह्मा झलकदी ऐ। इक झंझोटी च कृष्ण दा भगत हत्थे च पूजा द सम्यान लेइयें जगह-जगह कृष्ण दी तपाश करदा व्रज दियें गिलयें च जव ऐ। जन्म सरवन्धी लोंकगीतें च ते जादातर कृष्ण दा गै वर्णन ऐ। कुसै दे वी घर जागत जमदा ऐ तां लोक "घर नन्दें दे वज्जन वधाइयां" ग्रादि गीत गाइयें ममारखां दिन्दे ते खुशियां मनांदे न। जागतें दी मां वी जागत जम्मते दी सुचना जम्मेग्रा ऐ कृष्ण मुरार ग्राखियें गै दिन्दी ऐ। 3

डुगगर दी चित्तरकला ते मूर्तिकला च बी ग्रसेंगी कृष्ण दे परती लोकें दी गैह्री ग्रास्था दे दर्शन होंदे न । हिन्दू देवकथा च कृष्ण गी जिनें चमलारें लेई जस्स दित्ता जन्दा ऐ, उन्दे च गोबर्धन पर्वत चुक्कने दा करिशमा बी वहा मन्ननेजोग ऐ, की जे एह्दे करी गैं इन्द्र दे सारे भगत कृष्ण ग्राली वक्छी खचोई गे हे । इस्सै घटना दा चित्तर मानसर दी हवेली च चतरोए दा ऐ, जित्यै भगवान कृष्ण ने गोवर्धन पर्वत गी चुक्के दा ऐ। चित्तर सादा गै, पर रंगें दा प्रयोग मनै गी मोही लैंने ग्राला ऐ। इस्सै हवेली च इक पासै नागन्थने दा चित्तर वी दरसाए दा ऐ, जित्थै इक पासै कृष्ण गी जमना च हाल मारदे दस्सेग्रा गेदा ऐ, बाह्र जमना दे कण्ढै जशोधा बसुर्त पेदी ऐ ते पारिषे

^{1.} शीराजा डोगरी, बालनाटक ते लेख ग्रंक, सफा—8

^{2.} मैं ढूंडां ब्रज दियां गिलयां, जे बौंसरी वाले गी।
हत्थे विच करनी, फुल्लें कन्नै भरनी,
में हार चढ़ाने चिलयां, जे बौंसरी वाले गी।
—डोगरी लोकगीत: भाग—3, सफा—54

^{3.} डोगरी लोकगीत, भाग-4, सफा-10

^{4.} वैस्सिलिस जी विटसाक्सि: घर-घर में पूजित हिन्दू देवी-देवता, सफा-67

च हत्थ जीले करिये काली नागै दियां पत्नियां कृष्ण अगों विनती करें

इस्सं चाल्ली कृष्ण जीवन दियें वक्ख-वक्ख घटनाएं ते चमत्कारें कन्नै
सरवन्ध रक्खने आले चित्तर जियां द्रोपदी-चीर-हरण, महाभारत दे युद्ध च
सरवन्ध रक्खने आले चित्तर जियां द्रोपदी-चीर-हरण, महाभारत दे युद्ध च
सरवन्ध रक्खने आले चित्तर जियां द्रोपदी-चीर-हरण, महाभारत दे युद्ध च
सरवन्ध रक्षको अले चित्तर इस थाह रा पर मजूद
म्राज्त गी उपदेश, राधा-कृष्ण-वलराम ग्रादि दे चित्तर इस थाह रा पर मजूद
म्राज्त जह है उन्दी मानता दे परतक्ख प्रमाण पेश करदे न ।

लोकधर्म ते चित्तरकला दे इलावा वास्तुकला ते मूर्तिकला च बी कृष्ण मेह मा दा चेचा वखान ऐ। इस प्रदेश दियें संविनें थाह रें पर भगवान कृष्ण ते सह मा दा चेचा वखान ऐ। इस प्रदेश दियें संविनें थाह रें पर भगवान कृष्ण ते राधा-कृष्ण दे मन्दरें दी खासी भरमार ऐ। इंया वी लगभग संविनें मन्दरें च राधा-कृष्ण जी दे मन्दरें ते मूर्ता स्थापत न। कृष्ण दे परती इस्सै डूंह गी ग्रास्था कृष्ण जी दे मन्दर ते मूर्ता स्थापत न। कृष्ण दे परती इस्सै डूंह गी ग्रास्था कृष्ण जी दे मन्दर ते मूर्ता समप्रदाय सिर्फ कृष्ण-भगती कन्ने गै सरवन्धत दा गै फल ऐ जे केई धार्मक समप्रदाय सिर्फ कृष्ण-भगती कन्ने गै लोह जो कि चेने लौह के-लौह के धर्म समप्रदाय न, जेह इं कृष्ण भगती कन्ने गै सरवन्ध रखदे न।

कन्ने गै सरबन्ध रखदे न ।

शिवत पूजा: डुग्गर च श्री दुर्गा दी भगती ते पूजा पाठ दा खास

मुकाम ऐ। पिछले किण समें थमां शिवत पूजा च दिनो-दिन बाद्धा हुन्दा जा

मुकाम ऐ। पिछले किण समें थमां शिवत पूजा च दिनो-दिन बाद्धा हुन्दा जा

करदा ऐ ते एह दे भगतें दी सैंख्या दा बी कोई थौह, नेई रेहा। भारतवासियें

दे इलावा विदेशी लोक बी माता दे दर्शनें लेई इत्थें औदे न । डुग्गर दी एह

दे इलावा विदेशी लोक बी माता दे दर्शनें लेई इत्थें औदे न । डुग्गर दी एह

भूमि शिवतपीठ खोग्रान्दी ए, की जे भगवती श्री दूर्गा इस धरती पर ग्रपने

भूमि शिवतपीठ खोग्रान्दी ए, की जे भगवती श्री दूर्गा इस धरती पर ग्रपने

अनेक रूपें च बराजमान ऐ। त्रिकुटा पर्वत उप्पर एह, वैष्णों दे रूपें च दर्शन

दिन्दी ऐ, बिलाबर कश सुकराला ग्रां च सुकराला देवी दे रूपें च ते जम्मू

बाहुकिले च महाकाली दे रूपें च माता दे दर्शन हुन्दे न।

इस्सै चाल्ली शुद्धमहादेऽ दे खेतरा च पार्वती दे रूपा च कांगड़ा च ज्वाला ते भद्रवाह्-किश्तवाड़ दे च एह् देवी विनये लोकें दियां तांह्गा पूरदी ऐ।

डुगार दे लोकजीवन च बी शक्ति-पूजन च लोकें दी गैह री ग्रास्था दे दर्शन होंदे न । जनानियां-मर्द सब्भै सुख सम्पत्ति, स्वास्थ ते मनोकामनाएं

^{1.} डॉ. वी. के. शास्त्री, डुग्गर में देविका नदी का सांस्कृतिक महत्व, सफा 143

दी पूर्ति लई देवियें अगों सुक्खनां करदे न । जे कदें कोई बमार होई जा, ह कुसै गी झंझल जां माता निकली ग्रौंदी ऐ तां 'सीतला' माता दे मत्या टेक्टें, ते ग्रोह् दे चरणें दी दुद्ध-लस्सी दा छट्टा दोग्रान्दे न । देवी दे बक्ख-बक्ख हो चा बाह् वे ग्राली सुकराला ते वैष्णो देवी इनें त्रौं दी खास मानता ऐ । वैष् देवी दी यात्रा पर हर ब'रे लक्खें दी गिनतरी च संगतां ग्रौंदियां न । ग्रह् बरने ग्राली इस देवी लेई भगतें दे मनै च शरधा ते भगती दा ग्रथाह् समुद्दा ठाठां मारदा ऐ । ग्रोह् माता गी शनान कराने लेई सुन्ने दे गड़बे च गंगाजा तिलक लोआने आस्तै कटोरी च केसर, धखाने ग्रास्तै धफैड़ी च धूफ, क पाने ग्रास्तै फुल्लें दे हार ते भोग लोग्राने ग्रास्तै किस्में-किस्में दियां का

जम्मू बाह् वे दे किले च 'महाकाली' दे रूप च शक्ति-पूजन समन होंदा ऐ। उंग्रां ते महाकाली दा निवास-स्थान कलकत्ते आखेग्रा जन्दा ऐ, इ इक डोगरी लोकगीत च राजा बाहुलोचन ग्रांसेग्रा बाह वे दे किले च काला माई गी ग्रानने दा बखाब मिलदा ऐ। माता दे इस स्थान उप्पर मंगलवां ते ऐतबारें दर्शन करने ग्राले भगतें दी बड़ी भीड़ होंदी ऐ। प्राचीन समें इत्थें छिल्लुयें दी बल बी दित्ती जन्दी ही, पर एह् बिलप्रथा हून समाप्त हों चुकी दी ऐ ते हून छड़ा छिल्लियें गी माता दे मन्दरै सामने खढेरिये पूजेग्रा गै जन्दा ऐ। ब'रे च दौं बारी नरातें दे दिनें इत्थे बड्डे-भारी मेले बी लगदेन।

बलौर कशा छे मील दूर सुकराला नां दे ग्रांच सुकराला देवी व मन्दर बने दा ऐ। डोगरी लोकगीतेंच सुकराला देवी गी 'कालका' दा गै ^{हव} मन्नेग्रा गेदा ऐ। ⁴ आखदेन जे सुकराला देवी दे चरणेंच कीती वै

^{1.} डोगरी लोकगीत, भाग-2, सफा-7

^{2.} डोगरी लोकगीत, भाग-2, सफा-13

^{3.} कलकत्तेश्रा चढ़ी कालका माई, रत्तै दी तरेहाई। वड्ढी मुंडियां गलै विच पांदी, लैंदी हार बनाई।। सवा मनै दा खप्पर फड़े दा, उब्बी भरोंदा नाई। बिच बाह् वे बाहुलोचन राजा, श्रांदी कालका माई।। — होगरी लोकगीत, भाग—2, सफा—13

^{4.} डोगरी लोकगीत, भाग-3, सफा-91

मुक्खन पूरी होने पर लोक बड़ी शरधा ते धूमधाम कन्नै सरीनी चाढ़न जन्दे न। जेकर कदें सुवखन चाढ़ने च चिर लग्गी जा जां कोई भुल्ली जा तां एह् देवी प्रपने भगतें गी श्रापूं जगाऽ दिन्दी ऐ ते श्रपनी सुवखन पूरी करांदी ऐ।

म्हाचल दे लाके चबी लोक शिवतपूजा च दृढ़ विश्वास रखदे न। इस प्रदेश दी कांगड़ा थाह्रा पर देवी 'ज्वाला' दे रूपै च बस्सै करदी ऐ।

इस मन्दरें च कुण्डै दी इक कन्धै च हर बेल्ले जोत बलदी रौह्न्दी ए। डुगगर दे लावा मुल्खा दे बाकी हिस्सें थमां बी यात्रू देवी दे दर्शन लेई इस्थै ग्रौंदेन। इक लोक-गीत च सम्राट ग्रकबर दे नंगे पैरें इस ज्वालामाई दे दर्शनें लेई ग्रौंने ते मुन्ने दा छत्तर चढ़ाने दा वर्णन बी मिलदा ऐ। देवी दे इस रूप अगों बी भिड्डुयें ते बक्करें दी बिल लगदी ऐ। ज्वालादेवी दी पूजा च 'इक सौ सट्टु' दी गिनतरी दा मता म्हत्तब ऐ। स्नान आस्ते इक सौ सट्ट गड़बे पानी; भौन पुज्जने ताई इक सौ सट्ट पौड़ियें दा चढ़ना ते इंयां गै पूजने ग्रास्तै इक सौ सट्ट कंजकें दी गिनतरी दा खास उल्लेख मिलदा ऐ।

ज्वालामाई दे इलावा म्हाचल दे लाके च ब्रजेश्वरी, चिन्तपूरणी, नैनादेवी ते छतराड़ी देवी दे मन्दरें वा वी घट्ट म्हत्तव नेई । ब्रजेश्वरी दे मन्दरें च पैह्, लें किश भगत लोकें ग्रासेग्रा ग्रपनी जीह् ब विडिंद्ये चाढ़ने दा जिकर बी मिलदा ऐ, जिनेंगी देवी दी किरपा कन्नै नमीं जीह् व थ्होई जन्दी ही। 3

डुग्गर दी प्राचीन वास्तुकला ते मूर्तिकला च बी वभौर ते म्हानपुर थाह्रें पर देवीमन्दरें दी पिवत्तर सग्गोसारी बनी दी रेही ऐ। बभौर इच उपलब्ध प्राचीन छें मन्दरें दे समूहें च इक देवी मन्दर बी है। इंयां गैं म्हानपुर दे दौं प्राचीन मन्दरें च इक जगदम्बा देवी दा मन्दर ऐ, जिसी 1526 ई० च राजा माढसिंह दे भंडारी कृपालु चौधरी ने बनोआया हा।

इस धर्म-निरपक्ख डुग्गर प्रदेश च हिन्दू, मुसलमान, सिक्ख ग्रादि स[°]ब्बनें धर्में दे लोक बस्से दे न, जेह्दे कारण ग्रसेंगी इत्थूं दे धार्मक जीवन च धर्मनिरपक्खता दे सुर बी सनोचदे न । हिन्दू लोक मन्दरें ग्राला

^{1.} डोगरी लोकगीत, भाग-10, सफा-3

^{2.} डोगरी लोकगीत, भाग-7, सफा-34

^{3.} शीराजा डोगरी, बालनाटक ते लेख ग्रंक, सफा-90

^{4.} केदारनाथ शास्त्री, डोगरी निबन्धावली, सफा-37

लेखा सिक्खें दे गुरुहारे ते मुसलमान पीरें-फकीरें दियें दरगाहें पर वे नतमस्तक होंदे न ते मुसलमान हिन्दुएं दे तीर्थस्थानें पर शरधा कन्ने कर न । राजा अकबर जेकर नंगे पैरें ज्वाला देवी दे दर्शनें लेई जन्दा ऐ, वे हिन्दू धर्म दे लोकें ग्रासेग्रा पीरें-फकीरें च ग्रास्था रक्खने दे वर्णन वी क् नई मिलदे। इक लोकगीतें च पीरें गी ग्रपार सत्या दा भंडार ग्राबिं मैह्मा गाई गेदी ऐ।

म्रो सच्चेम्रा मेरा ध्यान तेरे बल, मेरे हत्थ छापां नूठियां, मेरा पीर सच्चा में झूठी म्रां, मेरा ध्यान तेरे बल ।।

धर्मनिरपक्खता दा गै सबूत ऐ जे डुग्गर दे इस लाके च पीरिमिद्रा, ख्वाजापीर, नौगजापीर (रौशनशाह् वली) सतवारी आला पीर (बुड्ढनशाह् वली) ग्रादि दे थाह् रें दी बड़ी मानता ऐ। लोक हर बीरवारें पीरें दियें दर्गाहं पर जाइये ग्राटा, तेल, गुड़ बगैरा चाढ़दे, सुक्खनां सुखदे ते सरीनियां वंहें न। मैह्नत-मशक्कत दे कम्म करदे बेल्लै बी ख्वाजे पीरें दा सिमल कीता जन्दा ऐ। इक डोगरी लोकगीतें च पञ्जें पैसे दी गुड़ै दी ऐहं कन्ने पीरें गी मनाने दा बर्णन बी मिलदा ऐ। 4

^{1.} जम्मुया पीरिमट्ठा भाई ग्रो बाह् वै कालका माई ॥
—डोगरी लोकगीत: भाग—13, सफा—79

^{2.} डोगरी लोकगीत : भाग-9, सफा-19

 [&]quot;ए ख्वाजेग्रा पीरा, होई सा
तेरे जोरें होई सा,
हरामन कुल्लिये, होई सा
जोर नेई लांदे, होई सा
तेरे जोरें पत्थर त्रोड़े; होई सा।"
—डोगरी लोकगीत, भाग—1 सफा—151

^{4. &#}x27;'मजीपुरै दा चलेग्रा जोगी, ढांगू टिल्लै ग्राई, पञ्जें पैसें दी गुड़ै दी रोड़ी, ढांगू पीर मनाई॥'' — डोगरी लोकगीत भाग—14, सफा—207

दर्शन: 'दर्शन' शब्द दृश् धातु, जिसदा ग्रर्थ दिक्खना ऐ—थमां बने दा ऐ। इसदा मकसद जा मतलव मनै दी उस सूखम नजरी कन्ने ऐ, जिस राहें संसार ते जीवन दे गूढ़ भेतें गी समझेआ ते समझाया जाई सकै। जिस राहें संसार ते जीवन दे गूढ़ भेतें गी समझेआ ते समझाया जाई सकै। इस च मन, पदार्थ ते ग्रात्मा वक्ख-वक्ख प्रपंचें तैह्त ग्रीने ग्राले सिद्धांतें गी स्थूल-जगत रूपी समग्री दी वनाह, उप्पर तर्कपूर्ण दलीलें कन्ने समझने दा जतन करदा ऐ।

पच्छमी मुल्खें च दर्शन भाएं धर्म थमां गै प्रभावत ऐ पर पही वी उत्थें धर्म ते दर्शन दों वनख-वनख चीजां समझियां जन्दियां न। साढ़े किश दर्शन जियां—'चार्वाक' ग्रादि धर्म थमां निरपेनख रेह, न, पर समूलचे तौरा पर दार्शनक वचारधारा धर्म कन्नै गै जुड़ी दी ऐ। तर्क-दलीलें राहें तौरा पर दार्शनक वचारधारा धर्म कन्नै गै जुड़ी दी ऐ। तर्क-दलीलें राहें हासल कीते दा सूखम जगत दा ज्ञान भाएं माह्नु दी बुद्धि गी सन्तुश्ट करी हासल कीते दा सूखम जगत दा ज्ञान भाएं माह्नु दी बुद्धि गी सन्तुश्ट करी दिन्दा ऐ, पर ग्रोह् दा उसदे जीवन उप्पर कोई प्रभाव नेई पौदा, जिन्ने तगर उस च धर्म दा समावेश नेई होई जन्दा। "दार्शनक बचारधारा तगर उस च धर्म दा समावेश नेई होई जन्दा। "दार्शनक बचारधारा वृद्धि गी प्रखर बनांदी ऐ, जेल्लै के धर्म जीवन गी प्रेरणा दिन्दे होई गित समृद्धि ग्रास्तै इक उत्तेजन ग्राला कम्म करदा ऐ। इसलेई ग्रावेशपूर्ण ते समृद्धि ग्रास्तै इक उत्तेजन ग्राला कम्म करदा ऐ। इसलेई ग्रावेशपूर्ण दर्शन गैं धर्म दा रूप धारदा ऐ।" इक दे बगैर दूआ ग्रधूरा समझेग्रा जन्दा ऐ।

साढ़ें जीवन कन्ने दर्शन दा बड़ा परतक्ख सरबन्ध ऐ। जित्थे इक भेठा 'दर्शन शास्त्र' दा जन्म माह, नु गी स्राध्यात्मक, स्राधिभौतक ते स्राधिदैवक—त्रौं किस्में दे दुक्खें कशा मुक्त कराने लेई मन्नेग्रा गेदा ऐ, स्राधिदैवक—त्रौं किस्में दे दुक्खें कशा मुक्त कराने लेई मन्नेग्रा गेदा ऐ, उत्थें दूई भेठा इब्बी स्पष्ट ऐ जे साढ़ी धर्म प्रतिष्ठा दार्शनक तजरत्रें दी वनाह, उप्पर गैं टिकी दी ऐ। इयें कारण ऐ जे साढ़ें लोकें दर्शन शास्त्र दे वनाह, उप्पर गैं टिकी दी ऐ। इयें कारण ऐ जे साढ़ें लोकें दर्शन शास्त्र दे मानमुल्ल गी बड़ा उत्तर दित्ता दा ऐ। 'दर्शन' इक व्यापक शब्द ऐ जेह, दे घेरे मानमुल्ल गी बड़ा उत्तर दित्ता दा ऐ। 'दर्शन' इक व्यापक शब्द ऐ जेह, दे घेरे च तर्कशास्त्र, नीतिशास्त्र, सौंदर्यशास्त्र, समाजदर्शन, प्रध्यात्मक विद्या'' सूखम तत्थें दी स'ब्बें ग्राई-जन्दे न, पर इन्दे चा खीरला ''ग्रध्यात्मक विद्या'' सूखम तत्थें दी जानकारी कन्ने नाता रखदा ऐ। ''सच्च केह, ऐ? झूठ केह, ऐ? इन्दे च फर्क

^{1.} डा॰ राजिंसह एवं उषा यादव ; प्राचीन भारतीय कला एवं संस्कृति ; सफा—203

केह् ऐ? मनुक्खी दमाग उसी कियां समझी सकदा ऐ?'' इनें स'व्वनें समस्याएं पर अध्यात्म विद्या बचार करदी ऐ।

हुगार दी दार्शनक बचारधारा वड़ी सरल ते सिद्धी ऐ। एह् देव मते गुंझल पलेचें ग्राली कोई गल्ल नेईं। साढ़ा दर्शन विद्या ते ग्रविश उप्पर बस्तार कन्ने बचार करदा ऐ ते ज्ञान दी म्हत्ता गी समझदा ऐ। संसार च जन्म, मरण, लोभ, मोह, अहंकार रूपी वन्धनें दा इक मातर कारण 'माया' (ग्रविद्या) ऐ ते मुक्ति हासल करने दा साधन ज्ञान है। ''मुखने साहीं संसार एह् झूठा, झूठी सारी ग्रासा'' । गीतै दे बोल स्पष्ट करदेन जे सिर्फ इक परमशक्ति 'ब्रह्म' गै सच्च ऐ ते बाकी संसारी धर्चे छड़ी मोहमाया न, जिन्दा कदें बी कुतै कोई बजूद नेईं।

वेदान्त दर्शन च ''ब्रह्मसत्यं जगन्मिथ्या जीवोब्रह्मै व नापरः'' प्रशंत ब्रह्म गैं सच्च ऐ ते संसार इक झूठा छलावा ऐ ते जीव ब्रह्म दा गैं इक ग्रंश ऐ दूई कोई चीज नेईं —दी भावना गैं प्रधान ऐ। स्वामी ब्रह्मानंद जी तीयं होरें वेदान्त दे इस्सै गूढ़ रहस्य गी डोगरें लेई सरल बनाइयै पेश कीते दा ऐ जह दा जिक उनें ग्रंपनी जवानी इस चाल्ली कीते दा ऐ—

"ए वेदांत सरल बनाया जमफन्दे दे हरणे गी। इस देसै दे लोकें गित भवसागर दे तरने गी।।2

श्री शंकराचार्य दे ग्रद्धैतवाद सिद्धान्त दी चर्चा करदे होई उने वेदाल दी दलील "जीवोब्रह्मैव नापरः" गी सैह्ल बनाइये पेश करदे होई ग्राव्हे दा ऐ—

"सिच्चदानन्द स्वरूप बह्म दा जो-जो वेदें गाया ऐ। उपै लक्खन जीवें अन्दर दिक्खने दे बिच आया ऐ।।

डुगगर दे लोकधर्म च बी वेदान्त दर्शन दे गूढ़ रहस्य दी सुच्ची-सची तस्वीर दे दर्शन होंदे न । "स्त्री, पुत्र, धन, ग्रालीशान मैह्ल सब किश इंहि मिथ्या ते नाशवान न ते स'टब इत्थे गै रेही जाने न । इन्ना गै नेई साई एह् काया बी नाशवान ऐ, जेह्डी खीर मिट्टी च गै मिली जानी ऐ"। देदार्व

^{1.} डोगरी लोकगीत, भाग 13 सफा-28

^{2.} स्वामी ब्रह्मानन्द जी तीर्थ; ग्रमृतवर्षा, सफा-110

^{3.} स्वामी ब्रह्मानन्द जी तीर्थ; गुप्तगंगा

दी एह तत्थें भरोची रम्ज डोगरी लोकगीतें च बी अपने ग्रसली रूपे च बस्सी दी ऐ-

"अबं छोड़ मना तूं मोह्माया गी, केह् जिल्दू दा परवास्सा । खीर मिट्टी विच मिलना इक दिन, रढ़ी मसानें बास्सा ॥1

एह् जीवन जिस उप्पर ग्रस इन्ना गरूर करने ग्रां सिर्फ दौं दिनें दा गै ते परीह्ना ऐ, की जे स'टबनें दा खीरी ध्ये मीत गै ऐ। इक नां इक रोज स'ब्बनें इस संसार गी छोड़ना ऐ।

''एह् जिन्द दौं दिनें दी परौह्नी स्रो। इक दिन चिट्ठी कुसै बरागे स्राली स्रोनी स्रो।।2

वेदांत दे मताबक संसार दुक्खें दा घर ऐ, एह् दे च सब किण जैह्र भरोचा ते कौड़ा कसैला ऐ, पर ग्रज्ञान दे पर्दे करी इये सब किण उप्परा दा वड़ा शैल-सन्हाकड़ा ते सुखकारी सेही होंदा ऐ। स्वामी ब्रह्मानन्द तीर्थ होरें वी वेदान्त दो इस धारणा गी ग्रपने काव्य दे स्वस्थ लावे च लपेटियें हुगार दे आधुनक समाज च दृढ़ बनाने दा सुन्दर प्रयास कीते दा ऐ। इस मते भरोचे तत्थै गी उनें उपयुक्त उपमानें दी मददी कन्ने होर बी ग्रसरदार बनाइये पेश कीते दा ऐ-

एह् संसार निम्मा दा बूह्टा कौड़ा चार - चफेरे दा। माया बेल करेले दी ने चार - चफरे इंदे दा। राग द्वेष न पत्तर इसदे, बोज वासना पाया ऐ, जनम - मरण फल - फुल्ल न इसदे, पेंछी जीव बनाया ऐ।

भामें वेदान्त ते योग-दर्शन बक्खो-बक्ख न, पर एह् इक दूए दा वरोध नेई करदे, सगुग्रां हत्थ वटान्दे न। योग दर्शन च योग दी म्हत्ता बी संसारी बन्धनें दी पन्छान कराने ते उन्दे-शा मुक्ति पाने लेई बखानी गेदी ऐ।

डोगरी लोकगीत ; भाग-9, सफा-13

डोगरी लोकगीत ; भाग-9, सफा-13

स्वामी ब्रह्मानन्द तीर्थ, गुंगे दा गुड़, सफा—27 3.

इयै गल्ल डुग्गर दे प्रसिद्ध कवि स्वामी ब्रह्मानन्द होरें परतक्ख रूप है

राजें दा बी राज योग, गुप्तें दा बी गुप्ती ऐ, इस रमजा गी लै पछानी, तां जीन्दें गै मुक्ति ऐ। केई जन्में दी होऐ तपस्या, पिछले पाप कटोंदे न, तां ज्ञानै दा साबन लगदा, श्रन्तःकरण धनोंदे न।।

डुग्गर दे लोकधर्म च बी ईश्वर दी भगती लेई योग रूपी तेल ते सुरत-ज्ञान दी बत्ती दी जरूरते पर जोर दिन्दे होई योग दर्शन दी म्हण बखानी गेदी।

''दिया बलै दिन रात, जोग ध्यान दा तेल जलै दा, सुरत ज्ञान दी बली ॥''²

साढ़ी दार्शनक परम्परा च योग ते वेदान्न दे कन्नै-कन्नै 'कर्मवाद' दे सिद्धांत उप्पर बी खासा विश्वास कीता ऐ। गीता च बी श्रीकृष्ण ने योग दे कन्नै-कन्नै ''कर्मण्येवाधिकारास्ते'' श्राखियै माह्, नु गी कर्म च निरन्तर-ख रौह्, ने दी प्रेरणा दित्ती दी ऐ। 'कर्मवाद' दे इस सिद्धान्त उप्पर अग्गें 'धार्मक विश्वासें दे अन्तंगत चर्चा कीती गेदी ऐ।

धार्मक विश्वास: हर धर्म ते जाति दे किण खास धार्मक विश्वास हुन्दे न, जेह् ड़े उन्दे जीवन गी सोआरने ते नियमबद्ध करने च सराह् तेजीव भूमका नभान्दे न । डुग्गर च इनें विश्वासें दा बड़ा चेचा थाह् र ऐ । इत्थूं दे वसनीक तीर्थ जात्तरां, कर्मवाद, भाग्यवाद, जोतश, पुनर्जन्मवाद, देवी देवतें दी पूजा, पौराणक कत्थें च विश्वास, उत्सव-पर्वे ते वर्त-नर्तें च मता जकीन रखदे न ।

तीर्थजात्तरा: —लगभग संविवनें धर्में च तीर्थजात्तरा गी बड़ा पुन्त-म्हातम दित्ता गेदा ऐ। एह्दे च सत्संग लाभ दे कन्नै-कन्नै महापुरखें ते पूजनजोग अवतारें दी लीलाभूमि दे दर्शन करने दा सनैह्री मौका थ्होंदा ऐ।

डुगगर दी धार्मक पृष्ठभूमि च लोक जीवन थमां गै तीर्थ जातरें दी महत्ता दा सुर सनोचदा ऐ। डुगगरवासी पर्वे-ध्यारें ते किश खास मौकें पर

^{1.} स्वामी ब्रह्मानन्द तीर्थ, ग्रमृतवर्षा, सफा-1

^{2.} डोगरी लोकगीत, भाग—8, सफा—143

स्तान ते पूजापाठ लेई तीर्थ-स्थानें पर जन्दे न। इस्सै करी इस लाके च तीर्थ-स्थानें दी बड़ी रज्जी-पुज्जी दी परम्परा ल'बदी ऐ। सारें कणा मती मानता म्राला थाह्र श्री वैष्णो देवी दी पवित्तर गुफा ऐ, जिल्थे व'रा भर जात्रुएं दी भीड़ लग्गी रौह्न्दी ऐ। "छड़ी देवका नदी दे कण्ढै गै तीर्थें दी भरमार लग्गी दी ऐ, जिन्दे च सुद्धमहादेव, गौरीकुण्ड, सोमतीर्थ, मानतलाई, हरिद्वार, पापनाशनी ते बुढस ते तीर्थस्थान बड़े प्रसिद्ध न।" इत्थे देवका नदी दी म्हत्ता हरिद्वारै च गंगा नदी आला लेखा ऐ। लोकें दा विश्वास ऐ जे देवका नदी च स्नान करने कन्नै सारे पाप टली जन्दे न। इक डोगरी लोकगीत च देवका नदी दी पवित्तरता बारै एह् गल्ल वड़ी स्पण्ट ऐ:--

मारी छाली देवका ते पाप टलेग्रा साढ़ा।2

्इन्दे लावा भद्रवाह् दे लाके च सरथल जां कपलास जात्तरा, उत्तर-बैह्नी, शिवखोड़ी, बुड्ढा ग्रमरनाथ, सुकराला देवी, वाह्वे ग्राली, परमण्डल, मानसर, सरूईसर, ते गगैल जात्तरां³ ग्रादि तीर्थ जात्तरां इस प्रदेश दे धार्मक ं विश्वासें च ग्रपना टकोह्दापन झलकांदियां न ।

भाग्यवाद: - सृष्टि दे शुरू थमां गै माह् नु एह मसूस करदा ग्रावा दा ऐ जे ग्रोह्दी समर्थ दी कुसै नां कुसै सीमा दे ग्रन्दर बज्झी दी। उसी इस गल्ला दा तजरवा वी है जे लक्ख टिल्ल लाने पर वी ग्रोह्दियां किश योजनां जेह डियां सफल नेई होनियां होन, कदें कामयावी दी मंजल नेई पाई सकदियां न । एह् दे बपरीत केई कम्म जिन्दे बारै कदें चित-चेता नेई होंदा ग्रपने-ग्राप सबूरे होई जन्दे न । फलसरूप उसी भागें पर जकीन होई जन्दा जे "भागें जां कमें च जो होग, उऐ होना ऐ।" की जे बधाता ने पैह्ले दिनै थमां गै 'तकदीर' लिखी टकाई दी होंदी ऐ ने लक्ख जतन करने पर बी मत्थे दे लेख नेई मिटी सकदे :-

''मिटदी नेई' तकदीर, भाएं लक्ख जतन करो। मत्थे दी तकदीर, भाएं लक्ख जतन करो ।।"4

बी. के. शास्त्री, डुग्गर च देविका नदी दा सांस्कृतक म्हत्तव, सफा-61 1.

डोगरी लोकगीत, भाग—1, सफा—132 2.

साढ़ा साहित्य 1963, सफा--73

डोगरी लोकगीत भाग-8, सफा-143 4.

हुरगर दी लोक संस्कृति च भाग्यवाद दे तैह त ''होनहार बलवात हैं' दी भावना सशक्त रूप च ब्यापी दी ऐ। 'होनी दे पैर पुट्ठे' खुत्रान का प्रादमी दी भाशा च सुनने गी मिलदा ऐ, जिसलें बी कुतै कोई अनहोती का प्रादमी दी भाशा च सुनने गी मिलदा ऐ, जिसलें बी कुतै कोई अनहोती का प्रादमी घटना घटी जन्दी ऐ। होनहार लक्ख टालने पर बी नेई टलहें बड़े-बड़े राजें-रानियों गी बी माफ नेई करदी, राजा हरिश्चन्द्र ते रानी तार भता गी होनी दे कारण लोकें दे घरें च नौकरी करियें पानी तगर भता पेग्रा। पञ्जें पांडवें गी होनी दे कारण गै जुए च द्रोपदी दी हार दिन्छने पेई। श्रवन कुमार दे ग्रं नें माऊ-बब्बें गी इस्सै दे गै कारण पुत्तर बज़ें बरदाशत करना पेग्रा। मनुक्ख जगत गै नेई कुदरत उप्पर बी इसदा बड़ प्रभाव होंदा ऐ। सत्तें समुन्दरें गी होनी दे कारण गै सोके (पानी दी थोई) द दुक्ख वरदाशत करना पेग्रा¹। इनें संब्बनें तत्थें दा ब्यौरा ग्रसेंगी हुगार ही लोकपरम्परा थमां मिलदी ग्राया ऐ।

डोगरी लोक-कत्थें ते लोकगीतें च भाग्यवाद दी गैह्री छाप ल'वरी ऐ। 'भागें दी खेढ' संयोगें दी गल्ल, किस्मत, भाग, भागें दे लेख वगैरा कत्वां इस्सै विश्वास गी दृढ़ता कन्नै उजागर करिंदयां न। 'भागें वगैर कोई लाभ नेई हुन्दा'—-डोगरी लोकगीतें च एह् गल्ल बड़े स्पष्ट रूपें च ग्राक्खी गेदी ऐ। ग्रन्त, धन ते सन्तान बी उनेंगी गै प्राप्त होंदी ऐ, जिन्दे भाग उच्चे होंदे न, नेई तां जिन्दे भागें च साग-पत्तर बी नेई लिखे दा होऐ, उन्दे घर कनकेंदे सिट्टे कुत्यूं उग्गी सकदे न:—

कनकां दियां डींगियां बी कृत्थूं लोको,
ते जेकर भागें नि मैंने दा साग।।
प्रखें— श्रन्न, धन ते पुत्तर उन्दै,
ते उच्चड़े श्रखें न जिन्दे भाग।
बिन भागें नि किज बी लाह् लोको,
ते कदें सौह्रदे श्रखें नि काज।।

भाग्यवाद होने करी गैं इस प्रदेश दे लोक जोतश विद्या च वी विश्वास करदे न । हत्य जां टिवड़े दस्सने च जोतश दा मता स्हारा लैंदे न । अञ्ज वी

^{1.} डोगरी लोकगीत, भाग-12 सफा-81

^{2.} डोगरी लोकगीत, भाग—14, सफा—161

लोक ब्याह्-कारज जां होर दूए शुभ कम्में ग्रास्त म्हूर्त कढाइय शुभ दिन सधान्देन। इनें कम्में ग्रास्त लोक पन्तें-जोतिशयें दी राऽ लैंदे न ते स'ब्वें कम्म उन्दे दस्सने ते ग्राखने मतावक करदेन।

पुनर्जन्मवाद : — पुनर्जन्मवाद च हिन्दूएं दी धार्मक मानता ऐ। किवियें ते साहित्यकारें चरासी लक्ख जोनियें परैन्त मनुक्ख जन्म थ्होने दी गल्ल गलाई दी ऐ। स्वामी ब्रह्मानन्द तीर्थ होरें माह नु गी इस चरासी लक्ख दे चक्कर कथा वचने दा उपदेश दित्ते दा ऐ। गुप्तगंगा, गुंगे दा गुड़, मानसरो-चक्कर कथा वचने दा उपदेश दित्ते दा ऐ। गुप्तगंगा, गुंगे दा गुड़, मानसरो-चर, ग्रमृतवर्षा, ब्रह्मसंकीर्तन ते ब्रह्मानन्द डोगरी भजनमाला इनें छें-दे-छें-ग्रन्थें राहें उनें इस्सै तत्थै वारै समझाए दा ऐ। डूग्गर दी लोक-परम्परा च बी पुन-पाहें उनें इस्सै तत्थै वारै समझाए दा ऐ। डूग्गर दी लोक-परम्परा च बी पुन-पानवाद दे सिद्धान्ते वारै खासै सबूत मिलदे न। इत्थूं दे मानव समाज च पूजा-पाठ, दान-पुन्न, सेवा-भाव ग्रादि स'वर्ब ग्राचरण ग्रगला जन्म सधारने दे पद्देश्य कन्नै गै कीते जन्दे न। डोगरी लोक-कत्थें चा बी इस बारै खासी जानकारी प्राप्त होंदी ऐ। 'पिछला जन्म' नां दी इक लोक-कत्थें च इक रानो दे घर वारां व'रे तड़फने परैन्त जागत जमदा ऐ, जेह्ड़ा पैदा होंदे गै राजे गी ग्रपने पिछले जन्मै दा हाल सनान्दा ऐ, जे ग्रोह, जागत अपने पिछले जन्मै च राजे दा बब्ब हा, पर उसी बारां व'रे गर्भ च इस करियें तड़फना पेग्रा की जे उसने ग्रपने घर आये दे मनुक्ख परौह, ने गी रुट्टी नेईं ही दित्ती।

कर्मवाद: — भारती दर्जन शास्त्रें च कर्म' दा म्हन्व ग्राला थाह्र ऐ। दरग्रसल भाग्यवाद, पुनर्जन्मवाद ते कर्मवाद तैवे ग्राप्-चें इस चात्ली बज्झे दे न जे इक्कै चीजै दे त्रं बबख-बबख रूप सेही हुन्दे न। सकाम कर्म ग्रपना फल जरूर गै दिन्दा ऐ। जेह्र डा मनुक्ख जनेहा कम्म करदा ऐ, उसी नेहा गै फल जरूर गै दिन्दा ऐ। जेह्र डा मनुक्ख जनेहा कम्म करदा ऐ, उसी नेहा गै फल शेंदा ऐ, इर्य 'कर्मवाद'' ऐ। इस करिय माह्नु गी जेह्र डा सुख-दुख मिलदा ऐ, ओह् ओह्र दे पिछले जां इस जन्मै च कीते गेदे पुन्नें जां पापें दा फल होंदा ऐ। माह्नु भाएं बक्ख तीर्थ-बर्त करें, गंगा च स्नान करें, पर जेकर उसदा ग्राचरण ठीक नेई होग तां ग्रोह्र कदें सुखै दा भागीदार नेई होई सकदा।

गंगा न्हाते वाप नि चुकदे, भाएं लक्ख गोते बी मारो ।² साढ़ी लोकसंस्कृति च बी कर्मवाद दी धारणा बड़ी पक्की ऐ। एह् दे

^{1.} जियां उन्दे दिन फिरे, सफा-177

² डोगरी लोकगीत, भाग—14, सफा—158

मुजब बी माह्नु गी ग्रंगला जन्म सीग्रारने ते इस ससार रूपी भवसागर व करने ग्रास्ते पुन्न जनेह् उत्तम कम्म करने लोड़दे न:—

"बुड़ढी होई बरेस बेल्ला मरने दा। कीता कोई निकाज अपर्गे तरने दा। 71

साढ़ें ऋषियें-मुनियें मताबक बी 'मनुक्ख ग्रपने पिछले जन्में च कीते दै कर्में दा फल ग्रगले जन्में च भोगदा ऐ। दस्सै सिद्धान्त गी ग्रधार मनदे होई, ग्रस ग्रपने रोज-ध्याड़ी दे कम्में च चंगे-माड़े कम्में दा बड़ा ख्याल करने ग्रांते ग्रपने कणा जिन्ना होई सकदा ऐ चंगे कम्म करने दा जतन करने आं। हिन्दू धर्म पञ्चमहायज्ञें दा म्हत्तव वी 'कर्मवाद' दे सिद्धान्तें गी गै युश्ट करदा ऐ। बडले सबेल्ला उटि्ठये, न्हाई-धोइये पूजा-पाठ करना परमात्मा व्रवखी ध्यान लाना, अपने बहु बजुर्गेंदी सेवा ते स्रादरमान करना, घर आए दे परौहुने दा स्वागत ते उन्दी टैह्ल सेवा करनी, परोह्तें-ब्राह्मणें गी ग्यासन देना, भुवखें दें गी रुट्टी खलाना, कायें-चिड़ियें गी वल पाना, कीड़ें-मकोड़ें गी ग्रानाज पाना, माल-बच्छे गी गौ-ग्रास देना आदि नेक कम्में दी गै इक चन्दी ऐ, जेह्दे ग्रासरमें इक सधारण माह्नु वी रोजैंदे ग्रपने कारज व्यहार उप्पर सन्दोख करी सकदा ऐ। इन्दे लावा दान-पुन्न दा म्हातम वी वड़ा श्रेष्ठ समझेआ जन्दा ऐ। इस्सै करी किण खास दिन-ध्यारें पर यज्ञ स्रादि कृत्यें दे कन्नै-कन्नै ब्रैह्मणें जां दूए दानपात्तरें गी भोजन कराना, चीजां-बस्तां ते अनाज दान करना, पित्तरें दे सराध करना बड़ा चंगा ते लाजमी मिथेग्रा जन्दा ऐ। माड़े-मुट्टें लोक बी ग्रपनी समर्था मुजब इस निजम दी पालना जरूर करदे न ।

देवी देवता: — साढ़े धार्मक खेतरा च प्रार्थना ते भगती कन्नै मूर्त-ईश्वर दी पूजा गी मता म्हत्तव दित्ता गेदा ऐ, इस करिये देवी-देवतें दा निर्गुण, निराकार परमात्मा कन्नै सरबन्ध जोड़ना इक स्वभावक गै गल्ल ऐ। मूर्तिपूजा दी परम्परा बी इस्सै करी दिनो-दिन मजबूत हुन्दी जा करदी ऐ, जेह् दा परमाण ग्रसेंगी इनें अनिगनत पिवत्तर मन्दरें ते उत्थें पूजे जाने ग्राले देवी-देवतें दी भगती ते पूजा-पाठ च ल'बदा ऐ। इनें देवी-देवतें च भगवान विष्णु, शिव, शक्ति ग्रादि दा प्रमुख थाह्र ऐ, जिन्दा तफसीली ब्योरा 'धर्म' नां दे भाग च दित्ता गेदा ऐ।

^{1.} डोगरी लोकगीत, भाग-8, सफा-112

भ्रवतारवाद: डुगगर संस्कृति ते डुगगरबासियें दे मनें च ग्रवतारवाद लेई पक्की ग्रास्था वस्सी दी ऐ। ग्रवतार दा मतलब ऐ 'उतरना' ग्रथित् परमात्मा जां भगवान विष्णु दा इस धरती पर उतरना, ग्रवतार लैना। पुराणें च भगवान विष्णु दे ग्रवतारें दी खु'ल्ली-डु'ल्ली चर्चा कीती गेदी ऐ। गीता च वी भगवान दे कृष्ण ग्रवतार दा गैं वर्णन ऐ। ''जदूं-जदूं वी धर्म गी जोह् पुजदा ऐ, तदूं-तदूं गैं ग्रधमं दे नाण, साध्रुयें दी रक्खेग्रा, बुराइयें दे खात्में ते धर्म दी परतियै स्थापना लेई युगै-युगै च भगवान दा अवतार हुन्दा ऐ।" हिन्दू धर्म दी सनातन धर्म दी परम्परा च, श्रीमद्भगवद्गीता गी गैं धर्म दा महातम दित्ता गेदा ऐ। इसलेई 'ग्रवतारवाद' डुगगर संस्कृति दा सणक्त ग्रधार मन्नेग्रा जन्दा ऐ।

बर्त, नत्त ते पर्व-ध्यार : डुग्गर संस्कृति दी धार्मक पृष्ठभूमि च वर्तेनत्ते ते पर्वे-ध्यारें दा आपूं-चे इन्ता नेड्मा सरबन्ध ऐ जे इक-दूए दे वगैर
इन्दा बजूद गै स्पण्ट नेईं हुन्दा । एहं ग्राव्खना बधीक नेईं होग जे वर्त-नत्त
ते पर्व-ध्यार ग्रापूं-चे इक-दूए दे पूरक न, की जे जित्थें इक भेट्ठा किण ध्यार
गै वर्ते-नत्तें करी मनाए जन्दे न, उत्यै दूए पास्सै किण पर्वे-ध्यारें पर लीक
वर्त-नत्त रिक्खयें उनेंगी धार्मक मानता दिन्दे न । भारत च वैदक जुगै च गै
वक्ख-वक्ख धर्में गी मन्तने आले लोक रीह्न्दे ग्रावा दे न ते डुग्गर प्रदेशैं च वी
स'ब्बनें धर्में दे लोक बसदे न, जिन्दे च हिन्दू धर्म ते इस्लाम प्रमुख न । इस
करी इनें दौनें धर्में दे लोक ग्रपने-ग्रपने तौर-तरीकें कन्ने ग्र'रा-भर केई पर्व
ध्यार मनांदे न । इनें स'ब्बनें पर्व-ध्यारें दे पिच्छें साढ़े शास्त्रें च बखानी
गेदी धार्मक भावना गै प्रमुख होंदी ऐ।

डुग्गर प्रदेश च मनाए जाने आले पर्व-ध्यार, जेह् डे खासतौरा पर धार्मक म्हत्ता कन्नै सम्पन्न न, इस चाल्ली न :—

बसोम्रा: एह् उत्सव बसाख म्हीने दी संगरांदी गी स्रौंदा ऐ।

^{1.} यदा यदा हि धर्मस्य ग्लानिर्भवति भारत ।
अभ्युत्थानधस्य तदात्मानं सृजाम्यहम् ।
परित्राणाय साधूनां विनाशाय च दुष्कृताम ।
धर्मसंस्थापनार्थाय संभवामि युगे-युगे ॥
—भगवदगीता ; 417—8

इस दिन हिन्दुयें दा नमां व'रा रम्भ होंदा ऐ। एहं स्नान ते दान दा पर्व ऐ, इसकरियें लोक बडलें सबेल्ला गैं नदियें, दरयाएं, नैह्रें ते बौलियें पर किट्ठे होंदे ते स्नान करदे न। एह्दे परैंत मन्दरें जाइयें पूजा पाठ दे लावा टल्ले-कप्पड़े, चीजें-बस्तें, फल-फरूट ते मठेग्राइयें दा दान वी करदेन।

धर्म-ध्याड़ा; हाड़ महीने दी सङरांदी दा दिन धर्म-ध्याड़े दे ह्वं च मनाया जन्दा ऐ। एह् पर्व स्नान, दान ते तपत्याग कन्ने सरबन्धत ऐ। भगवद्गीता च बी एह् ध्याड़ा पुन्न-कर्में दा ध्याड़ा गलाया गेदा ऐ। इस दिन लोक साधु म्हात्माएं ते गरीब ब्रेह्मणें गी टल्ले-कपड़े, नाज-बस्त, फलें-सब्जियें ते घड़ें दा यथाणिकत दान दिन्दे, भोजन करांदे ते दक्षिणा बी दिन्दे न। दिन भर गलियें बजारें च मिट्ठो ते ठण्डे पानी दियां छुबीलां लोग्नाइयां जन्दियां न ते राह्गीरें गी मिट्ठा पानी पलेग्नाया जन्दा ऐ।

डुगगर प्रदेश च एह् पर्व धिएं-ध्यानें गी सम्हालने दा बी ऐ। मां-बब्ब अपनी-अपनी जुड़दी बनदी मतावक धीएं दे घर टल्ला-कपड़ा, राशन, फल, सब्जी, मठेग्राई ते किश नगद रपेऽ भेजदे न। जां पही उस धीएं गी अपने घर सदी लैंदे न ते उनें गी शैल-शैल खलांदे-पलांदे ते उप्पर लिखी दियें चीजें दे लावा किश दक्खना बी देइयें टोरदे न। बावा जित्तो दी कारक च बुग्रा कौड़ी गी जित्तो दे स्वर्ग सिधारी जाने पर धर्म ध्याड़े ते लौह्ड़ी दा चेता ग्रौंदा ऐ ते ग्रौह् गलांदी ऐ:—

''ए आया बापू धर्मं ध्याड़ा, ए लौह्ड़ी बापू जग श्राई। धिएं भ्रालें धियां सदाइयां, बुश्रा गी कौन सदाई॥''1

राड़ें दा ध्यार: एह् ध्यार सौन म्हीने दी सङ्रांदी गी मनाया जन्दा ऐ। एह् राड़े छड़ी डींगी-त्रेह्डी, सिद्धी-पुट्टी लीकरें दी गैं खेढ नेईं, इन्दे पिच्छें किश दार्शनक अर्थ छप्पे दे न, दीए दी शक्ली दा राड़ा सारे जीवन च सुंखसांद ते कुशलमंगल बने रौह्ने दा प्रतीक ऐ ते दीए दी लो जीवन दियें न्हेरियें बत्तें गी चानन करदी र'वें एह् अर्थ एह्दे पिच्छें समल्होए दा ऐ। इंयां गै राड़ें दे चफेरे गोल-गोल चक्की आंगर चतरोए दा चित्तर परमात्मा दी शक्ति दा प्रतीक ऐ।

डा. रत्नचन्द्र शर्मा, मुगलकालीन सगुणभिनत काच्य का सांस्कृतक विश्लेषण, सफा—371

रमखड़ों: एह पर्व सीन म्हीने दी पुन्नेग्रा गी ग्रींदा ऐ। इस दिन भैनां ग्रपने भ्राएं गी ते परोह त ग्रपने जजमानें गी रमखड़ी ब'न्नियै उन्दी तन्दरस्ती ते लम्मी ग्रारवला दी कामना करदे न।

हुगार च इस दिन शिव-स्थानें पर भगतें दी वड़ी भीड़ होंदी ऐ। पुर-मण्डल सुद्धमहादेव, बुड्ढा ग्रमरनाथ, शिवखोड़ी, उत्तरबँह्नी दे शिवमन्दरें ते जम्मू शैह्रा च पीरखोह् ते स'टबनें शिवालें च शिवे दे भगत जल चढ़ान्दे ते उन्दी स्तुति करदे न।

जन्माट्टमी: भाद्रों म्हींने कृष्ण पक्षे दी ग्रप्टमी गी एह् ध्यार सारे डुगार च मनाया जन्दा ऐ। इस पर्व दा सरवन्ध श्रीकृष्ण दे जन्म कन्नै ऐ इसकरी लोक इस दिन पूरी ध्याड़ी वर्त रखदेन ते रातीं वारां वजे श्रीकृष्ण जन्म दे बाद ग्रपना वर्त पुग्रारदेन। दिन भर एह् लोक पूजा-पाठ च रुज्झे रीह त्देन।

बच्छदुश्राह् ते द्रुब्बड़ी: जन्माष्टमी परैन्त दुश्राम्ती गी वच्छदुश्राह् ते शुक्ल पक्ष्वै दी श्रष्टमी गी द्रुव्बड़ी दे ध्यार मनाए जन्दे न । इनें दौनें उत्सवें पर जनानियां वर्त रखदियां न ते बगदे पानी जां पही खह्, तलाऽ बौली दे कण्ढै बच्छदुआह् ते द्रुव्बड़ी पूजिदयां न । इनें दौनें ध्यारें दा सरबन्ध घर- एरबार वाल-बच्चे ते माल-बच्छे दी रक्षेआ ते सुखसांद कन्ने ऐ । इनें मौकें पर जनानियां घरें दे मर्द-जीवें जिन्ने, ह्ट पकाइयें परोह्तानी गी दान दिन्दियां न ते श्राटे दे कट्टू-बच्छुएं गी सिज्जे दे छोलें कन्ने पूजिदयां न ।

नाग पंचमी: पंचमी नागें दी तित्थ ऐ इस किएयें बच्छदुग्राह् ते द्रुब्बड़ी दे परेंत ग्रौने ग्राली पंचमी गी सारे डुग्गर च नागें दी पूजा कीती जन्दी ऐ। भारत दे लोक-धर्म च वी नागपूजा दी बड़ी म्हत्ता ते मानता ऐ ते इसदा खड़ा पराना रवाज ऐ। डुग्गर च नागें दी पूजा ग्रपने-ग्रपने कुलदेवतें दी राह्, खड़ा पराना रवाज ऐ। डुग्गर च नागें दी पूजा ग्रपने-ग्रपने कुलदेवतें दी राह्, रीतें मताबक कीती जन्दी ऐ। उस दिन लगभग संब्बनें घरें नागें दे चित्तर जां रीतें मताबक कीती जन्दी ऐ। उस दिन लगभग संब्बनें घरें नागें दे चित्तर जां व जमीना पर गोहा फेरियें दुद्ध-ध्यो कन्नें नागें दे चित्तर पाए जन्दे न। उस च जमीना पर गोहा फेरियें दुद्ध-ध्यो कन्नें नागें दे चित्तर पाए जन्दे न। उस दिन अपनी-ग्रपनी रीतें मताबक नागें गी भोग लोग्राने आस्तें दिलया, ध्यूर, पूड़े, पूड़ियां, खीर म्हेरी, ग्राले-गोले, सुट्टु-भुट्टु आदि बक्ख-बक्ख किस्में दे पूड़े, पूड़ियां, खीर म्हेरी, ग्राले-गोले, सुट्टु-भुट्टु आदि बक्ख-बक्ख किस्में दे पकोआन पकाए जन्दे न। गुग्गल धूफ ध्रखाइयें नागें दी पूजा कीती जन्दी ऐ। पकोआन पकाए जन्दे न। गुग्गल धूफ ध्रखाइयें नागें दी पूजा कीती जन्दी ऐ। दे राजें नागें गी पूजने ते बाद च उन्दी बरमी पर दलस्सी चाढ़ी जन्दी ऐ। इस रोज नागें गी पूजने ते बाद च उन्दी बरमी पर दलस्सी चाढ़ी जन्दी ऐ। इस रोज नागें गी पूजने

ते भोग लुग्राने-शा पह्ने कोई बी निक्का-बट्टा जात नाला नेई करदा।

नागें दे परती इस्स गरधा दी झलक असेंगी डुग्गर दे लाके च थाह्रें थाह्रें बौलियें ते नाड़ एं दे कण्ढ पत्थरें पर उक्करी दियें नाग श्राकृतियें चा झांकदी ल'बदी ऐ। मानसर झील दी पकरमा इक-दौं थाह्र पत्थरें दियां सिलां पेदियां न, जित्थ बिड़ियां स्पष्ट नाग-श्राकृतियां बनी दियां न। इनें सिलें उप्पर लोकें ग्रासेग्रा फुल्ल, चौल ते दुद्ध-लस्सी बी चढ़ाई जन्दी ऐ। थ'ड़ा, कलोग्राल च 'धन' नां दे थाह्रें पर बौली दियें कन्धें पर नागें दियां मूरतां उक्करी दियां न । इस्स चाल्ली भद्रवाह् शहरा थमां कोई दो मील दूर नीकृ नाले दे कण्ढ वासुकिनाग दा मन्दर ऐ। इनें स'टबनें नाग मूर्तियें ते नागमन्दरें थमां एह् प्रमाणत होंदा ऐ जे डुग्गरबासी नाग पूजा च डूंह्गी ग्रास्था रखदे न।

नरातें : — नरातें दा सरबन्ध दुर्गापूजा कन्नै ऐ। एह् ध्यार ब'रे च दीं वारी — इक वारी ग्रस्सू-म्हीने च ते दूई वारी चेत्तर म्हीने च मनाया जन्दा ऐ। इनें नमें दिनें च घर-घर दुर्गा माता दी स्तुति ते मैह्मा गाई जन्दी ऐ। माता दे भगत पैह्ले नराते गी जवें दी फसल जिसी 'साख' ग्राखदे न, राह्त्दे न ते अठमें जां नौमें नराते गी कंजकां पूजियें 'साख' बरधाई ग्रोड़दे न। कंजकें गी पूड़ी कड़ाह्, छोलें ग्रादि दे परणाद दे लावा पैसे, बङां, दबटूं, खि'न्नू ते खडालीं बी दित्तियां जन्दियां न।

इनें दिनें रोज मूं हर्नेर उद्विये कुसै तलाड, नदी-नैहर जां बौली च स्नान करन जिन्दयां न ते पही दुर्गा माता दी पूजा ते भजन कीर्तन करिदयां न। जम्मू शैहरा च ग्राम लोक इनें दिनें वडलै न्हेरे-न्हेरे उद्दिख्य तवी च स्नान करदे ते वाह् वे जाइये माता दे दर्शन करदे न।

खरीले नराते म्राले दिन ड्रग्गर च काह्न सिख्यां वनाने दा वी बड़ा रवाज ऐ। काह्न-सिख्यें च चौं-पञ्जें कुड़ियें गी ग्रैल चाल्ली सजाई-चित्रियै ते कनारीदार टल्ले लोआइयै सिख्यें दा रूप दित्ता जन्दा ऐ ते इक कुड़ी गी कृष्ण म्राला लेखा मुकट लोआइयै ते शङारियै काह्नै दा रूप दित्ता जन्दा ऐ ते इनें स'टबनें गी इक मण्डप च, जिसदे ग्रग्गें-पिच्छें झिलमिल करदे कनारीदार चादरां-दबट्टे टंगियै सजौट कीती दी होंदी ऐ – सजाइयै बुहाली दित्ता जन्दा ऐ।

^{1.} केदारनाथ शास्त्री, डोगरी निवन्धावली, सफा-40

छुण्ड-गुग्रांढ ते ग्राले-दुआले दे लोक काह न-सिखयें दे दर्शन करन ग्रौंदे न ते रिपेड पैसे चाढ़ियें मत्था टेकदे ते फुल्लियें-पतासें दा नवेद लैंदे न । किंग व'रे पैह लें तगर काह न-सिखयें दी एह लीला बड़ी प्रचलत ही पर हुन दिनोदिन एह दी परम्परा किंग घटदी जा करदी ऐ। इंयां बझोंदा ऐ जे शिक्षा प्रसार कारण कुड़ियें-कंजकें दे हझाने च तब्दीली ग्राई जाने करी, इस लीला च हिस्सा लैंदे जां ते शर्म-झवक बुझदियां न ते जां फ्ही होर कम्में च हज्झी जाने करी जां मनोरंजन दे नमें साधनें दे उठी ग्रौंने कारण लोक वी इस परम्परा गी मनचित लाइयैं नभाने च दिलचस्पी नेई लैंदे।

करेग्राचौथ ते भुगा: भारती नारी जेह् ड़े वर्त-नत रखदी ऐ, उन्दे ना मते वर्त ग्रपने ग्रटल मुहाग ते सन्तान दी मंगल कामना लेई रखदी ऐ। करेग्राचौथ ते भुगा एह् दोऐ वर्त वी इस्सैं चाल्ली दे वर्तें च प्रमुख वर्त न। करेग्राचौथी दा वर्त ग्रस्मूं जां कत्ते म्हीने पुन्नेग्रा दे चौथे रोज ग्रींदा ऐ ते पित दे मुखी जीवन ते लम्मी ग्रारवला लेई रक्खेआ जन्दा ऐ। वर्तें दी पैह्ली राती जनानियां न्हेरे उद्विय दुद्ध-फेनियां, मठेग्राई, फलफ्ट ते पकोग्रानें दी संगीं खन्दियां न ते तरकालें वेल्लै मुहागन जनानियां वेग्रा वटाइयें बड्डें-बडेरें गी भेंट करदियां न, जिन्दे च तेह्रां-तेह्रां चीजां (बदाम, छुहारे, मिट्टयां, फल, नारियल, ग्रादि) ते कन्ने रपेऽ होंदे न। रातीं वेल्लै चन्नै गी अर्घ देने परैंत्त एह् वर्त पुग्रारेआ जन्दा ऐ। इस दिन जनानियां सीने, परोने दा कोई कम्म नेई करदियां। इक गीतै दे वोलें च छिड़्यां ठाकां गै ठाकां पाइयां न।

भुगो दा वर्त लोह् ड़ी दे बाद पुन्नेग्रा दे चौथे रोज ग्रौंदा ऐ। एह् वर्त बी सन्तान दी मंगल-कामना कन्नै रक्खेआ जन्दा ऐ ते इस रोज बी जनानियां सारा दिन जात नाला नेई करदियां ते रातीं चन्न दिक्खियै, उसी

हल-वाई पैर पायां नेईं, पैर कण्डा चभायां नेईं।
चुंब्बा दा कढायां नेईं, सुत्ते दा जगायां नेईं।
रुस्से दा मनायां नेईं, फट्टे दा तूं सियां नेईं।
कम्म चर्खा फेरेग्रां नेईं, लौढे दा पिञ्जेग्रां नेईं।
पिञ्जे दा कतेग्रां नेईं, कत्ते दा टेरेग्रां नेईं।
—डोगरी लोकगीत; भाग—13, सफा—хоі

अर्घ देइये फलोहार करिदयां न । डुग्गर च इस ध्यारै गी भुग्गा इसकरी गलांदे न की जे इस रोज गुड़ ते तिल रलाइये घर-घर भुग्गा कुट्टेश्रा जन्दा ऐ ते पूजा च बी भुग्गा गैं मनसोंदा ऐ । भुग्गे दी आरती च गणेश जी दी आरती कीती जन्दी ऐ । डुग्गर दे बाह्रले थाह्रें पर इस ध्यार गी इस्सै कारण 'गणेश चौथ' नां दे पर्व दे हर्षे च मनाया जन्दा ऐ ।

तुलसी दा वर्त: कत्ते म्हीने दी पैह्ली गी जुलसी दी पूजा गुह होंदी ऐ। जनानियां वडलें न्हाई-धोइयें तुलसी गी जल दिन्दियां न ते म्हीना भर एह् किरत चलदी रींह्दी ऐ। कास्ती ग्राले ध्याड़ें तुलसी दा वर्त रक्षेग्रा जन्दा ऐ। इस दिन जनानियां तुलसी दे चौंतरे गी परोला फेरियें, सूहे-पीले रगें कन्ने चित्तरियें, कलीरे पोग्राइयें, साज-सजौट करियें ते सूहें कनारीदार दबट्टें कन्नै लपेटियें तुलसी दी पूजा करदियां न। पूजा बेल्लें तुलसी ग्रगों कोतरा सौ वित्तयां वालियां जन्दियां न ते कोतरा सौ पकरमां वी लैतियां जन्दियां न। पूजा करदे होई जनानियां तुलसी दी स्तुति वी करदियां न। पूजा च फल-फहट, खोड़-बदाम, फलोहार ते सब्जी, जेह्दें च मूली ते भट्ठा बगेग हुंदे न, चाढ़ें जन्दे न ते पही बाद च जनानियां फलोहार करदियां न। किण लोक तुलसी दा ब्याह् बी करदे न ते कुड़ी दे ब्याह् ग्राला लेख सम्यान किट्ठा करदे न ते पही मन्सियें कुसै पन्तै-परोह्तैं गी देई ग्रोड़दे न। खास करियें ग्रोह् लोक जिन्दे घर कुड़ी नेईं होंदी, तुलसी दा ब्याह् करियें कन्यादान दा म्हातम खटदे न।

देश्राली ते धनत्रोस्ती: — मुल्खा दे बाकी हिस्सें आला लेखा डुग्गर च बी एह् दोऐ ध्यार बड़ी खुशी, उत्साह् ते जोश खरोश कन्नै मनाए जन्दे न । इंदा सरबन्ध खास तौरा पर लक्ष्मी पूजा ते धन दौलती कन्नै ऐ । देश्राली दे दौ रोज पैह् ले धनत्रोस्ती मनाई जंदी ऐ । लोक इस दिन नमें भांडे खरीददे ते देश्राली श्राले रोज इनें भांडे च लक्ष्मी पूजा दा सम्यान रखदे न । इस चाल्ली सालो साल लोक अपने घरें दी बरतून ते धन दौलती च बाढा करदे न । देश्राली दा ध्यार कत्ते म्हीने दी मस्सेग्रा गी श्रींदा ऐ । इस ध्यार दे शुभ मौकें पर घरें गी लिम्ब-परोल, सफेंदी रंग बगैरा करिय सुथरा कीता जन्दा ऐ ते पही बन-सबन्नियें चीजें कन्नै साज-सजौट बी कीती जन्दी ऐ । देश्राली रातीं

^{1.} डोगरी लोकगीत ; भाग—13, सफा—××

लक्ष्मी पूजा बड़ी शरधा ते धूमधाम कन्नै कीती जन्दी ऐ। स'ब्बनें घरें मकानें पर दीपकमाला दी जगामग मनै गी मोह्नें स्राली होंदी ऐ। उत्सव दा मता ठाट-बाट मठेआइयां खाने-बंडने ते पटाके-ग्रातिशवाजी दा ठाह्-ठाह् लंबदा ऐ।

टिक्का जां बीर दुतिया: एह् ध्यार देग्राली परैन्त दुतिया दी तित्यै गी ग्रींदा ऐ रक्खड़ी ग्राला लेखा इव्वी ध्यार भैनें-भ्रायें दे हिरख-समोध कन्त्रै जुड़े दा ऐ। भैना इस रोज भ्रायें दी लम्मी श्रारवला दी कामना करदे होई चौलें. फुल्लें ते केसर दा टिक्का लांदियां ते मठेआई खलांदियां न । भ्रा बी टिक्का लुग्राने परैन्त भैनें गी, ग्रपनी-ग्रपनी समरथा मताबक किश ना दिन्दे न।

लौह्ड़ी जां श्रद्धण : लोह्डी डुग्गर दा वशेश ध्यार ऐ जेह्ड़ा पोह् म्हीने दी खीरली तरीका गी औंदा ऐ। पोह्महीना शुरू होंदे गैं इत्थूं दे जागत कुड़ियां संजां लै किट्ठे होइयै लोह्डी मंगन टुरी पौंदे न ते वक्ख-वक्ख किस्में देगीत गांदे न । जिस घर जागत जां जागतै दा व्याह् होए दा होंदा ऐ, लोह्ड़ी श्राले दिन उस घर भांगड़े ते छज्जे डंडारसें दी रीनक वज्झी रौह्न्दी ऐ। उंग्रां वी इस दिन स'ब्बै लोक ग्रंल ग्रैल पकोग्रान पकांदे ते चिड्वे-रयौडियां वंडदे खन्दे न ।

ग्रत्रैण दा पर्व लोह् ड़ी दे दूए दिन माघ म्हीनें दी सङरांदी गी ग्रींदा ऐ। एह् स्नान ते दान दा पर्व ऐ, जेह्ड़ा सूरजै दे उत्तरायण होने पर मनाया जन्दा ऐ। इस दिन समूलचे डुग्गर प्रदेश च लोक बडुलै सबेल्ला नैह्रें-दरेग्राएं थाह्रें स्नान करने लेई जन्दे ते पही मंदरें पाठ ते भजन करदे न । अत्रैणी गी खिचड़ी मन्सने दा बड़ा म्हातम समझेग्रा जन्दा ऐ । हर लीह् कै-मुट्टे परिवार च ग्रपनी-ग्रपनी थवीकै ग्रनुसार चौल, मांह्, लून, घ्यो, मूलियां ते कन्नै नगद पैसे मन्सिये पन्तें-परोह्तें ते गरीब-गुरत्रें गी दित्ते जन्दे न । धर्मध्याड़े स्राला लेखा गै अत्रैणी गी वी धियें-ध्यानें गी सम्हालेआ जन्दा ऐ। व्होई दी कुड़ियें गी जां ते सौह्रे दा सह्या जन्दा जां पही उंदे सौह्रे चौल, दालीं, फल-फरूट टल्ले ते नगद रपेऽ भेजे जन्दे ।

डुग्गर दे किश खास तीर्थ-थाह्रे जियां परमण्डल, शुद्धमहादेव, मान-सर, देवका ते उत्तरबैह्नी म्रादि थाह्रें पर लोक स्नान करन जंदे। इस दिन इनें थाह् रें पर धार्मक मेले दा गुहाड़ नजरी स्रींदा ऐ।

शिवरात्री: —शिवरात्री दाध्यार माघ म्हीने कृष्ण पक्ष दी चौदेश्रा गी औदा ऐ। इस दिन भगवान शिव दा बक्ख-बक्ख रूपें च पूजन कीता जंदा ऐते एह् शिवें दी ग्रपार शक्ति दा प्रतीक ऐ।

इस ध्याड़े लोक पुरमंडल, उत्तरबैह्नी, सुद्धमहादेव दे शिवमन्दरें च शिवों दे दर्शन ते पूजा लेई जन्दे न । जम्मू शैह्रा च वी पञ्चवक्तर, रणवीरे-श्वर ते पीरखोह् दे शिवस्थानें पर मेले वी लगदे न ते राती-लै शिव-पार्वती दे ब्याह् दा कार्यक्रम बी चलदा ऐ जेह्दे च लोक बड़ी दिलचस्पी कर्ने भाग लैंदे न ।

कश्मीरी पंतें दा एह् सारें कशा वड़ा ध्यार होंदा ऐ। केई रोज पैह्लों गै लोक इस ध्यारै लेई सम्यान किट्टा करदे ते ते ग्रारियां करन लगी पौंदेन। इस रोज एह् लोक अपने मित्तरें ते रिश्तेदारें गी धामां ग्राखदे ते ममारखां दिन्दे ते सिज्जे दे खोड़े दा नवेद वी वंडदेन। खाने-पीने दे कर्नी-कर्नी शिवें दी पूजा गी बी बड़ी म्हत्ता दित्ती जन्दी ऐ ते ग्राम कश्मीरी पंत इस दिन शिवें दी 'चार-पूजा' करदेन।

होली: ---फगगन म्हीने दी पुन्नेग्रा गी होली दा ध्यार सारे प्रदेश च बड़े जोश-खरोश ते हिरख-प्यार कन्नै मनाया जन्दा ऐ। रंग-गुलाल दा एह. ध्यार ग्रापसी हिरख-समोध ते भाई-चारे दा परतीक ऐ। इस दिन लोक ग्रपने रिश्तेदारें ते दोस्तें मित्तरें हे घर होली खेढन जन्दे न। डोगरी लोकगीतें ते इस चाल्ली ग्रस दिक्खने आं जे डुगगर च प्रचलत पर्वे-ध्यारें ते बर्ते-नतें च बी धर्म दी भावना गै कम्म करदी ऐ, जेह् ड़ी मौके-मौके सिर समूलची जनता गी ग्रपने कर्तब्वें बारें सोह्ग्गा करदी रींह्दी ऐ।

खीर च एह ् श्राखना बधीक नेई होग जे डुगगर दी संस्कृति ते धर्म नेह ्उदारणील न, जिन्दी बचारधारा सदा गै श्रनैकता च एकता ते भेंदें च अभेद स्थापत करने दी हामी रेही ऐ। कुलदेवतें, कुलबैतियें, देवी-देवतें ते शक्ति दे अनेक रूपें च डुगगर-वासी इक्कै परमात्मा दे दर्शन करदे न ते इतें स'ब्बनें देवी-देवतें गी उस परम शक्ति परमात्मा दा गै रूप समझदे होई अनेक-ईश्वरवाद दी धारणा च इक-ईश्वरवाद दा सुर भरी ओड़देन। ब्रोह बह्मा, विष्णु, गणेश म्रादि देवतें गी उस्सै प्रभु दा म्रंश मनदे होई गलांदे न :—

तुस शम्भु, तुस विष्णो, ब्रह्मा, तुस गै कृष्णमरारी। महाराज सुश्रारै काज प्रभु तुस श्रो बलकारी।।

एह दे लावा थाह रें-थाह रें वने दे धार्मक स्थानें, मन्दरें, चित्तरकारी दे नमूनें ते दुएं अवशेषें थमां वी दुग्गर-वासियें दे धार्मक बचारें वारें बड़े सबूत थहोंदे न। इत्थूं दे वसनीक परमात्मा दी सत्ता गी सिर्फ देवी-देवते दे रूपें च गै नेई पूजदे, बित्क गौ आदि पशुएं, तुलसी ते वड़ वगैरा रुक्खें बूह टें, नागें, ग्रग ते पानी वगैरा दे रूपा च उसदी कुदरत दे प्रति बी नतमस्तक होंदे न, जिन्दी छाप दुग्गर च गै नेई सारे भारत दे धर्में उप्पर ल'बदी ऐ।

डुगगर दे मेले ते ध्यार

विश्वनाथ खजूरिया

मेले ते ध्यार साढ़े समूलचे जीवन लेई सबैह्र मते जरूरी न। जिस चाल्ली थनके-हुट्टे दे णरीरें लेई वसांड करने दी लोड़ होंदी ऐ, इस्सें चाल्ली जीवन दी जही-जह्र द ते दौड़ो-दौड़ी च बिच्चें-बारें मन परचाने ते जि दगी दी तलखिएं च थोड़ी-मती चासनी, रोग्राल रंगीनी ग्रानने लेई बड़ी सुझदी आले साढ़े बजुगें मेले ते ध्यार मनाने दी पिंध पाई ही। "हमारे पर्व ग्रीर त्योहार" दे लेखक ची. हरिहर सिंह ने इस बारे च लिखेदा ऐ जे—"साढ़ा जीवन-चक्कर घम्यारें दे चक्के ग्राला लेखा चलदा ऐ। जहूं कदें चलदे-चलदे इस चक्के दी चाल दना मट्ठी पौंदी ऐ तां परजापत (घम्यार) ग्रपने डंडू कन्ने चक्के गी दना-भर सोआकी दिंदा ऐ ते चक्का पही ग्रपनी चाल पकड़ी लेंदा ऐ। बस इस्सें चात्ली ए पर्व ते ध्यार मनुक्खी जीवन च ग्रीने ग्राली सिथलता गी दूर करदे न।

इनें ध्यारें दी दीलत अपनी संस्कृति ते जद्दी परम्परा कन्ने साढा सरबन्ध जुड़ेग्रा रौंह दा ऐ। इन्ना गैं नेई मेले, ध्यारें करी साड़े गरीबड़ें जीवन च भांएं थोड़े चिरैं लेई गैं की नेई सेही पर, इक ब्हार ते रंगीनी जरूर गैं ग्राई जन्दी ऐ।

नमें टल्ले ते पकोग्रान, मठेयाइयें दी मौज। बंगें, गजरें, लुरक्, परांदें लाने ते डोह्ले झूटने दी शींक इनें मेले, ध्यारें च गै पूरी होंदी ऐ। कुसै प्हाड़ी-ग्राई मेले च श्रज्ज बी इस गल्लै दी तसदीक होई सकदी ऐ।

इनें मेले, ध्यारें दी चर्चा करदे होई पं. जवाहर लाल नेहरू होरें 'भारत दी खोज' च इक थाह्र लिखे दा ऐ, '... किश लोक मेले, ध्यारें

पर होने ग्राले खर्च बार अंतराज करदे न जे, इस चाल्ली गरीब लोक ग्रक्तर खाह्-मखाह् करजे हेठ दबोई जन्दे न। पर ग्रस उन्दे कन्ने इस गल्ला इकमत्त नेई होई सकदे, की जे दूर ग्राएं च बस्सने ग्राले गरीब मैह नत कण लोकों दा जीवन मरुभूमि ग्राला लेखा बे-रौनक ते सुनसान-जन होंदा ऐ, जिस च ध्यार ते मेले ग्रादी नखिलस्तान (मरुद्वीप) ग्रांगर ताजगी ते तरौट पैदा करदे न। ग्रो लोक इनें मौकों नमां टल्ला लाई लैन, दौं जलेबियां, शक्करवारे जां दिलिभिस्तू दी मिक्कर चक्खी लैन ते इस चाल्ली इक ध्याड़ी जीवन दी 'ऐश' लेई लैन तां इस च ना-मुनासब जां बुराई ग्राली गल्ल बी केह ऐ?

जिनें दिनें ग्राग्रो-जाई दे साधन बड़े घट्ट हे तां लोकें दा ग्रपने सज्जनें-मित्तरें, नातें-साकें कन्ने मेल-मलाप इनें मेले-मसाधें च गै होई सकदा हा ते इस चाल्ली इस विशाल देसै दे लोकें च समाजी मेल-मलाप कराने दा इग्रै इक साधन हा। इस चाल्ली दे समागमें लेई 'मेला' शब्द कैसा यथार्थ रखेग्रा हा, कुसै सुझदी ग्राले ने।

इनें मेले मसाधें च कारीगिरें गी ग्रंपनी घरेलू दस्तकारियें दी नमें ज लाने दा मौका मिलदा ऐ। लोकें गी ग्रंपले मेले तोड़ी दी ग्रंपनी लोड़ें दे घड़े, चग्घरे, चाटियां जां टोकरे-चंगरां जां लोहारिकयां, तरखानिकयां चीजां खरीदने दा मौका मिलदा ऐ। रामायण ते महाभारत काल कणा ते जायद उस कणा बी पैह ले थमां इनें मेलें, ध्यारें दे ग्रंग-संग गै घरेलू दस्तकारियें उस कनत पणुएं ग्रादि दी नमैणां लगने दा रवाज बी चलदा ग्रावा करदा ते उन्तत पणुएं ग्रादि दी नमैणां लगने दा रवाज बी चलदा ग्रावा करदा ऐ ते दंगल-छिं जां क्वकड़-भिडडुएं दी लड़ाई, घोड़सवारी ग्रादि दे मुनावले बी होंदे ग्रावा करदे न, जिसकरी लोकें गी जन-जीवन दे हर क्षेत्रें च तरक्की करने दी प्रेरणा मिलदी ऐ।

ए मेले, ध्यार साढ़े डुग्गर देस जां भारत तोड़ी गैं सीमत नेईं। इंदे कन्ने रलदे-मिलदे ढंगैं दे मेले, मसाधे लगभग सारे संसारें च लगदे न। जापान, मलाया, इंडोनेशिया आदि देसें च साढ़े ग्राला लेखा गैं बसन्त ते केई दूए उत्सव मनाए जन्दे न। जिंदे बारे च मण्हूर देशभगत ते सेनानी राजा महेंद्र प्रताप होरें 'ग्रार्य पढ़ित' नां दी पुस्तक च इस गल्लै दा हवाला मिलदा ऐ, जे मध्य योरप दे केई देसें च साढ़े लोह ड़ी दे ध्यार कन्ने रलदा-मिलदा सिंदएं दा इक ध्यार मनाया जन्दा ऐ। ग्रंग्रेजी दे मण्हूर निबंधकार

चार्लस लैम्ब ने 'ग्राल फूल्ज ए डे' (All Fools A Day) नां दे लेख च इंगलिस्तान दे जिस ध्यारै दा सुन्दर वर्णन कीता दा ऐ, ग्रोह, साढ़े लोह, डी दे ध्यारै कन्ने किन्ना रलदा-मिलदा ऐ।

समाज शास्त्र ते सभ्यता-संस्कृति दे क्षेत्र दे संसार भर च मन्ते दे विद्वान Sir W. M. Jones ने "History of the Primitive world" च लिखेदा ऐ:—

"If the festivals of the old Greeks, Persians, Romans and Egyptians could be arranged with exactness in the same form with the Indians, there would be found a striking resemblance among them and a comparasion of them might throw great light on the religion and perhaps the history of the Primitive world.""

(यूनान, इरान, रोम ते मिस्न म्रादि देसें दे प्राचीन ध्यारें गी जेकर भारत दे मेले-ध्यारें दे बरो-सरी रिवखयें बरीकी कन्ने दिक्खेम्रा जा, तां इस गल्लें पर बड़ा चवात बझोग जे इन्दा आपूं-बिच्चें किन्ना नेड़मा मेल ते सरबन्ध ऐ। ते उन्दी तुलना करने पर प्राचीन संसार दे धर्म ते इतिहास बारै किशा नमें तत्थ बी साढ़ें हत्थ म्राई जाङन)

साढ़े डुग्गर देसे च हिन्दू-मुसलमान, सिक्ख, इसाई ग्रांदि सब जातिएं दे लोक बसदे न, ते इनें सारें दे किश सांझे ते किश जुदा-जुदा ध्यार वी हैन। हिन्दुएं दे ध्यारें बारें कुसें बजुगेंं बड़ी दिलचस्प गल्ल गलाई दी ऐ, जे सारें साल च ग्रो ध्याड़े बड़े घट्ट होङन जद्ं कोई न कोई बरत-ध्यार नेईं होग। पहीं मौसमी लेहाज कन्ने: 1. स्यालें दा ध्यार लोह् ड़ी, 2. बसैंत हतें दे दों ध्यार, बसन्त पंचमी ते होली। गिंमएं दे बसोग्रा', निर्जला एकादशी ते धमदेंह् 3. बरसांती मिंजरें दा ध्यार, नाग पंचमी, द्रबड़ी ते बच्छ दोग्राह् न। रक्खड़ी ते शुरू स्याले दा दुसैंह्र्रा ते देआली ग्रांदि ऐसे ध्यार न जिन्दे सुखने लोकें गी मता चिर पैंह् लें गैं ग्रान लगी पौंदे न।

शास्त्रें: 1. रक्षा बन्धन गी ब्राह्मणें दा, 2. दुसैंह् रे गी क्षत्रिएं दा, 3. देग्राली गी वैशयें दा ते 4. होली गी शूद्रें दा ध्यार मन्ने दा ऐ। पर पुरानी वर्ण-बवस्था दे बन्धन मते ढिल्ले होई जाने करी हून एकड़ी हद्द-बन्धी काफी हद्द तोड़ी सिथल होई चुकी दी ऐ, ते हून सब लोक इत्थें तोड़ी

जे सिक्ख ते मुसलमान वी इन्दी लैह्रें च ग्राई सकदे न। साढ़ै किश ध्यार-मेले बीर-बलिदानियें दी सच्ची सम्हालै च उन्दी समाधें पर लगदे न, जियां झिड़ी च बावा जित्तमल दी समाधी पर नवम्बर म्हीने दी पुन्नेग्रा पर। इंयां गै धार-उधमपुर रोड़ लागै थडा कल्याल नां दे सुन्दर थाह् रै पर बुग्रा भागां दी समाधी पर, जून म्हीनै ते ग्रखनूरै लागै वावा मेईमल्ल दे थाह्रै पर बी जून म्हीनै गै मेला लगदा ऐ। बावा श्रम्बो दी समाधी पर मेला उत्तरायण ग्राले ध्याड़ै ते रजौरी दे महान बीर बन्दा बैरागी ते भद्रवाह दे जूरवीर ते ग्रात्म सम्मानी राजा नागपाल दी मुच्ची सम्हाल च 'पट्ट-भेला' लगदा ऐ।

इन्दे ग्रलावा इस पवित्तर धरती पर कणी ग्राले मुसलमान पीरें ते हिन्दू सिद्ध जोगियें दी समाधियें ते मजारें पर बी हर व'रै मेले लगदे न ते देवतें दे थान्नें परा किश जात्रां बी चढ़दियां न ।

ग्रपने मेले मसाधें ते ध्यारें बारै गल्ल-कत्थ ग्रस विकमी सम्मत ग्रनसार व्योरै कन्ने शुरू करने आं।

बसाखी: नमें साल ते हाड़ी दी फसल तेग्रार होने दी खुणी च वसोए जा वसाखी दा ध्यार पैह्लें ग्राला लेखा गै हुन बीं वंड़ी हुब्ब ते उमंग ते जोश कन्ने मनाया जन्दा ऐ । लोक ग्रपने-ग्रपने रंग च इसगी मनांदे न । धर्मी लोक इस रोज सवेरै निदयें ते सरें पर स्नान करंदे ते तीर्थें ते देवस्थानें पर देव-दर्शनें ग्रास्तै जन्दे ते दान-पुन्न करदे न । इस शुभ ध्याड़ै जम्मू शैह्रै च नैह्रै पर ते केई देवस्थाने पर मेले लगदे न । नैह्रै पर मिट्टी दे भांडें ते हलवाइएं दी हिट्टएं पर खास रौनक होंदी ऐ।

लोक श्रपने साक-सरबंधिएं दै नमें साल दी मबारक ते मठेग्राई दे डब्बे दिंदे न । नैह्रै पर ते लागे दी बस्तिएं च भांगड़े पौंदे न । जम्मू लागे नागबनी नां दे थाह्रै पर बसाखी दे त्रिए रोज भोंगा पीर दे थानै लागै बड़ा मेला लगदा ऐ, जिस च ग्राले दोग्राले दे ग्रांएं दे सैकड़े बढ़े लोक ग्रींदे न। पीरै दे थान्नै पर जात्तर होंदी ऐ, लोक चढ़ादे ते सुक्खनां चाढ़दे न । इत्यें डुग्गर देसें दी धर्म निर्पेखता, जां श्रापसी भाईबंदी दी बड़ी शैल मसाल मिलदी ऐ। हिंदू-मुसलमान इक्के चाल्ली भोंगे पीरै दी मानता करदे न। बमार ते बे-लोग्राट लोक सुक्खनां करदे न । डंगै दे बी इत्थें राजी होई जंदे न ।

नागवनी दा ए मेला धिङ-बसोम्रा खोम्रांदा ऐ। इत्यूं दा भांगड़ा बड़ा

मश्हूर ऐ। इस भांगड़े च पंजाबी भांगड़े वाली शोखी ते भड़क फड़क नेई ल'बदी। ए स्हाड़े इलाके दे गरीबड़े करसानी जीवन दी तस्वीर पेश करदा ऐ। उधमपुर दा बसोए दा मेला बी बड़ा मश्हूर ऐ। ए मेला देवका दे कंढे लगदा ऐ। ग्राले-दोग्राले दे पिंड दे सँकड़े बढ़े लोक देवका ग्रशनान दा महातम, मेले दी व्हार, उन्नत पशुएं ग्रादि दी नमैंश, ते भांगड़ा ते प्हाड़ी नाच दी रौनक ते फिल्मी शो ग्रादि ते डोह्लें ग्रादि दी सोग्रारी दी मौज वी लैंदे न।

रामनगर दे बसोए दे मेले दी बी बड़ी रौनक होंदी ऐ। ए मेला बै दिन रोंह्दा ऐ। बसोए ग्राले ध्याड़ै रामनगर क्या 4-5 किलोमीटर उत्तर पास डालसर ग्रांच ते ग्रगले रोज नग्गर दे दब्बड़ै च सितए दी समाधी सामने, ते त्रिए रोज नग्गर थमां बै कि. मी. दक्खन नौजिया मेला लगदा ऐ। इनें मेलेंच प्हाड़ी लोकगीत बड़ी मौज ब'न्नदेन। ग्रगले रोज रामनगर दे दब्बड़ै च बड़ी भारी छि'ज होंदी ऐ, जिस च हिस्सा लैंने लेई मुकामी पह लवानें ग्रलावा पंजाब तोड़ी दे पह लवान वी ग्राँदेन।

कटूए कशा लगभग 45 कि. मी. चढ़दी भैठा बलौर ना दा प्राचीन नगरोटा ऐ, जेह्ड़ा नाज नाले दे कण्ढे इक प्हाड़ी दी गोद च बस्से दा ऐ, जिसदा हवाला राजतंरगनी च बल्लापुर नां कन्ने श्रींदा ऐ, इत्थे बी विल्लकेश्वर (जां हरीहर) मंदर लाग वसाखी उप्पर त्र रोज ग बड़ा भारी मेला लगदा ऐ। इस प्राचीन मदर बार लोके च इक विश्वास चलदा ग्रावा करदा हा जे, इसदी बाह रली ड्योढी दी कोई इट्ट किरी पौंदी तां ए बड़ी भारी बदसगनी ते राजघराने च कुसै ना कुसै दी मौती दा ग्रागम समझेग्रा जन्दा, पर ग्रज्ज नां राजे गै रेह, ते नां गै ग्रं ड्योढी। इस मेले च कठुग्रा ते भड़डू-वसोह ली ग्रादि पासे दे प्हाड़ी इलाके दे वेशुमार लोक शामल होंदे न। दिने प्हाड़ी गीतें ते रातीं 'ढेकू' ग्रादि नाच होंदे न। सरकारी तौर पर उन्तत पशुएं ग्रादि दी नमैश वी लगदी ऐ।

बलौरै ग्राला लेखा बसोह् ली दे नीलकैंठ महादेव मन्दरै सामनै बी वसोए दा मेला लगदा एं। इस मन्दरै दे शिविलग कन्ने ग्रज्ज बी लोकें दी बड़ी श्रद्धा एं। आखदेन ए लिंग नीलम दे रंगै दा हा। इस्सैकरी नीलकैंठ महादेव होआंदा ते किश्तवाड़ दे शाही मन्दरै च स्थापत हा। इस बारै मण्हूर हा जे इस विच्चा दिक्खने ग्राले गी ग्रपने पैह्ले जन्म दी शकल सूरत ल'वदी ही । इक दिन किण्तवाइ दी रानी ने इस विच दिक्खेया तां उसगी इक बांदरी दी सूरत ल'व्बी । गुस्से च रानी ने लिंग ग्रग्गी च छंडी सुट्टेग्रा, ते इसदा रंग काला फिरी गेग्रा । किण्तवाइ गी इसदा कोप लगा ते उत्थें बड़ा भारा काल पेग्रा । बसोह्ली दे नामी राजा भूपतपाल (1573—1635 ई.) ने किण्तवाड उप्पर हमला करिये उत्थोग्रां दी राजकुमारी ब्याही आंदी ते नीलकंठ महादेव दा लिंग बी उत्थोआं ग्रानिये ग्रपने मन्दरें च उसदी स्थापना कीती।

उस मेले च लोक नीलकंठ महादेव ग्रागों सुक्खनां सुखदे ते चढावे ृचढांदे न । इस मेले च हट्ट-बनी तोड़ी दे लोक ग्रींदे न ते रावी पारें देवी।

कठ्था नगरें दे पच्छम च नगरी-पड़ोल लागें ऐरमां नां दे ग्रां च इक बड़ा प्राचीन शिवमन्दर ऐ, जिसदे बारे च गलांदे न जे चौथी सदी ई. च महाराजा बिक्रमादित्य ने इसगी बनवाया हा। किश लोक एबी गलांदे न जे कदें इस थाह रैं लागें इरावती (रावी) नदी वगदी ही, इसकरी इसदा नां ऐरमां पेई गेग्रा। ऐरमां दी बासमती दे चौल बड़े मण्हूर न ते इत्थूं दे शिव मन्दरैं दी दूरैं तोड़ी मानता ऐ।

इस्सै मन्दरै लागै वसाखी दा बड़ा भारी मेला लगदा ऐ। इत्थूं दे ग्रम्बे दे बागै च सैंकड़े हिट्टयां ते स्टाल लगदे न। बुढ़ी-बरवाल कोला अम्बे दे बागै च सैंकड़े हिट्टयां ते स्टाल लगदे न। बुढ़ी-बरवाल कोला लेइयें कठ्ग्रा-पड़ोल ते उज्झ पारै थमां हजारां लोक उत्थें ग्राँदे न। भांगड़े आलियां केई मण्डलियां वी ग्रपनी कला दा कमाल दसने लेई ग्राई दियां शिदयां न, जिंदा मुकावला होंदा ऐ ते इनाम बंडोंदे न। उन्नत पशुएं ते होंदियां न, जिंदा मुकावला होंदा ऐ ते इनाम बंडोंदे न। उन्नत पशुएं ते केई दस्तकारिएं दी नमैश लगदी ऐ। दंगल ते भिड्डूएं दी लड़ाई दा मुकावला बी होंदा ऐ।

इनें मेलें दे अलावा होर केई थाह् रें बी बसोए दे निक्के-मुट्टे मेले लगदेन।

मानसर झील जम्मू कशा 48 कि. मी. चढ़दी बक्खी ऐ। सैल-सपाटे लेई ए बड़ा सुन्दर स्थान ऐ। बसाखी उप्पर उत्थें बी त्रै दिन मेला लग्गा रौंह्दा ऐ। सरै दे बंढें इक शिला ऐ, जेह्ड़ी नाग देवते दा पिवत्तर स्थान मन्नेग्रा जन्दा ऐ। किश लोक इत्थें जागतें दे मूनन करदे न ते सुक्खनां सुखदे न। मेले च आए दे लोक इस सरै दी परदक्खनां लैने दा बड़ा म्हातम समझदे न। नमें ब्योहे दे लाड़ी-मह्राज त्रै-त्रै परदक्खनां लैंदेन। सरै च शनान करने दा बी बड़ा म्हातम मन्नेश्रा जंदा ऐ। बड़ी दूरा-दूरा लोक इस मेले च ग्रींदे न। सरै चबक्खी हिट्ट्यां लगी दियां होंदियां न। ढोलें दे डगे, बौंसरिएं दियां तानां भांगड़े ते गीते दी भ खें कन्ने त्रै दिन इत्थें मौज बज्झी दी रौंह्दी ऐ ते उग्रां बी साल भर श्रद्धालु लोक इत्थे ग्रींदे रौंह्दे न।

पुरमंडल बी बसीए दा बड़ा भारा मेला लगदा ऐ। इतिहास साखी ऐ जे सोलह मीं सदी दे शुरू च गुरु नानकदेव होर बसीए दे मेले च इत्थें आए है। महाराज रंजीत सिंह ते अकबर बादणाह दे जरनेल राजा मान सिंह दे इत्थें भ्रीने ते देवका नदी च भ्रशनान करने दा बी हवाला मिलदा ऐ। पुरमंडल दे मेले दी मौज ते देवका अशनान दा म्हातम, ए दौंऐ लाह इस मेले च थहोंदे न।

इंदे ग्रलावा रेग्रामी, रामवन ते ग्रखनूर, बगैरा केई होर थाह्रें वी बसाखी दा मेला लगदा ऐ।

बसाखी परेंत्त जेठ म्हीने दी पुन्नेग्रां गी सुद्धमहादेव दे प्राचीन तीर्थं स्थान पर बड़ा भारा मेला लगदा ऐ, जेह ्डा त्रै दिन तगर चलदा ऐ। इस मेले च तसील रामवन रामनगर, उधमपुर, जम्मू ते पंजाब-हरियाणा थमां बी हजारां लोक ग्रौंदे न। प्हाड़ी नाच ते लोकगीतें दी सम्हाल लोकें गी चढ़दे जेठ गें खुत-खुती लाई दिन्दी ऐ। पिवत्तर देवका च शानान करिये यात्रु लोक शिवें दे दर्शन करन शिवालय जन्दे न। सुनने च ग्राया ऐ इस शिवालय दी मानता दक्खन तोड़ी बी पुज्जी दी ऐ। शिव मन्दर्र अन्दर स्वयंभू शिवलिंग ते काले पत्थर दी नंदी पर सोआर शिव-पार्वती दी बड़ी सुन्दर मूरती बराजमान ऐ। मन्दर्र बाह्र लोहे दे बड्डे भारे तरसूल दे त्रै टुकड़े धरती च गडोए दे न। ग्राखदे न, सुद्धमहादेव दे भुरदाड़ नां दे टिल्ले उप्पर तप करदे शिवजी ने गौरी दी पुकार उप्पर एकड़ा बज्ज-तरसूल सुधोत नां दे दैत्य उप्पर चलाया हा। इस तरसूल दे इक टुकड़े पर जेहरड़े अक्खर उक्करे दे न, ग्रोह गुप्त काल दी बाह्मी लिपि मिथी गेदी ऐ।

मेले च ग्राए दे लोक पापनाशनी बौली च ग्रशनान ते लाग दुर्गा मंदर च माता भगवती दे दर्शन बी जरूर गै करदेन।

शुद्धमहादेव कशा लगभग 18 कि. मी. चढ़दी भेठा ते लगभग

2000 फुट दी उंचाई उप्पर देह्रा नां दे थाह्र, इक निक्के सारे सरैं कंढें सौन म्हीने दे त्रिए तार बाह्रें इक प्हाड़ी मेला लगदा ऐ। इस सरै दी चबक्खी निक्के-निक्के प्हाड़ी किंगरें बशकार एह् सर डूठी दे फरोजी नगीने ग्राला लेखा ल'बदा ऐ, सरैं न बरेग्रां जड़ी छाई दी ऐ। ग्राखदे न जे कदें-कदें सरैं च इक काला नाग निकलदा ऐ, जिसदे सिरैं उप्पर इक निक्का सारा चिटटा नाग बैठे दा होंदा ऐ। इसगी लोक "भुरदाड़" देवता करी मन्नदे न ते इसै दे नां उप्पर इत्थें मेला लगदा ऐ। सरैं कंढें इसे नागें दी मूरती बनी दी ऐ ते उसदे कच्छ गैं काले पत्थरें दी $2\frac{1}{2}$ '×2' शिव पार्वती दी बड़ी सुन्दर मूरती वी ऐ।

इस मेले च डुड्डू - बसैंतगढ़, कुद्द-बटोत ते तसील भद्रवाह् तोड़ी दे लोक सुक्खनां देन ग्रींदे न । पैंह्, लें लोक कुक्कड़ें दी बिल दिदे हे, पर हून किश लोकें कडाह् जां मिट्ठे बब्बरें दी बिल देनी शुरू करी दित्ती ऐ। सरें कढ़ें, मेले पर सेऊ-नाखें, मठेग्राई ते मनेग्रारी दियां केई हिट्ट्यां लग्गी दियां होंदियां न । मेला शुरू होंदे गैं मरमती पासे दा भुरदाड़ देवते दे चेल्ले दी जातर ग्रींदी ऐ। चेल्ला लोकें दे कण छांटदा ऐ, सोग्रालिएं गी धागे मैंत्रियें दिदा ऐ। उस्सै रोज संजां मेला मुक्की वी जंदा ऐ।

सिद्धसोग्रांखा: जम्मू पठानकोट सिड़के पर जम्मू कशा 24-25 कि. मी. पर सोग्रांखा मोड़ कशा 8-9 कि. मी. पच्छम च सिद्धसोआंखा नां दा पिवत्तर थान ऐ। इत्थें हाड़ म्हीने दे पैह ले ऐतवारें सिद्धगोरिया दी समाधी पर भारी मेला लगदा ऐ, जिस उप्पर ग्राले-दोग्राले दे इलाके दे इलावा जम्मू, पंजाब ते हरियाणा दे केई सैकड़े लोक जमा होंदे न। बावा सिद्धगोरिया गुरु गोरखनाथ दा चेला ते वड़ी करनी ग्राला सिद्ध होई गुजरेग्रा ऐ। उसदे चमत्कारें बारें केई कर्त्था मण्हूर न। बावे दी समाधी कन्ने गै इक कच्चा तलाऽ ऐ, जिस च छाल मारियें सिद्धगोरिए ने अपना शरीर छोड़िग्रा हा। लोकें दा विश्वास ऐ जे इस तलाऽ च सनान करने कन्ने केई रोग दूर होंदे न। मेलिएं गी दोधी मिटटी दा जेकड़ा प्रसाद इत्थें मिलदा ऐ, ग्रीवी कई रोगें दी दवाई समझी जंदी ऐ।

ड्ग्गर दा चैतर-चौदेग्रा दा मेला बी बड़ा मश्हूर ऐ। एह. मेला चैतर म्हीने दे न्हेरे पबखे दी चौदेआ गी निंदए ते सरें कढ़ें लगदा ऐ। बसोए दे मेले आला लेखा गैं जम्मू शैंह् रैं दे इलावा, पुरमंडल, उत्तरबैंह् नी, उधमपुर, सुद्धमहादेव, रामनगर, ऐरमां, मानसर ते रियासी च चन्द्रभागों कंढ वी ए मेला लगदा ऐ। मनसा देवी ते विन्द्रावन नां दे दौं नाल दे सर्गेम उप्पर मनसा देवी दा वड़ा रौंसला स्थान ऐ। मनसा देवी नागें दी देवी ऐ। मते करी जनानियां गैं इस मेले च ग्रौंदियां न। चैतर-चोदग्रां गी नाले च ग्रानान करिये ग्रपने वाल-वच्चें ते माल-वच्छें दी सुख-सलामती दी सुक्खनें करदियां न।

नरातें च जम्मू शहर च बाह् वै अश्टमी ते रामनौमी दा बड़ा भागी मेला लगदा ऐ। इसदे अलावा जित्थें-जित्थें दुर्गा भगवती दे भौने हैन, उत्थें गैं अश्टमी ते रामनौमी गी बड़े भारी मेले लगदे न। साम्बे कच्छें चीची देवी दे थान्नै पर नरातें दी अश्टमी ते नौमी गीं बड़ा भारा मेला लगदा ऐ, जित्थें बाकी संकड़े लोकें अलावा महाजन लोक खासकरी और न। कठुए लागें पड़ोल च बाल सुन्दरी दे मन्दर अग्गें अर्थ दिन बड़ो भारीं मेला लगदा ऐ। हवन ते यज्ञ बी होंदा ऐ।

सुकराला ग्रां बलौरं कशा 9-10 कि. मी. धारें दी बक्खी ऐ। इत्थें इक प्हाड़ी उपपर म'ल्ल देवी जां सुकराला माता दा बड़ा सुन्दर मन्दर बने दा ऐ। मन्दर अन्दर पित्तलू दे शेर पर सोआर माता म'ल्ल दी सुन्दर मूरती ऐ। ते उसदे पिच्छें काले पत्थरें दी अट्ठभुजी देवी दी ग्रादमकह मूरती महिशासुर राक्षस दी लाशें उपपर खड़ोती दी ऐ। इत्थें बी स्याले ते गिंमए दे नरातें च मेले लग्गे दे रींह् दे न। दूरा-दूरा दा सैंकड़ें बद्धे भगत इत्थें ग्राँदे, सुक्खनां सुखदे ते मुरादां पांदे न।

किशतवाड़ थमां 20 कि. मी. दूर सरथल थाह् रैं उप्पर सरथला देवी दी ग्रठारांभुजी देवी दा बड़ा प्राचीन मन्दर ऐ। रस्ते दी कठिनाई दे बावजूद जम्मू-कश्मीर, हिमाचल ते पंजाब थमां हजारां यात्रु इत्थें ग्रौंदे न। नरातें च बड़ा भारा मेला इत्थें लगदा ऐ। लोकें दा विश्वास ऐ जे सरथल देवी वे-लोग्रादें गी संतान दिदी ऐ। मुराद पूरी होने पर लोक गांदे-वजांदे ते नचदे देवी दे दरबार जन्दे न।

इन्दे ग्रलावा शिवरात्री दे ध्यार पर जम्मू शैह्रै च रणबीरेश्वर ते पंजवकतर दे शिव मन्दरें च ते पीरखोह् बड़े भारे मेले लगदे न । ते बलौर, परमण्डल, ऐरमां, बसोह्ली (नीलकंठ मन्दर) ग्रखनूर (कामेश्वर मन्दर), रेग्रासी च पौनी कशा 15 कि. मी. दे छिंडे पर इक रौंसली प्हाड़ी च शिव

खोड़ी नां दी शिवें दी बड़ी बिन्तर गुफा एँ। इसदे अन्दरले हिस्से च इक ग्राप्कान्म जिवलिंग ऐ। गुफा दी अन्दरली छत्ते उप्पर रंग-वरंगे मलेंम पर्यरे दिया ऐसिया आकृतियां बनी दियां न, जेह डिया सप्पें बांगर ल'बिदयां ने ते इक थीं हु रे गेंवे दे थैंने लेमक दे लबदे न। जिन्दे बिचा दोधिया पानी त्रिय-त्रिप चोंदा ऐ। शिवरात्री दे ध्यार पर इत्थें बी पीरखोह, आला लेखा बड़ी भारों मेला लगदा एँ।

वहा नार प्रता सारा है। है है है सन्दर्ग न । इसदा इक कारण एहं होई सकदो ऐ, डुग्गर बीर जोग्राने दा देस ऐ, ते नरसिंह पूजा इस बीर जीति दे जीवन कन्ने मेल खन्दी ऐ। इसकरी जम्मू, घगवाल ते रामनगर कसंवे च ते तसील रामनगरे च नै-चार थाह्रे नर्रासहें दे देवस्थान बने दे न, जित्थे वड़े भारे मेले लगदे न । हीरानगर कृशा 8-9 कि. मी. घरौंदे जरनैली सिड़कै कण्ढै घगवाल ग्रांच नरसिहें दा प्राचीन मन्दर ऐ। इत्थें जन्म-ग्रग्टमी ते मकरसंकान्ति पर वड़े भारे मेले. लगदे न। मकरसंकान्ति दे मेले पर भड्डू, बलीर ते रामनगर तसीलें दे सैकड़े लोक औंदे न ते इत्थें कम्बल ग्रादि प्हाड़ी दस्तकारिए दी मण्डी लगदी ऐ। नर्रासहें दा दूग्रा मण्हूर देवस्थान धार-ऊधमपुर सिड़कै पर मांडली कशा 9 कि. मी. दूर घोग ग्रांच बने दा ऐ। एह् बड़ी सत्या ग्राला थान ऐ ते इस बारे लिखनेजोगं गल्ल एह ऐ जे इत्थों दी पूजा, पिता-पुर्खी तौर पर हरिजन करदे ग्रावा करदे न । इस वारे इक दिलवस्य कथा मुह्-जवानी चलदी ग्रावा करदी ऐ। हर साल 13 पोह् ते जेठ म्हीने दी पुन्नेग्रां गी रथें दा वड़ा भारा मेला लगदा ऐ, जिस च जम्मू ते हिमाचलै थमां सैकड़े-बद्धे लोक ग्रौंदे न । रात भर लोकनाच ते लोकगीतें दी रौनक होंदी ऐ।

रामनगर कस्बे च पुराने मेह लें लागे नरिसहें दा प्राचीन मन्दर ऐ।
मन्दर च नरिसहें दी बड़ी सत्यावान पिड़ी ऐ। ग्राखदे न बंदराह लें दे राज
च एह पिड़ी नग्गर दे झिगले हिस्से—झिगली चौरी च बराजमान ही।
राजा सुचेतिसह ने ग्रपने मेह लें लागे इक मन्दर च इस मूरती दी
राजा कीती ही। इत्थें वी रथ दा मेला लगदा ऐ। रामनगर कणा
3 कि. मी. चढ़दी भेठा नाले कण्ढे गुरलांग नां दे थाह र पर नरिसहें दा
प्राचीन मन्दर ऐ। इत्थें 13 पोह गी रथ दा मेला लगदा ऐ। बे-लोग्राद
प्राचीन से सुक्खनां करदे न। इसदे ग्रलावा डालसर, रामनगतेर

उधमपुर सिड़के पर घगोट म्रादि देवस्थानें पर बी नरसिंहें दे मेले लगदे न।

डुग्गर देसे च केई बिलदानी महापुरश होई गुजरे न, जिनें वे-न्याई बरुद्ध अपनी बल दित्ती ही। जम्मू शैह्र्रै दी घरोंदी भेठा 18 कि. मी. पर झिड़ी नां दे थाह्र बावा जित्तो नां दे करसान श्हीदै दी सुच्ची सम्हाले च बावा जित्तो दी समाधी उप्पर कत्तक म्हीने दी पुन्नेग्रां गी इक हफ्ता-भर बड़ा भारी मेला लग्गा रौंह्दा ऐ। जम्मू दे श्रलाबा पंजाब, हरियाणा ग्रादि थमां हजारां-बद्धे लोक इत्थें सुक्खनां देन ग्रौंदे न । इन्दे अलावा उनें लोकें दी म्राल-लोआद बी इत्थें म्रौंदी ऐ, जेह् ड़े लोक बावा जित्तो ते उसदी धी बुग्रा कौड़ी ते उन्दे भाईबाल इस्सो मेघै दे बलिदानै लेई जिम्मादार हे। इनें लोकें दी स्रौलाद गी उस दर्दनाक घटना दे कारण भार 'चढ़दा' ऐ। लोक बावे दी समाधी पर खिचड़ी चाढ़दे ते छिल्लें दी वल वी दिंदे न। लागे गैं सामेचक्क बावे दा तलाऽ ऐ। इस च शनान करने कन्ने चमड़ी देते दूए केई रोग दूर होंदेन । झिड़ी देमेले पर पशुएं दी नमैश लगदी ऐ। छिं'ज होंदी ऐ ते सँकड़े हटि्टयां लगी दियां होंदियां न।

तसील ग्रखन्रै च काली धारा कच्छ 'डग्हेर' ते 'मल्लै' ग्राएं च हाड़ म्हीने दी पुन्नेग्रां गी झिड़ी आला लेखा गै बावा मेईमल्ल दी सुची सम्हाल च बड़े भारे मेले लगदे न। बावा मेईमल्ल बावा जित्तो दे समें च गैहोई गुजरेन। उनें बी बावा जित्तो ग्राला लेखा गै ग्रपनी बल दित्ती ही। (बे-न्याई दे वरुद्ध)

इस्सै चाल्ली मांडली ग्रां कच्छ थड़ां कलवाल नां दे थाह्र बुग्रा भागां नां दी इक वीरांगना ब्राह्ममनी होई गुजरी ऐ। स्रजीब इत्तफाक श्राली गल्ल ऐ जे बुश्रा भागां, बावा मेईमल्ल ते बावा जित्तो लगभग इक्कै समें च होई गुजरेन। बुग्राजीने भड्डू दे मुखिया दे मालिया बधाने दे हुकमै दा डिटर्य बरोध कीता ते इस्सै तनोतनी च ग्रपनी बल दित्ती ही। उन्दी समाधी पर हर साल जेठ म्हीनै मेल लगदी ऐ। म्राले- दोम्राले दे हर जाति दे करसान भाई बुम्रा जी गी श्रद्धांजली पेश करदे न।

इंयां गैरियासी लागै डेह्रा बावा बंदा नां दे थाह्रै पर ग्रमर श्हीद वंदा वैरागी दी समाधी पर लग्गने ग्राले मेले दा ग्रस पहुले जिकर याए यां।

तसील रणवीरसिंहपुरा च सिम्बल कैंप कशा 5-6 कि. मी. दूर

तवी दे कण्ढै 'थड़ा कलाली' उप्पर सिद्ध जोगी विरफानाथ दी समाधी पर
गुगा नौमी ग्राले रोज, हरिजनें (चम्यारें) दा बड़ा भारा मेला लगदा ऐ।
हरिजनें ग्रलावा दूई जाति दे लोक (हिन्दू-सिक्ख) करसान भ्राऽ वी इस
मेले च शामल होंदे न। मेले च बड़ा भण्डारा वी होंदा ऐ। (ग्राखदे न
कुसै जमाने च इत्थें इक नग्गर बस्से दा हा, जेह्ड़ा भुंचाल औने करी
तबाह् होई गेग्रा हा। उस मलवे दा गैं इक टिब्बा बनी गेदा ऐ, जेह्ड़ा
कल्वाली दा टिब्बा खोग्रांदा ऐ)

जम्मू-कशमीर म्राली जरनैली सिड़कै पर कुद्द कशा थोड़ी दूर पत्तनी टाप म्राली प्हाड़ी दे मूढ़ै कैंसलघूम कशा 2 कि. मी. चढ़दें 'भड़ोरा' नां दा इक बड़ा गैं रौंसला प्हाड़ी मुकाम ऐ, जित्थें चनैह्नी आला जगीरदार सैल-सपाटे लेई म्रौंदा होंदा हा। इत्थें "सार दी रातीं" (कत्याले दी पुन्नेम्रां गी) इक प्हाड़ी मेला लगदा ऐ, जिस च दूरा-दूरा दे प्हाड़ी लोक शामल होंदे न। सारी रात भर शरद पुन्नेम्रां दी चाननी च प्हाड़ी नाच होंदा ते प्हाड़ी लोकगीतें दी मैह्फल भखी रौंह्दी ही। सुनने च म्राया ऐ जे चनैह्नी दा जगीरदार म्रापू नाच च शामल होंदा हा।

भद्रवाह्-िकश्तवाड़ दे मेले-ध्यारें दी रौनक बाकी डुगार दे मेले-ध्यारें कशा घटट नेई । इनें मेलें गी प्हाड़ी बोली च 'कुड्ढ' जां 'जात्तरा' गलांदे न । इनें मेलें दी खास गल्ल एह् ऐ जे ग्रो ग्रकसर रातीं लगदे न ।

'मेला पट्ट' जां ''पटेरु कुड्ढ' भद्रवाह् दा बड़ा मश्हर मेला ऐ।
ए मेला कैलाश यात्रा दे सत्तें दिनें परेंत सौन म्हीनै, भद्रवाह् नगरें च गै
पुराने राजमैह्लें लागै वासुकी नागे दे मन्दरै च लग्गा रौंह्दा ऐ। इनें दिनें
पुराने राजमैह्लें लागै वासुकी नागे दे मन्दरै च लग्गा रौंह्दा ऐ। इनें दिनें
भद्रवाह् च बड़ी रौनक रौंह्दी ऐ। दूरा-दूरा दे हिन्दू-मुसलमान मेले च
भद्रवाह् च बड़ी रौनक रौंह्दी ऐ। दूरा-दूरा दे हिन्दू-मुसलमान मेले च
शामल होंदे न, सरकारी तौरा पर छुट्टी रौंह्दी ऐ। ए मेला उस "पट्ट"
जां रेशमी 'सरोपे' दी यादगार च मनाया जंदा ऐ, जेकड़ा भद्रवाह् दे
जां रेशमी 'सरोपे' दी यादगार च मनाया जंदा ऐ, जेकड़ा भद्रवाह् दे
जां रेशमी 'सरोपे' दी यादगार च मनाया जंदा ऐ, जेकड़ा भद्रवाह् दे
सम्मान दी भावना उप्पर खुश होइयै दित्ता हा। दिल्ली थमां परतोने उप्पर
राजा नागपाल ने ग्रपनी प्रजा गी किट्ठे करियै ग्रोकड़ा 'पट्ट" दस्सेआ हा।
एकड़ी नमैश त्रै दिन लग्गी रे'ई ही। उस्सै परम्परा च पिच्छले पंज सौ
सालें कशा ए शानदार मेला चलदा ग्रावा करदा ऐ।

इक्क भद्रवाई कवि—जान मुहम्मद 'तिश्ना' ने इस्स मेले दे बारे च

लिखेग्रा हा, जिसदा भाव इस चाल्ली दा ऐ :—

मेला—हर साल गर्मिएं च भद्रवाह् लगदा ऐ, जिसगी बुड्ढे-जोग्रान, जागत कुड़ियां दिखदियां न, बादशाह् गी झुकिये सलाम नेई कीती, ते नां गै राम-राम गलाई ही।

मेला त्रैव रोज सबेरे लो लगदे गैं शुरू होंदा ऐ, ते दिना घरोंदे तोड़ी चलदा ऐ। उस 'पट्ट'' गी नाग देवते दा चेल्ला परम्परा थमां चलदे आवा करदे राज गुरुएं दे घरा चुक्की आनदा ऐ ते वार्जें-गाजें कन्ने ते खड़े जलू से साथें मेले आले थाह्र पुजांदा ऐ। उत्थें भद्रवाही नाच 'ढेकू'' दा कुड्ढ दिन-भर चलदा ऐ। दिन घरोंदे ओह् 'पट्ट'' पही गुरुएं दे पुजाई दिता जन्दा ऐ।

भद्रवाह् दा दूश्रा बड़ा मेला भद्रवाह ् शैंह् रैं केशा 20122 कि भी दूर 'सुबर-धारा' लगदा ऐ। इत्थें नागराज वासुकी दे मन्दरें च काले पत्थरें दी मूरती बनी दी ऐ। भद्रवाह् दे बाकी सारे देवस्थानें श्राला लेखा गै एकड़ा देवस्थान बी स्यालें वंद रौंह्दा ऐ ते बसीए पर परती खु'लदा ऐ ते अदू इत्थें मेला लगदा ऐ ते ढेक्कृ दा कुड्ड पौंदा ऐ। नाचै कन्ने भांगड़े दी सद्दें बांगर गै बिच्च-बिच्च गीतें दे जेह्कड़े बोल चलदे न, उन्दे बिच्चा इक दा भाव इस चाल्ली दा ऐ:—

" मेरी जान्ने, सुबर धार मेलै जरूर करी पुज्जेश्रां, तां जे ठंडे-लम्मे स्यालै परैन्त मिगी तेरी नोहार ल'ब्बै "।"

कैलाश जां कपलास कुण्ड (कैलाशपित शिवें दा कुण्ड) भद्रवाह् कशा 24 कि. मी. दूर, इस्से नां दे पर्वत उप्पर 13000 फुट दी उंचाई पर ऐ। एह् कुण्ड कुदरती तौर उप्पर वड़ा सुन्दर ऐ। पर्वतें दे त्रै किंगरें वशकार ए नीलम दे नग ग्राली ङूठी-जन ल'वदी ऐ। श्री जे. एन. घनार होरें इक थाह्र ए लिखे दा ऐ जे, ''चाननी च इस कुण्ड दे ग्राले-दोग्राले दे पत्थर इंयां सेही होंदे न ग्रखचै योगी लोक समाधी लाइयै बैठे दे होन …।'' इस कुण्ड विच्चा तवी, उज्झ ते नीरू त्रै दरेग्रा निकलदे न। एह् यात्तरा भाष्टीं महीने दी तरयोस्ती गी चलदी ऐ ते भद्रवाह्र, किंग्तवाड़, उधमपुर, जम्मू ते हिमाचल ग्रादि थाह्र रें थमां सैकड़े-यात्र इस च शामल होंदे न।

श्री अमरनाथ जी दी पिवत्तर यात्रा आला लेखा गै कैलाश यात्रा दी छड़ी 'गाठा' दे वासुकी मन्दरै थमां सत्तें-सबेलें चलदी ऐ ते यात्रु लोक गांदे-वजांदे ते वासुकी नागै दे जैकारै बुलांदे सौ, संगां कुण्डै उप्पर जाई पुजदे न। काफी सर्दी होने करी यात्रु लोक कुण्डै दोग्राले थाह्र-थाह्र पुजदे न। काफी सर्दी होने करी यात्रु लोक कुण्डै दोग्राले थाह्र-थाह्र पितक्की-निक्की गुफें च ग्रग्ग वालिये भजन गांदे ते नचदे सारी रात जागरना करदे न। लो होंदे गै कुण्डै दे निर्मल ते ठडे-ठार पानी च शनान करिये ते वासक नागै दी पूजा करदे न, ते केई यात्रु ग्रपने पित्रे दे श्राछ-पिंड करिये पिछड़े परतोंदे न। कदें-कदें कुण्डै विच्चा इक नागै दे दर्शन बी होंदे न, जेह् ड़ा साख्यात नागराज समझेग्रा जन्दा ऐ। उसदे दर्शनें कन्ने यात्रु खुशी कन्ने सीस झुकाई लैंदे न।

कैलाण दी इस यात्तरा कन्ने इक मण्हूर पुराणक क्हानी दा सरबंध ऐ, जिस च बिण्णु भगवान दे वाह्न गरुड़ ते नागराज वासुकी दी लड़ाई दा ते ग्रखीर इस कैलाण कुण्ड च नागराज दे जाई छप्पने दा हाल दस्सेदा ऐ।

इस्सै चाल्ली दी इक यात्रा सुद्धमहादेव च, मुद्धी दे मेले कशा लगभग डिड्ड म्हीना बाद, ग्रगस्त च चलदी ऐ। एह यात्रा इलाके दी लुकाई ते उत्थों दे माल-वच्छे गी जोगनी दे कोप कणा बचाने लेई चलदी ऐ। पैह ले उत्थों दे माल-वच्छे गी जोगनी दे कोप कणा बचाने लेई चलदी ऐ। पैह ले रोज इस यात्रा मेले दे सिलसिले च सुद्धमहादेव कशा चढ़दी बक्खी नाले दे पार मानतलाई दी द'डबड़ी च 'ढेक्कू' दा कुड्ढ लगदा ऐ। ग्रगले रोज दपेह रीं सुद्धी दे प्राचीन णिव मन्दर थमां इक भारी जलूस निकलदा ऐ, उपेह रीं सुद्धी दे प्राचीन णिव मन्दर थमां इक भारी जलूस निकलदा ऐ, जिसदे ग्रगों ढोल, बौसरियां बजदियां न। किश लोकें हत्थें च रंग-बरंगें अंडे लेदे होंदे न। उन्दे पिच्छें चौं ग्रादिमएं इक बौंगले च शिव मन्दर दे अंडे लेदे होंदे न। उन्दे पिच्छें चौं ग्रादिमएं इक बौंगले च शिव मन्दर दे पंपीर '' (महैतें) गी चुक्के दा होंदा ऐ। उन्दे पिच्छें रंग-बरंगे टल्लें च ''पीर '' (महैतें) गी चुक्के दा होंदा ऐ। उन्दे पिच्छें ग्राली प्हाड़ी पर 4 कि. मी. पहाड़ी लोकें दा जलूस होंदा ऐ। सुद्धी दे विच्छें ग्राली प्हाड़ी पर 4 कि. मी. दूर चौंडा देवी दा थान ऐ, इत्थें इक काले छिल्ले दी बल लगदी ऐ ते पीर देव-स्थान ग्रगों सुख-सलामती लेई ग्ररदास करदा ऐ ते प्हाड़ी नाच दी चौकी देने परेंत लोक घरें परतोंदे न।

पही उस्सै रातीं यात्रा इस चाल्ली चलदी ऐ — सुद्धी कजा चढ़दी भेठा 2 कि. मी. दूर "कुरचत" देवते दे थान्नै परा बलदे मसाह् रे हत्थें लेदे लोकें दा जलूस सुद्धी पासै बल्ले-बल्लें औंदा ऐ। उन्दे बछकार देवते दा चेल्ला होंदा ऐ, जिसने ग्रपने पिंडे दोग्रालें पित्तलू दी घैंटिएं ग्राले जंजीरें

देप्लेस दिते देहोंदेन। ए जनूस बड़ी तस्त्री अवाजे कन्ते 'हैं स्मू ... दी ग्रवाज लांदा ग्रौंदा ऐ। जिसगी सुनियै उस न्हेरी सुनसान रातीं हर बझोंदा ऐ। लोक डरै मारे उस जलू सै ग्रागें ने ईं ग्रींदे। एह् जलूस जिस बेल्लै ग्रांबछकार इक दबड़ी कच्छ पुजरा ऐ तांशिवें दे मन्दर मत्था टे_{कियै} उस्सै थाह्र परतोई ग्रौंदा ऐ। सारे मसाह्रे इक थाह्र जमा करिये अग बालीजन्दी ऐ। इत्थें पही इक काले छिल्ले जां भिड्डूदी बन लगरी ऐ। म्राटेदाइक मुट्टाहर्ट तेबलिदाकिश मात लेइपै चेता प्हाड़ी टिल्ले पर इक्कै थाह्र स्रोकड़ी बल छोड़न जन्दा ऐ। उसरी वानती पर सब जने रिलिय ढेक्कूनचदेन, जेह्ड़ा प्रमात तोड़ी चलदा ऐ। जम्मू दी कंढी दे इलाके च केई थाह्रों गुग्गेप्रा नौनी पर केई प्रार्थाह्रों नागदेवता सुरात जांगुरगेदेथानें पर मेते लगदेन ते पही केई थान्नें परा जात्तरा जां 'गुग्याल' निकल ही ऐ, जिसदे ऋग्गें-प्रग्गें ढो त, बौंसरी, घड़गोत ते रगींसहा बजदा चतदा ऐ। उन्दे पिच्छें िहग लोकों रंग-बरंगे को तल जां झंडे चुक्के देहोंदेन। इक आदमी ने सिरै पर नाग देवते दी चौकी चुक्की दी होंदी ऐ। उन्दे पिच्छें-पिच्छें लोक नर्तकें दी टोली ते उन्दे पिच्छें लोकें दा जलूस नागदेवता देजैकारे लांदा वनदा ऐ। एह् गुग्याल ग्रां-प्रांकिरदी ते जिस घर बादे दी देप्रा कन्ते निक्का ब्यागा होए दा हो रे उत्यें ''कु'म्मती'' नाव दी चौंकी दिंदी ते 'बावे' दे भण्डारे लेई म्राटा-चौत ते नकदी उगरांदी चलदी ऐ।

"'फु'म्मती" नाच कंडी दे ग्राईं लोकें गी नाग सुरगल जां गुग्गे पर बड़ी आस्था ते शरधा ऐ। बिन्द कुसैं दा कन्न तपै जां कुसैं गी सप्पे दा डंग होई जा जां माल-बच्छा बमार होई जा तां ग्रज्ज बी ग्रो लोक थान्नै पर जाई सुक्खन करदे न। जंयां तारें ते मंगलवारें इनें देवस्थानें पर लोक जन्दे न।

इन्दे स्रलावा जम्मू शैह्र्रै च ते डुग्गर दे होर केई नग्गरें च मक्हूर मसीतें दे अलावा पुज्जे दे किश पीरें दे मकबरे बी हैन। जित्थें मुसलमान गै नेई हिन्दू वी हर वीरवारें बड़ी गिनतरी च जन्दे न। इन्दे बिच्चा बड़े मक्हूर न: गुमट दरवाजे कच्छ पीर रोशन शाह् वली, पीर बावा, पीर मिट्ठा, स्रसरार-ए-शरीफा (किश्तवाड़) फजल शाह् (कठुम्रा) स्नादि।

पीर रोशन शाह् बली (नौ गजा पीर) दे बारे च आखदे न जे

हहानी शिवत दे अलावा पीर साह्ब जिस्मानी तोरै पर बी बड़े ताकतवर हे ते उन्दा वर बुत्त बी बड़ा लम्मा हा । शायद इस्सै करी 'नौगजा' पीर अल्ल पेई गेई ही । जम्मू दा शूरबीर राजा मालदेव पीर हुंदा बड़ा भगत हा । बीरवारे सैंकड़ै मुस्लमान ते हिंदू इस जियारत उप्पर फ्रौंदे ते सुबखनां सुख्देन । स्रखन पूरी होने पर लोक मज़ार उप्पर झंडा चढ़ांदे न ते पलाऽ जां मिट्टियां सिआं बंडदे न ।

पीर बावा: पीर बुड्डनग्रली शाह्दा मजार जम्मू क्शा दक्खन, हवाई ग्रडडे कच्छ बने दा ऐ। एह् गुरु नानक जी दे समकालीन है। ते इक बारी ग्रीह पीर हुंदे कच्छ ग्राए वी हे। पीर बुड्डन शाह् होरें पंजाव (तल बंडी) थमां ग्राइय इस थाहर मुकाम कीता हा ते इत्थें गैं इनें शरीर होड़ेग्रा हा। हाड़ म्हीने दे पैह्ले बीरवारें पीर जी दा उस लगदा ऐ ते होड़ेग्रा हा। हाड़ म्हीने दे पैह्ले बीरवारें पीर जी दा उस लगदा ऐ ते हजारां हिन्दू-मुसलमान दूरा-दूरा दा इत्थें ग्रीदेन। उंथां बी हर बीरवारें हकारां हिन्दू-मुसलमान दूरा-दूरा दा इत्थें ग्रीदेन। उंथां बी हर बीरवारें इत्थे सैकड़-बद्धे हिन्दू-मुसलमान औद ते दरगाह उपपर तेल, पंसे ते पुल्लियां चढ़ांदेन।

पीरिमट्ठा: जम्मू शहर च सराजें दी ढवकी कच्छ पीरिमट्ठा महत्ला ऐ। उत्थें तबी दे सज्जे कण्ढे पर इक पुरानी मसीत ऐ। इस मसीत ग्रन्दर पीरिमट्ठा साह्ब दा मकवरा ऐ। एह पीर साह्ब पीरखोह ससीत ग्रन्दर पीरिमट्ठा साह्ब दा मकवरा ऐ। एह पीर साह्ब पीरखोह दे सिद्ध जोगी गरीबनाथ दे समकालीन हे, जेह ड़े जम्मू दे राजा अर्जंददेव दे सिद्ध जोगी गरीबनाथ दे समकालीन हे, जेह ड़े जम्मू दे राजा अर्जंददेव दे समें च जम्मू ग्राए हे, ते बड़ी पुगदी आले हे। पीर साह्ब मुट्ठ-भर दे समें च जम्मू ग्राए हे, ते बड़ी पुगदी आले हे। पीर साह्ब मुट्ठ-भर खंडू सवा होर किश बी ग्रपने भगतें कशा कबूल नेहे करदे, शायद इस्स खंडू सवा होर किश बी ग्रपने भगतें कशा कबूल नेहे करदे, शायद इस्स खंडू सवा होर किश बी ग्रपने भगतें कशा कबूल नेहे करदे, शायद इस्स खंडू सवा होर किश बी ग्रपने भगतें कशा कबूल नेहे करदे, शायद इस्स खंडू सवा होर किश बी ग्रपने भगतें विशेष मुह्न स्वार ग्रीविशाह हो ग्रीविशाह हो ग्रीविशाह हो पीर पजलशाह नां दे कणी ग्राले फकीर होई ग्रुजरे न जिन्दे ते कठ्य पीर फजलशाह नां दे कणी ग्राले फकीर होई ग्रुजरे न जिन्दे ते कठ्य पीर फजलशाह नां दे कणी ग्राले फकीर होई ग्रुजरे न जिन्दे ते कठ्य पर बीरबारें मेले लगदे न। हिन्दू-मुसलमानें दी इक समान शारधा मजारें पर बीरवारें मेले लगदे न। हिन्दू-मुसलमानें दी इक समान शारधा पर बेर उपर।

किश्तवाड़ नगार च शाह् फरीद-उद-दीन साह्ब दी बड़ी मण्हूर ज्यारत ऐ। इत्थें हर साल हाड़ म्हीन बड़ा-भारा मेला लगदा ऐ। किश्तवाड़, भद्रवाह् ते कण्मीर तोडी दे लोक इत्थें ग्रौंदे ते मुरादां पांदे न। शाह् साह्ब बड़ी पुगदी ग्राले हे। ग्राखदे न इनें इक बारी इक ग्रान्ने दी नजर परताई ही।

जम्मू ग्रीह्र रै च गुमटै दी ढक्की ख'ल्लें बीबी चांदकौर दी समाध ऐ। इत्थें सिक्खें दे मते सारे गुरपर्व लगदे न। पर जम्मू दा सारें कणा मण्हर गुरुद्वारा ऐ, पुन्छै दा नंगाली साह्ब दा, जिसदी स्थापना दसमें गुरु श्री गुरु गोविन्द सिंह दे चुने दे प्रचारक सन्त, भाई मेला सिंह होरें कीती हीं। इस गुरुद्वारे गी पाकिस्तानियें काफी नुकसान पुजाया हा। पर सिक्ख ते हिन्दू अर्जें बी बड़ी श्रद्धा कन्ने इत्थें जन्दे न। पर्व-ध्यारें पर इत्थें मेले लगदे न।

[ध्यार: भाग दो]

गणतंत्र दिवस: ग्रंग्रेजी कलैंडर ग्रनुसार साढ़ा पहुला राष्ट्रीय ध्यार ऐ। गणतंत्र दिवस, जिसगी हिन्दू, मुसलमान, सिक्ख, इसाई ते बौद्ध आदि लोक रिलये पूरे जोश कन्ने मनांदे न। सरकारी तौरे उप्पर ए ध्यार 26 जनवरी गी राष्ट्री झंडे दी सलामी कन्ने शुरू होंदा ते 30 जनवरी दी संज्ञां रिट्रीट कन्ने समाप्त होंदा ऐ। होर रोनकें ग्रलावा भारती लोक-जीवन सरवन्धी झांकियां ते लोकनाच इस ध्यारे दा खास ग्रंग होंदे न। कारण एह ऐ जे ग्रजाद होने परेंत 26 जनवरी सन् 1950 गी भारत ने गणतंत्र होने दी घोशणा कीती ही। भारत दे असली दर्शन ग्राएं-पिंडें च होंदे न, इसकरी साढ़ी ग्राई संस्कृति दे दावेदार लोकनाचें ग्रादि दा इस कौमी ध्यारे पर इन्ना म्हातम मन्नेग्रा जन्दा ऐ। इस ध्यारे दा खास खलजगन ते दिल्ली होंदा ऐ, पर बाकी थाह रें बी बड़े तम-तमामै कन्ने एह सनाया जन्ता ऐ।

धमं-ध्याड़ा: जून म्हीन गर्मी पूरे जोरें च होंदी ऐ। ग्रज्ज मते सारे ग्राएं-पिंड च ट्यूबर्वल लग्गी गेंद्रे न, पर पैंह्ले समें च इनें दिनें खूएं-तलाएं दा पानी सुक्की जन्दा हा ते 'पन्याई पेई जन्दी ही। इसकरी हाड़ म्हीने दी संगरांदी गी भर-गर्मी दे मोसमै च धर्म-ध्याड़े दा ध्यार मनाया जन्दा हा ते ग्रज्ज वी मनाया जन्दा ऐ। इस रोज लोक पानी कन्ने भरियें घड़े-झज्जरां, खरबूजे ते फल-फल्याई ते ग्राटा-चौल ग्रादि दे सीधे ते पिक्ख्यां मनसदे न। केडें थवीकमंद ठंडे शर्वतै दियां शबीलां लांदे न।

धर्म-ध्याड़े दे 8-10 दिन परेंत निर्जला एकादशी दा ध्यार श्रौंदा ऐ। उस रोज बी लोक घड़े-झज्जरां श्रादि मनसदे न। ते एकादशी दा बर्त रखदे न।

नागपैंचमी: सौह्न-भाद्रो (ग्रगस्त-सितम्बर) म्हीने दी चाननी पंचमी गी नागपैंचमी दा ध्यार ग्रौंदा ऐ। इनें दिनें सप्प-बिच्चूं आदि दा मता जोर होंदा ऐ, इसकरी लोक अपने घर-कोठें दी सफाई करदे न । नाग-पैचमी म्राले रोज जनानियां रसोई जां कुसैं दूये म्रंदर कन्धां उप्पर गेरी मित्ती जां काले रंगे दे निक्के-जनेह् चौके उप्पर सप्प, विच्चू करौंकलां स्रादि दे चित्तर बनाइये उन्दे ग्रगों खीर, दलिया ते मेह्री (खट्टी लस्सी च रिज्झी दी चौलें दी कढ़ी) दा नमेद लोग्राइये मत्था टेकदियां न : 'हे नाग देवता ! साढ़े टब्बरै दी ते माल-बच्छे दी रक्षेग्रा करेग्रो, महाराज ।'' पही सप्पें दी बरमी उप्पर जां सुरगल देवते दे थान्नै पर जाइयै दलस्सी दा छनकाऽ कीता जन्दा ऐ।

नागपंचमी दी कथा इस चाल्ली दी ऐ—कोई करसान बाड़िया हल चला करदा हा। उसदे हलैं दे रम्बे कन्ने सप्पै दे त्रै बच्चे मरी गे। सप्पती ने ग्रपने बच्चें दा बदला लैंने लेई, करसान, उसदी लाड़ी ते जागते गी डंग लाइये मारी छोड़ेग्रा ते जिस वेल्लै करसानै दी कुड़ी गी डंगन लगी तां उस कुड़िये, उस अगों दलस्सी ते खीर आनी टकाई ते हत्थ जोड़िये अरदास करन लाई। सप्पनी ने दलस्सी पीती ते खुश होइये त्रीनें डंगैदें गी जीवादान देई छोड़ेग्रा। इस रोज सौह्न म्हीने दी पैंचमी ही। बस जी, उस्सै ध्याड़े कशा लेइये एह् नागपैंचमी दा ध्यार चलदा स्रावा करदा ऐ। स्राम खोग्रान ऐ जे भगवान शिव इस रोज सारे सप्प, कीड़े ग्रपनी गोही च समेटी लैंदे न । ग्राएं थाह्रें इस रोज नागदेवते दी गुग्याल निकलदी ऐ, ते थान्नै पर जात्तर होंदी ऐ।

रक्खड़ी: सीन म्हीने दी पुन्नेआं गी भैनें दा एह् स्नेह-ममता भरेआ ध्यार ग्रींदा ऐ। इस रोज भैनां ग्रपने भ्राएं दी बाहीं रक्षा-सूत्र पांदियां न । उन्दा मिट्ठा मूंह् करांदियां न । ते उन्दी लम्मी स्रायु ते प्यौके दे कुल-बाद्धे लेई भगवान भ्रागें प्रार्थना करदियां न । भ्राऽ थबीक ग्रनसार भैनें गी दक्खन देइयै, उन्दे चरण बंददे न । ब्राह्मण अपने जजमानें गी रक्खड़ी पांदे न ते जजमान दान-दक्खनां दिन्दे न।

टॉड दे--"राजस्थान" नां दे ग्रैंथे च 'रक्षाबंधन' दी इनें सुच्ची तंदे दी इक सुच्ची क्हानी भ्रौंदी ऐ। राजस्थान दी इक राजकमारी ने पठान हमलाग्रावरें कशा ग्रपनी ग्रावरु दी रक्षा लेई मुगल सम्राट हुमायुं गी रक्षा-सूत्र भेजेग्रा हा। सम्राट ने ग्रोह् ग्रंगीकार करी लेई ही ते मुगल सेना ने पठानें गी मारी नसाया हा। ते इस चाल्ली मुसलमान बादणाह् ने ग्रपनी हिन्दू धर्मभैनु दी इज्जत-ग्रावरू बचाई ही। रक्षाबंधन दे बारे च इक पुराण कथा बी प्रचलत ऐ, जे इक बारी राक्षसों ते देवते व्याकार बारां ब'रे लड़ाई चलदी रे'ई। ग्रखीर देवतें दी हार होन लगी तां ब्राह्मनें रक्खड़ी ग्राले रोज देवराज इन्द्र दी बाहीं पर खास 'रक्षा-सूत्र' व'न्नेग्रा हा। ग्रगले रोज देवतें लड़ाई जित्ती लेई। ग्रदूं कणा गै एह् ध्यार चलदा ग्रावा करदा ऐ।

कृष्ण जन्माष्टमी: कृष्ण जन्मश्रष्टमी हिन्दुएं दा बड़ा भारा ध्यार ऐ, जिसदा सरबन्ध कृष्ण भगवान दे जन्म कन्ने ऐ, जेह्ड़ा भाद्रो महीने दी नहेरी श्रष्टमी गी रोहिणी नक्षत्रै च मथुरा दे कैंदखाने श्रन्दर राती बारां बजे होग्रा हा। पापे उप्पर श्राखर पुन्नै दी, बदी उप्पर नेकी दी विजय होंदी ऐ। इस तत्थ गी हरीकाम रखने लेई जन्म-श्रष्टमी दा ध्यार मनाया जन्दा ऐ। इस रोज सनातनी हिन्दू दिनें वर्त रखदे न, ते रातीं बारां बजे "कृष्ण जन्म" होने पर पूजा करियं फलाहार करदे न। किण लोक पैह्ले रोज निराहार वर्त रखदे ते दूए रोज फलाहार करदे न।

कृष्ण जी दे मन्दरें च कृष्ण भंगूड़े दी शोभा दिक्खने स्राली होंदी ऐ। इस रोज पींह्ग झूटने दा म्हातम समझेस्रा जन्दा ऐ, की जे कृष्ण जी वी विद्रावन दे कुंज-वनें च झूले झूटदे हे। पर पतंगवाजी दा इस धार्मक ध्यारें कन्ने केह् सरवन्ध ऐ, इस वारे च किश गलाया नेईं जाई सकदा।

भगवान कृष्ण ग्रपने जुग दे महान क्रांतिकारी ते युग-बदलने ग्राले अवतार होए न । उनें केईं दिकयानूसी पुरानी रूढ़िएं गी मटाइयें ग्रपने देसें च इक महान क्रांति लेग्नांदी ही । दूवी ग्रष्टमी (द्रुबड़ी) ते बत्स दोआदशी, (बच्छ दोग्राह्), गोवर्धन पूजा ते गोपाल ग्रष्टमी दे ध्यार उस्सै समाजी क्रांति दी सुच्ची सम्हालें च ग्रज्जै तोड़ी चलदे ग्रावा करदे न ।

कृष्ण युग च मथ्रा-विन्द्रावन पास्सै इंद्र पूजा दा इक ध्यार, पता नेई कद्र क्या चलदा ग्रावा करदा हा। श्री कृष्ण जी ने लोकें गी समझाया जे 'इन्द्र पूजा' थाह्र तुस ग्रपने गौ-धन दी, ग्रपने गोवर्धन पर्वत दी ते ग्रपने घाऽ-बूह्टें दी ग्रराधना करो, तां जे देसे च ग्रन्न-दाने दी, धा-तृणें ते दृढ़-मट्ठे ते मक्खनै दी लैह्र-बैह्र होई जा।

सेही होंदा ऐ, जे लगभग सारे उत्तरी भारत च इस इन्कलाब दा ग्रावाह्न आई पुज्जा हा । साढ़े डुग्गर देसै च 'द्रुवडी', 'बच्छदोग्राह्' ते गोपल ग्रष्टमी ध्यार उस्मैं दी सुच्ची सम्हालें च ग्रज्जें तोड़ी चलदे ग्रावा करदे न । इस च शक्क नेई जे द्वापर युग दी ग्रोह् महान कांति ग्रज्ज स्त्री समाज दे धार्मक ध्यारें दे रूप च गैं बाकी रेही गेदी ऐ।

द्रुबड़ी: भाद्रों दी ग्रग्टमी गी जनानिएं दा द्रुबड़ी दा धार्मक ध्यार ग्रोंदा ऐ। इस रोज ग्रोह वर्त रखिदयां न, ते पीले ग्राटे ते कटटू- बच्छू ते पीले रंगे दे सूत्तर दे डोरे गी 16 गंडी दिदियां न। घर दे जिन्ने मर्द ते जागत होन हर इक दे नां दा इक-इक रुट्ट बनांदियां न। फल ते रुट्ट ग्रादि लेइये ते छैल टल्ले-बंधे लाइये जनानिएं दी टोली कुस तलाऽ- पन्यास पर जाइये "द्रुबड़ी" पूजिदयां न, ते नमें जम्मे दे जागते गी 'बन्नह' चाढ़िदयां ते खंब्बले दी द्रुब्बें कन्ने पानी छनाकिदयां ते रिलये गांदियां जंदियां न, जिस च इक-दो कशा लेइये सोह्लें तोड़ी दी गिनतरी परैन्त

"कट्टू आए बच्छू आए, बच्छ दोआही तेरड़ो,
16 द्रुव्वां, 16 गंढें धागा बद्धा—खसम, पुत्तर, नवाब ल'ब्बा।
रानी पूजै राजे गी—श्रौं तूजां सोहागै गी।
रानी ने राजा ते मैं शोहाग प्यारड़ा कट्टू श्राए ।'

द्रुबड़ी पूजने परैन्त ग्राटे दे कट्टू-वच्छू जलैं च प्रभाये जन्दे न ।

बच्छ दोग्राह्: द्रुबड़ी दे चौं-पंजे दिने परैन्त बच्छ दोग्राह् दा
ध्यार ग्रौंदा ऐ । ऐबी जनानका गैं ध्यार ऐ, ते लगभग द्रुबड़ी ग्राला लेखा
गैं पूजेग्रा जन्दा ऐ । फर्क छड़ा इन्ना ऐ, जे बच्छ दोग्राह् पूजने ग्राले घराने
दुबड़ी नेई पूजदे ते द्रुबड़ी पूजने ग्राले बच्छ दोआह् नेई पूजदे ।

गोपाल ग्रश्टमी: द्रुवड़ी ते बच्छ दोग्राह् दे कन्ते दा त्रीया ध्यार— 'गोपाल ग्रश्टमी' कत्याले दी अश्टमी गी ग्रौंदा ऐ। एह् गौ-माता दी पूजा दा दिन ऐ। इस रोज सनातनी लोक सवेर अशनान करिये, सुच्चे मुंह् गवें दे खुर धोइये, उन्दे मत्ये सन्धूर दा टिक्का लांदे न। पही उन्दे गल फुल्लें दे हार पाइये उनेंई ग्राटे दे पेड़े खलांदे न।

साल च इक दिन गर्वे दी इस चाल्ती 'पूजा' ते वाकी दे 364 दिन

गौ-माता दा नरादर दिक्खिय, लोक स्हाड़ी भण्डी पान तां उस कशा किश सिक्खेग्रा गै लैने दी लोड़ ऐ।

नराते: नराते साल च दौं बारीं ग्राँदे न— 1. ग्रस्सू म्हीने दे चानने पक्ख दी प्रतिपदा कशा महानौमी तोड़ी ते 2. चैत्तर म्हीने दी चाननी प्रतिपदा थमां रामनौमी तोड़ी। दौनें नरातें च केई घरें च श्री दुर्गासप्तशती दा पाठ होंदा ऐ, ते नौमी गी हवन ते कन्या पूजन होंदा ऐ। स्यालू नरातें च रातीं बेल्लै, केई थाह्र रें रामलीला खेढी जन्दी ऐ। चैत्तर दी रामनौमी श्रीराम जन्म दे तौरें पर बी मनाई जन्दी ऐ। इस रोज जम्मू दे श्री रघुनाथ जी दे मन्दर बड़ा जग्ग होंदा ऐ। जम्मू च वाह् वे दे महाकाली दे मन्दर च ते होर केई थाह्र रें दे देवी दे मन्दरें च रामनौमी दे ध्यारें उप्पर बड़ी भारी रौनक होंदी ऐ।

दसैह्रा: ग्रस्सू म्हीने चाननी दसमीं गी दसैह्रे दा ध्यार बड़े जोश कन्ने मनाया जन्दा ऐ। किश लोक इस रोज 'शस्त्र-पूजा' बी करदे न। एह्ध्यार मूल रूप च क्षत्रियें दा ध्यार ऐ, पर हून सब लोक बड़े जोश कन्ने इसगी मनांदेन।

नगर-नगरोटें च रावण, कुम्भकर्ण ते मेघनाद दे बांस ते कागजें दे बुत्त मदाने च खढेरे जन्दे न । घरोंदे ध्याड़ै रामचन्द्र उन्दे पर तीर चलांदे न, ते फ्ही उनेई अग्ग लाई दित्ती जन्दी ऐ । एह् ध्यार बी पापै पर पुन्ने दी विजय दी यादगार च पता नेई कदूं कशा चलदा ग्रावा करदा ऐ ।

पर दिक्खने ग्राली गल्ल एह् ऐ जे इस कशा दुनिया ने सबक केह् सिक्खेग्रा ऐ ? ग्रज्ज संसारे च हर रोज किन्ने बलात्कार—रेप केसिज होग्रा करदे न । कुतै उन्दा, उने कुर्कामएं गी फूके आ ऐ, कुर्षों ने ? उन्दे सिरं पर खोत्ते दा सिर लाया कदें कुर्स ने ? हालां के रामायण च इस गल्लै दा प्रमाण मिलदा ऐ जे, रावण ने सीता गी ग्रपने मैह्लें च रखने बजा, उसगी अशोक वाटिका च रक्खेग्रा हा । ते जिन्ने बारीं बी रावण सीता कच्छ गेआ, सदा अपनी पटरानी मंदोदरी गी साथें लेई गेग्रा । ग्रोह् सीता जी कन्ने पूरी शालीनता कन्ने पेश ग्राया ।

करवाचौथ: कत्तक म्हीने दे न्हेरे पत्रखें दी चौथी तिथि गी 'करवाचौथ' दा जनानिएं दा परम पिवत्तर ध्यार होंदा ऐ। इसगी 'कर्क चतुर्थी' बी गलांदे न। इस रोज जनानियां ग्रपने ग्रटल सोहाग दी कामना तेई सारा दिन निर्जल-निराहार बर्त रखदियां न । उत्तर प्रदेश पास्सै इस रोज जनानियां शिव, गणेश ते पार्वती दियां, मित्ती दियां मूर्तियां बनाइयें उन्दी पूजा करदियां न । स्हाड़े पासे सोहागनां संजां बेल्लै छुँल टल्ले लाइयें इक थाह्र किट्टियां होंदियां न, ते इक गोल घेरे च खड़ोइयें अपने ''बेऽ'' आला थाल, बटांदियां न । इस थाल च फल, मठेग्राई, इक दिय्या ते फुल्लियें भरेग्रा मिट्टी दा लाल कुज्जू पेदा होंदा ऐ । ग्रोह् कन्ने-कन्ने 'बीरो' कुड़ी दा गीत बी गांदियां न । पही अपने-अपने घरें जाइयें ग्रो 'बेग्रा' ग्रपनी सस्सू जां सौह्रे ग्रग्गें रिवखयें, उन्दा चरणामत लेइयें ग्रारती तोग्रारियां ते 'बेग्रा' उनेंई देई छोड़िदयां न ।

पही चढ़दे चन्नै गी अर्घ देइये भोजन करदियां न।

कथा: ग्रर्जुन दे वयोगै च व्याकुल द्रोपती गी श्रीकृष्ण ने कन्या वीरावती दी कथा सुनाई ते ''करवाचौथी'' दा वर्त रखने लेई गलाया हा। ग्राखदेन जे एकड़ा वर्त रक्खने करी द्रोपती दे सारे क्लेश दूर होई गे। पांडुएं गी इस्सै वर्ते दे प्रताप करी हत्था गेदा ग्रपना राज परती ध्होई गेग्रा हा।

देश्राली: स्हाड़े विद्वान वड़के जुगें-जुगें थमां ए वेदमंत्र घोखदे आए न: "तमसो मा ज्योतिर्गम्य।" (न्हेरै नेईं, लोई ग्राली बत्ता गेड्डा चल)। देश्राली उस्सै ग्रार्दश-वाक्य दे साकार रूपै च हर साल कत्याले दी मस्सेग्रा गी ग्रौंदी ऐ। वैसे दिक्खेग्रा जा तां कत्याले म्हीने च करवाचौथ कथा लेड्यै 'टिक्के' तोड़ी ध्यारें दा इक सिलसिला गै चलदा ऐ। करवाचौथ, होई, धन न्योदशी, नरक चौदेग्रा, देग्राली, गोवर्ढ न पूजा ते टिक्का।

'देग्राली' कशा पैह्लें सौनी दी फसल करसानें दे घर पुज्जी दी होंदी ऐ। लक्ष्मी-रूप—इस फसलै दा स्वागत करने लेई, उनें लोकें ग्रपने घरें दी सफाई करिये उनेंई छैल चाल्ली लिम्बी-पोची लेदा होंदा ऐ। फही घरें दी नमीं कपाहु दी बत्ती ते घरें दे नमें तिलें दा तेल, नमें दिय्ये च पाइयें करसान लोक नमीं ग्रास-मेद—नमीं उमंगें भरे दिय्ये बालदे न ते सारा ग्रां लक्ष्मी दे स्वागत च जगमगाई उठदा ऐ।

वपारी लोक देग्राली गी वड़ा-भारा ध्यार मनदे न। इस रोज उन्दा नमां बपारी साल शुरू होंदा ऐ। ग्रोह् महालक्ष्मी दी खास विधि कन्ने पूजा करांदे ते ग्रपनी गद्दी कच्छ कंधै पर ''लक्ष्मी यन्त्र'' लखांदे न। ग्राम लोक घरें च लक्ष्मी पूजन करदे न, ते साक-नातें दैं मठेयाई भेजदे न । ते घरें च दीपकमालां करदे न, जे लक्ष्मी देवी मस्सेग्रा दी काली रातीं रस्ता भुिल्लयें कुसै होर घर नेई चली जा। पर ग्रज्जकल दिकखने च इयें ग्रौंदा ऐ जे 'धन-दौलत' दी देवी जन्दी उनें आलीशान कोठियें ग्रंदर गैं, जिदे पर सैंकड़े-बढ़े लाटू जगमगा करदे होंदे न।

किश लोक जूए दी चौकड़ी च वेहियै लक्ष्मी पास्सै पल्हाम्दे न। रामायण अनुसार इस्सै मुवारक ध्याड़ै श्री रामचन्द्र जी चौह्दां ब'रें दा बनबास पूरा करियै ते रावण दी दानवी शक्ति दा नास करियै अयोध्या बापस परतोए हे, ते अयोध्यावासियें इस्सै खुशी च सारी नगरी च दीपक-माला कीती ही।

होई: एह् वर्त-ध्यार कत्याल म्हीने दी न्हेरी अशटमी गी ग्रौंदा ऐ। पैह्ले रोज झीर कन्या जां जनानी घरें दा लकड़ी दी इक पट्टी लेई जन्दी ऐ। ते 'होई' ग्राले रोज उस पट्टी उप्पर (जां कुतै-कुतै कंधे उप्पर केई भांति दी चित्तरकारी, गन्ना, मूली, भट्ठे ते इक मनुबखी पुतले दा चित्तर बनाइयें छोड़ी जन्दी ऐ। ग्रगले रोज जनानियां वर्त रखदियां न। केई साग-सब्जियां, कच्ची रसो ते मिट्ठे ग्राटे दे ग्रंग्रेजी ग्रट्ठे (8) दे ग्राकार दे सुट्टू-भुट्टू वी तलदियां न ते भट्ठे, मूली ते गन्ने कन्ने इक मण्डला झीरी गी दिदियां न।

झीरी दा इस 'होई' वर्तें कन्ने केह् सरवन्ध ऐ, इस बारे च पद्म पुराण च इक कथा ग्रौंदी ऐ :—

महाराज पृथू दे पुच्छने पर श्री नारद मुनि जी ने गलाया, "सतज्ग च 'अकाल मृत्यु' नां दे राजे दे राज च इक बारी अनेक मनुक्ख, पशु-पक्खरु मरन लगे। जींदे बचे दे लोकें तपस्वी-मुनियें अग्गें जाई इस विपता कशा बचने दा उपाऽ पुच्छेआ। मुनियें गलाया—कत्याले दी न्हेरी अश्टमी गी महादेवी श्री अहोई दा बर्त रक्खो।" लोक बर्त अनुश्ठान करदे हुट्टी गे, तां उन्दे विच्च इक झीर कन्या आई वैठी। बर्तधारियें उसगी सारी गल्ल सुनाई। झीर कन्या खुश होइयें उन्दे कन्ने गें तप करन बेही गेई। थोड़ें चिरें च महाकाली उत्थें परगट होई। उसने गलाया, "इस महाकाल दा कारण एह ऐ, जे ब्राह्मण निर्लंज्ज, टेव्हीन ते पखंडी होई गेदे न। इंग्रं कित्री, वैश्य, ते शूद्र वी अपने-अपने धर्म कशा बमुक्ख होई गेदे न। स्त्रिएं

पित सेवा छोड़ी दित्ती दी ऐ। हून ग्रौं तुसाड़े इस 'ग्रहोई-बर्त' यज्ञ उप्पर प्रसन्न ग्रां ते वर दिन्नी ग्रां, जे ग्रपना धर्म-कर्म नभांदे होई, बाल-वृद्ध ते रोगएं गी छोड़ियें जेकर भाद्रो दी न्हेरी ग्रण्टमी गी मेरा बर्त करगेग्रो ते झीर कन्या गी यज्ञ-भाग, भोजन, गन्ना, मूर्ला ग्रादि दा दान करगेओ तां हर चाल्ली दे रोग-सोग कणा बच्चे रौह्गेग्रो।" बस्स जी अद्रं कणा ग्रहोई दा बर्त चलदा ग्राबा करदा ऐ।

लोह ड़ी: मकर सकान्ति कशा पैह ले रोज लोह ड़ी दा ध्यार मनाया जदा ऐ। इस रोज पृथ्वी अपनी दक्षिणायन दी छें म्हीनें दी स्यालू यात्रा मुकाइयें उत्तर पासें अपनी वागां मोड़ी लेंदी ऐ। ए ध्यार पंजाब, हरयाणा ते डुग्गर देश च बड़े जोश कन्ने मनाया जंदा ऐ। इस रोज तिल खाने दा ब्रह्मपुराण ग्रादि च बड़ा म्हात्म दस्से दा ऐ। दूई गल्ल ए बी ऐ जे स्यालें तिल खाने कन्ने गरमें श पुजदी ऐ। इसकरी लोह ड़ी दे ध्यारे पर लोक रियोड़ियां, तलूने (तिलें दे लडडू) ते तरचौली खंदे न। रेथोड़ियां, पकवान ग्रादि दा ग्रपने साक-नातें कन्ने लैन-देन बी होंदा ऐ। किश लोक निक्के जागतें दे गल गरी-छोहारें दे हार पांदे न। कुड़िएं दियां टोल्लियां सबेरे कशा गैं 'लोह ड़ी मंगन'' ग्रौना शुरू होई जंदियां न। लोह ड़ी दे गीत बड़े प्यारे होंदे न। इदे च पजाब दे ''रॉबिन हुड'' दुल्ला भटटी दा गीत बड़ा मण्हर ऐ जे उसने किस चाल्ली इक्क जालम जिमींदारें दे चुंगल बिचा दीं कोग्रारी हिंदू कंजकें दी लाज बचाई ही।

इंदे इलावा "छुज्जा नाच" इस ध्यारै दा जम्मू दा खास शगूफा ऐ, जेह्डा होर कुतै नेई ल'बदा।

रातीं बेल्ले सांडनी सोग्रार, 'सस्सी-पुन्नु' दी झांकी बी निकलदी ऐ।
पही रातीं घर-घर ते चौक-बजारें च लोह्ड़ी बाली जंदी ऐ, जिस च तरचौली
ते रेपोडिएं ग्रादि दी ग्रीह्त दित्ती जंदी ऐ।

फ्रैंड्रिक ड्रियू ने महाराजा रणवीरसिंह दे समें दी लोह्ड़ी दा सुन्दर वर्णन कीते दा ऐ*। ओह् लिखदा ऐ—'महाराज ते उन्दे दरबारी मन्दर मत्था टेकिये ग्रग्गी दे उस बड्डे ग्याने कश ग्रौंदे न, जेह्डा मंडिया बाले दा

^{*} मती जानकारी ग्रास्ते दिक्खो — Territories of Jammu and Kashmir.

होंदा हा। इकक चिट्टा छिल्ला कप्पिये उसदी सिरी दी ग्रीह्त महाराज पासेग्रा दिती जंदी ऐ ते उसदे परैंत सारे ऐह्नकार तरचीली, रेयोडिएं ग्राहि दियां ग्रीह्तां दिंदे न।"

उत्तरायरण: लोह्ड़ी कशा श्रगला ध्याड़ा मकर संकान्ति जो "उतरैं ती" दा पिवतर ध्यार औंदा ऐ। श्रद्भं थत्रीकमंद लोक, तीय जाई शतान करदे ते खिवड़ी दान करदे न। ए ध्यार लगभग सारे उत्तरी भारत ते महाराष्ट्र तोड़ी मनाया जंदा ऐ ते खिवड़ी दान ते खिवड़ी खाने दा म्हातम मन्नेआ जंदा ऐ।

शिवराती: इस ध्यार वार पैंड्लें थोड़ा किश लिखी ग्राए ग्रां। वैसे शिव ते शिवरात्री बार जिन्ना वी लिखेग्रा जा, ग्रो थोड़ा ऐ, की जे कुमार सम्भव दे रचनाकार महाकिव काली दास ने इक थाह्र लिखे दा ऐ—"कोई नेई जानदा जे 'शिव' कुन हे ''।' ए महान ध्यार फीगन म्हीने दी न्हेरी ह्योदगी गी लगभग सारे भारत च मनाया जन्दा ऐ ते नेपाल च ते सरकारी तौर उपार पूरी शान कन्ने पगुर्गत जी दे मन्दर च बड़ी धूमधाम कन्ने मनाया जन्दा ऐ। दूर देमें दे लोक इस मौके नेपाल जन्दे न।

बसंत पंत्र मी: वसंत गी रितुएं दा राजा गलाया गेदा ऐ। सीत-पाले कन्ने ठरी-ठुरी, ते संगड़ोई दी प्रकृति अपनी आलसभरी गुदड़ी तोग्रारी सुटदी ऐ। हक्व-वूटें पर केह् ते प्राणी मातर उप्पर केह्, नमीं रौंस-रौहानगी फिरी ग्रौंदी ऐ। बसंती हवा च इक खसखासी-खसखासी नशा-जन तरत से'ई होंदा ऐ, जित लेई शेक्सपीयर ने 'इन्टाक्सीकेटिड एयर' शब्द बड़ी खुबसूरती कन्ने बरते दा ऐ। महाकिव कालीदास ने ऋतुसंहार च लिखेदा ऐ:

''···द्रुमाःसरुष्याः सलितं सगद्मं स्त्रियः सकामाः सपवनः सुगन्धिः। सुखा प्रदोशा दिवसाक्ष्वरम्याः सर्वे प्रिये चाहतरं वसन्ते ।'' (क्लोक 2)

(ओ दिनख सज्जानी ! बसंत रुत ग्रींदे गै सारे रुनख, फुल्लें कर्ने लदोई गेन । सर-तलाएं च कमल खिड़ी खड़ोते न । रमणिएं दे ग्रंग-ग्रंग च मस्ती सुरकन लगी ऐ। पुरै दी हवा चा बाग्रना ग्रीन लगी पेई ऐ। ध्याड़ियां सोहामियां ते तरकालां सुखकारी होई गेदियां न । सच्च करी मन्तेग्रां, सब किश मनोद्र लगा करदा ऐ।)

किश विद्वानें दा वचार ऐ जे मौर्यकाल च भारत च राजसी ठाठ कन्ने बसैंत उत्सव मनाने दी पिन्ध पेई ते गुप्तकाल दे सनैह्री जमाने व एह ध्यार पूरे जोश कन्ने मनाया जान लगा । पूरव पासै, इस रोज करसान लोक अपने हलें दी पूजा करदे न । स्हाड़े वी इक लोकगीतें दे वोल न :

चली पुरै दो हवा करीरीं पौंगरियां। गल फुल्लें दे हार ते मुंदै बौंगड़ियां।।

राज-परत होने कशा पह लें बसैंत पंचमी ग्राले रोज जम्मू शहर रें च रघुनाथ जी दे मन्दरै दा रघुनाथ जी दी रथयात्रा शुरू होंदी हो। जलू सै ग्राफें तिल्ले-सतारें कन्ने कड्ढे दे पीली मखमले दे झुल्लें ग्राले सरकारी तवेले दे घोड़ें दा इक दस्ता चलदा। उन्दे पिच्छें वसन्ती साफे-पग्गुयें आले सैंकड़े लोक ते उन्दे पिच्छें श्रीरघुनाथ जी दा सनैह्री रथ ते रथे पिच्छें सनैह्री हींदें ते झुल्ले ग्राले सज्जे दे हाथी झूमदे-झामदे उस यात्रा दी शोभा बधांदे हे।

रातीं शाही दरबार लगदा हा, जित्थें ''बसन्त उत्सव'' मनाया जन्दा हा।

जनानियों दे पीले दुपट्टें ते मर्दे दे पीले साफे ते पीले पकवानें करी सारे नगरै च बसंत रुत थिरकदी ल'बदी हीं। ते ग्रज्जै दे बसैंत दी हालत तुस ग्रापूंदिखदे गैं ओ।

होली: फौगन म्हीने दी पुन्नेग्रां गी होली दा रंगीला ध्यार ग्रींदा ऐ। वैसे होली दा पर्व 8-10 दिन पैह्लें गैं शुरू होई जन्दा ऐ। पर खास रौनक पुन्नेग्रा ग्राले रोज गैं होंदी ऐ। एवी वसैंत रुतें दा खुशी दा ध्यार ऐ। जियां पैह्लें दस्सेग्रा गेग्रा ऐ, वसैंती व्हारें दा एह् ध्यार, भारत दे बाह्र वी जापान, इंगलैंड ग्रादि देसें च वक्ख-वक्ख रूपें च बड़ी उमंग कन्ने मनाया जन्दा ऐ।

भारती ग्रांएं च बड्डी होली कशा पैह लें सारे ग्रां दा गंद-कूड़ा किट्ठा करियें फूकदे न ते हाड़ी दी तेग्रार फसल दिक्खी-दिक्खी खुश होंदे न । ते पही ''फाग'' गांदे-गांदे होली खेढदे न । कुतै-कुतै रासलीला होंदी ऐ । ग्रसम, मणिपुर पास्सै होली कन्ने ''फगुग्रा नाच'' बी होंदा ऐ ।

एह् कौमी एकता दा ध्यार ऐ। होली खेढदे होई ठच-तीच दा भेत-भाव ग्रस भुल्ली जन्ते ग्रां—ग्रनीर, गरीब दा तफरका तेई रौंह्दा। होली दी उमंग च निक्के-बड्डे सब इक होई जन्दे न। सखाले समें च, रंगें च गुलाब जल घोलियै, छैल टल्ले लाइयै लोक होली खेढदे हे। कृष्ण दियां झांकियां निकलदियां हियां। पर ग्रज्ज चाचा गालिब दे मण्हूर शे'र गी थोड़ा बदलियै गलाना पौंदा ऐ:—

"तंगदस्ती ने निकम्मा कर दिया, वरना हम भी आदमी थे काम के।"

पर केई थाह्र ग्रज्ज बी उस पुरानी परम्परा दे दर्शन होई जन्दे न । दऊ पन्छानु हत्थ जोड़िये मिलदे ते इक-दूए दे मत्थे पर गुलाल लाइये ते इक-दूए दा मुंह् मिट्ठा कराइये, गर्ले मिलदे ते, ''अगले व'रे परती सुक्खें-सांदें होली आवै" एह् कामना करदे न ।

रातीं बेल्ल चौक-बजारें च लोह्डी ग्राला लेखा होली बाली जन्दी ऐ। जिसदा सरबन्ध उस पौराणक कथा कन्ने ऐ, जिस च भगवान विष्णु ने अपने बाल भगत प्रह्लाद दी रक्षा करने लेई नरिसह ग्रवातार धारण करियें राजा हिरण्यकश्यपु गी मारेग्रा हा ते उसदी भैन होलिका, प्रह्लाद गी फूकदी-फूकदी ग्रापूं जली मरी ही।

ते ग्रखीर च होली दी अज्जै-कल्लै दी ग्रश्लीलता ते जुत्ती-खोसड़े गी दिनिखयै दुख बी होंदा ऐ।

[त्रिया भाग]

हून मुसलमानें, सिक्खें, ईसाइयें दे ध्यारें बारे बी किश लिखना जरूरी बज्झोंदा ऐ।

मुसलमानें दे चार मुक्ख ध्यार न :--

शव-ए-बरात: हिजरी साल दी चौदमीं-पंद्रमीं शवान दी गवली रात, मुसलमानें दी खुशी-भरी रात होंदी ऐ। इस रातीं दा म्हातम एह. ऐ जे जो मुसलमान इस रातीं खुदावंद दे दस्से दे निजमें दा पूरी चाल्ली पालन करदा ऐ, उसदे सारे गुनाह, माफ होई जन्दे न। इस ध्यार कन्ने जुड़ी दी कथा एह् ऐ:

''हजरत मुहम्मद मुस्तफा साह् ब दे तै ग्रनन्य भगत हे—हजरत बेलाल, दूए हे रोमबासी हजरत 'सहीद' ते त्रिय्ये हे ईरानी हजरत 'अवैश'। हजरत ग्रवेश गी पता लग्गा जे इक लड़ाई च हजरत मुहम्मद साह् ब दे चार दंद भज्जी गे न । सुनदे सार गै हजरत ग्रवेश होरें ग्रपने सारे दंद भन्नी टकाए। इसकरी हजरत मुहम्मद साह् ब ते हजरत ग्रवेश साह् ब गी नरम-मिट्ठे पदार्थ थ्होन लगे।" एह् शव-ए-बरात उस्सै दी याद च मनाई जन्दी ऐ। इस पिवत्तर रातीं मुसलमान 'न्याज-ए-फतीहा' करदे न, तां जे बाकी दे गुनाह्गारें दे गुनाह् माफ होई जान।

ईद-उल-फितर : ईद-उल-फितर मुसलमानें दा वड़ा-भारा ध्यार ऐ। इसदा वड़ा म्हातम एह् ऐ, जे एकड़ी ईद रमजान दे पित्तर म्हीने (रोजें परैंत) श्रींदी ऐ। हजरत मुहम्मद साह्व ने इस्लाम दे जेह् ड़े चार थैम खढ़ेरे देन, इन्दे च नमाज दे वाद रोजें दा गैं नम्बर श्रींदा ऐ। रोजे पूरा म्हीना-भर निराहार रखने ते दिन घरोंदे किट्ठे नमाज पिढ़यैं रोजा पोग्रारने कन्ने लोकें च भ्रातृ-भाव वधदा ऐ। एकम दे चन्द्रमें दे दर्शन किर्यै, दुतिया श्राले रोज घर-घर खुशी दा राज होंदा ऐ। सारे मुसलमान—अमीर, गरीब, बुड्ढे-जवान, सब किट्ठे नमाज पढ़दे ते इक-दूए दे गलें मिलदे न। इस खुशी च हिन्दू लोक वी शामल होंदे न। इस रोज सज्जनें-मित्तरें गी धामां खलाइयां जन्दियां न। गरीब-गुरवें गी दान दित्ता जन्दा। मसीतीं उप्पर रातीं दीपकमाला होंदी ऐ।

ईद-उल-जोहा: 'ईद-उल-जोहा' मुसलमानें दे बड्डे ध्यारें बिच्चा इक्क ऐ। इसगी बकरीद बी गलांदे न।

कथा: ग्राखदेन, इस्लाम दे धर्म-गुरु हजरत ग्रज़ाह्म गी मुखने च ग्रावाह्न होया जे ग्रपनी सारें कशा प्यारी चीजें दी कुर्वानी खुदा दे नां उप्पर देग्रो। उन्दा इक्कें पुत्तर गैं उन्दी सारें कशा प्यारी चीज ही। उनें उस्सें बच्चे दी कुर्वानी देन लाई ते ग्रपनी अक्खीं पर पट्टी व'क्नी लेई जे ऐन मौकें बच्चे दी ममता उन्दा हत्थ नेईं रोकी लें। पर छुरी कन्ने तकबीर पाइग्रें, जिस बेल्लै अक्खीं खो'लियां तां केह् दिखदेन जे बच्चा उदे सामनें खड़ोता दा मुस्करा करदा हा ते इक 'दुम्बे' दी कुर्वानी होई चुक्की दी ही। बस्स ग्रदू कशा गैं बकरीद उप्पर 'दुम्बे' दी बल देने दा रवाज चली पेआ।

कुसै संगठन गी चलाने लेई कोई आधार होना जरूरी होंदा ऐ। हजरत मुहम्मद साह्ब ने इस्लाम दी एकता लेई ईद-उल-जुहा दे ध्यारै गी गै प्रधार चुनेआ हा। ते इक ईश्वर दे नां उप्पर अपना सरबस्स कुर्बान करने दी ग्राज्ञा दित्ती ही। दुम्बे दे थाह्र भिड्डू, बक्करा जां ऊटें दी कुर्बानी देने दी बी स्राज्ञा ऐ।

इंद-ए-मेलाद: हजरत मुहम्मद साह्ब दा जन्म सन् 561 ई. च अरब देश दे कुरैश परिवार च अरब देश दे मक्का शैह्र च होग्रा हा। एह् इस्लाम दे प्रवर्त्तक हे, इसकरी उन्दा जन्मदिन इक पवित्तर ध्यारे दे तौरे उप्पर मनाया जन्दा ऐ। उस रोज सामूहक नमाज पढ़ी जन्दी ऐ। ते 'जकात' दित्ती जन्दी ऐ। दीपकमाला होंदी ऐ।

सिक्खें देध्यार: सिक्खें देलगभग सारेध्यार जां पर्व दस्सें पादशाहिएं जां गुरु महाराज देशभ जन्म दिनें जांशहीदी पर्वे कन्ने गैसरबंध रखदेन। इनें दिनें नगरै चशवीलां ते गुरद्वारें चलंगर लगदेन। जम्भू शैह्रै च, गुमटें आली ढक्की ख'ल्लें, बीबी चांद कौर दी समाधी पर दीवान लगदेन; जिंदे च हिंदू-मुस्लमान बी शामल होंदेन।

गुरु नानकदेव जी दा जन्म दिन नवम्बर म्हीने, पूरी शान कन्ने मनाया जंदा ऐ। इस्सै रोज, करसान श्हीद बाबा जित्तो दे जन्म दिन दे सिलसिले च झिड़ी ग्रांच त्रै दिन बड़ा भारा मेला लगदा ऐ। ते गुरु म्रर्जन देव, गुरु हरगोविंद जी ते नौमी पादशाही गुरु तेगबहादुर जी दा पर्व बी बड़ी शरद्धा कन्ने मनाया जंदा ऐ। ते दसमी पादशाही गुरु गोविंद सिंह जी दे गुरु-पर्व उप्पर ते खास तौरै उप्पर बड़ी रौनक होंदी ऐ। पहले रोज सारे शहरै च बड़ा भारा जलूस निकलदा ऐ। ते म्रगले रोज बड़ा भारा दीवान लगदा ऐ। किव दरवार होंदा ऐ।

किसिमस: इसाई जगत दे म्हान हजरत यशुमसीह दा जन्म इसवी सन् कशा 4 साल पेंह् लें मुल्क सीरिया दे इक्क ग्रांच होग्रा हा। उदे शुभ जन्म दिन 25 दिसम्बर कशा लेइये 31 दिसम्बर तोड़ी ध्यारें दा इक्क सप्ताह ग्रौंदा ऐ—जिसगी किसिमस गलांदे न। ए दिन इसाई जगत दे खुशी ते उल्लास ते मौज मेले दे दिन होंदे न। संसार च इसाइएं दी गिनती सारें कशा मती ऐ, इसकरी किसिमस दा पर्व संसार दा सारें कशा बड़ा पर्व-ध्यार ऐ।

बुद्ध जयन्ती: लद्दाख ते करिंगल च बौद्धें दी काफी बस्सोग्रां ऐ। जम्मू प्रान्त च पाडर दे इलाके च इनें लोकें दी थोड़ी ग्रवादी ऐ, (लगभग इक्क जहार) जित्थें इनें लोकें अपने धर्म ते सस्कृति गी हरीकाम रक्खे दा ऐ। बौधें दा बहुा ध्यार बुद्धपूर्णिमा ऐ, जेह्डा हर साल मेई म्हीने बड़ी ग्राब-ताब कन्ने मनाया जन्दा ऐ। पाडरी बौधें दी रैह्त-बैह्त ग्रपने जंसकारी भ्रातृएं कन्ने रलदी-मिलदी ऐ।

पाडर दे बौधें दे हर ग्रां च ग्रपना गुम्पा होंदा ऐ, जिस च महात्मा बुद्ध दी मूरती रक्खी दी होंदी ऐ ते धार्मक ग्रैंथ बी रक्खे दे होंदे न।

गुरु रिवदास जन्मिदन : गुरु रिवदास जी दा जन्म इक हरिजन (चम्यार) घराने च होग्रा हा। एह, ग्रापूं वी जोड़े (नुनकां) वनाने दा कम्म करदे हे। ग्रपने भाव, ते उच्चे-सुच्चे वचारें करी, उन्दी गिनतरी बड़े पुज्जे दे महापुरशें च होंदी ऐ। उन्दा जन्मिदन हरिजन लोक बड़े जोश कन्ने, नशींदे जनवरी महीने मनांदे न। इस च बाकी लोक बी शामल होंदे न।

महाबीर जयन्ती: जम्मू च जैनियें दी आबादी (पिछली मरदम शुमारी अनुसार) लगभग वारां मौ प्राणियें दी ही। महामुनि महाबीर जी महात्मा बुद्ध दे समें च गै होई गुजरे न। महामुनि जी दी जयन्ती जैनी लोक नशीदे मार्च म्हीनै बड़े उल्लास कन्ने मनांदे न, जिस च बाकी लोक बी शामल होंदे न। इसदे अलावा सतम्बर म्हीनै जैनियें दा बर्त-पर्व बी औदा ऐ, जदू एह लोक सामूहक बर्त रखदे न।

होगरा खान - लान

श्यामलाल शर्मा

"मन भौंदा खाना ते जग भौंदा लाना" - इक ने आ खुआन ऐ, जेदे च ग्रपनी ते समाज दी रुचि गी इक बरोबर मानता दित्ती गेई दी ऐ। "जैसा देस वैसा भेस" इस म्हावरे च बी किश इयै-ने'ई भावना ऐ, जे देश-काल दे मतावक लाब्बा रक्खना चाहिदा ऐ, तां जे देसै-परदेसै च कोई म्रोपरा नेई बझोय कीजे, मनुक्ख दा पहुला प्रभाऽ म्रोदी पशाक गै पौंदा ऐ। पैह नने-ग्रोढ़ने दे बारे च उंग्रां ते भूगोली जरूरतें दा बी हत्य हुंदा ऐ ते इस सिद्धांतै उप्पर गै स्कूलें-कालजें च बड़ियां-बड़ियां बैह्सां ते वाद-विवाद होई जन्दे न जे टल्ले छड़े शरीरे दी जरूरते म्रास्तै पैह्ने जन्दे न, जां दिक्खो-दिक्खी ? केई ग्राखदे न जे टल्ले लाने दी ग्रुरुग्रात दिक्खो-दिक्खी कन्ने गै होई ऐ ते एह् दिक्खो-दिक्खी गै सभ्यता गी बधांदी-फलांदी ऐ। पर केइयें दा ख्याल ऐ जे कपड़े लाने दे रवाजै च शरीरी जरूरतें दा पैह्ला थाह्र ऐ। आदमजुर्गं च जद्ं मनुक्ख पशुर्ये आला लेखा रौंह्दा ते नंगा फिरदा हा, ठंडू ते बरखा-झड़ियें च कुतै पत्तरें जां दरख्तें दी लपटोइयै, जिसलै उसी सखाल बज्झोई होग तां नुहाड़े बाल-बच्चें गुम्रांडै नै वी सर्दी-गर्मी मताबक शरीर खट्टना शुरू करी दित्ता होना ऐ। ग्राहिस्ता-ग्राहिस्ता शरीर खट्टना सभ्यता बनदी गेई ते कलात्मक ढंगै कन्ने शरीर गी खट्टने, शंगारने, बनाने, सुम्रारने, दा नां संस्कृति पेई गेम्रा की जे कला ते संस्कारयुक्त कार-ब्याह्र गै संस्कृति खुग्रांदे न । लाब्बे उप्परा हर देसे ते प्रांत दे लोक टकोह् दे पन्छोंदे न । (बशर्तें जे उनें ग्रपने देसै दा लाब्बा गै लाए दा होऐ) कीजे लान-पान ते रैह्त-बैह्त च, जित्थें

संस्कृति दा सलोबापन जां कोजापन ल'बदा ऐ — उत्थें, उत्थूं दी भूगोलक जलवायुते शरीरी जरूरतें दा पता बी जरूर लगदा ऐ। जे म्राखो भई . कश्मीर थमां कन्याकमारी तक्कर इक्के ने'आ लाब्बा ते इक्के ने'आ खान-ुपान चलै तां एह् साम्यवाद इस लम्में-चौड़े मुल्खे दे सारे लोकें गी रास . नेई ग्राई सकदा।

इस्सै चाल्ली खाने-पीने दे मामले च बी हर थां ते जाति दे लोकें अपनी-अपनी लोड़ें ते भूगोली प्राप्तियें दे अनुसार अपनियां रुचियां बनाई दियां न। हां इन्ना जरूर ऐ जे प्रकृति दे दित्ते पदार्थे ते चीजें-बस्तें गी केई लोक परमात्मा दे कृतज्ञ होइयै बड़ी श्रद्धा ते स्राह्रै कन्ते बनाई-सुम्रारिये खन्दे न ते केई लोक 'खा-खसमा' करिये जियां-कियां होऐ ढिड्ड भरियं खलासी मकाई ग्रोड़देन। एह् ग्रादतां वी जीवन दे प्रति अपने-्दृघ्टिकोण मूजव गैवनदियां न । जेह् ड़े नराशावादी लोक दुनिया गी जीने दे जोग नेई समझदे, दिन रात नश्वरता दियां गल्लां करदे जां सन्यास े लेई लैंदे न, जां हुंदे-सुंदे बी इंयां सोगी जीन जींदे न स्राखो इक लम्मी मकानी म्राए दे न । उंदी गल्ल बक्ख ऐ पर साढ़ें हुग्गर दे लोक दुखें कसालें दी जिंदगी वी बड़े जिंदा दिल होइयें जींदे न, भ्राखो परमात्मा दी जान्नी गै भ्राए दे होन । इस करिये उदा खान पीन ते म्हेणां जान्नी पर्चेकी भ्राला गै हुंदा ऐ। े तड़का लाने गी घ्यो-लते नेईं जुड़ग तां ग्रो मकदे ङारे गी दाली च सुट्टिजै तड़के दा धूं करी लैंदे न जां पही खाने बेल्लै अपने-ग्रपने शौंकै दा पुट्ठ चाढ़ी लैदे न। कुतै छाह्ई च लूनै-मरचें दी पुढ्ठ देई लेई, भामें चारै दी रुग्राल धरी लेई टिगड़े पर ते जां सैल्ली मरच, लून कुट्टिये गै सुरगे दा झूटा लेई लेगा।

सोहे दी व्हारा माकड़ियें दा छच्छा जां तरें ते खीरें कन्ने रुट्टी खाने दा पुट्ठ सुआद ग्रौंदा ऐ। पचोग्राड़ लग्गे दा बड्डा कद्दू — जिसी पशु वी नेई कवूलदे -- डोगरें दे करामाती हत्थें ओदा वी ग्रंबल बनाइयें ने'ग्रा सोग्रादला न्योड़ा ईजाद कीता जे देवतें ते पित्तरें दे कृत बी ग्रंबले बगैर सपूरे नेई हुंदे । वरतें, मोखें, सराधें दे षड़रस भोजनें च कद्दुर्ये दा ग्रंबल जां ग्रीह्रिया बड़ा गै जरूरी हुंदा ऐ। देहियें ने ई चीजै दा मुल्ल ते सारी दुनिया गै पांदी ऐ, पर जे स्रोह् खटेयाई जा ते खाने दे मतलबै दा नेई र'वे तां डोगरे ग्रोदे च ग्रौह्र पाइये, जेह्डा औह्रिया त्यार करदे न, ओदे मकाबले दा न्योड़ा दुनिया दे बहु थमां बहु बादशाह् दी जान्नी च बी नेई बनेग्रा होना, जेह् ड़ा साढ़े डुग्गरे दी गरीवनी थमां गरीवनी कुल्ली च बी थ्होई सकदा ऐ। राजे जनक दी वेटी सीता दे व्याह् च चावे ग्राले दिन जेह् ड़े भोगपदार्थ गनाए गेदे न, ओह् सारे पढ़ी जाने परेंत बी, मीं ग्रीह्रिए जनेह् न्योड़ दा नां कुर्त बी नेई ल'व्बा, जेह्ड़ा साढ़े म्हल्ले दे मैंह्गू झीरे दी कुड़िया दे व्याह् च चावा ग्राले दिन लोकों डूने भरी-भरी पीता हा।

खाने-पीने दी गल्ल चली ऐ तां डोगरें दे बक्खो-बक्ख मौकें उपर ते ग्राम दिनें दे खाने-पीने दी चर्चा कीते बगैर सारी गल्ल ग्रधूरी रे'ई जन्दी ऐ।

डुग्गर आर्थक दृष्टि कन्ने बड़ा गरीब प्रांत ऐ। सख्त मैह्नत-मजूरी करिये दिनें-रातीं दे तसीहे सही-सही मुहाल होए दा जीन रिढ़ी-रिढ़ी चलदा ऐ। मते लोक करसानी करदे न ते जिन्दे कोल जमीन नेई ते बक्खरै पर वी नेई ध्होंदी तां लौके-फौके ग्राईं उद्योग करिये, ग्रपना गुजर-बसर करदे न । थोड़े-नेह् शैह्रियों दी अत्थरूं पूंजने ग्राली चटेयाई दी गल्ल बक्ख ऐ--ग्रोह् नौकरियां, बपार जां दूए नेह् होर केई कार-वपार करिये चिट्टे टल्ले लाई फिरदेन, पर मते सारे डोगरें दा जीन फट्टोहाल ते ग्रौखा गै निभदा ऐ। इसकरी उन्दी रोजै दे खाने-पीने दी केह् गत्ल करनी ऐ। सर्दी-गर्मी ते बक्खो-बक्खरियें व्हारें सेती उन्दा खान-पीन चलदा ऐ। सोहे दी व्हारा छाह्ई कन्ने मक्कें, बाजरे जां चरी दे ढोडे जां मुट्टे नाजे दियां रुट्टियां — माकड़ी दे छच्छे जां सैल्ली मरचें लूनै दी चटनी कन्ने खाइयें खूहै दा पाचम पानी पीयें लोक संदोख करी लैंदे न । प्हाड़ें च एह् धनकड़ियें कन्ने होर वी सुग्रादले लगदे न। स्यालै च, जिसलै मांह. निकलदेन तां मुट्टे चौलेंच मांहेंदी दाल पाइयै खिचड़ी बी जन्दी ऐ जां मांहें दी दाली कन्ने ढोडे, सैली मुली जां मांहें छोलें दी मुट्टे चौलें जां जुड़ी आवै तां बासमती दा भत्त वी कदें-कदाएं ध्होई जन्दा ऐ। गन्नें दी व्हारा बड़े शौंकै कन्ने लोक रौह् पीदे न ते रौहु ग्राला भत्त बनाइये जशन मनांदे न।

एह् ग्राम जनता दा सधारण खान-पीन हा, ग्रज्ज दे जुगै थमां पंजाह्-सट्ट ब'रे पैह्ले (हुन ते ग्राएं च बी बड़ा फेरवदल होई गेदा है) उन्हें दिनें घरा दा देसी घ्यो ग्राम हुंदा हा। उस घ्यो च तरोतर कीते दे फुल्के जां तारे दे खमीरे ग्रट्टें दिनें दे बाद बी खाओ तां बी नां ते उन्दा स्वाद खराव हुंदा हा ते नां गै ओ माड़े लगदे हे। प्रौह्नें ग्रास्तै इन्नी गै चेच हुंदी ही जे उनें गी घ्योऐ कन्ने दपासा चुप्पड़िये फुल्का दिन्दे हे। जां बासमती दा भत्त ते मांहें छोलें दी दाली कन्ने कैंह् दे कटोरे च देहिएें दे दक लुक्खड़ धरदे हे। संजा बेल्लै इंगा ते लोक चार-चवार कन्ने गै खाई लैंदे हे, पर प्रीह्ना आई जा तां ग्रालू-बिड्यां बनिदयां हियां जां घिया-कद्दू, मूलियां जां होर कोई साग-सब्जी थ्होई जा तां चाढ़ी लैंदे हे। स्रीपचारकता शैह्रें च बी घट्ट ही। सिद्धा-सारा दाल-भत्त, फुल्के जां थ्होई जा ते कोई सब्जी प्रौह्ने लेई बनाई लैंदे हे। हां, प्रौह्ने-प्रौह्ने च बी फरक हुंदा ऐ। जोग्राई ग्राई जा जां कुड़में देघरादा कोई ग्राई जा तां मती चेच करनी पौंदी ही । प्रौह्ने दी म्हत्ता दिक्खिये कदें घियूर ते कदें परौंठियां पकदियां हियां, जेह् ड़ियां देहीं जां दुढ़ैं कन्ने खलांदे हे। दाल ते बासमती चौलें दा भत्त ग्राम ध्याड़े ग्राला गै हुंदा हा। ग्रज्जै ग्राला लेखा मतें न्योड़ें दी नमैश लाने गी लोक हुच्छपुना समझदे हे। चाई स्राली बमारी दा कुतै नां-नशान नेई हा । कुतै जकाम जा न्मोनिया होई जा तां देसी चाऽ दाल-चीनी, लाची पाइयै देनी जां दशांदा देना । हां, ब्याहें-कारजें, सूत्तरे-मूनननें गी ते सराधें-चबरियें गी जेह् ड़ियां धामां हुंदियां हियां, उन्दा खाना-पीना होर तरीके दा हुंदा हा ते दिनें-ध्यारें दा होर ।

साढ़े डुगगरै च उने दिने ब्याहें दे बड़े समारोह् ते धूमधामां हुंदियां हियां। त्रै-चार म्हीने पैह् ले गै सगन लेइये जनानियां ब्याह् दा कम्म-काज गुरू करी ग्रोड़िदयां हियां ते गुड़, बड़े ते पतासे बंडित्यां हियां। मांहें दे बड़े पकाने लेई कड़ाह् चढ़दे हे ते पही बरतने मताबक दो, चार, छे, ग्राह, दस जोडियां बड़े बलादरी च बंडोदें हे। लड्डू-सकारां, शक्करवारे, ग्राह, दस जोडियां बड़े बलादरी च बंडोदें हे। लड्डू-सकारां, शक्करवारे, मिट्ठ्यां सेमियां, ब्याहें च बंडने गी मठेयाई ते मिट्ठे फिक्के बब्बरू, कल्हे, घयूर ते पलाकड़ियां भाजी लेई बनिदयां हियां। ब्याहें च सांती दा भत्त, सम्हाले दी धाम, सुआनी दी धाम ते जान्नी-पचैकी दियां चाबां हुंदियां हियां, जिन्दे च मांहें छोलें ते मूं गी दियां दालीं, काशीफले दा ग्रंबल, राजमांह्, जिन्दे च मांहें छोलें ते मूं गी दियां दालीं, काशीफले दा ग्रंबल, राजमांह्, छोले, रौंगी ते छुहारें दे लूने-मिट्ठे महरें दियां केई किस्मां हुंदियां हियां। छोले, रौंगी ते छुहारें दे लूने-मिट्ठे महरें दियां केई किस्मां हुंदियां हियां।

खोए ते मेवें कन्ने देसी घ्यो च तरोतर कीते दा श्रीपलाऽ—िकिन्नियां किस्मां कोई गिने । चाब श्राले दिन सुच्चियों खमीरें ते देहिएं दा हाड़ आई जन्दा हा। कोई बीह डूने पीने दी डींग मारदा ते कोई त्रीह । सूत्तरे, मून्नने ते होर दूए शुभ लगनें गी सुग्रानियां ग्राखदे हे (सुहागन जनानियें दी धाम)—जेदे च दो दालीं, दो मद्धरें, ग्रंबल ते मिट्ठा-फिक्का भत्त ते तेल, ते गुई दे बब्बल बनदे हे। ब्याहें ते मंगलकारजें च खीर बनाने दी मनाही ऐ, ग्रो सराधें ते चव'री च बनदी ही। चब'री च पटड़ी ग्राले ब्रैह्मने ग्रास्त सतबन्दोग्रानी बनदी ऐ। ग्रोदे च पूड़ियां, सतपूड़ियां, बड़े, घयूर, खीर, खमीरे, पूड़े, पकौडियां पकांदे न। ब्रह्मभोज च दो गै दालीं, दो मदरे, ग्रंबल, मिट्ठा-फिक्का भत्त ते मता इच्छम करना होयें तां कन्ने पीला भत्त बी बनांदे न।

बसोऐ, राड़े करेग्राचीथ, दियाली ते लोह्डी-जनेह् ध्यारें गी लोक ग्रपनी-अपनी पुज्जत दिविखये, रुचि ग्रनुसार कुते मिट्ठे-फिक्के बब्बर पकांदे न, कुते पतरोड़े, परौंठियां, मिट्ठे लूनके चिल्ले, सियां, घयूर, मिट्ठे रुट्ट ते जन्मदिनें गी मिट्ठे बब्बर जरूर बनदे न। प्हाड़ें ते उन्दे लागे-लागे चरौलियां ते ठीकरमंडे बनाने-खाने दी शौंक बी ऐ। ग्राएं-प्हाड़ें च मठेयाइयां बनाने-खाने दा रवाज बड़ा घट्ट हा। लड्डू, बरफी जां जलेबियां गै हुंदियां हियां, जेह्डियां खरिदये खाने दा रवाज घट्ट हा। कुते कुसे दे देनी होऐ, छेजा नवेद धरना होऐ जां ध्यारै-पर्वे उप्पर खल्ली मनसनी होऐ तां खरीदिये दिन्दे हे। हां सेमियां जां पकौड़ियां जरूर बनदियां हियां ते संजां बेल्लै नमीं लाड़ी लेई नुकल करने गी पैसे दियां नुग्राइयें सस्स बड़ा लाड लड़ांदी ही।

एह् बड़ी हरानगी दी गल्ल ए जे वासमती चौलें दे इस मुल्खें च ग्राम खाने-पीने गी मक्क, वाजरे दे ढोडे ते मुट्टा नाज गै प्रधान हा। गरड़ा चौल, सुग्गा चौल, रनुग्रा ते जिरी दे चौल, लोक ग्रापू खन्दे हे ते बासमती प्रौह्ने लेई जां बेचने लेई रक्खी ओड़दे हे। कड़ें दी दाल, जौ ते थोड़ी कनक रलाइये पीह् लैंदे हे, जिसी बेरड़ा आखदे हे ते दोऐ बेल्ले ग्रोदे गै मुट्टे-मुट्टे टिक्कड़ पकाइये खन्दे हे। खास मौकें ते प्रौह्ने लेई बिध्या कनक ते बासमती हुंदी ही ते एह् बिध्या नाज पैदा करने ग्राले करसान ग्राप्प मुट्टा नाज—कौंगनी दा भत्त, बेरड़े दे टिक्कर ते ढोडे खन्दे है। ग्रज्जै दे ग्रात्मकेन्द्रत समाजै गी ते वश्वास गै नेई ग्राई सकदा, इस गल्ला उप्पर पर एह सच्च ग्रज्ज वी ग्राएंच कुतै न कुतै ल'ब्बी सकदा ऐ।

हां, इन्ना जरूर हा जे ग्रधकचरा नाज जिसले खेतरें चा ग्रपने सिरजनहारें गी बाजां मारदा हा तां ग्रो ग्रधपक्के जवें दे सत्तू, ग्रधपक्के चौलें दे झस्योल, हरे छोलें दियां होलां ते मक्के ते बाजरे दे सिट्टे भुन्नी-भुन्नी देवतें ते प्रौह नें गी भेटा करियें ग्राप्पृं बी बड़े चाठ ते शौंके कन्ने खन्दे हे। ते इनें गैं गिने-मिने नाजें चा ग्रोह ने खाने ते भोजन पदार्थें दियां इन्नियां किस्मां ईजाद करी लेइयां जे उन्दी पूरी गिनतरी इक निक्के-नेह लेखा च संभव नेईं।

खाने-पीने दियें इनें आम चीजें ते पदार्थें दे अलावा सर्दी दे मौसमै च गर्मे आई आसते होर बी केइयें किस्में दियां चीजां-बस्तां बनदियां हियां। जागत होने आली जनानी लेई सुक्के मेवे, गुंद ते सुंढ पाइयें बस्त बनदी ते भामें गर्मियां होन, भामें सर्दियां श्रो उसी खलानी गैं पौंदी ही। शौंकिया खाने लेई बी मांहें ते अलसी दियां पिन्नियां जां नखास्ते ते आटे दा चूरमा बनदा हा। सत्तनारायण दे बतेंं गी आटे दे चूरमे दा भोग बी लोआंदे न। गुड़ें दी ब्हारा तिली, मुंगफली, गरी जां आटा पाइयें केइयें किस्में दा गुड़ं गें बनी जंदा हा, जिदे च घरेड़् गुड़ें दा अपना गैं स्वाद हुंदा हा। रयोडियां स्थालू रुत्ते दा खास रवाजा भोजन ऐ, ते दिनें जनानियां रयोडियां चौल जां गुड़, तिली ते चौल रलाइयें त्रचौली दा छावड़् कोल धरियें घरखा कतदियां न ते बिच्च-बिच्च फक्के मारदियां जंदियां न, संजां बेल्लें दी नुकल आमतौरें पर भट्ठी दाने भनाइयें हुंदी ऐ। जागत, जनानियां अपनी-अपनी रुचि मतावक मक्क, चरी, बाजरा, छोले. कनक, चौल लेइयें भनाई लेई औदे न ते मजे कन्ने फुल्ल जां कनकू दे मरुड़े खन्दे न।

फलें च ग्रम्ब गै प्रधान फल हुन्दा हा पर मरूद, बैर, कक्किड़ियां, दुहाने, खीरे, तरां ते जम्हीरियां बी व्हारा सेती हुन्दियां हियां। एह् फल वी खरीदियें खाने दा रवाज घट्ट हा। ग्रामतौरे पर लोक ग्रपने-ग्रपने खेतरें ते बूटें दे फल-फरूट बेह् ड़े-म्हल्ले ते दूरे-पारे दे रिश्तेदारें च बंडी ग्रोड़दे हे ते सगाती ग्राए दे फलें-फरूटें गी गै लोक पितरें निमत्त ग्ररपन करियें नमें करी लैंदे हे।

एह् ते होआ आम लोकें दा खानपीन। राजें-महाराजें ते बजीरें,

ओह ्र दे वारें वियें रसोइयें दा खानपीन ते बड्डे घराने दे रंगै-ढंगै गी ते मिथन गै नेई हुन्दा। खाने-पीने आले जिन्ने पदार्थ डुग्गर च प्रचलत न, उंदियां केई निमयां-निमयां किस्मां बनाई चनार बोटी ते बटयानियां नित नमें स्वाद बनांदे रौंह् दे हे। मांहें दे महरे दे अलावा मांहें दियां पिन्नियां, मांहें दियां बड़ियां, मांहें दे बड़े, मांहें दियां मिस्सियां रुट्टियां, मांहें दियां घुंगनियां ते तिलए मांहें-जनेह् इक मांहें दी दाली दे, केई पदार्थ बनाने दी कला, साढ़ें डुग्गरें दी खास बरासत ऐ। बड़े घरें च जेह् ड़ी अंबली मूंगी बनदी ही, ओ कु'न खा ते कु'न छोड़ें। राजघराने दी ते गल्ल गै छोड़ो, मिट्ठें, लूने बब्बरें दे थां उत्थें मैदे दे जेह ड़े थोथरू पकदे हे, उन्दे च मैदा घट्ट ते बदाम, पिस्ता मता हुन्दा हा। मैदा, सुक्के मेवे, मावा, देसी घ्यो ते दुढ, देहीं, रिबड़ी पाई-पाई पता नी किन्ने गै भोजन-पदार्थ उत्थें रोज बनदे हे ते उनें रसोइएं च खाने आले सैकड़े पन्तें, परोह तें, टैह लुयें, नौकरें ते दरबारियें दी जिंदगी अज्ज नीरस ते सुन्न-मसुनी होई गेदी ऐ। अज्ज दे जुगै च आ लुस-लुस करदियां चीजां-बस्तां दुरलभ होई गेइयां न।

डुगगरै च जनानियां बर्त-नत्त बी मते रखदियां न ते बर्ते च ग्रो छाह्ई च लून-मरच पाइयै स्यूल भुन्नियै पाई लैंदियां न जां गुड़ै दी चानी बनाइयै मिट्ठी स्यूल बनाई लैंदियां न। आलू जां कचालू बोग्रालियै बी फलोहारै दे कम्म ग्रौंदे न। सांकी दे चौलें दा भत्त बर्ते च खन्दे न। शक्करकंदी श्होई जा तां जनानियें दी धाम होई जन्दी ऐ। केइयें बर्तें गी तिली दा भुग्गा, तलूने ते तिलो खानी जरूरी हुन्दी ऐ।

डुगगर देस गरीब भामें ऐ पर दिला दा सौंगड़ा नेई । ग्रसें एह. आम दिक्खेग्रा ऐ जे घर च दुद्ध-देहीं घट्ट गैं खन्दे हे। लोक ग्राप्प ते छाह ई कन्ने गजारा करी लैंदे हे ते मक्खने दा घ्यो वनाई-वनाई चाटियां भरी-भरी जोड़ी ग्रोड़दे हे, पही ग्रो घ्यो जां ते प्रौह, ने दे कम्म ग्रौंदा हा जां दिनें-ध्यारें गी ते जां कुतें आंडी-गुग्रांडी दी कुड़ी दा व्याह, जुड़ें तां घ्योयें दी चाटी जां जिन्ना वी जुड़ी-वनी ग्रावें, लोक खुशी-खुशी ग्राप् चुक्कियें व्याह, ग्राले घर पजाई ग्रौंदे हे। सुख-दुख गी इस चाल्ली दी सहकारी भावना कन्ने जीना ते इस भावना गी किया रूप च इन्ने सैह, ज सुभा कन्ने तोआरमा साढ़ी डुगगर संस्कृति दा अनमोल तत्थ ऐ। नमीं संस्कृति दे प्रभाव च पर्ल दे, अर्जी दे लोक जिनें गी हवा, पानी ते स्वाह, बी मुल्लें ध्होंदी ऐ, इस गर्ली

उप्पर कदें जकीन करी लैन जे देसी घ्योये दियां चाटियां बी बिन मुल्लै ते चाएं-चाएं भ्रांड-गोआंड बंडियां जाई सकदियां न, तां संस्कृतियें दी श्रेश्टता दा संघर्ण खतम करिये, भ्रो इक्कै रस्ते चली पौन ते दुनिया गी सुखै दा साह् भ्रावै ।

लाब्बा: गल्ल टुरी ही डुग्गरें दे लाब्बे दी ते चली गेई खाने-पीने ग्राली भेट्ठा। उंग्रां एह् सदा गै होग्रा ऐ, की जे खानपीन शरीर दी पैह्, ली लोड़ ऐ ते लाब्बा — ग्रो दूई लोड़ ऐ, जेह् ड़ी मनुक्खें गी सभ्य बनाने च मदद करदी ऐ। ग्रज्जें दी दुनिया च सभ्यता गै समाजें दा मुल्ल पोग्रांदी ऐ। प्रगति दी दौड़ें च समाजें दा मुल्ल पौना बड़ा जरूरी ऐ ते ग्रस एह् गल्ल सिर चुक्कियें आखी सकने ग्रां जे लाने-पाने दे बारे च बी साढ़ा डुग्गर देस, ग्रपनी सभ्यता-संस्कृति मूजब सभ्य देसें च कुसें थमां पिच्छें नेईं। एह् गल्ल बक्ख ऐ जे डोगरे ग्रपनी ईनें दे पक्के न, पर लाब्बे दे बारे च उनें कदें जिरड़पुना नेईं दस्सेग्रा ते जित्थें कोई शैल ते बनकदा लाब्बा ल'ब्बा उस्सी ग्रपनाई लेग्रा।

होगरा लाब्बे च ग्रसें गी मता प्रभाव राजस्थानी ते मुस्लम प्रशाकें दा से 'ई हुन्दा ऐ। खिच्चड़ लाब्बे दे इस जुगै च वी जिसलें कुतै वी कुसै प्रांत दा गुद्ध लवास मुश्कलों गै ल'बदा ऐ, डोगरा करसान ते राजस्थानी करसानें च दूरा दा कोई फरक नीं ल'बदा। हां, बोल्ली सुनियें जरूर पता लगदा ऐ जे कु'न डोगरा ते कु'न राजस्थानी ऐ। एह दा इक इतिहासक पैह लू वी ऐ जे डुग्गर दे इलाके च सदियें पैह ले, केई गुज्जर ते राजपूत ग्राई वस्से हे ते केई करसानी करन लगी पे हे। उन्दे च जेह डो राजदरबारें च वस्से हे ते केई करसानी करन लगी पे हे। उन्दे च जेह डो राजदरबारें च वसनीकें च वी पेई गेग्रा। दूग्रा असर इत्यू दी रह त-बैह त उप्पर मुसल-वसनीकें च वी पेई गेग्रा। इत्यू दे जनाने लवासें दी छानबीन करचे तां ग्रसें गी टकोह दा ल'ब्बग जे डोगरा, राजस्थानी ते मुसलमानी तौनें लाब्बें गी ग्रसें गी टकोह दा ल'ब्बग जे डोगरा, राजस्थानी ते मुसलमानी तौनें लाब्बें गी वगैर कुसै खिच्चा-तानी ते बैर-बरोधै ते डोगरी जनानियें सैह ज सुभाऽ कन्ने ग्रम वाई लेदा ऐ।

डोगरी गिद्दी, मुसलमानी सुत्थन ते झिक्का कुर्ता, बरीक-बरीक चौनें आले दबट्टे, भुरका, राजस्थानी घघरा-चौली ते स्रोढ़नी दबट्टे उप्पर दबट्टा, पठानी लाब्बा सलोग्रार-कमीज ते खास-खास मौकें उप्पर लाने श्रालियां रेशमी रंग-बरंगियां कनारी ते सिल्मे-सतारे ग्रालियां पसोआजां, कुतियां, चौलियां ते सालू—एह्, सब बनखरे-बनखरे थाह् रें दा ग्राइयें डुग्गरें च इनक-मिनक होई गेदे न । इंयां गैं सुन्ने-चांदी दे बंधे-गैह् ने दी नहानी ऐ। बन-सबिन्नयें संस्कृतियें दे मेल कन्ने जेह् डि़यां टू बां-टांबां इत्थें प्रचलत न, उनें गी नखेड़ना ग्रीखा कम्म ऐ। सिरै दे वंधे च चनक फुल्ल, बंधियां झुमके, टिनका दौनी, ग्ररच चंद्रमा, झूंबर निलप, कन्नें दे बन-सबन्ने झुमके, बालियां, मुरिकयां, कुंडल टेड़के कांटे, ननकें दे नत्थवरलाक बलाकड़ू, लौंग, कोका, गले दे बंधे च ढिंडयां, बुगदियां, चन्ननहार, मटरमाला, स्हीरी, हौरदली, केंठा, नाम, जुगनी, मोह्रां, रानीहार, पौंडें दा हार, बांहें ते ग्रीगिलियें दे कंगन, कड़े, बंगां, चूड़ियां, पौंचियां, कच्चू ते शीशे दे गजरे, नैंत, ग्रारस्, इ्टियां, पैरें दे बंधे इ्टड़े, छिल्लयां-किड़यां, तोड़ बसैंतियां पंजेबां, किड़यां जनेह् जिन्ने बंधे ग्रसें दिनसे-सुने दे न, उन्दे च ग्रज्ज एह् फरक करना गैं कठन होई गेदा ऐ जे केह् इे डोगरे बंधे न ते केह् इे राजस्थानी जा मुसल-मानी न।

ग्रज्जै आला लेखा सुन्ने-चांदी दा मोह् जनानियें गी ग्रदूं बी मता हा। ग्रमीर लोकनियां सुन्ने दे भारे-भारे ते जड़ाऊ बंधे बनोग्रांदियां हियां, रानियें, महारानियें दे बंधें गी हीरे, जवाह्रातें दा जड़ाऽ हुन्दा हा ते गरीबनियां चांदी, शीशे ते झूठे मोतियें दे बंधे पाइये, मन पतेआई लैंदियां हियां, पर एह् तत्थ इत्थें बी बड़ा उजागर होऐ दा ऐ जे डुग्गरें दी ग्रनपढ़ पिछड़ियने दा उपा लुआइयें चलने ग्राली नारी दी कलात्मकता ते सौंदर्य-प्रियता दा गुहाड़ ते उस बेल्लै सामने ग्रौंदा ऐ, जिसलें सुन्ना, चांदी ते दूर, झूठे मोती ते शीशे जां कच्चू दा सम्यान बी नेई छहोंदा उसी सजने गी। घाटे-कसाले च वी खुशी ते चांएं-चांएं जीने दी लालसा च ग्रो खोड़ें दा दंदासा करियें, दिख्ये दी स्याई दा कजला बनाइयें ते सित्थे कन्ने सिर गंदाइयें मींडियां करी-करीं, सिरें च बालें दे गैं ग्रनिगनत डजैन बनाइयें सज्जी लैंदी ऐ।

राजदरबारें ते बड्डे घरें च बी लाब्बा इयें हुन्दा हा, पर गरीबिनियां, लट्ठे-खासे दा कुर्ता, सूती जां लुधयाने दी सुत्थन ते मुट्टा दबट्टा लैंदियां हियां। ग्राई जनानियें दा ग्राम लाब्बा ते खहड़ें दी दो जां ढाई पट्ट चादरें

दी गिद्दी गै हुन्दी ही। मितयें ठंडें च ग्रंदरें कुर्ता लाई लैंदियां हियां ते कदें-कदें सुत्थन कुर्ता ते दबट्टा बी, पर ग्रामतौरें उप्पर त्रं टल्ले। कुर्ते बांह् डे जाने जां व्याहें ढंगें च गै लांदे हे, रोजै दे कम्में-काजें च गिद्दी सौखी रौंह्दी ही।

हां, रानियों, महारानियों ते होर बिड्डियों लोकनियों दे सुच्चे जोड़े कनारियें, गोटे ते सिलमे-सतारें कन्ने जड़त्त होए दे हुन्दे हे। उन्दे कपड़े मखमलें, गवारनेट, दरेग्राई ते होर केई रेश्मी कपड़ें दे बनदे हे। दबट्टे बी छुव्बी दी मलमलै जां रेश्मी डोरिऐ दे हुन्दे हे। उन्दियां मुत्थनां बी टस्सरै ते गुलवदनै दियां हुन्दियां हियां, जेदा नां गै दस्सा-दा ऐ जे ग्रो सिद्धा मुगले दे हरम दा सगाती श्राया हा। इंयां गै सरकारें द्वारें ते बहु घरें च लट्ठे दे भुरके ते दरेग्राई जां होर केइयें किस्में दे रेश्मी कपड़ें दे श्मानी घग्गरे पाए वगैर, जनानियां वाह्र नेई हियां निकलदियां। पैरें च सिल्में-सतारें ते कढ़ाई श्रालियां पणियां ते जोड़े, कुलीनता दी नशानी हुन्दे हे। सधारण जनानियां तकरीवन नंगे पैरें ग्रां दे कम्म-काज ते फेरे-टोरे करदियां हियां । कुतै बांह् डे जाना होऐ तां नुक्कां लाई लैंदियां हियां। पर ग्रो लाखे दियां बनदियां हियां। इस चाल्ली ग्रस दिक्खने ग्रां जे उनें दिनें पैंह नने, ग्रोढ़ने दी लोक कोई खास चैंता नेई हे करदे । हां, उस बेल्लै दे लाब्वे च इक्क गल्ले दा खास ख्याल रक्खेग्रा जन्दा हा, जे कपड़े लाने च बेपड़दी नेई होऐ। खास करिये, जनानियें लेई एह् बड़ा जरूरी हा जे लाब्बा भामें कोई लाना होऐ, शरीरै दा मते थमां मता हिस्सा, खट्टे-प्लेटे दा रौह्ना चाहिदा ते इस निजमै दा जेह्ड़ी जिन्ना पालन करदी ही, ओ उन्नी गै कुलीन ते सभ्य मन्नी जन्दी ही।

ग्रज्जै-कल्लै दे लबासें च जियां पैंट, बुशर्ट ते सूट प्रधान ते ग्राम ऐ, इंयां गै पराने डोगरें च दोह्रा घटन्ता ते कुर्ता गै प्रधान हा। ग्रजादी मिलने थमां पैह्ले डुग्गरें दे लाब्बे च बी वर्णाश्रम बबस्था दी झलक ल'बदी ही। घोती-कुर्ता लाइयै, मूंढै परना जां चादर बाही दी होऐ, मत्थै तिलक हो। घोती-कुर्ता लाइयै, मूंढै परना जां चादर बाही दी होऐ, मत्थै तिलक ते सिर पग्ग ब'न्नियै कोई जा दा होऐ तां विन पुच्छे पता लगी जन्दा हा जे ते सिर पग्ग ब'न्नियै कोई जा दा होऐ तां विन पुच्छे पता लगी जन्दा हा जे कोई पंत-परोह्त जां ब्रैह्मण ऐ। हां, ग्राएं दी गल्ल बक्खरी हों, उत्थें ब्रैह्मण वी जेह् इे करसानी करदे हे, ग्रो उच्ची घोती जां लंगोटी ते बंडी जां ब्रैह्मण वी जेह् इे करसानी करदे हे, ग्रो उच्ची घोती जां लंगोटी ते बंडी जां

कुर्ता लांदे है। (बंडी—बास्कट श्रांगर बांही श्राली बनैन-जन हुन्दी ही खहड़ा दी) बांह् डै जाना होऐ तां कुर्ता, घटन्ना जां धोती लांदे है। घटन्ना सिंदियों च दोह् रे खहड़ दा ते गिमयों च लट्ठे दा जां केह् रे खहड़ दा हुन्दा हा। खत्तरी ते महाजन जेह् ड़े हट्टी जां बपार करदे हे, उन्दा लाव्बा बी तकरीबन इये ने श्रा हा, जेह् डा करसानें दा हुन्दा हा, पर हट्टी बौह् ने श्रालें दी पगा बिंद बड्डी (पुल्ली-पुल्ली ब'न्नने करी) पगणड़-जन हुन्दी ही ते मेघ, बरोआले जेह् ड़े खेत्तरें उप्पर काम्मे हुन्दे हे, छड़ी लंगोटी-कुर्ता लाइये गैं गजारा करदे हे। घटन्ना श्रोह, कुर्ते व्याहें-कारजों गी गैं लांदे हे। नंगे परें चलने दा रवाज श्राम हा। बांह् डै जाना होऐ तां चमड़े दे भारे-भारे जोड़े हुन्दे हे। सिंदियों गी स्हीयतें मताबक पट्टू, लोई, कंबल जां दोह् रे दी बुक्कल मारियें लोक बाह् र निकलदे हे, पर घरें ग्रंदर गरम टल्ले लाने दा रवाज नेई हा। डीठियां बालियें, लोक ग्रग्ग सेकी लैंदे हे जां पहीं मता इच्छम करना होऐ तां कं-दार बंडियां जां कं एं आले कुरते बी सेग्राई लैंदे हे। निक्के ज्याणे गी कं एं ग्रालियां बंडियां लोआंदे हे, पर आमतौरें उप्पर खहड़ दे मुट्टे टल्लें कन्ने गैं स्थाला कटोंदा हा।

बच्चे दी पशाक सुविधा ते उपयोगता दा ध्यान रिक्खयें बनाई जन्दी ही। कुड़ियें गी खहड़ा दा गिद्दू बन्होंदे हे ते सिंदियें च सुत्थनू, कुर्तू लोग्रांदे हे। जागतें गी कुर्तू, घटन्नू ते टोपू जां रमाल ब'न्नने दा रवाज हा, जे बच्चे गी सिंदी नीं लग्गी जा। घटन्नू ते सुत्थनू इस स्हावें बन्हाए जन्दे हे जे टट्टी कराने जां मतराने च ग्रीख नीं होए। पर ग्री उपयोगता अर्ज्ज दे लोकों गी किछ ग्रसम्यता ल'बदी ऐ, इस करिये ग्रज्ज ग्राएं च बी ग्रोकड़े सुत्थनूं, घटन्नूं लोप होई गे न। अग्गें स्याले च बुड्ढे ते बच्चे कन्ने ग्रालियां टोपियां लांदे हे, पर हुन सिर नंगा रक्खना सेह्त ग्रास्तें जरूरी समझेआ जन्दा ऐ, भामें बारां म्हीने जकाम, नजला लग्गेग्रा र'वै।

व्याहें च कुड़ियें गी सुब्बर जां सालू ते म्हराजै गी कुर्ते, घटन्ने जप्परें ग्रचकन लोग्रांदे हे। ग्रमीरें दी ग्रचकन सुच्ची ते जरी दी हुन्दी ही ते गरीबें दी सधारण रेश्मी कपड़े दी जां गवारनेट दी। सिरै पर प्याजी पग्गू ब'न्नियें कनारी दा सुच्चा जां झूठा सेह्रा ब'न्नदे हे। कुड़ियें गी ते बंधे पाने गैं हुन्दे हे, म्हराजैं गी बी कड़े-कैंठे कन्ने कांटे ते बाजूबंद पोग्रांदे

है। मरने-परने च जनानियां व'रा भर मैली चादरा दा पटड़ा ब'न्नदियां हियां ते कृत्त करने ग्राले गी किरेग्रा तोड़ी भुंगी ब'न्ननी हुन्दी ही, जेदे च मलमलैं दा चिट्टा पग्गू ते चिट्टी धोती गै हुन्दी ही। कुर्ता लाने दी मनाही ही, हां ठंडू च लोई दी बुक्कल मारी लैंदे हे। एह् रवाज अर्जे बी है ते शैहरें च बी थोड़ा-मता चला दा ऐ, पर शैहरें दियें जनानियें दी पशाकी च हून मरने-परने च बी कोई खास फरक नेई रे श्रा । जनानियें इनें गल्लें दी नसारता समि झिय मते सारे पखंड छोड़ी स्रोड़े न ते स्रपने लाब्बे ते सतरै दी सारी मर्जादा तीकड़े धरिये मन-मर्जी कन्ने लाना-पाना शुरू करी दित्ता ऐ। करन बी की नीं। स्रजादी दे इस जुगै च जेदे च स्रजादी दी न्हेरी गै झुल्ली गेई ऐ, ग्रो अपने पिछड़े पनै गी फगड़िये पटड़ें च कियां लपटोइयां रौह्त ! शहरों च ते अञ्ज मरदाने लवासें दा वी कोई ऐंत नीं रे आ । जनानी साड़ी, चोली गी छोड़ियेँ ग्रो केह्ड़ा टल्ला ऐ जेह्ड़ा मरदें, जनानियें दा सांझा नेईं। जनानियें घग्गरे दा रूप थोड़ा बदलियें पेटीकोट जरूर बनाई लेग्रा ऐ, जेह्डा मरदें गी रास नेई ग्राया, पर बाकी लाब्बे — पैंट, शर्टी, पैंटनुमा पजामे, तंग पजामे, कुर्ते-कमीजां, लुङियां, सलोग्रारां ते होर किन्ने गै किस्में दे लाब्बे न, जेह इं कुड़ियें-जागतें दे सांझे न। इत्यूं तक्कर जे वालें दा फैशन बी इक्क होने करी, केई बारी एह भलेखा गै लग्गी जन्दा ऐ जे क्'न कुड़ी ऐ ते क्'न जागत ऐ ? भुरका ते ग्रजादी दी (ह)वाऊ च इंयां उड्डरी गेग्रा जे बत्ता लो नीं ल'ब्बी ग्रोदी । इक समां हा जे लाब्बा दिक्खिये दूरा गै पन्छोई जन्दा हा जे मरद जा दा ऐ ते स्रोह् केह्ड़ी कौमे दा जां केह्ड़ी जाती दा होग ? लवासें दी सादगी ते जे थ्होई जा परमात्मा दी दया समझिये पैह्नने, खाने करी – ग्राम लोकें दी संदोखी वृत्ति उजागर हुन्दी ही, पर एह ्गल्ल नेई जे दखावे ते शैलसूफियें कोला लोक भ्रनजान है। हां, एह् ग्रलामतां बड्डे लोकें ते राजें, बजीरें दे घरें च गै हुन्दियां हियां। ग्राम लोक दखावे ते णैलसूफियें कोला झकदे हे, शर्म समझदे हे। ग्राएं ग्राला लेखा शैह्रें च बी ग्राम लोकें दा लाब्बा केह्रे जां दोह्रे घटन्ने, कुर्ते, पग्गू, साफे जां गोल कालियां टोपियां गै हुन्दियां हियां। कोई-कोई घुंडी बीड़े ते कपासे गल्मे ग्राले खु'ल्ली बांहें दे खिल्के कुर्ते बी लांदे हे, जेह् ड़े मलमलै जा रेश्मी ते सिल्क दे हुन्दे हे। इंदे ग्रंदरें तंग बांहीं दे ग्राम कुर्ते लांदे हे। कुर्ते-घटन्ने कन्ने कुर्ते-कुर्ते ग्रंगरखे जां ग्रचकनां बी लांदे हे।

श्रंग्रेंजें दे श्रौने परेंत बास्काटें दा रवाज वी ग्राम चली पेदा हा, जेह्ं ड़ी शैंह् रें च सधारण गैं हुन्दी ही, पर ग्राएं च काली सुफे दी वास्काट उपर सिप्पे दे सैंकड़े बटन लग्गे दे हुन्दे हे । श्रो-ने'ई बास्काट लाइयें टुरने श्रालें गी ग्राएं च लोक उन्ने गैं चरजे ते ग्रादरमानें कन्ने दिक्खन खड़ोई जन्दे हैं, जियां श्रज्ज कुसै फिल्मी सतारे गी। शैंह् रें च वी खत्तरी, महाजन ते हिट्टियें ग्राले लाले लोक कुर्ते पर सधारण कपड़े दियां जां सुफे दियां चिट्टियां, कालियां वास्काटां लांदे हे । थवीक मतावक मुट्टियां-बरीक, हुच्छियां-लिम्मयां धोतियां जां घटन्ने ते पंजावें दे ग्रसरें करी, कोई-कोई तंग मोह् री ग्रालियां तंबियां बी लांदे हे । सिरें पर काली गोल टोपी जां ढिल-मिटल्ला पग्गड़ ब'न्नदे हे । हुग्गर च उनें दिनें सिर नंगा रवखना ग्रपशगन मनदे हे ते नंगिसरे गी बब्बें दा कोह् डर हुन्दा हा । मुस्लमान सलोग्रार, कुर्ता ते तैह मत व'न्नदे हे, कोई-कोई सिर कुल्ला बी लांदे हे । हिन्दू वी कुतैं-कुतै मुस्लमानी पशाक लाई लैंदे हे ते भाईचारे दी रवायत कायम करदे हे ।

जियां यसें पिच्छें दस्सेआ ऐ जे शहरों, ग्राएं दे ग्राम बैहाणें ते पंतें-परोह्तों मुद्रा कुर्ता, धोती ते मूं ढे लाल परना बाहियें मस्थै तिलक ते सिर पग्ग ब'न्नी दी हुन्दी ही, पर उच्चे दर्जे दे राजपंडतें जां राजपरोह्तें वी पशाक बिधया ते कीमती हुन्दी ही। परने दे थां उनें गले दुग्राले दबट्टा जां दशाला बाहे दा हुन्दा हा। बैह्मणें दी पग्ग बी ढिल्ली ते पग्गड-जन गैं हुन्दी ही पर उसी बुंबल नेहा रखदे। कस्सी दी चुस्त पगड़ी ते दौह्र रे बुंबल राजपूतें ते शकीनें दी नशानी ही। घटन्ने च मुद्दे-मुद्दे बुंबलदार रेशमी नाड़े पाए दे हुन्दे हे, जेह् ड़े टुरदे होई गोडें पर झूलदे हे। बुंबलें ग्राले नाड़े लम्काइयें टुरना बड़ी शनाह, की ते इच्छम बुज्झेग्रा जन्दा हा। राजदोआरें ते राजपूतें दे घरें च एह्दा बड़ा रवाज हा। चिट्टा-चनैंन चूड़ीदार लट्ठे दा दोह्र रा घटन्ना, कुर्ता ते कुर्ते उप्पर खिल्का, चोगा जां प्रचकन लाइयें गोडे उप्पर नाड़े दे रेशमी ते रंगवरंगे बुंबल लम्काइयें पग्गें (दौह्र रे बुंबले ग्राली, इक सिरे पर कलगी ग्राला लेखा लहरां मारदे ते दुए सिरे पिच्छें झूलदे) ने सज्जी-बिज्जयें जेह ड़ा कोई छाती किड्ढयें ते सिर चुक्कियें चलदा हा तां उसी दिक्खने ग्राले दिखदे गै रे'ई जन्दे हे।

राजदोत्रारें च दरवारियें गी स्हीयनें ते रुतवें अनुसार जरी, तिल्ले,

सिल्मे, सतारे ते कढ़ाई ग्रालियां पशाकां लाइयें, ग्रीने-जाने दा रवाज हा। जरीदार ते कनारी, गोटे ग्रालियां भारियां-भारियां पशाकां—पसोआजां, पट्टे, कमरवंद दबट्टे (दो पट्टे, डेढ पट्टे जां ढाई पट्टे) जरीदार चोंगे, कोट ते ग्रंगरक्खे जां ग्रचकनां सब ग्राम ते खास मौकें लेई, वक्खो-वक्ख तीर-तरीकें ते सजौटें कन्ने व'न्नी दियां हुन्दियां हियां।

राजे, महाराजें ते रानियें, महारानियें दियां पणाकां बिड़यां मेंह्णियां ते हीरे, मोती कन्ने जड़ी-जड़ी बनाई दियां हुन्दियां हियां। मरदें च बी खासकरी राजपूतें च वंधे पाने क्ष रवाज ग्राम हा। सधारण लोक ते कन्ने च सुन्ने दियां पग्गरियां जां नैंतियां गैं पांदे हे। पंजरतिनयां, नैंत, ङूठियां ते सुन्ने दे पवित्तरे बी कोई-कोई पाई लैंदे हे, पर, राजपूतें दे कैंठे, कड़े, कंगन, हार ते कन्नें दे वंधे पाने दा बी ग्राम रवाज हा, जेह्ड़े बंधे आम लोक जुड़ी ग्रौन ता ग्रपने ब्याह् च पांदे हे ते बौंगले बेहियें ब्याह् करन जन्दे हे।

लोह ्कियों जातें ते गरीबें लेई बंधे-गैह ने सुखना मात्तर हा ते चांदी दे वंधे पाने दा रवाज छड़ा जनानियें च हा, मरदें च नेईं। हां, चांदी दी कन्न खरोतनी ते दन्द खुर्चनी ग्राम लोक बी पाई लैंदे हे। लोह ्कियें जातें जे ग्राना सुन्ना पाने दा णौंक पूरा करना होऐ तां दंदें सुन्ने दियां रेखां लोग्राई लैंदे हे। णौंकी ते बख्तावर लोक ग्रपने चौखरें (हाथी, घोड़े, गवें ते मैहिएं) गी चांदी दे वंधे पोग्रांदे हे ते दाजे च दिदे हे। राजा लोक सुन्ने दे वंधे पोआइयै बी चौखर दाजै च दिदे हे।

इस चाल्ली डोगरा लाब्बे च ग्रसें गी मता प्रभाऽ बाह् रिलयें सभ्यताएं-संस्कृतियें दा ल'बदा ऐ। ग्रपनी दरयादिली दसदे होई डोगरें ग्रपने संपर्क च बौने ग्राली हर जाति गी अपनाई लेग्रा। पगौ ग्रंदर उनें पग्यू ब'न्नियें ग्रपने गोग्रांड़ी पंजाब कन्ने बी सज्जनता दस्सी। डोगरें एह् सब किछ करदे होई बी ग्रपना डोगरा चिरत्तर कायम रक्खे दा हा, ग्रो ग्रपने-ग्रापें करदे होई बी ग्रपना डोगरा चिरत्तर कायम रक्खे दा हा, ग्रो ग्रपने-ग्रापें गी मटाइयें जां भुल्लियें जीना नेहा चांह्दे। पर ग्रज्जें दे जमाने च एह् दृश्टिकोण पिछड़ापन खोग्रांदा ऐ। ग्रो सब किछ मुक्को गेग्रा, जेदे च ग्रसें गी ग्रपना डोगरापन ल'बदा हा। हून ग्रो सब किछ स्टेजें उप्पर नमेश लाने लेई रे'ई गेआ ऐ। एह् ते सच्च ऐ जे हरं चीज-बस्त इस नाशवान दुनिया च मुक्कने लेई गै बनी ऐ। मनुक्ख बी मरी जन्दा ते भामें श्रो किन्ना प्यारा हुन्दा ऐ, ओदियां चीजां-बस्तां देई-दोश्राई श्रोड़दे न जां सुट्टी श्रोड़दे न। पर उन्दे च बी जे कोई कीमती होन तां रक्खी लेंदे न ते श्रपने-श्रापेंगी, इस वर्तमानेंगी भूतकाल जां बीते जमाने कन्ने कुतै न कुतै जोड़ी रखदे न।

सन् संताली च ग्रजादी केह् थ्होई व'न्न गै त्रुट्टी पेग्रा ग्रजादी दा ते प्रगति दी ने'ई द्रौड़ लग्गी जे ग्रसें ग्रग्गें वधने दी होड़ च परानियां आस्थां, विश्वास, जीवन-मुल्ल, भाशा, धर्म ते इत्थूं तक्कर जे तने दे कपड़े बी, जेह् इे साढ़ी सभ्यता संस्कृति दी नशानी ही— तोआरिय सुट्टी ग्रोड़े न।

डुगगर दे बर्त, पर्व ते दूए अनुक्ठान श शिक्त शर्मा

भारत देसै, दी अनेकता च एकता सारी दुनिया लेई ईर्जा दी वस्तु ऐ, की जे इस महान देसे च सांस्कृतक दृष्टि कन्ने अनिगनत इकाइयां न ते हर इकाई ग्रपनी सांस्कृतक स्मृद्धियें करी अपना टकोह्दा थाह्र रखदी ऐ। पर अपने टकोह्दे ग्रस्तित्व गी कायम रखदे होई बी, भारत दे भिन्त-भिन्न प्रांतें दियें सांस्कृतक परम्पराएं दी ग्रात्मा इक्क ऐ। परमात्मा दी सृष्टि च, खिड़े दे ग्रनन्त रंगें दे फुल्ल न। हर फुल्लें दी रूपरेखा ते खण्बो ग्रपनी ऐ, पर हैन ग्रो सब्बै इक्कें सृष्टिकर्ता दी सिरजना। कश्मीरे थमां कन्याकमारी तक्कर अनेकानेक सांस्कृतक वनिगयें दे वावजूद साढ़ा देस इक्कै ग्रलीकक तत्वै दा पूर्ण शरीर ऐ। उत्तर थमां दक्खन ते पूर्व थमां पच्छम सारे प्रान्त इस शरीरै दे भिन्ने-भिन्न ग्रंग न। साढ़ी डुग्गर भूमि इस महान देसै दा उज्जल मत्था ऐ। एदी सुच्ची संस्कृति मत्थे दे टिक्के ग्रांगर देसै दे कैंचन गेदे शरीर पर परम्परा थमां जगमगांदी श्रावारदी ऐं।

अज्ज ते ग्राग्री-जाई दे साधन बड़े सखल्ले न । न्हारी इत्थे करो ते सन्हारी बेल्ल मनुक्ख जहारें कीहें दूर जाई पुजदा ऐ। देसे दा कोई बी हिस्सा कुसै बी मनुक्खें लेई बखला नेई सेही हुन्दा।

जदूं चौह तें धामें दी यात्रा करन जन्दे बेल्ले लोक घरा गै अपना किरिया-कमें करिये टुरदे हे जे पता नेई कुत्यू दी मिट्टी प्राप्त होई जानी ऐ ते "गया गेम्रा सो गेम्रा" जनेहर मुहाबरे दा श्रनुभव म्राम लोकें गी हुन्दा हा। केह् इं जात्रु दा ऐन्त केह् इं तीय पर होई जाना ऐ, कुसै गी पता नेई सा हुन्दा। तद्रं बी इस लम्मे-चौड़े मुलखें दी हर नुक्करा दा लोक कुंभें पर्वे ते बहुं-बहुं ग्रमुण्ठानें उप्पर तीर्थें ते पिवत्तर निंदयें दे कण्डे किंद्वे होइये देसे दी सांस्कृतक विशेशताएं ते रीति-रवार्जें दा पिरचे लैन्दे दिन्दे हे।

इनें मेलें, पर्वें ते कुम्भें च सुनने सनाने म्रालियें कथाएं ते वार्ताएं च पूरे देसे दी तस्बीर इक्के अध्यात्मक ते नैतिक रंगे च रंगोई दी ल'बदी ही। इत्यें किट्टे होए दे लोकें दियां भाशां ते बोलियां वक्खो-बक्ख, लाब्वे वन्त-सबन्ने, ते खान-पीन टकोह्दा ल'बदा हा। पर सबनें दी अवाज इक्क ही। श्रनखीं च शरद्धा ते भावना दी इक्कै लो जगदी ही। इक-दूए कोला श्रनजान बी ग्रो लोक ग्रलीकक रिश्ते कन्ने दूए कन्ने जुड़ें दे हुन्दे हे। त्याग, परोपकार, नैतिकता ते विश्व बन्धुत्य दी भावना साढ़ी ग्रध्यात्म प्रधान संस्कृति दे मुख-मुख तत्व न ते इन्दे करिये गै ए ग्रमर ऐ। साढ़ी अध्यात्मि-कता बिच बी ब्रात्मा दी सर्वव्यापकता दी गै मानता ऐ, जिसी समझने जां परखने ग्रास्त कुसै शब्द जां भाशा दी लोड़ नेई पौन्दी। जेह्ड़ा कोई एदे संगें साथें होआ स्रो चुपचपीता गै उस रंगै च रंगोई जन्दा ऐ। हां, इन्ना जरूर ऐ जे भारत देसे दी महान ते सुच्ची संस्कृति दी ग्रिभिव्यक्ति दियें शैलियें ते तरीकें उप्पर हर प्रान्तें दी ग्रपनी भूगोलक ते प्राकृतक स्थितिएं दी झोन पौन्दी ऐ, जेह्ड़ी ग्रोदी एकता च ग्रनेकता दा गुन भरदी ऐ। धन सम्पत्ति दे मेचे कन्ने गल्ल करती होऐ तां दुनिया च कुवेरै सांहीं मते धनवान लोक रौह्न्दे न पर जे सांस्कृतक परम्पराएं दी प्राचीनता, कला दे सलोबेपन ते लोक जीवने च पले-पोसे दे सांस्कृतक चिन्हें पर्व, ध्यारें ते बर्ते ग्रनुश्ठानें कन्ने मिथना होऐ तां साढ़ा डुग्गर दुनिया दी सांस्कृतक ग्रमीरी ग्राले मुलखे च अब्बल नम्बर ऐ।

साढ़े डुगगरै दी सभ्यता, रीतिनीति ते समाजी जीवन च उच्चे ते आर्दश जीवन-दर्शन कन्ने बिज्झ ये चला करदे न । रौह ने-बौह ने दा सादापन, उदारता ते परमात्मा दी दित्ती दी इस जिंदगी गी भरपूर किरये जीने दी तांह, ग इत्यूं दे समाजी ढांचे च उक्करी दी ल'बदी ऐ जेदे च म्हीने दे श्रद्धे थमां मते दिन वर्ते, नत्तें ते पवें ध्यारें दे समारोहें ते रौनक मेलें च लंधी जन्दे न । इस जीवन दा वरदान किन्ने बड़े पुन्नें दा फलादेश ऐ । एदा मते कोला मता फायदा ठुआने ग्रास्त दुनिया च नित्त नमें ग्रौने ग्राले दुर्खे-कसालें गी हसदे-हसदे ते रली-मिली भोगने लेई, निश्चिन्त होइये इक सांझे जन-जीवने च इकमिक होई जाने दी ग्रनुभूति करने ग्रास्त इनें वर्ते, पवें ते ग्रनुश्ठानें

दा बधान साढ़े डुगारै दी बड़ी परानी बरासत ऐ, जेह्ड़ी डोगरें दी जिदादिली ते जीवन दे प्रति डूह्गी ग्रास्था गी प्रकट करदी ऐ।

व'रे दे बाह् रें म्हीनें च त्रै सी सट्ट दिन हुन्दे न । डोगरें दे समाजी जीवन व इनें त्र सौ सट्ठें दिनें च चार सौ सट्ट ध्यार, पर्व, बर्त ते अनुष्ठान होने कोई चर्जे प्राली गल्ल नेईं, की जे केईं वारी इक्कें दिनें च दो-दो, त्रै-त्रै तिथ्यां, पर्व जां ध्यार ग्राई जन्दे न, जिसकरी ग्रो दिन खास दिन बनी जन्दे न । हून ग्रो दिन भायें कास्ती पुन्नेग्रां, मस्सेग्रा जां संगरांद होन, भायें सोम, मंगल जां हफ्ते दे होर कुसै वारै दे वर्त-नत्त होन, भायें कुसै फलैं दी इच्छेग्रा ग्रास्तै कीते गेदे कोई मोख, प्रजोग जां ग्रमुण्ठान होन ते जां फ्ही कुसै खास कुलै दी ग्रपनी कुलरीति मूजब कोई खास दिन-ध्याड़ा होऐ, जियां खारका हुन्दा ऐ। साढ़े डुगारै च व'रे च तकरीवन हर घरै च ग्रपनी-ग्रपनी कुलरीति मतावक नमां नाज खाने थमां पहुले ग्रपने कुल-देवते ग्रग्गें, ग्रोदी भेटा चढ़ाइयें कुतै सुग्रानियें गी, कुतै जोड़े गी, कुतै कंजकें, ब्रैह्मटेंगी खलाइयै ते पही घरै दे लोक नमां नाज चखदे न। एह खारका हर कुलै दे ते जाति दे ग्रपने निजमें दे ग्रनुसार हुन्दा ऐ। एह् दे लेई कोई शास्त्रीय तिथियां जां विधिवधान नेईं। हाडी ते सौनी दौनें फसलें दे पक्कने पर घरा-घरा ए अवाज भ्रौन लगी पौंदी—''ए कुड़े तूं जात्तरां कदूं देनियां न ?" इस्सै चाल्ली साढ़े डुग्गरै दे लाके च होर वी केई ध्यार-पर्व न, जेह् ड़े ग्रपनी स्थानी रंगते च रंगोए दे न ते डुगार-जीवन दे टकोह् देपुने ते जीवन्तता दी पन्छान करांदे न ते इत्थ्ंदी विशेशतें दा लेखा-जोखा लेइयें नित्त ग्रौंदे-जन्दे रींह्देन । इन्दा ग्रगर खास ग्रध्ययन कीता जा तां डुग्गर दे सांस्कृतक जीवन दा ग्रनसम्भ खजाना मिली सकदा ऐ। साढ़ी जिंदादिली भागें ते सुखें-दुखें दे घनघोर चक्करें च बी मीज-मस्ती कन्ने जीवन दे इक-इक खिनै गी सार्थक करने दी साधना ल'बदी ऐ।

बसोग्रा: साढ़े देसा च राष्ट्रीय स्हार्च कन्ने चेत्तर शुक्ल प्रतिपदा (पड़ेग्रां) जां चेत्तर च ग्रीने ग्राले नरातें च पैह् ले नराते थमां ब'रे दी शुरू-ग्रात प्रमाण मन्नी जन्दी ऐ। पर डुगगर च ग्राम लोक बसाखें दी संगरांदी ग्रात प्रमाण मन्नी जन्दी ऐ। पर डुगगर च ग्राम लोक बसाखें दी संगरांदी गी नमें ब'रे दा पैह् ला दिन मनदे न। इस दिनै गी ध्यार, पर्व, ग्रनुष्ठान स'ढवै किश ग्राखेग्रा जाई सकदा ऐ। बच्चे ते जुआन इस दिनै दी बड़ी चेसबरी कन्ने ऐन्तजारी करदे न। ए इक फसल सरबन्धी ध्यार वी ऐ। वेसबरी कन्ने ऐन्तजारी करदे न। ए इक फसल सरबन्धी ध्यार वी ऐ।

करसाने गी इस दिन ग्रपनी मैह्नतू दा फल पाइये जीवन दी बड़ी बड्डी खुशी हासल हुन्दी ऐ। कनकां पक्की जन्दियां न ते इस दिनै दे बाद ग्रीह्दी बाढी शुरू हन्दी ऐ। करसान, बच्चे, जुझान, जनानियां स'टबै रंग-बरंगे नमें टल्ले लाइये थाएं-थाएं लग्गे दे मेलें दी रौनक बधांदे न । घर-घर बब्बर ते पक्तवान बनदे न । लोक खुशियें च भांगड़े पांदे न । स्याने मनुक्खें लेई एह् दिन इक बहुा पर्व हुन्दा ऐ। हर घरै दियां जनानियां बसोए थमां केई दिन पैह्ले गै चौके-पट्टे, गोहे, परोले फेरी-फेरी कन्धें, फर्गें ते दरवाजें उप्पर रंगें कन्ने चित्तरयोई बनाई-वनाई ते चित्तरकारियां करी-करी घरें गी सजांदियां-सुग्रारिदयां न ते जुगें-जुगांतरें थमां चली म्रावारदी लोककला दी बरासत ग्रपनियें नूं हें, धियें गी सौंपदियां चलदियां न। बसोए भ्राला दिन पुन्न-दान भ्राला दिन मन्नेग्रा गेग्रा ऐ। जनानियां, मर्द, बच्चे मूंह्-न्हेरे कुसै नदी, दरेग्रा, नैह्र नेई तां तलाऽ च न्हाइयै पुन्न कमांदे न । सर्मथ्यावान लोक बड़े-बड़े दान-पुन्न करदे न । भुक्खे-भखारुएं गी ग्रन्नदान, वस्त्रदान करदे न । पंतें, परोह्तें ते कम्मन-कमीनें गी बी जजमानें ते मालकें कोला किश ना किश थ्होंदा हो । इस दिन डुग्गरै दे घ्रिस्ती धम्याड़ा देना बी शुरू करदे न । पूरा म्हीना-भर रसोई च पक्के दे भोजनै दा सीधा ते ठंडे पानिया दा लोटा कुसै गी देइयै ते पही घर दे लोकें गी खाने गी थहोंदा ऐ। पर अज्जै दी द्रौड़दी-बसदी जिन्दगी च इये नेह् अनुण्ठानें दा चलन बड़ा घटी गेदा ऐ। ए ध्यार पंजाब च बी किश इये नेह् रंगै-ढंगै च मनाया जन्दा ऐ। की जे पंजाव डुग्गरै दा गुम्रांढ ऐ ते गुम्रांढै दा असर इक-दूए पर जरूर हुन्दा ऐ । खासकरी जे रितुएं दियां परिस्थितियां इक्क नेहियां होन ।

श्रक्षयत्तिया: वसाख म्हीने दी शुक्लातृतिया गी 'श्रक्षयतृतिया' श्राखदे न । शास्त्रें च एदी बड़ी मैह्मा ऐ । डुग्गरै च कोई-कोई एदा वर्त रखदे न । जौ जां सत्तु ते घड़ा मनसियें लक्ष्मीनारायण दी पूजा करना ते उस दिन फलहार करना एदा निजम ऐ । जे नेईं गै किश बनी-जुड़ी श्रावै तां तवी न्हाइयें गै एदी पुन्न प्राप्ति होई जन्दी ऐ ।

खारका: फसली ध्यार खारके दे उप्पर किश वर्णन ग्राया ऐ। खारका इक ग्रनुश्ठान ऐ। कनका दा सिट्टा जिसले पक्की पौंदा ऐ ते नाज, सत्तुं जां मरुण्डे बनाने जोग होई जन्दा ऐ तां डुग्गरें च घर-घर नमें नाजें दी ग्रामदै पर ए अनुष्ठान कीता जन्दा ऐ। जनानियां अपनी-अपनी कुलै दी रीते मताबक पंज, सत्त जां नौ गीटियां किट्ठियां करी लेई स्रौदियां न। दौ-चार व'ने दियां टालियां, कनकै दे नमें सिट्टे लेइयै, वर्डे ले न्हाई-घोइयै संगनें समोधें कन्ने सूआ दवट्टा लेइयें, नक्कै च नत्थ, मुरिकयां जां द्र्व्वे दा तीला गै पाइयै, चढ़दे ग्राली भेठा द्वारसाखै दे सज्जै पास्सै चौका-पट्टा देइयै, थां सुच्चा करी लैंदियां न । पही गवैं दे गोहे गी उस थां पर ढेरी लाइयें, उत्थें उनें गीटियें गी कुलदेवते दा प्रतीक मन्नियै उन्दी थापना करदियां न। उनें गी जलै दा छिट्टा देइयै फुल्ल, द्रुट्वां, चील चाढ़िये सन्धूरै दे टिक्के लाइये नमीं कनक चाढ़दियां न । व'ने दियें टालियें गी गोहे च ग्रग्गें-पिच्छें लाइये ग्रो देवते गी छाया करदियां न । पही लूण, बसार, गुड़ ते कपाह् चादिये, धूफ दीप देइये एह् मैंतर पढ़िदयां न — ''जै बच।रिए दाितये, (जां देवतेग्रा) लूनै नेहिए प्यारिए, गुड़ै नेहिए मिट्टिए, कपाऊ जनेहिए चिटड़िए, तेरे हुंदा खारका दित्ता ई । बाल-बच्चा राजी रक्खेग्रां, माल-बच्छे सुक्ख रक्खेग्रां, भंडार भरे रक्खेआं, प्रौह्ने गी ग्रौंदे-जन्दे रक्खेआं, भुल्ल-कुत्थ माफ करेआं।" एदे परैन्त इक टुप्पे जां पड़ोची च चौल जां कनक भरियै, ग्रोदे उप्पर दिय्या वालिये मनसदियां न ते ग्रपनी-ग्रपनी कुलरीत मतावक कोई जोड़ गी रुट्टी खलांदियां न, कोई गांह डवे जोड़ गी ते कुत-कुत कन्ने ग कंजकां ते बैह्मटे बी हंदेन। कुतै प्रूगी बीकन्ने गै रुट्टी खलांदेन, कुतै जट्टी, झीरी, तरखानी गी रुट्टी ग्राखदेन। जोड़ देने दे परैन्त गै घरा दा टब्बर रसोई दा किश खाई सकदा ऐ। इस खारके ग्रास्ते ना ते कोई तित्थ निश्चित ऐ, ना खास दिन । हर कुल-कबीले दी कुलरीत बक्खरी हुन्दी ऐ । वक्खरा गै दिन-बार जां तित्थ हुन्दी ऐ । हां मौसम, म्हीना जां पक्ख (शुक्ल पक्ख) सवनें दा सांझा हुंदा ऐ। खारके ग्राले दिन कनका दी व्हारा मरुण्डे ते मांहें, चौलें दे खारके गी 'तरचौली' बनदी ऐ जेह्ड़ी रुट्टी खाने परैन्त बंडी जन्दी ऐ। खारके गी दक्खना देने दा बधान नेई ऐ।

नर्रांसह चौदेग्रा: बसाखें दी शुक्लपक्खें दी चौदेग्रा, 'नरिंसह हुन्दी ऐ। अञ्ज ते 'नरिंसह चौदेग्रा' जम्मू च बी बीते जमाने दी गल्ल होई गेदी ऐ। पर कदें जम्मू च नरिंसह दे मिन्दिर (सराजें दी ढक्की) नरिंसह जयन्ती गी बड़ा मेला लगदा हा जन्माष्टमी ग्राला लेखा गै जनानियां उस दिन वर्त रखिदयां हियां ते मन्दर दर्शन करिंदयां हियां। इस दिन नरिंसहाबतार

दी कथा ते लीला हुन्दी ही। पर समें दे कन्ने लोक इसी भुल्ली भलाई गेन।

निर्जला कास्ती: गरमी दी हत शुह होई जन्दी ऐ ते इस रितु च जेह् ड़े पर्व ध्याड़े श्रीन्दे न उन्दे च डुगगर देसे च 'निर्जला कास्ती ते 'धमदेंह्' प्रधान न। (पंजाब च कमश: 'नमानी काश्ती' ते 'धम ध्याड़ा' खुश्रान्दे न।) निर्जला काश्ती ते पानिये दे घड़े, झज्जरू, पिनख्यां मनसने ते छवीला लुग्राने ग्राला दिन ऐ। लोक मुंह्-न्हेरै तवी तलाएं न्हाइयै, घड़े, फलफूट ते फलोहार मनसदे न। केई ते बिना पानी पीते गै पूरा निर्जल बर्त करदे न। ते केई निराजल छोड़ियै होर सब किश खन्दे पीन्दे न। शकंजिंबएं, कच्ची लिस्सएं, फलें फलोहार दी मीजा बज्झी जन्दी ऐ।

धमदेंह: निर्जला कास्ती दे अगगड़ पिच्छड़ गै श्रींदा ऐ ए 'धर्म ध्याड़ा'। ए हाड़ म्हीने दी संग्रांदी दा बड़ा बड़ा ते डुगगरै दा मश्हूर पर्व ऐ। स्यानिएं जनानिएं ते मर्दे दा ते ए पुन्न पर्व ऐ। निदयें तलाएं श्नान करिये स्याने मर्द जनानियां पित्तरें दे नां दे घड़े मनसदे छुबीला लुम्नान्दे, धम्याड़ा लान्दे ते अन्न ते फलदान करदे न। निमयें व्होइयें कुड़ियें गी ध्मैढ़ा भेजदेन।

राड़े: कुड़ियें लाड़ियें ग्रास्तै एह् दिन साढ़े डुग्गरै दी लोककला दा राखा ते बरखा दी हती दा स्वागत करने ग्राला मण्हूर 'राड़ें दा ध्यार' ऐ, जेह्, डा कुग्रारिएं ते व्होइयें सबनें लेई खुणियें, सद्धरें दियां डिग्गयां व'न्नियं ग्रांदा ऐ। हाड़ें दी संग्रांदी गी णुरु होने ग्राला राड़ें दा एह् ध्यार ग्रपनी मिसाल आपूं गै। सौने दी पैह्ली तरीक गी ''बड़ा रुट्ट'' नां करियें रंगें ते रौंगलियें व्हारें दी चरम सीमा उप्पर पुष्कियें समाप्त हुन्दा ऐ। ग्रज्जें दी पच्छमी संस्कृति दी तीवर रोणनी च साढ़ियें सांस्कृतक परम्पराएं दा ग्रसली रूप बड़ा धुग्नांखे दा ल'बदा ऐ। इनें ध्यारें च समोए दा ग्रसली उद्देश्ण साढ़ी लोककला ते ग्रांईं संस्कृति दी रक्षा कन्ने सरबन्ग्र रखदा ऐ। ए उद्देश्ण जोका पिछड़ा पर्वे दा ऐ। इक समां हा जे राड़े ग्रीने थमां अट्ठ दिन पैह्लें गैं कुड़ियें लाड़ियें दे उत्साह, च हाड़ ग्राई जन्दा हा। हर घरै दियां कुड़ियां ग्रपने-ग्रपने घरै दे जागतें ते मदें दी गिनतरी मताबक घड़े कन्ने ते छकरएं दे गलमें किट्ठे करी लैन्दियां ते पंज सत्त रिलय मीटिंग करिय सर्मित कन्ने बड़े खुल्ले बेह् डें जां कोठे ग्राली कुसै कुड़ी दे घर राड़े राह्ने दा फैसला करियें ग्रोदी त्यारी च जटोई जन्दियां हियां। कुत्तै सुहे सैले, दा फैसला करियें ग्रोदी त्यारी च जटोई जन्दियां हियां। कुत्तै सुहे सैले,

वील, नीले चील रंगै दियां, कुतै उनें गी पीह् पीहैं चौलें दा रंगीन ग्राटा त्यार होग्रा दा, ते कुतै मिट्टी मली मुलिय सत्तवन्ते जां नौवन्ते त्यार होग्रा करदे, जिदे च बक्खरे-बक्खरे खान्नें च स्रो सत्तें जा नमें बनगियें दे रंगें दा म्राटा भरिय[ै] प्राथमिक त्यारी करदियां हियां। धमदेह् (पैह्ली हाड़ ग्रालै दिन जित्थें घर दियां विडुयां वजुर्ग जनानियां वडु लै न्हेर दरया जां नदी न्होन जन्दियां ते ग्रानिय प्रपनी सरमत्थेग्रा मतावक ग्रपने पितरें दे नां दे सीधे मनसने दा बन्दोबस्त करदियां उत्थें कुड़ियां ग्रपने-ग्रपने राड़े लेइये उस खुल्ले बेह् ड़े जां कोठे उप्पर गोहे परोले फीरय इक-इक बक्खी ग्रपने-ग्रपने राह् इे दिव्वये ते उन्दे च मक्कां ते मांह् राह् न्दियां ते संबां बेल्लै किट्ठे होइये उनेंगी त्यार कीते दे रंगें कन्ने केइयें शैलियें च चित्तर-दियां हियां, जिन्दे च प्रमुख चित्तर चकोर, गोल, चिड़ी, पान ते पक्खी ते ग्रपनी-ग्रपनी समझा ते रुचि मताबक नेकानेक शैलियां बनाई लैंदियां हिया । ते पही सब कुड़ियां लाड़ियां किट्ठियां होइये शैल-शैल पकवान पकाइये प्रीति भोजन कर्दियां हियां। ए ध्यार ग्राईं लाकें दी सरलं सौन्दर्य अनुभूति दी कलात्मक ग्रभिव्यक्ति दा माध्यम ऐ । रंगें कन्ने ध्यार ते मानसक उमंगें दी चित्रात्मक ग्रभिव्यं जना ऐ। सामूहक ते समाजक मेल मलापे दा मुखर समारोह् कीजे एह्दे समारोह् ग्राले दिन निमयें व्होई दियें कुड़ियें गी सौह्रे घरा भाजियें दे पटार सुच्चे टल्लें दियां पशाका, गैह्ने बन्धे, रेशम मोती ते कनारी गोट्टो कन्ने बने दे स्कोलड़े स्रौन्देन। स्राई दी भाजी ते सकोलड़ें गी श्रपनियें स्हेलड़ियें च बंडिये, नमें-नमें टल्ले लाइये, बन्धे पाइये किट्ठियां होइये, गीत गान्दियां ते प्रीति-भोज करिदयां हियां। संजा वेल्लै दरया जां नदी कण्ढै राड़े प्रबाहन जंदियां हियां। इस रंगें दे ध्यारै गी बिदा करिये पही अपने रोजे दे कम्में कार्जे लग्गी पौन्दियां हियां। इस ध्यारे गी सकोलड़े जां मिजरें दा ध्यार बी ग्राखदेन।

च्यास पूजा: सौन ते भाद्रों म्हीने डुग्गरें च बर्तें ध्यारें दे गैं म्हीने न । राड़ें दे इस मण्हूर ध्यारें दे केई निक्के मुट्टे दिन बर्त ग्रीन्दे न । गुरु पूणिमा जां व्यास पूजा ते सारे देसे च मनाया जाने ग्राला शास्त्र सम्मल बर्ते ऐ । पर ए छड़ा उन्दे लेई म्हातम रखदा ऐ जिनें गुरु धारे दा होएे । साढ़े शास्त्रें च गुरु दी पदवी ब्रह्मा, बिष्णु थमां बी उच्ची मन्नी गेई ऐ । इसकरी ए दिन गुरु दी पूजा निमित्त मनाया जन्दा ऐ । बजुर्ग जनानियां मर्द फल

फुल ते यथाणित दक्खना देइयें गुरु दी पूजा करदे न । ते गुरु दा ग्राणींवाद लैन्दे न, ए हाड़ म्हीने दे गुकल पक्खें दी खास पुन्नेग्रा मन्नी गेदी ऐ । उंग्रां बारहें दे बारहें म्हीनें च हर शुक्ल पक्खें दी पन्द्रमीं तिथि गी जनानियां, कुड़ियां नत्त रखदियां, सत्तनारायण दी कथा, ग्रारती करदियां ते इक बेल्लें बगैर लूने भोजन करदियां न ।

रक्खड़ी: सौन म्हीने दी पुन्नेग्रा भैनें भ्राएं ते जजमानें प्रोह्तें दा ध्यार ऐ। "धर्मो रक्षति रक्षितः धर्म दा पालन करो तां धर्म मनुक्खै दी रक्षा करदा ऐ। इस सिद्धान्तै दा चेत्ता प्रोह्त लोक जजमानें गी नमें जनेळ देइयें ते रक्खड़ी बन्नियें करांदे न।

भैनें भ्राएं दा ते ए बड़ा गरव भरोचा ध्यार हुन्दा ऐ। न्हाई धोई शैल टल्ले लाइये भैना रंग वरंगियां रक्खड़ियां भ्राएं दी कलाई गी बन्नदियां न ते भ्रो बी बड़े प्रेमें कन्ते जे किश जुड़ी बनी ग्रावे भैनें गी भेटा करदे न। ए भारत दा राष्ट्री ध्यार ऐ ते तकरीबन सारे गे देसे च इस्से रुची च मनाया जन्दा ऐ। साढ़े डुग्गर च एह्दी एह् बिशेशता ऐ— स्वखड़ पुन्नेग्रा ग्राले दिन श्री ग्रमरनाथ स्वामी जी दी प्रसिद्ध जाता हुन्दी ऐ। देश दे हर कोने चा श्रद्धालु भगत बड़ी कठन जाता करिये इस दिन बरफ दे बने दे शिवलिंग दे दर्शन करने गी पुजदे न।

चन्तन छ्ट्ठ: जन्माण्टमी कीला दौ दिन पैह ले जनानियें दा इक खास वर्त "चन्नन छ्ट्ठ" अन्दा ऐ। शास्त्रें च ए हल षष्ठी जां 'ललही छ्ट्ठ' दे नां कन्ने लखोई दी ऐ। एह दा सरवन्ध कृष्ण भगवान दे बड्डे भ्रा बलराम जी दे जन्म कन्ने ऐ। एह दे कन्ने गै केई कत्थां होर बी जुड़ी दियां न। पर ड्रगरें च ए बर्त स्त्री जन्म थमां छड़कारे ग्रास्त कीता जन्दा ऐ। ऋतुधर्म ग्रीने तक्कर गै ए बर्त करना हुन्दा ऐ। जनानियें दा विश्वास ऐ इस वर्ते गी निरोधार रेहिय ग्रगले जन्म हर महीने ग्रीने आली ऋतु धर्म दी मसीवत कोला छड़कारा होई जन्दा ऐ। इस वर्त च पानी तक बी वर्जत ऐ। इस करी ब्याह, हुन्दे पह ली गै चन्तन छट्ठें सोह रिये लाड़ी थमा एह दा मोख कराई ओड़दे न। घोर गरमी च कुतै कौल सुक्की गै जा, पानी छानी पीने दा दोश नेई लग्गै। एह दा मोख करिय लाड़ियां ग्रपनियें ननानें गी देई ग्रोड़दियां न।

कृश्ण जन्माष्टमी: रक्खड़ी दे ग्रट्ठें दिनें परैन्त भाद्रों दे कृष्ण

पक्षै दी अष्टमी कृष्ण जन्माष्टमी हुन्दी ऐ। ए वी सारे देसै दा प्रसिद्ध ध्यार ए। एह्दे मनाने दा वधान वी सारे प्रान्तें च ग्रपने-अपने ढंगै दा ऐ। साढ़े हुगारै च केई लोक इस दिन रातीं दे बारां बजे तक (जिसलै रोहिणी नक्षत्र लगदा ऐ जेह्दे च कृष्ण जी दा जन्म होग्रा हा) पानी तक नेई पींदे। बारां बजे तक जिसले ठौगरें दी पूजा होई ले चरणामत लेइये गै पानी पींदे जां फलोहार खन्दे न। पर केइयें लेई एह् बर्त बी निर्जला काश्ती ग्राला लेखा खाने पीने ते मौज मेले दा बर्त हुन्दा ऐ। मन्दरें च ते घरें च ठौगरें दा शंगार हुन्दा ऐ। झांकियां बनदियां न ते विद्यां रोनकां लगदियां न। केइयें घरें च उस दिन बर्त नेई रखदे। 'देग्रा भरदेन'। ग्रपने-अपने कुलै दी रीति मूजब कनकै, जबें जां होर कुसै नाजै दियां किश गिनतरी दियां मुट्ठियां भरदे ते उये नाज उस दिन कुसै दे म्राटा पीह्यै, कुसै दे घुंगनियां बुआलिय ते कुस दे भुन्निय खन्दे न। कुस दे उस दिन छड़ा बेह्या नाज खन्दे न । केइयें दें उस दिन तवा नेई चाढ़दे । केइयें दें कोई रीत ते केइयें दै कोई । डुग्गरै च केइयें घरें च इये नेइयां रीतां कृत्थुम्रां म्राई गेइयां भलेम्रां खोज करने दा विशे ऐ। चर्ज ते एह् लगदा ए जे केइयें लोकें दे घरें जिसलें ग्रो देग्रा भरदे जां नाज पकांदे न, उसलै ग्रो इक अन्दरै च बेइगै न्हेरै गै भरना, न्हेरे गै पकाना ते न्हेरै गै सारे टब्बरै खाना। इत्थूं तक्कर जे बिन्द बधी र'वै तां ग्रन्दर गै गत्त कडि्ढये दब्बी ग्रोड़ना। करूली बी ग्रन्दर गै करनी ते जूठे हत्थ वी अन्दर गै धोने । स्रो जूठा पानी कुसै भांडे च किट्ठा करिये दूर कुत जाइये डोह्ली ग्रौना।

गुगा नौमी: गुगा नौमी शास्त्रीय ध्यार पर्व नेई ऐ। एह् दिन डुगर दी वीर पूजा दी कड़ी च प्रचलत साढ़े इतिहास गी चेता रक्खने दी परम्परा समझनी चाही दी ऐ। गुगा इक वीर हा (राजस्थान ते पंजाव च बी लोक नायक ऐ) जेह्ड़ा डुगार च प्रचलत इक बार (लोक गाथा) मूजब हिन्दू धर्म दी प्रतीक गौ माता दी रक्षा ग्रास्त गजनी तक्कर लड़न गेग्रा मूजब हिन्दू धर्म दी प्रतीक गौ माता दी रक्षा ग्रास्त गजनी तक्कर लड़न गेग्रा ते गौ माता गी छड़ाइयें लेई ग्राया हा। गुगा नौमी गी थायें-थायें दुग्राले जंबलदे न दे चेले ते भगत चौकियां दिन्दे न।

लोक सवेर-सवेर सप्पंदी वर्मी च दलस्सी पाइये ते थोड़ी बधाइये घर लेई ग्रीन्देन ते सार घर च त्रोंकदेन । केइयें थाह्र रें पत्तरें दा छत्तर वनाइये लुहाने ते खम्मनियें कन्ने छज्जा सजाइये चिमटा संगल लेइये चेल्ले

थायें-थायें जाइयें गुग्गे दी लोकगाथा गाई-गाई सनांदे न ।

बच्छदुश्राह् ते द्रुबड़ी: जन्माण्टमी परैन्त दुआही कास्ती गी बच्छदुग्राह ते पन्दरें दिनें ग्राली ग्रश्टमी (राधा ग्रश्टमी) गी द्रुवड़ी दे वर्त औदेन। एदमैं वर्त डुगगर च बड़ी गैह्मा-गैह्मी, धूमधाम ते उत्साह् कन्ने मनाये जन्दे न । इनें दौनें बतें च डुगगरै दी मूरतीकला दी परानी परम्परा च पली ग्राई संस्कृति दा टकोह्दा रूप-छलैपा ग्रज्ज बी अपने उससे रूप चल'बदा ऐ। ए खुशी दी गल्ल ऐ जे नमें जमाने दा विनाशकारी प्रभाऽ एदे पर बिन्द बी नेई पेग्रा। ए वर्त घर घृस्ती दी मंगल-कामना, बाल-बच्चे ते चौखर-माल दा सुख मंगने दी भावना कन्ने कीते जन्दे न। बतें थमां दों दिन पहुले गैं पंते गी म्हूरत पुच्छियें, न्हाई-धोइयें सुच्चे मूंह जनानियां 'विर्ड'' (काले छोले, मांह्, गीटियां ते द्रुव्बां) सेड्दियां न। इक दिन पैह्ले द्रैं के दे पत्तरें उप्पर 'विर्ड' परतिदयां न ते वर्तें श्राले दिन मूं ह्-न्हेरे गै बर्ते दियां त्यारियां शुरू होई पौदियां न । मुहारे ग्राले चौके-पट्टे देइये घर-वाह्र सुच्चा करिये, जनानियां सिर-पिंडे न्होंदियां न। पहीं कसखास ते गरी लाई-लाई ते चित्तर पाई-पाई ग्राटे ते गुड़ दे मुट्टे मुट्टे रुट्ट पकांदियां न। एह् गिनतरी च उन्ने गैं हुंदे न, जिन्ने घर दे मर्द ते जागत हुन्दे न । रुट्ट बनाने दे परैन्त ग्राटे च बसार पाइयै वड़े प्यार ते लाडै कन्ने उस गुन्ने दे पीले ब्राटे दे कट्टू-बच्छू, छाह्-छोलदी जट्टी, तमाकू पींदा करसान, चाटियां, मधानियां, ब्राटे दियां गोलियां, बाहीं ब^²न्नने गी पीले रंगै दे धागे बनाइये द्रुब्वां, विर्ड ते फलें कन्ने थाल सजाइये डोगरियां नारां सुच्चे रेश्मै दे जोड़े झिलमिल करदे कनारियें ग्राले दबट्टे लेड्यें झुमके ते नत्ये ते टिक्के दौनियें दे लश्कारे सुटदियां तवी, तलाऽ जां छप्पड़ें पर बच्छ-दुग्राह् ते द्रुवड़ी पूज्जन जिन्दियां न । केइयें जागतै दे ब्याह् जा जागतै दी इच्छेग्रा दी सुक्खन सुक्खी दी हुन्दी ऐ, ग्रो बाजे-गाजे कन्ने जन्दियां न । उस बेल्लै उन्दा ग्रंगार, उत्साह् ते रौनक-मेला समां ब'न्नी ओड़दे न। जे कोई नमां ब्याह् होऐ तां लाड़ी गी उनें विडें चा डूर चखाने दी प्रथा ऐ। कुसै जागतै गी पैह्ली वच्छ-दुम्राह् जां द्रुवड़ी म्रावै तां उसी व'न्न चाढ़िदयां न । पूजा करिये रुट्ट कुड़ियें ते प्रोह्त्यानी गी बंडी ओड़दे न । पही घर ग्राइये फलोहार बनाइये खन्दियां न । केई पूजा दे तुरन्त बाद द्रोपड़ा मनसदियां

न। केई दूऐ दिन वर्त पुआरने थमां पहुले द्रोपड़ा मनसियै कंजकें गी वंडिंदियां न।

शास्त्रें च ग्राये दे राधा अश्टमी ते महालक्ष्मी वर्तें गी डुग्गर च 'द्रु व्वड़ी' नां कन्ने मनाया जन्दा ऐ। इंयां बझोन्दा ऐ जे उपरोतली ग्रौने करी ते राधा ते लक्ष्मी गी इक्कै रूप मिन्तये डुग्गर च ए दमें वर्त इक्क-मिक्क करी ते राधा ते लक्ष्मी गी इक्कै रूप मिन्तये डुग्गर च ए दमें वर्त इक्क-मिक्क होई गेदे न। शास्त्रें ग्रनुसार राधा ग्रश्टमी भाद्रों म्हीने दे शुक्ल पक्खें दी ग्रश्टमी गी ग्रौन्दी ऐ। राधा जी दे जन्म दिने पर कृष्ण जन्माश्टमी ग्राला श्रश्टमी गी ग्रौन्दी ऐ। राधा जी दे जन्म दिने पर कृष्ण जन्माश्टमी ग्राला लेखा गै भजन, कीर्तन ते फलाहार करिये मनाने दी विधी ऐ। महालक्ष्मी दा वर्षा इस्सै ग्रश्टमी गी शुरू होइये ग्रस्सू म्हीने दी कृष्ण पक्खें दी ग्रश्टमी तक्कर वर्त इस्सै ग्रश्टमी गी शुरू होइये ग्रस्सू म्हीने दी कृष्ण पक्खें दी ग्रश्टमी तक्कर वर्त इस्सै ग्रश्टमी गी शुरू होइये ग्रस्सू महीने दी कृष्ण पक्खें दी ग्रश्टमी तक्कर सोह् लां दिन विधी बधाने कन्ने चलदा रीह त्दा ऐ। सोह लों गण्डें दा पीला धागा वाहें कन्ने व'न्निये जनानियां सोह लां रोज उसी दु व्वें कन्ने पूजिदयां न। धागा वाहें कन्ने व'न्निये जनानियां सोह लां रोज उसी दु व्वें कन्ने पूजिदयां न। सौह लमें दिन यथाशिवत रुट्ट पकाइये, नवेद लुआइये एह दा समापन हुन्दा सौह लमें दिन यथाशिवत रुट्ट वृग्गाह, इक्कै दिने दा वर्त ऐ, दु व्वड़ी दा समारोह, सोह लां दिन चलदा ऐ। वच्छ दुग्राह, इक्कै दिने दा वर्त ऐ, दु व्वड़ी दा समारोह सोह लां दिन चलदा ऐ।

नाग पंचमी: ध्यारं दी इस्सै लोक परम्परा च नाग पंचमी दा ध्यार वी मारे देसे आला लेखा इस डुग्गरे च प्रचलत इक प्रसिद्ध ध्यार ऐ। माग पंचमी भारत देण च ग्रद् दी चली ग्राव दी ऐ, जदू मसां-मसां सभ्यता तो शुक्ष्मात होई होग। खेती-वाड़ी लेई जंगलें-जाड़ें दी सफाई कराइयें खेतरें दी शुक्ष्मात होई होग। खेती-वाड़ी लेई जंगलें-जाड़ें दी सफाई कराइयें खेतरें गी गी राही जोग बनाया जन्दा हा ते जाड़ें चा सप्प बाह्र र निकलियें केइयें गी गी राही जोग बनाया जन्दा हा ते जाड़ें चा सप्प बाह्र र निकलियें केइयें गी गी राही जोग बनाया जन्दा हा ते जाड़ें मते निकलदे न। ग्राहिंसा पुड़ी जन्दे हे। बरसांती च खासकरी सप्प कीड़े मते निकलदे न। ग्राहिंसा वादी हिन्दू जाति जेह्रडी कण-कण च इक्कै ग्रात्मा दे दर्शन करने दे सिद्धान्तें वादी हिन्दू जाति जेह्रडी कण-कण च इक्कै ग्रात्मा दे दर्शन करने दे सिद्धान्तें गी मनदी ऐ ते हर जड़-चेतन च देव दर्शन करदी ऐ, उन्ने सप्प गी बी ग्रपने बत्ती गी मनदी ऐ ते हर जड़-चेतन च देव दर्शन करदी ऐ, उन्ने सप्प गी बी ग्रपने बत्ती गी मनदी ऐ ते हर जड़-चेतन च देव दर्शन करदी ऐ, उन्ने सप्प गी बी ग्रपने बत्ती पातें च ग्रापनियों स्थानीय विशेषाताएं कन्ने मनाई जन्दी ऐ। पर साढ़े प्रांत पातें च ग्रापनियों स्थानीय विशेषाताएं कन्ने मनाई जन्दी ऐ। पर साढ़े प्रांत च एदा महातम इसकरी बी ऐ जे डुग्गर दे उत्तर पूर्वी इलाके च कदें नागजाति च एदा महातम इसकरी बी ऐ जे डुग्गर दे उत्तर पूर्वी इलाके च कदें नागजाति च एदा महातमा ने जतन करियां उन्दे च मित्रता ते समोध पैदा कीता। ग्रद् ना दे महातमा ने जतन करियां उन्दे च मित्रता ते समोध पैदा कीता। ग्रद् ना दे महातमा ने जतन करियां उन्दे च मित्रता ते समोध पैदा कीता। ग्रद् जो ए नागपूजा प्रचतत होई। भद्रवाह्र च मेला पट्ट जेह्रडा ग्रहिंपांची ती ए नागपूजा प्रचतत होई। भद्रवाह्र च मेला पट्ट जेह्रडा ऐ, उस जुगें दी जाद-(नागपंचमी) गी कपलास च यात्रा जाइयां समाप्त हुन्दा ऐ, उस जुगें दी जाद-

गारै च अर्जी तक्कर मनाया जन्दा ऐ। भारत च सीन म्हीनै दी शुक्लपंचमी गी नाग पंचमी दे रूप च मनांदे न। साढ़े डुगगर च भाद्रों म्हीने दी ऋषि पंचमी (शायद ग्रास्तिक ऋषि दे नां करिया) नाग पंचमी दे रूपे च मनाई जन्दी ऐ। घर बाह्र गोहे कन्ने सुच्चे करिय, मुहारे पाइय, चौके देइय, कन्धें उप्पर नागें दियां चौकड़ियां लीकिये नाग देवतें दियां मूर्तियां चित्तरदे न। ओदेकन्ने बिच्चूं, कौंकलां ते होर कीड़े-मकोड़े वी चित्तरदेन। पही खीर-पूड़े, परौंठियां चूरी, म्हेरी ते अपने कुलैं दी रीति मूजब पकवान बनाइयें दलस्सी कन्ने नागें दी पूजा करदे, द्रोपड़ां मनसदे ते केइयें घरें च नत्त जां वर्त रखदे न । नागें दी वर्मी च दलस्सी पांदे न । मत्था टेकिय वाल-बच्चे ते घर घरस्ती दा सुख मंगदे न।

हरदालका: इनें दिनें गै हरदालका दा वर्त वी ग्रौंदा ऐ। एह् वर्त भाद्रों म्हीने दे शुक्ल पक्खें दी तृतिया गी ख्रौंदा ऐ। सुहागनां ते पुत्तरें दियां मावां अपने सुहाग ते पुत्तरें दी दीर्घायु स्रास्ते उस दिन शिव पार्वती दी पूजा करदियां न । निर्जल वर्त करियै दुऐ दिन गै वर्त पुत्रारेग्रा जन्दा ऐ । ए वड़ा कठन बर्त ऐ, इसकरी हून एह्दा रवाज घटी गेदा ऐ।

बामन द्वास्ती: इंयां गै वामन द्वास्ती दा वर्त बी डुग्गरै च बड़ा कठन बर्त ऐ। बड़े विधी-बधाने कन्ने करदे न। इक पुत्तरें दी माऊ गी जरूरी रक्खना पौन्दा ऐ। शास्त्री बधानै अनुसार भाद्रों म्हीने दे शुक्ल पक्खैं दी द्वास्ती म्रालै दिन भगंवान वामन जी दा म्रवतार होम्रा हा। एह् दे च जल जां फलाहार करने दा निषेध नेई ऐ। मिट्टी दे भांडे च देहीं, चील, शक्कर ते पानी दे दानै दा बधान जरूर ऐ। पर डुग्गरै च जिन्ना चिर बामन द्वास्ती लग्गी र'वै (भायें स्रो डेंढ दिन की नेईं होई जा) इक पुत्तरै दी मां पानी तक नेई पीन्दी। बामन चली जाने दे परैन्त गै कुसै व्रैह्मणै गी पूजियै गै वर्त पुत्रारदी ऐ।

नैन्त चौदेशा: डुग्गर प्रान्ते दा एह्दे वाद जेह्डा मश्हूर वर्त श्रीन्दा ऐ श्रो नैन्त चौदेश्रा ऐ। हून ते नैन्ता दा वर्त इतिहास च गै लखोने जोगड़ा रे'ई गेथ्रा। की जे हून ना कोई मर्द नैन्त पान्दे न ते ना गै अप्रज्जै दियां कुड़ियां लाड़ियां। केई परानियां वजुर्गं जरूर स्रजें वी भाद्रों म्हीने दी शुक्ल चौदेग्रा गी सवेर-सवेर न्हाइय, मन्दर जाइय, अपने नैन्ता दी पूजा

कराइयै, चरणामत लेइयै, उस दिन नैन्त रखदियां न । नैत चौदेग्रा गी लून खाने दी मनाही ऐ ।

स्राध: एह दे परैंत शुरु हुंदा ऐ स्राधें दा पनख। ग्रस्सू म्हीने दे कृष्ण पक्खें दे पंदरां दिन कुसें बी शुभ कम्मै लेई वर्जत न। इत्थुं तक्कर जे कुड़ियां सीह रै-प्यौक वी नेई जंदियां। कोई नमां टल्ला नेई सियाना, कोई तमी चीज वस्त नेई खरीदनी। ए पंदरां दिन जनानियां छड़ा पितरें गी प्रसन्न करने गी लग्गियां रींह दियां न। शास्त्रें च मनुक्खें आस्ते देव-ऋण, ऋषि-ऋण ते पितृ-ऋण त्रीनें दा ध्यान रखना बड़ा जरूरी ऐ। इंदे च वी पितृ-ऋण चकाने दा इसकरी मता म्हातम ऐ जे माता-पिता, दादी-दादा ते होर मृत वजुर्गे कन्ने साढ़ा साख्यात् ते जिगरी रिण्ता हुंदा ऐ। उनें गी ब'रे च इक बारी चेत्तें करने, उंदे निमत्त दान-पुन्न करने च मनें गी वड़ा संदोख हुंदा ऐ। ए पंदरां दिन जनानियां रोज गै कुसै ना कुसै िपतरै दे निमत्त सुच्चा भोजन बनाइयै सीधा दिदियां न जां ब्राह्मण भोज करांदियां न । पितृ-मस्सेआ म्राले दिन संजां वेल्लै दौं-दौं टिकड़ियां पकाइयै उंदे पर दिय्ये वालिये इक लोटा ते दौं टांढे जां कुसै बूह्टे दियां सुक्कियां टाह्लियां लेइयै तरकालें बेल्ले घरै दे हर ग्रंदरै दी खुन्दरै च जंदियां न ते पितरें गी स्राखदियां न—"जै बचारेस्रो पितरो, भरे दे स्रावेस्रो ते खाली जाएग्रो। हुन तुम ग्रपने मातलोकै गी जाग्रो।" पही ग्रो बलदे दिय्ये टिकड़े पर धरिये ड्योढी-मुहालिया छोड़ी औंदियां न। इस चालीं पितरें ंगी बरधाइये स्राधें दी समाप्ती हुंदी ऐ।

कत्ते महीने दे नराते : दूपे दिन पही शुरू हुंदा ऐ कुड़िएं दा बहुा ध्यार 'कत्ते महीने दे नराते' । इनें नरातें च बी राड़ें दे ध्यार अगंगर कुड़िएं दा उत्साह ठाठां मारदा ऐ। बड़ड़ें-लें चार बजे गैं कुड़ियां इक-दूई गी दा जत्साह ठाठां मारदा ऐ। बड़ड़ें-लें चार बजे गैं कुड़ियां इक-दूई गी वाजां मारदियां, किट्ठियां होइयें माता दे भजन गांदियां दरेश्रा, तबी, तलाऽ वाजां मारदियां न। जिस कुड़ी दे घर नराते रखने दा फैसला होऐ, उत्थें नहीन जंदियां न। जिस कुड़ी दे घर नराते रखने दा फैसला होऐ, उत्थें इक तौकड़े च गोहे तें कीडियें दी माता रानी दी मूर्ति दी स्थापना करियें इक तौकड़े च गोहे तें कीडियें दी माता रानी दी मूर्ति दी स्थापना करियें सख राही जंदी ऐ। स्रोदी स्थारती बंदना हुंदी ऐ, प्रसाद बंडोदा ऐ। संजां सखनें सब्बें किट्ठियां होइयें चूटी (प्रीतिभोजन) करदियां न। इक-दूई गी बेल्लें सब्बें किट्ठियां होइयें चूटी (प्रीतिभोजन) करदियां न। इक-दूई गी हासा-मखील करदे, हसदे-बेढदे, तरकालां पेई जंदियां, पही ग्रारती हुंदी, मातारानी गी सुग्रालियें सब्बें ग्रपने-ग्रपने घरें चली जंदियां। सप्तमी ग्राले

दिन सब्बै जनानियां, कुड़ियां वर्त रखदियां, संजां वेल्लै किट्ठे होइयें, फलोहार किरयें, काह्न-गोपियें ते कृष्ण-सिखयें दियां बड़ियां भैल झांकियां बनांदियां न। पूरी रात विसनपते ते माता दियां भेटां गाई-गाई जागरणा करदियां न। प्रश्टमी ग्राले दिन घर-घर ग्रो झांकियां फेरिदियां न। इनें झांकियें च नराते रखने ग्रालियें वक्खरे-वक्खरे म्हल्ले दियें कुड़ियें दियें टोलियां दा मकावला ऐ। कोदे काह्न-गोपियां सबनें थमां शैल न, एह् दिवखने गी दूरा-दूरा दे म्हल्लें दे लोक औदे न। कनारियें ग्राले टल्ले, सुन्ने-चांदी दे बंधे, सुरिखयें ते सतारें कन्ने झांकियां इन्नियां सज्जी दियां हुंदियां न जे ग्राखों सुर्गं लोक गैं भुंजां उतरी ग्राए दा होऐ। लोक दिखदे, सरांह्दे ते ग्रापनी-ग्रपनी श्रद्धां कन्ने भेटां चाढ़दे न।

अश्टमी जां नौमी श्राले दिन नरातें दी समाप्ती हुंदी ऐ। घर-घर पूड़ियां, कड़ाह् बनदे ते दबट्टुएं गी कनारियां लाई-लाई लोक कंजकां पूजदे न। प्राचीनकाल थमां चलदी ग्रावै दी मातृशक्ति दी पूजा दी एह् परम्परा पूरे उत्साह् कन्ने चली ग्रावै दी ऐ। अर्जे दी पढ़ाई-लखाई दी व्यस्तता करी कुड़ियों गी हुन नराते रखने दा ग्रो चाऽ नेई रेह्दा। नमीं पढ़ाई सांस्कृतक परम्पराएं गी महेसदी जा करदी ऐ।

अस्सूं दे नरातें दी डुगगर च इक बड़ी विशेशता एह, ऐ जे नरातें दी अश्टमी ते नौमी गी इत्थें बाह् वे दा मेला लगदा ऐ। बड़ी-वड़ी दूरा दा भगत ग्राँदे न, छिल्लियां चाढ़दे न ते जम्मुआं दे राजे, महाराजें दी कुल-देवी वाह् वे ग्राली माता दी जय जयकार करदे, दर्शन पांदे ते ग्रापने भाग सराह् दे न। एह् बाह् वे दा मेला जम्मू च तवी नदी दे कण्डै उप्पर बने दे बाह् वे दे किले दे ग्रंदर लगदा ऐ, जित्थें देवी भगवती दा सुन्दर मंदर बने दा ऐ। चेत्तर म्हीने ग्रांने आले नराते बी कुड़ियां इस्सै चाल्ली रखदियां न, ते खेढदियां न पर ग्रद् बाह् वे दे मेले दे थाह् र रघुनाथ मंदरें च मेला लगदा ऐ। कोई बेल्ला हा सेर-सेर पक्के दे मनें-बद्धे लड्डू बंडोदे हे ते दूरा-दूरा दा ग्राएं दे लोक छड़े रामनौमी दे लड्डू लैन गै जम्मू ग्राँदे हे।

दसैह्रा: डुगारै च विजयदशमी जां दसैह्रे दा मेला वी लगदा ऐ। जित्थें कुड़ियां नरातें दे समारोह्र च लगदियां न, जागत रामलीला खेढदेन। दसैह्रे ग्राले दिन जुगें थमां चली ग्रावै दी राम ते रावण च होई दी पुन्नै ते पापै दी लड़ाई दी कथा चेत्तै करदे न। हर साल पापै दे प्रतीक रावणै गी फूकियै लोकें गी सत्कर्म करने दी प्रेरणा दिंदे न । दसैह्रा मनाने दा एह् बधान तकरीवन सारे भारतवर्षे च इक्के नेहा गैं।

शरद पुन्ने आरं इस्सै म्हीने शरद पुन्ने आं वी औंदीऐ। एह्दा कोई खास चलन ते नेई, पही बी केई लोक उस दिन चंद्रमा दी लोई च खीर वनांदे न, ते चाननी च गै रक्खी म्रोड़दे न। रातीं वी खदे न ते केई बड्डै लैं प्रशाद लैंदेन। ग्राखदेन इस कन्ने केई तरां दे रोग दूर हुंदे न। इनें दिनें रासलीलां बी हुंदियां हियां। हुन छड़ियां जादगारां गै रे'ई गेदियां न । कुतै-कुतै सारी रातीं दा जागरना जरूर हुंदा । कीर्तन मंडलियां खूब रीनक लाई रखदियां न।

करेग्राचौथ: नरातें परेंत जेह इा बहुा बर्त ग्रौदा ऐ, ग्रो ऐ 'करेग्रा-चौथ'। एह सुहागै दा वर्त मन्नेग्रा गेदा ऐ। एह दी त्यारी जनानियां केई दिन पैह्ले गै करन लगी पौंदियां न । कुतै गैह्ने किड्डये रंग दुम्रांदियां, कृत भनाइय नमें कढ़ांदियां, कृत नमें जोड़े सुम्रांदियां ते कृत रंग-बरंगी वंडा खरीदै दियां। वर्ते थमां इक दिन पैह्ले सर्गी खाने दी त्यारी हुंदी ऐ। अपनी-अपनी पुज्जता मतावक फेनियां, दुढ़, घ्यूर, मठेग्राई, फल-फरूट, गरी-छुहारे ते केई तह्रां दे खाने दे सम्यान किट्ठे करदियां न। बडडै-लै चार वजे गीरजा दे नां दी सर्गी मनसिय, फ्ही सर्गी खंदियां न। बड्डै लै उट्ठिय, सिर ते कपड़े धोइयै, सारा दिन वगैर अन्न-जर्ल दे घरै दे कम्में-काजें च लग्गियां रौंह्दियां न । पर उस दिन सीना, परोना, बुनना, खेतरें जाना, चरखा कत्तना मना हुंदा ऐ। इसकरी शंगार करियं चन्न दी निहालपै च रौंह्दियां न। तरकालें पकवान बनांदियां न। हुन ते पंजाव दी दिक्ख दिक्खी, इत्थें वी 'बेग्रा वटाने' ते 'बीरो कुड़ी' दी कथा सुनने-सनाने दा रवाज होई गेग्रा ऐ । तारा चढ़े सुहागनां सज्जी-धज्जियै 'बेआ' मनसदियां न । एह्दे च तेरां मिट्ठयां जां सवाः बट्टी बदाम जां कोई कपड़ा ते रपेऽ मनसिये सस्सू-सौह्रे जां घरैश्राले गी जां कुलै च जेह्ड़ा बी कोई वड्डा बजुर्ग होऐ, उसी देइयै मत्था टेकियै सीस ते सगन लैंदियां न। इनें समारोहें च चन्न चढ़ी ग्रौंदा ऐ तां उसी ग्रर्घ देइये पही पानी पींदियां न। ते रुट्टी खाइये बर्त पुत्रारदियां न । ए बर्त अपने सुहागे, सुखै ते पति दी दीर्घायु दो कामता कन्ने कीता जंदा ऐ।

होई: कत्ते म्हीने दी कृष्णअश्टमी गी भित्ति चित्तरें दा स्नेहा

लेइये सारे देसे च 'होई' ग्रोंदी ऐ। राजस्थान ते जुगरे च एह्दा मता महातम मन्नेग्रा गेदा ऐ। जुगर च ते 'होई' कन्ने केई' पौराणक ते लोक-कत्थां जुड़ी दियां न। इंदे च होई पूजने ग्रालियें माताएं दे बाल-बच्चें दे सारे संकट कटोई गे, उनें गी दीर्घायु ते सुख स्मृद्धियां प्राप्त होइयां ते घर- चिरस्ती सुखी होई गेई।

होई दे पहले दिन जनानियां घरें च चौके-पट्टो देइये रसोई जां पसारै दी इक कंघा उप्पर होई माता लेई चिट्टे मकौले दी इक चौकडी पांदियां न, पही अपनी झीरी गी सिंहये अोदे कोला 'होई' लखांदियां न। इगगर च ग्रामतौरै उप्पर 'होई' दा सरबन्ध प्रह्लाद भगत दी उस पौराणक घटना कन्ने जुड़े दा ऐ जेदे च हिरणाक्ष दे हुकमै मूजब ओदी राक्षसी भैन 'म्रहोई' जिसी ए वर प्राप्त हा जे ओ ग्रग्गी च नेईं सड़ी सकदी) प्रह्लाद गी गोदा पाइये बलदी ग्रग्गी च बेही गेई ही। पर भगवान दी किरपा होई ते उनें बच्चे गी नेई जलन दिता। एह्दा बधान इंयां ऐ जे केइयें रंगें कन्ने कंधा उप्पर चतरोई दी 'होई' गी जनानियां बहुँ-पहर् सुच्ची रसो बनाइये, पूजा करदियां ते नवेद लुग्रांदियां न । पही अपने पुत्रें गी आखिदयां, जे कुण्डी ठकोरो । इक-इक जागता दा नां लैंदियां जंदियां ते जागत कुण्डी ठकोरी-ठकोरी ग्रंदर ग्रींदे जंदे। मां उनें गी होई दा प्रशिंद दिंदी ते मत्या टेकिये वाल-बच्चें दी लम्मी उमरी दा वर मंगदी ऐ। कुण्डी खड़काने ते बच्चें गी बाजां मारने कन्ने इक होर लोककत्थ जुड़ी दी ऐ। इक जनानी गी इक 'सेही' दे वच्चे गी ग्रनजाने च मारी ग्रोड़ने करी उसदे दंग्डें च ग्रपने सत्तें पुत्तरें दी श्रकाल मृत्यु दिक्खनी पेई। श्रशोक अश्टमी मालै दिन 'होई' माता दी पूजना करने उप्पर ओदे सत्तै पुत्तर हसदे-खेढदे पही प्राप्त होई गे है।

धन्न तौस्त ते देशाली: ए सारा म्हीना दिनें ध्यारें दा हुन्दा ऐ। होई दे किश दिनें परैन्त गैं 'धन्न त्रौस्ती' ते 'देग्राली' दे ध्यार श्रौंदे न। धन्न त्रौस्ती गी ते अज्ज-कल लोक छड़े भांडे गै खरीददे न, पर, देश्राली इक राष्ट्री ध्यार ऐ। ए ग्रामतौरें पर इक्कै पढ़ती कन्ने सारे देसा च मनाया जन्दा ऐ। दीपकमाला, लक्ष्मी पूजन, मठेयाइयें ते पकवानें दा ए ध्यार राम-चन्द्र जी दे बनवासा थमां अयोध्या वापस श्रौने दी यादगारें च मनाया जन्दा ऐ। इस ध्यारें दे कन्ने केई' पौराणिक कथां जुड़ी दियां न। धन त्रोस्ती, नरक चौदेग्रा, (हनुमान जयन्ती) ते देआली इनें स'ब्बनें ध्यारें-पर्वें गी घर दी पूरी सफाई, सजीट, नमें वस्त्र लाने, शैल-शैल चीजां-बस्तां खाने, ग्रपने कम्मनें-कमीनें गी बख्शीशां देने ते मित्रें सरबंधियें गी मठेयाइयां ते डालियां भेजने दा ध्यार ऐ। ए ध्यार देसैं दी हर जाति ते हर सम्प्रदाय द्वारा बड़े उत्साह ते खुशी कन्ने मनाया जंदा ऐ। देसैं दे बच्चे-बच्चे गी इस दा पूरा जान हुंदा ऐ। खुशी कन्ने मनाया जंदा ऐ। देसैं दे बच्चे-बच्चे गी इस दा पूरा जान हुंदा ऐ।

देग्राली दा ध्यार कत्तें म्हीने दी मस्सेग्रा दे घनघोर न्हेरे गी रोशन करदा खुशियें च चली जंदा ऐ। बच्चे रातभर पटाके, बम्ब ते ग्रस्तबाजियां चलांदे रौंह देन। इस्सै रौनकै च दूआ दिन चढ़ी जंदा ऐ।

गोवर्धन पूजा: इस दिनै गी साढ़ 'ग्रन्नकूट' जां 'गोवर्धन पूजा' ग्राखदे न। इस दिनै गी इत्थें सामूहिकरूप च मनाने दी प्रथा ऐ। जनानियां अपने-अपने घरें दा चीजां वस्तां लेइयैं निश्चित कीते दे मंदरें च चली जंदियां न। उत्थे खाने-पीने ग्रालियें चीजें वस्तों दे प्हाइ-जन वनाइयै भगवान गी भोग लुग्नांदियां न। पही नवेद लेइयैं घरें गी परतोंदियां न। ए ध्यार भगवान भोग लुग्नांदियां न। पही नवेद लेइयैं घरें गी परतोंदियां न। ए ध्यार भगवान भोग लुग्नांदियां न। पह ले इन्द्र देवता दी पूजा दे व्हाने जगों च पशुक्षण जी नै चलाया हा। पह ले इन्द्र देवता दी पूजा दे व्हाने जगों च पशुक्षण जी नै साख्यात विल दित्ती जंदी ही। हिसात्मक जगा वंद कराइयें कृष्ण जी नै साख्यात देवता गोवर्धन पर्वत (जेह दे कोला पानी, लकड़ी, फल, जड़ी-बूटियां ते नेकाने के चीजां प्राप्त हुंदियां हियां) ते गोमाता दी पूजा दी पद्धित चलाई।

टिक्का : इस ग्रन्तकूट दे कन्नो-कन्नी भैनें भ्राएं दा प्यारा ध्यार टिक्का ग्राँदा ऐ। एह बी देसें दे मते सारें हिस्सें च मनाया जंदा ऐ। भैनां सुच्चे मुंह ग्रपने ग्रम्माजाये ते धर्मभ्रायें गी केसरें दा टिक्का लाइयें, चौल फुल्लें कन्नें उंदा सत्कार करिदयां न। मिट्ठा मुंह करांदियां न ते यमराज फुल्लें कन्नें उंदा सत्कार करिदयां न। मिट्ठा मुंह करांदियां न ते यमराज कोला भ्रायें दी लम्मी उमरी दा बर मंगदियां न। ए दिन बक्खरे-बक्खरें कोला भ्रायें दी लम्मी उमरी दा बर मंगदियां न। ए दिन बक्खरे-बक्खरें प्रान्तें च ग्रपने-ग्रपने तरीके कन्ने मनाया जंदा ऐ। कुर्ते भ्राऊ-भरजाई दी प्रान्तें च ग्रपने-ग्रपने तरीके कन्ने मनाया जंदा ऐ। कुर्ते भ्राऊ दी मूर्ति लीकियें, उसी धूप-दीप देइयें टिक्का लाया जंदा ऐ। कुर्ते भ्राऊ दी पूजना करियें टिक्का लाइयें मोह लें गी उखली च मारी-मारी भैन भ्राऊ दी पूजना करियें टिक्का लाइयें मोह लें गी उखली च मारी-मारी भैन बोलदी—जेह डा मेरे भ्राऊ दा बुरा चतेन उसी मोह लें कन्ने दली सुट्ट ग। बालदी—जेह डा मेरे भ्राऊ दा बुरा चतेन उसी मोह लें कन्ने दली सुट्ट ग। लाइयें, म्हूर्त दिक्खियें, सुच्चे मूंह भैनां भ्राएं गी टिक्का लाइयें भोजन लाइयें, म्हूर्त दिक्खियें, सुच्चे मूंह भैनां भ्राएं गी टिक्का लाइयें भोजन करांदियां न। ते भ्राएं दा सुख मंगदियां न। विश्वास ऐ जे जमदुतिया आले करांदियां न। ते भ्राएं दा सुख मंगदियां न। विश्वास ऐ जे जमदुतिया आले वरांदियां न। ते भ्राएं दा सुख मंगदियां न। विश्वास हेंदे न।

गोपाश्टमी: कत्ते म्हीने दी शुक्ल अश्टमी, गोपाश्टमी हुंदी ऐ। इस बतें दा सरबंध साढ़ पशुधन ते समाज दी ग्रर्थ व्यवस्था कन्ने ऐ। देसे दे दूए थाह्रें आङर डुग्गरें च बी उस दिन गोमाता दी पूजना ते वृद्धि दी कामना कीती जन्दी ऐ।

श्रवखंश्रा नौमी: गोपाश्टमी दे दूऐ दिन 'श्रक्षय नवमी' जां श्रवखेश्रा नौमी श्रोंदी ऐ। पुराणें च इस दिनै दा बड़ा म्हातम गाए दा ऐ। इस दिन गै त्रेता जुग शुरू होआ हा। डुग्गरै च केई जनानियां एह् दा बर्त रखदियां न ते श्रामली दे बूटे दी पूजना, श्रारती ते प्रक्रमा (पर्दक्खना) करदियां न।

पंज भीखम: पुराणें ते शास्त्रें च आये देकत्ते म्हीने देम्हातमै आंगर डुग्गरै दे लोक खासकरी जनानियां एह्दा बड़ा म्हातम मन्नियै कत्ते म्हीने दा निजम करदियां न । रोज न्हेरै नदी न्हीना, मंदर जाना, खास-खास तिथियें दे शास्त्र सम्मत विधि वधान करना, प्रचलत न । कत्ते म्हीने दी शुक्ला कास्ती थमां लेइये पुन्नेश्रां तककर पंज दिन 'पंजभीखम' जां तुलसी दे बर्ते दा इत्थें बड़ा चलन ऐ। कुड़ियां, लाड़ियां, जनानियां सब्बै इक, दो, त्रै, चार जां पंजै दिन वर्त रखदियां न । इनें वर्ते दी त्यारी बी जनानियां केई दिन पैह्ले गुरू करी ग्रोड़दियां न । जिनें पंजभीखमें दे दिय्ये बालने हुंदे न, उन्दा ते बेह् ड़ा, म्हल्ला बी इस त्यारी च जोगदान देन आई जंदा ऐ। पूजा दियां केईं समग्रियां हुंदियां न, कथा बार्ता, भूमि श्रासन, भुंत्रां सौना, निराहार जां छड़ा जल जां दुद्ध पीयै पंज दिन सुन्दर-सुन्दर रंगें कन्ने तुलसी दे चौंतरे दी चित्रकारी करिये, उसी कलीरें ते छ्याड़ें कन्ने सजाना, त्रै सौ सट्ठ वित्तयां वट्टिनियां, तुलसी दे चौंतरे पर रोज दिय्या वालना, प्रदक्खनां करनियां -- जनेह् नेकांनेक विधि-वधान हुंदे न, जेह् ड़े जनानियां रली-मिली करदियां न । ए पंज दिन बड़ी रौनक लग्गी रौंह्दी ऐ। जिनें जनानियें पंजभीखमें दा वर्त नेईं वी रक्खे दा हुंदा श्रों बी पंज दिन मूली, भट्ठें ते गन्ने दा परेह्ज करदियां न। श्राखरी दिन इनें स'बनें चीजें गी तुलसी ग्रागों चाढ़ियें पही खंदियां न । जिनें जनानियें घरें जां मंदरें दिय्ये बालिये वर्त रक्खे दे हुन्दे न न, स्रो बर्त पुत्रगरने त्रालै दिन सारियां सब्जियां रलाई-मलाइयै, 'सत्तसागा' बनांदियां न I भठोरे पकांदियां जां बब्बर तारदियां न ते दूरा तक्कर नवेड भेजदियां न । एह दे कन्ने गै कत्तें म्हीने दे स्नान दा समारोह बी हुन्दा ऐ। होर किश

नेई जुड़ी-वनी ग्राव तां केई पूरा कत्ता म्हीना तुलसी गी जल चाढ़ने दा निजम करी लैंदियां न । फ्ही भाएं द्रूणी दी पीड़ की नेई उट्ठी होएे, उनें न्हाइयें, तुलसी गी पानी चाढ़ियें गैं पानी पीन हुन्दा ऐ।

भुगो दा बर्त : डुगगरै च बी भारत देसे दे दूए प्रांतें आंगूं घर-धिरस्ती दी व्यवस्था, मंगल कामना, संतान ते पित दी सुख स्मृद्धि स्वास्थ्य ते दीर्घायु दी कामना च गै नारी जाति दा जीवन बीती जंदा ऐ। करेग्रा-चौथै गी जित्थें ग्रो ग्रपने पित दी दीर्घायु ग्रास्ते पूरा दिन निराहार, निर्जल वर्त करदी ऐ, माघ म्हीने दे कृष्ण पक्खें दी चतुर्थी गी (सर्व मंगलदाता विघ्नहारी गणेश जी दा जन्म ध्याड़ा) भुग्गे दा बर्त रिक्खयें पुत्तरें दी मंगल-कामना करदी ऐ। इस बर्तें च ते 'करेग्राचौथी' दे बर्तें च इन्ना गै फर्क ऐ जे एह दे च ना ते सर्घी खाने दा रवाज ऐ ते ना गै रातीं चन्ने गी ग्रांच देइयें रुट्टी खंदे न। रातीं ग्रांच देइयें मूली ते भुग्गा मनसिद्यां न ते भुग्गा गै खाने दा बधान ऐ। ए बर्त साढ़े डुगगरै च हर मां बड़े चांठ ते मल्हारै कन्ने रखदी ऐ। जे कुसै दे पुत्तरें गी पैह ला भुग्गा ग्रावै तां सवा बट्टी भुग्गा मनसने ते बंडने दा रवाज बी आम ऐ।

लोह्ड़ी: डुगगर ते पंजाव च सर्दी दी हत्ते दा इक मुक्ख ध्यार 'लोह्ड़ी' वी ऐ जेह् हा देयाली आला लेखा बड़े उत्साह् ते खुणियें कन्ने मनाया जन्दा ऐ। एह्दा जिन्ना चलन डुगगर ते पंजाव च ऐ होर कुत इन्ना नई ऐ। हां, पोंगल नां कन्ने ए दक्खन ग्राले पास कुत-कुत मनाया जन्दा ऐ पर उत्थें ग्रोदा रूप-सरूप बिल्कुल ग बक्ख ऐ। इद्धर ते लोह्ड़ी ग्राल दिन बड़े मौज-मेले हुन्दे न। जागत ते म्हीना पैह्लें ग लोह्ड़ी मंगन जान लगी बड़े मौज-मेले हुन्दे न। जागत ते महीना पैह्लें ग लोह्ड़ी मंगन जान लगी पौन्दे न। लोह्ड़ी बालने लेई लकड़ियां ते छज्जे बनाने लेई पैसे किट्ठे करदे पौन्दे न। लोह्ड़ी बालने लेई लकड़ियां ते छज्जे बनाने लेई पैसे किट्ठे करदे न। कुड़ियां बी लोह्ड़ी ग्राल दिन लोह्ड़ी मंगदियां न। लोह्ड़ी मंगदे होई जागत कुड़ियां जेह्डा लोकगीत गान्दियां न इंयां बझोंदा ऐ जे ग्रोदे कन्ने इस्स जागत कुड़ियां जेह्डा लोकगीत गान्दियां न इंयां बझोंदा ऐ जे ग्रोदे कन्ने इस्स जागत कुड़ियां जेह्डा लोकगीत गान्दियां न इंयां बझोंदा ऐ जे ग्रोदे कन्ने इस्स जागत कुड़ियां जेह्डा लोकगीत गान्दियां न इंयां बझोंदा ऐ जे ग्रोदे कन्ने इस्स जागत कुड़ियां जेह्डा लोकगीत गान्दियां न इंयां बझोंदा ऐ जे ग्रोदे कन्ने इस्स खों प ए कथा जवानो-जवानी चली ग्रीने करी काफी त्रुड़ी-मुड़ी दी ऐ। एह्दी खों प एक्यां जवानी चली ग्रीने करी काफी त्रुड़ी-मुड़ी दी ऐ। एह्दी खों प एक्ताल कुस शोध शास्त्री दी एन्तजारी च ऐ। ग्रस इन्ना जरूर ग्राखी खों प एकत्थ इत्थूं दी बशेण घटना कन्ने सरबन्झ रखदी ऐ। लोह्ड़ी कोई शास्त्रीय ध्यार पर्व नेई ते ना ग होर कुत लोक इसी जानदे न। लोह्ड़ी गी रथोड़ियां चिड़वे खाने ते बंडने दा ते रातीं बेल्ल ग्रग्ग बालिय ग्रोदे च गी रथोड़ियां चिड़वे खाने ते बंडने दा ते रातीं बेल्ल ग्रग्ग बालिय ग्रोदे च

चौलें, तीलें ते गुड़ै दा हवन करने दा रवाज ऐ। श्रगनी दी परदक्खना करिये सारे टब्बरे दा सुख मंगदे न।

मकर संग्रांद : लोह् ड़ी दे दूऐ दिन 'मकर संक्रांति' श्रींदा ऐ। ए भारत देश दा बड़ा म्हत्तवपूर्ण ते शास्त्र-सम्मत पर्व ऐ। इस दिन सूरज भगवान उत्तरेण ग्राली बक्खी मुड़दे न ते पृथ्वी दे उत्तरी गोलार्ध च दिन बहुं होने दा पैह्ला दिन शुरु हुन्दा ऐ। इसी डुग्गर च खिचड़ी ग्राला पर्व बी ग्राखदे न। इस दिन लोक खिचड़ी मनसदे न। तीर्थे उप्पर ते पवित्तर नदियें दे कंढें मेले लगदे न। इस दिन ब्होई दी कुड़ियें दे सीह्रे घर खिचड़ी ते होर चीजां बस्तां भेजने दा डुग्गर च बड़ा रवाज ऐ। इस दिने थमां गै माघस्नान दा कार्यं कम शुरु हुन्दा ऐ। जनानियां मुंह् हरें गै नदी स्नान गित्तै टुरी पौन्दियां न। माघी मस्सेग्रा जां मौनी मस्सेग्रा गी ए स्नान समाप्त हुन्दा ऐ।

बसैन्त पंचमी: उत्तरैण दे बाद रुत बदलोन लगी पौन्दी ऐ। ऋतु-राज दी ग्रगवाई च बसैन्त पंचमी दा ध्यार मनाया जन्दा ऐ। बसैन्ती कड़ाह् ते पीला भत्त उस दिन विशेश भोजन हुन्दा ऐ। बसैन्ती टल्ले लाइयै लोक इस ध्यारै दा समारोह् करदे न। पैह्ले बसैन्त पंचमी ग्राले दिन राजदरवार लगदा हा। हाथी घोड़ें दियां सजावटां दिक्खनेजोग हुन्दियां हियां। जलूस निकलदे हे। हुन सब किश इतिहास गै बनदा जा करदा ऐ।

शिवराती: एह् दे परैन्त फगान म्हीनै कृष्ण पक्खें दी चौदेशा गी सारे मुलखें ग्राला लेखा डुगार च बी शिवरात्री दा वर्त जोरें-शोरें ते उत्साह् कम्ने मनाया जन्दा ऐ। जेह् ड़े लोक त्रौस्ती गी वर्त रखदे न, ग्रो निराहारी रखदे न। चौदेग्रा ग्राले दिन फलाहारी किरयें जां इक वेल्लै रुट्टी खाइयें नत्त रखदे न। इस दिन शिवें दे मंदरें वड़ी गह्मो-गैह्मी हुन्दी ऐ। सारा दिन मेला-जन लग्गेग्रा रौह न्दा ऐ। जम्मू नगरें च पक्की-उक्की गुफा च, रणवीरेश्वरें दे मंदर ते पंजवक्तरें दी रौनक दिक्खने ग्राली हुन्दी ऐ। शिवरात्री दा ए वर्त सब्वें जातां ते सारे लोक शरधा कन्ने मनांदे न। ठौगरें दे वर्ता आङ् रीतां करदे न।

होली: रागें ते रंगें दा ध्यार होली राष्ट्री ध्यार ऐ ते हिन्दुस्तान च ए ध्यार विशव बन्धुत्व दा स्नेह्या लेइयें हर साल ग्रीन्दा ऐ। ए ह्दा उद्देश महान ऐ। पूरे ब'रे च मालकें नौकरें गरीबें-ग्रमीरें लोह्के-बड़े, गुरु शिष्यें, मित्रें ते सरविन्धयें च कदें ना कदें सर्दी गर्मी होई जन्दी ऐ। ए ध्यार ग्री सब गिले शिकवे समाप्त किरये प्रेम प्यार समोध ते भाई-चारे दी भावना गी नमा ताजा करने गी ग्री-दा ऐ। होली दी ग्रसली भावना इऐ ग्राखदी ऐ जे निक्के-मुट्टे भेदभाव ते वैरबरोध बसारियें जीने दा नमां ध्या शुरू करो। होली ग्रट्ट नौ दिन चलदी ऐ। लोक इक-दूऐ उप्पर रंग सुटदे न। चौनें पासै ग्रबीर गलाल दे इन्दरधनश मचदे न। इक-दूऐ दे घर जाइयें ममारखां दिदे ते मूंह मिट्ठा करदे ते करांदे न। जदूं साढ़ी वर्ण-व्यवस्था बड़ी कठोरता कन्ने पालन करदे हे, तदूं वी होली ग्रालें दिन सारी मर्यादा छोड़ियें समाज दे कुसै बी वर्ग ते व्यक्ति कन्ने होली खेढने दी ग्रनुमित हुन्दी ही। उंच-नीच, जातिभेद, छूतछात खत्म हुन्दी ही। साढ़े डुग्गर च ते बड्डी होली ग्रालें दिन राजा बी मैह्लें थमां बाह्र निकलियें होली खेढता हा। पर ग्राखदे न जे कुसै मूखें नेहा बेमर्जाद मखील कीता जे महाराज दा जनता च ग्रीना बन्द होई गेग्रा।

ग्रठमी होली गी 'होला' ग्राखदे न। उस रोज सारा दिन लोकें दियां टोलियां घर-घर जाइयें होली खेढदियां न। संजां-लें लोक चरस्तें च किट्ठें होइयें होली वालदे न, नचदे, गांदे ते खुशियां मनांदे न। होली फूकने कन्ने बी प्रह् लाद दी बूग्रा होलिका दी पौराणक कथा जुड़ी दी ऐ। देसे दे केई हिस्सें च होली साड़ने दा ग्रथं एह् बी कढदे न जे पुराना साल मरी गेग्रा ऐ, ग्रोदा दाह्-संस्कार करी ग्रोड़ो। होली दे कन्ने गै नमें संबतें दी ग्रामदे दियां त्यारियां शुरू होई जंदियां न। बसैत ऋतु दा ग्रागम चेत्तर दी ग्रामदे दियां त्यारियां शुरू होई जंदियां न। बसैत ऋतु दा ग्रागम चेत्तर महीने दी कृष्ण प्रतिपदा गी ते नमें संबतें दा रम्भ शुक्ल 'पड़ेग्रां' गी हुन्दा ऐ। ए बी बर्त, पर्व ते ग्रनुण्ठान दा दिन हुन्दा ऐ। ग्रस्सू म्हीने दे नरातें ए। ए बी बर्त, पर्व ते ग्रनुण्ठान दा दिन हुन्दा ऐ। ग्रस्सू म्हीने दे नरातें ग्राङू कुड़ियां नराते रखदियां, साख राह् न्दियां, नदी न्होन जदियां ते ग्रट्ठ दिन भगवती दी सेवा राधना करदियां न।

रामनौमी: घिरस्ती लोक ग्रस्सूं दे नरातें आङर इनें नरातें च बी जप, प्रयोग, पाठ ते जग्ग करदे करांदे न। मंदरें च कथां, बार्ता हुन्दियां न। अश्टमी गी कंजका देने परैंत इनें नरातें दी नौमी गी रामनौमी दा वर्त ते उत्सव मनाया जंदा ऐ। जम्मू च रामनौमी दे जलूस ते झांकियां निकलदियां न। रघुनाथ मंदर लड्डुएं दा पर्शाद बी बंडोंदा ऐ। पैह्ले ए लड्डू सेरै-सेरें दे हुन्दे हे। पही ग्रधसेरें दे होए, पही पाठ, ग्रद्धपाठ, पर ग्रींदे-ग्रींदे हून सगनमात्तर गै रे'ई होई गेदे न। पैह्लें लोक पंदरें-पंदरें, बीहें-बीहें कोहें दा चिलये नवेद लैन ग्रींदे हे। रामनीमी दा पर्शाद डुग्गर दे लीह्के-लीह्के ग्राएं तोड़ी जाई पुजदा हा। हून ए जागतें गी सनाने दियां कत्थां होई गेदियां न।

ए साढ़े डुग्गरै दे किश प्रमुख ध्यार पर्व ते बर्त न । साढ़े बर्त पर्व ते अनुश्ठान केई बारी इक-इक दिनै च दौं-दौं त्रै-त्रै बी स्राई जन्दे न ।

साढ़े डुग्गरै च कास्ती दे वर्तें दी मती मैह्मा ऐ। जनानियें च आम-तौरै पर पन्दरमें दिन कास्ती रखने दा वड़ा चलन ऐ। पूरे व'रे च उग्रां ते छब्बी कास्तियां ग्रीन्दियां न, पर इन्दे च त्रै मितियां प्रसिद्ध न। निर्जला कास्ती, हरि प्रबोधनी ते तिलाकास्ती। सबनें कन्ने पौराणक ते लोककथां जुड़ी दियां न। शर्धालु जनानियां पूरे निजमें कन्ने इनें वर्तें गी नभान्दियां न कथा-कीर्तन ते दान पुन्न करने च लिंगियां रौह्निदयां न।

साढ़े शास्त्रे बते पवें ते अनुश्ठानें दा बधान देसे दी धार्मक ते अध्यात्मक पूंजी गी बधाई फलाई रखने गित्ते कीता गेदा ऐ। हर धर्म परायण
व्यक्ति गी इन्दे उप्पर आस्था रखने दा बन्धन लाये दा ऐ। इने बतें पवें ते
अनुश्ठानें कन्ने जीवन गी जथाशिवत साधनें, निजम संजन कन्ने रौंह्ने,
स्वास्थ्य गी कायम रखने, अकाल पेई जाने पर अन्नसमस्या गी हल करने, ते
समाज च अध्यात्मक ते नैतक एकता बनाई रखने लेई जतन कीता गेदा ऐ।
कठन थमां कठन ते सरल थमां सरल विधी बधाने कन्ने लोकें दा ध्यान चंगे
पासे लाई रखने गित्ते नेकानेक बतें दी व्यवस्था ऐ। जेह् ड़े लोक निराहार
जां निजंल बर्त नेई रक्खी सकदे, उन्दे लेई फलोहारी बर्त रक्खने दी अनुमति
ऐ। जेह् ड़े नाज बगैर नेई रेही सकदे उन्दे गित्ते लूनका भोजन करने आले 'नत्त'
जां वर्त बी हुन्दे न। प्रमुख उद्देश कोई नां कोई निजम पालन करने दा हुंदा ऐ।

जित्थे छन्त्री कास्तियां श्रीन्दियां न, उत्थें बाह् रां जां तेह रां पूर्ण-माशियां, इन्नियां गैं मस्सेश्रां, संग्रादां, सत्तें बारें दे बर्त ते पर्व ध्याड़े श्रीन्दे न । डुग्गर च जनानियें कुसै न कुसै बारा दा बर्त जरूर सेपे दा हुन्दा ऐ । पर ऐत, सोम ते मंगलें दे नत्त बर्त मते प्रधान न । बारें दे बर्त श्रामतौर पर कुसै फलेच्छा करिये गैं रक्खे जन्दे न । पुन्नेश्रा दा बर्त इत्थें सत्त नारायण जी दी मानता करिये गैं हुन्दा ऐ । केइयें घरें च एह, सुक्खे दा हुन्दा ऐ ते हरानगी म्राली गल्ल ऐ जे केइयें घरें च दूसे दा वी हुन्दा ऐ।

मस्सेग्रा गी ग्रामतौर उप्पर इक पर्व गै मन्नेग्रा गेग्रा ऐ। जनानियां तवी तलाऽ न्हाइयै दान-पुन्न करिदयां न । पर संङारी (सोमवारी) मस्सेग्रा दी खास मैह्मा हुन्दी ऐ। उस दिन तीर्थ स्नान होई जां तां सुर्ग ल'ब्बने जिन्ना सन्दोख हुन्दा ऐ । इस मस्सेग्रा गी वर्त वी रक्खेग्रा जन्दा ऐ । दान-पुन्न ते बशेश रूप च कीता जन्दा ऐ। संङारी मस्सेग्रा साढ़े देसै च प्रचलत बड़े-बड़े कूंभ पर्वे दा लोह्का रूप ऐ। कुंभ पर्वे दा स्हाड़े हिन्दू शास्त्रेंच सारे धार्मक कर्में कोला मता म्हातम गाये गेदा ऐ। निक्के-मुट्टे क्'भे पर्वे च तीर्थ स्थानें उप्पर किट्ठे होइयै स्नान दान; कथा वार्ता दा चलन ते प्रसिद्ध गै। क्सै बी बशेश संग्रांदी, मस्सेग्रा, धार्मक मेले, जां ग्रैह्णै उप्पर लोक ग्रपने स्थान कोला नेड़ दे तीर्थें उप्पर पुज्जी जन्दे न । पर वार्हें व'रें परैन्त लग्गने ग्राले बहु कुंभ जेह् इं वारी-बारी हरद्वार, प्रयाग, उज्जैन ते नासिक च लगदे न, देसै दी ग्रध्यात्म प्रधान संस्कृति दा बोध-बकास ते ग्रनेकता च एकता लाने दा श्रेय प्राप्त करने म्रालेन। कुंभ स्हाड़ी प्राचीन वैदिक संस्कृति दी जींदी-जागदी तस्बीर न । वेदें च मतें बारी क्ंभें दा नां ग्रौंदा ऐ । एदे कन्ने देवासुर संग्राम दी पौराणक कथा ते इंदा म्हातम गाने आलियां होर केई कथां जुड़ी दियां न । ग्रर्थववेद च कुंभें दे चार भेद दस्से देन। पुराणें ते होर धर्म ग्रन्थें च इन्दी बड़ी मैह्मा ऐ। डुग्गर च कुंभें दी उन्नी गै मैह्मा ऐ, जिन्नी देश दे कुसै बी हिस्से च ऐ। कुंभै पर लक्खां लोक किट्ठे होइयै धार्मक एकता ते ग्रध्यात्मक एकात्मता दी मसाल पेण करदे न।

हुगगर दे स्थानी वर्त-पर्व बी ग्रपना म्हत्तव रखदेन। केई ग्रपने-ग्रपने कुल ते रीति मताबक मनाये जंदेन। केई सुरगल बावे दी मानता मनदेन, केई झिड़ी दी पुन्नेग्रा गी बाबा जित्तो दी समाधि पर किंद्र हो इ ग्रपनी कुल रीत नभान्देन। केई सुद्धी दे मेले जाइये सुक्खनां-सरीनियां करदेन। केई पुरमंडल जाना जरूरी समझदेन। इस चाल्ली इनें वर्ते पर्वे ते ग्रनुश्ठानें दी गिनतरी गित्तै बड़ा धीरज ते बेह्ल चाही दी ऐ।

साढ़े बतें ते अनुश्ठानें दी इक सरलता बड़ी उत्साह बर्धक ऐ जे शरीरक कमजोरी करी ए नेईं गैं निभी सकन तां इन्दे सरल बधान बी हैन । मोख करिये इनें निजम बन्धनें कोला मुक्ति बी ध्होई सकदी ऐ। साढ़े डुग्गर च जित्थे व्यक्तिगत संकटें ते समाजी कश्टें दे नवारण श्रास्तें नरातें च देवी दे पाठ, जप, प्रयोग दे जगों दे श्रनुश्ठान बड़े प्रचलत न, उत्थें गैं बतें ते नत्तें दे मोखें दा बी बड़ा रवाज ऐ।

बृह्त हिन्दी कोश दे अनुसार बर्ते दा अर्थ धर्मानुसार कर्म, निजम जां पुन्न फल दी प्राप्ति आस्तै कीता दा उपवास हुन्दा ऐ। पर्व दा मतलब उत्सव, ध्यार ते धार्मक कम्म करने दा खास दिन जां समां हुंदा ऐ। अनुश्ठान दा अर्थ हुन्दा ऐ धार्मक कम्म रम्भ करना, कुसै फल दी इच्छेआ रिखय देवतें दी राधना, पूजना ते शास्त्री मर्जादा अनुसार पाठ प्रयोग ते जग्ग इत्यादि करना। इनें पीरभाशायें दे मताबक मोख इक धार्मक कर्म-कांड हुंदे होई बी ना ते पर्व ऐ, ना अनुश्ठान ते ना गै बर्त । जेह् डा बर्त नेई निभी आबै उसी बिदा करने दा शुभ कम्म ऐ। हर बर्तें दी बिधी वर्तें दे स्थापत देवता निमत्त दान पुन्न जग्ग हवन बर्त करिय पही इस बर्तें गी छोड़िआ जाई सकदा ऐ। ए मोख केई न, कास्ती दा, पुन्नेआ दा, नैंत चौदेआ दा, मस्सेआ दा, बारें दा इत्यादि।

इनें ध्यारें पर्वे दे इलावा डुग्गरै च पुरुशोत्तम म्हीना जां मलमास दियां कथांवार्ता ते संजम निजम बड़े विधिपूर्वक कीते जन्दे न हस म्हीनै जनानियां वित्तयें दा (32) 'बेआ' लान्दियां न। हर रोज कुसै चीजा दा दान बित्तयें दी गिनतरी कन्ने कीता जन्दा ऐ। बत्ती पूड़े, बत्ती फल, बत्ती रपेंऽ जां बत्ती पैसे, बत्ती मठेयाइयां बगैरा-बगैरा। मलमासै दा पूरा म्हीना नदी न्होना, दान पुन्न करना ते म्हीने दे स्रद्धे कोला मते दिन बर्त-नत्तें दा बड़ा पुन्न मन्नेस्रा गेआ ऐ।

डुगगर च सतवाह् (सप्ताह) दा बी बड़ा चलन ऐ। जनानियां किट्ठियां होइयें सतवाह् सेपदियां न ते निजमै दे पाबन्द होइयें सत्त दिन बर्त, कथा-कीर्तन, ग्रारती, जागरणा करदियां न। इत्थें चमासे च कोई शुभ कम्म नेई करदे। पर बर्तें-नत्तें दी भरमार श्रद्वं बी रौंह्दी ऐ।

डुगर दी सांस्कृतक ते धार्मक वरासते दी गिनतरी करनी होएं ते म्रोदा ऐतहासक, शास्त्रीय, भौगोलक नैतक, धार्मक ते मनोविज्ञानक मध्ययन करना होएं तां अच्छा खासा ग्रैन्थ लखोई सकदा एं। इनें पहलुएं दा वचार करना शोधकें ग्रास्त मुन्दर विशे एं। इस लेखें च ए दावा करना शायद गल्त होग जे सारे बर्त, पर्व ते ग्रनुश्ठान एह् दे च ग्राई गे न। केईं शैल-शैल रतन साढ़ी नजरी दे घेरे च ग्राये गैं नेईं होने।

ड्ग्गर दे लोक-विश्वास: मन्नतां, ठाकां, कोह्डर ते लाने ओम गोस्वामी

लोक-विश्वास : म्हत्ता ते चेचिगयां :

लोक-विण्वास ग्राम-तोर पर जुगें थमां चलदे ग्रावा करदे विण्वासें ते मन्ततें गी श्राखदे न । इनेंगी सांस्कृतक रूढ़ियां बी गलाई सकने श्रां। इनें रूढ़ियें दा परचलन ग्राईं समाज च मता हुन्दा ऐ। केई बारी किश विण्वास कुसै नमें प्रसंग, घटना, विचार जां रवाज कोला बी जरम लेई लैंदेन ते किश किनें खास लोकें दे निजी नजरीये कन्ने तल्लक रखदेन। पर, ए सब्बै लोक-विश्वास गै रुवांदेन। इनें विश्वासें कन्ने पराने रवाज मैं अगड़े नेई बधदे, सगूं निमयें रीतें दा मुंढ बी पौंदा ऐ। नमें विश्वास सने व्यक्तिगत विश्वासें दे, लोक-विश्वासें दी सांझी गंगा च रलदे जन्दे न । इन्दे चा किश विश्वास नमें ख'ल्ल दबोई जन्दे न ते बिसरेमे दी खुक्खला हेठ बल्लें वल्लें दबोंदे जन्दे न ते किश दा प्रभाऽ जां परचलन इन्ना मता हुन्दा ऐ जे सदियें दे छिण्डं पौने पर बी उन्दे म्हिसने दा रत्ती खतरा नेई रौह न्दा

लोक-विश्वास कुसै जाति, कवीले जां कौम दी ग्रास्थें दा निरमाण करदेन ते इंदे द्वारा गै कोई संस्कृति टकोह्दा रूप पांदी ऐ। कुसै बी संस्कृति गी, नुहाड़े परिवेश गी, नुहाड़ी चेतना दे वकास-ऋम गी समझने ग्रास्ते, उस संस्कृति गी धारण करने आले लोकें दे विण्वासें गी जानना जरूरी हुन्दा ऐ। सदियों दे वकास-क्रम च माह्नू जाति नै अनगिनत अनुभव प्राप्त कीते न, अनिगनत विश्वासें दी सृष्टि कीती ऐ। ए विश्वास नुहाड़ी भानतायों गी निर्धारत करदे न। हर इक बक्खरी सांस्कृतक इकाई दी, नुहाड़े जनपद दी, ग्रपनी-ग्रपनी चेचगी हुन्दी ऐ। उन्दे विश्वास वक्ख हुन्दे न, जिन्दे च, उन्दे रहूँ न-सहूँ न, खान-पीन, उट्ठन-बौन, धर्म-विश्वास, स्थानक इितहास, स्थानक बुद्धिमानें दे सोच-परवाह, दा ग्रवस बड़ा स्पश्ट ल'बदा ऐ। जनपदीय चेचिगयें दे हुन्दै-सुन्दै बी मते-हारे विश्वास ना सिर्फ केई बारी गुग्रांढी जनपदें कन्ने रलदे-मिलदे पाये जन्दे न, सगूं सैकड़े मीलां दूर जबरदस्त भूगोलक रकौटें दे परें मजूद जनपदें च बी उपै-नेह् विश्वास-कम पाये जन्दे न। ए जरूरी नेई जे ए विश्वास संचार-संपर्क जा यात्रा द्वारा, इक थाह्रा दा दूये थाह्र ए पुज्जे होन। ग्रसली च, इनें रलदे-मिलदे विचारें दी समानता दा मूजब ए ऐ जे इस पृथ्वी पर मनुक्खा सामनै जींदे रौह्ने लेई कुर्से बी भू-भाग च इक्के-नेहियां लोड़ां, ग्रोड़कां-ग्रापतां ते ललकारां रेहियां न। ग्रोह्दा जीवन सुविधें ते सुरक्षा दी लगातार तपाण दा नतीजा ऐ। ए नतीजे हर थाह्रा ग्रपनी स्थानक परिस्थितियें थमां परोस पाइयें ग्रपनी खूबी पैदा करी लेंदे न। बाह्री तौरा पर वक्ख से रई हुन्दे होई बी नतीजें कन्ने जुड़े दे विश्वासें दी ग्रातमा इक्क हुन्दी ऐ।

मसाल आस्ते कदीमी दौर दे पशु-पालक दौं दूर-दूर वाक्या कवीले गी अपने पशुयें दे रोगें ते बवायें बार इक्कै-नेहियें स्थितियें दा सामना करना पेई सकदा ऐ ते धरती दे वकास दे इक खास चरण च उनेंगी लाज-मलाह् जे दियां इक्कै-नेहियां सुबधां उपलब्ध होंगन। इसकरी, इस स्रोचन विपदा च उन्दी सोच, इक सांझे 'परिणाम' जां 'कारण' दी कल्पना करग, जेह् दे करी, इक रलदे-मिलदे विश्वास दी सृष्टि होग।

इसी स्पश्ट करने गितै ग्रस इक होर मसाल सामनै रक्खने ग्रां। साढ़ डुग्गर च ञ्याणे दे दुद्धा दे दन्द भज्जने पर ग्रमूमन गोहे च पलेटियै जां इंयां गैं कोठे पर, पचवाड़ जां जाड़ै ग्रल सुट्टियै ञ्याणे कोला खुग्राने दी पिरत ऐ—

चिड़िये - चिड़िये, दुद्धा दा दन्द लेई जा। कामां - कामां सुन्ने दा दन्द देई जा।।

व्यवहारक तौरा पर दिक्खेग्रा जा तां 'कां' ते 'चिड़ी' कुत्थुआं उठी ग्राये ? वकास दे कुसै प्राचीन काल थमां माह् नू जाति दिखदी ग्रावा करदी ऐ जे दुद्धा दे दन्द बचपने च इक बारी भजदे न ते दूई बारी उग्गने आले पक्के हुन्दे न ते ता-उमर चलदे न । चिड़ी मास नि खन्दी, चुं'जै कन्ने सख्त चीजा गी नेई त्रोड़दी, जदके कां मास, हड्डी पर चुं जा कन्ने ठुक-ठुक करदा ऐ। माह्नृ दा गिं ल्ल बी मतेकरी दुद्ध वगैरा नर्म चीजें पर पलदा ऐ। इसकरी नुहाड़े पैह्लके दन्दें गी, चिड़ी गी सौपदे न ते नुहाड़ें पक्के दन्द देने दी गुजारश कां अग्गें करदे न। दूई वारी दे दन्द मते हंडनसार हुन्दे न ते कां वारै विश्वास परचल्लत ऐ जे कां मरदा नेई। इसकरी कां गी पूरी उमर निभने ग्राल पुख्ता दन्द देने दी गल्ल गलाई जन्दी ऐ।

दन्द भज्जने दा ए उपक्रम माह्नू जाति नै सारी पृथ्वी पर अपनी-अपनी थाह्रें लखेग्रा ते सदियें पैह्ले उनें गै नतीजे पर पुज्जी, जिन्दे पर डोगरा जनपद पुज्जा हा । हां, ग्रपने चवक्खी दे जीवें जां वातावरण कारण इस विश्वास च हर थाह्रा किश टकोह्दां जरूर उठी आइयां।

डा. जो. फीजर ग्रपनी कताव 'गोल्डन वो' च दन्द भज्जने बार विश्वाम दा दुनिया दे वक्ख-वक्ख देसे च परचलन दा जिकर करदे न। इडोनेशिया ते होर मते हारे देसें च साढ़े डुग्गर ग्रांगर गैं ए लोक-विश्वास चलदा ऐ। हां, उत्थें स्थानक प्रतीकें दे कन्ने-कन्ने स्थानक गैं जीव-जन्त एहं दे च उठी ग्राये दे न।

जर्मनी च ज्याणा दन्द सुटदे बेल्ले चूहे ग्रगों पैन्ना-पनका दन्द देने दी फरयाद करदा ऐ । चूहे दे दन्द, कृतरने च मकाबला नि रखदे। इसकरी साढ़े कांदी जगाह उत्थें चूहा उठी ग्राये दा ऐ।

तिब्बत च दुद्धा दे दन्दें गी निक्के दन्द ते दूये दन्दें गी बहु दन्द ग्राखदेन। पैहले दन्द भज्जने पर उसी कुसै पत्थरा कन्ने कुट्टिये, चूरण-ग्राखदेन। पैहले दन्द भज्जने पर उसी कुसै पत्थरा कन्ने कुट्टिये, चूरण-जन बनाइये, पही कुसै साफ जगाह पर खलारी दिन्दे न ते परमात्मा गी गलांदे न— 'निक्का दन्द लेई लें, पक्का ते बहुा दन्द देई दें। जल्दी देई दे।'

इस चाल्ली ग्रस दिवखने ग्रां जे दन्द भज्जने दी इक्कै-ने ई गल्ला दा तकरीवन इक्कै-नेहा विश्वास दुनिया दे दूर-दराडे लाकें च वनेग्रा। इस्सै चाल्ली जम्मने, ज्याणे दे उज्जने, माह्नू दे मरने, वर्खा दे व रने ग्रादि बारै किशा ना किश सांझ तकरीवन हर जनपद जां जाति च बनी ग्रादि बारै किशा ना किश सांझ तकरीवन हर जनपद जां जाति च बनी जन्दी ऐ, पर ग्रो विश्वास जिन्दे कन्ने ग्रनुश्ठान जुड़ी जन्दे न—ओ इक नमां रूप धारी लैंदे न जां भलेग्रां वक्खरे बने दे ल'बदे न। इस्सै चाल्ली राही-बाही बारै वी सांझां ते टकोह्दां—दमैं दिक्खने च ग्रौंदियां न।

इतिहासक वकास दे अन्तःसाक्ष्यः

विश्वासें गी ध्याना कन्ने दिखर्च तां इंदे ढेर चा श्रसेंगी माह्नू दे वकास कन्ने सरबंधत किश विश्वास उंग्रां दे उंआं टिके दे ले बदे न, जनेह्ये ग्री वकास-गेड़ दे इक खास चरण च रेह् होंगन। किश विश्वासें दा सहप बदले संदर्भें कन्ने बदलदा गेग्रा। ग्रज्ज इनें विश्वासें गी इंदे, बनने दे काल-कम ग्रनुमार ठीको-ठीक ताली कड्ढना पूरी चाल्ली मुमकन ते नेईं, पर पही बी किश-इक च मजूद ग्रन्त:साक्ष्यें मतावक उंदे निरमाण वारें, किश लाना लग्गी सकदा ऐ। विश्वासें दी बनौंद इनें दौरें दी लगदी ऐ:—

- 1. म्रादिमानव दे दौरा दे, जिसलै नुहाड़ा दारोमदार शकारा परहा।
- 2. पशु-पालन दे दौर दे।
- 3. करसानी-मानस कन्ने सरबंधत।
- 4. आधुनक दौर दे।

इंदे च करसानी-मानस कन्ने जुड़े दे विश्वासें दी गिनतरी बड़ी मती ऐ। कारण ए ऐ जे ग्राधुनक दौर च विज्ञान दी रोशनी नै हर चीजा गी, उसेदे सेही सरूप च जाचने, परखने ते मन्नने दी सूझ दित्ती ऐ। पर पिच्छें, लोक-विश्वासे दी परख दा कोई माध्यम नेई हा, छुट्ट एह् दे जे उनेंगी मन्नेग्रा जा। ठाकें, मन्नतें ते कोह् इरें दियें भारियें सौंगलें माह्नू मने गी सदियां गलामी दे जुंगले च जकड़ी रक्खेग्रा हा। लोक वगैर जोर-जबर दे इनेंगी मनदे आये न। विज्ञान दी लोई च ए विश्वास ग्रन्ध-विश्वास खुग्रायेक्तीजे वह स खुग्रांदे विश्वासें दा विज्ञान दे ग्रनसार सदाकत कन्ने कोई तल्लक नेई ल'बदा। इस्सें करी, इनेंगी ढच्चर, गलाने दी पिरत वी ऐ। ग्रवो, मनोविज्ञानक ते समाज शास्तर दे विद्वान इनें बैह्में ते ढच्चरें थमां कुसें खास जनपदीय संस्कृति दे वकास दियें परतें गी बड़ी सखाला कन्ने खोल्ली टकांदे न।

लोक-मानतें दी बंड-बखरांद:

लोक-विश्वासें दी वखरांद-वंड एठ दित्ते ऋमें मतावक होई सकदी ऐ : क्रम--(क)

1. अनुश्ठान-आश्वत लोक-विश्वास, अहितकर: जादू-टूने, भूर्ते-प्रेतें, जड़ी-मसानें कन्ने सरबंधत कुसै निजी दुक्ख-कसाले, रड़क जां खारबाजी करी कुसै दी उन्नति च रकौट-गरौट पैदा करने गितै जेह् इ बद-सगन, बद-किरतां जां बुरी इच्छेग्रा कन्ने किश उट-नट कीते जंदे न, उनेंगी ट्रना गलांदे न । मसाल ग्रास्तै जियां कोई बाह् रा गी जा करदा होये तां ट्ने-हत्थड़े लोक नुहाड़े अनिष्ट गितै भांडा पुट्ठा मारी उड़दे न। एह्दे च उंदा भाव ए हंदा ऐ जे इस घरा दे दराज्जे न्हाड़ें गितै मुड़ी नेई खु'ल्लन, ए सुखें-सांदें बापस नेई परतोय । जां पही जंदे शत्रु पिच्छें पंज जां सत्त ढीमां बांह्दे न । इक तील्ला लेइयै, एह्दे पंज-सत्त टोटे करिये नुहाड़े मगर सुटदे न, तां जे ग्रोह्दा ग्रनिष्ट होयै। ग्रनिष्ट भावना च टूने-हत्यड़े माह्नू दा एह् कड़ी 'भैंड़' जां 'हानी' दा भाव रौंह्दा ऐ:-

- 1. शरीर सरबंधी
- 2. घरेलू जीया-जैतें सरवंधी
- 3. जैदादू सरबंधी

इंदे च ए नैह् श-भाव मिथेआ जंदा ऐ जे टूना उन्नति बाधक ते टुनोए दे ग्रादमी दे निग्घरने च स्हायक होयें। किश टूने ते तांत्रिक कतावें च ग्रीने करी कताबी टूने गलाये जाई सकदेन ते मते हारे न्हेये न जेह्ड़े लोक-व्याह्र च गै परचल्लत न ते लोक-टूने गलाये जाई सकदे न।

2. मरजाद-ग्रा॰त लोक-विश्वास : एह्दे तैह्त नेह्ये विश्वास आँदे न, जिंदी मनौंद परंपरा थमां हुंदी ऐ ते इनेंगी ग्रनपढ़ समाज जां ग्रर्ध-विज्ञान-मानस च मरजादा आला दर्जा मिले दा होंदा ऐ। इनेंगी ग्रो शुभ-ग्रशुभ, सगत-ग्रपसगन, लच्छन-कलच्छन, पाप-पुन्न दे डरें मनदा ऐ। इसकरी इनें विश्वासें गी लोक-मानस दे नजरीये कन्ने लाभदेऊ गलाया सकदा ऐ।

हितकारी: ठाकां, कोह् डर मन्नतां।

 दबक्खे बरतोनहार लोक-विश्वास : इस बखरेमे दै तैह्त ग्रौने ग्राले विश्वास हित-ग्रहित, खरे ते खुट्टे, चंगे ते माड़े दोनीं परजोजनें कन्ने बरते जाई सकदे न । इंदे चा मतें कन्ने अनुष्ठान जुड़े दे होंदे न । इस वर्ग च ढच्चर, टोटके, नेटे ते सिद्धियां ग्रींदियां न ।

ढच्चर जां टोटके गी ग्रस कुसै सद्भाव गितै कीता जाने ग्राला तत्ता-थम्मा ते दुर्भाव ग्रास्ते कीता जाने ग्राला कच्चा-टूना ग्राखी सकने ग्रां। ए साद्दा-जनेहा उट-नट हुंदा ऐ ते एह् दै च ग्रपना बचाऽ गै मतेकरी पैह्ली शर्त ऐ। टोटका एठ लिखे दे रूपें च परचल्लत ऐ:--

- 1. बोलने कन्ने सरबन्धत: जियां—ए कुत्ते पिच्छ पी-पी मरन। व्यंजनार्थं च एह्दा भाव ए ऐ जे टोटके दा नशाना (Object) गरीवी-मुफलिसी च रगड़े खा। बोलने सरबंधी टोटकें दा इक रूप 'नेटे' बी हुंदे न जिदा जिकर ग्रस जड़ियें सरबंधी ग्रपने बक्खरे लेखा च करगे।
- 2. दिवखने कन्ने सरबन्धत: जियां बुरी नजर गी ढाने गितै नमें मकानें ग्रग्गें नजरबट्टू टंगना।
- 3. करने कन्ने सरबन्धतः जियां देआली गी दरवाजें, खट्टें दिये चूड़ें, बोझें ते सिरें च ब'ना टंगना।

'अनुश्ठान आश्रत' ते 'दवन्खे' लोक-विश्वासें च जैंतर-मैंतर-तैंतर बी आई जुड़दा ऐ। पर 'मरजाद-आश्रत' विश्वासें च इंदा दखल अव्वल ते हुंदा गैं नेईं, होयै बी तां बड़ी घट्ट मात्तरा च, अनिष्ट गी टालने दे भाव कन्ते।

新म—(ख)

पुराण-ग्रधारत लोक-विश्वास : इंदा वकास धार्मक कतावें च ग्राये दे कथानकें थमां हुंदा ऐ। मसाल आस्तै, साढ़ै 'चौथी' दा चंदरमां कुसैं वी म्हीने दिक्खने दी ठाक ऐ। पर भाद्रो म्हीने दी चौथी दा चंदरमां उंग्रां वी सारें-णा मता नैह् श समझेग्रा जंदा ऐ। ग्राखदे श्रीकृष्ण नै दिक्खेग्रा हा तां उंदे मत्थे हीरे दी चोरी लग्गी ही। ए कथानक ते सारे भारथ च परसिद्ध ऐ, पर, एह्,दै अधार पर डुग्गर च जो विश्वास बनेग्रा, ग्रो इस चाल्ली ऐ—भाद्रो दी चतुर्थी गी चन्न दिक्खने करी लग्गने आले दोश गी दूर करने गितै, इस्सै म्हीने दी चौदेग्रा गी कुसै दे घर पत्थर मारे जंदे हे, तांजे लोक गालीं वगैरा कड्दन ते चतुर्थी दा दोश जंदा र'वै। हून साढ़ै 'पत्थर चौदेआ' दे प्रसंग नै इक म्हाबरे दा रूप धारी लेदा ऐ।

1. पर्व-ध्यारं कन्ने सरबन्धत लोक-विश्वास: देग्राली ग्रालै ध्याड़ै व'ना टंगने-उड़सने दे टोटके दा ग्रसें जिकर कीता। विश्वास कीता जदा ऐ जे जिल्हों व'ना होये, उत्थें भूत-प्रेत नि ग्रौंदे, इस्सै करी स्याने ते दयाले लोक व'ने दियें डालियें कन्ने फांडा वी करदे न। देग्राली सरबंधी इब्बी विश्वास ऐ जे इस दिन जोगनियां गासा उड्डा करदियां हुन्दियां न, उनेंगी

परें रक्खने गितै व'ना घरा च थाएं-थाएं टंगेग्रा जंदा ऐ। इस ध्याड़ लोक सिद्धियां बी करदे न।

- 2. पेशे ते कम्मै-कार कन्ने सरबन्धत लोक-विश्वास : इस बखरांद च खास-खास पेशें ते कम्में-कारें कन्ने जुड़े दे लोक-विश्वास उठी ग्रौंदे न । जियां जुलाहें दे, तेलियें दे, ड्रैंबरे दे, शकारियें ग्रादि दे लोक-विश्वास । मसाल ग्रास्तै ड्रैंबर लोक मखीर ते घ्यो किट्ठे ग्रपनी गड्डियें च नेईं लददे । उदा बैह्म ऐ जे ए मेल लहने कन्ने एक्सी डेंट हुन्दा ऐ। कम—(घ)
- 1. ग्रधारयुक्त लोक-विश्वास: जुगें थमां दिक्खे-परखे दे ग्रनुभवें दे ग्रधार पर । इंदा मूल उद्देश इक सांस्कृतक खंड दे लोकें दा भला, फायदा ते सुरक्षा हुन्दा ऐ।
- 2. निराधार लोक-विश्वास : ऐसे विश्वासें दी गिनतरी मती ऐ, जिंदे पिच्छें कोई तर्क-सम्मत ग्रधार नेई हुन्दा। रूढ़ि दे कारण गै ग्रो परचल्लत रौंह्दे न । इनेंगी दूई संस्कृति ग्राले ते पढ़े-लिखे, ज्ञानवान लोक 'बैह्म' गलांदे न ।

शैह्री ते ग्राईं नजरीये : संस्कृति दे दौं धारे :

पिछले समें च कुसै वी सांस्कृतक खंड च उत्थें परचलत मन्नतें, ठाकें-ग्रास्थें दा मतेकरी इक-सार सरूप रौह्न्दा हा, पर जोकने समाज च संस्कृति दियें धारणें वारें दौं धारे ते बड़े स्पश्ट न । विज्ञानक सूझ रक्खने ग्राले लोक, कन्ने आर्थक समिरिद्धी भोगने ग्राले लोकें दी संस्कृति । दूई परानी मन्नतें कन्ने जुड़े दे ग्रां-बासी ते ग्रनपढ़ लोकें दी संस्कृति । इनें दोनीं दे कार-व्याह्र च वृष्टिकोणें च बड़ा ग्रन्तर ऐ । इस्सै करी इन्दे च टकराऽ दी स्थिति दे कारण इक नमीं संस्कृति जन्म ले करदी ऐ । इस चाल्ली, जीवन दे नमें ढव कन्ने जुड़े दे नमें लोक-विश्वास बी बनै करदे न । मसाल ग्रास्तै इमध्यान दिन्दे निब्ब त्रुटी जा तां मिथदे जे फेल होने दा सगन ऐ । ते जेकर इमध्यान दिन्दे स्याही हुंलों तां इसी शुभ अलामत मनदे न ।

शौह्री वर्ग दे माध्यम कन्ने पच्छमी संस्कृति, पच्छम दी जीवन शैली दे कन्ने गै किश लोक-विश्वास ते धारणां बी ताह्ई उठी ग्राइयां न। गल्ला-गल्ला 'टच-वुड' गलाइयै ते लक्कड़ी गी छुह्इयै ग्रपनी गल्ल गलाने दा ढब, घोड़े दे खुरें दे नालें गी शुभ मन्नना जां तेह्रें दे ग्रंक गी नैह्श बुज्झना—ए

सब पच्छम थमां ग्रैह्ण क़ीते गेदेन। नज़रीये दे फर्क जां वैज्ञानक सूझा करी लोक विश्वासें गी निरपक्खता कन्ने परखने दा मौका मिलदा ऐ। पर एह्देच शक्क नेईं जे स्रो बैह्म-विश्वास, उस जाति दे सोच-स्तर ते जीवन-ढब पर ग्रैल चाल्ली लो पान्देन।

क्रम (घ) दे तैह्त ग्रसें ग्रधारयुक्त ते निराधार विश्वासें दी गल्ल कीती ही । अधारयुक्त विश्वासें चा किश के चरोकनी जाच ते तजर्बे दी सम्हाल दा नतीजा न, इसकरी इन्देच किश सदाकत बी दिक्खने च ग्रौन्दी ऐ। मसाल ग्रास्तें वर्खा ते राही-वाही कन्ने सरवन्धत किश इक विश्वास स'म्मनी परख दा नतीजा न, पर इन्दी गिनतरी घट्ट ऐ।

निराधार विश्वासें दे मुंढा, च सीमत ग्रथें च मन्नने ग्राले प्रति सद्भावना ते ऐ पर उन्दा वैज्ञानक ग्रधार दिक्खने च नेईं ग्रीदा। इसकरी इनेंगी बैह्म बी गलांदे न । इनेंगी टप्पने दा कोई माड़ा नतीजा निकलदा ऐ-इस त्राह् कन्ने, ए माह्नू दे ग्रवचेतन च ग्रपना टकोह्दा भाह्र बनांदे न। इक ठाक इस चाल्ली ऐ जे समाना दे तारे नेई गिनने चाइदे। गिनो तां सिरा पर फोड़े उगदे न। जां रातीं कप्पड़े बाह्र नि रौंह्न देने — तारे लुआंगी जन्दे न, ते एह्दे कन्ने ग्रायु घटदी ऐ। इनें विश्वासें दी सचाई वार हून कुसै दलील दा ग्रासरा नेई चलदा, कीजे लोक मानस कुसै मन्नत च कुत्थ पाने दाबी कोह् डर मिथदा ऐ। इत्थें ए ते मन्नी लैता गेदा हुन्दा ऐ जे इक वशर कोला दूऐ कोल, इक पीढ़ी कोला अगली गी विश्वास विजन 'की', 'कैह्लूं ते 'कुत्थें' दे—जदी जैदादू ग्रांगर सौंपी दित्ता जा। उसलै मन्ती लैंता जन्दा हा जे पिछलें ए विश्वास बनाया तां कुसै तजर्बे दी बिना पर गै बनाया होग, साढ़ें भले लेई बनाया होग —इसकरी स्रविखीं मीटी चलनें ते मन्नने दी पिरत बी बनी गेदी ही। किश धर्म आश्रत विश्वास ते नेह्ये बी रेह्ये न, जित्थें कुसै परचल्लत मत बारै पुच्छ-पड़ताल करने जां वे-बसाही प्रकट करने दी बी ठाक ही। एह्दे नै पाप लग्गने ते नर्थ होने दा भाव बी लैता जंदा हा। दलील दी गुंजैश ते विज्ञान नै वनाई। अज्ज जिनें गल्लें गी साढ़ा पढ़ें-लिखे दा शैह्री समाज बैह्म गलांदा ऐ-- स्रो ग्राईं लकाई दी मतेम्राई श्रास्तै, श्रपने समें दी स्थिर-मानता बनी दी रे'ई ऐ। स्थिर-मानता लोक-धर्म दा इक लाजमी ग्रंग ऐ। ज्ञानमुखी धर्म जेकर माह्नू दे दमाकी चालढव गी नियंत्रत करदा ऐ ते नुहाड़ा सरीर ऐ तां लोक-धर्म माह्नू दे

मना च बसदा ऐ ते नुहाड़ी ग्रात्मा ऐ। ज्ञानमुखी धर्म ते लोक-धर्म दर्में रिलये संस्कृति दा बड्डा हिस्सा तामीर करदे न ते संस्कृति दे बाकी जुजें दा सरूप निर्धारत करने च मुक्ख भूमका अदा करदे न।

इनें वंड-वखरेमें दे ऋमें दे ग्रलावा मड़दें-जनानियें, बच्चें ते बड्डों दे बी वक्ख-बक्ख विश्वास गनाये जाई सकदे न ।

मनुक्खी पाप-पुन्न, भागली-चंदरी, शुभ-ग्रशुभ, नैह्शल-भगातल गल्लें दा बचार करदा ऐ। इस सोच ढब कन्ने जीने दे हर पक्ख बारै किश ना किश मन्नतां, कोह्डर ते ठाकां बनी जंदियां न। रीतें गी जरम दिन्दियां मन्नतां :

मन्नतें दा अर्थ ऐ — जीवन दे बक्ख-बक्ख पैह्लुयें कन्ने सरबंधत नेह्ये विश्वास जिंदा अनुश्ठानक म्हत्तव बनी गेदा ऐ। कंढी आले आयें च असें दिक्खेआ ऐ जे गो-मैह् सूई दी होयें तां ओह्दा सूतका आला ते पही इक्की दिन दुद्ध नेईं चखदे-जमांदे। एह् दे बाद इसी उन्ना चिर सुच्चा नेईं चकांदे, जिन्ना चिर गोह्दन जां गोह्दनू नेईं पूजी लेन। एह् दे कन्ने समझेआ जन्दा ऐ जे माल-बच्छा नरोग रौह्ग। 'गोह्दनू' थोड़ा-जनेहा गोहे दा पिन्न होंदा ऐ, जेह्डा गोवर्धन पर्वत गी प्रतीक रूप च पेश करदा ऐ। इस चाल्ली प्रतीक रूप च ए श्रीकृष्ण दी गै मन्नता हुंदी ऐ। घ्यो वगैरा निकलने पर जठेरें (स्हीदें-सजावितयें) ते देवतें गी पूजियें गै सुच्चा चकाई लेंदे नं।

अनुष्ठानक मन्नतां बेल्ले अनुसार कीतियां जंदियां न । इंदे कन्ने खानदानें दियां रीतां बी बनदियां न, जिंदा-क अग्गें जिंकर औग । भले दा भाव : कोह डर :

कोह्डर भले गितै कीती जाने ग्राली छपैल जां ग्रमंगल ग्राशंका करी कीता जाने आला संजम ऐ। ग्रुभ-ग्रग्रुभ दा बचार ऐ। कोह्डर-हित्थियों जनानियों द्वारा ग्रोंठ टुक्कियै कोई गल्ल सनाने दा कृत्त बी कोह्डर गै मन्नेग्रा जंदा ऐ। मसाल ग्रास्तै कुसै जनानी दी चादर, धोती बगैरा दा लड़ फकोई जा तां बड़ा बहुा कोह्डर समझेग्रा जंदा ऐ—कीजे सुहागनां सड़े दा कप्पड़ा नेई लांदियां।

मरजादा निर्धारत करदियां ठाकां :

इस्सै चाल्ली लोक-विश्वासें च मती गिनतरी ठाकें दी बी ऐ। इंदा

ग्रर्थ हुंदा ऐ जे फलाना कम्म श्रग्रभ होने करी नेई करना। केई बारी ठाक पाने दा परजोजन, फल, दंड बगैरा वी दस्सेग्रा गेदा हुंदा ऐ। ते किश ठाकां इये-नेहियां वी हैन, जेह् ड़ियां सिर्फ निशेधात्मक न—उन्दे उल्लघंन दा नतीजा नेई दस्सेग्रा गेदा हुंदा।

दन्दें कन्ने नैंहें गी कुतरने दी ठाक ऐ। एह्दा कारण ए दस्सेग्रा जंदा ऐ जे ए करने कन्ने घरा च गरीबी ग्रींदी ऐ। उंग्रां इस ठाक दा इक वैज्ञानक ग्रधार बी मजूद ऐ। नैंहें च सेह्तू ग्रास्तै नुकसानदेह् मैल हुंदी ऐ ते जेकर नैंह् नंगलोई जान तां साह् दी नली जा रुट्टी दी नली च ग्राफत मचाई सकदे न। उंग्रां बी ए हजम होने ग्राली चीज नेई ऐ। ग्रवो, हर-इक ठाक दा वैज्ञानक ग्रधार नेई हुंदा।

अग्ग ते भूत सरबन्धी विश्वास:

इक दिलचस्प विश्वास ऐ जे भूत अग्गी कोल नेई श्रींदा। रातीं मासा दी मुसका ग्रींदा ऐ। हत्था च लोहा होयै तां बी भूत कच्छ नेई ग्रौंदा। एह्दा कोई सिद्धा-सादा ग्रर्थ ते निकलदा नेई। पर, ग्राग्रो बिंद संदर्भ मताबक तर्क तुपचै। भूता दै थाह्र नेह्यी केह् ड़ी चीज ऐ जेह् ड़ी अग्गी कोला डरदी होयै ! पक्क गै ए जांगली जनौर न । ते हत्था च जेकर तलवार बगैरा होयै तां बी मते हारे जनौर हमला करने दी जुरत नेई करदे। तां एह्दा मतलब साफ नेई जे जांगली जनीर जेह्ड़े-क रातीं भुजदे मासा दी मुसका कदीमी माह नू दे अग्गी दे ग्यान्ने कश ढुकी औंदे हे, वक्त गुजरने पर भूत बनी गे। करसानी-मानस स्राली पैड़ी तगर पुजदे-पुजदे खबरै स्रो उनें डरौने जनौरें दी रातीं दी मजूदगी गी विस्सरन लगा हा ते इस विसरेमे करी उन्न ग्रपनी नसलें गी रातीं वारें जेह् इे ग्रनुभव दित्ते, उन्दे चा इक च जनौरें दा थाह्र, भूतें-जनेई क्दरता-स्रोपरी शैईं नै लेई लेग्रा। 'भूत' शब्द काल-वाचक बी ऐ ते इस स्थिति च 'बीते दा अर्थं दिंदा ऐ। एह् दे थमां इब्बी लाना लगदा ऐ जे माह्नू-जात, जिसले करसानी जहनीयत च ढली पेदी ही, उसलै उनें शकार-मानसी कदीमी भैंकर रातीं दे चेतें गी बीते दे समें--भूतकाल दी गल्ल ग्राखियै, ग्रपने ग्रनुभव, ग्रगली नसलें दे सपुर्द कीते। वकास दे लम्मे समें च, ग्रादम जुगा दे ग्रनुभव करसानी-मानस दे शुरू दे दौरा च—कल्ला दी गल्ला स्रांगर हे। पही सधारण ग्रर्थें च भूतकाल शब्द कालवाचक हुन्दे होई बी डरौने 'कल' दे रूप

च दिक्खेग्रा जान लगा होग ते समें दे बधदे छिंड़े कन्ने इक ग्रनिष्टकारी शक्ति ग्रास्तै रूढ़ होन लगा होग।

इसकरी अस इस नतीजे पर पुज्जने ग्रां जे ठाकां न्हेये परंपरामुखी बचार न, जिंदे च माह नू नै एह फैसले ले जे एह करने कन्ने भला हुन्दा ऐ ते ओ करने कन्ते बुरा। बुरे थमां बचाऽ ग्रास्तै जेह् इे नशेध सुझाये गे, उनेंगी ग्रस ठाकां गलाने आं। उंआं ते मनुक्ख म्हेशां सगनें-कसगनें, ठाकें-कोह डरें दे घेरें च बज्झे दा रीह न्दा ऐ ते उनेंगी चेत रखदा ऐ। पर केई बारी इनें विश्वासे गी मता रोचक ते चेतै रवखने-जोग बनाने गितै खुग्रानें ते फलौतियें ग्रादि दे रूपा च छन्दोबद्ध करी दित्ता जंदा ऐ।

नमें बैह्में दी बुनेयाद:

इस चाल्ली हर-इक मन्नत, कोह्डर जां ठाक दे दो पवख हुन्दे न :—

- (क) इंयां करगे तां शुभ होग।
- (ख) उंग्रां करगे तां नैह्श होग।

जियां-क पिच्छें जिकर ग्राया, मते हारे लोक- विज्वास नमीं रोशांनी च बैह्म-मात्तर रे'ई गे न-एह्दे बावजूद चला करदे न । इक सरकौरी फार्म च इक ग्रफसरा गी ग्रसें गलांदे सुनेग्रा जे वींऽ दा छट्टा लाने गी 'फलाने' गी आखेओ। उस फलाने गी नेई आखेओ, श्रो चंदरा ऐ। पिछले वारी उन्न छट्टा कराया हा, वीऽ शैल नि उगो । किश लोक इनें लोक-विण्वासें गी बैह्म मनदे होई बी इंदे पर चलदे न । ग्रसल च, ग्रो सांस्कृतक दमाझरेपनै दी दुविधा दे शकार होंदे न ।

सफलता जां असफलता तगर पुजाने आले नतीजें दा आधार ते लोक-

ु 'ग्रग्ग ते भूत' ग्राले विश्वास च ग्रसें पिच्छें जिकर कीता जे कदीमी विश्वास: माहनू दा जीन शकारा पर निर्भर हा । इसकरी स्रो सधे दे शकारी स्रांगर म्हेशां चुकन्ना, बड्ढते-दलकने, मारने-मरोने गी फट त्यार रौह्ने स्राला इक पशुवृति प्राणी हा । ग्रो शकार दे ढंग तरीकें च श्रनुभवें दे इजाफे कन्ने अपने कम्मै च् म्हारत प्राप्त करदा गेग्रा। उसनै दिक्खेग्रा जे छव्ब लाइय, छिप्यै वार करूने पर शकार गी मारेग्रा जाई सकदा ऐ। शकार सरवन्धी इस बोध नै उसी होर बी किश गल्लें दा ग्यान दित्ता होग — जियां-क झौंगरे रुक्खें-झूडियें जां चट्टानें पिच्छें छिप्पयै-बेइयै शकार गी ताडने, बलगने ते बार करने कन्ने सफलता मिलदी ऐ। इस्सै चाल्ली कुतै मते ब्रादमी बैठे दे होंगन।

शकार सामने ब्रौने पर बार करने दी उन्दी त्यारी होग जे उने दिक्खेग्रा उदे

चा इक आदमी, हुतलेपने करी छेड़ करी बैठा ते शकार गी नहने दा

मौका थ्होई गेग्रा। इनें कदीमी माह नुयें दी घड़ियें दी डीक बेकार उठी गेई

होग तां उनें इस हुतले साथी पर प्रपना रोह छांटेग्रा होग—उसी मन्हूस

समझेग्रा होग। हुच्छे माह नू गी ग्रपने सुभा करी, केई वारी कलैंह ना

खुप्राना पेग्रा होग। नुहाड़े बारै नुहाड़े साथियों ए धारणा बनाई होग जे जिस

पार्टी कन्ने ए शकार आस्तै जा ओ खाल्ली हत्थ वापस ब्रौन्दी ऐ। इन्ना गै

नेई, नुहाड़ियें हरकतें करी, केई वारी मसीबतें च बी फसना पौंदा ऐ। उसी

कन्ने नेई लेने दा फैसला जिसलै समूह ने लेग्रा तां इक मुंढलीं वर्जना दा

निर्माण होआ, जियां-ए-क किश ग्रादमी कलैंह ने हुंदे न। उन्दा साथ ग्रसफलता

पक्क करदा ऐ। फिरी ग्रगों इब्बी रुढ़ि बनी होग जे कुतै शकारा पर जन्दे

नुहाड़ा ग्रगों ल'ब्बना बी नकामी दा कारण बनदा ऐ। इस चाल्ली मुंढिलिये

ठाकें दा ताना-बाना फैलन लगा।

माह्न समाज नै ए गल्ल दिक्खी जे किश श्रादमी ब्रिह् के हुन्दे न ते किश ठीक ते कम्मा च ताक । ताक श्रादिमियें दे तजर्वे कन्ने उनेंगी शकार च सफलता, श्रोड़कें दे मकाबले च कामयाबी थ्होई होग—इसकरी भगातला मन्नेश्रा गेश्रा होग । तजर्वेकार ते ताकतवर आदमी गै प्राचीन समाज च कबीलें दे सरदार बनदे हे ।

अग्गी कन्ने सरबन्धत होर लोक-विश्वास:

प्रामी दी इजाद मनुक्खा गित्तै इक वड़ा बड्डा ग्रासरा ही—स्यालै जीन्दा रौह् ने ग्रास्तै वी ते जांगली जनौरें कशा वचाऽ आस्तै वी । कदीमी माह् नू नै गुफें दे दरवाजे पर ग्रामी दे ग्यान्ने वालने शुरु कीते । ग्रामी च भुज्जिय नुहाड़ा शकार मता स्वादिष्ट होई जन्दा हा । तांइय उन्न ग्रामी गी देवता दा थाह् र दित्ता । इसदी पूजा दा बधान बनेग्रा । एह् निजम बनेग्रा जे माह् नू दी रक्षक ते पालक शक्ति दा मान कीता लोड़चदा । इस्सै करी कोई शकार जां खाद्य पदार्थ ग्रीने पर पहुँ ले ग्रामी गी ग्रापंत करने दा बधान रचेग्रा गेग्रा तां जे ग्रामि देवता खुश र'वै । ग्राजें वी 'रेड इंडियन' कवीलें च शकारा दे बाद शकारा दी जीभ कट्टियै, श्रद्धापूर्वक अमी च सुट्टने दी परंपरा चलै करदी ऐ । डुग्गर च वक्करे दी विल लुग्राने आले देग्राले सिरी ते टुङने

दा लग्ग लैन्देन। विश्वास दी इक शाख ते ए ऐ, दूई दा जिकर बिन्द ग्रग्गें करगे। माह्नु सामनै ए गल्ल साफ ही जे अग्गी दे ढिड्डा च पेइयै, हर चीज स्वाह होई जंदी ऐ-उसनै निरकर्श कड्ढेग्रा ते ग्रग्ग वी लकड़ी, मास, चर्बी सब किश भखदी ऐ। उन्न इसी केई जीभें आली शै-वला मन्नेम्रा, जेह डी नुहाडी स्हायता करदी ऐ। रीत बनी जे कोई बी नमीं खाने-जोग चीज औन पर इस देवते गी स्रोह दी स्रोह रत दित्ते वगैर जुठी नेई कीती जा। स्रग्गी दा कदीमी म्हत्तव इस गल्ला थमां बड़ा स्पष्ट ऐ जे जग्गें-हवनें च मनें वढ़ा अन्न, घ्यो ग्रर्पत कीता जंदा रे'ग्रा ऐ। हिन्दू धर्म-रीति च व्याह् मोक अग्गी चिंगर्दलामें-फेरेंदावधान ते इसी साखी रिक्खिय दौं जीयेंदा उमरी दा सरवंध जोड़ने दा ढंग, उस कर्दामी सोच दा गै धर्म-मार्जत रूप ऐ। अज्जै देसमाज च ग्रग्गी दा ए म्हत्तव किसै चाल्ली घटेग्रा नेईं। जोके चाई याले ते ढावे आले भट्ठी जां तन्दूर तांदे मौकै स्रोह्दे थमां स्रग्ग जां डांरी नेई लैन दिंदे, ना गै कागद बाल्लन दिंदे न । एह्दे नै बे-बरकती पौंदी ऐ—ए मन्नेग्रा जंदा ऐ। भट्ठी ताइयें लुहाई भट्ठी च दुढ त्रोंकदा ऐ जां खंडू दी फक्की सुटदा ऐ। तन्दूरै ग्राले एह्दे च ग्राटे दा रुग्ग सुट्टने गी भ्रग्गी गी रझाने दा उपाऽ समझदे न । उंदा इब्बी विश्वास ऐ जे इस चाल्ली कोई टूने-हत्थड़ा उंदी ग्रग्ग नेईं ब'न्नी पाग। ग्रग्ग ब'न्नने दा भाव ए दसदे न जे किश दोखी लोक मैंतरें जोरें ग्रग्गी गी ताऽ देने कोला रोकी उड़दे न। लक्क ड़ियां वलदे होई वी, पकाई जारदी चीज नेई पकदी-रिझदी । इस्सै करी व्याहें-कारजें च स्यान लोक डाह् नें कण हर-इक श्रादमी गी नेई ग्रौन दिंदे । इस चाल्ली ग्रस दिवखने ग्रां, ग्रग्गी सरबंधी विश्वास समें दे कन्ने-कन्ने ग्रगड़े बधदे गेन । ते ए ही ग्रग्गी सरबंधी विश्वास दी दूई कड़ी । विश्वासें कन्ने रीतां जुड़िंदयां गेइयां न । इनें रीतें-स्रनुश्ठानें दा ग्रधार इक पैह्लका ग्रनुभव हुंदा ऐ, जेह्दे परैंत गै विश्वास दा सरूप निर्धारत हुंदा ऐ।

भावनाएं दा प्रवर्तन : अनुश्ठानक प्रतीकें च :

त्रनुश्ठानक मन्नतां प्रतीकात्मक हुंदियां न । किश थाह्रें ए प्रतीक स्पश्ट हुन्दे न, किश थाह्रें धुंदले ते किश थाह्रें ए ग्रन-बुज्झ फलौनी-जन न । इत्थें विश्वास ऐ जे जेकर मनुक्ख कुग्रारा मरैं तां भूत बनदा। नुहाड़े स'ल-फुल्लें दी सम्हाल कीती जंदी ऐ तां जे नुहाड़ा कोई मसान नेईं ठुग्राली लैं। ज्याणा मरें तां गलांदे जे स्याणे, नुहाड़ा भूतड़ू ठुग्राली लैंदे न। इस विश्वास दा ग्रधार घोर जैंतर-तैंतर-मैंतरवाद गै बनेआ होना। ग्रबो, इक रीत दा जिकर करी देचें, जेह्ड़ी ग्रजों वी ग्रायों च हिरकाम ऐ। कुसै दुद्ध पींदे ज्याणे दे मरी जाने पर उसी मिंहयों च दब्बी ग्रींदे न। एह्दे बाद रोज तरकालों, इक गोह्टे पर डारे रिक्खयै मरने ग्राले बच्चे दे सरेंह् नै रक्खी ग्रींदे न। ग्रगले रोज परितयै गोह्टें पर डारे ते कुज्जे च दुद्ध लेई जंदे न ते पैह्ले कुज्जे च परती ग्रींदे न। ए रसम पंज रोज चलदी ऐ। एह्दे बारें विश्वास ऐ जे मृतातमा दी गित पंजों रोजों तगर नेई हुन्दी। उसी दुद्ध देने च इयें भाव ऐ जे उसी भुक्ख लगदी होग। ए ते इक जूनी थमां दूई जूनी च जाने दी कल्पना ऐ। इस्सै चारली सराधें च पितर-ग्रातमायें गितै बाह्मणें गी भोज दित्ता जंदा ऐ। ग्रुभ कारजों च खीर बनाने दी ठाक ऐ। पर सराधें च ए इक चेच मिथी जंदी ऐ। लोक-मानस ते ग्रसे दे सूरज, चन्न दी चिन्ता:

सिंद्यां पैह ले श्रादमी ने ग्रैह ण दिक्खे ते इदे वारे वक्ख-वक्ख टेवे लाये। साढ़े, सूरज-चन्न राहू दे करजाऊ बनी गे। सूरज ते चन्ना गी मुक्त कराने गित ते म्हात्तम कमाने गित जन-मानस ने प्रतीक रूपा च ग्राटे ते मिट्टी दे वने दे भिड्ड्-वक्करे बी रेहुग्रा गी ग्रर्पत कीते। नुहाड़ा मुल्ल तारेग्रा ते उसी दंडत करने दा डरावा बी दिला। पहेले तीर वराह्दे होंगन, पही बंदूका दा प्रचलन होने पर तीरा थाह्र वंदूक उठी ग्राई। लोक-मानस ने सूरज ते चन्न दे बचाऽ श्रास्त गै नेईं, ग्रपने हित ग्रास्त वी ए किरत कीती ऐ। ए किरत कीजे पिरत बनी गेदी ऐ, इसी अस उंदी रीन गै मनगे। उदे विश्वासे इसी जरम दिला ते फिरी ग्रैह ण हटने पर उनें इसी ग्रपनी किरता दी गै जित्त मिथेग्रा। इस निरणे दे वाद कोई कारण नेईं जे-लोक-मानस उट्-नट, टूने-टोटके च विश्वास नेईं रक्खे। 'वैह्म' नां दे लेख,चा विश्वनाथ खजूरिया हुन्दियां ए पिनतयां इस संदर्भ च काफी रोचक ते लो सुट्टने ग्रालियां न—

"प्हाड़ी ग्रलाके च ग्रसें इक आम ते विचतर वैह्म दिक्खेग्रा हा। ग्रैह्णै दे मौकें पर प्हाड़ी लोक बंदूकें दे फैर करदे न ते कन्ने जोरें-जोरें

^{*} साढ़ा साहित्य—1966।

करलांदे—'छोड़ी दे रेहुग्रा, छोड़ी दे पापिया ग्रोऽः ग्रो।' ते पही 'मुक्ति' होने पर खुश होइये गांदे ते ढोल वजांदे न । उनें लोकें गी ए विश्वास जां बैह्म ऐ जे रेहू (राहू) अपना दुहार बसूल करने मूजब चन्नै गी प्रसदा ऐ। ते भिड्डू-बक्करे (ग्राटे-मिट्टी दे गैं होन भाएं) दी किस्त लेइये जां बंदूकें कणा डरियै, अपनी साम्मी (चन्न जां सूरज) गी छोड़ी दिंदा ऐ। उने सिद्धे-सादे लोकें दी ए भावना दिक्खिये वचार ग्रींदा ऐ जे दूर गासा उप्पर बैठेदेउस राहूगी जेह्दी छड़ी काली छाया गै उनेंगी ल'बदी ऐ – ग्रो बंदूकें कन्ने डरांदे न।"

गैं-गैं गेडे बधदे विश्वास : रोत, टोटका ते टूना :

किश अनुश्ठानक विश्वासें च दिक्खने च श्रौंदा ऐ जे ग्रोह्दे कन्ने रीत जुड़दी ऐ ते रीता कन्ने टोटका ग्राई जुड़दा ऐ। केई बारी टोटका टूने च बी बदली जंदा ऐ।

जिसली मनुक्ख कोई कम्म करने च, ग्रपनी ग्रकांख्या जां म्हत्तवाकांक्षा दी पूर्ति च कुसै चाल्ली सफल नेईं हुन्दा जां फिरी कुसै कन्ने खार करदा ऐ, पर बरोधी गी कुसै चाल्ली दा नकसान नेई पुजाई सकदा जां ग्रापू ग्रप्रकट रेहिये ग्रोह्दा अहित करना चाह्न्दा ऐ—तां इंदा ग्रासरा लेंदा ऐ। जादू-टूने वारे मानता ऐ जे जेकर जाह्रा-वाह्रा तौर पर कीते जान तां इन्दा ग्रसर नेई हुंदा। परदेस गेदे कुसै साक-सरवन्धी जां मित्तर-यार गी वापस सद्ने गित्तै जेह् ड़ा टूना साढ़े दिक्खने च ग्राया ओ ऐ जे कुसै स्याने कौला जैत्तर लखाने परैन्त इक चर्खे कन्नै ब'न्नी दित्ता जन्दा ऐ ते पही उसी इक्कले वेहिये फेरेग्रा जन्दा ऐ । विश्वास कीता जंदा ऐ जे एह्दे कन्ने परदेस गेदा जां गवाचे दा माह्नू वापस उठी औंदा ऐं।

रीतें दे विश्वासें कन्ने साढ़े समाजक चलन दा वी पता चलदा ऐ। ग्रैह्ण दे दूये दिन ग्रपनी गली दे सफाई कर्मचारी गी बब्बरू, मठैइयां, भत्त वगैरा दित्ते जन्दे न । लोक-विश्वास ऐ जे ए जाति राह् दी वैंसज ऐ । इस रवाज दा परचलन सदियें थमां ऐ । इस थमां शैल चाल्ली लाई सकने ग्रांजे लोक-विश्वास रीतें-रवाजें दे रूपा च फली-फल्लरियें लोक-मानस दे ग्रन्दर डूं ह् गियें जड़ें श्रांगर फैली जन्दे न।

लोक-विश्वास : रूप ते सरूप :

इस चर्चा दे बाद ग्रस डुग्गर दियों मन्नतों, कोह्डरें ते ठाकें बारै

विस्तार कन्ने गल्ल करगे। स्रवो, पैह्लें दऊंगल्लां बाजस्य करी देना लाजमी ऐ। इक ए जे टूने-टोटके ते जादू वगैरा कन्ने सरवन्धत उपकम दा जिकर साढ़े लेख दी हद्दा दे बाह्र ऐ। दूई ए जे मन्नतें-कोह्डरें ते ठाकें दी गिनतरी इन्नी ऐ जे उंदा सारें दा जिकर, इक पूरी कताबा च गैं मुमकन ऐ। जीवन दे पक्खें दी विविधता गैं मान नेईं, इसकरी उन्दे कन्ने सरवन्धत विश्वासें दी गिनतरी बी मुश्कल कम्म ऐ।

परचलन दे आधार पर लोक-विश्वासँ गी इनें दौं बखरेमें च सान्नी कन्ने बंडेग्रा जाई सकदा ऐ:--

[क] निजी लोक विश्वास

[ख] समूहक लोक विश्वास

निजी लोक-विश्वासें तैह्त नेहियां मन्नतां, कोह्इर जां ठाकां भौन्दियां न, जिनेंगी कोई माह्नू ग्रपने ग्रास्तै ग्रापू घड़ी लैंदा ऐ। किश लोक मनै च खास भाव रखदे होई साह् रोकदे, चब्व वटदे, हत्थ मरोड़दे, लत्तै पर लत्त चाढ़िये वौन्दे, मने च ग्रपने इष्ट दा नां ध्यांदे, नास मारदे जां ङ्ठे पर फूकर मारदे न । इन्बी समझेग्रा जन्दा ऐ जे इक दा ग्रुभ जरूरी नेई जे दूये गी बी फल देयें। किश लोक विश्वास शूरू च निजी हुंदे होई बी बाद च समूहक बनी जन्दे न ।

होई सकदा ऐ कदें कुसै आदिमिये गी जिसी घड़ी-मुड़ी ग्रपनी घंडी गी छूह् ने दी त्रादत ही, सबब्बी गि'ल्लड़ निकली आया होयै। उन्ने इसी अपनै घंडी छूह्ने दा फल मिथेग्रा होग। उन्न ए बाक चलाया होग जे गले गी बार-बार छूह्,ने कन्ने गि'ल्लड़ होई जंदा ऐ। इक गि'ल्लड़ झाले गी ऋपने गि'ल्लड़ पर हत्थ फेरदे दिक्लिय इक मां ग्रपने ञ्याणे गी डराऽ करदी ही जे घड़ी-घड़ी घंडी गी पोटें छुहाने कन्ने केड्डा-बड्डा गि'ल्लड़ निकली ग्राये दा ऐ। म्रबो जेकर हत्थ लग्गी गै जा तां पोटें पर फूकर मारने दा टोटका कीता जंदा ऐ तां जे ए रोग नि होयै।

किश लोकें दे निजी ब्याह्र्रें (Traits) गी वी निजी विश्वासें दी कोटि च रक्लग्रा जाई सकदा ऐ, कीजे बांद च इन्दे चा किश सामूहक धारे च रली जंदे न । सामूहक विश्वासें कन्ने गै कुसै संस्कृति दी चेची पन्छान बनदी चलदी ऐ। किश निजी चलन इस चाल्ली दिक्खने च ग्रौंदे न :---

(i) जेह्दे कन्ने गल्ल-कत्थ होग्रा करदी ऐ, ग्रोह्दे कन्ने उच्ची

सर च बोलना।

- (ii) जेह्दे कन्ने बैह्स होग्रा करदी ऐ, ओह्दे तर्कपूर्ण नुक्ते गी बी नेई मिनिया, अपनी गै दवाई जाना।
- (iii) बड्डो म्रादिमयों गी दिनिखयें उंदे रोग म्रपने च होने दा बैह म पालना ते प्रचार करना । जियां-क इक कवि गी ग्रसें दूये बहु किव दे ट्रेट ग्रपनाने ग्रास्तै गलांदे दिक्खेग्रा जे मिगी भ्रत्सर होई गेदा ऐ । ओ उस आंगर गै कपड़े पांदा ते भारी बाज करियं बोलदा।
- (i∨) उच्चा सुनने ग्राले गी भरम जे अग्गें-पिच्छे दे सारे लोक बी जोरें बोलने पर गैं सुनदे न ।
- णुभ-ग्रणुभ वारै निजी धारणां बी बचार-बटांदरे कन्ने ग्रग्गें फैलदियां न।

ट्रेट्स' थमां वी कदें-कदालें विश्वासें-क्हावतें ते मजाकें दी भुल्ली-भटकी सीर फुटी पौंदी ऐ।

[ख] समूहक लोक-विश्वास: ए नेह्ये लोक-विश्वास हुन्दे न, जेह्ड़े कुसै सांस्कृतक-खंड दे इक वर्ग जां पूरे समाज च सांझे परचल्लत हुन्दे न। गिनतरी च ते ए बड़े गै मते न । पर इत्थें अस किश रोचक मन्नतें, ठाकें ते कोह्डरें दा गै जिकर करगे।

लोक-विश्वास: संकलन ते वखरेमें:

(i) होने भ्राले ञ्याणे बारै: कुसै दै घर जागत होग जां कुड़ी? एह् जानने गित्तै अबोध बच्चे गी पुछदेन जे कोठे पर कां ऐ जां चिड़ी? जेकर वच्चा कां ग्रार्खं तां जागत जमदा, जेकर चिड़ी आखे तां विश्वास करदे जे कुड़ी जम्मग । कुड़ी होने वारै खोग्रान पांदे न जे नक्कै पर (गर्भवती दे) छाई फटक्ट कुड़ी ग्राई। घरा दा ञ्याणा जेकर व्हारी फेरै तां समझदे घरा च होने आला बच्चा कुड़ी होग । साम्बै ग्रसेंगी एह्दे बारै ए परचलत मिलेग्रा— जेकर पैह्ला ञ्याणा ङूठ चुं'गै तां होने ग्राला बच्चा जागत हुन्दा, श्रींगल चुं भै तां कुड़ी होन्दी। कठूयै ग्रल ग्रसें सुनेग्रा जे जागतै दे सिरै पर पग्ग भलेर (बालें दे उग्गने दा इक ढब) होयै तां दूख्रा बी जागत जमदा। रामनगर सुनेग्रा जे पैह्ला व्याणा लक्क उवड़ा चुक्कियै सिर एठ लाइयै लत्तें बिच्चें दा पिच्छें दिक्खै तां ग्राखदे जे इक होर ञ्याणा हुन्दा ऐ ।

सुन्दरबनी ते बसोह् ली — इक-दूये थमां दूर-दरेडी जगहें — इस बारै जे कुसै दे घर धी होग जां पुत्तर, इक बड़ा रोचक लोक-विश्वास परचलत मिलदा ऐ। कोई दो बच्चे डीला घाठ लैंदे न ते जेह् दे बारै जानना होयै, नुहाड़ा ध्यान करियै, उस घाठ दा इक-इक सिरा फगड़दे ते सिरें पासेग्रा चीरदे न। चीरदे-चीरदे, जिसले मझाटै पुजदे न तां विच्चा दे रेशें मताबक बनने प्राली ग्राकृति पर कुड़ी जां मुड़ें दा क्याफा लांदे न। जेकर घाठ दे विचले रेशे दी ग्रंगरेजी दे 'जोड' ग्रक्खर ग्रांगर शकल बनें तां ग्राखदे घोड़ा बनेग्रा ऐ ते इसकरी जागत जम्मग। जेकर ग्रंगरेजी दे 'एच' ग्रक्खर आंगर दौं डंडें दी पौड़ी-जन बनें तां मनदे जे डोली बनी ऐ ते फलाने दे घर कुड़ी होग। जेकर विचले रेशे दा किश नेईं बनें जां बनियें त्रुट्टी जा तां विश्वास करदे जे किश नेईं होना।

(ii) प्रसव सरबन्धी: गर्भवती जनानी दे ग्रैह्णा च बाह्र निकलने दी ठाक ऐ। जेकर निकले तां लोक-विश्वास ऐ जे जम्मने ग्राले गि'ल्लै दा कोई ग्रंग खराब होई जन्दा। इस्सै लेई गलांदे जे गर्भवती जनानी मता चिर ब'वै तां जम्मने ग्राले बच्चे दा सिर बड्डा होई जन्दा।

पीड़ां लग्गी दियां होन ते ज्याणा नि होयें करदा होयें तां घरा दी स्यानी जनानी कुलदेऽ गी आखदी जे एह्दी खलासी कर । जेह्ड़ी तूं बधाई (बक्करे दी, मठैई दी, यग दी) लैंनी ऐ—लेई लैंयां। केइयें थाह्रें किश टोटके बी कीते जन्दे न, जियां पीड़ें दे बावजूद ज्याणा नेईं जम्मने पर पटाली जनानी कोला घरा दे ट्रैंकें-पेटियें दे जन्दरे खुलाई उड़दे न। पर, प्रायों च जम्मने आली कोला जनानियां कोह्ला दा उग्गूं खुल्हांदियां न ते दाने भुआं किरन दिन्दियां न। ज्याणा होई जाने पर कोई दूई जनानी उग्गूं लाई दिन्दी ऐ। केइयें थाह्रें घरा दा कोई स्याना अपने घरा दा कैंह् दा थाल लेई जन्दा ऐ ते जंगल थमां कुसै स्याने कोला लखाई आनदा ऐ। ते लाड़ी सामने गलांदे न—'थाल लखाई आन्दा ऐ।' पही थाल मंजी दी परैन्दी एठ रक्खी दित्ता जन्दा ऐ। विश्वास ऐ जे ए टोटके करदे गैं ज्याणा होई जन्दा ऐ।

ग्रां 'गुढ़ा' पार्स ऐसी स्थिति च, ग्रसेंगी पता चलेग्रा जे घरा दा कोई आदमी बाह्र जाइये देसी ग्रक्का दे बूटें गी— जम्मने ग्राली जनानी दा ध्यान करिय सन-पौड़ें पुट्टी सुटदा ऐ। गलांदे न पटोंदे सार गै बच्चा होई

बच्चा होने बाद दे मते हारे कोह्डर न, जिन्दे च डैनीं-भूतें-प्रेतें दा जन्दा ऐ। डर हुन्दा ऐ । ए डर ठाकें दियें शक्लें च मुखर होन्दे न । इन्दा ग्रपरतक्ख म्प्रभिप्राय शायद प्रस्ता जनानी गी पूरा अराम कराने ते उसी गर्म-सर्द हवा कोला बचाने ग्रास्तै पैदा कीता गेदा ऐ। इन्ना गै नेई सूतका ग्राली जनानी दे परछामें कोला बी होरनी व्याणें गी बचाया जन्दा ऐ।

(ii) निवके गि'ल्ला बारै: ज्याणा जम्मने पर जिस बच्चे दे सिरा पर घने ते मते बाल होन, जनानियां गलांदियां जे एह्दी माऊ नै बड़ा चर्खा कत्ते दा ऐ। विश्वास कीता जन्दा ऐ जे हर-इक जी देवच्चे च परमातमा दा वास ऐ। त्रीं कुड़ियें पर जागत जम्मै तां धन ते टब्बर दा नास हुन्दा । त्रौं जागतें पर कुड़ी जम्मै तां राज करदी ऐ। खुग्रान ऐ:—

त्री बेटी राज करा^ऽ

व्रिय्या पुत्तरं भिवख मंगाऽ।

वच्चे ते माऊ बारै विश्वास ऐ जे माऊ नै अपने ज्याणे गी पिट्ठी पिच्छें करियै नेई सोना चाईदा। ए वैह्म उस पुराणक कथा थमां जरम लैन्दा ऐ, जेह्दे मताबक गणेश गी नमीं मूंडी लाने स्रास्ते जिसले शिवजी गे तां उनेंगी पूरी सृष्टि च हथनी गै नेह्ई मां ल'ब्बी, जिन्न अपने ज्याणे गी ग्रपने सामनै नेहा सुग्राले दा । ग्री हाथी दे बच्चे दी मूंडी कप्पी लेई आये ते गणेश दे धड़ै पर जोड़ी दित्ती । इस ठाका च मां दी ममता गै नेई मन्वन्तर गी चलता रवखने ग्राले ज्याणे दी सुरक्षा दा भाव वी कम्म

वच्चे दे सुत्ते दे हस्सने ते रोने बारै मन्नेग्रा जन्दा ऐ जे बिद्धमाता करदा ऐ।

जेह्, ड़ा बच्चा सुत्ते दे दन्द किर है ग्रो ग्रपने पर हनकर हुन्दा ते नुहाड़े ञ्याणे कन्ने खेढें करदी ऐ। मूं ह, रेत पांदे। जेकर किश स्याना होयें तां मूं हां च मरे दा चूहा पाने

इट्वी विण्वास ऐ जे सनदन्दे जम्मे दे ज्याणे बव्वा पर भारे हुन्दे दा त्राह् पांदे। न। वच्चा जेकर दुढ़ा दे दन्द रखदे बेल्ले, पैह्ले उप्परले दन्द रक्खे तां गलांदे ग्रोह् नानिकयें पर भारा हुन्दा । इस वचार दा ए उपाऽ करदे न जे मामा खंडू दी कोल्ली भरिये, कोल्ली कन्ने बच्चे ते भच्छू दे दन्द ' ठोह् रदा ऐ।

रामनगर ते इसदे लागे दे ग्रायें च मते हारे लोक ञ्याणे गी घरा दा बाह्र र्ति कढदे। ग्रो पैह्ली जांत्री पुन्नेग्रा गी रातीं चन्न दिस्सयै पही बढलें उसी बाह्र कढदे न ते नरिसहें दे मंदर लेंदे न।

मितयें थाह् रें ज्याणे गी पैह् ले बारी दरेग्रा जां नाला पार कराना होयै तां टपदे बेल्लैं गीटियां जां सिक्के पानी च सुटदे । बाह्र जंदे बेल्लैं ज्याणे दी ग'ल्ला पर स्याही दी लकीर-जन लांदे जां बारंडा करियें कुसैं भिखमंगे जां गरीबा गी दिंदे न ।

- (iv) त्हूतना परेन्त: जनानी दा त्हूतन चकाने गितै श्रपिनयां कुलरीतां कीतियां जनदियां न। पर, गरीव लोक उस जनानी दे भांडे गी घोड़े कोला संघांदे न ते इस चाल्ली भांडे सुच्चे होए दे मिथी लैंते जन्दे न ते जनानी बी। जम्मू च केई म्हाजन घरें च जागत जम्मने परेन्त जनानी ते व्याणे गी बारें म्हीने तगर चिट्टे वस्तर पाने पौंदे न। श्रोह्दे बाद बच्चे दा सूतरा होन्दा ऐ। इनें बारें म्हीने तगर जनानी चिट्टे कप्पड़े लांदी ऐ। पिवत्तरता दे प्रतीक इनें कपड़े दी मर्यादा लाड़ी-मराह्ज दमें नभांदे न। कुलरीतां हर बरादरी दियां बक्ख-बक्ख न।
- (v) ज्याणे बारे कोह् इर ते कुलरीतां : ग्रापने ज्याणे दी उमर जनानियां ग्रोठ टुनिकर्यं दसदियां न । साढ़ें डुगगर च जिस बच्चे दे मूनन नेईं कीते दे होन, उसी कोठे पर लेई जाने दी ठाक ऐ । मूननें तगर बच्चे दे वालें दी सांभ रक्खी जन्दी ऐ । विश्वास ऐ दोखी लोक ज्याणे दे सिरें दे वालें दी लट लेइर्यं टूना करी दिंदे न, जेह् दे कन्ने बच्चे दा ग्रहित हुन्दा ऐ, बच्चा उजदा नेईं । मूननें कन्ने परिवारक रीतां बी जुड़ी दियां न । ग्रज्जकल ते लोक वूफे-स्टाइल च शानदार धाम करी दिन्दे न ते ग्रनुश्ठानक पृंह लू गी भुल्ली गे न । पर, पृंह लें ग्रनुश्ठानक पृंह लू बी उन्ना गै महत्तवपूर्ण हा । महाजनें दी जड़ेडयाल बरादरी दे मूनन चक्क जड़ेली ग्रां (तसील-सांबा) च बावा ब्रह्मदेव दे थाना पर कीते जन्दे न । इत्यें जागता दियां सारियां ब्याह् ग्रालियां रस्मां कीतियां जंदियां न । उसी सेहरा, पग्ग, ग्रचकन लुग्राइये, घोड़ें व्हालियें जानी फेरी जंदी ऐ ते बड़ा भारी यग्ग दित्ता जंदा ऐ । केई बारी इस चाल्ली दियां चार-चार बरातां चढ़दियां न । ए रस्म बावा ब्रह्मदेव ग्रग्गें

ग्ररदास हुन्दी ऐ जे जागत पूर्ण ग्रायु होयै ते जीवन दे सारे सुख भोगै। होर बी मते-हारे लोक ग्रपने घरें, देव-स्थानें, दाते-दातियें दियें देह रियें पर मूनन करदे न। मते-हारे लोक मानसर जां वैष्णों माता जाइये ए संस्कार करदे न।

(vi) ब्याह् बारै: व्याह् वारै विश्वासें दी चन्दी वी लम्मी ऐ। इत्थें किश-इक दा गै जिकर करगे। व्याह् कोला पैह्लों जिसदे मूहां पर गुत्तियां पौदियां होन, ग्रो ग्रपनी सस्सू पर भारा हुन्दा जां हुन्दी ऐ। जिसी चुंल्ली मुंढ धुखदी लक्किडियें दा मता धूं लग्गे—सस्स उसी मता प्यार करने आली थ्होंदी। अगले दन्द विरले होन, ग्रो मनुक्ख सस्सू पर भारा हुन्दा ऐ। कुड़ियां/लाडियां नंगे सिर रुट्टी खान तां प्योकिये निगोसार हुन्दे। जेह्ड़ा छटोंदे छज्जै सामनै खड़ोयै, उसी दाज घट्ट थ्होंदा। व्याह् च बर-पक्ख ते कन्या-पक्ख दोनीं च मांगड़ै पौने बारै केई ठाकां न। मसलन मराह्जै नै वाल नि कटाने, सेऽ नि करनी, बूटे पर नि चढ़ना वगैरा। कुड़ी गी मांगड़ै पौने पर खूढ़-पन्यासें पर जाने दी मनाही हुन्दी ऐ तां जे शै-बला नि चमकी ज।। घर नुहाड़े कोला कम्म कराना बन्द करी दिन्दे न।

जान्नी जां डोली जा करदी होयै ते अग्गुग्रां मुर्दा ल'ट्वै जां नड़ोग्रा झतोयै तां नैह्ण हुन्दा। व्याह् च जेकर ढोलियै दा ढोल फट्टी जा तां

ग्रपसगन समझेआ जन्दा।

मराह् जै नै गान्ना, सेह्रा तुम्रारे बिना कुसै गी पैरी पौना नेई करना। बेदी बैठे दे जागत-कुड़ी (लाड़ी-मराह् जै) नै गल्लां नि करनियां। इस ठाक दा बचार ए दसदे न जेकर भ्रो गल्लां करगन तां सारी उमर लड़दे रौंह्गन ते लड़ाके बनी जांगन। लाड़ा जेकर बेदी बैठे दा हस्सै तां सस्सू पर भारा हन्दा ऐ।

लाड़ी बड़ी लम्मी-तगड़ी ते शैल-मुन्हाकी-जुग्रान ग्राव तां सौह्रै तेल चौने-शा पैह्ले नुग्राड़े सिरा परा काला कुक्कड़ परेडिये परें सुटदे न । ब्याह् होये ते लाड़ी पैह्ला सौन म्हीना अपने सौह्रै नि कटदी । सौह्रै-प्योक ग्रीने-जाने बेल्ले तारा डुब्बने दा बी बड़ा बचार कीता जन्दा ऐ।

जेह् दे पैरें दे ङूठै कोला अगली श्रींगल लम्मी होयै श्री जनानी मर्दा गी श्रपने ग्रधीन रखदी ऐ। जेकर मर्दा दा होयै तां मर्द जनानी गी श्रपने रोबा एठ रखदा। जिस जनानी दे श्रीठें पर तिल होयै, श्री मती बोलने ग्राली हुन्दी। जनानी सिर नीमां करी चलै तां भागवान हुन्दी। जेकर सिद्धी चलै पा ठीक नि हुन्दी। जेह् ड़ी जनानी टल्ले लाइयै ग्रपने पैरें पासै दिक्खें जां जेह् ड़ी ग्रगड़ी चलदी मुड़ी-मुड़ी पिच्छें दिक्खें जां ग्रपनी छाती ग्रल बार-बार दिक्खें ग्रो चन्दरी समझी जन्दी। जेह् ड़ा मड़द ग्रपनियें ग्राह्मिं पासै दिक्खें उच्ची कलैह्ना मिथदे।

जिस जनानिया दी सींह्दी च सन्दूर मता चिर चमके दा र'वै—ग्रो वुड्ढ-सुहागन हुन्दी ऐ। ते जिसदी ग्रिक्खियें च सुरमा रचे दा र'वै, ओ पित दी प्यारी हुन्दी। जनानी दियां चूड़ियां बार-बार भज्जन तां सुहागा पर विपता बनने दी नशानी मनदे। जिस घर कोई उच्चा-कड़छी हत्था च नचांदा होयै, उत्थें लड़ाई पौंदी। घरै च पूतना फुल्ली जा तां घरेलू ग्रमन-चैन च विघन दी नशानी हुन्दा।

(vii) स्रगला ज्हान: घर-घृस्ती गी सुखी रवखने गितै वी मितियां ठाकां घड़ियां गेदियां न । इनेंगी त्रोड़ने पर जेह््हें ढच्चर-फल दस्से गेदे न, उन्देकन्ने ग्रगला जरम सधारने दी गल्ल इक बड्डी प्रेरणा बनदी ऐ। इसकरी ग्रगले ज्हान दी कल्पना इनें ठाकें दा फल बनिये हूनै दे ब्याह्र गी सधारने दी प्रेरक बनदी ऐ। किश नमूने पेश न:—

जेह्ड़ी जनानी ग्रपने मड़दै कन्ने लड़ै, क्षो ग्रगलै जरम दौं जातें ग्राली संगनी बनदी। जेह्ड़ा मड़द शराव पीयै जनानी गी मारै-कुट्टै, ग्रो ग्रगलै ज्हान पाकू दी नदी च पौन्दा। ओह्दे पिच्छें भैंकर जनौर लगदे ते टक्क भोड़दे।

ग्रगले ज्हान सरबन्धी विश्वास छड़े परिवारक सुख दी कामना कन्ने गै नेई, बल्कि पूरी सृष्टि गी इक परिवार मन्नियै ते जीवात्मा दी वक्ख-वक्ख जूनें दे बावजूद एकता दे सिद्धांतें गी मन्नियै चलदे न । जियां ए मन्नत जे जेह्, ड़ा कोई कुसै जीव गी मारै—ग्रगलै जरस उसी सप्प पुड़दे । ग्रगले जरम दे ढच्चरें पिच्छें ए विश्वास कम्म करै करदे न :—

- 1. जीवातमा ग्रावागीन दे चक्कर च फसे दा ऐ।
- 2. कमें दा फल इस ते अगले जरमें च कन्नो-कन्नी चलदा ऐ।
- जीवात्मा अपनी करनी मताबक वक्ख-बक्ख जूनां ते सुख-दुख प्राप्त करदी ऐ।
- 4. कुसै इक जूनी च थ्होने म्राले सुख-दुख साढ़े पिछली जूनी दे कर्में

दे फल हुन्दे न । ते इस जूना दे कर्म ग्रगले जरमें च फलदे न ।

5. शरीर चा प्राण मुक्कने कन्ने जीबातमा चोला बदलदी ऐ, नष्ट नेई हुन्दी ।

इस थमां साढ़ी जिन्दगी दे शिषटाचारें ते ब्याह्रें गी निर्धारत करने ग्रास्तै किश ठाकां, मन्नतां ते कोह्डर उस्सरी पौन्दे न । इन्दा उल्लंघन करने पर दंड दा विश्वास बी बनदा ऐ।

कुसै दी बारी पर जां त्रेह् पर पानी पीने कन्ने ठाक बनी जे ग्रगले जहान उस ग्रादमी दी सवारी दा खोत्ता बनना पौन्दा ऐ, जेह् दी त्रेह् पीती दी होयें। जागतें-कुड़ियें च इक बड़ी दिलचस्प मन्नत परचल्लत ऐ। सिरै नै होयें। उसकर लग्गै तां गलांदे—ग्रगलैं जहान भिड़ू बनन हुन्दा। उसदा पोग्रा ए करदे जे भुआं थुक्की दिन्दे। जेह्डा पैह्ले थुक्की देग ओ नेई बनग ते दूआ बनी जाग। कुत्ते बारै विश्वास प्रकट करदे न जे उसी अगले-पिछले दोनीं जहानें दा पता हुन्दा ऐ।

- (Viii) लूना दी चेच: पराने जमान, लून इक मती गै खास चीज ही। खनन ते उत्पादन दे जरीयें कोला दूर-दराडी थाह्रें, इसी इक विरल्ती ते सोगाती चीज मिथेग्रा जन्दा हा। किण देशें च इदे उत्पादन जरीयें पर हकूमत दा इक मात्तर इख्तेग्रार हा। यूनान च सपाइयें गी तनखाही पर हकूमत दा इक मात्तर इख्तेग्रार हा। यूनान च सपाइयें गी तनखाही दे तौरा पर लून दित्ता जन्दा हा। 'लून-रहामी' दी गाल बी लूने दी प्राचीन काल थमां चली ग्रावें दी महत्ता दा गै सबूत ऐ ते हुने तगर कुसै दी बफादारी काल थमां चली ग्रावें दी महत्ता दा गै सबूत ऐ ते हुने तगर कुसै दी बफादारी गी तोलने दा मानदंड नुहाड़े खाहे दे लूना गी ग्रावें लाना गै मिथेग्रा जंदा ऐ। जुगर दे प्हाड़ें च पंजाह क ब'रे पिच्छें बपारी लोक घ्यो बहु बरोबर होगर दे प्हाड़ें च पंजाह क ब'रे पिच्छें बपारी लोक घ्यो बहु बरोबर तोला दा लून दिंदे हे। इसकरी लूना दा मता सर्फा हा। इक्षें लूना बार तोला दा लून दिंदे हे। इसकरी लूना दा मता सर्फा हा। इक्षें लूना बार गमली उहान लूना दा इक-इक कण प्रक्षी दे कोग्रासें कन्ने लूना दे कण चुक्कना दूग्रा ग्रक्खी डाह् डी ऐ। इक ते ग्रक्खी दे कोग्रासें कन्ने लूना दे कण चुक्कना दूग्रा ग्रक्खी च लूना दे चरने दी कल्पना करो। उस जुगा च लोक एह् दे त्राह् कन्ने लूना च लूना दे चरने दी कल्पना करो। उस जुगा च लोक एह् दे त्राह् कन्ने लूना गी सर्फ कन्ने बरतने दी सांभ की नि करदे होंगन?
 - (ix) श्रारबला घटने बारे: मितयां ठाकां नेहियां न जिन्दा फल श्रायु घटना दस्सेश्रा जन्दा ऐ। मामां श्रपने ज्याणे दी उमर श्रोठ टुक्कियें दसदियां न। श्रो व'रे कोला घट्ट होयें तां गलांवियां न— 'निक्के व'रे' दा

होई गेआ ऐ। विश्वास ए ऐ जे ग्रायु कुसै दी दस्सने कन्ने घटी जन्दी ऐ। ज्याणे गी लुग्रांगने कन्ने वी ग्रायु घटने दा ढच्चर मिथदे। लुग्रांगना पवै तां ग्रव्सी मिटीय खोलिय लुग्रांगो तां टपोने ग्राला मनुक्ख नीह् री जंदा ऐ—उजदा नेई। ज्याणे कन्ने बुहार छोह् ने कन्ने वी ग्रायु घटने दा भैड़ मिथदे। इब्बी ग्राखदे जे जेह् दे पैरा जां पिंडे कन्ने व्हारी दा तील्ला छोही जा—ग्रो सुक्किय तील्ला होई जंदा ऐ। छोही जाने दी स्थिति च जनानियां तील्ला दन्दें नै टुक्किय, व्हारी पर थुक्की उड़दियां न। इस टोटके कन्ने माड़ा ग्रसर नेई हुंदा—ए विश्वास एह् दे पिच्छें कम्म करदा ऐ।

बाल चु'ल्ली च नेई पोन देने—इस ठाका दा त्राह् वी आयु घटने दी गल्ल गलांदा ऐ। प्हाड़ा अल, पूरव ग्रल पैर करियें सोने दी ठाक ऐ, कीजे इंदे ग्रल देवतें दा बास हुंदा ऐ। इस्सै चाल्ली सरैंद उत्तर ते परैंद दक्खन ग्रल करियें नेई सौंदे, कीजे इस चाल्ली मुड़दे गी लटांदे न। मन्नता ऐ जे जींदे ग्रादमी दे इंगां सोने कन्ने ग्रायु घटदी ऐ।

किश विश्वास स्रायु वधने वारे बी हैन । जियां कोई सुखने च मरें तां नुहाड़ी उमर वधदी । चेता करदे गैं जेह्ड़ा कोई स्राई पुज्जें तां आखदे नुहाड़ी स्रारवला लम्मी ऐ।

(×) पद्रव लक्खन: लोक-मानस किश नेह् लक्खन ब्यान करदा ऐ, जिनेंगी श्रनिष्टकारी गल्लें दा श्रागम मिथेआ जंदा ऐ। इनें लक्खनें दा लाना उन्न इंयां गै लाया हा, जियां-क वहल घरने पर वर्खा दा लाना लांदे न। गलांदे जे पूछला श्राला तारा गासै चढ़े दा ल'टवें तां केई पद्रव्व, जंगां, लड़ाइयां-घामें हुंदे। रातीं जेकर बिन हाड़ै नदी दा पत्तन सूंकै तां मन्नेश्रा जंदा जे मुड़दा लैंदा। इब्बी मनदे जे इसदैं कच्छ-कोल रौह्ने श्राला मरदा ऐ। डी. सी. प्रशांत हुंदी कहानी 'खीरली-वल' च इस्सै विश्वास गी कथानक दा श्रधार बनाया गेदा ऐ।

विल्लियों ते कुत्तें दा रोना अणुभ मन्नेआ जंदा ऐ। ग्राखदे न विल्लियां इसकरी रोंदियां न जे उनेंगी यमदूत ल'बदे न, जेह् ड़े-क कुसै गी धर्मराजे सामने लेने गी ग्राये दे हुंदे न। रातीं कां दा बोलना बी ग्रनिष्टकारी हुंदा। ग्राखदे एह् दे कन्ने कोई बहुा ग्रादमी मरदा, देसा पर ग्राफत ग्राँदी जां जंग छिड़दी। लोहे कन्ने लोहा टकराने कन्ने घरा च लड़ाई पौने दा भाव लैता जंदा ऐ।

दिनें दौं कां घुलदे ल'व्वी जान तां बड़ी ग्रपसगनी हुन्दी। दिक्खने आले दे घर मृत्यु हुन्दी। एह् दा उपाऽ ए करदे जे जिन्ने कां दिक्खे दा होयें उसी सतनाजा लेइयें पैरें एठ रिक्खयें ते पानिया च पाइयें शनान करना पौंदा। एह् दे कन्ने नैह् श चुक्की जन्दी। इक होर ग्रपसगन घुग्गी कन्ने वी जुड़े दा ऐ। ए इक दरवाजे दा ग्रन्दर वड़े, दूये दा निकलें तां घरा च ग्राफत ग्रीन्दी ऐ। जेकर उस्सै दरवाजे दा निकली जा तां कोई बचार निकरदे। इस्सै चाल्ली गलांदे जे जेकर मसानघाटा दा गिद्इं दी रोने दी बाज ग्रावें तां ग्रां जां म्हल्ले च कुसै दी मौत जरूर होन्दी। कुत्ते उवड़ा मूंह् करियें रोन तां समझदे जे कोई कुदरती पद्रव होने ग्राला ऐ। खुग्रान पांदे न:—

दिनें जे उल्लू बोलन, रातीं बोलन कां; जां कोई मरदा राजड़ा, जां हुन्दा नश्ट ग्रां।

इस्सै चाल्ली तरकालें घरोंदे-ले रोज शमान लाल होये तां लड़ाई लगदी ते कहर्त पीन्दा।

(×i) मांदगी दियां नशानियां: नक्क गी खुर्क होयै तां विश्वास कीता जन्ता जे ग्रादमी बमार होने ग्राला ऐ। बमार लेटे दा हत्थ दिक्खें, छता ग्रल टिप्प लाई ग्रक्खें तां समझदे नुहाड़ा बचना कठन ऐ। रोगी दे नक्का दी रास ढेई जा तां इसी मौती टी पक्क नशानी मन्नदे। ग्रादमी लागर होयै ते फ'बी तै बारी फिंडें तां ग्रवश्श ग्रोह दा काल हुन्दा। इसकरी फ'बी पहली फिंड सुट्टें तां नुक्क पृट्टी करने दा टोटका करदे न। विश्वास फ'बी पहली फिंड सुट्टें तां नुक्क पृट्टी करने दा टोटका करदे न। विश्वास करदे न जे इस चाल्ली फ'बी फिंडना बन्द करी दिन्दी ऐ। अबो, बमार ग्रादमी गी निच्छ उठी ग्राव तां ए नुहाड़ें बांद होने दी नशानी मनदे। इनें ग्रादमी गी निच्छ उठी ग्राव तां ए नुहाड़ें बांद होने दी नशानी मनदे। इनें लक्खनें दे ग्रलावा रामनगर नैंह कट्टियें ग्रन्दर सुट्टने दी ठाक ऐ, नेई ते ए मुड़दा लैंदे—ए मन्नता ऐ—पर जम्मू च गलांदे जे घरा च रोग फैलदा ऐ। मुद़दा लैंदे—ए मन्नता ऐ—पर जम्मू च गलांदे जे घरा च रोग फैलदा ऐ। मरदा ग्रादमी डोटबी च हौयै ते सुग्रालें दे जवाब च ऊं-ग्रां कर तां ग्राखदे जे उसी ओह दे पितर साक-सरबंधी ल'ब्बा करदे न ते ग्रपने कच्छ सहा करदे न।

(xii) मौती बारै: कोई कुग्रारा मरै तां भूत बनदा। उसदे स'ल-फुल्लें दी सम्हाल कीती जंदी तां जे कोई नुहाड़ा मसान नि ठुआली लैं। परसोनें च कुसै दी मौत होई जा तां मनदे जिनमां परसोन होयै, उन्ने पुतले फूके जंदे। परसोनें च टल्ला ना खरीदना, ना स्थाना; खट्ट नि बुननी,

नमीं ब्हारी नि ब'न्ननी ते कोई बी नमां कम्म रंभदे दी ठाक बी ऐ। शमाना च तारा त्रुट्टै तां समझदे कोई बड्डा श्रादमी मरी गेश्रा ऐ। पर रूस च विश्वास कीता जंदा जे धरती पर कुसै महान श्रातमा दा जनम होग्रा ऐ। म्हातमदारी श्राले घर दे, कल्पन श्रौने श्रालें गी राम-सत्त नेईं करन—इब्बी मन्नता चलदी ऐ।

(xiii) बारें-ध्याड़ें बारें: संगरांद, पूरणमासी, मंगलवार, बीर-बार ते ऐतबार, म्हातमदारी आले घर कल्पन जाने दी वी ठाक ऐ। वारे बारें होर बी बड़ियां ठाकां परचल्लत न। सराधें दे दिनें टल्लें नि धोने कीजे मनदे जे पितरें दे मूंह् मैल जंदी, इस्सै चाल्ली सराधें दे दिनें मास-मच्छी नि खानी, शराब नि पीनी—पितरें पर भारी पौंदी। इस विश्वास थमां ग्रसेंगी पता चलदा ऐ, लोक-मानस ग्रपने इस जरम दियें किरतें कन्ने ग्रपने भ्रगले जरम पर गैं ग्रसर पौने दी चिंता नि करदा, सगूं पितरें पर बी प्रभाऽ पौने दा बी त्राह् बी खंदा ऐ।

ठंडे बार बमारी दी कारी नि शुरू करदे। शनिवारें लोहा लैने जां छूह्ने कन्ने शनिग्रेंह् चम्बड़दा ऐ—ए विश्वास करदे न । मंगल, बीर ते शनिवार नैऊं निं कटदे, सेऽ निं कटदे। खोआन ऐ:

बुद्ध शनिचर कप्पड़ा ते गैह्ना ऐतबार, सुख सोने दा इच्छें जिंदड़िये तां बुनेश्रां खट्ट संङार।

गो-मैह बुद्धवारें सूर्य तां उसी घर नि रखदे, बेची दिन्दे की जे उसी नैह श मनदे न। मंगलबार ते ऐतबार व्हारी नि खोलनी ते नां गै तुलसी गी छूह ना जां पत्तर त्रोड़ना, की जे ताप चढ़दा। शनिबार ते मंगलबार दक्खन-पच्छम दिशा गी जाने कन्ने बिगड़े दा कम्म बनी जन्दा ऐ। सोमबार ते शुक्करबार पच्छम दिशा ग्रल नि जंदे। बीरबारें दक्खन दिशा ग्रल जाने कन्ने कम्म नि बनदा।

बुद्ध, शनि जे जाचे प्हाड़, जित्ती बाजी ब्रौचै हार।

इस्सै चाल्ली, मगलचूंडी कुड़ी आस्तै मंगलीक वर तुपदे, नेई ते लोक-मानस मनदा जे ब्याह्त जीवन सुखी नि रौह्न्दा।

व'रे दे पैह्ले ध्याड़ै जनेहा खाम्रो-लाम्रो, ब'रा भर उयै-नेहा थ्होंदा। डुगगर च बीरवारें कप्पड़ै धोने जां सावन खरीदने दी ठाक ऐ। मनदे जे भ्राऊ गी गाल लगदी । मंगलवारें मरदामे कप्पड़े वी धोने दी ठाक ऐ ते कुड़ियें दे सिर धोने दी वी । इस वारै इक कत्थ इस चाल्ली परचल्लत ऐ:—

इक वारी दी गल्ल ऐ जे दो जनानियां स्रापूं-चें लड़ोग्रा करियां हियां। इक जनानी नै दूई गी स्राखेश्रा जे तूं रंड ब'में। तां जिस जनानी गी ए गल्ल स्राखी गेदी ही, स्रो रोन लगी पेई। स्राखन लगी—भेने; ए वड़ी माड़ी गाल दित्ती ऐ तूं मिगी।

दूई जनानी गी तर्स ग्राया तां बोल्ली—'तूं रोग्नी की ऐं? में तेरे कशा माफी मंगी लैंग्नीं। पर तूं दस्स जे तुगी रंड ग्राखने कन्ने केह् फर्क पेग्रा। तां उसनै सनाया—तुगी पता नेई साढ़े कुला च रंडां नेई बौन्दियां, कीजे ग्रस म्हीने दे चारे मंगलवार वगैर सिर धोते दे वर्त रक्खनियां ते मंगलवार दी पूजा करनियां।'

जत कणें राजा दा इक प्रोह्त लंघा करदा हा। जेह् इा इन्दियां गल्लां सुना करदा हा। राजे नै उसी प्रपना राजकमार देई दिलें दा हा, कीजे राजे गी पन्ता नै दस्से प्रा हा जे नुहाड़े जागता दी ग्रायु वारां व'रे होग। प्रोह्ता नै उस जागता दी कड़माई उस जनानियें दे कुला च कीती, जिन्दे कुला च रंडां नेहियां बौन्दियां ते वारहें व'रें दी ग्रायु कोला पैह्ले-पैह्ले ग्रोह्दा क्याह् कराई उड़ेग्रा। पही जागत लाड़ियें समेत राजे गी वापस करी उड़ेग्रा। राजा नै उस कुला गी वड़ा सराहेग्रा। जदूं कोला गै कुग्रारियां कुड़ियां मंगलवार सिर नेई धोन्दियां ते वर्त रखदियां न।

इस्सै चाल्ली डुग्गर च इक पुत्तर आली मां गुक्करवारें सिर नेई धोन्दी। इस्सै चाल्ली विश्वास ऐ जे सुहागन जनानी ऐतवारें सुच्चे मुंह, धोग सिर धोय तां नुहाड़े सुहागा दी दूनी उमर बधदी जेह, ड़ी जूठे मुंह, धोग स्रोह, दे सुहागा दी घटदी।

घर-परिवार च बीरबार ग्रमल च ग्रैह णी दे ग्रराम दा दिन ऐ । इस दिन वारे, धार्मक ठाकें दे ग्रलावा लोकक ठाकें दी इन्ती भरमार ऐ जे जनानी ग्रास्त घरेलू कम्म करना लगभग मना न । एह दे कन्ने इक कत्थ बी जुड़ी दी ऐ:

इक बारी बीरबार भगवान 'बीरू भाई' बिनयं, इक सुहागनी दी परीख्या लैन उठी आया। ओ जनानी घरा दी बड़ी सफाई रखदी ही। जनानी बोली—'भाई पन्ता, मेरा हत्थ दिक्ख हां।' ओ बोलेआ—'तूं बड़ी सफाई

रक्खनी ऐं। जनानी नै हत्थ-हुत्थ दस्सी उसी भिक्ख नेईं दित्ती ते बोल्ली-साढै घर कक्ल नि ऐ। ग्रो बोलेग्रा—'मेरा दस्से दा पोग्रा करगी तां तेरै घर सब होई जाग । तुं इंया करेग्रां जे पहुले बीरबार सिर धोयां, दूर्यं कपड़े, त्रिय्यं घर ब्हारी फेरेग्रां चोथै गोहा फेरेग्रां, पजमें घरा दा छत्त ते नुक्करां फंडेग्रां, छेमें भांडा-चौका साफ करेग्रा ते सतमें घरा दा लेम्बा-पोचा करेग्रां। ओ इस्सै चाल्ली करदी रे'ई ते सतमां बीरवार ग्रौंदे-ग्रौंदे ओह् दैं घर भलेग्रां सफाई होई गेई। ते हन बारी भुवले मरने पर ग्राई गेई। इन्ने चिरै च उदे घर इक बुडढी म्राई। बोली-'धीये केह् करा नीं ?' जनानी नै उसी समूची भारकत्थ वाची उड़ी। बुड्ढी वोल्ली—'मोइये, ग्रो ते बीरू भाई हा। बीरवारें होई बी मंगता होयै, उसी सक्खने नि टोरना, भायें किसै दी बी भिक्ख पाई देओ। ग्रगले वारी पही उसे बीरू भाई आया ते उस जनानी कशा भिक्ख मंगी। जनानी दियों ग्रक्खियाँ च अत्थरूं ग्राई गे। उन्न केह् कीता जे तुलसी दे थ'ड़े चा मित्ती दी पुड़ी ब'न्नी ते बावे गी फगड़ाई दित्ती । ओ बोलेग्रा—'जा हून तेरैसब किण होई जाग। ग्रग्गूं आस्तै बीरबारें घरा च किसै चाल्ली दी सफाई निकरेग्रां। गलांदेन बीरू भाई नै जिसलै अगले घरा कच्छ ग्रो पुड़ी खोल्ली तां ग्रोह्दे च सुन्ते दियां कणियां वनी गेदियां हियां।

(XIV) चोरो बारै: कुमैं गी लगातार गुढ़कनी लंग्गी जा तां गलांदे उन्न कुमैं दा लून चरैइयैं खादे दा ऐ। गलांदे चोरी दा लजाम लग्गने कन्ते गुढ़कनी रुकी जंदी ऐ। चोरी बारै इक ठाक ऐ जे जेकर कोई पेठा चोरी करैं तां पुत्तर बजोग लगदे।

(XV) शमाना दो बिजली बारै: विश्वास करदे जे शमाना दी बिजली श्रीकृष्ण दी भैन ऐ। जिसलै ए कड़कदी ऐ, तां लोक 'कृष्ण-कृष्ण' बोलियै उसी खुश करदे न ते किश 'मोर मुकट वैंसी ग्राले' वी बोलदे न। किश लोक मोर-मोर आखियै विजली गी डरांदे न। कत्थ ऐ जे मोरै नै बिजली निंगली लेई ही।

विजली मिलक तां कैंह् दा भांडा वाह्र िंत रखदे, ग्राखदे विजली ख'ल्ल ग्राई पौंदी ऐ। इस्सै चाल्ली विजली मिलकदे बेल्ल मामे-भतरीये दे किट्ठे रौह्ने दी वी ठाक ऐ। ग्राखदे तां वी विजली पौंदी ऐ। ग्रासल च श्रीकृष्ण ते उंदे मामा कंस दे मामा-भतरीये दे प्रसंग थमां ए वर्जना बनी दी ऐ। मुमकन ऐ कंसवध बेल्लै, उत्थें विजली कड़के करदी होयें ते फिरी

कुतै पेई वी होये । ग्रोह्दे बाद ए प्रसंग लोक-मानस च ठाक बनिये रूढ़ि बनी गेग्रा। जम्मू दे गुज्जरें च मामे, भतरीये दी ए रूढ़ि ग्रजें वी उंदी लोक-वार्ता च मजूद ऐ। सधारण ल ब्बने ग्राली कथा रूढ़ियें च साढ़ी इतिहासक पन्छान दे तत्त खट्टे-पलेटे दे पेदे न।

(XVI) ग्रैह्ण सरबन्धी: ग्रैह्ण सरबंधी इक बैह्मै दा पिच्छें जिकर ग्राया हा। इत्थें किश होर दा जिकर वी करी देचै। ग्रैह्ण दा ग्र्यं लोक-मानस ए मिथदा ऐ जे राहू द्वारा ग्रसे गेदे चन्नै जां सूरजै गी छुड़काने दा बड़ा म्हातम ऐ। इसकरी लोक दानें दियां ढेरियां लाइये, ग्रोह्दे च गुप्तदान करदे न। ग्रैह्णें च मैंतर सिद्धी वी कीती जंदी ऐ। ग्रैह्णें च कोई चीज छूह्ने कन्ने भ्रष्ट होई जंदी ऐ—ए विश्वास कीता जंदा ऐ।

(XVII) परौह्ना भ्रौने सरबन्धी लक्खन: इस वार पणु-पेंछियें वियां ग्रलामतां, ते रसोई च हट्टी सरबंधी किण ग्रोपरियां गल्लां हुंदियां न। मसलन मनदे न जे ग्राटा गु'न्नदे उड़कें, पेड़ा करदे ग्राटा त्रुट्टै जां चकले पर हट्टी बेलदे पुट्टी पव तां परौह्ना ग्रौंदा ऐ। एह्दा मतलव ए समझेग्रा जंदा जे अज्ज बाद्धू हट्टी पक्कग, कीजे परौह्ने नै ग्रौना ऐ। घरा दे दरवाजे च जां बेह् इं कुत्ता ग्राकड़ें, कोठें बनेरें पेंछी बोलें तां बी परोह्ने दरवाजे च जां बेह् इं कुत्ता ग्राकड़ें, कोठें बनेरें पेंछी बोलें तां बी परोह्ने दी ग्रौन्द दी ग्रास कीती जन्दी। कंघी करदे-करदे डिग्गे जां छुड़कें, पैरा पर पर आव तां बी परोह्ना औन दी मेद कीती जन्दी ऐ। सुन्दरबनी ग्रल ग्रसें सुनेग्रा जे घंड-गोग्राल कीड़ा घरा ग्रन्दर आव तां बी परौह्ना ग्रीन्दा ऐ।

(xix) बर्खा बारै: करसानी जीनै च बर्खा बड़ी म्हत्तवपूर्ण भूमका अदा करदी ऐ। राही-बाही दा सारा दारोमदार इस्सै पर हुंदा ऐ। इयै कारण ऐ जे बर्खा बारै मते सारे ढच्चर-टोटके परचल्लत न।

(क) लक्खन—चिड़ियां खुक्खलै च न्होन तां वर्खा व'रदी। पानी च न्हौन तां निम्वल हुंदे। ग्रवो, वसोह्ली ग्रल विश्वास ऐ जे चन्नै दे कोल गोल घेरा ल'व्वै तां वर्खा नि हुंदी। मकोड़ियां लैन च चलन ते तेजियां नै ग्रपनी म्होरियों च बड़न तां वर्खा ग्रौंदी। जेकर उत्थुआं अंडे कड्ढन तां ग्रोरा दी वर्खा आँदी। पपीहा गासै चढ़ी वोलै, निक्का ञ्याणा मूंहां दा बुरबुड़ियां कढदे बू-ऊ-ऊ दी बाज कड्ढै तां वर्खा ग्रौन्दी। उंग्रां इव्वी मनदे बुरबुड़ियां कढदे बू-ऊ-ऊ दी बाज कड्ढै तां वर्खा ग्रौन्दी। उंग्रां इव्वी मनदे

न जे ज्याणे दे सिरा च जूं आं होन तां वी ग्रो बुरबुड़ियां कढदा ऐ।

घम्हार कीड़ा जेकर ग्रापना झुंड छुड़ियै मित्ती परा घा ते बूटे पर चढ़ी जान तां झड़ी लगदी ऐ। टीह्म्बे (फं'गें आले कीड़े) जेकर नीमें होइयें उड़ुन तां वर्षा हुन्दी। जेकर चेरे होइयें उड़ुन तां निम्बल रौह्न्दे। टटीह्री ने जेकर नदी-नालें दें कच्छ-कोल ग्रंडे दित्ते दे होन तां ग्राखदे बर्खा घट्ट ब'रगन ते हाड़ नेई ग्रींगन। जेकर नदी-नालें दे कंढें कोला दूर ग्रंडे देन तां ग्राखदे उस बारी बड़ी वर्खा बरदी ते नदियें-नालें च हाड़ औन्दे। बबोग्रा (Spider) जेकर मते जाले तनें तां निम्बल रौह्न्दे, जेकर घट्ट तानन तां बर्खा हुन्दी। इसलें गलांदे जे बबोएं ग्रापने जाल समेटी लेन। जेकर मंजे दा बान तनोई जा जां कपड़ा जल्दी ने सुबकें तां ग्राखदे बरसांत ग्रुरू होई गेई ऐ। सोहै हत्थें दी तली गी जां डुंडू गी परसीना ग्रावें तां वी वर्खा ब'रदी। संजा बर्खा थम्होयें ते सूरज निकलें तां दवारा वर्खा हुन्दी। इससें चाल्ली गलांदे जे शनिवार दी झड़ी पूरा हफ्ता रौह्न्दी ऐ। खोग्रान ऐ:—

बारें दी झड़ी तार झल्लै, ते अट्ठ रोज नि हल्लै।

इन्दर धनख निकली ग्राबै तां उस रोज मुड़ी बर्खा नि व'रदी। इनें लक्खनें परा साफ जाह र ऐ जे किश ते बरीक चित कन्ने चीजें नी लखने करी पूरे जां ग्रद्धे सच्चन ते किश छड़े लाने जां ग्रन्दाजे न।

(ख) बर्खा बारें टोटके: वर्खा नेई व'रने पर जन-मानस इसदे वराह्ने ग्रास्तै किश उट-नट जरूर करदा ऐ, जेह्ड़े-क डुग्गर दे मते लाकें च सांझे वी ऐन ते किश किन्हें खास जगहें कन्ने मखसूस न। अज्ज दे साई सदान वदलें च 'सोडियम ग्रायोडाइड' कन्ने वर्खा दा ग्रींकरन करदे न, पर जन-मानस कुदरता-ग्रोपरी शक्तियें कन्ने हठ करियें, कोई उच्चर-टोटके करियें वर्खा वराह्ने च निश्चा रखदा ऐ। डुग्गर दी कंटी दे खंलके लाकें च जागत-कुड़ियां गुड़ी-गुड़ा बनाइयें उन्दा किरया-कर्म करदे न ते उनेंगी फूकदे न। कन्ने गान्दे न:—

गुड्डी-गुड्डा जालेग्रा व'र-व'र बद्दला कालेग्रा।

रामनगर झिगली-चौरी णिवें दे मन्दर लिंग गी पानी च पूरा डोब्बी उड़दे न । मन्नता ऐ जे इस चाल्ली करने कन्ने बर्खा जरूर ब'रदी ऐ । इस्सै चाल्ली बसोह्ली दे नीलकंठ मन्दर दा लिंग बाह्र कढदे न ते भारी जग्ग करदे न। गलांदे न जे शांतिया वर्खा व'रदी ऐ ते व'रदी वर्खा च लिंग ग्रन्दर लेता जन्दा ऐ। रामनगर-उधमपुर दे ख'लके प्हाड़ी ग्रायें च बाई -पन्यासें पर थापी गेदी नागें दियें मूरितयें पर गरैह ड़ी मित्ती मली दिन्दे न। जां-तक वर्खा नेई व'रै तां-तक उस नाग मूरती गी कोई शनान नेई करांदा। इसी वर्खा पौने पर गै नुहालदे न। इस विश्वास दी तसदीक भद्रवाह् थमां बी होई।

(xx) राही-बाही बार : राही-बाही पर करसाना दे जीन्दे रौह्ने दा मुक्ख सरिस्ता ऐ। इसकरी इस सरवन्धे च विश्वास, ठाकां, कोह्डर, रस्मां वी मितयां न । इत्थें थोड़ियें दा जिकर करगे। डुग्गर च जोत्तरा लान्दे-ले खेत्तर मज्हेरे दा ग्रनबृढ़िग्रा नेई रौह**्न दिन्दे। जेकर** चबक्खी बाह् करदे होचै तां पूरा बाही लैना चाही दा। मंझा दा नेई छोड़ना - नेई ते दांदें गी ते बाह्ने ग्राले गी गाल लगदी। ग्रांच पद्रब दा डर वी हुन्या । खेतरा च चबक्खी स्याढ़ नेई कड्ढा करदे होस्रो, सिर्फ इक भेठा दा सिद्धे-सिद्धे वाह् करदे होग्रो तां तरकालां पौने कारण, दूये पासे दा ग्रद्धा-दुव्वा खेतर भामें बडले बाही लौ। कनक इक बारी राही दी होर्य ते करंड होने करी नेई जम्मै तां उसी दबारा पुट्टिये खेतरा च नेई राह्न्दे। ए करने श्राले दी मौती दा डर हुन्दा ऐ—ए लोक-परचलत ऐ। नंगे सिरें खलाड़े च जाने दी ठाक ऐ। ते राह् (ढेरी) भरदे-लै सिरा पर कपड़ा-पग्ग-टोपी लाने दा निजम ऐ। खलाड़े च पैरें भार बौने दी बी ठाक ऐ। कन्ने धूफ-टिक्का दित्ते बगैर राह् नेई मिननी। राह् गी दो बारी नेई मिनना, भामै टुप्पे जां तोल्लें च टपला की नेईं पेई गेदा होयें। कन्ने इसी दो स्रादमी किट्ठे नेई मिनदे। गाह् करने बाद बोह्ला (ढेरी) पर त्रींगला छुहाइयै इक आदमी खड़ोई जन्दा ऐ। उस त्रौंगले एठा दा दांदें गी लंघाया जन्दा ऐ। ऐसा करने कन्ने बरकत हुन्दी ऐ-ए लोक मानता ऐ।

फलदार बूटें दा पित्ता झड़ने पर पानी च सुन्ना डोबिये त्रोंक दिन्दे न । फलदार बूटें जां सब्जियें ग्रल ग्रौंगला कन्ने सारत कराने दी ठाक ऐ । ग्राखदे जे फलै च बाढ़ा नि हुन्दा, कन्ने बूटा उजदा नेईं।

(xxi) नां लैने दा जां शब्द उच्चरने दा कोह् डर : इनें कोह् डरें तैह्त नेहियां मन्नतां ते ठाकां ग्रौंदियां न, जिन्दा मतेकरी तल्लक कुसै संज्ञापरक शब्द दे थाह्र नुहाड़ी वशेशता दस्सने आले पद जां विशेशण कन्ने ऐ। डुग्गर च बहुं-बड़ेरें दे नां लैंने दी ठाक ऐ। बड़लें शैंह्रें कस्वे दे नां लैंने दी बी मनाही ऐ। बड़ेरें जां जठेरें दे नां लैंने कन्ने मूंडी कंबदी ऐ, इस विश्वास दा प्रचलन ऐ। जेंकर घरा च कुसैं बहुं दा नां चेत् ऐ तां लाड़ियां उदा जिंकर करदे बेल्लें 'झुल्लने याला' गलांगन, कीजे इस म्हींने हवामां झुलदियां न, जेंकर नां पोहूराम (पोह् म्हींने कारण) होग तां धर्मू जां धर्मचन्द नां लैंगन कीजे पोह् गी धर्मी म्हींना ते माघ गी पापी म्हींना गलाने दी बी पिरत ऐ। नमें म्हींने दा नां कंजके कोला जां ढोलक गांने यालें कोला सुनना ग्रुभ मन्नेग्रा जन्दा ऐ। खर, जेंकर अपने प्योक पास कुसै रिश्तेदारा दा नां बी उर्य होये, जेंह्, झा सोह्रें, पास बी कुसै दा ऐ तां लाड़ियां अपनी भेठा दे रिश्तेदारा गी कुसै होर नां कन्ने कुम्रालंगन। इक घर असे दिक्खेग्रा जे लाड़ी दे जेठा दा नां चूहा हा ते नुहाड़े निक्के भ्राऊ दा बी, तां ग्रो अपने जेठा दा जिंकर करटे बेल्लें 'रुड्ढीआले' जां 'छत्ती आले' गलांदी ते भ्राऊ गी उन्न चिड़् करी बलाना गुरु करी उड़ेग्रा। इस्सै चाल्ली इक जेठें गी नां जेह्, झा मूलाराम हा ग्रास्त इक लाड़ी गी असे 'छूरने म्राला' ग्राखदे सुनेग्रा।

बडलै बड्डे-निक्के, मड़द-जनानियां, 'साम्बा' कस्वे गी छीटें ग्राला शैह्र, जम्मू गी मन्दरें ग्राला शैह्र, खनूरा गी दरेग्रा आला शैह्र, उधम-पुर ते कटूग्रा गी नग्गर गलांदे न ।

किश सिंजियें दे नां लैंने ग्रास्तें बी कोह्डर कीता जन्दा ऐ। जियां 'गोंगलू' गी 'शलगम' गलाना। एह्दा मुमकन कारण ए ऐ जे एह्दे च गो' शब्द श्रीन्दा ऐ। गो हिन्दुयें आस्ते पिवत्तर पशु ऐ। इस्सें चाल्ली इमारत बनाने ग्राले मुसलमान राजड़े उच्ची हाम्बा ग्रास्तें बनाये गेदे पट्टर-जनेह् गी 'गो' ते हिन्दू राजड़े 'घोड़ी' गलांदे।

मूंडी कम्बने ग्राले विश्वास दा जिकर करी ग्राये ग्रां। अबो, बसोह्ली पासै गलांदे न जे जिन्न पिछले जरमा दा कुसा दा करजा देना होयें गुहाड़ी मूंडी कम्बदी ऐ। यू. पी. ग्रल गलांदे न जे भैनू दे बच्चे गी मारने-कुट्टने ग्राले मामे दी मूंडी कम्बदी ऐ।

इस्सै चाल्ली जनानियां श्रपने व्याणे दी उमर दस्सने दा बी कोह्डर करिदयां न । जागत उन्नियें ब'रें दा होयें तां ग्रो गलांदियां न 'इक घट्ट बीह्'। एह्दा मुमकन कारण ए ऐ जे 'उन्नी' जां 'उन्ना' शब्द ग्रपूर्णता दे वाचक न । जागता दी उमर दसदे बेल्लै ग्रो बु'ल्ल टुक्किये दसदियां न जे इन्नमां व'रा लग्गा ऐ। 'इन्ने व'रें दा होई गेग्रा ऐ' — एह दे बारै मनदे न जे सिर्फ कुसै गुजरे दे ग्रादमी गी किन्ने व'रे होई गे न, गलाया जन्दा ऐ।

दिय्या बझाने गी 'दिय्या स्हालना' नेई 'दिय्या बहुा करना' गलांदे । कोई मन्दी खबर सुनदे ङूरा भरने दी टाक ऐ। जनेऊ दा धागा त्रृष्टी जा तां त्रृष्टे दा नेई ग्राखदे। गलांदे जे 'जनेऊ सिज्जी गेग्रा ऐ'। सप्प लड़े तां गलांदे कीड़ा भिड़ी गेग्रा ऐ जां फलाने गी 'डंग' जां 'डंगी' होई ऐ। मूं हां यमा भूत, डैन, चड़ेल शब्द निकली जां तां थुक्की उड़दे। गलांदे ऐसा नेई करने पर भूत चम्बड़दा। डैनी गी माई गलांदे। इस्से चाल्ली चेचक गी माता, दिक्क ताप गी निक्का ताप, बहुा ताप गलांदे।

किश कोह्रदर ते नेह्ये न जे किश बी बोलने कोला ठाकदे न । जियां— रुट्टी खन्दे गल्ल नि करनी, ग्रन्न सराप दिन्दा । गुन्छियां चुनदे बोलना नेई । हत्थें गी मैंह्दी लाई दी होयें तां तीरे दा नां नेई लैंदे । लैंग्रो तां विश्वास करदे, मैंह्दी चढ़दी नेई ।

(××ii) सुखने बारै: डुगगर दे हिन्दू धर्म मन्तने ग्राले मनदे न जो मनुक्खा दे सुत्ते दे नुहाड़ी ग्रातमा ताई-तुआई दे सैल करदी ऐ, भटकदी ऐ ते जागने कोला पहुँ ले आदमी ग्रन्दर ग्राई बड़दी ऐ। सुखने दे फल गी सौगनिये, पन्त-परौह त गैं दसदे न। गलांदे न जे बड़ले दा सुखना सच्चा हुन्दा ऐ। सुखना दिक्खने ग्राला जेकर सुखने च रोयै तां उसी खुशी दी खबर सनोचदी। जेकर गीत, सगीत, व्याह हुन्दा ल'व्वै तां गमी दा ग्रागम समझेग्रा जन्दा। सुखने च पढ़ना-लिखना कम्मा च कामयाबी दी सूचना मिथदे। ते जेकर सप्प ग्रीन्दा ल'व्वै तां ग्रुभ, जन्दा ल'व्वै तां अग्रुभ मन्तेग्रा जन्दा। सुखने वारै सैकड़े लाने ते विश्वास परचल्लत न।

बार सकड़ लान त विश्वास प्रस्ति सार लाने ते लक्खन: (क) रिजक:
(xxiii) हानि जां लाभ बार लाने ते लक्खन: (क) रिजक देवता
हुगगर च विश्वास कीता जन्दा ऐ जे रोज बहुँ पैह्र, रिजक देवता
हर घर दा फेरा लान्दा ऐ। जिस घर उद्दम दिखदा ऐ, उत्थें रिजिय रिजक
दी सबील बनांदा ऐ। जित्थ नेस्तपुना ब्यापे दा होय, उत्थें हत्थ पिछड़ा करी
दी सबील बनांदा ऐ। जित्थ नेस्तपुना ब्यापे दा होय, उत्थें हत्थ पिछड़ा करी
वी सबील बनांदा ऐ। जित्थ नेस्तपुना ब्यापे दा होय, उत्थें हत्थ पिछड़ा करी
वी सबील बनांदा ऐ। जित्थ नेस्तपुना व्यापे दा होय, उत्थें हत्थ पिछड़ा करी
वी सोने आले गी ग्रद्धा हिस्सा मिलदा ऐ।

(क) फलदेऊ : घर 'मनी-प्लांट' लाये दा होये तां घर दौलत ग्रौंदी ऐ। मनी-प्लांट बारे धारणा ऐ जे ए इस्से स्थिति च फलदा ऐ जेकर कुसै दे घरा दा चोरी करी ग्रान्दे दा होयै। ए शहरी ते नमां लोक-विश्वास ऐ। एह्दा मतलब ए ऐ जे चानक थ्होने ग्राली दौलत बेइमानी कन्ने गै ग्रीन्दी ऐ।

इक होर विश्वास ऐ जे जिस घर विल्ली सूयै ते जिस आदमी गी सून्दी बिल्ली दी जेर थ्होयै, ग्रोह्दे कोल वड़ा रपेआ ग्रौंदा । रपेग्रा ग्रौने दा इक होर लक्खन ए ऐ जे मर्दा दी सज्जी थियाली (तली) गी खुर्क होयै जां जनानी दी खब्बी थियाली गी होयै तां धन ग्रौंदा । इंदियें खब्बियें-सज्जियें तिलयें गी खुर्क होयै तां रपेग्रा हत्था दा जंदा । जेह्दी थियाली इंह्गी होयै, ग्रो पैसा जोड़दा, जेह्दी उबड़ी होयै ग्रो खरचार हुंदा ।

(ग) शुभ लक्खन:

- 1. मनुक्खें बारं: छाडा भागवान ते गंजा धनवान हुंदा। सामने दन्द बिंद-क ग्रग्गें गी होन तां भागवान मनुक्ख, बहुा सिर ते चौड़ा मत्था बी भागवान दा नक्खन मनदे न। हत्थ लम्मे होन तां महापुरण हुंदा। मदि दी पिट्ठी दें सज्जी भेठा ते जनानी दी पिट्ठी खब्बी भेठा त्हसन (बहुा तिल) होयें तां धनवान हुंदा। कन्नें जां नक्कें पर तिल होयें तां बी मनुक्ख रपे-पैसे च खेढदा—ए विश्वास ऐ।
- 2. पशुयं बार : पंज-कल्याणी चौखर गुभ समझेग्रा जन्दा। ए गुभ चिन्न न—चार खुर, मत्या ते पूछल चिट्टी। इस्सै चाल्ली माल-बच्छा पालने दा फैदा होग जां नेईं, प्रायें च करसान लोक चौखर खरीदने कोला पैह्ले बेह्, हैं निक्का-नेहा गत्त दिन्दे न। पही कुसै देग्रा गूत्तर ग्रानिये गत्त भरदे न। जेकर गूत्तर जल्दी गैं भुंजा ग्रच्चरी जा तां मनदे जे माल नेईं फलना। जेकर बिन्द-भर बचेग्रा र'वे तां मनदे माल फली जाग।

घरा दा चौखर ग्रन्दरा ग्रल जां खुंडै दे सज्जै सिंग बजा तां भगा-तला, जेकर बाह् रै अल जां खुंडै दे खब्बै सिंग बजा तां हनकर मिथेग्रा जंदा। इस्सै चाल्ली हनकर घोड़ी बारै खोग्रान ऐ:—

ड्योढी पर चबारा ते घोड़ी दे मत्यै तारा।

कुनकड़, कबूतर, बिल्ली, खरगोश गी नैह्श मन्नेग्रा जन्दा ए। इस-करी इनेंगी घरें च नैई पालदे।

(घ) देनदारी: जिन्दे घरा पर वड़ उग्गै—कोठै जां कंधा पर तां गलांदे, घराग्रालें पिछले जरमै च ग्रोह्दा कर्जा देना हुंदा ऐ—इसकरी ओ उंदै उगदा ऐ । कोले दियां लीकरां खिच्चने दी बी ठाक ऐ, मनदे जे एह्दे कन्ने कर्जा चढ़दा । इस्सै चाल्ली खट्टा पर बेइये लतां ल्हाने कन्ने बब्बा सिर कर्जा चढ़ने दा डर दस्सेग्रा जन्दा ऐ ।

- (ङ) किश ल'ब्बना: सुन्ना ल'ब्बै, भामें अपना गवाचै—दमैं बुरे सगन मन्ने जन्दे। त्राम्मे दा पैसा ल'ब्बै तां शुभ मन्नेग्रा जंदा।
 - (च) गरीबी: खाली भांडे ठनकाने, दरवाजा बजाने, रुट्टी दा पछारला ग्राह् सुक्का खाने जां रुट्टी खाने परैन्त हत्य चट्टने कन्ने गरीबी दा औना मन्नेआ जंदा । इत्वी विश्वास परचलत ऐ जे जिस घरा कोल जां ग्रंदर दमूं हां सप्प व'वे जां जिस घर चाम-चड़िक्क ग्रंदर ग्रावे, उस घर गरीबी ग्रीदी ते घर उज्जड़दा। जनानी घर मंजी बुनै तां गलांदे जे घर उज्जड़दा, रोग फैलदा ते निग्गोसारी औंदी। बेह् डे च ब'ने जां केले दा बूटा लाने दियां वी ठाकां न, मनदे जे घर उज्जड़दे। रसदे-बसदे घरें च अक्क-धतूरा जां बड़-बोह ड़ नि लांदे, नेई गै उग्गन दिदे ए तबाही ग्रानने ग्राले मन्ने जंदे न।
 - (XXIV) रसोई ते खाने-पीने सरबन्धी: (क) जेह्ड़ी जनानी स्ट्टी चंडदे तिलयें दी थपोकड़ा नै बाज कड्ढ ओह् चंदरी हुंदी। रुट्टी पकाइयें जनानी धूड़ा साफ नि करें तां घरें च बखेंद पौंदा। रुट्टी पकाइयें पकाइयें जनानी धूड़ा साफ नि करें तां घरें च बखेंद पौंदा। रुट्टी पकाइयें तवा खाली छोड़ने दा बी कोह्डर करिंद्यां। एह्दे पर थोड़ा-नेहा सुक्का प्राटा रक्खने दी पिरत ऐ। रुट्टी पकाने परेंन्त हत्थ धोते बगैर जेह्ड़ी जनानी प्राटा रक्खने दी पिरत ऐ। रुट्टी पकाने परेंन्त हत्थ धोते बगैर जेह्ड़ी जनानी परेट्टी खा तां लोक विश्वास ऐ जे ग्रो खुशी ते गमीं दे मोकों, कपड़ें उठी ग्रोंदी। रसोई च जुत्ती लेने दी बी ठाक ऐ। चौके दा सुच्च रक्खने लेई, कपड़ें आई दी जनानी गी रुट्टी नेई लग्गन दिंदे। उसी बौने गित्तै बिन्ना बी नेई दिंदे। नुहाड़े ठीक होने तगर नुहाड़े नै ग्रछूत आंगर ब्याह्र कीता जंदा ऐ।
 - (ख) गलांदे न्हेर हिट्टी नेई खानी, जम कन्ने खंदे। रोहै च हिट्टी नेई खानी, राखस भृक्खा मारदे। पैह्ले पानी त्रोंकना ते पीना, पही बिंद नेई खानी, राखस भृक्खा मारदे। पैह्ले पानी त्रोंकना ते पीना, पही बिंद चिरें-हारे रोह ढलने पर हिट्टी खानी। मास-मच्छी खाने परैन्त दुढ नि पींदे, गलांदे कोढ़ पौंदा। मखीर ते घ्यो किट्टे खाना नैह्ण समझेग्रा जंदा। गलांदे कोढ़ पौंदा। मखीर ते घ्यो दा इक खास ग्रनुपान होने पर, जैह्र अग्युर्वेद मताबक बी मखीर ते घ्यो दा इक खास ग्रनुपान होने पर, जैह्र बनी जंदा।

रुट्टी खाने वारै इक होर लोक-विश्वास ऐ जे पछारली रुट्टी नेईं खानी, एह दे ने हूड़ मत्त ग्रौंदी ते बुद्ध भ्रिष्टदी। रुट्टी खंदे ग्रौंगलीं नेईं खंडा- नियां — एह दे नै घरा च बे-थवाकी पाँदी । जूठे रुट्टी गी लग्गने दी ठाक ऐ ते घड़े थमां पानी उग्घरिये हत्थ धोने दी बी । जित्थें खाने-पीने दियां चीजां होन, उत्थें कंघी नेई बाह् नी । पानी पींदे हत्था दा गलास छुड़की जा तां सज्जन-मित्तर त्रेहाया हुंदा । स्नुंड लग्गै तां चेता करदा । हत्था दा ग्राह् छुड़कें तां मनदे सरीक छड़काऽ करदे न, ए ग्राह् जरूरी खाना लोड़चदा, ए विश्वास ऐ । मूं हां दा ग्राह् छुड़कें तां कोई यार-मित्तर भुक्खा हुंदा, इस ग्राह् गी नेई खाने दी पिरत ऐ । रुट्टी खाइयें ग्राकड़ मारने दी ठाक ऐ — ग्राखदे कुत्ते दी जून जान हुंदा । इन्ना गै नेई लोक-विश्वासें च खाने-पीने दे बाह्ये -घाटे दे तोड़ बी सुझाये गेदे न । जियां गुड़ मता खलोई जा तां गन्ना चूपना, वैर मते खलोई जान तां लून खाना, मूलियां मितयां खलोई जान तां तिलें दा फक्का लाई लेंदे । घ्यो मता खलोई जा तां लस्सी पी लैनी जां मट्टा खाई लैना । मास मता खलोई जा तां मासा हारा गुड़ खाई लैना ।

(XXV) यात्तरा सरबन्धी लोक-विश्वास: डुग्गर च कुतै कम्मा पर जां यात्तरा पर जाने बेल्ले दियां केई ठाकां, मन्नतां, कोह्डर ते टोटके न। ठाकें दा तल्लक ग्रपसगनें कन्ने ऐ। कोई नैह्ण लच्छन ल'टबने पर जां परंपरा ते रुढ़ि थमां ठाके गेदे मेलें कन्ने टकराने कन्ने ग्रशुभ हुंदा ऐ जां कम्म नि बनदा। इस्सै चाल्ली अच्छे सगन होने पर शुभ फल मिलने, कम्म सौरने दा भाव लैता जंदा ऐ।

सफरा च बे-पन्छानू पर बसाह् नेईं करने दी ठाक डुग्गर च परचलत ऐ। यात्रा गी सफल बनाने गितै बी केईं टोटकें दा परचलन साढ़ै ऐ।

यात्रा सरबन्धी सारे विश्वासें दी इस चाल्ली बंड-बखरांद कीती जाई सकदी ऐ:—

- (क) कम्मा पर जन्दे बेल्ले दियां ठाकां, लच्छन ते कोह्डर। जियां—निच्छ, कुत्थ ते कसगन बचार।
- (ख) शुभ कम्मा पर जन्दे बेल्ले दे विश्वास । जियां—तीर्थं यात्तरा गी शुभ बनाने दे सगन । कंजका दा दरवाजे पर कुंभ बन्दोग्राने श्रास्तै खड़ोना । देवता, कुलदेवता दा पूजन, नौ-शक्तियों दा सिमरण ।
 - (ग) सफरा दे दरान दे विश्वास
 - (घ) निक्के सफरा परा परतोने वेल्ले दे विश्वास । जियां -- कच्छ-

कोल कुसै रोगी गी थाह्गन गेदे परतोइयै न्होना वगैरा।

(ङ) लम्बे सफरा परा परतोने बेल्ले दे विश्वास । जियां — आरती तुग्रारना, तेल चोग्राना, कुक्कड़ ते पैसे परेडना वगैरा । केई वारी बलैता दा परतोने ग्राले दी सरीर-शुद्धि गंगा स्नान द्वारा कराना । गंगा नि जनोयै तां सत्तें खूहें दे पानियें कन्ने न्होना । पिछले समें च सत्त समुन्दर पारा दा होई औने आले गी ग्रपवित्तर ते भ्रिष्ट मिन्तयें बरादरी थमां छेकी दिन्दे हे । पही बरादरी च मिलने गितै छेके गेदे माह नुयै नै यग्ग करना पौन्दा हा ते उसी गंगा जी न्होंने गी जाना पौन्दा हा ।

यात्तरा परा परतोइयै कुसै देश्रा पानी ग्रानियै घर त्रौंकने दा सगन बी

(च) श्रयसगन: घरा दा निकलदे ग्रगों दित्ते दे मेल मिलन तां नैह् श मन्ने जन्दे न—वालन, भो, हिंडुयां, गोहा, घ्यो, मखीर, दुढ़, खाली घड़ा, खाली टोकरी, व्हारी । सप्प ल'द्वै, कुत्ता कन्न फंडै, बिल्ली जां गिह घड़ा, खाली टोकरी, व्हारी । सप्प ल'द्वै, कुत्ता कन्न फंडै, बिल्ली जां गिह रस्ता कट्टै, जटें ग्राला फकीर, तिलकाधारी ब्रै ह्याण, घोवी, तेली, रंड जनानी, घोड़ा, मैह्, गो, धुखदी ग्रगा, लट्टा, टुंडा, काना, रोगी, कपड़ें दी फेरी ग्राला । कंघी च मते बाल ग्रीन, घरा दी छत्ता पर कुत्ता रोयें जां वेह इंग्राला । कंघी च मते बाल ग्रीन, घरा दी छत्ता पर कुत्ता रोयें जां वेह इंग्राला मारें, खब्बे पैरा गी ठोकर लग्गें, निच्छ बज्जी जा; चलदे-चलदे कुतें ग्राकड़ मारें, खब्बे पैरा गी ठोकर लग्गें, निच्छ बज्जी जा; चलदे-चलदे कुतें ग्राकड़ी जां लकड़ी कन्ने कपड़ा फसी जा, कोई ग्राटा चुक्के दे ल'द्वै जां नंगिसरी जनानी ल'द्वी जा, पसार जां वेह इंग्रुट्टी नुक्क पेदी होयें, पिच्छूं दा ग्राला पेई जा, चूड़ियां भज्जन तां ग्रगुभ मनदे । सफरा च कुसै दे मरने दी खबर सुनचै तां कम्म नि बनदा । इस्सै चाल्ली गलांदे जे सफरा पर निकलदे दुढ सुनचै तां कम्म नि बनदा । इस्सै चाल्ली गलांदे जे सफरा पर निकलदे दुढ पीयें जाना, मीट-मच्छी खाना बुरा हुन्दा, पर, मकहमे पर जन्दे बेल्लें ए किश खाना ठीक रीह न्दा ।

इक ठाक ए ऐ जे जिसंलै घरा दा कोई बाह्र जा तां ठल्ले नि धोने ते व्हारी वी नि फेरनी। जनानियें बाल नि बाह्ने।

इक होर लोक-विश्वास ऐ जे त्रै ग्रादमी किंहे इक कम्मा पर जान तां कम्म नि वनदा । खोग्रान ऐ — विष्या रलेग्रा ते कम्म गलेग्रा ।

(छ) शुभ सगन: घरा दा निकलदे ग्रग्गूं दा देहीं, भरे दा घड़ा, कूड़े भरी टोकरी, मुड़दा, भरोची दी मश्क लैते दे माश्की, सुहागन जनानी, मच्छी जां नीलकैंठ पैंछी ल'टबैं तां यात्रा शुभ हुन्दी ते कम्मा च सफलता

मिलदी। ए सगन इस चाल्ली रूढ़ होई गेदे न जे लोक कुतै जाने कोला इक दिन पैह्ले सफाई कर्मचारी गी अपने घरा दे बाह्र झतोने लेई गलाई दिन्दे न। किश घरा दा देई खाइयै निकलदे न। किश लोक घरा दा कुतै जाने थमां पैह्ले सज्जी बक्खी भार लेटियै, खब्बा सुर चालू करदे न ते घरा दे बाह्र पैह्ली गैं बी खब्बी गैरखदे न। गलांदे घरा दा चलदे जेह्डी सुर चालू होयै उसे पैर बी बाह्र रक्खने कन्ने कम्म बनी जन्दा।

इस्सै चाल्ली सौगनिया कुसै देश्रा साद्दा श्रौने पर, श्रपनी नुक्क पैरै नै चुक्किये उबड़ी छंडदा ऐ। जेकर श्रो सिद्धी पवै तां श्रो उस्सै घड़ी घरा दा निकली पौन्दा ऐ। जेकर पुट्टी पवै तां बैठे दा रौह्न्दा ऐ। पही दस्सें-पन्दरें मिन्टें बाद परितिये इये किया दुहरांदा ऐ। ते इस चाल्ली सगन ठीक होने पर गै घरा दा निकलदा ऐ।

घरा दा निकलदे सब सगन ठीक होन तां मुड़ियें नेई परतोने दी ठाक ऐ। चलदे मोकै खुरी भुआं कोला उच्ची र'वै तां शुभ समझदे।

(XXVi) ध्याड़ी शुभ बीतनै बारै सगन: मन्नेआ जन्दा ऐ जे वडलै उद्दियै, श्रपने हत्थें दी बुक्क-जन बनाइयै दिक्खने कन्ने ध्याड़ी शुभ चढ़दी। जां पही घरा दे कुसै भुगातले जी दा मुंह् दिक्खने कन्ने ध्याड़ी खुशी-खुशी बीतदी। वडलै उट्ठियै शैह्रें दे जां जनौरें दे नां लैने दी वी ठाक ऐ।

(xxvii) निच्छ बारै लोक-विश्वास : लोक-मानस निच्छ गी नेहा लच्छन मनदा ऐ जेह्दे थमां सगन-श्रपसगन दा लाना लाया जन्दा ऐ । कोई कारज रंभदे जां घरा दा पैर पुटदे निच्छ बजदी सनोचै तां इसी श्रशुभ मनदे । इस बारै खोग्रान बी ऐ :—

निछदे खाचै, निछदे लाचै, पर निछदे पैंडे पैर नि पाचै।

व, क्तेग्रा ग्रौन्दे वेल्लै निच्छ सनोचै तां शुभ मनदे । खाने दे वाद वी निच्छ गी ग्रशुभ मिथदे । हौली निच्छ ग्रावै तां कोई प्रेमी चेता करदा, भारी निच्छ ग्रावै तां कोई गालीं कढदा । ज्याणे गी निच्छां औन तां जंनानियां त्रै बारी 'छितरावती' जां 'जीयो' करी बोलदियां न । निच्छ बारै इक राजपन्ता दे पराने काकलें च डोगरी च लिखे दे ए वचार मिले—''बस्त लैंदे छिक्क होयै तां लाभ हुन्दा । देसा दा नसदे छिक्क होयै तां परती उस देस ग्रीना । कपड़ा लैंदे छिक्क होयै तां कपड़ा परताई ग्रीना । वेद-ब्राह्मण पूछ्दे छिक्क होये तां जिस कारजा गितै पुच्छो स्रो नेई हुन्दा। रोगी दिखदे छिक्क होयै तां मृत्यु होयै । बपार करदे होयै तां स्रो बपार व्यर्थ । घोड़े पर चढ़दे होयै तां घोड़े परा उतिरयै चढ़दे। देर-भावी दी यारी च छिक्क ब्री।

मेश लगन च छिक्क बुरी, वृख लगन च छिक्क होयै तां धन लाभ, मिथुन लगन च होयै तां डर लगदा । कन्या लगन च होयै तां मौत हुंदी । वृश्चिक जां कुंभ लगन च होयै तां हानि होयै। धन लगन च होयै तां धनलाभ । मकर च होयै तां बदेस यात्रा । मीन लगन च होयै तां बुरी खबर सुनोंदी।"

रोगी गी दुम्राई दिंदे निच्छ होयै तां शुभ।

ग्रोपरो-तली दौं निच्छां होई जान, तां जन-मानस कोई बचार नि करदा । सगन-अपसगन, निच्छ म्रादि कन्ने सरबंधत मते-हारे लोक-विश्वास पन्तें, परोह्तें, जोतिशयें द्वारा प्रचारत हुंदे न ।

(××∨iii) किश होर ठाकां : इनें लोक-विश्वासें पिच्छें धार्मक भावना, स्रनुश्ठानक उल्लंघन दा डर, म्रनहोनी होने दा त्राह् जां बे-ध्यानी च कोई भैंड़ जां पाप होने कोला रोकने दा भाव हुंदा ऐ। ठाकां साढ़े लोक-धर्मदा निर्माण करदियां न । लोकधर्म संस्कृति दी ग्रोकड़ी मुंढली नींह् ऐ, जेह्दे पर लगातार वकास करदा माह्नू, भ्रपने बुद्धिमान नेताएं दी मदद कन्ने ज्ञानवान धर्म ते फर्जें दी इमारत खढेरदे न। 'ए-कर' ते 'ए-नेई -कर दे वन्ने च समाजक ढांचे दा रूप निर्धारत करदे न । गों बारै हिन्दू धर्म च विश्वास ऐ जे एह्दे च लक्खें देवतें दा वास हुन्दा ऐ। इये कारण ऐ जे गवा गी लत मारने कन्ने पाप चढ़ने दा विश्वास बी बनी गेग्रा। विल्लो कुसै कशा मरी जा तां सुन्ने दी बिल्ली चाढ़ने पींदी—इस वर्जना च पशुयें प्रति हिंसा गी रोकने दी भावना ल'बदी ऐ ।

ब्हारी खड़ी नेईं करनी। भांडे दी टनकोर नेईं गूंजन देनी। नुक्कां खट्टा पर नेईं चाढ़नियां, सप्प चढ़दा । नुक्कां पुट्ठियां, त्रेडि्ढयां जां खोलिये सामने नेई रक्खनियां, जोड़ा मेलिये रक्खना चाईदा। कुसै दे सिरै पर चादर नेई देनी चाईदी —ए कसगन हुन्दा, कीजे चादर-चुन्नी वे-श्रासरा जां मरे दे मनुक्खा पर दिंदे न । कंजक, रिजक जां बड़े दे बूटे गी पैर नि छुहाना। कमीच लगो दे सिर नेईं धोना। भांडे मांजिय सावनें कन्ने पैर नि धोने। दुग्राठनी पर नेई बौना, ग्रैंह् चढ़दे। भ्रायें ग्रालियां खड़ोइयें बाल नि वांह् दियां। खड़ोइयें नि मूत्तरना—पितरें सिर मतरोंदा जां बब्बा गी गाल लगदी। सोहै बच्चे शिकल-दपैंह् रीं बाह्र्र नि जन्दे जां सवां दुग्राठनी पर नेई बौना—शैं-बलाई भन्नी खन्दियां। तरकालें चीखां नि मारिनयां, भूत चम्बड़दे। तरकालें जां रातीं कपड़े धोने कन्ने चन्दरपुना हुंदा। तरकालें सौना नि नां सुस्त बनना ते नां गें खट्टा पर बौना। इसी परमात्मा दा बेल्ला समझदे। तरकालें भित्त नि ब्हेड़ने। तरकाले जां रातीं बहारी नि फरेनी, कूड़ा बाह्र्र नि कड्ढना। रातीं शीशा नि दिक्खना मूंह् डींगा होई जंदा। दिय्या फूक मारियें नि स्हालना, दिय्या जां परून भुवां नि टकानी। ब्हारी ते डल्ल (टोकरी), ब्हारी ते घड़् किट्ठे नि टकाने। खट्टें पर जां भांडें पर छतरी नि टकानी—चब'री च टकांदे न। रातीं खट्ट डढ़ी दी नि रौह्न देनी—घरा दे मुनसें गी गाल लगदी।

ठाक गी मन्नने दी ते ठाक दे उल्लंघन दी आकृतिमूलक पेशकश इस चाल्ली करी सकने ग्रां:—

(xxix) लच्छन ते उन्दे लाने: (क) जुत्ती पुट्ठी पवै तां नैह् श सूचना। इक गटारी ल'ट्वै तां माडी, दो ल'ट्वन तां चंगियां, त्रै ल'ट्वन तां प्रेम पत्तर ग्रौंदा। नैहें पर चिट्टे दाग होन तां गलांदे जे जीवना च अगों जाइये दुद्ध-मट्ठा मता थ्होग। सक्खने हत्थ घर औने ग्राला ग्रादमी कलच्छना हुंदा। इस्सैं करी रिश्तेदारें दें कोई फल-मठैई ग्रादि लेंदे न। मदें दा सज्जा ग्रंग फड़के तां शुभ ते जनानी दा खट्वा गुभ। एह् दे उल्ट ग्रंग फड़कन तां परेशानी बनदी। स्याना ग्रादमी दन्द कीह् चै तां घरा च बस्तोद पौंदा। कमांदे दा निस्सरना ते पूतने दा फुल्लना ग्रच्छा निं हुंदा।

(ख) कलच्छन: उल्लू दा बोलना, गरड़जालैं जां किरली दा उप्पर डिग्गना ग्रशुभ मिथदे। उड़दा कां जेकर उप्पर विट्ठ करी देयैं तां मनदे जे नुहाड़े मरने दा बी डर रौंह्दा। सुक्कनै पाये दे कपड़े पर कां विट्ठी देयै तां ग्रो कपड़े कुसै गी देई दिंदे । किरली दा नैह्ण चकाने गितै ग्रो जुस्से दे जिस हिस्से पर डिग्गी दी होयै, ग्राटे दी किरली बनाइयै, उत्थें छुहाने दा टोटका करदे न ते पही उस ग्रादमी गी नुहालेग्रा बी जंदा ऐ।

(×××) किश होर विश्वास: मठेग्राई दे न'ग, जुपत च नेई, ताक च दिदे — पंज, सत्त, इक्की, कुंजा जां कोत्तरा सौ। गावा दुढ़ वोग्रालने कोला पैह ले दुढ़ च पानी पाई लैंदे। विश्वास करदे जे नेई ते मालै दे थन त्रिड़ी जंदे। सूरजा पासै मूंह, करिये पशाव करो तां अढ़े सिर-पीड़ होंदी ऐ। इसी दूर करने गितै सूरजा अगों जल ढालना पौंदा। जेकर अग्ग बोल्लै तां बनाई जारदी बस्ता दी ओह्रत शुभ मनदे। इक वड़ा गै भलोका पर तत्थ-भरोचा विश्वास ऐ जे ज्हामत करिये जिन्ना चिर नहवो नेई, सिरा पर नाई वैठा रौंह्दा ऐ। न्होंने कन्ने बाल धनोई जान ते खंदै-पींदै जातै च नेई जान, ए भाव ऐ। हट्टी आले हट्टी खोलदे ते बंद करदे बोन्नी बेल्लें हट्टी दी दोआठन बन्ददे न। हट्टी बंद करदे बेल्ले पैसे रक्खने आला 'गल्ला' पूरी चाल्ली खाल्ली करने दा कोह् इर कीता जंदा।

इस्सै चाल्ली होर बे-शुमार लोक-विश्वास नेह्ये न, जिनेंगी कोश रूप च वक्खरा छापने दी लोड़ ऐ। ग्रबो, इत्थें परितये ए गलाई देना जरूरी ऐ जे जीवन दा कोई गैं पक्ख इंदे कोला बचे दा होग।

आखर च, अस किश शकारा सरबन्धी ठाकें, विश्वासें-ढच्चरें दा जिकर करना चाह्न आं, कीजे शकार माह्नू दा कदीमी पेशा रे'ग्रा ऐ ते ग्रजकणें शोक बनी गेदा ऐ। घरा दा निकलदे बेल्ल हर शकारी उनें मेलें, सगनें ते लच्छनें शोक बनी गेदा ऐ। घरा दा निकलदे बेल्ल हर शकारी उनें मेलें, सगनें ते लच्छनें दा बचार करदा ऐ, जेह, डे शुभ-ग्रशुभ मन्ने जंदे न। पर, इंदे किश चेचे कोह् इर बी हैन। जियां ए जे शकार गी जंदे जेकर कोई सेह् ये दा नां लेई कोह् इर बी हैन। जियां ए जे शकार गी जंदे जेकर कोई सेह ये दा नां लेई लें तां शकारा गी नेई जाना चाईदा। जेकर नां लेंना पेई जा तां 'खड़कन्न' ग्राखदे। केई बारी जंगला च जित्थें पठर ब'न्ने दा हुंदा ऐ—उत्थे छल जां ग्राखदे। केई बारी जंगला च जित्थें पठर ब'न्ने दा हुंदा ऐ—उत्थे छल जां भूता-प्रेता दा ग्रसर नेई होयै, इस आस्तै सूरै दे बाल ते सेती सरेग्रां धखाई लेंदे न। केई बारी किश जानकार, शकारी दी बन्दूका गी मैन्तरा जोरें व'न्नी उड़दे न—ऐसा लोक-विश्वास बी ऐ। जदू बन्दूक नेई ही, ग्रदू तीर ब'न्नने दा विश्वास रे'ग्रा होग। बन्दूक गी ब'न्नने दा मतलब ए ऐ जे ग्रब्बल वेन्नने दा विश्वास रे'ग्रा होग। बन्दूक गी ब'न्नने दा मतलब ए ऐ जे ग्रब्बल ते नशाना नेई लगदा, बज्जी जा तां शकार मरदा नेई। इसकरी शकारी हत्थ कम्ख नि औदा। बन्दूक खोलने ग्रास्तै कुत्ते जां गिहड़ दे गन्दै पर इक रोंद फरेर

करदे, जां बन्दूका गी फेरियै भ्रपनी लत्ता एठा कड्ढदे न । किश शकारी धूनी धखांदे न । किश स्याने एठ दित्ते दे मैंतरा दा जाप करियै बन्दूक खोलदे न :—

धरत खोल्ली, शमान खोल्लेश्रा, पंज - भ श्रातमा खोल्लेश्रा। तबक खोल्ली, तबका दा नगीना खोल्लेश्रा, तेत्तरी करोड़ देवतें दै श्रासरै खोल्लेश्रा। बीर हनुमान दी दोहाई खोल्ली, लाल टगै दस्त खोल्लेश्चा । धरत खोल्ली, तरधाई खोल्ली, सर खोल्ली, सराही खोल्ली। जलदी खोल्ली, बलदी खोल्ली, सौ लक्कड़ी दी जात खोल्ली। भ्रम खोल्ली, भ्रंगार खोल्ली, ऐरन ते बदान खोल्ले। सने खल्ला लोहार खोल्ले, पंजपीर खोल्ले, त्रं सौ सद्ठ जोगनीं खोल्लियां। गुरु दा श्राखा फुरै, मेरा बाचा फुरै, नेईं फुरै तां लूना चमैरी दे कुंडै च गलै।*

किश शकारी बन्दूक खोलने गित्तै, बन्दूका गी झूड़ी पर टकाइयै, अपना बूट हत्था च फड़िये झूड़ी चिगर्द एह दे कन्ने घेरा खिचदे न ते झूड़ी गी पोल्ले दियां टकांदे न ।

श्रो माह्नू, जेह्ड़ा पैह्लें तीरें-कमानें कन्ने, भालें-नेजें कन्ने, शकार खेढदा हा, हुन बन्दूका-जनेह् सधे दे वैज्ञानक उपकरण बरतने पर बी उनें विश्वासें-बैह्में कन्ने किन्नी पक्की चाल्ली बज्झे दा ऐ, इसी होर जादा स्पण्ट करने दी लोड़ नेईं। जिसलें ते उसी सुखें-सखालें शकार थ्होई जाग, श्रो एह्दा सेह्रा बाह्र निकलदे बेल्ले झतोने श्राने मेल्लें, लच्छनें आदि गी देग ते मन्नग जे बन्दूका पर कुसा नै टूना नेईं कीता दा। श्रबो, जेकर नशाना

ए मैन्तर कढ़ाई ते अग्ग बगैरा खोलने आस्तै वी बस्तेग्रा जंदा ऐ।

नेई सधने करी, नुहाड़े रौंद दड़ादड़ जाया जंदे न तां ओ मन्नग जे रस्तै अपसगन होये हे। फलाना मनुक्ख, जनौर, जां पैंछी ल'ट्वा हा। जां खबरैं कुसै नै बन्दूक ब'न्नी ओड़ी दी ऐ। इसकरी ग्रो इनें ग्रस्पश्ट कारणें मूजब जुगें पराने टोटकें ते टूनें दा ग्रासरा लैन लगदा ऐ। ग्रो ए नेई सोचदा जे खबरैं नुहाड़ी ग्रपनी 'वॉयो-फिजीकल' जां 'साइक्लॉजीकल' स्थिति ठीक नेई ही जां खबरैं शकार गैं चकन्ना होई गेदा हा।

लोक-धर्म दे नियामक लोक-विश्वास :

इसकरी ग्रस मन्तने ग्रां जे लोक-विश्वास कुसै हद तगर ग्रातम-विश्वास दी गैर-हाजरी करी साढ़े संस्कारें च संजरदे जंदे न। जां ज्ञान-जुड़ी सूझ ते विज्ञान-जुड़ी सोच नेईं होने करी जरम लैंदे न। लोक-विश्वास जियां-क असें पिच्छें गलाया, लोक-धर्म दी रचना करदे न। लोक-धर्म कुसै संस्कृति दी मरजादा निश्चत करने आला आचरण ते व्याह्र हुन्दा ऐ। ज्ञान सम्मत धर्म दा, लोक-धर्म पर बड़ा दारोमदार हुन्दा ऐ। ते लोक-धर्म दियें पिरतें गी ज्ञान सम्मत धर्म बी मता पुश्ट करदा ऐ।

वीह्मीं सदी दे इस द्हाके च ग्रस दिक्खा करने ग्रां जे विज्ञानक विकास, भौतक समिरिढी जां एह्दी चकाचौंध च मनुक्ख सुविधावादी होग्रा ऐ ते लोक-धर्म पर बिसरेमे दी खुक्खल छान लगी ऐ। परानियें मन्ततें दा मुल्ल घटेग्रा ऐ। पच्छमी संस्कृति ते फैंशन दे जोराबर खड़बातें, कन्ने विज्ञान दिये नेमतें ग्रग्गें साढ़े लोक-धर्म दियें रूढियें दी किश पायां बचदी नेई ल'टबा करदी। ग्रस सांस्कृतक मिश्रण दे जुग च र'वै करने आं। संस्कृति दा इक नमां सरूप उ'टबरा करदा ऐ—जिसी ग्रस रली-मिली (Composit) संस्कृति गलां करने ग्रां।

डुगगर दे रीति - रवाज

डॉ. चम्पा शर्मा

रीति-रवाज देश काल दे मताबक हर थाह् रैं गी दूए कशा खास बनाई दिदे न। एह् रीति-रवाज म्रोह् समाजक रूढ़ियां होंदियां न, म्रोह् परम्परां न, जिंदे पर, समाजकें दा गूढ़ विश्वास हुंदा ऐ ते उन्दे पर चलदे रौह्ने दी म्रास्था होंदी ऐ। एह् रीति-रवाज साढ़ी संस्कृति दा बाह्र रला रूप हुन्दे न, साढ़ी सोच-साधना दा मूर्त रूप न। एह् साढ़ी संस्कृति दे राखे न, समें दी गिति दे कन्ने रीति-रवाजें च बी बदलाव म्रोंदा रौंह्दा ऐ। किश रवाज मिहसी मिटी जंदे न ते किश नमें रवाज पराने रवाजें च म्राई रलदे न। इंयां गैं किश रीति-रवाज कुसै (म्र)लाके दे भलेग्रां म्रपने रंगें च रंगोये दे हुंदे न ते किश पर गुम्रांढी रीति-रवाजें दा प्रभाव दिक्खने गी मिलदा ऐ।

ड्गार प्रदेशों दे रीति-रवाजें च बी एह् बशेशता टकोह्दी नजरी ग्रींदी ऐ। इंदे च कुतै-कुतै ते भलेग्रां ग्रपनी रंगत ल'बदी ऐ पर केइयें पर गुग्रांढी प्रदेश पंजाबै दे रवाजें दा वी परभाब दिक्खने गी मिलदा ऐ।

इस विच्च दनां वी शक्क नेईं जे धरती वक्खरें-वक्खरें धर्में ते विश्वासें दी भूमि ऐ, पर इस गल्लें गी वी झुठलाया नेईं जाई सकदा जे डुग्गर दे मते सारे वसनीक हिन्दू धर्में गी मन्नने ब्राले न, इसकरी डुग्गर दे रीति-रवाजें पर मता प्रभाव हिन्दू संस्कृति दा गै रेहा ऐ।

हिन्दू-संस्कार : हिन्दू-धर्मशास्तरें च मनुक्खें ग्रास्तें जिनें सोह् लें संस्कारें गी करना जरूरी गलाया गेदा ऐ, उंदे च डुग्गरवासी हिन्दुयें दी गूढ़ ग्रास्था ऐ। उंग्रां ते सारे भारती समाज च इनें संस्कारें ग्रास्ते मानता ऐ पर प्हाड़ी प्रांतें दा समाज होने दे कारण, डुग्गर समाज च इनें संस्कारें दे मौके कीते जाने स्राले रीति-रवाजें पर वड़ी शरदा ऐ। जन्म, व्याह् ते मृत्यु—ए त्रैवै संस्कार स्रनेक रीति-रवाजें कन्ने जुड़े देन।

जन्म सरबन्धी संस्कार: जन्म सरबन्धी रीति-रवाजें दी बिलक्खनता वड़ी रोचक ऐ। भलेठी दा ज्याणा होना होऐ तां स्राशाबैंती (गर्भवती) गी स्रठमै म्हीने पुन्नेस्रां श्राले दिन 'पीढ़ैं' बुहालेस्रा जन्दा ऐ। त्याणी उसगी स्रोदे प्योके थमां त्राए दे प्याजी जां पीले टल्ले लुस्राइयें, उसदी गोदा सगन (खोपा, बदाम, छुहारे ते नगदी) पाइयें गर्भवती दा सिर गुंददी ऐ। इस मौके पर सुहागनां विहाइयां गांदियां न, जिंदे च गर्भवती स्रपने घरैस्राले कशा भांत-सभांतियें चीजें दी मांग करदी ऐ। धर्मशास्तरें च इस संस्कारें गी 'पुंसवन' जां 'सीमन्तोत्नयन' संस्कार गलाया गेदा ऐ। डुग्गर प्रदेश च इसगी 'ठोआं' जां रीतां-रीतीं स्राखेस्रा जंदा ऐ।

गर्भवती दी इच्छेग्रा गी संस्कृत भाशा च 'दोह्द' ग्रर्थात् "दौं हिरदें दी इच्छेग्रा' ग्राबेग्रा गेग्रा ए । संस्कृत दे परिसद्ध नाटककार भवभूति दे उत्तरराम चिरत नाटक च रघ्कृल दे गुरु विशिष्ठ ते उंदी धर्मपत्नी ग्ररुम्धती श्रीराम होरें गी चेचा स्नेहा भेजदे न जे ग्री गर्भवती सीतां दे 'दोह्द' गी श्रीराम होरें गी चेचा स्नेहा भेजदे न जे ग्री गर्भवती सीतां दे 'गर्भें च पलें करदे ज्याणें दी इच्छेग्रा वी शामल ऐ । बहुं-बहुं मनोविग्यानकें दा बी गलाना ऐ जे मनुक्खी जीवनें दे संस्कारें दी रचना दा सिरीगनेश गर्भें थमां गै रम्भ होई जंदा ऐ । ग्रर्जुन पुत्तर ग्रीभमन्यु ने माऊ दी कुक्खें च गैं ग्रर्जुन-शा चक्रद्यह् गी बेधने दी कला सिक्खी ही । गर्भवती दी इस ग्रर्जुन-शा चक्रद्यह् गी बेधने दी कला सिक्खी ही । गर्भवती दी इस उर्जुग पूर्ति लेई गै खबरें डुग्गर प्रदेशें च भलेठी दा ज्याणा होने-शा पैह्लें 'रीतें' दे मौक प्यौकेग्रा नेकां पदार्थ—िजदे च भांत-सभांते पक्रवान पापड़, 'रीतें' दे मौक प्यौकेग्रा नेकां पदार्थ —िजदे च भांत-सभांते पक्रवान पापड़, पक्तेड़े, मिट्गे-लूनके बब्बरू, घ्यूर, छमके दे छोले, फुलबड़ियां, भल्ले बगैरा ते मठिग्राई—भेजने दा रवाज चलेग्रा होना ऐ । इस सारे पदार्थ समूह गी ते मठिग्राई—भेजने दा रवाज चलेग्रा होना ऐ । इस सारे पदार्थ समूह गी 'लींदा' गलाया जंदा ऐ । ए 'लींदा' किश गर्भवती गी खाने ग्रास्ते दित्ता जंदा ऐ ते बाकी दा साक-सरबन्धियें ते छंड-गुआंड च वंडी दित्ता जंदा ऐ ।

लींदे दे थोड़े चिरै पिच्छू नौमै म्हीनै प्यौकेग्रा गै सुढू दा भांडा भेजेग्रा जंदा ऐ। सुढ, बदाम, पिस्ता, गरी-छुहारे, सौंगी, काजू, मगज, गोंद ग्रादि देसी घ्योऐ च तिलयै कट्ठे रलाये दा इक स्वादला, मिट्ठा खाद्य पदार्थ होंदा ऐ। पैह्ले सस्ते समें च 'सुंढै' दी चाटी भरियै भेजी

जंदी ही । धियू गी पणाक बी ते कन्नै पितलू दी वालटी जां बलटोई बी। पर ग्रज्ज 'सुंढ' भेजने दी छड़ी रस्म गैं बची दी ऐ। ग्रायें थाह्रें पही बी थोड़ी-मती 'सुंढ' भेजी जंदी ऐ पर शैंह्रें च भेजने ग्रालें ग्रास्तै एह् रवाज इक ठुक मात्तर ऐ ते खाने ग्राले बी 'सुंढू' दे थाह्र ताकती ग्राले कैपसूल खाना भला भांदे न।

जिकर धियू दे पहुँ ला पुत्तर होई जा तां प्यौकियें पर इक होर बोझ ग्राई जन्दा ऐ। खबर सुनदे गैं दुढ़-खंड ते पैसे भेजने पौंदे न। पंजमे रोज धियू दे बर्त पुत्रारने आस्तै नौल, धोती दी मूंगी दी दाल, देसी ध्यो भेजेग्रा जंदा ऐ। बारमै रोज ञ्याणें गी कच्ची तन्द पाने दा रवाज ऐ। प्रसूता दे प्यौकेआ जागते दा कूरतू, माऊ दे टल्ले, सगन ते सूत्तरें दे गण्डी मारियें बनाये गेदे ने धागे—इक ञ्याणे ग्रास्तें, इक उसदी माऊ ग्रास्तें ते कंजकू आस्तें भेजे जंदे न। इंयां गैं इक्कियें दिनें जद सूत्तरा (नां) पाया जंदा ऐ, उस दिन बी प्रसूता दे प्यौकेग्रा उस लेई प्याजी, पीले जां सूहे टल्ले (जनेही रीत होऐ) जागतें लेई थवीक मताबक पंज, सत्त, आरां जां इक्की फराकू, स्वटेस्क, टोपू, बूटू समेत, बर्छना, खटोह्लू, कंगनू, ञ्याणं लेई भांडे—ग्रक्सर चिमचा, प्लेट, गलासू, कौली, दुढ़ें ग्राली शीशी ते खडौने भेजे जंदे न। धियू दी सस्सू-सौह्रें गी, ननानू, देरें-जेठें, दरानियें-जठानियें गी बी टल्ले भेजे जंदे न। मट्ठियें जां कर्लेंह्र दी भाजी बी भेजी जंदी ऐ। मोन्ननें गी बी इन्ना किश जां इस थमां मता बी देने दा रवाज रेहा ऐ। ग्रज्जकल ए रवाज बड़ा सादा बनी गेग्रा ऐ।

ए रवाज ते हे प्रस्ता दे प्यौंके घर कन्ते सरबन्धत रक्खने ग्राले । सौह रे घर च जेह डियां रीतां कीतियां जंदियां न, ग्रोह इस चाल्ली न । लाड़ी जद-जद वी पीढ़ बुहाली जन्दी ऐ, (ठोग्रां, स्तरे ते मोन्ननें दे मौकें) उसदे देर उस पर छतड़ी तानदे न ते इस ग्रास्त लग्ग लैंदे न—ए पैसे बी लाड़ी दे प्यौंकेग्रा दा औदे न । लाड़ी पीढ़ेआ उट्ठिय सस्सू-सौह रे, जेठें-जठानियें ते साकों, बहु -बडेरें दे पैर बंददी ऐ ते उनेंगी बी पैर बंदाई दिदी ऐ । ग्रोह सब व्याणे परा ते लाड़ी परा वारंडा करिये न्याणी ते झीरी गी दिदे न । नाई कह ल बजांदा ऐ । बुग्रा सूत्तरे गी व्याणे दा नां रखदी ऐ ते लग्ग लैंदी ऐ । मुहानीं पूजियां जिन्दयां न । केइयें दे रवाज होंदा ऐ, जोड़ (लाड़ी-म्हराज) पूजने दा, केइयें कुलें च—जियां ब्रै ह्मणें दी सपोलिये

पाद्धें दे खानदाने च बब्ब-धी, पूजने दी रीति चलदी ग्रावै दी ऐ। इनें मौकें पर धामां-धूनियां बी होंदियां न। गीत बी गाये जन्दे न। कुड़ियें दे जम्मने पर एह् सब रवाज नेई होंदे। किश-इक घरें च जेकर थोड़ा-मता किश करने दा रवाज चलदा बी ऐ तां ग्रो बी बड़ा सादा।

जागत दे जम्मने कन्ने किश-इक रीति-रवाज ऐसे बी जुड़े दे न, जिनेंगी नभाना बड़ा कठन ऐ, पर पही बी लोक बड़े चाएं-चाएं उनेंगी करदे ते मनदे न । जियां 'ढकाइयें ब्रैह्मणे' दे घर जागत जम्मने पर जनानी नै जागत दे मोन्नने तगर गिद्दी ब'न्ननी पौंदी ऐ। घरैआले (पित) कन्ने बोल-चाल बंद रक्खनी पौदी ऐ। जेकर गल्ल करनी बी पर्वे तां कंछा म्रल मूं ह् करिये उसी गल्ल सनाई जाई सकदी ऐ। पति कन्ने लड़ छुहाना बी रीति-रवाजें दा ग्रपमान करना ते कुलदेवतें गी नराज करना समझेग्रा जंदा ऐ। जेकर भुल्ल होई बी जा तां ग्रपने देवतें अगों मत्थे रगड़ने पौंदे न । म्हाज ने दियें किश जातें च जागत जम्मने कशा लेइये मोन्नने तगर— माऊ ते जागतै, दौनें चिट्टे टल्ले, स्यालै स्वैटर, शाल वी चिट्टे लाने पौंदे न, होर ते होर वछुने वी चिट्टे गै बछाने पौंदे न। इंयां गै केई कुलें च जागत दे मोन्नने तगर प्याजी रंगै दे टल्लें, केइयें दे सूहे ते केइयें दे पीले रंगें दे टल्ले लाना मनाही ऐ। कुड़ी होई जा तां कोई परहेज नेईं। ब्रैह्मणें दी रीण जाति दे कुलै च कुड़ियें गी ब्याह् थमां पैह्लें सूहे टल्ले लाने, सूहियां बंगां पाने ते मैंह्दी लाने दी रोक ऐ। इस कुलै दी कुड़ियें गी व्होंदे बेल्लै बी चूड़ा नेई पाया जंदा। केइयें घरें च जागती दे मोन्नने तगर माऊ नै मैंह्दी जां बुटने कन्नै नेईं छोह्ना होंदा। पुत्तरै पिंड-पानी देना होंदा ऐ, इस कामना मुजब मौरीं इनें बंधनें गी हस्सियें पालदियां न । पुत्तर गी जनेऊ पाने दे मौके बी केई रीति-रवाज नभाए जंदे न। जेह् ड़े समूचे भारत च — दक्खन गी छोड़ियै, लगभग रलदे-मिलदे न । इक पुत्तर न्हेरे घरैदा चराग मिथेग्रा जंदा ऐ। उसी शुक्रै (ग्रैह्) दी ग्रवख गलाया जंदा ऐ । त्रौं धीयें परा होने म्राला पुत्तर 'त्रेलड़' खुआंदा ऐ । कुड़ियें बारे ग्राखेग्रा जंदा ऐ, 'धी इक बी मान नेईं'। राजपूत घरानें च पैह् लें-पैह्लें कुड़ी जम्मनें पर उसी दब्बी दित्ता जंदा हा । प्रसूता गी जिसले ञ्याणा होने ग्राली तकलीफ शुरू होंदी तां घरै दी पिछली वाड़ी जां पचवाड़ इक गत्त कड्ढी दित्ता जंदा । जेकर कुड़ी होंदी तां उसदे मूंहां च गुड़ै दी डली पाइये सूहा दबट्टू पलेटिये उसी दब्बी दित्ता जंदा। पर जेकर जागत जम्मी पौंदा तां गत्ते च गुड़, पैसे धरिये गत्त पूरेश्रा जंदा हा। डुग्गर च ए रवाज महाराजा प्रतापसिंह होरें बंद करवाया हा।

ब्याह सरबन्धी संस्कार : डुगगर च व्याह संस्कार होरनें सबनें संस्कारें कोला प्रधान संस्कार मन्नेग्रा गेग्रा ऐ। मनुक्खी जीवन च इसदी बडी म्हता ऐ। इस संस्कार कन्नै केई रस्मां-विक्ख-विक्ख थाह रें दियां बशेशतां लेइये जुड़ी दियां न । हिन्दू धर्मशास्तरें च व्याह् अट्ठें भांतियें देदस्से गेदेन। उन्देचा त्रौं भांतियें देब्याह् डुग्गर प्रदेश च बी प्रचलत न। स्रोह त्रै न— (1) धर्में पुन्नें, (2) दोह री ते (3) मूल्ल देइये। उच्चे हिन्दू घरानें च धर्में-पुन्नें गै ब्याह् कीते जंदे न । कुड़ी कशा बड़ा ते गैल कुड़ी दे गुण-कर्म, सभाऽ मतावक जागत तृष्पियै कुड़ी गी दाज-दानै समेत ब्याही देना गै धर्में-पुन्ने ख्यादा ऐ। लोह् कियें हिन्दू जातियें च दोह्र देइये ब्याह् रचाने दा रवाज ग्राम रेहा ऐ। ग्रज्ज बी ग्राएं थाह्रें इस रीति दा प्रचलन ऐ। जिस घर पुत्तर व्याह्ना होंदा ऐ, उत्थे धी वी देनी पौंदी ऐ। नकम्मे ते खुट्टे पुत्तरें गी बसाने दे जतनें कारण गै इस चाल्ली दे ब्याह् दी शुरुआत होई दी ल'बदी ऐ। इस ब्याह् प्रणाली च कर्दे-करें बेकसूर कुड़ियें गी बली दा बकरा बनना पौंदा ऐ। जेकर इक घर दी नूं ह् कलैं ह्णी, करकसा होऐ ते उसी सौह्रिये घरा कड्ढी लान तां उन्दी धियू गी-जेह्ड़ी पुत्तरै दे बट्टै दित्ती दी होंदी ऐ-भामें निर्दोश होऐ, उसदे सीह्रिये बी कड्डी लांदे न । मुल्ल लेइये धियां व्याही देने दा रवाज डुगगर दे उप्परले प्हाड़ेंच कुदरै-कुदरै टामां-टामां प्रचलत ऐ। विधवा-ब्याह् दा साढ़ रवाज नेई। लौह्कियें जातें च विधवायें कन्ने देर दबट्टा व्हाई लैंदे न।

हुगगर च कड़माई ते ब्याह् दियां प्रचलत काफी सारियां रीतां-रस्मां गुआंढी प्रदेश पंजाब दियें रस्में कन्ने रलिंदयां-मिलिंदियां न । कड़माई बेल्लें कुड़ी दा भ्राऽ—िनक्का होऐ जां बहुा, भनोए गी टिक्का लांदा ऐ। फलफ्लूट, मठेग्राई, सगनै दा थाल, घड़ी जां इठी ते होर ग्राड़गम-शड़गम कन्ने दक्खन, जागतै दे घर भेजी दित्ते जंदे न । ग्राज्जकल जागतै ग्राले ग्रापूं वी कुड़ी ग्रालें दे सहने पर ग्राइयै सगन लेई बी जंदे। कुड़ी दा साक तुप्पन, कुड़ी ग्रालें गै जागतै ग्रालें दे जंदे न । मुसलमानें च ए रवाज

बिपरीत ऐ। कुड़ी दी मंग्ग उन्दे च जागतै स्राले करदे न। उसै कुड़ी गी सगन-टल्ले देन ग्रौंदे न, पही कुड़ी ग्राले बी जंदे न। मुसलमानें च माऊ दे दुढ़ै गी छोड़ियै होर सबनें कन्नै—तायें, चाचें, फुफ्फरीं, मासियें, मामें दे जागत-कुड़ियां ग्रापू -विच्चें व्याह् करी सकदे न, पर हिन्दू परिवारें च कुड़ी-जागते दा गोत्तर वी वक्ख-वक्ख होना चाहिदा ऐ। खजूरिये-खजूरियें कन्ते व्याह् नेई करी सकदे, जेकर कुड़ी म्रालें दी जात जागतें दे ननेहालियें दी जात होऐ तां मामे-नानें दोह्तरे दी जान्नी नेईं जंदे। जेकर उठी वी जाङन तां जान्नी कन्ने रुट्टी नेईं खंदे। धियें दे व्याह् पर लोक पैह्ले जुग्राइयें गी (जेकर विड्डियां धियां व्होई दियां होन) वी जान्नी कन्ने रुट्टी खान बुहालदे न । बेदी बिच्च धोती पैह्ले बहु जुम्राई गी देइये पही नमें गी, इंयां गै कुड़ी बर्धाने बेल्लै म्हराजै गी जेह्ड़ा तमोल दिता जंदा ऐ, म्रोह् वी पैह्ले बहु जुम्राई गी देइयै, पही नमें गी दिसा जन्दा ऐ। डुगार दे हिन्दू घरानें च कुड़ी दे सौह्रे घरें दी कोई वी चीज खाने दा रवाज नेईं, धी लैंने दा थाह्र होंदी ऐ! उसदे घरा दा किश खाना पान समझेग्रा जन्दा ऐ । प्योकिये गरीव भामें होन, तंगी च गुजर करी लैंगन पर धियू दे घरा नेई खंदे । जेकर दोह्तरा कमांदा होऐ तां स्रोह् किश देऐ, उसी लैना बुरा नेई मन्नेग्रा जन्दा । अज्जकल एह् रवाज बी र्णंह्रें थाह्रें ढिल्ला पौंदा जा दा ऐ। पंजाब च ए रवाज विलक्ल बक्खरा ऐ। उत्थें धियू दे घर जाइयें रीह्ने, खाने पीने दी पूरी खुंल्ल ऐ।

े व्याह् -संस्कार कन्ने जुड़े दे किश रीति रवाज कुड़ी ते जागते दौनें दे घर इक्कै-जनेह् सम्पन्न कीते जन्दे न । जियां —दौनें घरें दियां जनानियां सगन लें दियां न, दौनें घरें दरेहास रक्खेश्रा जन्दा ऐ, गंढी पाइयां जन्दियां मगन लें दियां न, दौनें घरें दरेहास रक्खेश्रा जन्दा ऐ। दौनें गी धार्मक न, कुड़ी-जागते गी ग्रपने-ग्रपने घर गान्नां बद्दा जन्दा ऐ। दौनें गी धार्मक मनान (सांत) कराया जन्दा ऐ। नौग्रैह पूजन. ब्रह्मभोज अर्थात् सांती दा पनान (सांत) कराया जन्दा ऐ। महराजें गी दौनें घरें प्रस्थान थमां पहलें तमोल भन्त खलाया जन्दा ऐ। महराजें गी दौनें घरें प्रस्थान थमां पहलें तमोल पर टंगेआ जन्दा ऐ। दौनें घरें सांती दे बाद तोरण, घरें दे मुक्ख दरोग्राजे पर टंगेआ जन्दा ऐ। सांत होने दे बाद जनानियों गी सिज्जे दे छोले दौन पर टंगेआ जन्दा ऐ। सांत होने दे बाद जनानियों गी सिज्जे दे छोले दौन पर टंगेआ जन्दा ऐ। सांत होने दे बाद जनानियों गी सिज्जे दे छोले दौन पर टंगेआ जन्दा ऐ। सांत होने पर सांती दे बाद व्होने ग्राले गी घ्यूर दौ कोलियां दिन्ते जन्दे न। दौनें गी सांती दी चौकी परा, काले कम्बलें च खाने गी दिन्ते जन्दे न। दौनें गी सांती दी चौकी परा, काले कम्बलें दे गीत लपटोएं दें गी—मामा ठुग्रालदा ऐ। दौनें घरें च हास्से-मखोलें दे गीत

(सिटिनियां) गाए जन्दे न । दौनें पास्सेग्रा नमीं व्याह्ता गी भाजी देइयै टोरेग्रा जन्दा ऐ। दौनें घरें कैह्ल बजदी ऐ। न्याणी ग्रारती वंदांदी ऐ। पर किश इक रीति-रवाज दौनें घरें च वक्ख-वक्ख ढंगै कन्ने सम्पन्न कीते जन्दे न । जागतें ग्राले जान्नी चाढ़ियें कुड़ी ग्रालें दे जन्दे न । जान्नी दरोग्राजे ग्राई पुज्जने पर कुड़ी दा वव्ब जागतें दे वव्बै कन्नै मिलनी करियें उसदे पैरें नौंदा ऐ। उसी वंदोगी (ग्रज्जकल कम्बल जां शाल) दिंदा ऐ। हत्थ जोड़दा ऐ। जागत छड़बाले समेत घोड़े पर बैठे दा ए दक्ख दिखदा ऐ। जिस बिच कुड़ी दा बव्ब, मामा, भ्राठ उसदे वव्बै, मामे, भ्राऊ कशा ग्रक्कें कुतैं खुञ्ज होई जाने दी सम्भावना च हत्थ जोड़ियें माफी मंगा दे होन। साढ़ै नमें जमातरे गी सिद्दा गै घर लेने दा रवाज नेईं। उसगी कुसैं दूए घर—जिसगी 'लुहा ग्राला घर' गलाया जन्दा ऐ, बुहालेग्रा जन्दा ऐ ते सगनें-म्हतें घर ग्रानेग्रा जन्दा ऐ।

ब्याह् पढ़ोने दी रस्म म्हूर्तें मतावक, अवसर रातीं दे चौथे पहु रैं च पूरी कीती जन्दी ऐ। जागतें म्रालें पासेआ पन्त-परोह्त ते जां पही जागतें दा कोई इक दोस्त जां भ्राऽ बेदी च वे'ई सकदा हा। म्राज्जें म्राला लेखा सौह्रें घरें दे मदें दी पूरी रींह्ग नेईं ही लगदी। वेदी दा सारा खर्च कुड़ी म्राले पास्सेम्रा गैं कीता जन्दा ऐ। कुड़में दा पैसा लुम्राना धर्में दा उलंघन करना मिथेम्रा गेम्रा ऐ। कुड़ी नानके दा जोड़ा लाइयें वेदी वौंदी ऐ, उये लाइयें सौह्रें जन्दी ऐ। सौह्रियें पास्सेम्रा भेजे दा छड़ा चक्क, परांदा, मुहागपुड़ा ते किलहार कुड़ी गी पुम्राया जन्दा ऐ। सौह्रियें वरासूई वेदी च दिस्सयें वापस लेई जन्दे न। इस मौकें जनानियां भजन गांदियां न, जिन्दे च ब्रह्मा, कपला गऊ, कृष्ण मुरार दा उल्लेख होए दा होंदा ऐ।

प्रायं थाह् रें च जान्नी जिसलें रुट्टी खान बाँह् दी ऐ तां जनानियांकुड़ियां जागतें दे बब्बै दा, मामे, तायें, चाचें, भ्रायें ते उन्दियें जनानियें
दे नां लेई-लेई सिटनियां दिन्दियां न । ओह् वी बुरा नेई मनदे, पर, ग्रज्जकल जोका एह् रवाज घटी जा दा ऐ । कुड़ियां ब्होने गी ग्राए दे जीजे दे
बूट छपैंली ग्रोड़िदयां न ते पही लग्ग लेइयै दिन्दियां न । उस वचैरे गी
वेदी बैठे दे कदें बसकुए चोबदियां न, कदें चूं डियां पोड़िदयां न । जेकर
उन्न करीचिड़ियां नेई ग्रांदी दियां होन तां उसी छंद सनाने पर मजबूर
करी दिन्दियां न । कदें उसी सावनें दी वरफी खलाइयै, कदें उस कशा

मांह् मनसवाइयै हासा पाई धरदियां न।

ग्रगले रोज जिसले कुड़ी सौह्रै घर पुजदी ऐ तां दरोग्राजे पर खड़ोती दियां जनानियां मखौली गीतें कन्ने उसदा स्वागत करदियां न। उसदी सस्स, पुत्तरै-नूंहै परा पानी वारदी ऐ। ए पानी वारने दी रीति सत्त बारी दुहराई जन्दी ऐ। मां पानी वारिये पीन लगदी ऐ ते पुत्तर उसी रोकी लैंदा ऐ। ए प्रक्रिया जागतै दियां मासियां, मामियां, ताइयां, चाचियां ते फुफ्फरीं बी करदियां न। लाड़ी दियां ननानां उसदा रस्ता रोकदियां न। ग्रग्गें धागा तानदियां न ते भ्राऊ-शा लग्ग लेइये उसी लाड़ी समेत घर-परवेश करन दिन्दियां न।

लाड़ी-म्हराजं गी दरेग्रासं ग्रगों बुहाली दित्ता जन्दा ऐ। पंत होर मंत्रोच्चारण करिय दौनें कोला कुलदेवता गी प्रणाम करोग्रांदे न, दरेग्रासं च रक्खी राधा-कृष्ण दी मूरत गी मत्था टकोग्रांदे न ते इस कृतें लेई दक्खना प्राप्त करदे न। पही गुरू होंदे न साढ़े दूए रीति-रवाज जेह्ड़े समाज च खबर कद्थामां मानता प्राप्त न ते जिनें गी करने दा धर्मशास्तरें च आदेश नेई ऐ। इंदी तफसील इंयां ऐ:—

पैह्लें लाड़ी कोला गुल्लरे दियां मुट्टां भराइयां जिन्दियां न । गुल्लरा श्रोह् खाद्य पदार्थ होंदा ऐ जिसगी चौलें दा करूरा आटा पीह्यै, घ्योऐ च भुन्निऐ, उस विच सौगी, ठूठी, खंड ते होर थवीकै मतावक मुक्के मेवे रलाइयै पाए दे होंदे न । लाड़ी प्यौके दा गुल्लरे दी गागर (ग्रद्धी-दुव्वी भरी दी) जां बलटोऊ, ग्रज्जकल पतीला गैं लेग्नांदियां न । लाड़ी कशा पहली मुटठ गुल्लरे दी पंतै गी, पही ननानू गी ते पही बाकी साकें गी दुग्नांदे न । इंयां गैं घ्योऐ दी मुट्ठ भराइयै पंतै गी दुग्नांदे न । सौह्रा साह्व पैसें ग्राली गुथली — जिस विच भनघट पेदा होंदा ऐ, लाड़ी ग्रग्गें करदे न । ग्रोह् उस विच्चा मुट्ठ भरियै पंते गी दिदी ऐ । मुट्टां भराने दा रवाज लाड़ी दे दिलै दी दलेरी जां कंजूसी जाचने दी भावना कन्नै शुरू होआ होना ऐ । पर जिसी ग्रज्जें दे मैंह्गाई दे जुगै च बी सरक्खत रक्खे दा ऐ।

शैह्रें च कुड़ी कन्नै लागनां भेजने दा रवाज हून खत्म होई गेम्रा ऐ, पर डुग्गर दे ग्राएं थाह्रें दा ब्होइये शैह्र औने म्रालियें कुड़ियें कन्नै ग्रज्जकल बी दों लागनां ग्रौंदियां न । ए दो जनानियां इक झीरी ते दूई

न्याणी होंदियां न । पह ्लें साढ़ै लौह ्कियां-लौह ्कियां कुड़ियां व्याही देने दी रीत ही। सुनने च ग्रौंदा ऐ जे छें-छें म्हीनें दियां कुड़ियां वी व्याही दित्ती जिन्दयां हियां, जिनें गी दुद्ध पलेग्राने ग्रास्तै माऊ गी बी धिय दे सौह्रै जाना पौंदा हा । बारें-तेह्रें ब'रें दियां कुड़ियां ब्याह्रेन दा स्राम रवाज हा। इस्सै करी लागनां भेजने दी वी रस्म बनी होनी ऐ। कीजे लौह की-व्याणी कुड़ी वट्टियें-बद्धे पाए दे सुन्ने-चांदी दे गैह नें गी गुम्राई नेई ग्रोड । शरमै दे मारे क्स गी गलाऽ वी नेई । क्त व्याणी धी. माऊ-बब्बै ते भैनें-भ्राएं दे बजोगै च रोंदी गै नेईं र'वै। इसकरी उसी दम-दलासा देने लेई-उसदी सांब-सम्हाल करने दी खातर लागनां भेजने दी रीत गुरू होई, जेह ्डी अर्जे वी हरिकाम ऐ। इनें लागनें गी कड़ी दे सौह रिये इक पशाक, मठेग्राई ते नगदी देइयं वर्धांदे न । गूल्लरे ग्राला बल्टोऊ जां कोई होर भांडा जे-िकश वी प्यौिकयें भेजे दा होएे ---ओ न्याणी गी देई दित्ता जन्दा ऐ। दमें लागना किन्ने-किन्ने गै घ्यर गंढी बन्नियै लेई ग्रींदियां। साढ़ै रवाज हा जे व्होइयै पैह्ली वारी गेदे सौह्रें दे घरा दा किश नेई खाना। गलाया जन्दा हा जे सौह्रें दा नाज जेकर खादा जाग तां प्योकियें गी दानै दा पुन्न-फल नेई ध्होना। इसकरी कुड़ियां दौं-त्रै रोज जे कदें रौह्ना बी पर्वे तां वी उत्थें जात नाला नेईं हियां करदियां, सौह रिये उस ग्रमों जे किश वी खाने गी टकांदे, ग्रोह सव किश दवैं लागनां वंड्रियै ग्रपनियें गंडें च ब'न्नी लैंदियां न । श़ैद इस्सै करी कुड़ियों गी सौह्रै भेजदे बेल्लै पालकी च सुहाग पटारी रक्खने दा रवाज श्रज्ज वी हरीकाम ऐ। सुहाग पटारी च मिट्ठे-लूनके खाद्य-पदार्थ (मठेग्राइयां) पाए दे होंदेन। ए चीजां कुड़ी सीह्रें देघर बी खाई सकदी ऐ। इसदा ख्याल लागनें रक्खना होंदा ऐ।

लाड़ी रातीं लागनें कन्नै गैं सौंदी ऐ। दूए रोज स्नान करियें ननानू दे पास्सेग्रा बनोग्राई दी पशाक लांदी ऐ। सौह् रियें दियां शंगारें दियां चीजां वरतदी ऐ ते पहीं लाड़ी गी इक गुट्ठा वटाई दित्ता जन्दा ऐ। हल्ले-म्हल्ले दियां जनानियां ग्राइयें मसाह्नी दिन्दियां न ते लाड़ी दा झुंड गुहाड़ियें मूंह् दिक्खदियां न। घरें दे सब जीव पहली रातीं गैं गुल्लरे वगैरा दियां मुट्ठियां भरने दे परैंत, दरेग्रासें ग्रग्गें मसाह्नी देई-देई मूंह् दिक्खी लैंदे न। सबनें थमां पहलें सस्स दिखदी ऐ ते गैह्ना-बंधा मसाह्नी

पुत्रांदी ऐ। पहीं सीह्रा होर मसाह्नी च गैह्ने-बंधे दिंदे न ते मूंह्र दिक्खी लैंदेन। इंयां वारी-वारी पहीं दूए साक करदे न, वस इस्सें लें गै सीह्रे ते होर उसदे भ्रांएं-भाइयें गी लाड़ी दिक्खने दा प्रधिकार ऐ, पहीं पिच्छुग्रां उन्दे कणा लाड़ी नै परदा करना पौंदा ऐ। एह् इक बारी बी मूंह्र इसकरी दस्सेग्रा जन्दा ऐ जे जेकर ग्रोह् भुल्ले-कृत्यें कृतें लाड़ी दे ग्रामनै-सामनै होई जान तां उनें गी दोण नेई लग्गै। सीह्रा जां जेठ वगैरा जिसलें वी बाह्रा घर ग्रौदे न तां पैह्लें खङ्गियें ग्रौदे न, तां जे नूंहां जां लीह्कियां भरजाइयां परदा करी लैन। राह्-रीतां करियें— ग्रथित् रकादे फेरियें, वीती-बुहालियें, लाड़ी गी प्यौकें भेजेग्रा जन्दा ऐ। जेकर कुड़ी ग्रालें जुग्राइयें गी वी सद्दे दा होऐ तां ओह् बी जन्दा।

पही द्या फेरा होंदा, जिसी 'दफेह्रा' जां 'रफेह्रा' गलाया जन्दा ऐ। पैह्लें-पैह्लें रफेहरे बेल्लें बी इक लागन भेजदे हे, पर ग्रज्जकल ए रवाज नेई रेहा। रफेह्रे गी बी मां-बव्च दत देइयें धी टोरदे न। रफेह्रै रेहा एफेह्रे गी बी मां-बव्च दत देइयें धी टोरदे न। रफेह्र रे रौह्न गेदी धियू गी सादा भेजने दा रवाज ग्रज्ज बी बरकरार ऐ। भ्राऽ भाजी, टल्ले लेइयें भैनू गी सद्धी औंदा ऐ. पही भामें सोह्रियें उस कन्नें गैं भेजी देन जां पिच्छुयां भेजन - एह् रेही उन्दी मरजी।

धियू गी व्होए दे पैह ले ब'रैं औन भ्राले ध्यारें गी प्योकेग्रा जे किण भेजेशा दित्ता जन्दा ऐ ते जे किशा सीह रिये दिंदे न, उन्दा व्योरा ध्यारें

दे अंतर्गत दित्ता जा दा एं।

द्याह् च कुड़ी आले घर त्रै धामां—सांती दा भत्त, जान्नी दी रुट्टी
ते चाव नां कन्नै मण्हूर ऐ। सांती दे भत्तै च छोलें दी दाल, मांहें दी दाल,
मिट्ठा-चिट्टा भत्त ते अम्बल बनाया जन्दा ऐ। जान्नी दी रुट्टी च श्रीपलाऽ,
मंधरे, श्रीरिया बगैरा प्रमुख खाद्यपदार्थ होंदे न। चाब, कुड़ी ते जागतै
संधरे, श्रीरिया बगैरा प्रमुख खाद्यपदार्थ होंदे न। चाब, कुड़ी ते जागतै
दौनें दे घर बनने आला दपह रीं दा भोजन होंदा ऐ, जिस विच्च सुच्चियां,
कड़ाह, मंधरे, पलाऽ बगैरा बनाये जन्दे न।

पैह्ले समें च जागते दे व्याह् पर 'बलाह्' बंडने दा रवाज हा।
पहले समें च जागते दे व्याह् पर 'बलाह्' बंडने दा रवाज हा।
वलाह् भल्लें दे जोड़ें गी गलाया जन्दा ऐ। घर परती दौं-दौं, चार-चार,
वलाह् भल्लें दे जोड़ें गी गलाया जन्दा ऐ। घर परती दौं-दौं, चार-चार,
विज्ञा वर्तन होऐ जां जिन्ने जीव घर दे होन, उन्ने जोड़े 'बलाह्' वंडे जन्दे
हि। जेकर कुसै दे ज्याणा होना होंदा हा, उसदे हिस्से दा बी 'बलाह्'
वंडेग्रा जन्दा हा। ग्रज्जकल ए रवाज बन्द होई गेदा ऐ, ग्रज्जकल ग्राएं

च ब्याहें पर पतासे ते शैह्रें च पंजें-पंजें वालू शाहियें आले जां लड्ड्यें श्राले जां मिट्ठियें ते वर्फी दियें टुकड़ियें आले डब्वे, जिन्ना-जिन्ना वर्तन होऐ— दित्ते जन्दे न। शैह्रें च बंडने-वंडाने दा रवाज मुकदा गै जा करदा ऐ।

कुड़ी ग्रालें गी मुंड़ा ते मुंड़ें ग्रालें गी कुड़ी तुष्पिय सरबन्ध जुड़ाने ग्राले बचौले गी रवारा गलाया जन्दा ऐ। दो सिर जोड़ने दा कम्म बड़े पुन्नै ग्राला कम्म समझेग्रा जन्दा ऐ। जेकर कोई दुक्ख होऐ तां रवारे गी बदी गैं थहोंदी ऐ। ते जेकर कुड़में-कुड़में दी शैल बनी जा जां जागत कुड़ी दी ग्राप्ट्र-बिचें शैल बनी जा तां उसगी शैल भागें दा फल गलांदे न।

दाज-दान देने ते लैंने दा बड़ा रवाज ऐ। पैह्ले ते गौ-मैंह् वी दाजै च दिदे हें। हून कुतै-कुतै ग्राएं च ए रवाज बचेदा ऐ। कुड़ी दे सौह्रे-परिवार दे सारे जीबें गी पशाकां पाइयां जिन्दयां न, जिनें गी 'नौंगणें' जां 'टोले' आखेग्रा जन्दा ऐ। सस्सू गी पंज पशाकां, गर्म शाल, किश गैह्ना बी, जागतें गी दौं सूट, इक गर्म ते दूग्रा ठंडा, होरनें गी इक-इक सूट। ग्रज्जकल मर्दानें जोड़ें कन्नै 'स्वैटर' ते जनानके कन्नै गर्म शालां देने दी रस्म चली पेदी ऐ। पित्तलू दे भांडें दै थाह्र स्टील दे भांडे ते नुमारी पलंग दे थाह्र ढोई ग्राले पलंग, ग्राएं थाह्र रें बी लोक देग्रा करदे न। पहीं बी ब्याहें च उन्ना खुंल्ला खर्च-खराबा ग्रज्जकल नेईं होंदा, जिन्ना पैह्लें होंदा हा। पैह्लें नन्दरोड़ ब्याह्-शा ग्रट्ठ दिन पैह्लें ग्राई ढुकदा हा ते ब्याह् दे ग्रट्ठ-दस रोज पिच्छुम्रां वर्धदा हा। ग्रज्ज इक रोज ग्रीदा ऐ तां दूए रोज टुरदा बनदा ऐ।

मौती सरबन्धी संस्कार: जन्म ते व्याह् दे बाद प्राणी जीवन दी इक होर प्रमुख घटना मृत्यु ऐ। मनुक्खी जीवन दी ए कट्टर सच्चाई ऐ। मृत्यु अवश्यंभावी ऐ, साढ़ पराने, ऋषियें-मुनियें मृत्यु गी जीवन दी शुरुग्रात गलाया दा ऐ, देह धारियें दी प्रकृति ग्राखेग्रा ऐ ते जीवन गी उसदा विकार। ग्रात्मा दा चोला बदलना गै मृत्यु ऐ। मतलब ए जे इस घटना कन्नै बी थाह्रै दियां रीतां-रस्मां जुड़ी दियां न। हस्सने ते रोने दे ढंग बी इक थाह्रै कशा दूए च बक्खो-बक्ख होंदे न।

डुग्गर प्रदेश च जुयाने दी मौती गी 'हैफै दी मौत' गलाया जन्दा ऐ। बुड्ढे दी मौती पर हासे-मखोलै याले प्रोग्राम बी कीते जन्दे न। मृत गी हिन्दू लोक फूकदेन, मुसलमान दबदेन। त्रौं ब'रें-शा लौह्का ज्याणा मरी जा तां उसगी हिन्दू लोक बी दबदे न । निहंग सिक्ख लौह्के ज्याणे गी दरेआ च रड़ाई दिंदे न । सुहागन जनानी मरी जा तां उसी गंगारियै चिखा पर चाढ़दे न ते लम्बू पैरें पास्सेग्रा लाया जन्दा ऐ। पर जेकर विधवा मरै तां उसी सिरै पास्सेग्रा लांवा लाया जन्दा ऐ। जुआन मृतक पर चिट्टा कपफन, बुड्ढे पर थवीकै मताबक दशाला, सुहागनी जनानी पर रंगदार कपफन पाइयै किड़ा कड्ढेआ जन्दा ऐ।

ग्रायें च किड़ा घर गै घड़ाया जन्दा ऐ, शहरों च शमशान घाटा थमां गै नुआया जन्दा ऐ। ग्रायें च इक-इक लकड़ी नड़ोए जाने ग्राले घरा-घरा लेन्देन। शहरों शमशान कच्छ खु'ल्ले देटालें थमां किट्ठी बारां तेरां मन लकड़ी खरीदी जन्दी ऐ लकड़ी दे पैसे मरने ग्राले देसौह्रियें ते मरने ग्राली दे प्योकिये दिन्देन।

मरने ग्राले प्राणी गी नुहालियै नमें टल्ले लुग्राइयै, उसदे मूंहैं च पंजरत्नी (सुन्ना, पित्तल, चांदी, मूंगा ते मोती दी मुरकी) पाइये किड़े च संखारने ग्रास्तै लेई जन्दे न, मरने आले देसाक मर्द ग्रायें थाह्रे भट्ट करोग्रान्देन । बहुा पुत्तर भुंगी ब न्नदा ऐ । नंगे पैरें पिण्ड बट्टने दी समग्री ग्राली त्राम्यड़ी चुक्कियै शव दै पिच्छै-पिच्छै शमणान जन्दा ऐ । ^४ उयै **ला**म्बा लान्दा ऐ । मृतक दा कोई इक साक कोरा घड़ा—जिसी 'वल्टाह' ग्राखेग्रा जन्दा ऐ – लेइये चलदा। शमशान पृज्जिये चिखा कशा थोड़ा पैह्ले इक थाह्र एह् 'बल्टाह' भन्नी दित्ती जन्दी ऐ, जिसदा ग्रर्थ ए दस्सना ऐ जे शरीर—जिस विचा ग्रात्मा निकली गेई ऐ—इक खाली घड़े सतुल्लं ऐ— निरर्थक ऐ । मुडदे गी ग्रग्ग लाइयै लोक चन्दन, घ्यो, केसर, मुण्क-कपूर सुटदे न ते वैदिक मैन्तर पढ़दे न । मृतक गी फूकियं घर आनिये घरै दे मर्द किट्ठे ढांऽ मारदे न । जनानियां णव गी भेजियै बेह् ई खंड़ोइयै पिटदियां न ते पही घरै दी बड्डी-बडेरी मृतक दी मल्ह (चादर, सरैह्ना, टल्ले) लेइयै नड़ोए दे अग्में-अग्में र्वन पांदी कुसै पन्यसि पर (दरया-तलाऽ) जन्दी ऐ। पिच्छें-पिच्छें साकें ते हल्लें-म्हल्ले दियां जनानियां जन्दियां न । जिस दिन मृतक गी संखोरेग्रा जन्दा ऐ, उस दिन गै घर दे कुसै दरोग्राजे कन्ने इक कुन्नी छेद करिये पानिये नै भरिये टंगी दित्ती जन्दी ऐ । इसगी 'त्रेह्ड़ी' गलांदे न । इस चा पानी तोपा-तोपा चौंदा रौंह्दा ऐ ते इस सच्चाई गी चेता करांदा ऐ जे इस जीवन दी ग्रवधि, इस पानी ग्राला लेखा पल-पल, खिन-खिन घटदी जन्दी ऐ। इसकरी मनुक्ख इसगी चंगे कम्में लाई लै।

डोगरें घरें च दस दिन सोग चलदा ऐ। सलूने च बसार नेई पाए जन्दे, दाली गी तड़का शूं करिये नेईं लाया जन्दा। परौंठी नेईं पकदी। भंगी ग्राले ग्रास्तै, गैल-गैल पकवान पकदे न। उसने कर्में तगर इक्के डंग रुट्टी खानी होंदी ऐ। घर दियां जनानियां छे म्हीने इक डंग रुट्टी खिन्दयां रौंह दियां न । केई - केई व'रा-भर, जेकर इस समें विच घर कोई ब्याह् जुड़ी पर्व तां सोग भज्जी जन्दा ऐ। पही जनानियां चिट्टा दवट्टा लीना छोड़ी दिन्दियां न ते नवक लौंग बी पाई लैंदियां न । ब्रैह्मणें दे जारमें दिन, खत्तरियें दे तेरमै ते म्हाजनें दे सतारमें रोज कर्म होंदा ऐ। सब्बं जातां छें म्हीने परैंत अद्भवारखी, सालै गी वारखी ते चौं व'रें पिच्छं चव'री करदियां न । पैह्ले व'रा-भर मृतक दा म्हीनै-म्हीनै मामक कीता जन्दा ऐ। रोज उसदे निमत्त गवैं गी रुट्टी खलाई जन्दी ऐ, जिसी 'नेति' ग्राखदे न। कर्म, ग्रद्धवारखी, बारखी ते चव'री गी मृतक ग्रास्तै खट्ट, बछैना, भांडे, राशन, टल्ले, पैरें दा जोड़ा, छतड़ी, लालटैन, फल-फूट, सव्जिया, मटेम्राइयां ते नगदी लाया जन्दा ऐ। चब'री गी सुन्ने दी ङूठी वी लाई जन्दी ऐ। जनानी होऐ तां हार-शंगारै दियां चीजां वी शेजा पर धरियां जन्दियां न । कर्में दियां, श्रद्धबारखी ते बारखी दियां चीजां चारजी लैंदे न, पर चव'री दियां पंत-परोह्त ते धियां-ध्यानां लेई लैंदियां न।

वुड्ढे दा मरना डुग्गर प्रदेश च इक खास ढंगै कन्नै कीता जन्दा ऐ। वुड्ढे दियां धियां ते रोंदियां गैं न पर नूं हें गी रोन घट्ट गैं ग्रींदा ऐ। दूग्रा नूं हें दियां भैंनां, परजाइयां उनेंगी स्हाने ग्रालियां गल्लां करी-करी स्हांदियां न। इसकरी ग्राएं थाह् रें पैह्लों पेशेवर जनानियां नयुक्त कीतियां जन्दियां हियां। ग्रोह् रोज वडलें मरने ग्राले दे ग्राई बौह् दियां ते जिसलें कल्पने ग्रालियां जनानियां किट्ठियां होंदियां, एह् पेशेवर जनानियां जिनेंगी मराशनां गलाया जन्दा हा, लुहानियां पढ़ी-पढ़ी घरैं दियों ते बाह् रैं दियों जनानियों गी ग्रब्रे-अत्थरुयों रोग्रांदियां हियां। बुड्ढे दे मरने पर बुड्ढे दियां सिक्कयां नूंहां, भरजाइयां शैल-शैल भारे-भारे कुर्ते (डोगरी कुर्ते) ट्रैंकों चा किड्ड्यै—जित्थें वैठी दियां होन, उत्थें इक रस्सी पर टंगी दिदियां न ते पही एह् कुर्ते कम्मनें च ग्रर्थात् झीरी, परोह्तानी, न्याणी, मराशनै, कम्हेयारी, जलाही ते दसालनी च बंडी दित्ते जन्दे हे। इस रीतै

गी 'कुर्ते खोलना' गलाया जन्दा हा। बुड्ढा मरने ग्राले घर पंत रोज तरकालें 'गरुड़ पुराण' बाचदा ऐ, होर बी लोक सुनन ग्राँदे न। पग्ग ब'न्नने ग्राले रोज बुड्ढे दे कुड़म कड़ाही चढ़ोग्रांदे न। पूड़ी, कड़ाह, बनदा ऐ। पोतरे-दोह तरे, जुग्राई खाई लैंदे न, पर नूं हां-धियां नेई खिन्दयां। वहोई दियां धियां जिसलें अपने-ग्रपने घर जान लगदियां न तां उनें गी इक-इक सूट दिला जन्दा ऐ ते कन्ने 'शकारां' ते खण्ड पाई दिली जन्दी ऐ। नूं हें दियां भैनां, भरजाइयां बुड्ढी, बुड्ढे दी लाग्ने गी, जिस कमरे च ग्रोह पेदी होऐ, जन्दरा मारी दिदियां न ते पही मृतक दे पुत्तरा-शा लग्ग लेइयें जन्दरा खोलदियां न। लेने मौकें सुहाग जां घोड़ियां गांदियां न।

जेकर कोई जनानी विधवा होई जा तां उसदे प्यौकिये बी ग्रपने घर पंज रोज सोग करदे न, न्होंन-धोन करदे न। दसमै रोज धियू गी रंडेपा (टल्ले, पैसे, गैह ना ते राशन वगैरा) देन जन्दे न। धियू दे घर कोल पुज्जिय जनानियां दुहात्यड़ां मारी-मारी पिटदियां न ते मर्द ढाई मारदे न। रंडेपा ठंडे बारें सुट्टेग्रा जन्दा ऐ। जिन्नियां जनानियां साकें गेदियां होन, टिन्तयां गै विधवा दे पैरें च रपेऽ टकांदियां जिन्दयां न। इनें पैसें गी 'बुरे दे पैसे' गलाया जन्दा ऐ। बिधवा इनें पैसें दी कोई चीज — चेतै रक्खने जोग बनोआई लेंदी ऐ। कमें च लगाने आली मती सारी रसद बी प्योकियै दिदे न। पही मोड़मी कान बी दित्ती जन्दी ऐ।

बुड्ढा मरै जां जुआन उसिदयां ग्रस्थियां, जिनेंगी 'फुल्ल' ग्राखेग्रा जन्दा ऐ, त्रिय्ये दिन चुनियां जिन्दियां न ते उनेंगी गंगा प्रवाही दित्ता जन्दा ऐ, पर जेकर कोई 'कुआरा जागत' जां कुड़ी मरी जा तां जिन्ना चिर ग्रो जिल्ये भस्म नेई होई जा — िकश जने उत्थें पैह्रा दिंदे रौंह्र दे न । वश्वास कीता जन्दा ऐ जे 'कुआरे मृतक दी सुग्राह्र,' चुिक्कये तांत्रिक लोक उसदी कहैं गी भड़कांदे न ते केइयें दे शरीरें गी कश्ट पजांदे न । अज्जकल मृत्यु स्टू गी भड़कांदे न ते केइयें दे शरीरें गी कश्ट पजांदे न । अज्जकल मृत्यु सरबन्धी रीति-रवाज बी बड़े घटदे जा करदे न । लोकें कश समां गै नेई सरबन्धी रीति-रवाज बी बड़े घटदे जा करदे न । लोकें कश समां गै नेई होंदा जे ओह् फूड़ी पाइयें दस्स-तेरां करन, गरुड़ ब्हालन । रोने-पिट्टने दा रवाज बी नेई रेहा, ना गै मूं ह्र्-न्हेरे उद्वियें घर दियां जनानियां 'शब्द' दा रवाज बी नेई रेहा, ना गै मूं ह्र्-न्हेरे उद्वियें घर दियां जनानियां 'शब्द' गै करदियां न । कल्पन ग्रौने ग्रालियां बी घट्ट गै 'गलें लग्गना' पसन्द करदियां गै करदियां न । कल्पन ग्रौने ग्रालियां बी घट्ट गै 'गलें लग्गना' पसन्द करदियां न । ना कोई 'पल्ला' पांदी ऐ ते ना गै कोई 'कीर्णे' करदी ऐ । सब ग्रपने- ग्रपने कम्में च रुज्झी जन्दे न । ग्राएं थाह्र रें अजें पही बी किश इक रीति-

रवाज बचे दे न- शैह्रें च एह् मरी-मुक्की जा करदे न। कुंगलियां-नाजक देहीं कुत्यें रेही दियां न पिट्टने-क्ट्टने जोह डियां, देसी घ्योऐ दे थाह्र डालडा खाई-खाई साह्-सत्त वी कुत्थै रेहा दा ऐ। हून लोकें च एह रस्मां नभाने ग्रास्ते, शैह रेंच ते कल्पने ग्राले बार-तार बी नेई दिखदे, पर ग्रांएं थाह्रों लोक ठंडे बारें (तार मंगल, बीर छोड़ियें) कल्पन जन्दे न । इस कन्ने घरैश्रालें गी बी विच-विच इक दिन वश्राम करने ताई थ्होई जन्दा ऐ।

मेले-पर्वे कन्नै जुड़े दे रबाज : इन्दे लावा बी होर मते सारे रीति-रवाज न, जेह् इं डोगरा जन-जीवन ते डोगरा-संस्कृति पर लो पांदे न । डोगरे मेलें-मसादे जाने दे शकीन होंदे न। झिड़ी दा मेला, बुड्ढापुर, पुरमण्डल ते उत्तरबैंह् नी लग्गने ग्राले शिवचौदेग्रा दे मेले, सिद्ध सुआंखे दा मेला, बसोए दा मेला, बावे भोतो दा मेला वगैरा इत्थुं दे प्रसिद्ध मेले न। जनानियां-मर्द सब्बै मेले जन्दे न। घरा दा बब्बर, जिनेंगी खमीरे बी गलाया जन्दा ऐ-- पकाइयै म्राल् तड़िकयै ते म्रम्बै दा चार पाइयै स्ट्री लेई जन्दे न। मेले च जलेबियां खाने दा इनें गी बशेश मोह होंदा ऐ। ग्राई जनानियां नैंह पालण, बंगां ते खशबोई ग्राला सावन खरीददियां न। मर्द फोटू खचोग्राने दे शकीन होंदे न। शीलवैं तियें दियें देह रियें पर लग्गने म्राले मेलें पर लंगर लगदे न । जेह् इे लोक इत्थें लंगर नेई चखदे, ग्रोह् घर खारका दिंदे न

डुगगर प्रदेश च जेह्, इं पर्व ते ध्यार मनाने दा रवाज ऐ, उन्दे चा प्रमुख न – बसोग्रा, धर्मध्याड़ा, राड़े जां सकोलड़े जां सामे, रक्खड़पुन्नेग्रा, नागपैचमी, ठागरें दा वर्त, वच्छदुग्राह्, द्रुबड़ी, नराते, विद्धी दी पुन्नेग्रा, करेम्राचौथ, धनत्रयोदण, दियाली, वीरदुतिया, होई, तुलसीवर्त, ग्रत्रैण, भ्गा, वसैंतपैंचमी, होली, शिवरात्री बगैरा।

धमं-ध्याड़े ते रवाज: पह्ली वारी औने ग्राले धर्मध्याड़े गी लोक ग्रपनी धियू गी गागर कन्ने राशन, टल्ले, फल-फूट ते नगदी दिंदे न ते ग्रत्रैणी गी 'खिचड़ी' भेजदे न । खिचड़ी दा ग्रर्थ धियू गी पशाक, उसदी सस्सू गी टल्ले कन्नै बीह्-पञ्जी सेर, केई मन-मन चौल, पंज-पंज जां थवीका मताबक घट्ट-घट्ट बी, केइयें भांतियें दियां दालां, घ्यो, खंड, देहीं, फल-फूट, सब्जी, नगदी ते होर लटरम-पटरम-विड़यां, पापड़, सीयां

बगैरा दी बैह्गी बनाइये झीरे गी भेजदे न। नूहें गी डुग्गरबासी पैह्ली लोह्ड़ी गी, सकोलड़े दे ध्यारे गी ते करेग्राचौथी गी 'ध्यार' भेजदे न। इनें ध्यारें दे इक-दौं रोज पुज्ज नूहां प्यौके उठी जिन्द्यां न। पिच्छुग्रां देर 'ध्यार' लेइये जन्दे न।

श्नान-दान ते रवाज: संगरांदी गी चौदेश्रा-मस्सेश्रा गी लोक पन्यासें पर न्हौन जन्दे न। नरातें च नौ दिन देवी दी मैह्मा गाई जन्दी ऐ। घर-घर दुर्गापूजन होंदा ऐ। कुड़ियां निदयें पर न्हौन रोज बड़ जै जिन्दियां न, भेटां गांदियां न ते संजां जिंदे घर देवी दी मिट्टी दी मूरतें दी थापना कीती दी होंदी ऐ, साख राह ई दी होंदी ऐ—उन्दे घर किट्ठियां होइयें, अपने घरा बनाइयें लेते दे भांत-सबांत पकवान खन्दियां न। ए प्रोग्राम सत्त रोज चलदा ऐ। इस सामूहक भोजन गी 'चूटी' गलाया जन्दा ऐ। ग्रठमै रोज रातीं उस्सें घर चौं-चौं कुड़ियों गी ग्रैल-ग्रैल टल्ले लोग्राइयें राधा-कृष्ण ते गोपियों दे रूपें च चित्रियां इक मञ्च-जन बनाए दे उच्चे थाह र बुहाली दित्ता जन्दा ऐ। हल्ले-म्हल्ले दे लोक, सादा पुज्जने पर, काह न-गोपियों दे दर्शन करन ग्रोंदे न। पैसे चाढ़रे न ते नवेद लैंदे न। किश कुड़ियां उत्थें बेइयें कृष्ण दी स्तुति दे रूपें च भजन गांदियां न। दूए रोज ए पैसे ते होर गरी-छुहारे, जेह ड़े लोकें चाढ़े दे होंदे न—ग्रापूं-बिचें वरोवर बंडी लैंदियां न।

नौमी गी साख निवया प्रवाही दित्ती जन्दी ऐ। खौह्रे बारें साख नेई प्रवाही जन्दी। ग्रग्निमी घर-घर कञ्जकां पूजने दा रवाज ऐ। किश लोक छें-छें म्हीनें दुर्गा पाठ पंडते शा करोग्रांदे न। ग्रो ते नौमी गी कन्यापूजन करदे न, पर ग्राम लोक ग्रग्निमी गी कड़ाह्-पूड़ी बनाइये दुर्गा-सरूप लौह्कियें-लौह्कियें कुड़ियें दे मत्थे सूहा टिक्का लाइये, सज्जै हत्थ ख'म्मनी व'न्निये खाद्यपदार्थ ते पैसे कन्नै गै साखै दा बी इक-इक तीला कुड़ियें गी देइये उन्दे चरणें च शीश नुग्रांदे न।

बर्ते-मर्ते, मोखं सरबन्धी रीति-रवाज : डोगरे लोकं च वर्ते-उपवासें दी बी बड़ी मानता ऐ। वर्त ज्यादातर जनानियां रखदियां न। करेग्राचौथ, वच्छदुग्राह, द्रुबड़ी, भुग्गा, बिद्दी दी पुन्नेग्रा, चन्ननछठ छड़े जनानके बर्त न। पुन्नेग्रा, कास्ती, ठागरें दा वर्त, नरातें दे बर्त, शिवें दा वर्त मर्द बी रखदे न। इसदे लावा केई लोक संगारें-संगारें, केई मंगर्ले-मंगलें नत्त रखदेन। तारें-बारें नत्त रक्खने दा बी साढ़ें रवाज ऐ। बतें भी फलोहार खाने दा रवाज ऐ ते नत्तें भी इक डंग मिट्ठा भोजन खाने दी रीत ऐ।

कुसै निश्चत ग्रवधि तक वर्त-नत्त रक्खने परेंत डुगगर नवासी इन्द्रा मोख बी करदे न । वर्त उर्य रक्खे जन्दे न, जिंदा खीरै च मोख वी करना होऐ। एह् रीत-रस्म डुगगर च चिरै थमां चलदी ग्रावें करदी ऐ। मोख करियें गरीव बेंह्मणें गी—ग्रक्सर मोख कराने ग्राले गी दित्ता जन्दा ऐ। चन्ननछठी दा मोख करियें ननानू गी दित्ता जन्दा ऐ ते करेआचौथी दा मोख सस्सूगी। डुगगर दे वसनीकें च धर्म-कर्म करने ते दान देने च बड़ी गरदा ऐ। यग्ग-मोख देने दे पिच्छें बी परलोक सधारने दी भावना प्रमुख से'ई होंदी ऐ। दान देने दी प्रक्रिया कन्ने केई रस्मां-रवाज जुड़े दे न। ऐसा गैं इक रवाज 'वेआ' गुरू करने दा ते पिच्छुग्रा उसदा मोख करने दा ऐ।

दान दा रूप-बेग्ना: 'बेग्ना' सरगांदी गी दित्ता जन्दा ऐ ते ब'रे पिच्छुयां इसदा मोख करियें उस्सै गी टल्ले, खाद्यपदार्थ ते नगदी दित्ते जन्दे न, जिसने बारां सरगांदां 'बेआ' लेग्ना दा होवें। किश प्रमुख बेए इंयां न, 'सस्सू' गी म्होने-म्हीने ठूठी देने दा, सौह्रे दी गोदा पतासे पाने दा, जठानी दे पैरें छिल्लियां (बिछुए) पुग्नाने दा, ज्याणें च सौंगी बंडने दा, घरें दा बनेरा लिम्बने-पोचने दा, परनाले-शा पानी बगाने दा, ब्रैह्मणै गी सरगांदी-सरगांदी दुढ पलेग्नाने दा, सुहागनी दे मत्थें टिक्का लाइयें उसी ख'म्मनी दी अट्टी ते गुड़ें दी रोडी देने दा, पंज बदाम ते छेमां पाने दा बीड़ा देने दा, गैह्ली च दिय्या बालियें टकाने दा, मलाह् गी इक पूरें दे दरया पार-स्थ्रार जाने-ग्राने दा कराया-भाड़ा देने दा, पैह्रेदारें गी स्ट्टी ते कम्बल देने दा, 'करेग्राचौथी' ते 'बिट्टी दी पुन्नेग्ना' गी ते नूं हां सस्सरीं गी पंजावें च बी 'बेग्ना' दिदियां न। एह् गल्ल बशेश करियें ध्यान देने जोग ऐ जे बेआ देने दा रवाज जनानी जातें कन्मै जुड़े दा ऐ। मर्द बेग्ना नेई दिदे पर बरों-नत्तें दा मोख करी लैंदे न।

धर्में च आस्था होने करी ईश्वर-क्रोपी-शा डरदे बी न । सर्व-कारज सिद्धी आस्तै देवियें-देवतें अगों मन्ततां बी मनदे न । बाह् वै छिल्लियां सुखदे न । वैष्णो माता दे छत्तर चाढ़ने दा संकल्प करदे न ते जिसले मुराद पूरी होई जन्दी ऐ, उसले सुक्खनां चाढ़दे बी न । डुग्गर च पीरें-फकीरें दियें मजारें पर बी सबनें धर्में दे लोकें दे जाने दा रवाज ऐ। लोक पीरें दियें दरगाहें पर बीरवारें मिट्ठा रुट्ट चाढ़दे न, उत्थें दिय्या बालदे न, सुक्खनां पूरियां होई जान तां सैलें रंगा दां झंडा बी चाढ़दे न। डुग्गर च धर्म दे मामले च पूरी ग्रजादी ऐ। लोक केइयें देवतें गी पूजदे न। शिवें दी बी मैह्मा ऐ, देवियें दी वी प्रतिशठा ऐ, राधास्वामिये कृष्णद्वारिये, ग्रायंसमाजिये, सनातिनये, सिक्ख, ईसाई, इस्लाम गी मन्नने ग्राले लोक आपूं च रिलयें रौंह्दे न ते सबनें धर्में नी समझदे न। ग्रुभ मौकें पर जियां—बरसगढें पर नौग्रेंह् पूजन ते हवन बी कीता जन्दा ऐ।

नमीं फसल जदूं साल च दौं बारी घर श्रोंदी ऐ तां उसदा प्रयोग पैह्ले खारकों, मेलों आस्तै, मुसलमानें दै न्याज-रसम श्रास्तै बर्ती जन्दी ऐ। मंगने ग्रालें गी साढ़ै कदें दरीग्राजे-णा खाली नेई टोरेग्री जन्दा।

शिव दे निमत्त नन्दीगण छोड़ने दा बी रवाज ऐ। शैल जुग्रांटड़ा बच्छा नशान लुग्राइयै खुरेल्ला छोड़ी दित्ता जन्दा ऐ, पही उसदा नशान दिक्खियै उसी कोई फड़दा नेई, फाटक डकदा नेई।

गरीव ब्रह्मण परिवार गी ग्यासन लाने दा रवाज बी डुग्गर प्रदेश दी चेची बशेशता ऐ। रोज दपह री बनने ग्राली रसोई चा घरा परती दों फुलके, भत्त ते सलूना कुस गरीव ब्रह्मण गी दित्ता जन्दा ऐ। इय भोजन ग्यासन खुग्रांदा ऐ। डुग्गर दे गुग्रांढी प्रदेश पंजाब च इसगी 'हन्दा' ग्राखेशा जन्दा ऐ। जेह डा ग्यासन बसाखी ग्राल रोज कोला लेइय हाड़ी संगरांदी जन्दा ऐ। जेह डा ग्यासन बसाखी ग्राल रोज कोला लेइय हाड़ी संगरांदी तगर दित्ता जन्दा ऐ उसी धमैड़ा गलाया जन्दा ऐ। धमैड़ा उस दत्त दा बी तगर दित्ता जन्दा ऐ उसी धमैड़ा गलाया जन्दा ऐ। धमैड़ा उस दत्ती दा बी नां ऐ जेह ड़ी धियू गी व्याह दे पहले ब'रे हाड़ी संगरांदी गी दित्ती जन्दी ऐ।

रबख-बूटें दी पूजा: केइयें बनस्पतियें गी पूजने दा रवाज बी डुगार प्रदेश च प्रचलत ऐ। बड़ें (अश्वस्य) गी संगारों, मंगलबारें ते शनिबारें जान चाढ़ेग्रा जन्दा ऐ। केई लोक ते तार दा दिन छोड़ियें रोज गें बड़पूजन जल चाढ़ेग्रा जन्दा ऐ। केई लोक ते तार दा दिन छोड़ियें रोज गें बड़पूजन करदे न। संगारी मस्सेग्रा गी बड़ें दियां इक सौ ग्रट्ठ पकरमां लैंने दा, करदे न। संगारी मस्सेग्रा गी बड़ें दियां इक सौ ग्रट्ठ पकरमां लैंने दा, कर ते न वि गिनतरी च नवेद चाढ़ने दी बी रीत ऐ। पुन्नेग्रा गी इक सौ ग्रट्ठ दी गिनतरी च नवेद चाढ़ने दी बी रीत ऐ। पुन्नेग्रा गी बड़पूजने दी बड़ी महत्ता ऐ। मंगलें, बारें बड़ें ग्रंगों काले छोले चाढ़ने, बड़पूजने दी बड़ी महत्ता ऐ। मंगलें, बारें बड़ें ग्रंगों काले छोले चाढ़ने, वहपूजने दी वड़ी महत्ता ऐ। मंगलें, बारें बड़ें ग्रंगों काले छोले चाढ़ने, वहपूजने दी वड़ी महत्ता ऐ। तुलसी दी संदूरा दा टिक्का लाने ते धूफ धखाने दा बी बड़ा महातम ऐ। तुलसी दी पूजा बी सबनें हिन्दू घरें होंदी ऐ। तुलसी दी कास्ती गी लोक पूरा दिन

बर्त रखदे न। तुलसी दा ब्याह् करदे न। तुलसी दियें साखें कन्नै, ठूठी दे कलीरे परोइयें लटकांदे न। रंग-वरंगियां झंडियां लांदे न ते भजन गांदे न। तुलसी दा चौंतरा मकोलें नें, परोले नें ते जां पही सफैदी कन्नै गैं पोचा फेरियें, उस पर भिन्न-भिन्न रंगें कन्नै चित्तर पांदे न ते पही रानीं दिय्ये बालियें लोक तुलसी दियां पकरमा लेंदे न। किश समर्था ग्राले लोक ग्रपनी तुलसी दा कुसै गरीब ब्रैह्मणै दे ठाकरें कन्नै ब्याह् करियें दाजदान देइयें तुलसी उसगी देई दिंदे न।

कदम्ब दे हक्खें गी चादरा कन्ने खट्टिय उस हेठ न्होंने दा बी डुगगर प्रदेश च रवाज ऐ। ग्रामले दे हक्खें हेठ कुसे गरीव ब ह्याणं गी बुहालिय हट्टी खलाने ते पही उसी टल्ले (पशाक) देने दी बी साढ़े धार्मक जीवन दा इक रवाज ऐ। बिलपत्तरी शिवें पर चाढ़ी जन्दी ऐ— खारका देने ग्रास्त 'ब'ने' दा हक्ख बड़ा म्हत्तवपूर्ण मन्नेग्रा जन्दा ऐ। ग्रुभ कारजें दे मौक दरोग्राजे कन्ने ग्रम्ब दे पत्तरें दी माला बनाइय टंग्गी जन्दी ऐ। नरातें च साख राह ई जन्दी ऐ ते उसी बर्हैं कड़ू कन्ने खट्टेग्रा जन्दा ऐ। ए द्राबडा तद्रं तगर गै साख पर देने दा रवाज ऐ, जद्रं तगर जौ डूरिय विन्द-क उस्सरीं नेई लैंदे।

पशु-पूजा सरबन्धी रवाज: पशुयें ते पक्खरू-पखेरुयें दी दुनिया कन्ने सरबन्ध रखने म्राले बी केई रवाज साढ़ प्रचलत न। गऊप्रास (लोह कियां-लोह कियां म्राटे दियां टिक्कियां) आस्थावान डोगरे घरें च रोज पकाए जन्दे न ते गव गी खलाये जन्दे न । संगरांदी गी गवें गी घाऽ पाने दा वी रवाज ऐ। मृत्यु-शा पैह ते गो मनसाने दा रवाज ऐ। जेकर सरदे वेल्ल गौ नेई मनसाई जाई सक तां कर्में गी गो लाई जन्दी ऐ। नित बी गव गी खलाई जन्दी ऐ। गव दा गूत्तर चक्खे बिजन लूह तन पेदी डोगरी जनानी सुच्ची नेई हो सकदी। यूत्तर कन्ने माऊ दा स्तन धोइयें पही ज्याण गी दुढ पलेग्राया जंदा ऐ। साढ़े शुभ कारजें च पञ्जगव्य दी बड़ी महत्ता ऐ। सूई दी होऐ तां तदूं तगर उसदा दुढ़ जां ध्यो जूटा नेई कीता जन्दा जह तगर म्रो कुलदेवता गी नेई चाढ़ेग्रा जा। गो सूने परैन्त बारा रोज उससा दुढ़ नेई पीता जंदा। मेंही दा पहला दुढ़ छोड़ियें दूए डंगें दी बोह ली बी खाई लेती जन्दी ऐ। शिवें दे निमत्त केई लोक बैल छोड़दे न, जिसगी नन्दीगण

गलाया जंदा ऐ। गवै गी लोक लोहे दी सौंगल नेई पांदे कीजे कुसै कारण कोठा ढेई पौने कारण जां अग्ग लग्गने कर जां होर कुसै मसीबत् कारण जेकर बढ़ी दी गोहत्या दा दोश लग्गी जंदा ऐ, इस दोशे थमां मुक्ति तां गै थहोई सकदी ऐ जेकर हरिद्वार जाइये गऊ-घाट शेनान करिये ते सफाई म्राले कशा नुक्क छुम्राई जा । इसकरी गर्व दे गर्ल च साढ़ै रस्से दा गला पाने दा रवाज ऐ तॉ जे औखी बनने पर गो रस्सा तुड़वाइये नस्सी सके । जेकर कुसै कोला रोहै च विल्ली मरी जा तां उसी बी सुन्ने दी बिल्ली बनोग्राइये उसी मनसिये देने दी रीत गलाई गेदी ऐ । पिछला फुल्का कुत्ते गी दित्ता जदा ऐ । उंग्रां बी बुजुर्ग लोक रुट्टी खान बीह्न्देन तां थोड़ी-थोड़ी सब चीज कडि्ढये थाली दे बाह्र् धरी लैंदेन इसी बल ग्राखेग्रा जन्दा ऐ। चूटी करिये ए बल कुत्ते गी पाई दिनी जदी ऐ। जूठी रुट्टी कुत्ते गी गैं दित्ती जदी ऐहोर कुसैं जनौरै गी नेई । चिड़ियें गी ते जनानियां रुट्टी पकांदे-पकांदे गैंग्राटा खुण्डी बेह् ड़ै मुटदियां जन्दियां न । बसाखी म्रालै रोज चिड़ियें आस्तै चड़ोले लाए जंदे न । रोज उदे च सजरा पानी पाया जन्दा ऐ ते कच्छ थोड़े सारे चौल रक्खी दित्ते जंदेन। चेत्तर म्हीनै चिड़ियें गी चौलें दे थाह्र वाजरा दित्ता जन्दा ऐ। कीजे वसाखे च चिड़ियें ग्रंडें पर वेइये बोट कड्ढने होंदे न । इसकरी उनेंगी गर्मेंशा ग्रास्त वाजरा देने दी लोड़ रौंह्दी ऐ। कांएं गी सराधें च सही-सिंह्यै कोठे पर बल खलाई जन्दी ऐ। नागपैंचमी गी नागें दी वर्मी च दलस्सी पाने दा रवाज ऐ। डुग्गर प्रदेश च नागें दी पूजा कीती जन्दी ऐ। गर्भवती नःगें, सप्पें पर छौरा नेईं सुटदी । वश्वास कीता जग्दा ऐ जे ऐसा करने कारण नाग-सप्प ग्र'न्ने होई जन्दे न । कीड़े-मकोड़े पैरें हेठ मंदोई जन्दे न, इसकरी उस पाप थमां मुक्त होने दी भावना कन्नै लोक कीड़ें-मकोड़ें दियें रुड्डें च मिट्ठा पांदे न। घरैं च जित्थूं कीड़ियां निकली औन, उत्थे सुक्का भ्राटा जां वसार सुटदे न।

मान-प्रतिश्ठा बनाई रक्खने सरबन्धी किश रवाज: हुगार प्रदेश च मां-वब्ब, मामे-मासियां जां होर साक उमरी च बहु भ्राऽ वी धियें दे घरा दा किश नेई खन्दे-पींदे। ग्रांएं थाह्रें च ए रवाज बड़ा गै मानता घरा दा किश नेई खन्दे-पींदे। ग्रांएं थाह्रें च ए रवाज बड़ा गै मानता प्राप्त ऐ। ग्रांएं च ते मां-वब्ब उस ग्रां दा पानी बी नेई पींदे, जित्थें धी प्राप्त हो होऐ। धीऊ दें घर जेकर ग्रीखी भारी बनने पर जाना गै पवै तां ब्याही दी होऐ। धीऊ दें घर जेकर ग्रीखी भारी बनने पर जाना गै पवै तां उन्दे विन्ने-बैसका पर वीह्ने दा कराया बी धिऊ दी तली पर टकाई ग्रीन्दे

न। शहरें च ए रवाज इन्ना जटल नेईं रेहा, पर कट्टर सनातनी लोक अजें बी खाने-पीने दे बन्धन गी नेई त्रोड़दे। ग्रीने-जाने दी खुरल बरती लैंदे न। बहुँ भ्रा-भरजाइयां भैनू दै घर जोका खाई-पी लैंदे न।

धिक दी सस्स गी, जिसलै मिलै मत्था टेकने दा रवाज ऐ। न हां रोज वडले न्हाइये सस्सरीं-सौह रें दे पैरें गी हत्थ लाइये मत्था टेकदियां न ते सीस लैन्दियां न । इंयां ध्याड़ी भर बी जिन्ने बारी कोई बड्डी वडेरी दे घर श्रीने पर उसगी मत्था टेकना होऐ उन्ने वारी गैं कच्छ बैठी दी सस्सु जां होर घरें दी साकें बड़ी जनानी दे पैर बंदने पौंदे न। सीह रा जेठ जां होर कोई साकें बड्डा मर्द घर अन्दर औन कशा पैह्ले खङ्की-जन लैंदा ऐ ता जे नूंह झुण्ड कड़ढी लै शहर रेंच पर्दे दा रवाज बड़ा गै घटी गेम्रा ऐ। ग्रांएं थाहरें ते ननोइयें-शा बी झुण्ड कड्ढने दा रवाज ऐ। पारिवारिक समोधै पर गै लो पाने म्राला इक होर रवाज भोजन बनाने ते खलाने कन्ने सरबन्ध रखदा ऐ। जनानियां पैह्ले मदें गी रुट्टी खलाइयें पही ग्रापूं खन्दियां न । ग्रांएं थाह्रें बैहाण परोआरें च रुट्टी चौके पकदी ऐ। चौके दा मतलब ऐ जे रुट्टी पकान ब्राली गी गिही ब'न्निये जां धोती लाइये दमें बेल्ले रुट्टी पकानी पौंदी ऐ। रसोई च जिन्ना चिर चौकै खाने म्राला बुजुर्ग रुट्टी नेई खाई लै, बाकी जीव नेईं खाई सकदे। दिनें-ध्यारें रुट्टी पकाने-खलाने च बड़ी सुच्चम बर्ती जंदी ऐ। सुच्चम दी चर्चा करदेगै किश होर ऐसे रवाजें दी चर्चा करनी बी जरूरी मसूस होन लगी ऐ, जिन्दा सरबन्ध जनानी जात कन्नै ऐ। मासक धर्म दे समें च बड़ी सुच्चम बर्तने दा ध्यान रक्खेग्रा जन्दा ऐ। चार रोज जनानी कुसै कन्ने छोह् न्दी नेई । ग्रो रुट्टी पकाने दा कम्म नेई करी सकदी । न्हीने-धोने टल्ले धोने, अन्दर-बाह्र सोतने-फण्डने ग्रादिदा कम्म करी सकदी ऐ। बहुियां बुजुर्ग जनानियां उस थमां परें-परें उढ़की-उढ़की चलदियां न, भ्रम्कै ग्रो कोई जरीला नाग ऐ, छूइये खाई नेई जा। जेकर इस भृष्टी दी जनानी दे दपट्टे दा लड़ छुई बी जा तां सनें टल्ले-सिरें न्होंगन भामें भर स्याला होऐ ते भामें न्होंदे गैं सन्त होई जा। कम्म नेई करने दा एह् रवाज बनेग्रा ता इसकरी होना ऐ जे इस समें च जनानी गी (ग्र) राम थ्होग्रै पर (ग्र) रामै दै थाह्र उसी शरीरक ते मानसक दौने चाल्लीं दी वेरामी दा शकार होना पौंदा ऐ। इंयां गै ल्हूतन पेदी जनानी कन्नै बी लोक आरां दिन उक्का नेई छोह्न्दे। बारमें रोज उसी गूत्तर चखाइयै, कच्ची तन्द पुत्राइयै पही उस कन्ने

होर ज्याणे-सेयाने छोही लैंदे न, पर पूरा सूतक इनिकयें रोजें चुकदा ऐ। किश घरें च चालियें रोजें जनानी गी चौकै चाढ़ेग्रा जंदा ऐ। ग्रज्जकल ग्रामतौरै पर इक्की रोज गैं ल्हतनै दी अवधि समझी जंदी ऐ। खत्तरियें म्हाजनें दै तेह ्रमें दिन गैं नुंहै-धिऊ गी चौके चाढ़ी दित्ता जन्दा ऐ। इनें रवाजें दा प्रचलन बी प्रसुता गी मता चिर (अ) राम पजाने दी भावना कन्नै गै जुड़े दा ऐ। ड्रगर प्रदेश च सांझें-परोग्रारें दा रवाज चलदा ग्राव दा हा, पर हून वल्लें-बल्लें एह् रवाज ढिल्ला पौन्दा जा दा ऐ। कम्मै रजगारै दे सरवन्धै च ग्रांएं थाह्रें-शा म्राइय नमीं पौर्ध दे माह्नू शैह्रें बस्सा करदेन। पढ़े-लिखे दे प्रांई जागत बी टब्बर-टोर लेइये शहर्रे रीह्ना पसिन्द करै करदेन। ग्रांएंच रीह्ने ग्राले वी वक्खरी चुंरली पकाने च सन्दोख बुज्झदेन । इंयां सांझे परोग्रार हुन खींड-वींड होग्रा करदे न ते इस चाल्ली बड़े सारे रवाज ते केई रस्मां सखालने आलियां सस्सरी-मौरीं ते नूं हें-धियें-शा वक्ख-वक्ख ते दूर-दूर रौंह्न लग्गी पेइयां न । नृंहें-धीयें गी वी वैह्ल कुल्थै जे इनें निकिम्मियें (म्रज्जे दियें युवतियें दी जवानी) रीतें-ढच्चरे दे जंजालें च फसन, हां जेकर उप्परोतली दौं-त्रै कुड़ियां जम्मी पौन तां जागतै दी प्राप्ति ग्रास्तै भामें रस्में रवाजें गी सिक्खने ते वर्तने दी जानकारी ग्रास्तै सस्मरीं-मौरीं दियां खशामदां करी लैन।

99

भदरवाह् : सांस्कृतक पछोकड़

डा. प्रियतम कृष्ण

(क) धार्मक पक्ख:

धर्म दा दार्शनक जां तातवक सरूप भामें किश वी होऐ, पर, लोकें च धरम दा मतलब हुन्दा ऐ, ग्रो बचार जा ग्राचार जिसी ग्रो ग्रपनी ग्रातमा दी सन्तुश्टी लेई रोजें दे जीवनें च ग्रपनांदे न । इस्सै लेई धर्म दी व्याख्या करदे होई कुसै दा ग्राखेआ ऐ जे धर्म ओ ऐ जेह्डा धारण कीता जा।

लोक-धर्म ते श्रेष्ट-धर्म च बड़ा फर्क ऐ। 'लोक' आदम ग्रवस्था दे मते नेड़ें हुन्दा ऐ, ते 'श्रेष्ट' खरी चाल्ली सोचे-समझे दे कारनें ते प्रतिपादित संस्कारें दे नेड़ें। इस्सें लई लोक धर्म च श्रेष्ट धर्म दे मकाबले च ग्रंश्नी श्रास्था, रुढ़ि, शंका कणा पैदा होई दियां डर-जनेइयां ग्राटम प्रवृतियां ज्यादा मात्रा च मिलदियां न। प्हाड़ी क्षेत्रें च लोक-धर्म ते श्रेष्ट धर्म दोनें दे ततवें दा समाबेश ऐ, पर, पही बी ज्यादा मात्रा ग्रंश्नी ग्रास्था दी गैं ल'बदी ऐ। इस लाके दे लोकें च, श्रेष्ट देवतें च शिव ते शक्ति (देवी) दी पूजा हुंदी ऐ। लोक देवतें च नाग देवतें, लाके दे देवतें ते किण राकशी देवतें दी पूजा दी परंपरा बी ऐ। इनें सारे देवतें ते उन्दी पूजा दे विविध रूपें दा ब्योरा ख'ल्ल दिता जन्दा ऐ।

श्रेष्ठ देवते : शिव पूजा : शिवें दी पूजा ते सारे हिन्दोस्तान च कीती जन्दी ऐ, पर इतिहासक दृष्टि कन्ने दिखचै तां शिवें दा जिकर वेदें जां उपनिशदें च नेई ' श्होंदा । इयें कारण ऐ जे केई ' वचारक सोचदे न जे शिव ग्रायें दे देवते नेई ' न ते ओ इत्युग्रां दे मूल निवासिएं दे देवते न, ते समां बीतने दे कन्ने-कन्ने, ग्रायें बी इत्थें बिस्सयें उनेंगी बी ग्रपना देवता मन्नी लेग्रा। शिवें गी परवर्ते दा मालक गिरीश ग्राखेग्रा गेदा ऐ। उन्दा ब्याह् वी पारवती (पर्वत पुत्री) कन्ने गै होग्रा ते प्हाड़ी लोकगीतें च शिवें देब्याह्दा इक बड़ा गैसुन्दर वर्णन डोगरी भाशा च थ्होग्रा ऐ। 1 नेपाल थमां लेइये कश्मीर तकर शिवपूजा मती कीती जन्दी ऐ। दक्खन भारत च वी शिवजी मते मन्ने जन्दे न, ते इनें गल्लें कन्ने इस सोच गी बल मिलदा ऐ जे शिवपूजा दा लोक धर्म दे ग्रध्ययन च वड़ा म्हत्तव ऐ ।

कश्मीर शिवमत दा गढ़ मन्नेग्रा जन्दा रेहा ऐ। शिवपूजा दे मते हारे रूपें च -- जिंदा इत्थें विकास होग्रा, ते जिनें समां बीतने कन्ने, इत्युग्रां चिलियै नेड़े ते दूर दे प्हाड़ी लाकें दे लोकें गी प्रभावत कीता। स्रसेंगी मध्य युग दे नाथ-पंथ दी वाममार्गी वचारधारा दी किश छाप बी दिक्खने गी मिलदी ऐ । श्रेष्ठ समाज च शिवपूजा, शिवालयें च शिवलिंग पर पानी चढ़ाने दी किया ते शिवमूर्ति दी पूजा कन्ने सरबन्ध रक्खदी ऐ। पर प्हाड़ीलोक समाजै च इसदा रूप लोकजीवन च चलदे श्रावारदे, ग्रनेक लोक विश्वासें, ग्रनुश्ठानें, ध्यारें ते यात्राएं दे रूपे च मिलदा ऐ। एदा संखिप्त व्योंरा इस चाल्ली ऐ: - ध्यार।

(i) हेरथ: इस दिन कश्मीरी लोक शिवें दी भैरव रूपें च पूजा करदेन। कश्मीरी पंडतें दा ए सारें कशा बड्डा ध्यार मन्तेग्रा जन्दा ऐ। मास, मच्छी दा ओ बड़ा परजोग करदे न । दूए लोक इस ध्याड़ वर्त रखदे न । 'हेरथ' शब्द शिवरात्री थमां गै विगड़ियै वने दा ऐ । संस्कृत 'श' ध्विन दा कश्मीरी ते प्हाड़ी च 'ह' ध्विन च परिवर्तन ल'वदा ऐ। इंयां गै 'त' 'थ' च परिवर्तन होग्रा ऐ।

पाडर च इस्सै घ्यार गी 'शरेइत' आखदे न, पर इस घ्याड़ै उत्थें

जगराता, भजन ते कीतंन कीता जन्दा ऐ .

(ii) शिवें दे कन्ने सरवन्ध रक्खने ग्राले मते हारे निक्के ते बहुँ अनुश्ठान सारे डोगरा-प्हाड़ी लाके च मनाए जन्दे न । इन्दे च किश **दे** नां इस चाल्ली न:-

पट्लपूजा, खड़ाह्, प्याला : शिवें दे एकड़े ग्रनुश्ठान सारे प्हाड़ी लाके (भलेस, भदरवाह्, डोडा, सिराज, रामबन ते पोगल) च मनांदे न ।

^{1.} भद्रवाही लोक-साहित्य भाग 2-3; प्रियतम कृष्ण, गीत संख्या—18

नवाला, गुस्सेतन : ए अनुश्ठान डोडा दे सराज लाके च मनांदे न । घण चक्क, शंख ढाल : ए अनुश्ठान देसा ते सराज दे लाके च मनांदे न ।

बगनी¹: इसदा रवाज सारे डुग्गर लाके च ऐ।

- (iii) देह्र्रियां जां देह्र्रे: प्हाड़ी लाके च शिवमूर्ति जां शिव-लिंगें कन्ने सज्जे दे देह्रे जां निक्के-बड्डे मन्दर हर ग्रां-पिंड च थ्होंदे न, जित्थें शिवें दी पूजा हुंदी ऐ। भदरवाह्, बसोह्ली ते किंग्तवाड़ दे शिव मन्दरें कन्ने किंश इतिहासक गल्लां वी जुड़ी दियां न।
- (iv) जातां: प्हाड़ें च शिवें दी जातर दा बड़ा प्रचलन ऐ। हर ग्रां-पिड दे लोक कुसै ना कुसै शिव-जातर पर जरूर जन्दे न । कश्मीरा च ग्रमरनाथ, भदरवाह् च शिवकुण्ड जां बासकुण्ड, चम्बा च मनम्हेश, चनैह्नी च शुद्धमांह्देव, रथासी च पौनीभारख दी शिवगुफा, पुंछ च बुड्ढा ग्रमरनाथ दी जात्रा किश मण्हूर जात्रां न ।
- (v) नां: प्हाड़ी लाकें च लोक शिवें गी जिनें नांएं कन्ने कुम्रालदेन, ओ इस चाल्लीन:—

शामी: पाप शमन करने आले।

धूड़ू: जिनें शरीर गी धूड़ मली दी ऐ।

भोले: तौलै खुश होने आले।

मांह्देव, शम्भू. शिव। गद्दी इनेंगी अपना देवता मनदे न।

शक्ति पूजा: सारे प्हाड़ी लाके च जियां शिवें दी पूजा दा मता रवाज ऐ, उंग्रां गैं देवी ते माता दी बी बड़ी मानता ऐ। देह्री ते देह्रें दे रूपें च उन्दी गिनतरी होर बी मती ऐ। पर माता दे कन्ने सरबन्ध रक्खने आले अनुश्ठान इस लाके च नेईं ल'बदे। प्हाड़ी खेतरें च माता दी पूजा दे जेह्डे रूप ध्होंदे न, ओ इस चाल्ली न:—

देवालय: भदरवाह्-जनेह् ग्रलाके च माता दे कन्ने सरबन्ध रवसने आले मन्दर ग्रसेंगी दौं रूपें चल'बदे न।

(क) **ग्रांकशा बाह**्र कुसै शांत थाह्र जां जंगला च, जां प्हाड़ी

इनें सारें दे पूरे ब्योरे लेई दिक्खो, नीलजा-3, सफा—82 पर छपेदा इनें पंक्तिए दे लेखक दा लेख।

दे कुसै टिब्बे पर, जित्थे व'रे परैंत कुसै ध्याड़े मेला लगदा ऐ। इनें मेले च माता दे मन्नने ग्राले दूरैं-दूरै थमां ग्राइये ग्रपनी सुक्खन चाढ़दे न, ते निमयां सुक्खना सुखदे न। बन-जंगल दे नकेवले ठारे पर होने दी बजह् कन्ने इनेंई 'देह रिया की बनी' (बनस्थली) वी ग्राखदे न।

ग्रांच गै कोई देवी दा उपासक (चेला) ग्रापने घर दे इक पासे ग्राले कुसै कमरे च देवी माता दी स्थापना करदा ऐ, जित्थें कच्छ-गुग्रांढ दे ग्रां थमां ग्रांई ग्राइयें ग्रापनी बमारी ते दुक्ख दे कारण ते बजांह पुछदे न ते उन्दा लाज-मुग्रालजा बी करांदे न । चेला हपते दे कुसै इक बार — मंगल, बृहस्पित जां शनिबार गी देवी दी पूजा करदा ऐ ते फिरी माता दे प्रभाव च ग्राइयें उसी 'ग्रेंह्नी' ग्रांदी ऐ, ते ग्रो माता दे श्रद्धालुएं दे सवालें दा जवाब दिदा ऐ।

भदर उग्रा दे प्हाड़ी लाके च माता जिनें रूपें च मन्नी जन्दी ऐ, ग्री इस चाल्ली न:--

- 1. चोण्ड माता :— चण्डी माता दा गै रूप ऐ। इसदियां देह्र्रियां सारे प्हाड़ी लाके चन।
 - 2. सीतला: इसदा सरवन्ध्र सीतला रोग कन्ने वी ऐ।
- 3. ज्वाला माता: ज्वालामुखी जां गरम पानी दी बोली कन्ने वी इन्दा सरबन्ध ऐ। पाडर च ज्वाला माता दी इक देह्री ऐ।
- 4. भद्रकालि :—(भद्रकालिका) भदरुग्रा च इस देवी दियां मितयां देह्रियां न।
- 5. रयू शर ते शिरथल : इनें दोनीं ठारीं पर शारिका माता दे मन्दर न । रहू दे रुक्खें दे मजूब इस टिब्बे पर देवी दे मन्दर गी रयू शर देवी प्राक्षेत्रा गेता ऐ । इक बचारक दे ग्राखने दे मजूब बलीर दा सुकराला देवी प्राक्षेत्रा गेता ऐ । इक बचारक दे ग्राखने दे मजूब बलीर दा सुकराला देवी प्राक्षेत्रा गेता ऐ । इक बचारक दे ग्राखने दे मजूब बलीर दा सुकराला देवी दा मन्दर वी शारिकालय शब्द दा बिगड़े दा रूप ऐ ते इंग्रां ए देवी बी शारिका गै ऐ । पर्वत हो इंग्रां

जातां: प्हाड़ी लाके च जियां शिवें दी जात्रें दा प्रचलन ऐ, उंधां गै देवी दी जात्रां वी हुंदियां न। ए जात्रां उनें मन्दरें गी जन्दियां न, जेह्ड़े उच्चे प्हाड़ें जां टिब्बें पर बने देन। इनें जात्रें च भिड्डू जां छिल्लू

^{1.} निबन्धावली—डोगरी रिसर्च इन्स्टीच्यूट, जम्मू—1969।

दी विल दित्ती जन्दी ऐ। जात्रा दे कन्ने ढोल नरसिंहा बजदा ऐ, ते नशानी लेइये जात्रु माता दे दरवारें च जन्दे न।

नाग-पूजा: संसारा दे वक्ख-बक्ख भू-खण्डें च नागपूजा हुंदी ही। इस गल्ला दी परतीत असेंगी प्राचीनकाल दे किछ सवूतें थमां मिलदी ऐ। मिस्री, रोमी, चीनी ते जापानी धर्म सरवन्धी लोक-कत्थें च नागें ते सप्पें दा जिकर ग्रींदा ऐ। भारत च नागपूजा दा सरवन्ध मोह्न-जो-दड़ो दी सभ्यता कन्ने मनदे न। रामायण, महाभारत ते बुद्धधर्म सरवन्धी कत्थें च बी इसदा जिकर ऐ। ह्वेनसांग ते अलबेरूनी ने मध्य जुगै च कश्मीर दे केई जलस्रोतें गी नागें कन्ने सरवन्ध रक्खने दी गल्ल लिखी दी ऐ। सांगली महाराष्ट्र च ग्रज्ज बी नागपैचमी दे ध्याड़ै नागें दी फुल्लें कन्ने पूजा कीती जन्दी ऐ ते उनेई दुद्ध पलैंने दी गल्ल सुनने च ग्रांदी ऐ। इस चाल्ली अस दिक्खने ग्रां जे नागपूजा दी परम्परा काफी परानी ऐ। नागें गी देवता दे रूपें च पूजने दे केई मनोवैज्ञानक कारण होई सकदे न। लोकमानव सुभाऽ थमां गै म्हेणां संगण, भरम ते हरानगी थमां पैदा होए दे डर कशा प्रभावत रेहा ऐ ते नाग-बन्दना दे परचलन दा बी शायद इयै इक कारण होई सकदा ऐ।

पर संसारा दे दूए लाकें च ते नागपूजा दा परचलन ते लगभग मुक्की-चुक्की गेदा ऐ, पर साढ़े प्हाड़ी लाके दे लोक-धर्में च नागपूजा ग्रजें बी चलदी ग्रावारदी ऐ। प्हाड़ी लाके च कश्मीर थमां लेइयै हिमाचल तक दे सारे प्हाड़ी लाके च नागें कन्ने सरबन्ध रक्खने ग्राले मन्दर, बौलियां, मेले, ध्यार ते लोक-कत्थां मिलदियां न । इन्दा संखिष्त बरनन इस चाल्ली ऐ।

देह रे: भदरवाह दे प्हाड़ी लाके च नागें कन्ने सरबन्ध रक्खने ग्राले देह रे ते मन्दर इस चाल्ली न :—

- 1. किलरु नाग: दी देह्र्री ढडकाई भलेश च ऐ।
- 2. कांसर नाग : --दी देह् री ग्रां-जाड़, लाका पाडर, किश्तवाड़ च।
- 3. खिज्जी नाग :—दी देह्री ग्रां-हंगा, लाका भदरवाह् ।
- 4. चतुर्भुं ज नाग: दी देह् री ग्रां-मठोला, लाका भदरवाह् ।
- 5. तरवूत नाग: दी देह्री ग्रां-थुवा, लाका भदरवाह्।
- 6. वासक नाग :—दा मन्दर ग्रां गाठा, नगर भदरवाह्, ग्रां-नाठली। बड़े मश्हूर मन्दर न।

- 7. बोंत नाग :—ग्रां हालोत, लाका भररवाह् ।
- 8. मेहन नाग : ग्रां-ढलोहा, लाका भदरवाह् ।
- 9. मेहल नाग : ग्रां-मनोका, लाका भदरवाह् ।
- 10. मेह् नाग: -- ग्रां-ग्रठोली, लाका पाडर (किश्तवाड़)।
- 11. मोर नाग :--ग्रां-चन्दरभटान, लाका सिराज देसा (डोडा) ।
- 12. शांतनू नाग : ग्रां-सर्रतिगल, लाका भदरवाह्।
- 13. छेछ नाग :--ग्रां-ततवोंई, लाका पाडर (किश्तवाड़)।
- 14. सुवार नाग :—सवार-धार, लाका भदरवाह् ।
- 15. सागडू नाग : —ग्रां-सागडू, लाका कैलाड़ (भदरवाह्)।
- 16. देह्रा :—ग्रां- सैंतगढ़, लाका रामनगर।

इन्दे लावा बलीर, बनी, भड्डू ते कण्मीरा च बी नागें दे मते हारे देह्रे ते मन्दर बने दे न । प्हाड़ी लाके च नागें दे ए मन्दर जां देह्रे, ग्रां थमां बाह्र कुसै कल्ली-मकल्ली ठारी पर जां कुसै 'वनी' च गै बने दे न, जिल्थें व'रै परैन्त कुसै बड्डे ध्याड़ै गी कोई मेला लगदा ऐ, जिसी 'कुड्ढें आखदे । इस मेले च कुड्ढनाच बी हुन्दा ऐ, जेह्र्डा प्हाड़ी लाके दा विशष्ठ नाच ऐ। कन्ने चेला नागें दी पूजा करियं किश करतव, जियां — जलदी ग्रागी पर चलना, बगैरा बी दसदा ऐ। प्हाड़ी लाके च इनें कुड्ढें दा बड़ा महत्तव रेह्दा ऐ!

चश्मे ते बौलियां: ए गल्ल ध्यान देने दी ऐ जे प्हाड़ी लाके च सारे चश्में ते बौलियें दे नां कन्ने 'नाग' शब्द जुड़े दा फिलदा ऐ। कुदै-कुदै ते इनें बोलिये दी पूजा बी देवतें दे रूपें च किती जन्दी ऐ। केई बारी ए बी दिक्खने च ग्राया ऐ जे इन्नें चश्में थमां लोक ग्रपने मनै दी कामना बी पूरी हुन्दी से'ई करदे न। इनें चश्में जां नागें कन्ने केई लोक-विश्वास बी जुड़े दे न। परिनाग (किश्तवाड़) दे जलस्रोत थमां पत्थर चुक्कने पर बरखा हुन्दी ऐ, ए लोकें दा बचार ऐ। जे जन्नीं परितये नागें च सुट्टी देचै तां बरखा रुकी जन्दी ऐ। प्रिगस नाग (किश्तवाड़) दे नेड़े ग्राले ग्रां च कोई कुक्कड़ नेई पालदा, कीजे इस चाल्ली करने कन्ने कुते नुकसान होने दा डर बने दा रींह दा ऐ।

लोक माह्नू दे मनै च चश्में गी नागें दे रुपें च मन्तने दे केई' मनोवैज्ञानक कारण होई सकदे न । इसदी बजाह् ए बी होई सकदी ऐ जे चश्में थमां पानी निकलियें जदूं डींग-पडींगा बगन लगदा ऐ ते स्रोदा स्राकार इक सप्प जां नाग जेहा लगदा ऐ। केई थाह्रें पर प्हाड़ी झीलें दे पानी च चिट्टे दुढ-जनेह् सप्प (नाग) थ्होंदे न ते इनें कारणें मजूब गैं इनें चश्में दा नां नाग होई गेदा ऐ।

प्हाड़ी लाके च चण्में कन्ने सरबन्ध रक्खने ग्राले किण नागें दे नां इस चाल्ली न :—

- 1. किश्तवाड़ च:—कालीनाग, डाबरनाग, दमोलनाग, कम्मीनाग, गोरदशनाग, परिनाग, गुमाइनाग, प्रिंगसनाग, हमारनाग, पूतनाग, महलनाग।
 - 2. भलेण च : कईनाग, गल्लूनाग, वैंसरनाग, भौतड़नाग
 - 3. भदरवाह् च : —चावरनाग, बुननाग, वेरीनाग, केसरनाग।
- 4. भड्डू, बलौर, बसैंतगढ, डुडू, कश्मीरघाटी ते इस लाके दे प्हाड़ी खेतर च सैंकड़े चश्में दा नां नागें दे रूपें च थ्होंदे न ।

लोक देवते : प्हाड़ी लोक-माह्नू केई निक्के-निक्के लोक-देवतें दी पूजा बी करदा ऐ। इन्दें च केइयें दा सरबन्ध देवते कन्ने ऐ ते केइयें दा सरबन्ध देवते कन्ने ऐ ते केइयें दा सरबन्ध राकशें कन्ने ऐ। इनें सारें गी कुसै खास मोक पर गै प्रसन्न करने दी कोशश कीती जन्दी ऐ। लोक माह्नू दे मनै च इन्दी मानता दा कारण ए ऐ जे थ्रो ए समझदा ऐ जे इन्दे नराज होने करी, उसी दुख ते कण्ट होग। उनेंगी खुश करने दे तरीके अलग-अलग न। जिनेंगी लोकसमाज दे निचले वर्गें दी इक खास जात चेला, जोगी, तांत्रक भलेग्रां जानदी ऐ। इनें इलाकाई लोकदेवें दे ए पुजारी लोकमाह्नू दे दुख ते बमारी दी जांच-पड़ताल अपने तरीके कन्ने करदे न, ते उनेंगी दूर करने दा तरीका बी दसदे न। लोकदेवतें दी मानता इक खास लाके तक गै ऐ। प्हाड़ी लाके च मन्ने जाने श्राले किश लोकदेवें दा ब्यौरा ख'ल्ल दित्ता जन्दा ऐ।

कम. ग्रां लोक

लोकदेव दा नां

विवरण

- 1. मलान (डोडा) ग्राछरदेव
- 2. मलवना (डोडा) कंडेर देवता
- 3. मलवना (डोडा) चांदरवाली देवी

लोककत्थं दे मूजव चंद्रावती नां दी इक कुड़ी कुतै गुग्राची गेई ते किश चिरै परैंत इक ग्राईंगी सुखने च लंडबी ते उसी इक

दबोई दी मूरत कड्ढने गी ग्राखी गेई। ए मूरत कड्ढिये ग्रां ग्रालें जेह्ड़े मन्दर गी थापेआ ग्रो चांदर वाली देवी ग्राखी गेई।

सींखली चांसरदेव
 कुल्हांड दाता रणपत

इस लोकदेव दा सरवंध बीरपुर जम्मू कन्ने दसदे न, जित्थें दाता रणपत दा मन्दर ऐ। ग्रां म्राले ग्राखदे न जे ग्रो वी वीरपुर थमां ग्राए दे न।

6. सींखली, देसा मलान धुभदेव

7. थाना/कुल्हांड पीपर्णदेव

8. मलवन्ना महापत्तम

9. वेडली मालनदेव

10 सींखली लीडदेव (तहसील भद्रवाह्)

11. ग्रांचिता, केल्लूबीर त्रोण भेजा, मलवन्ना ए देवता महावली हनुमान जनेहा शक्ति सम्पन्न मन्नेग्रा जंदा ऐ।

राकशी लोकदेवें च टकोह् दे रूपें च केल्लू वीर दा गैं नां ग्रौंदा ऐ। केल्लू वीर दे सारे देह् रें पर कुड्ड वी लगदेन। भदरवाह् दे प्हाड़ी लाके च केल्लू बीर दा इक वड़ा मन्दर त्रोण ग्रां कश इक टिटबे पुड़ बने दा ऐ। मन्दर

मिलाओ चम्बा दे नैना देवी मन्दर दी लोक कत्थ कन्ने डा. एस. एस. शशि हुन्दी कताब — हिमाचल : नेचर्ज पेराडाइज — सफा — 85

काठै दा बने दा ऐ।

प्हाड़ी लाके दे शिश्ट समाजै व बी कदें-कहें घरें दे कुसे थ'मी गी 'बीर' मिन्नयें ओदी पूजा कीती जन्दी ऐ। बीर जां बन-बीर सरबंधी केईं लोक-विश्वास लोक समाज च मिलदे न, ते वीरदेव दी पूजा नाथ पंथ दी रहस्सपूर्ण प्रवृति दी देन बी होई सकदी ऐ।

भद्रवाह् ते डोडा दे इनें ग्रांएं-पिंडे दे लोक देवें कन्ने मिलदे-रलदे केई लोक देव पीरपंजाल ते चम्बा दे प्हाड़ी लाके च बी मिलदे न ते इनें सारें कन्ने ग्रपनी-ग्रपनी लोककत्थां लग्गी दियां न । इनें सारे लोक देवें दी मानता ग्रपने ग्रां-पिंड तगर गैंबनी दी ऐ।

साधु, पीर, फकीर—सारे भारती लोक-समाजै च महापुरुशें जां साधु-पीरें दा मान हुंदा रेह्दा ऐ। केह् राजा ते केह् परजा, सारे गैं लोक पीरें-फकीरें कश जाइयें ग्रपनी मन्तत मंगदे रेह् न। इनें साधुएं-पीरें दी समाध जां स्थानें पर वी लोक जाइयें सुक्खनां मनदे ग्राए न ते उन्दा मान करदे ग्राए न। प्हाड़ी लाके च इन्दे मठ ते समाधां दिक्खने च ग्रींदियां न। इन्दे च किश इंयां न:—

- 1. गुष्तगंगा: --- नीरू दरेग्रा दे कंढे पर बने दा ऐ।
- 2. पत्थरतोड़ पीर:—दा स्थान भदरवाह् दे तसील दफ्तर दे बेह् इंच ऐ। म्राखदेन जे ए पीर सारी ध्याड़ी पत्थर त्रोड़िये जेह्ड़ा म्राटा बनांदा हा, उस्मैं दी रुट्टी पकाइये खंदा हा।
- मूछ मरोड़ पीर:—तह्सील दफ्तर भदरज्या च ऐ। ग्राखदे न जे इस पीरै, इक बलाऽ (मूछ) पाली दी ही। ग्रोदे गले च इक थैल्ला

^{1.} डा. एस. एस. शिश दे मनावक 'केल्लू बीर' हिमाचल दे राकशी देवते दे रूपे च पूजेशा जन्दा ऐ।

लमके दा रींह्दा हा, जेह्दे च लोक ग्राटा सुट्टी ग्रोड़दे हे। इस्सै भिक्खा कन्ने पीर ग्रपना गजारा करदा हा।

4. सेईद फरीद :—दी ज्यारत किश्तवाड़ च ऐ। इस्लाम प्रचार गितै ग्राइये इनें फकीरें किश्तवाड़ दे राजें गी मुसलमान बनाया हा।

इस्सै चाल्ली प्हाड़ी लोक-समाजै च मनोंदे ग्रावारदे लोक-धर्म दे वबखरे-वक्खरे तत्तें गी समझने दे परैंत प्हाड़ी लोक माह्नू दे मनै गी समझने च ग्रसेंगी वड़ी ग्रसानी होई जन्दी ऐ।

(ख) समाजक पक्ख:

ध्यार ते अनुश्ठान : लोकें दे सांझे ध्यार : पाडर थमां लेइये रामवन ते दच्छन थमां लेइये बटोत दे सारे प्हाड़ी लाके च दर्जनें-बढ़े निक्के ते बहु ध्यार लोक मनांदे आवारदे न । इन्दे च किण दा सरबन्ध लोकें दी घर-ब्रिस्ती ते परिवारें कन्ने ऐ ते किण दा सरबन्ध लोकें दे सांझे जीवन कन्ने । इनें सांझे ध्यारें च ग्रां-पिंडा थमां आइयें इक्क ठारी किट्ठे होइयें, प्रकृति दे बेह् ड़े च लोक-माह् नू इक सांझी शांति ते प्रसन्नता लोड़दा ऐ ते कन्ने ग्रोदी आतम प्रकाशन दी प्रवृति बी इक सांझी ग्रिभिव्यक्ति कन्ने रुझदी कन्ने ग्रोदी श्रातम प्रकाशन दी प्रवृति बी इक सांझी ग्रिभिव्यक्ति कन्ने रुझदी से'ई हुंदी ऐ । किश ध्यारें च ते लोक किश घट्ट गै किट्ठे होंदे न, पर किश होर चाल्ली ते ध्यारें च (कुड्ढे च) ग्रो बड़ी गिनतरी च किट्ठे होइये खुशी मनांदे न, नचदे न ते ढोल ते बौंसरी जनेह् साज-बाज बी बजांदे न । इनें सारे ध्यारें दा ब्योरा इस चाल्ली ऐ:—

लोकें दे सांझे ध्यार: इस वर्ग च उनें ध्यारें दा उल्लेख कीता जाग, जिनेंगी लाके दे सारे लोक कट्ठे होइयें मनांदे न। इस चाल्ली दे सारे ध्यारें दा टकोह्दा उद्देश—(1) खुशी मनाना, (2) देवी-देवते दी पूजा (3) कुस्सै तीर्थ-जात्तरा कन्ने सरवन्ध जां कोई इतिहासक घटना ऐ।

1. सांझी खुशी दे ध्यार, जाट्ल: जाट्ल शब्द संस्कृत दे जात्तरा शब्द थमां गै निकले दा ऐ। भदरवाई बोल्ली दी एह् खासीत ऐ जे किश हिन्दी लफ जें च ग्राई दी 'त्र' ध्विन भदरवाई च 'ट्ल' होई जन्दी ऐ। जाट्ल दा ए ध्यार सारे प्हाड़ी लाके च बड़े हिरखं ते खुशी कल्ने मनांदे जाट्ल दा ए ध्यार सारे प्हाड़ी लाके च बड़े हिरखं ते खुशी कल्ने मनांदे जाट्ल दा ए ध्यार सारे प्हाड़ी लाके च बड़े हिरखं ते खुशी कल्ने मनांदे जाट्ल दा ए ध्यार सारे प्हाड़ी लाके च बड़े हिरखं ते खुशी कल्ने मनांदे जाट्ल दा ए जाट्ल च ग्रां दे सारे लोक ते ग'वरू कट्ठे होइयं च 'कुड्ढ' लगदा ऐ। जाट्ल च ग्रां दे सारे लोक ते ग'वरू कट्ठे होइयं जेह् डा नाच करदे न उसी 'कुड्ढ' नाच ग्राखदे न। प्हाड़ी लाके दा ए

मश्ह्र नाच ऐ। सारे प्हाड़ी लाके च जाट्लां भाद्रों म्हीने थमां गुरू होइयें कत्तक म्हीने तगर चलदियां रौंह् दियां न। वक्ख-वक्ख ग्रांएं-पिंडें च जाट्ल वक्ख-वक्ख प्रांएं-पिंडें च जाट्ल वक्ख-वक्ख प्रांडें पर मनाई जन्दी ऐ। एदा कारण, शायद ए होऐ जे इक्क ग्रांदे लोक दूए ग्रांच जाई इस जाट्ल दे ध्यार च हिस्सा लेई सकन। केई ग्रांएं दियां दो जाट्लां हुंदियां न। निक्की जाट्ल ते बड्डी जाट्ल, निक्की जाट्ल थमां इक म्हीने परैन्त बड्डी जाट्ल मनाने दा रवाज ऐ। हर ग्रां दी जाट्ल दा ग्रपना टकोह्दा नां वी ऐ। किश नां इस चाल्ली न:—

मोल: भद्रवाह् दे नालडी ग्रांदी जाट्ल ऐ, जेह्डी भाद्रो म्हीने च मनाई जन्दी ऐ। रातीं इत्थें कुड्ढ मेला लगदा ऐ।

मव: हंगे ग्रांदी जाट्ल ऐ। कपलास जात्तरा दे दूए ध्याड़े इसी मनाने दा रवाज ऐ। खजीनाग दी देह्री दे सामनै कुड्ढ लगदा ऐ।

रेउट्लान: भद्रवाह्, 'चोविया' ते 'मठोला' ग्रां च सराधें दी पैह्ली तित्थू गी ए जाट्ल मनाई जन्दी ऐ। दिनें नाग मन्दर दे सामनै इक्क टकोह्दी किरत कीती जन्दी ऐ। रातीं कुड्ढ लगदा ऐ।

शादू: सराधें दी मस्सेग्रा गी 'भेजा' ग्रां (ग्रठखार) ते मालोठी ग्रांएंच ए जाट्ल मनांदे न । रातीं कुड्ढ लगदा ऐ। ढेक्कू नाच हुंदा ऐते चेला बलदी ग्रग्गी पर नंगे पैरेंचलदा ऐ।

हिराई: हरयाली तीज गी रातीं वेल्लैं 'चिन्ता' ग्रां च ए जाट्ल मनाने दा रवाज ऐ। ए जाट्ल सारे लाके च बड़ी मण्हूर ऐ। चेला बलदी श्रग्गी पर नचदा ऐ।

गोड़: गोड़ शब्द शायद घोर शब्द दा वदले दा रूप ऐ, कीजे हिन्दी 'र' ध्विन दा लोकभाशा च 'ड़' ध्विन च परिवर्तन ग्राम ल'वदा ऐ। गोड़ जाट्ल लाके दी पैह्ली जाट्ल ऐ ते इसकरी, इसी जाट्लें दा श्रीगणेश करना ग्राक्खी सकनेग्रां। लोक इस ध्याड़ मैंत्री दी सरेग्रां सिरें पर छंड़दे न, तां जे डैनें ते चड़ेलें कशा बचाऽ होई सकै।

इन्दे ग्रलावा छठ 'घोल' नां दियां जाट्लां वी मनाइयां जिन्दयां न । भलेस लाके च जाट्लें गी मालचा वी ग्राखदे न । पाडर च इनेंगी जाठ गलांदे न । जाट्लें दा रवाज सारे सिराज (डोडा) दे लाके च वी ऐ।

2. देवी-देवतं दी पूजा दे ध्यार, रेउट्लान : रेउट्लान जाट्ल गी, जेह्, ड़ी भाद्रों म्हीने दी पुन्नेआ गी 'नगर' ते 'गाठे' दे वासकनाग दे मन्दरें

च मनाने दा रवाज ऐ-- त्रै दिन चलदी ऐ। पैह्ले ध्याड़ मन्दरै दा बजन्त्री जंगलै च जाइयै, इक निक्के द्यारै दे रुक्खै गी बड्ढी रखदा ऐ। स्रोदी उप्परली किश डालियें दे लावा सारी डालिएं गी कप्पिये स्रो उसी इक छत्तर दी शकल बनाई दिंदा ऐ। ग्रोदेतने दे निचले हिस्से दी छाल गी पुट्टिये स्रोदे पर, सन्दूर मली, स्रोदा शैल रूप बनाई दिंदा ऐ। दूए दिन, मन्दरै दा चेल्ला ते बजन्त्री जाइयै वाजे-गाजे कन्ने इस टम्मन गी ब'नै थमां ग्रानिये मन्दरै कश टंगी दिंदे न । इक भिड्डू मारिये ग्रोदा थोड़ा रत्त इस टम्मन गी लाई ग्रोड़दे न । मास पकाइयै सब बंडी लैंदे न । ए टम्मन पुजारी जां चेल्ला लेई जन्दा ऐ । लोकेंदा विश्वास ऐ जे बूटा म्रानदे समैं जे कोई ग्रोदे सामने ग्राई जा तां उस व'रै ग्रोदा काल होई जन्दा ऐ। पाडर च इस्सै ध्यारा गी 'जागरा' आखदे न । उत्थें सारी रातीं पूजा-पाठ हुंदा ऐ ते भ्यागा चेल्ला इस टम्मनै दे सिरै पर रेही दी डालिएं गी पंज वारी बलदी ग्रग्गी दे पास्सै नीमां करदा ऐ। लोकें दा जकीन ऐ जे पंजमी वारी जेह्, ड़ा मनुक्ख सारें कशा पैह्लें टम्मन दे सिरे पर लग्गी दी डालिएं गी छु'ई लैग, स्रोदे घर उस ब'रै कोई शुभ कारज होग। गाठ च चेल्ला इक किम्ब लेइयै वासकी नाग दे मन्दरै दे उप्परा लुम्रारियै सुटदा ऐ। ते मन्दरै दे पचवाड़ खड़ोते दे माह् नुएं चा जेह्डा इस किम्बा गी फगड़ी लैंग भ्रोदे घर उस व'रै पुत्तर जम्मग—इदेग्रा लोकें दा विश्वास ऐ।

चेईट: पाडर दे 'घड़' ते 'शो' ग्रांएं च लोक ए ध्यार मनांदे न। ध्यार चार दिन चलदा ऐ। 4,5 देवतें दी पूजा हुन्दी ऐ। लोक सारे मिलिय पूजा च शामल हुन्दे न।

पित्रालो : ऐदे च बी शिवें दी सांझे रूपै च पूजा कीती जन्दी ऐ। धार्मक पक्ख च एह्दा जिकर पैह्ले गैं करी दित्ते दा ऐ।

3. इतिहासक घटना कन्ने सरबन्ध रवखने स्राले ध्यार: 'पट्टै दा कृड्ढ' नाग पंजमी गी शुरू होइयै ए ध्यार भदरवाह् दे खखल चुगान च त्रै ध्याड़े चलदा ऐ। एदे च भदरवाह् दे राजा नागपाल दी स्रकबर पर स्रध्यात्मक जित्त दा जिकर स्रौंदा ऐ। स्रकबर ने राजा नागपाल दी बासुकी नाग दे प्रति निश्ठा ते राजदरबार च दस्से दे करिश्में थमां खुश होइयै राजा नागपाल गी वासक नागै स्रास्तै रेश्मी पर ते कलश दित्ता हा ते इस्सै दे चेत्ते च ए कुड्ढ लगदा ऐ। नाग वासक दी पूजा हुन्दी ऐ।

शरारी: फोगन म्हीने दी चाननी तीज गी वासक नाग दे मन्दरैं थमां बजन्त्री ते किश लोग पासरी दे मन्दरैं दी बगीची च जाइयें पारले ग्रां 'चनोत' दे लोकें गी गालियां दिंदे न, ते पारें दे ग्रां थमां वी लोक निकलियें मुड़ी गालियां दिंदे न । एदा कारण ए दस्सेग्रा जन्दा ऐ जे 'चनोत' ग्रां दे संगान ब्रैह्मनें दे नग्गर दे वासक नागें दे पुजारिएं च पराना वैर चलदा ग्रावारदा ऐ । कीजे वासकी नाग दे पुजारिएं ग्रपना इक पराना वादा तोड़ी ग्रोड़ेग्रा हा । पुजारी ते लोक पासरी दे वागें चा परोला लेइयें इस इहाड़ें ग्रपने घरें दियें ड्योडियों पर तरशूल बनांदे न, तां जे बुरी नजर ते जन्तरें-मन्तरें कशा ग्रो बचे दे रोह्न।

कन्टक जातर : सताह्रमीं सदी च किश्तवाड़ हे राष्ट्र दी गैर-हाजरी च बसोह् ली दे राजे ने किश्तवाड़ उप्पर हमला कि यै उत्थें कब्जा करी लैता ते राज परबंध ग्रास्तै उत्थें ग्रपना वजीर कंटक रक्खी ग्रोड़े ग्रा। ग्रगले व'रे भगवानिसह नै मुगलें दी मददी कन्ने बसोह्ली आलें गी राहियै बजीर कंटक गी फगड़ी लेग्रा ते ग्रोदी मूंडी किप्पयै सारे चुगानै च फेरी। इस्सै गल्ला दी यादी च कटक जातर मनाने दा रवाज चला ग्रावारदा ऐ।

उर्स किश्तवाड़: 'शाह् फरीद दा उर्स' जेह् ड़े बगदाद थमां दिल्ली आए ते पही दिल्ली थमां किश्तवाड़ आए। रस्ते च उनें सिराज, डोडा ते पही किश्तवाड़ च इस्लाम दा प्रचार कीता। 1624 ई० च श्रो किश्तवाड़ बस्सी गे ते किश्तवाड़ दे राजे गी मुसलमान बनाया। उन्दे चेते च हाड़ म्हीने च ए उर्स किश्तवाड़ च मनाया जन्दा ऐ।

शाह् फरीद हुन्दे पुत्तर शाह् फरीद हुन्दे चेत्ते च इक होर उर्स किश्तवाड़ च गैं पंजीह् कत्तक गी मनाने दा रवाज ऐ । आखदे न जे शाह्, फरीद अपने प्यो शाह् फरीद कोला बी मते पुज्जे दे हे ।

लोकें दे, परिवारें दे ध्यार: इनें ध्यारें दा सरबन्ध परिवारें कन्ने ऐ ते इसकरी इनेंगी लोक किट्ठे होइयें नेईं मनांदे। इनेंगी घरें च गैं मनाने दा रवाज ऐ। इनेंगी स्याल, फोगन ते चेत्तर म्हीने च लोक मनांदें न। इनेंगी त्रै, पंज जां सत्त दिनें तगर मनाने दा रवाज ऐ। इनें दिनें घरें च किसमा-जिसमा दे खाने-पीने दियां चीजां-बस्तां वनाने दा रवाज ऐ। इंदी कल्पना करियें ग्रां-पिंडे दे जागत-कु ड़ियां हसदे-खेढदे होई गांदें ग्राखदेन:—

म्राव हेंडू हिठार, श्रज्ज पुणाव त काला ध्यार, मारा पोरू जां ड्ंगार ।

(हेंठू-हिठार ध्यार आई गे। अज्ज पुणाव ऐ ते कल्ल ध्यार ऐ। बस हुण भिड्डू जां वकरा मारो।)

लाके च इस चाल्ली दे जेह् इंध्यार मनाए जन्दे न, उंदा ब्योरा इस चाल्ली ऐ:—

हेडू हिठार: जागतें-कुड़िएं दी प्रसन्तता दा दिन ऐ। नमें टल्ले, खेढना, हसना ते खाना-पीना, इस ध्याड़े दी खासीयत ऐ। बड्डे ते बुजुर्ग इस ध्याड़ै बच्चें ग्रास्तै बड़ा प्रेम ते हिरख दसदे न। जागत-कुड़ियां खुश होइयै उप्परला गीत गांदे ते खेढदे-नचदे न।

पुणाव: ए दूए दिन दा ध्यार ऐ। इस ध्याड़ लोक हत्थें च किम्ब लेइये अपने रिश्तेदारें दे घर जन्दे न। घर दे बाह्र आइये ओ आला देइये घरा दे बड्डे बुजुर्गा गी आखदे न—अंव पुणाव देईं (मैं तुस्सें गी पुणाव ध्यार दी नमस्ते भ्राखन) पही भ्रो अन्दर आइये बुजुर्ग दे हत्थें च किम्ब देइये चरण बन्दना करदा ऐ जां नमस्कार करदा ऐ। हून बुजुर्ग होर आखदे न—निछ्छ पुणाव, सच्चे अञ्ज पुणाव ऐ।

ध्यार: ध्यार दे दिन ग्रांदे लोक नाग (बोलिएं) गी साफ करदे न ते हर परवार दे लोक गुग्गल, धूफ, फुल्ल, चोल ग्रानिये नागें दी पूजा करदे न ते उस च किम्ब सुटदे न ।

नाग जुहारणो : नाग जुहारणो दा म्हत्तव ऐ नाग (बोली) दी जुहार जां पूजा । इस ध्याड़ ग्राई नाग कश आइय ढोल, बोंसरी बजांदे जुहार जां पूजा । इस ध्याड़ ग्राई नाग कश आइय ढोल, बोंसरी बजांदे न । ते बोली च तरदे किम्बें गी फगड़दे न । सारें कशा पैह्ले किम्बें गी फगड़ने ग्राला ग'बरू भागवान मन्नेग्रा जंदा ऐ । इस ध्यार दे मनाने कन्ने नागें दी सालभर दी गंदगी साफ होई जंदी ऐ ते उनेंगी साफ पानी मिलदा ऐ ।

बडकन: सीतला सप्तमी गी तलाई दा कम्म कीता जंदा ऐ। भठूरे, तेलडे-जनेई बस्ते गी तलने दे कारण गैं इसी बडकन ग्राखदे न।

त्रोश: तलाई होई जाने पर ग्रांदे लोक-देव दी पूजा कीती जन्दी

ऐ। त्रोण शायद 'तोष' (संस्कृत--प्रसन्न करना) थमां गै निकले दा ल'बदा ऐ।

सत्तम: सप्तमी गी आखदेन। इस ध्याड़ै ध्यार शुरू हुन्देन। देवतो कालोव: दा मतलब ऐ देवतें गी भोग लाना जांभोग खलाना ऐ। ए 'त्रोश' दे ध्याड़ै कीता जन्दा ऐ।

पूछोई: देध्याड़ै ग्रांदे लोक मिट्ठे ते लूनके पीले चोल रिन्नदेन। हर घरै दे बड्डे गी मत्था टेकेग्रा जन्दा ऐ ते घरैं दी बर्जुग जनानी मत्था टेकने ग्राले गी इनें रिज्झे दे चौलें दी इक चुटकी नवेद दे रूपै च दिंदी ऐ।

भूं छोई: भद्रवाह् च इसी हलोधन (हलधन दी पूजा) ते पाडर च मुट्याग ग्राखदेन। ग्रांदेलोक अपने कृषि सन्दरें दी पूजा करदेन। सराज च ग्रांदेलोक थाली च चौल, गुग्गल, फुल्ल, लेइऐ परम्परा थमां चली ग्राबारदी इक थाह्रै पर किट्ठे हुन्देन ते इक कतार च खड़े होइऐ धरती माता दी पूजा करदेन। फिरी ग्रांदे जागत द्रोड़ियें त्रौं थाह्रे पर रिज्झे देचौल रक्खी छोड़देन। इनें त्रौं ठारीं दा रिश्ता लाके दे त्रौं इलाकें कन्ने जोड़ेआ जन्दा ऐ। लोक विश्वास ऐ जे जिस ठारी दे चौलें गी उडरदे कां ग्राइऐ सारे कणा पैंह्ले खांगन, उस ठारी कन्ने सरबन्ध रक्खने आले लाके च फसल उस व'रै मती होग।

शरेइत: फाल्गुन संक्रांति गी पाडर दे कच्छ मिलने ग्राले इक मलैम पत्थर लेइयै उसी पीह् ग्रां दे लोक इसी ग्रपने घरें-कोठें दे चपासे सुटदे न । उन्दा जकीन ऐ जे इस चाल्ली ब'रा-भर बुरी ग्रात्मा कशा उन्दी राखी होग।

हल्लड़ पूजा: सराज दे 'मलवाने ग्रां च माघ म्हीने दे कुसै ध्याड़ै ग्रां दे हर घरें च चौल रिन्ने जन्दे न । फिरी हर परवार घा थमां हल्लड़ देव दी इक मूरत बनांदा ऐ। सारे लोक ग्रपने-ग्रपने हल्लड़ देव ते रिज्झे दे चोलें गी लेइऐ ग्रां दे कुसै इक कोठे पर किट्ठे होइऐ हल्लड़ देव गी उत्थें रक्खी ग्रोड़दे न ते उन्दी पूजा करदे। इसदे परैन्त रिज्झे दे चोलें गी सारें च वंडेग्रा जन्दा ऐ।

उप्पर लिखे दे परवार कन्ने सरवन्ध रक्खने म्राले ध्यारें दे इलावा होर मते ध्यार-—जियां निहार, पत्र भरण, गुयक्कर दियोली, कण चोथ, वर्गरा वी लाके च मनाए जन्दे न।

लोकें दे श्रनुश्ठान: प्हाड़ी लाके च जेह्ड़े श्रनुश्ठान मनाए जन्दे न, उनें गी मनाने दा रवाज जाट्लें जां ध्यारें ग्रांगर कमबद्ध नेई । ग्रो कदें व'रे परैन्त ते कदें केई ब'रें परैन्त मनाए जन्दे न। उन्दे मनाने दा कारण बी कोई टकोह्दा उद्देश हुन्दा ऐ, ते ओ कुसै देह्रे जां कुसै ग्राई देघरै च बी मनाने दा रवाज ऐ। प्हाड़ी लाके दे किश ग्रनुष्ठान इस्सै चाल्ली न। 'कृषि ते जिमींदारी कन्ने सरवन्ध रक्खने आले ग्रनुश्ठान च 'राढ़ पाह्र्रन्त' 'शान्त' ते 'भण्डारा' जनेह् ग्रनुश्ठान कीते जन्दे न । फसल गी कीड़ें थमां वचाने ग्रास्तै जेह्डा ग्रनुश्ठान जेठ म्हीने च कीता जन्दा ऐ, उसी 'राढ़' ग्राखदेन। बर्खानेई होऐ तां फसल गी बचाने ग्रास्ते ग्रांदे देवते दी देह्री दे सामनै भुक्खे ते प्यासे वेड्ऐ देवते गी हठ करी मनाने दे श्रनुश्ठानै दा नां 'पारेन्त' ऐ तां जे देवता खुश होइऐ वर्खा देयै ते जे वर्खा इन्नी मती होन लग्गै जे फसलू दी तबाई होन लगी पवै तां जग्ग करिये जेह् ड़ा ग्रनुण्ठान कीता जन्दा ऐ, ग्रोदा नां 'शान्त' ऐ। ग्रकाल, मती बर्खा, घट बर्खा, बमारी ते ग्रां-पिंडै दे सांझे दुक्ख ते कश्ट दूर करने ग्रास्तै, मिट्ठे चौल, लूनका पलाऽ मास-भत्त, कड़ाह्-जनेह् पकवान बनाइऐ गरीब-गुरवें गी खलाने गी भण्डारा ग्राखदे न।

'देवतें, पितरें' बमारिएं ते टूनें कन्ने सरबन्ध रक्खदे ग्राले किण ग्रमुण्ठान वी प्हाड़ें च चलदे न। पोगल च किण ब'रें परैन्त ग्रां दे इक देवते दी मूर्ति गी ग्रां थमां वाह्र इक थाह्रा पर लयाइएे रखने न। गरिमयों दे दिनें दे इस अनुष्ठानें च ग्रां दे लोक इत्थें किट्ठे हुन्दे न। किण गरिमयों दे दिनें दे इस अनुष्ठानें च ग्रां दे लोक इत्थें किट्ठे हुन्दे न। किण ग्रम्न पकाइये देवते दे ग्रम्में भोग लगाया जन्दा ऐ ते हुन इक बड्डे घेरे दी ग्रम्म पकाइये देवते दे ग्रम्में भोग लगाया जन्दा ऐ ते हुन इक बड्डे घेरे दी कार देवतें दे चपासे खिच्ची दित्ती जन्दी ऐ। देवते दा चेल्ला जां ग्रह्न इस घेरे जां 'काह्र दे ग्रम्दर ग्राई जन्दे न ते बजन्त्री ते ग्रां दे किण बुर्जुंग बी इक घेरे जां 'काह्र दे ग्रम्दर ग्राई जाने दे परैन्त कोई फिरी ग्रमुण्ठान पूरा होने तगर वारी काह्री दे ग्रम्दर ग्राई जाने दे परैन्त कोई फिरी ग्रमुण्ठान पूरा होने तगर वारी काह्री दे ग्रम्दर ग्राई जन्दे न ते घेरे ग्रम्दर नाच उस वेल्ले तगर चलदा जन्दी ऐ। ढोल ते बाजे बजदे न ते घेरे ग्रम्दर नाच उस वेल्ले तगर चलदा ए जद्रां तगर चेल्ले गी 'ग्रोह्नी' नेई ग्राई जन्दी। ओ कम्बदा ते करलांदा ऐ जद्रां तगर चेल्ले गी 'ग्रोह्नी' नेई ग्राई जन्दी। ओ कम्बदा ते करलांदा ऐ जन्दी ऐ। चेल्ला भिड्डा दे गले पर ग्रपना मुंह् लाइऐ रत्त पीन लगदा ऐ जन्दी ऐ। चेल्ला भिड्डा दे गले पर ग्रपना मुंह् लाइऐ रत्त पीन लगदा ऐ ते ग्रोदे मुंहैं गी चादरी कन्ने खट्टी दिन्दे न। इस चाल्ली चेल्ला सारा बगदा ते ग्रोदे मुंहैं गी चादरी कन्ने खट्टी दिन्दे न। इस चाल्ली चेल्ला सारा बगदा

पुरुण बाचक :--मेंहदी बजरगान ।

- 2. किश लोक-नां पिता-कुल सूचक नेईं होइयै मातृकुल सूचक होई गेदे न। जियां—नेंगान, नागा माऊ दे जम्मे दे। खस्सान—खशमाऊ दे जम्मे दे। खस्सान—खशमाऊ दे जम्मे दे, बगैरा।
- किश जाती सूचक नांएं दा सरवन्ध कुसै खास घटना कन्ने ऐ। जियां—थम्मान, थ'म्मै थमां जम्मे दे।
- 4. किश जातें दी ग्रन्ल कुसै 'छेड़' जां कूना पौने कारण बिनयां। कुसै माह्नू गी ग्रां दे लोक (शिगोडो सिंगे आला) आखदे हे। बचारे दा ब्याह् होग्रा ते उसदी घरैग्रालो गी ग्रांइएं थमां (शिगोडी सिंगें ग्राली) नां थ्होग्रा, ते पही सारा टब्बर इस्सै ग्रन्ल कन्ने मण्हूर होई गेग्रा। किजोनू, दड़गी, चुग्गी इयै-नेह् गै नां न।
- 5. किश नांएं दा सरबन्ध जानवरें दे नांएं कन्ने ऐ। जियां कोकड़ (कुकड), चागड़ (चूहे), केम (कीड़े), पर ए नां कश्मीरी मुसलमानें च गैं मिलदे न। ते एनेह् नां रक्खने दे पिच्छें कुसै परिवार गी सामाजक रूप च पतित करने दा प्रयत्न गैं होई सकदा ऐ।

प्हाड़ी लाके दे ग्रां-नां: जम्मू दे उत्तर-पूर्व दे प्हाड़ी लाके दे लोकें दी जातें दे नां ते रोचक न, पर उत्थुयां दे लाके दे ग्रांएं दे नांएं दा ग्रध्ययन बी किश घट्ट रोचक नेईं। इस सारे प्हाड़ी लाके च पाडर थमां विनहाल तगर ते मडवे थमां लेइये मरमत-कंलाड तगर कोई 724 ग्रां— निक्के ते बहु, मील दो मील पैंडे दे छिंडे पर ग्रवाद होए दे, मिलदे न। कुसै ग्रां च 10-15 जां 15-20 घर ल'बदे न ते कुसै ग्रां च छड़े 2-4 घर गै होंगन। इनें सैकड़े-बढ़े ग्रांएं दे नांएं चा किश दा अर्थ ते वड़ा ग्रस्पश्ट ते ग्र्यंहीन ल'बदा ऐ, पर किश ग्रवस्थाएं च ए कम सुट्यवस्थत लगदा ऐ। स्थानें, ग्रांएं, पिंडें दे नांएं दे रक्खने च वी कोई विशिश्ट घटना जां विचार जरूर रौंह्दा ऐ। ग्रांएं दे लोक नां वी लोक-शब्दाविल, लोक-भाशा, लोब-प्रकृति ते लोक-माह्नू दे मनै दी प्रवृत्ति दे मतावक गै रक्खे जन्दे न। व्हाड़ी लाके दे ग्रांएं गी दिक्खने पर ए सारियां गल्लां साफ होई जन्दियां न। इनें ग्रांएं दे लोक नांएं च जेह् डियां विशेशतां ग्रसेंगी ल'बिदयां न, ग्रो इस चाल्ली न :-

1. किश ग्रांएं दे नां बड़े सभ्य ते शिश्ट न, कीजे उंदे पिच्छें कोई इतिहासक व्यक्ति सरबन्ध रखदा ऐ। जियां—छत्रगढ़ (पाडर), ग्रमरसिंह-

पोरा (भलेस), गुलाबगढ़ (रयासी), ज्वालापोर (भलेस), जनकपोर (कास्तीगढ़)।

2. किण प्रांएं दे नाएं दा अर्थ साफ ते टकोह्दा ऐ। वटवास—वट+वास—पंडतें दे बास ग्राला प्रां। जनवास—जन+वास—लोकें दी थाह्र। कुकरवास—कुक्कड़ें दी थाह्र। गद्दीयाड़ा —गद्दियें दी थाह्र। वुलन्दपुर—उच्ची थाह्र।

3. किश नां वड़े स्हाने ग्राले न। उंदे पिच्छें कोई मजाक जरूर ऐ। जियां:—

चंडाल—नीच । मुछेला—मुच्छें ग्राला । ग्रकरवरंग -ऊटपटांग । ढ्लेभू—लाल रिच्छ ।

4. मते हारे ग्रांएं दा नां, किश वस्तों, प्राणिएं जां विशेशनें कन्ने ऐ।
गल्ली —छोटा दर्रा।
भत्तड़ी —थोड़े -हारे रिज्झे दे चौल।
हल्लोड़ — निक्का हल।
नागनी — नाग दी घरैग्राली।
कुलशाड़ी —छोटी खुमानी दा बूटा।

चिपड़ल्लू — ग्रवस्थीं दा चिप्पड़ ।

5. केई ग्रांएं दे नांएं च लोकभाशा दी ध्वन्यात्मक विचित्तरत्ता
दिक्खने च ग्रौंदी ऐ । छवीछा, छोछलू, काकोल्ली, किलमिल, जाजिन्दा, किश
नेह्ये नां न । लोकभाशा च इनें ग्रव्दें दा कोई नां नेई ।

 भाणा शास्त्री नजरी कन्ने दिक्खने पर प्हाड़ी लाके दे ग्रांएं दे नांएं च ए विशेशतां मिलदियां न ।

(क, मते हारे ग्रांएं दे नांएं च 'ग्रोत' प्रत्यय लग्गे दा ऐ, जियां :-रानोत — राणा + ग्रोत, भद्रोत — भद्र + ग्रोत, हालोत — हाल + ग्रोत, बटोत — बट + ग्रोत, लरोत — लेरा + ग्रोत, वगैरा। 'बाधनू' बधाई दा सूचक ताल ऐ, जेह्ड़ा ब्याह्, कड़माई जनेह् मौकें पर बजदा ऐ।

'लास्तां' इक नेह् श्रा ताल ऐ, जेह् ड़ा कुसै वी मनुक्खा गी श्रपनापन भुिल्लय नच्चने गित मजबूर करी ग्रोड़दा ऐ। श्राखदे न जे इस नाच दा सरबन्ध पारबती दे 'लास्य नाच' कन्ने ऐ। कदें कुसै घुरेई दे गाने कन्ने बी इसी जोड़ेग्रा जंदा ऐ। ताल च ढोल, बौंसरी, भानों दा इस्तमाल हुंदा ऐ।

'जग्राइल' ताल दे बारे च लोकें दा विश्वास ऐ जे जागरे जां जाट्ल च ग्रग्ग बालने ग्रास्ते किट्ठी कीती दी लक्कड़ी च इस ताल दे कन्ने ग्रग्ग लग्गी पौंदी ही। हून ए उस बेल्ले दा ताल ऐ, जदूं कुड्ढ च लक्कड़ियां बालने दे पैह्ले इस्सी बजाया जंदा ऐ।

'ढेक्कू ताल' ढेक्कू नाच दे समें बजाया जन्दा ऐ।

'ढोलरू ताल' चेत्तर दी संग्रांदी गी ढोलरू जां रितू गीतें गी गांदे होई वजांदे न । इस च छड़ी ढोलक दा परजोग गैं हुंदा ऐ।

इन्दे ग्रलावा इक होर जाति दा बाजा ते कश्मीरिएं दी सुरनाई (स्वरनाई, शहनाई) ताले दा रवाज बी दिक्खने च ग्रींदा ऐ।

उप्पर बाचे दे सारे ताल खुशी ग्राले ताल न, पर किश गमी ग्राले 'हाड़ी तालें दा बी रवाज ऐ।

'मल्लड़ ताल' कुसै बाह्रले हमले, त्राह्, लड़ाई जां संकट दे समें बजाने दा रवाज हा। ढोंस ते काल दा परजोग इस ताल दी खसीत ही।

मुड़ दोल्ली ताल मुड़दे गी फूकने ग्रास्तै नेंदे समैं बजांदे हे। एह् दे च सैंख जरूर होन्दा हा।

इस चाल्ली प्हाड़ी लोकें दे ध्यारें अनुण्ठानें, नाचें ते तालें गी जानने दे बाद प्हाड़ी लोक माह्नू दे समाजक पक्ख गी समझना मता सखल्ला होई जन्दा ऐ।

(ग) मानसक पक्ख:

प्हाड़ी लोक माह्, नूदी मनै दी सम्हाल टकोह् दे रूपै च ग्रसेंगी उंदे लोक-विश्वासें च गै ल'वदी ऐ। प्हाड़ी लोक-विश्वासें दी गिनतरी हजारें च ऐ ते उनें गी किट्ठा करियें इक ग्रैन्थ रचेग्रा जाई सकदा ऐ। इसकरी उन्दा सारें दा जिकर इक वक्खरे लेख च करगे।

प्हाड़ी जातें दे नां: भारत दे इतिहास च चार गै जातां मिलदिया

हियां पर पही इन्दी गिनतरी बधदी गेई ते ग्रज्ज ग्रो हजारें, लक्खें तगर पुज्जी गेदियां न । इन्नी मती जातें दे बनने दे कारण बी मते न । केई जातें दे नां कुसै दोश जां त्रुटि कन्ने पे ते केई जातें दा सरबन्ध कुसै खास घटना कन्ने ऐ। प्हाड़ी लोकें दियां बी सैकड़ें-बिद्धयां जातां न, ते उन्दे बनने दी बजह च उनें परवारें कन्ने सरबन्ध रक्खने ग्राली घटनां, ब्याह् ते रिश्ते, कारोबार, कोई समाजक गराबट-जनेह् कारण गिनी सकने आं। इनें जातें (उपजातियें) दे नां दा उन्दी मूल जात ब्रैह्मण, खत्री, वैश्य ते शूदर जातें कन्ने कोई वास्ता नेई ।

प्हाड़ें च हिन्दू वी रौंह्देन ते मुसलमान वी। हिन्दूएं दी जातें दे किश नां परम्परा थमां चले ग्रावारदेन ते किश टकोह्दे लोक नां न। मुसलमानें च मिलने ग्राले नां इस्से चाल्ली न। प्हाड़ी लाके च इस चाल्ली दे नांएं (जातें) दी गिनतरी कोई 21 ऐ। इन्हें उपजात सूचक नाएं दियां विद्यां विशेशतां ऐन।

परम्परागत नां—(मुसलमान) :—

1. सैयद, मुगल नां - इतिहासक न।

2. कटोच, राथर (राठौर), डार (दर), मत्तू (मट्टू), रिशु (ऋषि), ते चक्कू — जनेह् मुसलमान उपजातिएं दे नां न ।

3. ग्राई गर, काजी, कादिर (नानवाई) काल (कुम्हार) पीर, बाग-

बान-जनेह् नां खानदानी पेग्ने गी दसदे न।

4. शेख, हाजी, खान-जनेह् नां मुसलमानें दे कुसै खास घटना दे नतीजे दे मूजव कमाई दी इज्जत गी दसदे न ।

लोक-प्रचलत नां (हिन्दू)

1. प्हाड़ी हिन्दू जातें दे लोक-प्रचलत नांएं दी इक बड़ी ते टकोह् दी विशेशता उन्दे कन्ने लग्गे दा—'ग्रान' प्रत्यय ऐ। जियां जम्मान, खस्सान, ठोल्लान वगैरा। एह्दा कारण स्पण्ट नेईं। पर ए गल्ल बड़े मार्कें दी ऐ जे ए—'ग्रान' प्रत्यय इस लाके दे ग्रांएं दे नांएं च बी ध्होंदा ऐ। जियां कल्होत्रान, चक्कान, चंद्रमटान बगैरा। ए गल्ल होर बी रोचक होई जंदी ऐ जे ईरानी लाके दे मनुक्खें ते स्थानें दे नांएं च बी ग्रसेंगी "आन" प्रत्यय दिक्खने च मिलदा ऐ। जियां:—

स्थान बाचक :—इस्फाहान, ग्राबादान, हमदान वर्गरा।

रत्त पी ग्रोड़वा ऐ। इसी 'टिलधारी' ग्राखदे न। हुन मास पकाइयै ग्रां दे सारे लोक खाई ग्रोड़दे न। रत्त पीने दे परैन्त घेरे दे सारे लोक घेरे थमां बाह्र ग्राई जन्दे न। लोकें दा विश्वास ऐ जे चेल्ले दे शरीरै च 'ग्रेह्नी' दिन्दे समें देवते दा बास हुन्दा ऐ।

कुसै मोए दे बुजुर्गा दे ब'रे परैन्त, तित्थू गी मनांदे न । इसी पूजन आखदेन । इस ध्याड़े भंग, धतूरा, मास ते शराब दा परजोग कीता जन्दा ऐ ते जोगी पूजन मनाने आले गी गुर मैन्तर बी दिन्दा ऐ।

देवी जां माता निकलने पर 'वकरोट' देने दा रवाज ऐ। दौं चऊं घरें थमां म्राटा मंगी त्याया जन्दा ऐ। कुड़ी जां जागता गी माता निकलने दे त्रिय्ये दिन बड़े ते रुट्टियां पकाइयै माता दी पूजा की त्ती जन्दी ऐ ते ए पकवान सारें च बंडी दित्ते जन्दे न।

प्हाड़ी लाके च ए लोक विश्वास ग्राम ए जे मित हारियां बमारियां, रिश्ते दी दुश्मनदारिएं दे मूजब जड़ी, बाल, मड़धूड़ जनेइयें गंदी वस्ते दे धोसे कन्ने खवाने करी हुन्दियां न । जिन्दा लाज लाके दे जोगी ते चेले जानदे न । किश ध्याड़े लगातार ढोल बजाइयै ते मन्त्र गाइयै जोगी बमारें गी नचान्दे न ते इस चाल्ली बमारे दा लाज कीता जन्दा ऐ।

नृत्त ते ताल : 'हाड़ी लाके च केई किस्में दे नाच ते ताल मिलदे न ।

मड़दें दे नाचें च मक्टूर नाच दा नां 'ढेक्कू नाच' ऐ। इसी जाट्ल, कुड्ढ,

मालचे च नच्चने दा रवाज ऐ। ए इक सांझा नाच ऐ, जिसी बीह, पंजीह,

ग्रांईं माह्नू इक घेरा पाई नचदे न । ढोल, नरिसंहा, बेल्ल ते बेइंग्र
(बौंसरी) बजदी ऐ। नाच दियां त्रै ग्रवस्थां न । नाच मन्द गित थमां गुरू
होइऐ मध्यम गित च पुजदा ऐ ते फिरी तेज होई जन्दा ऐ। इस बेल्लै सारे
नच्चने ग्राले ग्रपने-ग्रापै गी भुल्ली जन्दे न ते उन्दे मुंहां चा केईं शब्द ग्रपने
ग्राप गै निकलन लगदे न । नाच क्लाइमैक्स पर पुिजिए रुकी जन्दा ऐ। नाच दे
दरान सारे नच्चने ग्रालें दे ग्रंग लगभग इक्कै चाल्ली हिलदे न ते उन्दे पैरें दी
चाल बी इक्कै-नेई हुन्दी ऐ। इस 'हाड़ी नाच दा चम्बा लाके दे नाचें कन्ने
बी किश ना किश मेल ऐ। 'गीत नाच' च बी पुरुश वर्ग गै नचदा ऐ। एदे
च दस्स-वारां गाने ग्राले इक दायरे च बेइयै गांदे न ते नच्चने ग्राला दायरे
दे बक्कार ग्राइऐ नचदा ऐ। नाच गीत दी टेक गी गाने ग्राले बारी-बारी उस
ढोलकी ते ताड़ियें दे ताल पर गान्दे जन्दे न ते नाच करने आला ग्रपने-ग्रापै

गी भुिल्लय नचदा रौंह्दा ऐ। किण चिर परैन्त गाना बन्द होई जन्दा ऐ ते नच्चने ग्राला नाच बन्द करी, इस नाचगीत दा ग्रन्तरा जोरें-जोरें कन्ने गान लगदा ऐ। अन्तरा मुक्कने पर सब्बे गाने ग्राले ताड़ियां मारी-मारी फिरी गान लगदे न ते नाच करने ग्राला फिरी कुद्दी-कुद्दिय नच्चन लगदा ऐ। इस चाल्ली गीत मुक्कने तगर नाच-गीत चलदा रौंह्दा ऐ। गीत-नाच दा रवाज कुड्हें, मेलें जां चिरानिएं ते मजदूरें च ऐ, जेह्ड़े सारा दिन कम्म करिय थक्कने परैन्त संजां गीत-नाच करिय थपना मनोरंजन करदे न।

किश्तवाड़ दे कुंतवाड़ा लाके च इक भोंडे 'ग्रादम नाच' दा रवाज रेह्दा ऐ। जाटल जांध्यार दे मौके पर नच्चने आला ग्रपनी सुत्थनी दे लम्मे नाड़े दे दोनीं सिरें पर दो टकोह्दे फु'म्मन व'न्नियें लमकाई ग्रोड़दा हा। नच्चने ग्राले दा नाड़ा ते फु'म्मन रंगीन धागे दे वने दे होंदे हे ते फिरी इनें फु'म्मनें कन्ने दो छनके वी व'न्नी टकांदा हा। ढोंस दे ताल नचदे-नचदे नच्चने आला इनें छनकें गी अपने गोंडुं ने इंयां वजांदा हा जे उसदी बाज कन्ने सारे दिवखने ग्राले खुश होड्यें हस्सन लगी पौंदे हे।

प्हाड़ी लाके च जनानियां वी नचित्यां न ते उंदे नाच गी घुरेई ग्राखदेन। घुरेई इक 'हाड़ी लोकगीत दा वी नां ऐ, जेह्, जनानियां घुरेई नाच करदे गांदियां न। घुरेई नाच जनानियां कुसै ध्यार, जनानिएं दे बड़े दिन, गोरी तीज, कण चोउथ वगैरा पर करदियां न। उने रंगवरंगे टल्ले लाए दे हुंदे न। जनानिएं दा ए नाच सांझा ऐ ते ओ इक्क-दूए दे गले च जां लक्का च बांह, पाइयै नचित्यां न। कदें-कदें ग्रो हत्थै च हत्थ लेडयै वी नचित्यां न।

प्हाड़ी लाके च केई चाल्ली दे ताल बी दिक्खने च ग्रींदे न — 'बेल्ल' ताल च ढोंस, भानों ते नरिमहें दा परजोग हुंदा ऐ। ए ताल देवतें दे साहें (आवाहन) मजूब बजाया जन्दा ऐ। एदे दो रूप न— 'केह्री बेल्ल' ते 'टोंटी' जा 'दोह्री बेल्ल'। दोह्री बेल्ल किश तेज हुंदी ऐ।

'देवोनी' ताल खास मौकें पर वजाया जंदा ऐ, तां जे चेल्ले जां शिवें दे 'वैलोड़े' थमां भविवस्त दी गल्ल पुच्छी जाई सकै। चेल्ला ताल कशा जोश च ग्राइयै ग्रैह्नी देन लगदा ऐ ते भविवस्त दियां गल्लां दसदा ऐ। ताल च ढोंस, वेंइश (बौंसरी) ते काल दा परजोग हुंदा ऐ।

- (ख) किश होर प्रत्यय इस चाल्ली न :—
 ग्रोतु—फगोतु, मंगोतु, जसोतु ।
 ग्रोट—घारोट, गाजोट ।
 ग्रोड़—हालोड़, रिहोड़, थलोड़ ।
 ग्राड़—पलमाड़, ग्रखवाड़, कल्लाड़ ।
 उड़ —शिरुड़ ।
 डा—रेडा, भालडा ।
 डी—गवाड़ी ।
- (ग) ग्रोल —ग्रांगोल, मत्तोल, ग्रनजोल।
 ग्रोल्ली—भटोल्ली।
 ली गेल्ली, सुंगली, शीखली, वेउली।
 लू —खालू, गल्लू।
 ला बंगला, महाला, जिशेला।
 ल हडल।
 - (घ) ग्रान¹—किल्होत्रान, चक्कवान, चक्कान, घ्राड़ान, फोखान, चन्द्रभटान, कालान, जाड़ान । वन—वड़वन, घरवन। ना—घाना, गुदना।

प्हाड़ी लाके दे नदी नाले: जिस प्हाड़ी लाके दा ग्रस तुसेगी ब्योरा देयं करने आं, उस च पाडर थमां विनहाल तगर कोई 153 निक्के-बड़े नाले, गड्डां ते दरेग्रा बगदे न । इनें दरेआएं ते गड्डों दे इस सारे प्हाड़ी लाके च केई किसमां दे नां न । कुतै इनेंगी गड आखदे न ते कुतै इनेंगी गडोड । इनें लोक नाएं दा ब्योरा इस चाल्ली ऐ:—

गड: प्हाड़ी लाके च ग्रांदे कश वगने ग्राली निक्की-जे'ई कूह्ल गी गड ग्राखदेन। हिन्दी च गड दा ग्रर्थ हुंदा ऐ 'ग्रोट' जां गड्ढा। इनें ग्रर्थें च हर गड दे कनारे च गड्ढे ते ओट ल'बदेन। इनें गड्ढे दा 'हाड़ी

^{1.} तुलना करो ईरान दे गैह्रे दे नां कन्ने (ग्राबादान, हमदान, इसफाहान, इत्यादि)।

लोक-जीवन च खास म्हत्तव ऐ, खासकरी जवान प्रेमी ग'वरू जागत-कुड़िएं दा, जेह् इं इनें ग्रोटें ते गड्ढें दे कंढे च व्यक्तिगत एकांतक घड़ियां बताई सकदेन।

गडोड: जेह्ड़ी कूह्ल गड कणा वी निक्की होयै, उसी गडोड ग्राखदेन। ग्रोड़ इक ग्रनेह्या प्हाड़ी भाणा दा प्रत्यय ऐ, जिसदा ग्रर्थ हुन्दा ऐ – निक्का।

नाला : उस प्हाड़ी कूह्ल गी ग्राखदे न, जेह्ड़ा किश लम्मे रस्ते तगर बगदा होयै ते जेह्दा ग्राकार वी किश मता बड्डा होयै ।

ना: भलेश लाके च नाले गी 'ना' ग्राखदेन।

नाई: नाले कशा किश निक्की ग्राकार ग्राली कूह्ला गी 'नाई' ग्राखदेन।

नाम्रोड़ी: उनें चश्में गी ग्राखदे न, जिन्दे थमां निकलिये कोई निवकी पानी दी धार ग्रग्गें बधदी होऐ।



- (क) डोगरी लोक-साहित्य
- (ख) डोगरो साहित्य



डोगरी लोक - साहित्य

डा. बालकृष्ण शास्त्री

डोगरी लोक-साहित्य दी परम्परा वड़ी पुरानी ऐ। एह् लोक-साहित्य डोगरी दे उत्पत्ति काल थमां गै जवानो-जवानी चलदा ग्रावा करदा ऐ। इस साहित्य दे संचयन-संकलन वगैरा दी खेचल कुसै पुराने लखारी नै नेई कीती। सन् 1942 ई. च डोगरी संस्था नां दे संगठने दी स्थापना दे बाद डोगरी भाशा ते साहित्य दे किश प्रेमियें दा डोगरी लोक-साहित्य दियें इकाइयें गी किट्ठा करने ग्रल्ल ध्यान गेग्रा। 1947 ई. दी देस-बंडा दे बाद जेल्ल देसै दियें सवनें प्रादेशक भाशाएं ते बोलियें गी बधने-मठोने दे मौके मयस्सर होए तां डोगरी संस्था दे प्रो. रामनाथ शास्त्री, दीनूभाई पंत जनेह् सदस्यें लोक-साहित्य गी किट्ठा करियें छापने दियां सबीलां तुप्पनियां शुक्त कीतियां। सबनें थमां पहलें इनें विद्वानें दा ध्यान डोगरी लोक-गाथाएं (कारकें-बारें) ग्रत्ल खचोग्रा। इनें झिड़ी, सुद्धम्हांदे, बसोग्रा-जनेह् विश्वाल मेलें च जाई-जाइयें गारडियें, जोगियें, दरेह्सें कोला पुच्छी-पुच्छियें ते उनेंगी पैसें दा लालच देई-देइयें कारकें-बारें बगैरा दियां लिम्मयां गाथां लिखी-लिखियें आंदियां।

सन् 1950-51 ई. च डोगरी संस्था दी ''नमीं चेतना'' नां दी पित्रका दे प्रकाशन कन्ने गैं डोगरी साहित्य ते डोगरी लोक-साहित्य दा प्रकाशन रंभ होग्रा। पैह्ल पुज्ज इस्सै पित्रका च डोगरी दे किश लोकगीत हिन्दी ग्रनुवादै कन्ने प्रकाशत कीते गे हे। थोड़े चिरै मगरा सुश्री शीला सलाथिया होंदा लोकगीत संग्रैह् ''खारे मिट्ठे ग्रत्थरू'' पैह्ला भाग नां कन्ने प्रकाशत होग्रा। एह्दे बाद डोगरी संस्था ने ''इक हा राजा'' नां

दी डोगरी लोक-कत्थें दी पोथी छापी । श्री वंसीलाल गुप्ता होरें दिल्ली थमां ''डोगरी लोक-कत्थां'' शीर्शक पुस्तक कड्ढी । ग्रनंतराम शास्त्री होरें डोगरा साहित्य मंडल दे ग्रधिकारी-रूपै च ''पौंगर'' नां दी पुस्तक प्रकाशत कीती ।

लोक-साहित्य गी किट्ठा करने ते उस्सी छपवाने दे कम्मै दी शुरू-ग्रात जम्म च जम्म व कश्मीर ग्रकैंडमी ग्राफ आर्ट कल्चर एण्ड लैंग्वेजिज दी जम्म शाखा दी स्थापना कन्ने शुरू होई। इस दिशा च प्रो. नीलांबर देव शर्मा होंदी जिन्नी प्रशंसा कीती जा, घट्ट होग । उनें सारे इग्गर प्रदेशै दा दौरा करियै लोकसाहित्य (लोकगीत--लोककत्थां) किट्ठा कीता ते एह निर्णय लैता जे इनेंगी लगातार छपवाया जा। तदू थमां डोगरी लोकसाहित्य विधिवत छपन लगा। श्री श्यामलाल शर्मा ते केहरिसिंह मध्कर होरें कल्चरल ग्रकैंडमी पासेग्रा लोकसाहित्य दे प्रकाशन च बड़ा कम्म कीता। ग्रज्जै तगर लोकगीतें दे सोलां संग्रैह् ते लोककत्थें दे तेरां संग्रैह छपी चुक्के दे न । श्री ओम गोस्वामी, संपादक डोगरी शीराजा होंदा लोक साहित्य दे प्रकाशन वारै कीता गेदा परिश्रम वी सराह नेजोग ऐ। इनेंग लोकगीतें दे संग्रैहें दी गिनतरी गी सोलां तगर ते लोककत्थ संग्रैहें दी गिनतरी गी तेरहें तगर पजाया । जम्मू विश्वविद्यालय दे हिन्दी विभागे दी प्रो. जनक होरें हिन्दी ते डोगरी दे लोकगीतें दे तुलनात्मक अध्ययन करिये पी-एच. डी. दी उपाधि प्राप्त कीती, पर उंदा एह् शोध-प्रबन्ध अज्जें तगर नेई छपेग्रा। डा. स्रोम प्रकाश गुप्त होरें डोगरी दें किश लोकगीत हिन्दी च कीते गेदे ग्रनुवादै समेत ''थिरके पत्ता पीपल का'' शीर्शक कन्ने प्रकाशत कीते।

प्रो. बलदेव सिंह होरें डोगरी ते राजस्थानी दियां किण लोकगाथां किट्ठियां कीतियां ते उंदा तुलनात्मक ग्रध्ययन प्रस्तुत करने दी योजना बनाई, पर ग्रजों तगर उंदी एह् पोथी सामने नेई ग्राई। मास्टर सुरेन्द्र गंढलगाल होरें मढ़ ब्लाक दें ग्रहीदें दे बार च लोकगीत ग्रादि दी समग्री किट्ठी कीती दी ऐ। प्रो. शक्ति शर्मा होरें वी इस दिशा च कम्म कीते दा ऐ। तारा स्मैलपुरी होरें डोगरी क्हावतकोश ते डोगरी मुहावराकोश संकलित करिय डोगरी लोक-साहित्य दे इक सरोखड़ ग्रंग दी पूर्ति कीती। कृष्ण लाल वर्मा होंदा बुझारतकोश वी इस बत्ता दा संगेमील ऐ। इन्दे

लावा होर वी मते सारे सज्जन--रामनगर, उधमपुर, जिब्ब, पैंथल, घगवाल संढरबनी वगैरा दे लाकें च साधना करा करदे न।

ग्रज्ज तगर डोगरी लोक साहित्य गी किट्ठा करिये छपवाने दा गै कम्म होए दा ऐ, एह् दे वैज्ञानक ग्रध्ययने दा कम्म ग्रज्जें तगर ग्रुरू तक नेई होएदा। इस बेल्लै डोगरी लोक-साहित्य दे भिन्त-भिन्न ग्रंगें दे वैज्ञानक अध्ययने दी बड़ी लोड़ ऐ ते फिरी डोगरी लोक-साहित्ये दा गुम्रांढी भाशाएं दे लोक-साहित्य कन्ने तुलना करने दा कम्म बी बड़ा जरूरी ऐ।

डोगरी लोक-साहित्य दा वर्गीकरण:

डोगरी लोक-साहित्य ड्ग्गर दे लोक-मानसे दी म्रारसी ऐ। ड्रुगर दी जनता दियां सोचां, रोने-गाने, खुशियां-गिमयां, वर्ते-ध्यारें, मेलें-मसादें, पर्वे-उत्सवें, जग्गें-गसैंतनें, देवी-देवतें दियें सुक्खनें-सरीनियें पर म्रोह् जे किश करदी ऐ, एह् सारा किश विश्वासें, रूढ़ियें, परम्पराएं, सगनें-स्वार्थें समेत डोगरी लोक-साहित्य दे शीशे च पछौंकरे म्रांगर दिक्खेम्रा जाई सकदा ऐ। ब्याहें वगैरा दे मौकें पर जेह् ड़े लोकगीत गाए जंदे न, जेह् डियां लोक-कत्थां सुनियां-सनाइयां जंदियां न जां कांग्रें, कुत्तें, विल्लें, दियें जिनें, लोककत्थें कन्ने ज्याणे परचाए जंदे न, जिनें मुहावरें, खुम्रानें, सूक्तियें गी डोगरे रोजमरी दी जिंदगी च वरतदे न, म्रोह् सब इस साहित्य दे म्रंग न। विद्वानें डोगरी दे लोक-साहित्य दी वंड इंयां कीती दी ऐ:—

1. डोगरी लोकगीत, 2. डोगरी गाथां, 3. डोगरी लोककत्थां, 4. डोगरी लोकनाटक, 5. डोगरी दा प्रकीर्ण लोकसाहित्य।

डोगरी लोकगीत:

डोगरी लोकगीत डुग्गर दी जनता दे मनै दे भांत-सवांते उद्गार न । डोगरी च लोकगीतें दा इक विशाल समुन्दर ठाठां मारा करदा ऐ, जेदे च निक्कियां-बिंडुयां केई भीड़ां उठिदयां-बींह् दियां न । सुरें दी हर तरंग इक मीज ऐ, जेह्ड़ी वजूदै च लौह्की होंदी होई बी इस 'गंद्याल' समुन्दरें दी रचना करदी ऐ । मनुक्खें दा मन बी इक समुन्दर ऐ, जेह् दियां गैह राइयां नापने श्रास्तै विद्वानें बड़े-बड़े जतन कीते, पर एह् समुन्दर श्रज्जै तगर पूरी तरहां थाहेश्या नेई गेश्या ।

होगरे लोक जन्म थमां लेइये मौता तपर शास्तरें मताबक सोह् लें संस्कारें गी बड़ा म्हत्तव दिन्दे न, इस ग्रास्तें डुग्गर प्रदेश च हर संस्कारें पर गीत गाने दा रवाज ऐ। इंगां गैं इतों दे वदलने पर, कठन परिश्रम राही-बाही ते मैह नत-मजूरी दे श्रौक्खे कम्म करने दे मौकें पर, मेलें-मसादें ते पर्व-ध्यारें पर, सज्जनें-सरबंधिये दे मिलन-बछोड़ें पर, जनानियें दे वर्ते-नत्तें दे मौकें पर, देवी-देवतें दे शुकराने दे तीरे पर जां सुक्खनां पूरियां होई होई जाने ते सुक्खनां देने दे मीकें पर, मनै दे हर्श, कोध, प्रेम, द्यासी वगैरा भावें गी वृहासरने लेई ग्राम गीत गाए जन्दे न । इंयां लोकगीतें: संस्कार रुत्त, श्रम, पर्व-ध्यार, धर्म, पूजा, रस वगैरा केई ग्रधार न। लोकगीतें दे इनें ग्रधारें गी लेइयै श्री रामनरेश त्रिपाठी, श्री सूर्यकरण पारीक. डा. श्याम परमार, डा. कृष्णदेव उपाध्याय, डा. सत्येन्द्र, डा. कन्हैया लाल सहल बगैरा ने अपने-अपने ढंगै कन्ने अपनी-अपनी भाशा दे लोकगीतें गी सामने रिवखर लोकगीतें दा वर्गीकरण कीते दा ऐ। इनें सबनें वर्गीकरणें दा सुखम ग्रध्ययन करने मगरा "हिन्दी साहित्य का बहुत इतिहास" दी सोह लमीं पोथी ''हिन्दी में लोक-साहित्य'' च इक वैज्ञानक वर्गीकरण दित्ते दा ऐ, जेह डा सबनें नभाया । ए सारी भाशें दे लोकगीतें पर साफ तौरे पर इक्कै नेहा लागू होई सकदा ऐ। इस वर्गीकरणै च बी आमतीरा पर हिन्दी ते ओह ्दियों उपभाशाएं जां वोलियों गी गै सामने रक्खेग्रा गेदा ऐ।

डोगरी लोकगीतें दा वर्गीकरण:

डोगरी लोकगीतें दे वर्गीकरणें च डुग्गर जाति दे स्वातमै दा ख्याल रखना जरूरी ऐ। इस गल्ला गी दृण्टी च रिक्खियै प्रो. नीलांबरदेव गर्मा होरें डोगरी लोकगीतें दा इक मनासब वर्गीकरण कीते दा ऐ। ग्रोह् वर्गी-करण इक ग्रादर्श वर्गीकरण ऐ, पर उसी उनें टकोह् दा करियै नेई लिखेग्रा भाएं ग्रोह्दा इक मकम्मल व्यौरा उनें दित्ते दा ऐ। डोगरी लोकगीतें दा सरूप

1. संस्कार गीत: वाकी मुलखै ग्रांगर डुग्गर च वी सारे संस्कार कीते जन्दे न । डुग्गर दे संस्कारें च ठुआं (रीतां) जन्म, पंजाव, सूत्तरा, मुन्नन, जनेऊ, ब्याह्, मौत, नांएं दे संस्कार ज्यादा मण्हूर न । लोकगीतें दी दृण्टी कन्ने इनें संस्कारें गी जन्म, ब्याह् ते मौत त्रौं वर्गें च वंडेग्रा जाई सकदा ऐ। ठुग्नां जां रीतां, मुन्नन, जनेऊ ते ब्याह् गी ब्याह् वर्गें च रक्खेग्रा जाई सकदा ऐ, कीजे इनें संस्कारें दे मौकें पर आमतौरा पर ब्याह् ग्राले गीत गैं गाए जन्दे न ।

जन्म, पंजाब, सूत्तरा बगैरा संस्कारें गी जन्म वर्गे च रक्खना ठीक ऐ। इनें 'संस्कारें' पर जन्म ग्राले गीत गैं गाए जन्दे न। मौत जां मृत्यु संस्कार इक विल्कुल नकेवला संस्कार ऐ।

(क) जनम वर्गें दे गीत: 1. ब्याहियां: एह् गीत पुत्तरें दे जनमें पर गाए जन्दे न । इंदी खूबी एह् ऐ जे हर जम्मने श्राले बच्चे गी कृष्ण, श्रोह्दी माळ गी जशोदा ते बच्चें गी नंद गलाया जन्दा ऐ:—

घर नंद जी दे बज्जन बधाइयां, घर नंद जी दे। बज्जन बधाइयां ते चढ़न कढ़ाइयां, घर नंद जी दे।।

2. लोरियां: एह् गीत व्याणें गी सोग्रालने आस्तै मिट्टी सुरा च गाए जन्दे न :—

> लो. गी. : झूटे ते झटारे, मामें गिल्ल प्यारे । मामा पींघ बटाई जा, उच्चे टा'ल्ले पाई जा । उच्चे टा'ल्ले पाइयै, बड्डा झूटा देई जा ॥

3. बधावा जां बधाई: एह् गीत पुत्तर जन्म, सूत्तरा, मुन्नन, जनेऊ, सांत, सेह्रा, व्याह् बगैरा सबनें मंगल कारजें पर बोले जन्दे न। इनें गीतें च आमतौरा पर मंगलकारजें दे मौके ननान-भरजाई गी मबारख दिदी ऐ जेदे फलसरूप ननानें गी गैंह्ने, कपड़े, नगद रपेऽ वगैरा बधाई दे रूपै च दित्ते जन्दे न:—

भावी सेरी हीरा जम्मेग्रा, लाल जम्मेग्रा, के ननदा गी देगी बधाई, मेरी रानी भावी । ननदे ! तेरे पैरें पिच्छें, ननदे ! तेरे भागें, हरि ने मेरी कदर बनाई, तूं मूंहां दा बोल हां ननदे ! के लैगी तूं श्रज्ज बधाई ?

कुड़ियें दे जन्में पर गीत गाने दा रवाज नेईं ऐ। एह्दा इक्कै खास कारण एह् ऐ जे कुड़ियें कन्ने हिन्दू समाजै दी ग्रार्थक स्थिति बज्झी खास कारण एह् ऐ जे कुड़ियें कन्ने हिन्दू समाजै दी ग्रार्थक स्थिति बज्झी दी ऐ। कुड़ियें दा जन्म माऊ-वब्वै ग्रास्तै ग्रोह् दे दाजै लेई धन किट्ठा करने दा पैगाम होंदा ऐ। जेकर दाज-प्रथा कुसै चाल्ली खत्म होई जा तां करने दा पैगाम होंदा ऐ। जेकर दाज-प्रथा कुसै चाल्ली खत्म होई जा तां लोक कुड़ियें दे जन्मै उप्पर वी खुशियां मनाना ते गीत गाना शुरू करी देखन।

(ख) ब्याह् वर्गे दे गीत: एह् गीत रीतां, ठुम्रां, सूत्तरा, पंजाब,

मुन्नन, जनेऊ, सांत, सेह्रा, घोड़ी, जान्नी, पजेकी, लाड़ी, नंदरेड़ना कुंभ बंदाई, बधू प्रवेश बगैरा दे मौकें पर गाए जन्दे न।

- घोड़ी: एह् लोकगीत जागतें दे व्याहें पर बोले जन्दे न:—
 मेरा बीरा, सुन्ने दा चीरा, रौंह्दा कश्मीरा।
 बेह्ड़े बज्जन बाजे, जान्नी सोब्भन राजे।
 बोरे दी जान्नी चली ऐ।।
- 2. सुहाग: कुड़ियें दे ब्याहें पर बोले जन्दे न :—

 माए! धी तेरी व्यानी।

 तेरा चेता ग्रौना, तेरा मंदा लग्गना,

 मिगी तौले सदायां।

 चाची! धी तेरी बाल व्याणी,

 तेरा चेता ग्रौना, तेरा मंदा लग्गना।

 मिगी तौले सदायां।
- 3. सिटिनियां/बोल्लियां: एह् गीत कन्या पक्खें दियां जनानियां जान्नी औने पर गांदियां न । इनें गीतें च म्हराजैं गी ते स्रोह्दे रिश्तेदारें गी मिट्टियां-मिट्ठयां गालियां दित्तियां जंदियां न :---

भौर कश्मीरा दा श्राया, भौर कश्मीरा दा श्राया। जीजे दी माऊ गी भैनो, ठुंगा लाया। ठुंगा लाया भैनो! जाला पाया।

4. जागरना: एह् गीत जान्नी जाने परैंत बर पक्खें दियां जनानियां रातीं नच्चने बेल्लें गांदियां न:—

भ्रज्ज मां मुंडे दी नच्चे करदी, ताई बेल करांदी। बूश्रा बैठी पीढ़ा डाहियै, मामी तेल चुश्रांदी। श्रज्ज मां मुंडे दी नच्चे करदी, ताई दान करांदी। मासी बनिये बैठी पैंचनी, भावी मान करांदी।।

5. छंद: एह् निक्का-सारा गीत होंदा ऐ, जेह् ड़ा आम दोह् ड़ें च समाए दा होंदा ऐ। जान्नी ढुक्की जान दे बाद म्हराज दियां सालियां ते उंदियां साथन कुड़ियां म्हराज गी घेरिय बेही जंदियां न ते उसी छंद सनाने पर मजबूर करदियां न:—

छंद बराग श्राविखयै ते छंदै श्रग्गें केसर । सस्स मेरी पार्वती ते सौह्रा परमेस्सर ॥

6 सेह्रा: इनें गीतें गी व्होने म्राले जागतै गी सेह्रा लग्गने बेल्लै बर पक्खें दियां जनानियां गांदियां न:—

सेह्रा लांदे लाड़े गी गर्मी आई, पक्खा झील्लै नाई, बेल्ला दिदी माई।।

व्याह् वर्गे दे इन्दे लावा होर बी मते हारे गीत न । मसलन लाड़ी ग्रीने पर सस्सू दे प्रतिनिद्ध गीत, पलंग-पीढ़ा ग्रंदर लेने दे गीत, गाना ब'न्नने दे गीत, फेरें बेल्लें दे गीत, कन्यादानें दे गीत, ग्रारती बरधाने दे गीत वर्गेरा । एह् गीत इस निक्कीहारी पोथी च थाह्र नेई पाई सकदे ।

भौत वर्गें दे गीत: इनें गीतें गी कुसै व्यक्ति दे मरी जाने पर रोंदियां, पिटदियां जां पल्ला पांदियां जनानियां गांदियां न । पराने जमानै च नड़ोए गेदे लोक पेड़ा कन्ने चलदे-चलदे ''यमसूक्त'' गांदे हे । श्रज्जकल धंतेरो नाम सत्त ऐ, राम नाम सत्त ऐ'' नड़ोग्रा गीत गांदे न ।

1. लुहानी: इसी लुहान बी ग्राखदे न । कुसै दे मरने पर मरासनां 'लुहानियां' गांदियां हियां ते जनानियां पटे ब'न्नियै पिटदियां हियां । ग्रज्ज-कल एह् रवाज खत्म होग्रा करदे न । हुन ते कुतै ग्रांएं-पिंडें च गै लुहानियां पढ़ियां जन्दियां न :—

> चंदन रुक्ख बड्ढाएग्रो, लम्मी पेड़ बनाएग्रो जी···(ग्रादि)

2 पल्ला: कुसै दी मौत होई जाने पर जनानियां जोरें-जोरें पिट्टने दे बाद बेही जंदियां न ते पही इक-दूई कन्ने सिर जोड़ियें ते लम्मा पल्ला मूंहें पर सुट्टियें दर्दनाक लम्मे रिहा कन्ने बैन पांदियां न । उन्दे इस रोन-बान गी 'पल्ला' गीत गलाया जन्दा ऐ।

कुत्थें गेश्रां मालका हाय ! कुस्सी सौंपी गेश्रां मालका हाय !

रुत्त गीत: बसैंत, सोहा, बरसांत ते स्याला चार गै रुत्तां न। वैसे रितु शास्तरे अनुसार बसन्त, ग्रीष्म, बरखा, शरद, हेमन्त ते शिशर छे रुत्तां मन्तियां गेदियां न। एह् रुत्तां जदू-जदूं बदलदियां न, तदू-तदूं गै प्रकृति च सनाह्कड़ियां तब्दीलियां दिक्खने च ग्रींदियां न। इने तब्दीलियें दा मनुक्खें दे मनै उप्पर खास ग्रसर पौंदा ऐ। रुत्त गीतें च उस्से ग्रसरे गी गैं व्यक्त कीता जन्दा ऐ।

1. बसैंत: बसैन्त रुत्ता गी अधार बनाइयै घड़े गेदे रुत्त गीतें च भ्रामतौर पर प्रेमी गी बछोड़े दा अनुभव कराइयै घर अीने दा स्नेहा दित्ता गेदा होंदा ऐ:—

> मनै देश्रा मैह रमा, घर पायां फेरा। रुतां श्राइयां बांदियां, श्राई घर पायां फेरा।।

2. सोहा:

दिखदे-दिखदे हिम गेश्रा, रुत बसाखै दी श्राई। जली जाएश्रां सोहे दिये नींदरे। जिसने साढ़े ढोल गोश्राए।

3. **ब**रसांत:

धारें धूड़ां पेइयां, कंढिया पेन्ना बरसाला। तुक्की मोइयें ठाकी बो रेहां, इक्कली निं जायां रुधारा। गद्दियें दे छोकरू बुरे, किल्लिया गी पौंदे भारा।

4. स्याला :

जम्मू दिया कंढियां बरखा लग्गी दी ते धारें पवा दे पाले। देह् सीतै ने डग-डग कबंदी ते मनै च पवा दे जाले।

5. रित्तिड़ियां: एह् लोकगीत बी कुसै ना कुसै रितु पर निर्भर होंदा ऐ। रित्तड़ी ते रुत्त गीतै च कोई फर्क नेई::—

सौन म्हीने दिये बदलिये, ब'रेश्रां सज्जनें दे देस । सज्जनें दे सिज्जे कप्पड़े, गोरी दे सिज्जे काले केस ॥

6. ढोलड़ू: एह् गीत जोगी-दरेस लोक चेत्तर म्हीने लोकें दे घरें जाइयें ढोलें दे मिट्ठे ताले पर गांदे न । इनें गीतें राहें श्रोह् चढ़ने श्राले व'रैं दे नां सुनांदे न ते घरिस्तियें कोला गरोले, पराने टल्ले-कप्पड़ें वगैरा ग्रांह्दे न:—

चेत्तर म्हीने चली ऐ, ब्हा बछोड़े स्नाली। टाह्ले भज्जी गे रुक्खें दे, सज्जन-मित्तर दोए चली गे, विड़ पटोई गे दुक्खें दे।।

- 7. छि'जां : मौसमी गीतें गी छिजां वी गलाया जन्दा ऐ :-मनै देश्रा मैह्रमा, घरै पायां फेरा, रुत्तां श्राइयां बांदियां, मन कल्पांदियां, ए पायां फेरा
- 8. बारां-माह : एह लोकगीत विंद लम्मे होंदे न। इन्दे च परदेस गेदे सज्जनें जां कैंता दे बछोड़े च गोरी दी बारें म्हीने दी बजोग दशा दा वर्णन होंदा ऐ।

स—सौन म्हीने ग्रंदर श्रवख रोंदी। बाह्र बदली छम-छम रोंदी ऐ। सुन्ना पलंग ते ग्रंबर बदल काला। विज्ज मिलकदी मने मेरै पवे जाला। कट्टां कियां करी सौन फुं'गें स्राला।

पर्व गीत: भारती संस्कृति दी बड़ी बड़ी विशेशता हर पर्वे-ध्यारै गी लोकगीतें कन्ने मनाना ऐ। डुगगर दे लोक बड़े धार्मक न ते स्रोह् पर्वे-ध्यारें गी बड़ा म्हत्तव दिदे न।

ध्यार गीत: (क)

नरात्ते : चेत्तर ते ग्रस्सूं म्हीनें दे नरात्तें च कुड़ियां नरात्ते रखदियां न ते कुसै इक घर देवी दी स्थापना करदियां न । नरात्तें च कुड़ियां टोलियें दियां टोलियां मूं ह्-न्हेरे नदी, दरेग्रा जां नाले पर न्हीन जंदियां न। नीमें नरात्ते भ्राले दिन ग्रोह् काह्न-सखियां बनांदियां न ते नरात्तें सरवंधी लोक-गीत गांदियां न । ग्रोह् थाल वी चित्तरदियां न । थालें दे गीतें गी ''थाल'' गै गलाया जन्दा ऐ।

सबनें जे कुड़ियें माए नरात्ते रक्खे-नरात्ते रक्खे, में बी रक्खां कुड़ियें नाल, सबनें जे कुड़ियें माए देवी पूजी-देवी पूजी, में बी पूजां कुड़ियां नाल ॥

चूटी दे गीत: नरात्तें दे दिनें संवां बेल्ले कुड़ियां देवी स्थापना श्राले घर किट्ठियां होइयै रुट्टियां खंदियां न । ग्रोह् अपने-अपने घरा दा ग्रपनी-ग्रपनी रुट्टी उत्थें लेई जन्दियां न ते ग्रापू -िबच्चें बटाई-बटाइयें रुट्टी दिदियां- लैंदियां न । कन्ने-कन्ने म्रोह् लोकगीत बी गांदियां न । इनेंगी चूटी दे गीत म्राखेम्रा जन्दा ऐ:—

इक नरात्ता दो नरात्ते, गंगा न्हाते, गंगा दे भठोरू आए। चुग्गो चिड़ियो, चिड़ियो-मिड़ियो,

श्रमें नरात्ते तुसें चोग, मां मेरी सुहागन होग ।।

थाल: चूटी करदियां कुड़ियां किश खेडगीत गांदियां न जिनेंगी 'थाल' स्राखेस्रा जन्दा ऐ:—

मुट्ठ मठेइया जियो भेइया, गुड़ें दी रोड़ी सौ रपेइया । लैनी ग्राली भैन सभद्रां, देने ग्राला बीर कन्हेइया ।।

बसाखी: कनका दी फसल पक्कने पर करसानै दा मन खुणी कन्ने नच्चन लगी पौंदा ऐ। बसाखै दी पैह्ली तरीखा गी ग्रोह् बसाखी जां बसोऐ दा ध्यार ढोलै दे ताला पर नच्ची-नच्चियै ते गाई-गाइयै मनांदा ऐ। मरदें दियां टोलियां थाह्र-थाह्र लग्गे दे मेलें च नच्चदियां ते 'सहां' मारदियां न:—

हिर्शिसह् जेह् नि माऊ जम्मने, गोरे थर-थर कम्मन श्रो मुंडेश्रो, तोफां जाई-जाई गरजिंदयां, गज्जन नंदन बिच्च श्रो मुंडेश्रो, एह् डोगरे शेर जम्मुश्रा दे जेह्ड़े दुश्मन दे दंद भन्नन श्रो मुंडेश्रो।। बज्ज श्रो ढोलिया बज्ज।

होली: फौगन म्हीने होलियें दा ध्यार बी लोकगीतें कन्ने मनाया जन्दा ऐ। रंग, पचकारी, अल्ता इस ध्यारै दे शंगार न। इक होलीगीत इंयां ऐ:—

श्रम रलीमिली सब सिखयां, खेढन होली चिलयां, तुम श्राक्खो नंदलाल जी, मदनगोपाल जी—खेढो होलियां।

लोह्, ड़ी: लोह्, ड़ी डुग्गर ते पंजाब दा ध्यार ऐ। डुग्गर च ध्यारै पर जागत छज्जे नचांदे न। सारा पोह्, म्हीना जागत घर-घर जाइयै वालन मंगदे न। लोह्, ड़ी त्राली रातीं ग्याना लाइयै तप्पदे ते खुशियां मनांदे न। इस ध्यारै दे जागतें ते कुड़ियें दे गीत वक्खो-वक्ख न:—

(क) जागतें दा इक गीत : कपनछुरी भाई कपनछुरी-हेरनी । कापां वाले श्राए सी-हेरनी । (लोह् ड़ी गीत)

कुड़ियें दा इक लोह ड़ी गीत: (理) श्रां कुड़े, तरचौलिए - श्रां गीग्गा मौलिए। श्रां गीग्गा जम्मेश्रा-श्रां गुड़ भन्नेश्रा।

म्रां गुड़ै दियां रियोड़ियां – म्रां भन्न मसोड़ियां — इत्यादि ।

इनें ध्यारें दे ग्रलावा होर वी मतेहारे रक्खड़ी, दियाली, होई, नाग-पैंचमी, जन्माश्टमी, उत्तरैण, वसैंतपैंचमी, बच्छदुग्राह्, द्रुवड़ी वगैरा ध्यारें ते वसोआ, हरमंदर, सिद्धसोआंखा, चेत्रचौदेग्रा, नरिंसहें दा मेला वगैरा मेलें उप्पर डुग्गर दा जनजीवन लोकगीतें च मस्त नजरी होंदा ऐ। मेलें पर मर्द-जनानियां आमतौरा पर भाखें ग्राले गीत गांदियां न।

द्रुबड़ी : द्रुवड़ी, वच्छदुआह् म्रांगर जनानियें दा पर्व ऐ । इस दिन जनानियां कुसै तलाऽ, पनासै पर जाइयै रुट्टें कन्ने द्रुबड़ी पूजदियां न :—

द्रुबड़ी द्रुबड़े दा ब्याह् होग्रा—हे, ऊ। रुट्टै ग्राली दै जागत होग्रा—हे, ऊ। इक दो त्रै चार पंज छे सत्त।

हे, ऊ बाह्र खेढन ग्रम्मां जाए – हे, ऊ। बगैरा

बच्छदुग्राह् : बच्छदुग्राह् ग्राले दिन वी जनानियां वर्त रक्खदियां, रुट्ट पकांदियां ते कुसै पानिये थाह्र जाइये रुट्ट पूजदियां न । इस पर्वे पर गाये जाने स्राले गीतें च इक इंयां ऐ:-

मौरियें दे बच्चे स्राए/गाइयें दे बच्छे स्राए। तेरड़ो बच्छ दुम्राह् /धप्पड़-धूं थप्पड़-धूं ।

करवाचौथ: जनानियें दा बड़ा म्हत्तवपूर्ण पर्व ऐ। इस रोज जनानियां ग्रपने सुहागै दे कल्याण ग्रास्तै निराहार वर्त रखदियां, हार-शंगार करदियां ते वेग्रा वटांदियां न । वेग्रा वटांदे बेल्ले ग्रोह् लोकगीत गांदियां न ।

हल-बाही पैर पायां नेईं —पैर कंढा चभायां नेईं। चुब्भै दा कढायां नेईं — सुत्ते दा जगायां नेईं । रुस्सै दा मनायां नेईं। इत्यादि

रुट्ट गीत : रुट्ट हाड़ म्हीनै दी संपादा थमां गुरू होंदे न । कुड़ियां कुसै खु[°]त्ले थाह्र जां घरें दे छत्तें पर राड़े रांह्दियां **न** ते हर ऐतवारें ओह् राड़े चित्तरिये किट्ठियां वेहिये हिट्टी खंदियां न । सीन म्हीने दी संग्रांदी गी बड्डा रुट्ट होंदा ऐ ते कुसै दरेग्रा, नैह्रा दे कंढे वेहिये बड्डे रुट्टै दा ध्यार मनांदियां न । इसदिन ग्रोह् ग्रपने-ग्रपने राड़े रढ़ाइयै तले दे खमीरे, बब्बरू ते होर पकवान खन्दियां ते खुणी बुज्झदियां न । रुट्टै दा इक गीत :—

ग्रम्बा! ओह् श्रम्बा!! तेरी छां घनी।
मीं परदेसन तेरे हेठ खड़ी।
ग्रम्ब त्रोड़ी ग्रोड़ेग्रा, ढोल बछोड़ी ग्रोड़ेग्रा।
सौन ग्राया ऐ के सच्च ग्राक्खो।
कियां उड्डां ए मड़िये, देस पराया ऐ ग्राक्खो।

इन्दे भ्रलावा कास्ती, पूर्णमासी, तिलाकास्ती, चन्तन छट्ठ, संगड़-चौथ, नैंत चौदेभ्रा, चैत्तर चौदेभ्रा बगैरा दे दिन जनानियां वर्त रखदियां न। इनें ध्यारें दे वक्खो-वक्ख लोकगीत न।

भिवत गीत: डुग्गर दे भिवत लोकगीतें गी दौं भागें च बंडेग्रा जाई सकदा ऐ। देवी-देवतें दी प्रशंसा च गाये जाने आले लोकगीतें गी 'भेटां' गलाया जन्दा ऐ, पर ईश्वर दी भिवत-भावना कन्ने भरोचै दे गीत 'बिशन-पते' खुग्रांदे न।

भेटां: डुग्गर प्रदेशै च बैष्णो माता, सुकराला देवी, बाह् वे म्राली, काली माता, ज्वाला माई, चिन्तपूर्णी वगैरा देवियें दी बड़ी म्हत्ता ऐ। डुग्गरवासी इनें देवियें दे प्रति म्रसीम श्रद्धा ते विश्वास रखदे न। इसलेई डोगरी लोकगीतें च देवियें दियें भेटेंगी म्हत्तवै म्राला थाह्र हासल ऐ।

माता बैष्णो दियां भेटां : जात्तरू दूरा-दूरा माता बैष्णो दे दर्शनें लेई इत्थें ग्रांदे न । ग्रज्जकल जात्तरा बारां म्हीने चलदी रौंह्दी ऐ। जात्तरा च जात्तरू बड़ी श्रे खा कस्ते बोलदे जन्दे न :—

दूरा-दूरा दा श्राइयां संगतां माता दे दरबार— बोलो जै माता दी। बिच्च प्हाड़ें दे माता बैठी भोने दे बश्कार— बोलो जै माता दी। सूंश्रा-सूंश्रा चोल्ला माता दे श्रंगें शेरै दी सोश्रार—बोलो जै माता दी। भौन माता दे छत्तर सोब्भन, सोह्ना लग्गें गोहाड़—बोलो जै माता दी। ज्वाला माई:—

जै मेरी देवां पर्वत बस्सनी; तेरा पार न पाया ।

तंगे-तंगे पैरें देवां श्रकबर श्राया। सुन्ने दा छत्तर चढ़ाया/जै मेरी देवां ॥ चिन्तपूरनी, सुकराला बगैरा दियां भेटां :— उच्चै नि दर कांगड़ा, दर बिच्च धौलीधार। उच्चे चिंद्यै दिक्खै माता, सैंत खड़े दरबार । हरदम तेरी पूजा करनां, में चरणें दे कोल। डब्बी भरी संदूर दी उप्पर रपेग्रा रोक। जो सैंत ग्रावै दरबार, मत्था टेकै लक्ख-लक्ख बार।

(क) बिशनपते : डोगरी दे भिक्तपरक लोकगीत ''बिशनपते'' खुम्रांदे न । 'विशनपता' विष्णुपद शब्दै दा विकसत रूप ऐ । विष्णु भगवान दे दस्सें ग्रवतारें दी भिवत कन्ने सरवंध रक्खने ग्राले भजन गीतें गी बिष्णुपद (विशनपता) ग्राखेग्रा जन्दा ऐ। विशनपता स्तोत्तरं कोला भिन्न इक निक्का-नेहा भिवतगीत होंदा ऐ:-

तेरा भेत कुसै नेई पाया भगवान बौंसरी वाले, मेलें च तुप्पेम्रा, बनजारें गी पुच्छेन्रा, स्वासें छप्पी रेह् भगवान बौंसरी वाले। तेरा भेत कुसै नेई पाया, भगवान बौंसरी ब्राले ।

(ग) शिव मैह्मा: शिवभिक्त पर ग्रधारत लोकगीतें गी शिव-मैह्मा गलाया जन्दा ऐ। किश शिव मैह्मा दे नमूने इंयां न :—

1. पार्वती दे बूऐ श्रगों शिव ने नाद बजाया, पार्वती दे बूऐ श्रगों शिव ने डेरा लाया, गौरां दा दिक्खो लाड़ा चढ़ी बैल पर स्राया।

2. शिव शैंकर भोलेनाथ, बूंदां बरसी रेहियां, गौरां ने बीजी हरी-हरी मैंह्दी, शिव भोले ने बीजी भंग—वूंदां बरसी रेहियां, गौरां दी उग्गी हरी-हरी मैह्दी, शिव भोले दी उग्गी पेई भंग—बूंदां बरसी रेहियां।

इन्दे ग्रलावा 'गुजरी' नां दे लोकगीत वी भिक्तगीतें च गै शामल कीते जन्दे न।

ग्रलंकार शास्तर ते ज्ञाता ग्राचार्यं शंगार, वीर, रौद्र, रसगीत:

भयानक, वीभत्स, हास्य, करुण, श्रद्भुत, शांत नां दे नौ रस मन्ने दे न। केई विद्वान भिवत गी ते केई वात्सल्य रसैं गी दसमां रस मनदे न, पर, ग्रसला च एह् दोऐ शंगार रसैं दे गैं भेद न, कीजे ग्रचारजे इनेंगी रितभाव दे ग्रन्तर्गत गैं गिने दा ऐ।

(क) संयोग शंगार:

जुल्कां जे तेरियां गज-गज लिम्मियां, तेलै दी सीसी पाई लै तूं। राजै देश्रा नौकरा, श्रक्खियां तेरियां श्रंबै दियां फड़ियां। सुरमे-सलाइयां पाई लै तूं, राजै देश्रा नौकरा!

(ख) वियोग शंगार:

डोगरी दे शंगार गीतें च बछोड़े दा रंग मता गूढ़ा ऐ। एह्दा वर्णन बी संजोग शंगारै दे मकाबले मता ऐ। किश बनकियां:—

देह्रे दिया धारा पौन फुहारां, स्रोढनू सिज्जी गेस्रा गोरिया दा। स्रोढनू धोंदी गोरी छम-छम रोंदी ऐ, स्रज्ज कैंत परदेसें गी टोरेस्रा में।

(ग) वोर रस:

होगरें दे स्राम धंधे करसानी ते फौजा दी नौकरी न । वीर डोगरे जुढ़ें च विजय करने च मुंढें थमां मश्हूर न । वीरता ते उत्साह् पर अधारत रस वीररस खुस्रांदा ऐ।—

> चढ़ी कोठै गर्ब स्नाले दिंदी, के धुम्मां पेइयां इनें नालें। रुम्नारें-पारें हाकां लिगयां, शेर गज्जा दे मंझ नालें। भरियां बंदूकां लिश्कन तोड़े, तीर लग्गे दे मंझ चारे। रतनू बजीरै लाब्बै कुठालै, धर्में दे लाए केईं नारे।।

(घ) हास्स रस:

- सौन म्हीने बदली बरसै, झीरै ने जाल बाहेग्रा।
 मच्छी डौला थ्होंदा नेइयों, सप्प मुऱ्ठी बिच्च श्राया।
 झीर बचारा छमछम रोंदा, में के जुल्म कमाया।
- श्राया कुब्बा श्राया चूहा, इसी ब्याह् कराना दूश्रा ।
 इक गी रक्ख दूइयै गी फाह्, गलांदा के लाड़िया दा चां ।
- (ङ) करुण रस:

हत्य लैत्ती दी लाची, बे-तुक्की रोंदी सक्की चाची वे पत्यू कु'न मारेम्रा ? पत्थू मारेग्रा निग्गोसारें बे पत्थू मारी लेगा। हत्य लैत्ते दे बाले, बे तुगी रोई-रोई दिन्नियां ग्राले बे पत्थू मारी लेगा। तेरे रोंदे न साथी सारे बे पत्थू मारी लेग्रा।

इन्दे ग्रलावा रौद्र, वीभत्स, भयानक वगैरा रसें दे गीत बी कुतै-कृतै मिली जन्दे न।

खेढ गीत: डोगरी लोकगीतें च खेढ गीतें दी संख्या बी काफी ऐ। इनें खेढ गीतें गी सधारण तौरा पर त्रौं भागें च बंडेग्रा जाई सकदा ऐ। 1. लोह्डी नरातें पर गाए जाने ग्राले लोकगीत, 2. आम खेढें दे गीत ते 3. टोक खेड गीत।

(क) पर्वे दे खेढ गीत:

कुड़ियां — नराते : —
तेल पाम्रो पा-पा, पचैलन फिरदी राह्-राह् ।
तेल पाम्रो बट्टी-बट्टी, पचैलन फिरदी हट्ठी-हट्टी ।
राड़े : —
रियोड़ा-रियोड़ा मिक्की नि खायां ।
खायां कल्लू दी सस्सा गी रियोड़ बोलैं ।
रियोड़ा-रियोड़ा मिक्की नि खायां ।
खायां बीरो दे सौह्रे गी, रियोढ़ बोलें ।
जागत — लोह्ड़ी दा गीत : —
बल-बल श्रग्गी बलदी जा, खड़ पराली स'लदी जा ।
गोटे साढ़े गिल्ले न, बालन साढ़े सि'ल्ले न ।।

(ख) सधारण खेढ गीत:

कुड़ियां — लू'ता खेढ गीत :—

चल मेरी ठीकरी समुन्दरै पार, समुन्दरै दा पानी ठंडा ठार ।

चल मेरी ठीकरी समुन्दरै पार, चलदी चल मी प्रावै नि हार ।

कीकली गीत :—

तिलकनी तलाई दी, लून-मर्च पाई दी ।

प्रौं कुड़ी राजै दी, एह् कुड़ी सपाई दी ।

ठीकरी खेढ गीत :—

ठीकरी मठीकरिये, तूं केह् ड़ा ताना ताया ई।
इस कुड़ी दा गोड्डा भण्जा, इस कुड़ी छपाया ई।।
जागत:—
जट्टा-जट्टा, की भाई जट्टा?
दुढ़ खाना मट्ठा? मट्ठा।
तंगा चोट खेढ गीत:—
उगाल-दुगाल तंगे चोट, मेरा बांटा नि भाई रोक।
एह् ची'च पी'च तूं गुत्ती खा, चोट लानी तां ऐंट्ट भखा।
पैसे-गुत्ती खेढ गीत:—
वैरी दे मुंढ श्रांडल-कांडल, ला हां फुंडा चल भाई जांडल।
ए तेरे शा नेई फंडोना, तां पही श्रसों रला पुश्राना।

(ग) 'टोक' खेढ गीत:

खेढें च इक-दूए गी चड़ाने ग्रास्ते जां मीटी नेई देने दी मरजी ग्राले खढारी गी लोकगीतें राहें जेह ड़ा गीत गाइयें छकाया जन्दा ऐ, कुड़ियें-जागतें दे उनें गीतें गी 'टोक' खेढ गीत ग्राखदे न:—

कुड़ियें दे टोक गीत :--

माग्वां पां भई माग्वी पां।
 बाग्गी दे दो मामे श्राए, मेरा श्राया जेठ।
 में ते बाग्गी न्हामन चले, बाग्गी श्राई गेंग्रा हेठ।

2. छत्त् फकीरै बुनी पंड, उत्थूं निकली रत्नी रंड । रत्नी रंड छंडी गीटी, गड्डी मारै पौं-पौं सीटी ॥ जागतें दे टोक गीत:

दुआले पर दुश्राला, भई दुश्राले पर दुश्राला । उत्यूं निकलेश्रा फत्तू दुश्राला ।

फत्तू दुश्राले मारी बड़क, उत्थुश्रां निकलेश्रा चढ़तू खड़क। चढ़तू खड़के पीह्ती चक्की, उत्थुश्रां निकलेश्रा गुरां ते कक्की। श्रम गीत:

लाही, रूह्णी, भार ढोना वगैरा मैह्नत-मशक्कत ते कठन कम्म करदे बेल्लै साह् फंडने जां हुट्टन भलाने आ्रास्तै गाए जाने आले गीतें गी श्रमगीत आलेखा जन्दा ऐ। सोहाड़ी: इनें गीतें दा सरवन्ध राही-बाही वर्गरा करसानी धंधें कन्ने ऐ। खेती-बाड़ी सरवंधत गीतें गी सोहाड़ी ग्राखेग्रा जन्दा ऐ:—

मक्कें दिया गोड्डिया ''से ऊश्चा। दम्मे दिया गोड्डिया ''से ऊश्चा। लद्दे दिया धारा 'से ऊश्चा। पौत फुश्चारां 'से ऊश्चा।

गरल्होडी: बडुं-बडुं लक्कड़ी दे कुंदे त्रीह्ड्ने, कुप्पड़ रेह्ड्ने, काठ बड्ढने जां ण्हतीर ढोने जैसे कठन कम्म करदे बेल्ले हुट्टन भलाने लई एह् गीत गाए जन्दे न:—

पुज्ज जोस्रान हेई सा। शाबा शेरा हेई सा। जिगरा तेरा हेई सा। शाबा पट्ठे हेई सा। होई जाश्रो कट्ठे हेई सा।

लाद्दी: घर-कोठा छत्तियै, ओह्दे पर मिट्टी पाने दे कम्मै गी 'लादी' गलाया जन्दा ऐ। इनें गीतें गी 'हैंस' वी म्राखेम्रा जन्दा ऐ:—

ए लाद्दी ऐ हां, हां बे हां, ए शेरो हां, बे हां। ए मरदो हां, बे हां, ए लाद्दी हां, बे हां॥

इंदे लावा मैह्नत-मणनकतू दे होर वी मतेसारे लोकगीत हैन।

मसलन चनकी पीह्ने दे गीत, रूह्णी (लाब) लाने दे गीत, धान छड़ने दे
गीत, बालन ढोने दे गीत, चौल बगैरा छट्टने दे गीत, चर्ला कत्तने दे गीत,

मिट्टी ढोने दे गीत, बड़ियां खुंडने दे गीत बगैरा।

नाच गीत: डुगगर देसै च मितयें किसमें दे नाच नच्चे जन्दे न, जिन्दे च फु'म्मनी, सोहाड़ी, भांगड़ा, कुड्ढ, कीकली, गिद्दा, चौकी, चाल, छज्जा नाच, हिरन नाच ग्राम ब्याह्-शादियें दे नाच मते मश्हूर न। इनें नाचें पर किश लोकगीत बी बोले जन्दे न।

भांगड़ा नाच गीत: भांगड़ा डुग्गर देसै दे मदानी लाके प्रथित् ऐंदढ़'दा नाच गीत ऐ। नाव नचदे, बिच्च खडोइये सह मारे जन्दे न।

कुड्ढ गीत: एह् डुग्गर दे प्हाड़ी लाके दा नाच ऐ। प्हाड़ी लाकें च बश्कार ग्याना लाइयें ग्रोह्दे चार-चफेरें जनानियां-मर्द गोलदारा बनाइयें होलें दे मद्धम तालें पर बल्लें-बल्लें एह् नाच नचदे न। ढोलें दे तालें गी ढोलें दे मद्धम तालें पर बल्लें-बल्लें एह् नाच नचदे न। ढोलें दे तालें गी ढेकू गलाया जन्दा ऐ। मदें दे हत्थें च नंगियां तलबारां ते जनानियें दे हत्थें रुमाल होंदे न। कुड्ढ नाच गीतें दे बोल:—

ढेकूं पुड़ नचस्तम, दूई जने हो हो । कुड्ढ देवस्थानें पर शुकरानै दे तीरैं पर बी लगदे न ।

चौकी नाच गीत: एह् नाच कंडी लाके च फसलां सम्मियां-सीलियां, तोड़ चढ़ी जाने पर करसान लोक ग्रपने-ग्रपने देवतें दे थानें पर शुकराने देतीर पर नचदे न । एह्दे बोलें दी इक पंगती इंयां ऐ:—

श्रो सच्चेत्रा, मेरा ध्यान तेरे बल्ल ।

फु'म्मनी नाच: एह् नाच गुग्गा नौमी स्राले दिन गुग्गा ते वासक नागै दे थाने पर शुकराने दे तौरे पर नच्चेस्रा जन्दा ऐ। इस लोकनाचै दे लोकगीतें च बावा गुग्गा, वासुकी, सुरगल बगैरा देवतें दी उस्तुत कीती गेदी होंदी ऐ:—

> सुरगल बावा तेरी साम । सबनेंई राजी रवखेश्रां । गुग्गा बावा देव जी । जे जे बावा सुरगल देव ।।

सोहाड़ी नाच: एह् नाच किश्तवाड़ जां उत्थुं आं वी परें फसलां पक्की जाने पर देवतें दे श्रग्गें शुकराने दे तीर पर नच्चेश्रा जन्दा ऐ। एह् दे बोल किश इंग्रांन:—

> सोहाड़ी सेड्ये रामा सोहाड़ी सेड्ये। रामेर वेला सीथीं। भोर द्रावे खारे। सोहाड़ी सेड्ये रामा सोहाड़ी सेड्ये।

छण्जा नाच: लोह्ड़ी ग्राले दिन जागत छच्जा नचदे न । छण्जा मोरै दी पाला गी मूरत रूप दिदे होई बंज्झै दियें लकड़ियें कन्ते बनाया गेदा ते रंग-बरंगे बर्के-काकलें कन्ते सजाए दा इक बहुा सारा छज्ज-जन होंदा ऐ। बोल इंयां न :—

> बाह् मोरा भेई बाह् मोरा । बदलें पाया घेरा । बाह् मोरा भेई बाह् मोरा । सारे छाया न्हेरा । बाह् मोरा, भेई बाह् मोरा ।।

हिरन नाच: लोह् ड़ी आले दिनै दी राती जागत इक जागते गी हिरन बनाइये घर-घर नचदे न ते लोक उनेंगी नच्चने दे पैसे दिदे न। हिरन नाचै दे बोल इंयां न:— हिरना-हिरना छालीं दे, सुत्ते दे बझाली दे। हीरेश्रा हिरना हीरेश्रा हिरना, दुहार नेइयों करना।

कीकली नाच गीत: एह् कुड़ियें दा नाच ऐ। दो कुड़ियां इक-दूई दा सज्जे कन्ने खब्बा ते खब्बे कन्ने सज्जा हत्थ फगड़िये पैरें कन्ने पर जोड़िये भंबीरी ग्रांगर फिरदियां नचदियां न। इस नाचै दे बोल इंयां न:—

कीकली कलीर दी, पग्ग मेरे वीर दी। दुपट्टा मेरे भाई दा, फेटे-मूंह, जुग्नाई दा।

रले-मिले गोतं :
 इनें गीतें च जीवनै दे वक्खो-बक्ख चित्तर चित्तरे दे होंदे न । इंदी

बी जमातबंदी कीती जाई सकदी ऐ। जियां—समाजक गीत, नीतिगीत;
लाम्मा दे गीत, प्रकृति-चित्रण सरबन्धी गीत, पशु-पैंछियें पर प्रधारत
(प्रन्योक्ति) गीत, तमाकू-झारी दे गीत, इतिहासक गीत, प्रधेंतिहासक गीत,
भागां ते गिल्मू, पीर, नूरां, सोह्नू, कुंजू ते चैंचलो गीत, घड़ा-बर्तन सरबन्धी
गीत, जादू-जड़ियें दे गीत, मसान, भूत, दुआला सरबन्धी गीत, फुल्ल-फल
सरबन्धी गीत, खान-पीन सरबन्धी गीत, कंडी दे जीवन सरबन्धी गीत,
प्हाड़ी निवास सरवन्धी गीत, सीने - परोने सरबन्धी गीत, रैह्त-बैह्त
सरवन्धी गीत, शकार सरबन्धी गीत, वगैरा । इनें लोकगीतें बारें अध्ययन,
परचोल, जमातबंदी वगैरा पर अनुसंधान करने दी बड़ी लोड़ ऐ।

दर्म्याने गीत - भाखां जां भाखें आले गीतः

इत्थें तगर जिनें लोकगीतें दा जिकर कीता गेम्रा, म्रोह् लौह्के लोकगीत हे। दरम्याने लोकगीतें गी 'भाखां' म्राखेम्रा जन्दा ऐ। भाख दरम्रसल लोकगीत गाने दी इक शैली ऐ। कोई वी गीत भाखशैली च गाया जाई सकदा ऐ। भाखां दरअसल मेले-मसादें जां खुशियें दे मौके पर गाइयां जांदियां न। इंदा विशे शंगार, वीर, करुण, वगैरा चा कोई वी रस होई सकदा ऐ। कदें-कदें इंदे च भिनत, नीति, उपदेश म्रादि दा बी प्रयोग कीता गेदा होंदा ऐ, पर भाखें दे म्राम विशे संजोग शंगार गै होंदा ऐ:—

 श्रम्बर गरजेश्रा श्रो बदली लग्गी ऐ, श्रो कूंजा गोरिये! श्रो इन्दर बरसै रिमझिम श्राई के, मक्खन रोलेश्रा बे दिल मेरा मोही लेश्रा, वे सब किश खोही लेश्रा इन्दर राजेश्रा! साढ़ा मेल नेई' होंदा बड्डे दूर दा।
चुगली कीती ऐ। बे तेरे दुश्मनें, बे कन्ने बैरियें
श्रो कू'जा गोरिये। प्हाड़ बे फटे सुरङ लाई के
राजे चली गे खजाने छोड़ी के। श्रो लक्खां जोड़ी के
श्रो इन्दर राजेश्रा!
लोकें बो के लैना प्रीतां तोड़ी के। ज्हाज गिरेश्रा बिच शमशान दे
बो कू'जा गोरिये!
मेरा दिल लग्गा तेरे नैन से। नीर बी सुक्का इस बंजार दा
बो इन्दर राजेश्रा!
में बो सुक्की तेरे प्यार से। श्रक्खों नेड़ियां हिरदा तूं दूर दा
साढ़ा मेल नि होंदा बड्डे दूर दा। में बे झूरां घर पर श्रपने
इन्दर राजेश्रा! तूं बे झूरें बिच्च परदेस दे।

2. मेरा जोगी; बो ढलेश्रा पत्तना, मेरा दिल नेई श्रो लगदा कत्तना, जली तंद तुट्टी-तुट्टी जा जोगिया ! जल मौज बज्झी-बज्झी जा जोगिया । (बगैरा) लम्मे लोकगीत :

डोगरी लोकगीतें दी त्री मुक्ख विधा बारां-कारकां न। इनेंगी 'लोकगाथां' नां दित्ता गेदा ऐ। गाथा दा ग्रर्थं लम्मी गाई जाने ग्राली कत्थ ऐ। इस ग्रथें मताबक डोगरी लोकगाथा च कारकां ते बारां दोयें लम्मे गीत ग्राई जन्दे न। बैसे बी डुग्गर प्रदेसें च इनें लम्मे गीतें गी दौं वर्गें च बंडेआ गेदा ऐ, जिनेंगी (1) कारकां ते (2) बारां गलाग्रा जन्दा ऐ। कारकों ते बारें दा बुनियादी फर्क एह ऐ जे कारकां ग्रोह लिम्मयां छन्दोबढ़ कत्थां न, जेह डि़यां देवी-देवतें दे बर्णन जां स्तुति-प्रशंसा कन्ने सरबन्ध रखदियां न, जदके बारां ग्रोह लिम्मयां लोककत्थां न जेह डि़यां देसे दे उनें व्हादर लोकें दे लोक प्रसिद्ध ते वीररसपूर्ण कारनामें कन्ने सरबन्ध रक्खदियां न जेह ड़े जनता ग्रास्ते ग्रहीद होए जां जिनें जनता गी सुखी रक्खने ग्रास्ते ते ग्रादर्श कायम करने ग्रास्ते ग्रात्म बिलदान दित्ते।

डोगरी दियां प्रसिद्ध कारकां एह् न : बावा जित्तो, दाता रणपत, बावा विरपानाथ, बावा सिद्ध गौरिया, बावा सुरगल, बावा भैड़, बावा भोतो, माता बैंडणो, माता काली, वावा भैरोनाथ, वावा पीर चरंगनाथ, दाता लीखो, दाता बाल्ला, दाता रंगू, दाता हल्लो, वूम्रा भ्रमरो वगैरा ।

डोगरी भाशा दियां प्रसिद्ध बारां एह् न : मीरदास चोहान, राजा मण्डलीक, राजा होडी, राजा होंस, रुल्लै दी कूह्ल, हीरा हिरन, वैंसलू, लछमन दा जोग, डोल पादशाह् बगैरा।

डोगरी लोक-गाथाएं दी विशेशता एह् ऐ जे जियां ग्राम लोकगीत घर-वाह्र इक्कले-दुक्कले ढोलकी कन्ने जां वगैर ढोलकी वगैरा साजें दे गाए जाई सकदे न, उंआं वारां, कारकां नेई गाइयां जाई सकदियां। इनेंगी गाने ग्राले गारड़ी, जोगी जां दरेस नांएं दी विशेश जाति दे लोक होंदे न। ग्रीह् लोकगाथाएं गी किंग, इकतारा, ढोल वगैरा साजें उप्पर विशेश शैली च गांदे न। इंदी दूई विशेशता एह् ऐ जे जित्थें लौह्के ते दरम्याने लोकगीत इक-दौं वारी सुनियें जां घोखियें याद होई जंदे न, उत्थें लोकगाथां मितयां लिम्मयां होने करी तौले याद नेई होई सकदियां। एह् योगियें, गारड़ियें ते दरेसें गी गै याद होंदियां न। त्री विशेशता एह् ऐ जे लोकगाथें दा छन्द इक्कै होंदा ऐ, जदके लोकगीत वक्खो-वक्ख छंदें च रचे गेदे होंदे न। लोकगाथाएं दा छंद 'गाथा छन्द' खुआंदा ऐ। प्रसिद्ध लोकगाथाएं दे किश ऐंश नमूने दे तौरा पर पेश न:—

टिल्लै बैठे गोरखनाथै साम्बे नजर दुड़ाई। ग्रिसुर राजा बिच्च सांबै बसदा मनदा जोगियें नाईं।। चलो बे सिद्धो सांबै गी चलचै ते ग्रिसुरें गी पावै लाई। लेई बो जमातीं गोरख चलदे ते सांबै पर नगी ग्राई।। ते उड़डी धूड़ गगनै गी ते सूरज ल'बदा ऐ नाईं। पैरे दियें बे धूड़ों कन्ते सूरज ग्रोझल होई जाई।।

—कारक बावा भैरोनाथ

ग्रंदर सोते बाह्र सोते बापू श्रोंदा कनक लदाई । श्रगों नेई चिर लांदा बापू श्रज्ज कियां चिर लाई ।। -—कारक बावा जित्तो

भाद्रों म्होने नमैंदी तित्थू जनम राजा ने पाई। अरबी बाजे बज्जन लगो मैह लें बज्जै बधाई।। मैह लें बज्जै बधाई। मैह लें बज्जै बधाई राजै तोफें दी छलक कराई।

गास लोक ते मात लोक कम्बै पृथ्वी कम्बी सारी । हुकम कीता राजा वासकै मुड़ी प्यूली पंत सदाई !।

— वार वीर गुग्गा (हिमाचली रूप)

रिहा जां सुरा दी दरिशिटी कन्ने बी डोगरी लोकगीतें दी बंड कीती जाई सकदी ऐ। भाखां, त्रोड़क, झंझोटी, चन्न, ढोलड़ू, गीतड़ू, बारां, कारकां बक्खो-बक्ख रिहाएं कन्ने बोले जाने श्राले गीत न। रिहा संगीत-शास्तरै दा विशे ऐ, इस श्रास्तै इत्थें एह्दे पर विस्तारपूर्वक विचार नेई कीता जाई सकदा।

उप्परली लोकगीत बंड ग्रकारादि कमै दी दरिण्टी कन्ने बी कीती जाई सकदी ऐ, पर, मुक्ख रूप कन्ने निक्के, दरम्याने ते लम्मे लोकगीत नां दे त्रै भेद गैं करने ठीक न।

लोक-कत्थ:

लोक-संस्कृति दी व्यंजक लोक-कत्थ उन्नी गै परानी ऐ, जिन्ना मनुक्खी जीवन पराना ऐ। पैह्ली लोक-कत्थ उस वेल्लै सुनी-सनाई गेई होग, जिस बेल्लै दुनिया च पैह्ली वारी मनुक्खै ने वोली वोलनी सिक्खी होग ते उसी कोई दूआ साथी ल'ब्बा होग। ओह्दी पैह्ली लोक-कत्थ घटना-प्रधान गै होई सकदी ही। यकीनन उस जुगै च मनुक्ख पशुएं आंगर जंगलै च रौंह्दा हा ते जानवरें दा कच्चा मास खाइयै जीवन-निर्वाह् करदा हा। श्रोह्दे पशुएं गी मारने दे साधन हत्थ जां व'ट्टे हे।

लोक-कत्था दा इतिहास बड़ा पराना ऐ। ग्रादम भाशा च एह्दा कनेहा रूप रेहा होग, एह्दे वार किश नेई ग्राक्षेग्रा जाई सकदा। दुनिया दी सबनें थमां परानी उपलब्ध पोत्थी ऋग्वेद ऐ। एह्दे च कत्थें दे प्रारूप शुनः शेप उपाख्यान वगैरा दी शकला च मिलदे न। ब्राह्मणग्रैंथें च केई कत्थां मजूद न, जिन्दे च उर्वशी पुरुरवा कत्थ वड़ी मश्हूर ऐ। उपनिशदें च कत्थें दा रूप काफी उग्चड़े दा मिलदा ऐ। कठोपनिशदा दा 'नचिकेतो-पाख्यान' सार प्रसिद्ध ऐ। लोक-कत्था दा शैल-सन्हाकड़ा रूप गुणाढ्य होंदी 'वोड्ढ कत्थ' (सं. वृहत्कथा) नां दी पैशाची प्राकृता दी पोत्थी च मिलदा ऐ। एह् पोत्थी जमाने दियें परतें च गुम्म होई गेदी ऐ, पर एह्दे संस्कृत-रूप वृहत्कथा मंजरी ते कथासरित्सागर दा डोगरी ग्रमुवाद स्व. केदारनाथ शास्त्री होंदे दुग्रारा जम्मू-कश्मीर कल्चरल ग्रकैडमी दी जम्मू शाखा ने

करवाया ते सन् 1975 ई. च प्रकाशत कीता हा। पंचतन्त्र ते हितोपदेश वी कत्थें दे संग्रैह, न। एह्दे बाद बैताल पंचिविशतिका, सिहासन द्वात्रिशिका ते शुकसप्तिति नाएं दियां कत्थ-पोत्थियां ग्रांदियां न। इंदे उपरांत जातक कत्थें दा थाह्र ऐ। जातक कत्थें दी संख्या 550 ऐ। इंदी भाशा पाली-प्राकृत ऐ। इनें कत्थें दे संस्कृत ग्रनुवाद जातकमाला, ग्रवदान शतक, दिच्यावदान वगैरा नाएं कन्ने होए दे न।

भारती कत्था दा सारे संसारै दियें कत्थें पर प्रभाव ऐ। मतासारा भारती कत्थ-साहित्य विदेशी भाशें च ग्रनूदत होए दा ऐ। भारती लोक-कत्थें दे ग्रनुवादै दा सिलसला ग्ररवी, पैह्लवी (ईरानी) भाशें कोला शुरू होग्रा हा ते वल्लें-वल्लें सारे संसारै च फैली गेग्रा। ग्रंग्रेजी भाशा दी 'ईसप फैबल्स' कत्थ पोत्थी पर पंचतन्त्र दियें कत्थें दा प्रभाव टकोदा ल'बदा ऐ।

वर्गीकरण: लोककत्थें दा वर्गीकरण केइयें विद्वानें, केइयें तरहें कन्ने कीते दा ऐ। पुराना वर्गीकरण ग्रानन्द वर्द्धनाचार्य हुंदा कीते दा ऐ। ग्रोह् कत्था गी 'परिकथा', 'सकलकथा' ते 'खण्डकथा' नांएं दे त्रौं भेदें च बंडदे न । ग्राचार्य हरिभद्र एह्दे (1) ग्रर्थकथा, (2) कामकथा, (3) धर्मकथा ते (4) संकीर्णकथा नां दे चार भेद दसदे न । डा. कृष्णदेव उपाध्याय होरें एह्दे (1) उपदेशकथा, (2) व्रतकथा, (3) प्रेमकथा, (4) मनोरंजन-कथा, (5) समाजक कथा ते (6) पौराणक कथा छे भेद ग्राक्खे दे न । लोककत्थां जादेतर उपदेश कत्थें च म्रांदियां न । डोगरी लोककत्थें च पशु-पैंछियें थमां लेइये राक्शमें तगर दियां कत्थां मजूद न । इनें कत्थें दा प्रधान उद्देश सिवखमत्त दे ग्रलावा मनोरंजन वी ऐ। डोगरी च लोककत्थें दे ते'रां संग्रैह् कल्चरल ग्रकैडमी पासेग्रा प्रकाशत कीते जाई चुक्के दे न। एह् दे लावा डोगरी संस्था, जम्मू ते डोगरा साहित्य मंडल, जम्मू द्वारा बी 'इक हा राजा' ते 'भागवत दियां कत्थां', 'मिजरां' वगैरा लोककत्थ संग्रैह् प्रकाशत कीते गेदे न । पर ग्रज्जै तगर इक बी लोककत्थें दा ऐसा संग्रैह् प्रकाशत नेई होग्रा, जेह्डा कुसै वैग्यानक वर्गीकरणै पर ग्रधारत होऐ। लोक-साहित्य दे पारखी विद्वानें द्वारा कीते गेदे लोककत्थें दे वर्गीकरण हर भाशा दियों लोककत्थें पर पूरे नेई उतरदे, इसलेई लोककत्थें गी उंदे स्वातमै मतावक गै वंडना जरूरी ऐ। डा. वीणा गुप्ता होरें इस्सै दरिण्टी कन्ने इनेंगी ख'ल्ल लिखे दे आरें वर्गें च वंडे दा ऐ :--

1. पणु - पैंछियें सरवन्धी, 2. देवी-देवतें सरवन्धी, 3. परियें ग्रन्सरें सरवन्धी, 4. भूत-प्रेत, राक्शसें सरवन्धी, 5. कीड़े-पतंगें सरवन्धी, 6. क्वख-वू'टें, फलें-फुल्लें सरबन्धी, 7. राजा-रानी सरवन्धी, 8. जनानी-मर्द सरवन्धी, 9. साधु-म्हातमा सरवन्धी, 10. चोर डाकुएं सरवन्धी 11. ग्राम रली-मिलियां कत्थां।

एह् वर्गीकरण वड़ी मात्तरा च डोगरी दे लोककत्थ साहित्य गी अपने अंदर समेटी लैंदा ऐ ते उंदा प्रतिनिधित्व वी करदा ऐ, पर मेरी समझा च एह् वर्गीकरण आपूं-विच्चें किश खल्तमल्त होए दा समझोंदा ऐ, कीजे मर्द-जनानी सरवन्धी वर्गें च राजा, रानी, डाकू, चोर, परियां, अप्सरां, साधु, म्हात्मा अपने-आप आई जंदे न । इसलेई वर्गीकरण टकोह्दा होना चाही दा ऐ।

मेरी समझा च डोगरी लोककत्थें दे सत्त भेद होई सकदे न, जेह् इं इंग्रांन:—

- 1. नीति-लोककत्थां, 2. मनोरंजन लोककत्थां, 3. धर्म लोककत्थां, 4. रसात्मक लोककत्थां, 5. पुराण सरवन्धी लोककत्थां, 6. चमत्कार सरवन्धी लोककत्थां ते 7. रलीमिली दियां लोककत्थां।
- 1. नीति लोककत्थां: इस वर्गे च ओह् सारियां लोककत्थां शामल न, जिन्दे च पशुएं-पैंछियें, कीड़े-पतगें, मर्दे-जनानियें, परियें-अच्छरें (ग्रप्सरें) दियें वहानियें द्वारा निक्कें-बड्डें गी कोई ना कोई सिक्ख-मत्त ते लोक-व्याह् रै दा ढंग समझाया गेदा होंदा ऐ।
- 2. मनोरंजनै दियां लोककत्थां : इस वर्गे च छड़ियां उयै लोककत्थां ग्रांदियां न जिन्दा उद्देश टकोह्दा मनोरंजन होंदा ऐ। कुतुहल ते
 ग्रोह्दी ग्रांति ग्रथांत् ग्रग्गें के होग्रा, प्रश्नै दा उत्तर लोककत्था दा बजूद
 ऐ ते इये कुतुहल जां उत्कण्ठा मनोरंजन पैदा करदी ऐ। लोककत्था च
 पहीं के होग्रा ते जे किश होग्रा, वस होग्रा। प्रश्न ते उत्तर इत्थूं तगर गै
 सीमित रींह्दे न, की होग्रा, कियां होग्रा, एह् होई वी सकदा ऐ जां नेई
 वगैरा दा लोककत्था कन्ने कोई तल्लक नेई। लोककत्था गी वैज्ञानक
 आलोचना दी कसवट्टी पर कस्सेआ नेई जाई सकदा। लोककत्था कन्ने जे
 एह् सब किश कीता जा तां ग्रोह्दा मनोरंजन ते मुक्की गै जाग, कन्ने गै
 लोककत्थ विल्कुल बेहूदा ते फजूल ल'व्वन लग्गग। दरग्रसल, लोककत्था दे

श्रोतागण ग्रोह् बच्चे ते भोले-भाले लोक न, जेह् इं लोककत्था दी घटना गी तर्क-वितर्के दियें छुरियें कन्ने जरूमी करना नेई जानदे।

- 3. धर्म कत्थां : इंदे च नत्त, वर्त, जगा, धर्म-नेम, ग्रनुण्ठान, परजोग वर्गरा ते उंदे म्हातमै कन्ने सरवन्धत, साधुएं, म्हातमें ते देवी-देवतें दियां कत्थां ग्रांदियां न । इस वर्गे च दुण्टें, राक्णसें, भूतें-प्रेतें दियां वी ग्रोह कत्थां ग्राई जंदियां न, जिन्दे च कुसै सैंत-म्हातमा जां साधु-फक्तीरें दी मेह रवानी कन्ने राक्णसें, जिन्नें, भूतें कोला मुक्ति मिली दी होऐ ।
- 4. भाव-लोककत्थां : इंदे च हास्सा, मसखरी, प्रेम, कोध वर्गरा भावें पर ग्रधारत लोककत्थां लैतियां जंदियां न ।
- 5. पौराणक लोककत्थां : इस वर्गे च विश्तू, शिव, वर्गेरा पुराणें दियां स्रोह् कत्थां आंदियां न, जेह् ड़ियां मौलक रूपे च पुराणें दियां कत्थां होंदियां न, पर लोकें दियें जीभें पर फिरी-फिरिये विकित होई गेदियां होंदियां न।
 - 6. चमत्कार कत्थां : इंदे च कोई ना कोई देवी चमत्कार ग्राली घटना वर्णत होंदी ऐ, जेह दे कन्ने सुनने ग्रालें दा रहानगी भरोचा मनोरंजन होंदा ऐ।
 - 7. रली-मिलियां लोक कत्थां : जेह् ड़ियां लोककत्थां उप्परले भेदें च टकोदियां नेई ग्रींदियां जां जिंदे च उप्परले भेद च गिटमिट होयै दे होन, ग्रीह इस वर्गे च गिनियां जंदियां न।

स्राकार जां कलेवर दी दिश्टी कन्ने डोगरी लोककत्थें गी त्रौं वर्गे च चंडेग्रा जाई सकदा ऐ। 1. निविकयां लोककत्थां 2. लिम्मियां लोककत्थां 3. कलियें ग्रालियां लोककत्थां।

- 1. तिक्कियां लोककत्थां : इतें कत्थें च चिड़ी, कां वगैरा पैंछियें, विल्ली, कुत्ता, सींह् वगैरा पशुएं ते मनुवखें दियां ग्रोह् कत्थां शामल कीतियां जाई सकदियां न, जिंदे कन्ने ज्यानें दा मनोरंजन कीत्ता जंदा ऐ। इंदा बजूद बड़ा निक्का होंदा ऐ ते किश खिनें च एह् लोककत्थां मुक्की जंदियां न।
- 2. लिम्मयां लोककत्थां : इस वर्गे च ग्रोह् लोककत्थां औंदियां न, जेह् डि़यां स्यानें दा मनोरंजन करिदयां न ते इक वैठका च सुनाइयां जाई सकदियां न। एह् ग्रामतीरा पर राजे-रानियें दे जीवनै पर ग्रधारत होंदियां न ते इंदे च केई चमत्कारक गल्लां ते घटनां होंदियां न।

किलयें श्रालियां लोककत्थां : एह् लोककत्थां मिश्रत लोककत्थां जां मितयें सारियें लोककत्थें दा मजमूत्रा होंदियां न । एह् इक बैठका च नेई मुकिदयां । इंदे श्रोता ते वक्ता दोए धर्यवान होंदे न ते केई -केई वैटकें च इनेंई सुनदे सनांदे रौंह्दे न । कत्थ ते इक शुरू होंदी ऐ पर श्रोह्दे विच्चा दा केई - केई किलयां निकलिदयां न, जेह् ड़ियां अपने-श्रापे च पूरियां कत्थां होंदियां न । इनें कत्थें दा उद्देण लम्मे समै तक मनोरंजन पैदा करना होंदा ऐ । डोगरी लोककत्थे दियां विशेशतां :

- 1. कुतूहल: डोगरी लोककत्थें च शुरू कोला गै स्रोतें दे मनै च इक खुतखुती पैदा होई जंदी ऐ ते बल्लें-बल्लें एह् उरकंठा अग्गें-ग्रग्गें वधदी ऐ ते जिसलें कत्थ मुकदी ऐ तां इक शांति, इक तृष्ति, इक ग्रसीम संदोख बझोंदा ऐ। एह् कुतूहल गै स्रोता च 'ग्रग्गें के होग्रा? ग्रग्गें के होग्रा? दा विचार करिये मुंढा थमां ग्रखीर तक कत्था गी सुनने दी रुचि पैदा करदा ऐ।
- 2. घटना प्रधानता: डोगरी लोक कत्थें च वी ग्राम लोककत्थें आंगर घटना दा थाह्र गैं प्रधान होंदा ऐ। एह्दे च पात्तरै दा कोई विशेश मुल्ल जां थाह्र नेई होंदा। म्हत्त ते पात्तरें कन्ने वीत्ती दियें घटनें दा होंदा ऐ। घटना गैं लोककत्थें च सोरकता पैदा करिदयां न। डोगरी दियें मितयें सारियें कत्थें च घटनाएं दे चमत्कार, विचित्रता जां रोमांच इत्थें तगर बधी गेदा होंदा ऐ जे ग्रोह् सभावकता जां सचाई दी घस्सवट्टी पर पूरा नेई उतरदा, पही वी घटना उदे मौजक रूप च स्रोताएं दूआरा ग्रेंह्ण करी लैतियां जंदियां न। जियां ''भूपत जोगी'' नां दी लोककत्था च सुंदरी गी जादूं दे जोर मक्खी बनाई सुटुना ते झोले च पाइयें टुरदे होना जां 'किस्मत' नां दी लोककत्था च शिवें दी मेह्र कन्ने विल्ली दा जनानी बनी जाना वगैरा।
- 3. उपदेश ते मंगलकामना: कां-चिड़ी वगैरा पैंछियें ते विल्ली, कुत्ता, रिच्छ वगैरा पणुएं दियें निक्कियें-निक्कियें लोककत्थें च ज्यानें-स्यानें गी सिक्खमत्त देने दा भाव मजूद ऐ। केइयें लोककत्थें च 'सर्वद् दा भला' जनेही मंगलकामना टकोह्दी पनछोंदी ऐ। जियां 'संगड़चोथ' नां दी लोक-कत्था च अपने सारे मुल्खै दी भलाई ग्रास्तै जागतै ने ग्रापूं ग्रपनी बल दित्ती।
- 4. वर्णन शैली दी प्रधानता: सवनें डोगरी लोककत्थें दी रोचकता कत्थ सुनाने ग्राले दी वर्णन-शैली पर निर्भर रौंह्दी ऐ। वक्ता वर्णनशैली

च जिन्नी रोचकता पैदा करग, स्रोता उन्नी गैरिच कन्ने ग्रोह्दी लोककत्था गीसृतङन । इसलेई स्पश्ट ऐ जे कत्था दी घटना दी रोचकता कन्ने वक्ता दीवर्णनर्शंली दीरोचकता बी जरूरी ऐ। बल्के एह् आवखना विल्कुल सच्च ऐ जेवर्णनर्शेली दीरोचकता कत्था गीमतीरोचक बनांदी ऐ।

- 5. संजोगांत होना: सारियां लोककत्थां संजोगांत होंदियां न। इंदे च संघर्ण, द्वन्द्व, टाकरा बी वड़ा होंदा ऐ ते जिंदगी दे नेकां उतरा-चढ़ाऽ बी मिलदे न पर, ग्रखीर बेल्ले लोककत्थ संजोगांत गैं होंदी ऐ। भारती सिद्धांता मताबक दुक्ख, कसाले झेलने दा परिणाम सुख गैं होना चाही दा ऐ।
- 6. वासना-हीनता: डोगरी लोककत्यें च कुतै वी ग्रग्लील काम जां गंदी वासना कन्ने बोझल गंगाररसै दा वर्णन नेईं मिलदा। इंदे च जस्मानी सुखै लेई नैतकता दी कुर्वानी कुतै वी दित्ती गेदी नेईं मिलदी। डोगरे वैसे वी वड़े शरमीकल सभाऽ दे लोक न। ग्रोह् वासना दे प्रदर्शन गी समाज वरुद्ध कम्म मनदेन। इसलेई डोगरी लोककत्यें च जनाने शलैंपे दे वर्णन मजूद होने पर वी कामुकता दा ग्रभाव ऐ।
- 7. मनोवैज्ञानकता: डोगरी लोककत्थें च भाएं केइयें घटनाएं दो सभावकता नेई मिलदी पर मनुक्खी मने दियें प्रवृत्तियें दी सभावकता सवनें लोककत्थें च मिलदी ऐ। कुस स्थिति च मनुक्खें दा मन के सोचदा ऐ ते मनुक्खें गी के करने लेई ग्राखदा ऐ, इस मनोवैज्ञानकता गी डोगरी लोककत्थकार पूरी तरहां जानदे हे। उने मनुक्खी मने दे तत्थें गी वड़ी सुन्दरता कन्ने लोककत्थें च प्रकट कीते दा ऐ।
- 8. मानवीकरण: डोगरी लोककत्थें च फुल्ल, फल, बूटे, पैंछी, पण, पर्वत, कुपड़, दरेआ, सरोबर बगैरा मनुक्खें ग्रांगर मनुक्खें कन्ने गल्लां करदे न। इनेंगी कत्थें च मनुक्ख तसब्बर कीता गेदा ऐ। डोगरी लोककत्थें दी एब्बी इक खास विशेशता ऐ।
- 9. लोक संस्कृति दी पृट: इनें लोककत्थें च भारती संस्कृति दे अन्तर्गत डोगरी लोकसंस्कृति दी पुट बराबर मिलदी ऐ। इये पुट डोगरी लोककत्थें गी दूइयें भाशें दियें लोककत्थें थमां नखेड़दी ऐ। समाज शास्तरें दे विद्वान जानदे न जे डोगरी लोककत्थ डुग्गर दे नमें-पराने समाजै दे अध्ययन आस्तै किन्ना बड़मुल्ला खजाना न।

डोगरी लोककत्थें दा स्रजें तगर कुसै ने वैज्ञानक जां सर्वसम्मत वर्गी-

करण नेई' कीता ते नां गै वर्गीकरणै मतावक लोककत्थें दे संग्रैह् छ्पे। पही इंदा भगोलक, ऐतिहासक, मनोवैज्ञानक, समाजणास्त्रीय, नृणास्त्रीय, भाशा वैज्ञानक, सांस्कृतक वगैरा ग्रध्ययन ते वड़े दूरै दी गल्ल ऐ। विश्व-विद्यालय, कल्चरल ग्रकैंडमी, डोगरी संस्था, डोगरी रिसर्च इन्स्टीच्यूटगी इस पास्सै मता ध्यान देने दी लोड़ ऐ। प्रकीर्ण लोक-साहित्य:

लोक-साहित्य दियां विड्यां किस्मां लोकगीत ते लोककत्थां गै न, पर लोक-साहित्य दा वजूद छड़े लोकगीतें जां लोककत्थें कन्ने गै नेई वनदा। एह्दे शरीरें दी रचना च मुहावरे, खुग्रान, वझातां-फलौनियां, मैंत्तर-तेंतर, रूढ़ियां, परम्परां, लोकविश्वास वगैरा दा वी जोगदान ऐ।

मुहावरे:

मुहावरा शब्दै दी उत्पत्ति अरबी भागा दे ''हीर'' शब्दें थमां होई दी ऐ। "हौर" शब्दै दा अर्थ गल्ल वात जां सुम्राल-जवाव ऐ। 'मुहावरा' शब्दें दी इक खास योजना होंदी ऐ । ग्रपनी आपै च मुहावरा इक वाक्यांश ऐ। मुहावरेदा ग्रर्थ लक्षणा शक्ति पर निर्भर होने करी लाक्षणक होंदा ऐ। जियां ''लक्क त्रुट्टना'' मुहावरै दा शब्दिथ भज्जी जाना ऐ पर लाक्षणक ग्रर्थ सख्त सदमा पुज्जना ऐ। ऐसा सदमा जेह् ड़ा मनुक्खें दे सब कम्म छुड़काइयें उस्सी लेटने पर मजबूर करी देये ते ग्रोह् उस मनुक्खे ग्रांगर उट्टी नेई सकै जेह्दा लक्क सच्चें-मुच्चें कुसै हादसै कारण त्रुट्टी गेदा होऐ । मुहावरें दा ग्रर्थ हमेशां ग्रजहत्स्वार्था लक्षणा राहें ग्रपने संकेतत शब्दार्थें कन्ने वी बिंद-क जुड़ेदा रौंह्दा ऐ। जियां ''ठूठे पानी पिलाना'' मुहावरे दा ग्रर्थ कुसैगी मिट्टी देप्यालेच पानी पलाना ऐ, पर एह्दा लाक्षणक ऋर्थ कुसैगी पूरी तरहां अपमानत करना ऐ। पुराने जमाने दी धारणा मताबक अपमानत लोकें गी नीच समझेग्रा जन्दा हा। उनेंगी लोक प्याले च पानी पलाइयै प्याला भन्नी छोड़दे है। इंयां कुसैंगी प्याले च पानी पलाना वड़ा भारी अपमान समझेग्रा जन्दा हा। कुसैगी ठूठे च पानी पलाने दा ग्रर्थ श्रपने संकेतत ग्रर्थे कन्ने बी जुड़ेदा ऐकी जे व्यक्ति गी ग्रपमानत करने श्रास्तै ठूठेच पानी पलाया जन्दा हा । इसकरी इस मुहावरे दा ग्रर्थ प्रजहत्स्वार्था लक्षणा पर निर्भर ऐ। वाक्य दे उस ग्रखीरी ग्रंगै गी मुहावरा आक्लेग्रा जन्दा ऐ, जेह्दा ग्रर्थं ग्रभिधेग्रार्थं दे थाह्र लाक्षणक होए।

मुहावरे कन्ने गै मिलदा-जुलदा इक रोजमर्रा ऐ। दिनोदिन, ऐन मौकै पर, ग्रीत्तरभान, चिट्टी दाढ़ी. दिक्खदे सार, पौन-पट्ट, निवकी लोई, पेट्टी भ्राऽ, कच्चे थाह्र, ग्रांईं डोग्गा, ग्रैंह्री डोग्गा— जनेह् शब्द समूहें जां वाक्यांगें दा प्रयोग वी मुहावरै ग्रांगर लाक्षणक ग्रथें दा वाचक होंदा ऐ पर एह् प्रयोग रोजमर्रा खुआंदे न, कीजे मुहावरा कियापदै वगैर प्रयुक्त नेईं होंदा। ग्रक्ख मारना, ग्रामले केरना, उड़ुरी-उड़ुरी पौना, ईद मनाना, हत्थ मलना, वगैरा वाक्यांग मुहावरे न। इंदे च मारना, केरना वगैरा समान्य किया कियापदें दा रूप धारियें प्रयुक्त होंदियां न। जियां पुत्तरै दा सगन ग्राने पर मां 'उड़ुरी-उड़ुरी पवारदी ही।' ग्रर्थात् बड़ी खुश होग्रारदी ही।

केई बारीं रोजमर्रा बी मुहावरा बनी जन्दा ऐ। जियां — 'कच्चे थाह्र' रोजमर्रा ऐ, (कच्चे थाह्र रात ग्राई ऐ) पर जेल्ले 'कच्चे थाह्र फसना' दा प्रयोग मुसीबता जां मुण्कला च घिरी जाना कीता जाग तां एह् रोजमर्रा मुहावरा खुग्राग।

इतिहास: मुहावरै दा इतिहास बड़ा पुराना ऐ। वैदिक-साहित्य च जां संस्कृत साहित्य च मुहावरें दा इयै नेहा प्रयोग नेईं मिलदा—जनेहा साहियें निमयें भारती ग्रार्य भाशों च मिलदा ऐ, पर पही बी ग्रस गलाई सकने ग्रां जे मुहावरें दा अपनी तर्जा दा प्रयोग उस जमाने च बी होंदा हा। जियां—'चक्षुर्गच्छति' कणौंलगित (ग्रक्ख जंदी ऐ, कन्न लांदा ऐ) ग्ररण्य-रोदनम्, का गितः, इत्यादि। संस्कृत साहित्य च मुहावरें गी लक्ष्यार्थ ते व्यंग्यार्थ दे ग्रन्तर्गत मन्ने जाने करी इन्दी चर्च वक्खरी नेईं कीती गेदी, वल्के लक्षणा ते व्यंजना शक्तियें दे गैं ग्रन्तंगत कीती गेदी ऐ।

प्राकृत भाशों ते अपभ्रं शों च बी मुहावरे प्रयुक्त होंदे है, पर निमयों भारती आर्य भाशों च इंदा प्रयोग आम होई गेआ। आर्य भाशों दे अरबी फारसी, तुर्की, पोर्चुगीज, फांसीसी ते अंग्रेजी भाशों दे सम्पर्के च आने करी इनें भाशों दे केई मुहावरे सिद्धे जां कुसै भाशा दे माध्यम कन्ने डोगरी च अनूदित होई गे ते केइयें दी देखा-देखी नमें मुहावरे पैदा होई गे। जियां—गर्म करना (कुसै गी लत्तें-मुक्कें कुट्टना) नशा छाना (घमंड होई जाना) विस्मित्ला करना (शुरू करना) बरसना (झिड़कना) बगैरा।

म्हत्तव: मुहावरा भाशा दी जान ऐ। मुहावरे च भाशा गी

जिंदगी देने ते उसी जींदी रक्खने दी शक्ति ऐ। मुहावरा भाशा च लचक ते शलैपा पैदा करता ऐ। एह्दे कन्ने भाशा निखरदी ऐ। मुहावरा भाशा गी चुस्ती बख्शदा ऐ। मुहावरेदार भाशा सुनियै लोक प्रभावत होंदे न। मुहावरेदार भाशा गै टकसाली भाशा खुग्रांदी ऐ। मुहावरा समुन्दरै गी कुन्जे च बंद करने दी चमत्कारी कारवाई ऐ। विशेशतां:—

- 1. मुहावरा वाक्य च प्रयुक्त होइये गै अपना ग्रथं प्रगट करदा ऐ। वाक्य दे बाह्र श्रोह्दा कोई ग्रथं नेईं। 'तित्तर होना' मुहावरे दा वाक्य बगैरा कोई ग्रथं नेईं पर 'चोर सपाहिये गी दिखदे गै तित्तर होई गेग्रा' वाक्य च एह्दा ग्रथं नस्सी जाना साफ प्रगट होंदा ऐ।
- 2. मुहावरे दी शब्दावली निश्चित ते निजी होंदी ऐ। ओह् दी शब्दावली दे थाह् र ओह् दी पर्यायवाची शब्दावली प्रयुक्त कीती जा तां मुहावरा—मुहावरा नेई रौंह्दा। जियां ठूठे पानी पलाना दे थाह् र प्याले जां छन्ने पानी पलाना ग्राक्षेग्रा जा तां इक पासै ग्रोह्दा छलैपा मारेग्रा जन्दा ऐ ते दूए पासै ग्रोह्दा लाक्षणक ग्रर्थ खत्म होई जन्दा ऐ।
- 3. मुहाबरे च लक्ष्यार्थ मुक्ख होंदा ऐ। मुख्यार्थ (ग्रिभिधेयार्थ) दा ग्रोह्दे कन्ने कोई सरोकार नेई होंदा। जियां ग्रविखयें च लेत्तर पाना दा ग्रर्थ दिखदे-दिखदे चलाकी करी जाना जां भलेखा देना ऐ। सच्चें-मुच्चं कुसै दियां ग्रविखयां गुआढ़ियै लेत्तर भरना नेई ऐ। इस वास्तै मुहाबरा ग्रिभिधेयार्थें दे थाह् र लक्ष्यार्थं पर निर्भर रौंह्दा ऐ।

मुहावरे दी उत्पत्ति : मुहावरे दी उत्पत्ति शब्द शक्ति थमां होई दी ऐ। वाक्यांश दे शब्दें दा अर्थ लाक्षणक जां व्यंग्यप्रधान होई जाने करी मुहावरा बनदा ऐ। लक्षणा ते व्यंजना शिक्तयों दा प्रयोग ग्रस रोज ग्राम बोल-चाल च बी करने ग्रां। जियां कुसै सुक्कै दे मनुक्खें गी दिविखयै ग्रोह्दा मौजू कस्सने ग्रास्तै ग्रस ग्राक्खने ग्रां, ग्राग्रो भलवान जी। भलवान ग्राखने च ग्रोह्दा हास्सा हुग्राया जन्दा ऐ ते कन्ने गै व्यंग वी कस्सेग्रा जन्दा ऐ जे तूं ग्रितिऐंत सुक्के दा ऐ। केई वारीं अस उसी लक्कड़ बावा जां कराङ्गड़ भलवान बी ग्राखने ग्रां। इंयां कराङ्गड़ भलवान होना, जने विल्कुल मोए दा जनेहा कमज़ोर होना मुहावरा विपरीत व्यंजना थमां बनेग्रा।

विद्वानें मुहावरै दी उत्पत्ति जनजीवन दे कारजखेलरै थमां दस्सी

दी ऐ। मनुक्खी जीवनै दे कारजखेत्तर अनन्त न। मनुक्खे दे मनोभाव बी अनन्त न। मनुक्ख थोड़े थमां थोड़े शब्दें दा प्रयोग करिये मते थमां मता ग्रर्थ कड्डना चांह्दा ऐ। पगडंडी ग्राले रस्ते चलना मनुक्खी सभाऽ दी इक प्रवल प्रवृत्ति ऐ। मनुक्खे दी इये प्रवृत्ति मुहावरे गी जन्म दिदी ऐ। मुहावरें दे संख्या दा ग्रनगिनत होना मनुक्खी जीवनै दे कारजखेत्तरें दे ग्रनन्त होने दे कारण ऐ। म्हावरें दी उत्पत्ति घटना, क्हानी, कविवाक वगैरा थमां वी होंदी ऐ।

पि भाशा: मुहावरा बोल्ली जां भाशा दे वाक्यें च प्रयुक्त होने ग्राला ऐसा वाक्यखंड ऐ, जेह ड़ा बाक्य दी ग्रर्थणिक्त भी केईं गुणा बधांदा ऐ, वाक्य भी सुग्रारदा ऐ, उसी चुस्त बनांदा ऐ ते दूएं दी नजरी च प्रयोक्ता दा वकार बधांदा ऐ।

जमातवंदी: मुहावरें दी जमातवंदी दा कम्म वड़ा कठन ऐ। कुसै इक पैमाने गी लेइयें मुहावरें दी जमातवंदी नेई कीती जाई सकदी। मनुक्खें दे तजवें ग्रनिगनत न, इस ग्रास्तें वी इंदी जमातवंदी ग्रवसर ग्रसंभव ऐ। पही बी जेकर कोई मुहावरें दा वर्गीकरण करना गैं चाह् तां उसी जमातवंदी ग्रास्तें किश पक्के ध्रुवे बनाने पौंडन। मूलरूपें च मुहावरे (1) परम्परागत (2) देसी ते (3) वदेशी, तैं तरहां दे न। जेह् ड़े मुहावरे वैदिक, संस्कृत जां नियप्राकृता थमां शुरू होइयें प्राकृतों ते ग्रपभ्रं शें दे राहें डोगरी तगर पुज्जे दे न, ओह् मुहावरे परम्परागत न। जियां 'दीपस्य निर्वाणं' संस्कृत दे वाक्यखंडें दा रूप साढ़ी डोगरी च बीग्रा बुज्झना मुहावरा ऐ। देसी मुहावरे ग्रपने प्रदेश दी स्थित ते समै ग्रनुसार बने दे स्वयं भु मुहावरे होंदे न। जियां ''फूक निकलनी'' (मरी जाना) नुक्का पर नुक्क चढ़ना (सफरें दा सिलसिला बनना) कुत्ता घसीटे दा होना (मुन्न मसान होना) वगैरा मुहावरे देसी न। विदेशी मुहावरे ग्रोह् न, जेह् ड़े विदेशी भाशों थमां ग्राई रले दे जां ग्रनूदित होए दे न। जियां ग्रन्ला गी प्यारा होई जाना (मरी जाना). रफ्लू चक्कर होना (नस्सी जाना), रस्ता नापना (टुरदे होना) वगैरा।

डोगरी च मुहावरें दा सारें कोला पैह्ला संग्रेंह् श्री तारा स्मैलपुरी होरें कीता हा। एह् संग्रैह् 'डोगरी मुहावरा कोश' नां कन्ने प्रकाशत होए दा ऐ। पर इस ग्रैंथें च डोगरी दे मते सारे मुहावरे ग्राई जाने दे वावजूद ग्रजों अनगिनत मुहावरे ऐसे न, जेह्ड़े इस मुहावराकोशें च थाह्र नेई पाई सके। इनेंगी इक पोत्थी दे रूपै च प्रकाशत करना लाजमी ऐ। डोगरी-डोगरी डिक्शनरी बल्लें-बल्लें ग्रयनी तकमीला तगर पुज्जा करदी ऐ। एह्दे त्रै भाग छप्पी चुके न ते चौथे भागे दा सरिश्ता कीता जारदा ऐ। एह्दे च डोगरी भाशा च छपे दे लगभग सारे मुहावरे संगृहीत न।

[नोट:— मुहावरें दे जमातबंदी केइयें विद्वानें ग्रपनी-ग्रपनी धारणा मतावक—पणु सरबन्धी, पैछी सरबन्धी, जनानी सरबन्धी, मर्द सरबन्धी, मनुक्ख सरबन्धी, जागन सरबन्धी, कुड़ी सरबन्धी, कीड़ा-पतंगा सरबन्धी, जाति सरबन्धी, कार्य सरबन्धी, विकार सरबन्धी, जीन सरबन्धी, खेती-बाड़ी सरबन्धी, पानी सरबन्धी, ग्रग्ग सरबन्धी, सुभा सरबन्धी, कुकर्म सरबन्धी, सगन सरबन्धी ते पता नेई होर के-के सरबन्धी आविखयै कीती दी ऐ। इस जमातबंधी पर कुसै बड़े ग्रकार दी पुस्तका च विचार कीता जाई सकदा ऐ।

खुमान: लोकोक्ति जां क्हावता गी डोगरी च खुमान माखेमा जन्दा ऐ। खुमाने दा डोगरी च दुमा नां उम्राख ऐ। इंयां गै खुमाने दा इक होर नां वाख वी ऐ। खुमाने ते उआख दोऐ शब्द संस्कृत दे 'उपाख्यान' शब्दे थमां विकसत होए दे न। खुमाने दा प्रयोग पढ़े-लिखे दे ते म्रनपढ़ सब लोक करदे न। खुमान म्रपने समाजे दी मानसक, मध्यात्मक, म्रार्थक, धार्मक व्यवहारक सबनें स्थितियें दे समर्थ दर्पण न। खुमान मनुक्खी ग्याने ते तजरबे दे नचोड़ होंदे न। इंदे जरीये प्रयोक्ता म्रपने कथने दी पृष्टी करदा ऐ। खुमान इक सनद जां प्रमाण होंदे न। खुमान इक तरहां दे स्तर होंदे न ते खुमाने दी स्तरशैली मज़जे दे वैज्ञानक जुगै दे ऐन मताबक ऐ।

इतिहास: खुआनें दा आरम्भ ते यकीनन उस वेल्ल होआ हा, जिस वेल्ल मनुक्ख ने भाषा दी वर्त्तु आं च किवता करनी शुरू कीती ही। संस्कृत साहित्य च किवकुल गुरु कालिदास थमां शुरू होइय खुआनें दा प्रयोग भवभूति, माघ, सुबन्ध, वाण बगैरा राहें पण्डितराज जगन्नाथ तगर बरावर चलदा रेहा। पालि ते अर्धमांगधी प्राकृतें च महात्मा बुद्ध ते महावीर जैन दे उपदेशों च खुआनें दी वरावर बत्तुं आं होई दी ऐ। अपभ्रंश काल च इंदा प्रयोग होर मता बधेआ। वर्तमान आर्यभाशें च इंदी संख्या काफी मती ऐ।

उत्पत्ति: खुग्रानें दी उत्पत्ति दियां सीरां केई न जिंदे च एह. मतियां प्रसिद्ध न:—

1. इतिहास जां पौराणक घटना, 2. सधारण घटना, 3. लोक-कत्थ, 4. खुम्रान, 5. कविसूक्ति, 6. लोककथनी, 7. फलीनी जां बुझारत, 8. तजरवा, 9. स्यानें दे वाक, 10. दूइयें भाजें थमां ग्रैह्ण।

डोगरी खुग्रानें च इंदियां मसालां मजूद न। (क) घर दा भेत्ती लैंका ढाए, (ख) तिरिया तेल, (ग) कुजा राजा भोज कुजा गंगू तेली, (ऐतिहासक पौराणक) (क) ग्रवख नेईं चमरक्ख नेईं पैरें जोड़ा बक्ख नेईं, ल्हीर छुड़ी जुथाने भेजो, डर यारें गी कक्ख नेईं, (ख) ग्रागी दी जली दी टर्टनें-शा डरै (सधारण घटना) (क) नौ सौ चूहे खाइयै बिल्ली तीर्थे चली । (लोककत्थ) (क) ग्रपनियां फिरन कुग्रारियां बगानियां धर्म-धियां, (ख) आपूंगी थाह्र नेईं पंज पीर साथ (खुम्राने थमां खुआन) (क) फुट्ट इस देसे आली कालें दी नशानी ऐ, (ख) लक्खें दा बनी गेम्रा। (कविस्कित) हत्थें दियां दित्ती दियां दंदें कन्ने खोलनियां (ख) कर शाहें दी बूनी ग्रगली बरकत बी जा (लोककथनी) (क) कुत्ते विल्ले करन सलाहीं कोठा ढीने ग्राला ऐ, (ख) खड़-खड़ मंजा, खड़-खड़ ल्हेफतलाई (फलीनी) (क) साह् नें दे भेड़ ते झूड़े दा नास, (ख) ग्राटे कन्ने कुण बी प्योंह्दा ऐ। (तजरवा) (क) जान नीतां भ्राइयां ते मकोड़ें फं'गां लाइयां (ख) त्रेल चट्टिये त्रेह् नेई चुकदी। (ग) पलैदा खुंझै दा सी घ्रोह् चलदा ऐ। (स्यानें दा बाक) (क) ऊना छलकै दूना। (ख) बांदर के जाने श्रदरकै दा सुग्राद । ग्रापूं मरै वगैर सुर्ग नेईं जान होंदा । (घ) ग्रव्खीं ओह्लले परदेस । (बंगाली, मराठी बगैरा भागों थमां ग्रन्दित)

परिभाशा: खुग्रानें दी सर्व - सरोक्खड़ परिभाशा ग्राक्सफोर्ड डिक्शनरी च लिखी दी ऐ। स्रोह्दा डोगरी रूपांतर इंया ऐ:—

''ग्राम लोकें च परचलत कोई निक्का, पर ठोस वचन, तजरबा जां दिक्खी-सुनिये निश्चित कीती गेदी जां सबनें दी जान्नी-बुज्झी दी सचाई गी प्रगट करने ग्राली कोई निक्की ते संखिष्त उक्ति"—खुग्रान गलाई जन्दी ऐ।

खुश्रान कौमी सरमाया ऐ। मनुक्ख जाति दी हर पीढ़ी ग्रपनी अगों ग्राने ग्राली पीढ़ी गित ग्रपना ज्ञान ते तजरवा खुग्राने दे रूप च छोड़ी जन्दी ऐ । तजरवा विलाशक कुसै इक्कै व्यक्ति दी संपत्ति होंदा ऐ, पर मण्हूर होइयै स्रोह् सारे राष्ट्रै दी संपत्ति बनी जन्दा ऐ।

जमातबंदी: खुआनें दी जमातबंदी करना इक कठन कम्म ऐ।

पहीं बी डा. कन्हैयालाल सहल, डा. कुन्दनलाल उप्रेती, डा. श्याम परमार, डा. कृश्णदेव उपाध्याय जनेह् विद्वानें खुआनें दे केइयें दिरश्टी कोणें दे तैह्त वर्गीकरण प्रस्तुत कीते देन । डोगरी भाशा दे स्वातमे मताबक खुआनें दा वर्गीकरण प्रस्तुत ऐ:—

- 1. सधारण खुन्नान : पुत्तरें-बैंह्तरें घर फिरदे स्नाए। न घर कच्चा जम्मे, न बाह्रा स्नावें। दौलतां फिरदियां-चिरदियां छामां न।
- 2. जाति सरबंधी: ब्रैह्मण नेईं बपारै च ते इल्ल नेईं शकारै च। जट्ट मुहासल ब्रैह्मण शाह्, हाकम बिनया लक्का फाह्। पुत्तर जम्मन खतरानियां ते विच्च-बिच्च ब्रैह्मणियां। लैना-देना मगोत्तरें ते लिद्द बिडियालें।
- 3. मर्द-जनानी सरबंधी: मनुक्ख मनुक्खै दा स्हारा । मूलै कोला ब्याज प्यारा । जनानी जात कुसै दी नि सक्की । जनानी श्राई जिहा पर, लत्त मारै टिड्डा पर ।
- 4. खान-पीन ते स्वास्थ सरबंधी: खाम्रो विडयां, लत्तां रौह्न खिड्यां। मर्देगी खटेम्राई, जनानी गी मठेम्राई। पानी पीचै पुनियै, गुरु बनाचै गुनियै।
- 5. धन सरबंधी: पैसा गै बब्ब ते पैसा गै मां। पैसा हत्थे दी मैल ऐ। खुट्टा पैसा ते नखट्टू पुत्तर मौकै पर गै कम्म स्रांदा ऐ।
- 6. प्रकृति सरबंधी: व'रै पोह् तां हत्थो-हत्थ खोह् । व'रे मघेर, कनकें दे ढेर । जिस प्याली खब्बल, उत्थें फसल ग्रब्बल ।
- 7. पशु-पैछी, जीव सरबंधी: खोत्ता बी कदें गौ बनेग्रा। कुत्ता कुत्ते दा वैरी। घोड़ें दे दलत्ते घोड़े गै सैंह्दे। बाज! पराये हत्थें चढ़िये, तूं पैंछी नि मार।
- 8. **लोकविश्वास सरबंधी**: र्हामै दी कमाई र्हाम गै जन्दी। शेरेंदेवच्चें मास गैखाना। बुद्ध कम्म शुद्ध। मरन चली ते शुक्कर सामनै।
- 9. सगन सरबंधी: सज्जी फड़कै ग्रवस्त, ग्रुभ फल सारे तवक। ग्रवस्त फड़की खब्बी, मार-लताड़ ल'ब्बी।
- 10. जीवन-दर्शन सरबंधी: जोरावर दा सत्तें बीहें सी। पिच्छू आले गी पिच्छ गै थ्होंदी। जो घड़ेआ सो भज्जना। दौलतां फिरदियां- विरिदयां छामां।
 - 11. परमात्मा सरबंधी: जिसी नरैन रक्खे उसी कु'न चक्खे।

गरीवै गी खुदा दी मार । जिद्धर मौला उद्धर ग्रासफ-उद्दौला । दे मुख्त मौल्ला, कमान जन्दा पौल्ला ।

मुहावरें च लक्षणा जां व्यंजना शक्ति दा प्रधान होना लाजमी ऐ, पर खुआनें च व्यंग्य दा प्रधान होना लाजमी नेईं। पही बी मुहावरें च व्यंग्य मिलदा ऐ। इंदे च व्यंग्य ग्रामतौरा पर सादृष्य (वरावरी) पर निर्भर रौह्दा ऐ। जियां:—

- 1. बड्डे भाइयै दत्त दित्ती गुली चूपियै हत्य दित्ती।
- 2. उन्ना लेई लेल्ला लेग्रा, उल्टी चरै कपाह्।
- 3. बगानी पत्तली भत्त महेशां मता ल'बदा ऐ।
- 4. लैना-देना मगोतरें ते लिद्द बिडयालें।।

खुग्रान भाशा दे भूषण होंदे न । एह् कथन जां बोलें गी पुख्तयाई दिंदे न, जेह्दे कारण कथने च प्रमाणकता आंदी ऐ । खुग्रान दर-ग्रसल साहित्य दी ग्रदालत न जेदे न्यां गी कोई मोड़ी नेई सकदा ते ना गैं नकारी सकदा ऐ ।

डोगरी भाशा च तारा स्मैह्लपुरी हुंदी ''डोगरी वहावत कोश" नां दी पोथी छपी दी ऐ। इस पोथी च डोगरी खुग्रानें दा खरा संग्रैह् कीता गेदा ऐ। पर ग्रज होर वी मते सारे खुग्रान डुग्गर प्रदेश च खिल्लरे दे न, इनेंगी किट्ठा करिय संग्रैहें च छपवाने दी वड़ी लोड़ ऐ।

बुझारत-फलौनी:

पुराने जमाने च मनोरंजने दे साधन किण गिन्तरी दे गै है। कदेंकदाई पिंडें-ग्रांएं च रासधारियें आइयें रासां पांदे हे जां कृतें नगरोटें च
ग्राइयें विदरावनिये ग्रस्सू महीनें दे नरातें च रामलीला करदे हे तां जाइयें
कृतें लोकें दा थोड़ा-मता मनोरंजन होई जन्दा हां, नेई तां निक्के-मुट्टे
कृतें लोकें दा थोड़ा-मता मनोरंजन होई जन्दा हां, नेई तां निक्के-मुट्टे
ग्रांएं थाह् रें च ग्रांई खेडुां, ताण, वारांटान, कत्थां, फलोनियां, बुझारतां
गै निक्के-बट्डे दा मन परचांदियां हियां। स्याले दियें लिम्मयें रातें च
लोक ग्यान्ना लाइयें ग्रोह्दे आले दुग्राले बेही जन्दे हे ते इक-दूए गी बुझारतां
पाइयें ग्रपनी-अपनी ग्रकला दा परिचै दिदे होंदे हे। निक्के जागतें ते कुड़ियें
च बुझारतां पाने दा बड़ा रवाज हा। इक जना बुझारत (कथ्थ) पांदा होंदा
हा ते बाकी जने उसी बुज्झने दी कीण्ण करदे हे। फलोनी बुज्झने ग्राले
ग्रीक्खी फलीनी लेई कोई घर देने लेई फलोनी पाने ग्राले गी गलांदे हे,

जेह्दा एह् मतलब होंदा हा जे श्रोह् फलोनी बुज्झने श्रास्त कोई सकते देऐ जां रस्ता दस्से, जने ओह् उत्तर दे खेत्तर वर्गे श्रत्ल इशारा करे। घर दित्ते जन्दे हे, जने फलोनी दे उत्तरे दा वर्ग, खेत्तर, किस्म, नौइयत वर्गरा दस्सी जन्दी ही। मसाला दे तौरा पर 'पारा श्राया वावा लोद्धी, छे टंगा ते इक्के बोदी।" बुझारत पाई गेई। घर मंगने पर मंडी, वपार, हट्टी वर्गरा घर दित्ते गे पही वी जेकर एह्दे उत्तर "तरक्कड़ी" तगर कोई नेई पुज्जी सकेश्रा तां फलौनी पाने श्राले गी कोई शहर झूठें-मूठें दित्ता जन्दा हा ते फलौनी पाने श्राला फलौनी दा उत्तर "तरक्कड़ी" दसदा होंदा हा। इंयां रातीं मता-मता चिर फलौनियां पुच्छने ते बुज्झने दा श्रानंद लैता जन्दा होंदा हा।

नामकरण: फलौनी शब्द हिंदी दे ''भुलौनी'' शब्दै दा डोगरी रूपांतर लगदा ऐ। इंयां गै बुझारत हिन्दी दे बूझना धातु (डो. बुज्झना) थमां विकसत संज्ञा रूप ऐ। एह्दा ग्रर्थ पलेटी-छपैली दी गल्ला गी बुज्झना जां मलूम करना ऐ। बुझारता ते फलौनी च ऐंतर बी हा। फलौनी दा उत्तर ढूंढना पौंदा हा की जे फलौनी दा उत्तर फलौनी विच्च नेई हा छप्पे दा होंदा। जदके बुझारता दा उत्तर बुझारता दे ग्रंदर छपैलेदा होंदा हा। उसी बड़ी सूझ-बूझ ते ग्रकला दे घोड़े दड़ाइयै ढूंढेग्रा जन्दा हा। जियां-

न उच्चा न तीठा भाई, बेगुण कन्ने रंग बी काला।
मूंह, जलेदा बाक ढड्डे दा उच्चा पही बी बनेदा साला।
इस बुझारता दा उत्तर 'उच्चा' यनी 'चिमटा' ऐ ते एह् उत्तर
बुझारता च गैं बड़ी हिकमता कन्ने छपैलेदा ऐ। पर :—

सिरीनगरा चोर ढलेग्रा, नैन राजे ताङ्ग्रा। हफ्तरंगें फगड़ी श्रांदा, नील राजे मारेग्रा॥

इस फलौनी दा उत्तर (जूं) फलौनी च मजूद नेई ए । अवस्त लाइयें वाह्रा दा ढूंढना पौदा ऐ। सिरीनगरा दा मतलव सिरी यने सिर ऐ, चोर दा मतलव जूं ऐ, जेह्ड़ी सिरे दे वालें रूपी न्हेरे च छप्पी दी रौंह्दी ऐ। नैन राज दा मतलव अवख ऐ, हमतरंग हत्थ न ते नील राज दा मतलव नेंह्र न। 'जूं' शब्द फलौनी च कृत नेई आक्षेत्रा गेदा, इस आसत एह्र फलौनी ऐ, बुझारत नेई । पर अज्जकल फलौनी ते बुझारता च कोई फर्क नेई रेह्दा।

बुझारत, परम्परा जां इतिहास :

फलौनी गी हिन्दी च पहेली म्राक्षेमा जन्दा ऐ। 'पहेली' शब्द संस्कृत दे 'प्रहेलिका' शब्दै थमां विकसत होए दा ऐ। प्रहेलिका दा आदि रूप वेदें च मिलदा ऐ। देदें दियां किश रिचां ऐसियां न, जिंदे च रूपक म्रलंकार राहें गल्लां छपैलिय ग्राक्षियां गेदियां न। छपैलिय गल्ल आवखने दी लोड़ मनुक्ख ने सरिश्टी दे शुरू च गैं मस्स कीती ही। गल्ला दी परदेदारी नै गैं प्रहेलिका गी जन्म दित्ता हा। प्रहेलिका दा आदि रूप इस वेदमन्तर च दिक्खेआ जाई सकदा ऐ:—

> चत्वारि शृंगा त्रयोऽस्य पादा, द्वे शीषें सप्त हस्तासोऽस्य। तिधा बद्धो वृषभोरोरवीति, महादेवो मत्यां श्राविवेश।।

इय-ैनेही, इक होर रिचा—''कस्मै देवाय हविषा विधेम'' ऐ। यमनचिकेता संवादै च गूढ़ रहस्यों दा गै कथन कीता गेदा ऐ।

संस्कृत साहित्य च प्रहेलिका ग्राम ही । उत्थें प्रहेलिका दियां 'ग्रन्त-रालापिका' ते 'वहिरालापिका' दो किस्मां दिस्सियां गेदियां न । भगवदगीता च श्रीकृष्ण होरें रुक्खें राहें जिस ढंगें कन्ने कीते दा ऐ, ग्रोब्बी प्रहेलिका दी गैं शैली ऐ । महाभारतें च यक्ष युधिष्ठिर संवादें दे प्रश्न-उत्तर प्रहेलिका दे गैं खेत्तरै च गनोंदे न । ''सुभाषितरत्नभाण्डागार'' च बिड़यां फलौतियां मिलदियां न । संस्कृत फलौनियें दे दो उदाहरण इत्थें दित्ते जन्दे न । ग्रन्तरालापिका :—

> का काशी का मधुरा का शीतलवाहिनी गङ्गा। कं संजघान कृष्ण: कं बलवन्तं न वाधते शीत:।।

[प्रश्न—काशी के ऐ? मिट्ठी के चीज ऐ? गंगा नदी मती ठंडी कुत्थें ऐं? श्रीकृष्ण ने कुस्सी मारेग्रा हा? कुस बलगाली गी सीत नेईं लगदा? इनें प्रश्नें दे उत्तर इस्सै श्लोकै च मजूद न, सिर्फ अक्खरें दा जोड़ लगदा? इनें प्रश्नें दे उत्तर इस्सै श्लोकै च मजूद न, सिर्फ अक्खरें दा जोड़ लोड़ करना ऐ। यने का मधुरा गी जोड़ो तां काम-धुरा शब्द बनेआ ते त्रांड़ करना ऐ। यने का मधुरा गी जोड़ो तां काम-धुरा शब्द बनेआ ते त्रांड़ करना ऐ। यने का मधुरा गी जोड़ो तां काम दा चक्कर। काशी-तल- वाहिनी काशी बिच्च बगने ग्राली गंगा ठंडी नदी ऐ। कंसं जघान

कृष्ण: — कृष्ण ने कंस गी मारेग्रा। कंबलवन्तं न वाधते शीत: — कम्बलै आले गी सीत दुखी नेई करदा।]

इस फलौनी दे प्रश्नें दे उत्तर फलौनी च गै मजूद न, इस आरतै इस्सी अन्तरालापिका गलाया गेदा ऐ।

वहिरालापिका : वहिरालापिका फलीनी दा हल्ल (उत्तर) बाह्रा हूंढना पौंदा ऐ। जियां :—

पंचभर्त्वी न पाञ्चाली, द्विजिह्वा न च सींपणी। कृष्णमुखी न मार्जारी, यो जानाति स पण्डित:।।

(पंज खसम न पर द्रोपती नेईं, दो जीभां न पर सप्पनी नेईं, मूंह् काला ऐ पर बिल्ली नेईं, उसी जेह्, ड़ा जानदा ऐ, ग्रोह् पंडित ऐ— उत्तर कलम।

संस्कृत साहित्य च अमीर खुसरो दियें मुकरियें दी पुरानी पम्परा बी मजूद ऐ। सबनें प्राकृतें ते अपभ्रं शें च बी इयें-नेहा प्रश्नें ते उत्तरें ग्राला सिलसला चलदा रेहा। संस्कृत दे द्ष्टिकृट नाथपंथियें ते वज्जजानी सिद्धे दियें अपभ्रं शमयी वाणियें च बराबर बरतोंदे रेहु। हिन्दी दे सूरदास ते कवीरदास कवियें इंदा प्रयोग कीते दा ऐ। डोगरी च बी इयें नेह् दरिश्टी-कूट कुतै-कुतै नजरी पेई जन्दे न जियां—''गुड़ मिक्खयें गी खा।'' वैदिक साहित्य थमां चलेदा फलौनियें दा प्रवाह् ग्रनत्रुट्ट स्थिति च संस्कृत < पालि < प्राकृत<ग्रपभ्रं ग< डोगरी तगर वरावर सुरवखत ऐ। उत्पत्ति — फलौनियें दी उत्पत्ति देत्रै कारण न, (1) श्रकला दी परख, (2) गल्ला दी छपैल ते (3) मनोरंजन। कुसै दी ग्रकला दी परख करनी होऐ तां उसी फलौनी पाग्रो, जेकर ठीक जवाब दे तां ग्रो ग्रकलमंद ऐ ते जे ग्रो ठीक जवाब नेई देई सके तां मूरख ऐ। केई बारी ग्रस बाकी लोकें कोला बचाइये कुसै इक गी गल्ल सनाना जां पुच्छना चाह्-नेग्रां, उस वेल्ले ग्रस ऐसी शब्दावली दा प्रयोग करने ग्रां जिसी रहस्यात्मक शब्दावली आक्खेआ जन्दा ऐ । इस प्रवृति ने वी फलौनी गी जन्म दित्ता। त्रीग्रा कारण शुगल-मेला जां मनोरंजन ए । जिस बेल्लै रेडियो, सिनेमा, टैलीविजन, थियेटर, बहुियां खेडुां बगैरा मनोरंजनै दे साधन नेईं हे तां लोक गल्लें-वातें कन्ने मन परचांदे हे। उस बेल्लै फलीनियां मन परचाने दा वड़ा बड्डा साधन मन्नियां जन्दियां हियां। मन परचाने दी इस भावना ने बी फलौनी गी जन्म दित्ते दा ऐ।

वर्गीकरण: कत्थें जां फलौनियें दी सर्व-सरोक्खड़ जमातवन्दी करना विंद कठन ऐ, पही वी हेठ लिखी दियें तरहें जां भेदे च इनेंगी वंडेग्रा जाई सकदा ऐ। एह ख्याल रखना वड़ा जरूरी ऐ जे एह् जमातवन्दी ग्रंतिम नेई ऐ। फलौनियें दियां इंदे लावा वी किस्मां होई सकदियां न:—

- 1. करसानी सरबंधी: पारा आई मिजर रानी, सिर धुप्पा ते पैरें पानी (शाली-मुंजी जां धान) हरी ही, भरी ही, लालमोती जड़ी ही, राजा जी दे वागै च दशाला लेइयै खड़ी ही। (मक्क-छल्ली)
- 2. खान-पीन सरबंधी: पारा ग्राया बावा धन्ना, ग्रामदड़े दा मत्था भन्नां (लून) । मिट्टी दा घोड़ा, लोहे दी लगाम, उप्पर चढ़ी बैठा गुलगुला पठान। (चुल्हे ते तवै उप्पर फुलका जां भठोरा)
- 3. घरोगी चीज बस्तें सरबंधी : निक्की सारी कुड़ी ते लेई परांदा टुरी। (सूई) खड़ खड़ मंजा, खड़-खड़ ल्हेफ तलाई, एह् बुझारत नेई बुज्झें तां नानी देने ग्राई। (कागद)
- 4. जीव-जैंत सरबंधी: चार थ'म्म चलदे ग्राए, दो दीए बलदे ग्राए, दो पक्खे ग्राए। (हाथी) सिरीनगरा चोर ढलेग्रा, नैनराजे ताड़ेग्रा, हप्तरंगें फगड़ी ग्रांदा नीलराजे मारेआ। (जूं)
- 5. **कुदरत सरबंधी :** जिसगी में लैन गेग्रा, उयै मिगी पेग्रा, पेग्रा तां में छप्पी गेआ, गेग्रा तां मिलेग्रा । (बदलै दा पानी)
 - 6. काया सरवंधी : इत्थें ही, ग्रोह् गेई । (ग्रक्स, नजर)
- 7. प्रकीर्ण फलौनियां: राह् विच्च उब्बा नेई चकोंदा हाय मेरेआ रब्बा। (खूह्) कटोरै पर कटोरा पुत्तर बब्दै थमां बी गोरा। (नारियल) पारा ग्राया बाबा लोढी छे टंगा ते इबकै बोढी, (तरक्कड़ी) बर्गरा।

डोगरी च फलौनियें दा इक संग्रीह थी कृष्णलाल वर्मा होरें ''डोगरी वुझारत कोश'' दे नां कन्ने प्रकाशत कीते दा ऐ। उंदा एह जतन सराह् ते-जोग ऐ, पर अर्जे वी मतासारा फलौनी साहित्य डुग्गर प्रदेश च खिल्लरे दा पेदा ऐ, जिसी किट्ठा करिये प्रकाशत करने ते स्रोह् दे पर ऐतिहासक, भौगोलक, समाजशास्त्रीय, भाशावैज्ञानक स्रध्ययन ते शोध करने दी लोड़ ऐ।

उपसंहार: डोगरी लोकसाहित्य डुग्गर दी सभ्यता दा प्रतीक ऐ। एह्दे च मनुक्खी जीवनै दे सब्बै स्वर बक्खो-बक्ख गूंजदे, सनोचदे न। एह्दे च कुतै इतिहासै दी झलक ऐ तां कुतै संगीतै दी लै ऐ, कुतै भिक्त- भावना दा समुंदर ठाठां मारा करदा ऐ तां कुतै शंगारै दी टीस ऐ, कुतै छन्नैपा छू-छुग्नाई खेड्डा करदा ऐ तां कुतै व्यवहारकता दी नदी अनेकां खेत्तर सिजदी सप्पै ग्राली चाला च चला करदी ऐ. कुतै भाव-छुग्नालें दियां भोड़ां उठिदयां न तां कुतै भोलेपनै दे कसालें दी पीड़ वर्णत ऐ। गोया-के डोगरी लोकसाहित्य च समूलचा डुग्गर जीवन प्रतिबिंबत ऐ। डोगरी लोकसाहित्य इक ऐसी खुंश्ली दी पेटी ऐ—जेदे हीरे, मोती, मणियां, लाल, जवहारात चम-चम चमकदे ते मनें गी हरदे लंबदे न।

डोगरी साहित्य च सामन्तवादी ग्रत्याचारें ते सामन्तवादै दी खु'लल सेडुा दे कन्ते-कन्ते ग्रोह् दे प्रति बगावत ते विद्रोहा दे रंग वी इस लोक-साहित्य च टकोह् दे नजरी ग्रांदे न । एह्दे च जेकर कूरता ते जुल्में दे लोरे निकलदे ल'बदे न तां उन्दे प्रति लाह्में ते नोह्रें दा बी घाट्टा नेई ऐ।

भावे ते उदगारें दे खारे-मिट्ठे ग्रत्थकं इस लोकसाहित्य दी वड़ी भारी विशेशता ऐ। जनाना-मर्दाना शलैपा, मलाप ते बछोड़ा इसदे प्रधान ग्रंग न। नीति-उपदेश ते सिक्ख-मत्त इसदे महत्वपूर्ण उद्देश न। जिंदगानी दे भांत-सभांते अनुभव, तजरबे ते कठनाइयां इस साहित्य च बड़े गूढ़े रंगें कन्ने चित्रत न। लोककत्थें गी छोड़ियै एह् दे सबनें ग्रंगें च यथार्थ दा चित्रण मिलदा ऐ। लोककत्थें च कृतै-कृतै यथार्थ दे बराबर दर्शन होंदे न, पर इस यथार्थ पर मनोरंजन जां ग्रादर्शवादै दा इन्ना मलम्मा चढ़ेदा ऐ जे सिर्फ कोई सूखम ग्रन्ख गै उसी दिक्खी सकदी ऐ। ग्रादर्शवाद इस साहित्य दा बहुरंगा झंडा ऐ। डोगरी लोकसाहित्य ग्रुक्त थमां गै ग्रादर्शवादै दा माटो लेइये चलदा ल'बदा ऐ। एह् साहित्य निश्चत रूपै कन्ने डुग्गर दे जनजीवन दा प्रतिनिधि ऐ। इसी मती थमां मती मात्तरा च किट्ठा करने, छपवाने ते सुरक्खत करने दी लोड़ ऐ।

डोगरी साहित्य-(गद्य ते पद्य) दा बकास

शिवनाथ

डोगरी लखौट:

डोगरी च लखीट दे सारें कोला पराने नमूने किश शिलालेखें उप्पर मिलदे न । जारमीं सदी दे नगही पन्यास दे पत्थर उप्पर लखीटा च ते 1168-69 ई. दे चम्बे च—चुढ़ा च 'साई पन्यास दे पत्थर दी लखीट च संस्कृत ते डोगरी-प्हाड़ी दा मिलेजुले दा रूप ल'बदा ऐ। 'सेचु' नाले उप्पर सल्ही शिलालेख ऐ, जेह दी लखीट 1170 ई. दी ऐ। एह दे उप्पर देवी-देवतें दे चित्तर उक्करे दे न ते हरइक देवी-देवते दा नां उस थाह रें वोली जाने ग्राली भाशा च दित्ता गेग्रा ऐ।

होगरी भाशा दा टाकरी लिपि च इस्तमाल पैह्ली बारी चम्वे दे राजा भोटवर्मन दे चऊ पटें च मिलदा ऐ, जिंदी तित्थ 1400 ई. ऐ। एह्दे परेंत, वसोह्ली कोला 15 मील महानपुर ग्रां च जगदम्बा भगवती (श्री देवी) दे पराने मन्दरै च इक शिलालेख मिलदा ऐ, जेह्दी भाशा डोगरी ऐ ते लिपि टाकरी ऐ। एह्दी तित्थ 1526 ई. ऐ। से'ई हुंदा ऐ जे चौह्दमीं- पन्दरमीं सदी च हुग्गर दे लाके च डोगरी भाशा दा ज्यादा टाकरी लिपि च ते कुतै-कुतै नागरी लिपि च लिखत रूप ग्राम होई गेग्रा हा। पर, इस लखीटा दे मते नमूने हून उपलब्ध नेई हैन। पही बी जे किश उपलब्ध ऐ, जसदा सरसरी जायजा लैता जाई सकदा ऐ।

मध्यकालीन डोगरी गद्य दे नमूने : चम्वे दा लक्षमी-नारायण मन्दर काफी पराना ऐ । एह्दी स्थापना दसमीं सदी च होई ही ते राजा प्रतापिंसह (1559-86 ई.) नै एह्दी 1582 ई. च मरम्मत कराई ही ते उसले दो

त्राम्मे दे पटे लखवाए हे, इन्दे चा इक पटे दा डोगरी च मजमून इंयां गुरू हुंदा ऐ—''श्री सम्वत् 58 बैशाप प्रविष्टे 9 श्री बड़े नारायणे दे देह् रैं प्रतिष्ठा होई……।'' 1646 ई. जां 1655 जां 1674 ई. च, नूरपुरैं दे मश्हूर राजा जगतिसह दे सारें कोला लौह के पुत्तर मियां भाऊसिंह नै हरद्वार दे पंडें गी इक पटा लिखी दित्ता हा, जेह्दी भाशा इस चाल्ली ऐ:-

ॐ तत सत

श्री गंगा देया परोह्ता की भाटी करी दीती। राम

ॐ ।। श्री महा श्री लक्ष्मी नराएण वचने । गुलाम श्री मींए भाऊ सीघे हथे। ब्राह्मण भुज श्री गंगा जी दे प्रोह्ते की साथा करी दीता भाटीए तथा बीरता " "पीचे श्री महाराजे जगतसींघे दे खांदे तीहां " " ग्रगे दए करणी । धरम श्री मींए भाऊ सीघेदा ।।

सं. 31 वसाख प्र. 31 मुकाम श्री गंगा जी

वहुकम

('साथा' दा मतलब 'पटा', 'भाटी' दा मतलब 'दच्छना' ते 'बीरत' दा म्रथं 'मोए दे ग्रादमी लेई दान-पुन्न')

चम्बे दे भूरिमिह अजैवघर च उपा ते ग्रानिरुद्ध दी कथा दे प्रसंगें उप्पर बने दे प्हाड़ी कलम दे चित्रें दा इक मकब्बा ऐ, इनें चित्रें दे पिच्छें डोगरी भाशा च चित्रकथा दे बारे च दस्सेग्रा गेग्रा ऐ। रामनाथ शास्त्री होरें विद्यारत्न खजूरिया हुंदे हवाले कन्ने इन्दा रचना काल 1720-1735 ई. (राजा उग्गरिसह दा राजकाल) जां 1735-1745 ई. (राजा दलेल-सिह दा राजकाल) दस्सेग्रा ऐ। एह् डोगरी देवनागरी लिपि च ऐ। भाशा दा नमूना दिक्खो:—

"उपा चरिते दीया कथा रिखीस्वर वैसंपायन राजे जनमेजे कन्ने गलांदा। (चित्तर नं. 45)

सदाशिव दा पुत्र स्वामी कार्तिक कैलाश पर्वत उप्पर बैठा होन्रा दैंता देराजे वाणासुरे दिपेग्रा, भिरी दिपी करी एह् मने ग्राई जे में भी सिरी सदाशिवे दा पुत्र होग्रां। (चित्तर नं. 46)1

इत्यू उपद्रव होए ध्वजा ढही पेई दिने सूरजे पलेस पए सिवां बोली क मंजार बोल, रुख पटोई पए, निमले रुषां मेघां दी गर्जना होई कुम्हाड़े ग्रारज कीती जे ए उपद्रव बुरे होए। (चत्तर नं. 47)

('सिवां' दा ग्रर्थ 'गिइड़ी', 'मंजार' दा अर्थ 'बिल्ला')

राजा वाणासुर ग्रनेका इस्त्रीयां की लेई करी भिरी जनाने विच मदरापान करदा। वजीर कुम्हाड़ वाह्र फिकरें विच वैठा जे एह् उपद्रव बुरे होए। (चित्तर नं. 48)

उपा उठीया होईया रोंदीया दिपी चित्रलेपा समाधान करदी जे तू गलाह् जे तुध की कुण सुपणे विच आया है तिस हो लेई ग्रोग्रां।

(चित्तर नं. 49)

उषा की चित्रलेषा त्रिह लोकां दा चित्र करी दसेग्रा। (चितर नं. 50)
"अनिरुधे उषा कने गंधरवी वीवाह कीता करी एकांत होई कीड़ा
करणा लगे।" (चित्तर नं. 51)²

टाह्रमीं सदी दे डोगरी गद्य दे किश होर नमूने उपलब्द न, जियां—जम्मू दे राजा ध्रुवदेव (1707—1733 ई.) दा इक हुकमनामा (दिक्खो, शीराजा डोगरी दा भाशा ग्रंक-धर्मचन्द प्रशांत हुंदा लेख, डोगरी भांशा ते एह्दा गद्य, सफा—100), राजा रंजीतदेव दा इक पटा (उपै), गुलेर दे राजा गोवर्धनचन्द दी 1744 ई. दी हेठ दित्ती दी टाकरी लिखत: "लीखतं श्री राजा गोवर्धनचन्द श्री हरीदुआरे दी प्रोहताई लालचन्दे दे पोत्रे जेकीसने हरीचन्दे की दीती श्री महाराजे श्री वीकमासींचे तथा श्री महाराजे श्री राजसींचे दे लीखे दीखी ग्रसों भी लीखी दीती जे कोई श्री महाराजे श्री राजसींचे तथा श्री महाराजे श्री वीकमासींचे तथा श्री महाराजे श्री दोलीप सींचे तथा श्री गोवर्धनचन्दे दे वंसे दा होए तीस देणा लालचन्दे दे वंसे दा सींचे तथा श्री गोवर्धनचन्दे दे वंसे दा होए तीस देणा लालचन्दे दे वंसे दा

दिक्खो ग्रपैंडिक्स-ए, सुखदेवसिंह चाड़क लिखत 'हिस्ट्री एण्ड कल्चर ग्रॉफ हिमालयन स्टेट्स'; दूग्रा---भाग ।

^{2.} दिक्खो, शीराजा डोगरी साहित्य ग्रालोचना ग्रंक, सफे—26-27 ते डोगरी संस्था, रजत जयंती ग्रभिनन्दन ग्रंथ, सफे—293-294।

होए तीहा भुजण होर जे गुलेरीए जात ''श्री हरी दुयार जाए तीस इनां दे पैर पूजने।''

1774 ई. च लखोई दी नागरी लिपि च "शिव पूजा विशि" (ग्रट हें सफें दा लौह्का ने'ग्रा पोथू) 2 1773 ई. च टाकरी लिपि च लखोऐ दा इक करारनामा अंतर दे च मंडी दे राजा शमशेर सेन, कांगडे दे राजा संसारचन्द ते चम्बे दा राजा राजसिंह नै कुल्लु दे किश लाके गी हथ्याने दी योजना दा इन्दराज ऐ ते चम्त्रे दे भूरिसिंह ग्रजैबघर च रक्खी दियां टाकरी च कोई चाली लिखतां पिनदा समां 1782 ई कोला लेइए 1834 ई. ऐ - इन्दे च चम्बे दे राजे, भद्रवाह् दे राजे, जम्मू दे राजे, कृल्लु देराजे, कांगड़े देराजे, किश्तवाड़ देराजे, विलासपुर दी रानी, वसोह लो दे राजे दियां चिट्ठियां न, जित्थ्ं पता लगदा ऐ जे डुग्गर दे सारे लाके च, टाकरी लिपि च डोगरी-प्हाडी भाशा वरतोंदी ही। इनें लिखतें दा कोई साहित्यक म्हत्तव ते नेईं, पर डोगरी गद्य दे विकास दे इतहास च थाह्र जरूर ऐ। उन्नीमीं सदी दे शुरू च, ठारमीं सदी ई. दे खीरले द्हाके च जां कुसै बेल्ले रची गई ''रजीली'' दा गद्य, डोगरी गद्य दा बड़ा शैल नमूना ऐ ते एह्दे च साहित्य दे, रचनात्मकता दे गुण मजूद न। एह् है ते फारसी दा डोगरी श्रनुवाद पर, मूल दे साहित्यक गुण डोगरी च बी ग्राई गे न । मूल कताब मुगल राजकुमार दाराशिकोह दे आखने उप्पर भ्रोह्दे फारसीदान ऐह्लकार बलिराम नै लिखी ही ते एह्दा श्रनुवाद कोटला देराजाध्यानसिंह दे आखने उप्पर टैह्लदास नै कीता। गद्य दा नमूना जेह्डा देवनागरी लिपि च ऐ:-

''फारसीय्रा बिच बलीराम लिखदा है जे हे पातसाहो, दुनिया दी वफादारी मेरे कछा सुनो। ''एह् दुनिया मोती नजर ग्रीन्दी ग्रहे। उप्पर ग्रसाडे समझने बिच घाहे दे सिरे उप्पर (ए)ग्रोस पेई दी ग्रहे।

दिवखो, अपैंडिक्स-'वी' सुखदेव सिंह चाड़क हुंदी 'हिस्ट्री एण्ड कल्चर आफ हिमालयन स्टेट्स', भाग-॥

² ते 3. दिक्खो, णीराजा डोगरी साहित्य ग्रालोचना ग्रंक — प्रो. रामनाथ शास्त्री हुंदा लेख 'डोगरी गद्य लेखन दी विकास यात्रा, सफे – 28, 29

^{4.} दिक्खो, डोगरी संस्था, रजत जयंती ग्रंथ, सफे—200 कोला 212

मोती झुली जन्दे हन । श्री ठाकुरे दी माया की नमस्कार है। एह् संसार वेबफा झूठा है। "ग्रापू ऊपर मगरूर करी किस तरा दियां अभिलाणां वेबुनयाद पेड पाई वाजी ग्रावंला दी जिती लैंदा है। संसार पेड सुतरंजे दी है, मुहरे ग्रोड़क मात होणा। अफसोस सौ ग्रफसोस तिन्हां दियां अकली की जे मस्त दुनिया दे विच प्याले दुषें-गमें दे लवालव पींदे मता ही मता चांह् दे किस वास्तें जे मतुग्राले सरावे-वेहोसिया दे हेन, इत वासते प्रालब्धौं ऊपर राजी नहीं होंदे "स्त्री करी ग्रमिलाण कदें कुसे दी पूरी नहीं होई। हमेसी इकस वस्तू दी त्रोट रेंहदी। जे मधु प्राप्त होग्रा तां प्याला नहीं।"

ग्रपणियां प्रलबधी माफक सुप-दुष भोगी जीहां पाणी दे बुलबुले जां छेड़ नहीं होंदी, तीहां चले गये । 1 · · ·

उन्नोमीं सदी दे गुरू दे व'रें च वरतोने ग्राली डोगरी दे नमूने लेई, जम्मू दे राजा जीतिसह दा इक पटा दिक्खों:—

श्री राम जी!

पटा लिखेग्रा सह प्रमाण,

श्री महाराजे श्री राजा श्री जीतिंसह जी दे वचनें मींये मोटे हत्थें श्री पण्डित पुरुषोत्तम की पटा लिखी दित्ता। परगना जम्मू तप्पा गल्ला बिच ग्रां इक ठण्डे पद्र गुरें की भेटा कीती। इस ग्रां दी पूंद सों पूंद सव किंग पण्डित होरें खानी। श्री महाराजा जी की शीरवाद करदे रौना। फसल हाड़ी परवानगी मींये मोटे दी दीवान मानिंसह हत्थें लिखत सोहनू चलयाल हुकम सरकार दा पटा लिखी दित्ता, जेठें प्र. 8 जम्मुं दी मण्डिया वेई पटा श्री महाराजा रणजीत देव दे पटे उप्परा पटा लिखी दित्ता। गैह र खान गुरें दी भेट कीती।

1818 ई. च सीरामपुर ईसाई मिशन नै बाइवल दा डोगरी अनुवाद छापेग्रा। एह् 361 सफें दी कताब ऐ ते नागरी लिपि च ऐ। में अपनी 'हिस्ट्री आफ डोगरी लिट्रेचर' च लिखेआ ऐ क— एह् टाकरी च ऐ। जद्ं में अपनी कताब लिखी ही तदूं तोड़ी में एह् कताब दिक्खी दी नेईं ही,

^{1.} दिक्खो, राजाविल ; सम्पादन—प्रो. गौरीशंकर, सप्तिसिन्धु, फरवरी-मार्च 1972, सफे 58-59 ते 71-72

^{2.} दिक्खो, शीराजा भाशा ग्रंक, धर्मचन्द प्रशांत हुंदा लेख सफा—102

इसदे बारे च इक कताब 'ग्रली इंडियन इंप्रिटस' च एह्दी लेखका केथरीन स्मिथ डाइह्ल ने लिखेदा हा क एह् डोगरी ग्रक्खरें च ऐ। पिच्छूं 1983 ई. च में सीरामपुर जाइऐ ग्रापूं दिक्खेग्रा-क एह् कताव नागरी लिपि च ऐ। एह्दी इक फोटोकापी जम्मू यूनिविसिटी दे डोगरी विभाग कोल ऐ। मेरे कोला ग्रक्खर ठीक चाल्ली पढ़ोए नेई। रामनाथ शास्त्री होरें शीराजा (डोगरी) च छपे ग्रपने लेख च इस बाइबल दी डोगरी दा इक नमूना दित्ता ऐ—जेह्ड़ा इस चाल्ली ऐ:—

''तां ग्रो उन्दे कन्ने रौह्ने गी ग्रन्दर गेग्रा। जिसलं ग्रो उन्दे कन्ने स्ट्टी खाने गी बैठा ते उम्रने स्ट्टी लेइये शुकर कीता, उर उस्सी तरोड़िए उनेंगी देन लगा तां उन्दी ग्रक्खीं खु'ल्लियां उर उनें उसी पछानी लेग्रा उर ग्रो उन्दी ग्रक्खीं कशा छुपी'या।

उनें ग्रापूं-विचें ग्राखेग्रा, ''जिसलें श्रो रस्ते च साढ़े कन्ने गल्लां करदा हा उर साढ़े धरम पोथियां दा भेत खोलदा हा, की साढ़े दिल जोश च नेईं ग्राए ?"1

उन्नीमीं सदी च, डुग्गर च डोगरी भाशा दी टाकरी लिपि च बरतनी बड़ी ग्राम ही। इस गल्ला दा परमान न—डुग्गर दे राजें दी ग्रापूं-विच्चें चिट्ठी-पत्तरी, राजें दे पटे-फरमान जिन्दे किश नमूने चम्बे दे अजैबघर च सुरक्खत न। किश लोकें दी इक-दूए कन्ने खती-कताबत जिन्दे किश टदाह्रण धर्मचन्द प्रशांत होरें ग्रपने लेख 'डोगरी भाशा ते एह्दा गद्य' (शीराजा भाशा ग्रंक) च दित्ते न, किश रसीदां, रह्ननामें, गिरवीनामें, इन्तकाल, सपूर्दनामें, हुण्डियां, बेइएं ते स्टामें पर लिखतां बगैरा ते जम्मू च महाराजा रणवीरसिंह हुंदे समें दियां किश कताबां, 1890 ई. च डोगरी च निकलने ग्राला ग्रखवार, 'डोगरा मित्तर' ते 1907 ई. च जम्मू च जारी कीते गेदा सरकारी इश्तेहार।

1860 ई. च लिखी दी इक चिट्ठी—िपता ग्रास्सेग्रा पुत्तरें गी:—
"चिरंजीव मियां सोनू जी दी जम्मू थुग्रां भूपिसह ने शुभ वाचना
लिखी। श्री रघुनाथ जी इत्थें-उत्थें ग्रपनी कृपा बनाई रखन। ग्रगों
समाचार ए ऐ क-नत्थू चाड़कें दे हत्थें 500 रपे भेजे हे सी कोश बिच

^{1.} दिक्खो, शीराजा डोगरी, 'साहित्य म्रालोचना म्रंक', सफे-31-32

तारी करी समाचार भेजना । मुद्रित आज्ञा-पत्तर लखाई करी होर प्राप्त पत्तरका भेजी । जित्थें मनुखें दे ग्रीने-जाने दा मार्ग होए उत्थें शैल वृक्ष वाटिका खूह्, तलाऽ वनाना ।"…1

1867 ई दी इक चिट्ठी इक जनानी दी ग्रपने पति दे नां :---

''स्वस्ति श्री परमेसरें तुल्ल सोग्रामी जी दासी गदाबरी दा जथाजोग चरणवन्दना ते सुखसांद बाचना जी। इत्थें सब सुख ऐ, तुसाढ़ा सुखसांद घरैं विच ठागरें कशा सदा गैं मंगदे हैन। होरजी तुसाढ़ा सुखसांद चिरा दा मिलेग्रा नेई ऐ, स'ब्बनें गी बड़ी चिन्ता होआ करदी ऐ।''…2

जम्मू दे महाराजा रणबीरसिंह (1857-1885 ई.) होरें टाकरी लिपि च सधार कराया ते पाठशालाएं च टाकरी च पढ़ाई दे परबंध कीते। उन्हें भास्कराचार्य दी संस्कृत च गणित दी कताब ''लीलाबती'' दा डोगरी च ग्रनुवाद कराया ते टाकरी लिपि (नमें डोगरे अक्खरें) च छपोग्राया ते इक कताव 'व्यवहार गीता' ज्योतशी विश्केश्वर हुन्दे कोला लखोग्राई ते हुकम जारी कीता-क सारे सरकारी मलाजम उसी पढ़न ते जेह्डा मलाजम उसी नेई पढ़ग, ग्रोह्दी तलब चा कटौती कीती जाग। लीलावती दा डोगरी ग्रनुवाद ज्योतशी विश्वेश्वर होरें कींता, 1873 ई. च छपेग्रा ते 'ब्यवहार गीता' 1884 ई. च छपी। ग्राखदे न महाराजा होरें फौजियें म्रास्तै ड्रिल्ल वी डोगरी च लखोआई। रामनाथ शास्त्री होरें अपने लेख ''डोगरी गद्य लेखन दी विकास यात्रा'' (शीराजा—साहित्य म्रालोचना म्रंक) च लिखेग्रा ऐ—क इस्सै समें दो-त्रै होर कतावां वी छिपयां— 1. कनून सम्बन्धी पोथी —नमें डोगरा अक्खरें च, 2. ग्रीषध चिकित्सा — नागरी अक्खरें च ते 3. बालबोध — डोगरी ते हिन्दी भाशा मिली-जुली, नागरी लिपि च जेह्दे च डोगरी नमें ग्रवखरें दे नमूने बी दित्ते गे न । अपने लेख च उन्हें इन्हें पोथियें च बरतोई डोगरी दे नमूने बी दित्ते न ।

महानपुर दे चौधरी कन्हैयालाल नै बी जमीने दे बारे च लिखापढ़ी ते लगान दे विशे पर डोगरी च इक कताब लिखी। लीलावती दी भाशा दा इक नमूना थल्लै दित्ता जन्दा ऐ:

' अथ तलाऽ, खूह्, बौली ग्रादि बिच पाणी तोल जातने दी रीति ।

⁴ ते 5. दिक्खो, शीराजा डोगरी, भाशा ग्रंक, सफें—103, 104 ते 106

परथम् जिस खात दे पाणि दा परमाण जानणा होवे उसदा पूर्वोक्त रीति कने सूक्ष्म फल बनाई लो भी उसको छे सौ ग्रठताली कने गुणो जो ग्रंक होवे उस बिच चाली दा भाग देयो जो लब्धि मिले ओह् पाणी दा मण पक्के के रूप में परमाण होग।" 1

लीलावती 376 सफें दी कताव ऐ। एह् दे पैह्ले बत्तरी सफें च वेठ डोगरी शब्दें च प्हाड़ें दी जानकारी दित्ती गेदी ऐ ते बाकी सफें च बी डोगरी भाशा दा परजोग ऐ। 'ब्यवहार गीता' 1262 सफें दा ग्रैंथ ऐ— त्रौं खंडें च, जेह् दे 1079 सफे डोगरी टाइप च छपे दे न। कुतै-कुतै संस्कृत बरती गेई ऐ, पर डोगरी दे शब्द बी ब्हतेरे न। उदाह्रण इस चाल्ली ऐ:—

'गणेश ब्राह्मण ग्रपने मुकब्दमें विच्च झगड़ने वास्ते ग्रपने वखा मुखतयार मुकर्र कीता है, मुखतयार को ग्रखतयार हैं कि मुकब्दमें मेरे विच्च कानून जापते मूजब झगड़े ग्रतें काकल लिखतां दस्से और रुपैये तारे ग्रीर परती लेवे। जेकर मनासब समझे तां पंच मुकर्र करावे जो कुछ इस मुकब्दमें विच्च गणेश मुखत्यार करेगा सो मेरे को मनजूर है।"…²

इस ग्रैंथ दे ठारहें ध्यायें च भांति-भांति दे व्यवहारक विशे पर लिखेग्रा गेग्रा ऐ, जियां — वर्णमाला, पत्रका लिखने का प्रकार, वालकों को उपदेण, खेत्तर मापने का प्रकार, रेखगणित, लेवल करने दे वारे च, नाड़ी परीक्षा, पशु चिकित्सा, सैंखिये दा वर्णन, गुणों का लक्षण, माता, पिता, गुरु ग्रीर स्वामी की भिवत वगैरा दोऐ कतावां — 'लीलावती' ते 'व्यवहार गीता' डोगरी अक्खरें च न, पर व्यवहार गीता च कृतै-कृतै देवनागरी लिपि वी वरतोई दी ऐ।

'डोगरा मित्तर' पत्रका दी कोई प्रति इसलै उपलब्ध नेई। पर 1907 ई. दे सरकारी इश्तहार दी प्रति थ्होई ऐ—एह् इश्तहार मूल रूपें च अंग्रेजी च लखोआ, पही जम्मू कश्मीरा दे लोकें तोड़ी पजाने आस्तै एह्दा अनुवाद उर्दू, हिन्दी, शारदा-कश्मीरी ते डोगरी-डोगरे अवखरें जां टाकरी च छपोआए गे। इस इश्तहार दी डोगरी भाशा इस चाल्ली दी ही:—

^{1.} दिक्खो, नमीं चेतना ग्रंक 60, सफा-49

दिक्खो, नमीं चेतना नं. 60, सफा—19

''असी बहुत ग्रफसोस कने दिखने हा पंजाब, हिन्दोस्तान दे तथा होर जगा विच बाज निमकहराम लोग झूठियां गलां कने सरकार ग्रंगरेजी की बदनाम करदे हैन ग्रते ग्रनपढ़ तथा जाहल लोकों गी, कठे होई करी सरकार ग्रंगरेजी दे वरखलाफ होने दी सला दिन्दे हैन। पिछले साल तथा हुन थोड़े दिन होए किज बड़ियां नामनासब गलां आम जलसें विच होइयां हैन, पर ग्रसां की उमेद है जे रियासत जम्मू कश्मीर दी रियाया जेह्ड़ी सदा फरमाबरदार समेत सरकार ग्रंगरेजी दी परजा रेही है, एस तरा दा खआल दिले विच नहीं ग्राग्रोन देग।''

उन्नीमी सदी मुकदे-मुकदे, चम्याली च, टाकरी लिपि च बी, ईसाई धर्म दा किश साहित्य छपी गेआ हा—एह् लुधियाने च छपोग्राया गेग्रा। पर उसलें तोड़ी डुग्गर च डोगरी भाशा ते टाकरी लिपि दी गिरावट शुरु होई गेई दी ही। 1907 ई. दा इश्तहार दसदा ऐ क—जम्मू कश्मीरा दे महाराजा उप्पर ग्रंगरेजें दा किन्ना जबरदस्त रोऽब ते तसल्लत हा। डोगरी ते टाकरी सरकारी कम्मै-काजा च बन्द होई गेई दी ही 1890 कोला गैं पर, पही वी फौजा च ते जनता च डोगरी ते टाकरी दा चलन है हा। पर, 1934 ई. च जदूं प्रो. गौरीशंकर होरें श्रीमद्भगवद्गीता दा डोगरी च ग्रमुवाद कीता ते छपोग्राया, टाकरी गी लोक भलेग्रां भुल्ली चुके दे हे ते डोगरी गी कोई विरला गैं लिखने च बरतदा हा। स्कूलें-कालजें च पढ़ाई-लखाई दा माध्यम ग्रंगरेजी, उद् ते हिन्दी हे, सरकारी कम्मै-काज च वी इयें भाशां बरतोंदियां हियां, डोगरी च लिखने दी कोई परम्परा बनी गैं नई ही। डोगरी गद्य दे इतहास च ते डोगरी गद्य दी बकास यात्रा च प्रो. गौरीशंकर हुंदी पाकेट-साइज डोगरी गीता दा बड़ा म्हत्तव ऐ।

चरजै दी गल्ल ऐ जे उन्नी सौ चालीएं च दीनूभाई पन्त दे पोथू ''वीर गुलाव'' ते डोगरी कवता संग्रैह, ''जागो डुग्गर'' दियां भूमकां रामनाथ शास्त्री होरें हिन्दी च लिखियां, डोगरी च ने हें। पर दीनूभाई पन्त दी लोकप्रिय कवता ''गुत्तलूं'' ते डोगरी दे पैह्ले क्हानी संग्रैह, ''पैह्ला फुल्ल" दियां भूमकां डोगरी च लिखियां गेइयां।

^{1.} दिक्खो, नमीं चेतना भ्रंक 57-58, सफा-17-18

डोगरी गद्य दा मूल साहित्य:

भगवत् प्रसाद साठे हुन्दा क्हानी संग्रैह् 'पैह्ला फुल्ल' डोगरी गद्य दी पैह्ली मूल साहित्यक पोथी ऐ। ''व्यवहार गीता'', ''लीलावती'' जां ''शिव पूजा विधि'' साहित्यक रचनां नेईं। ''रजौली'', ''डोगरी बाइबल', प्रो. गौरीणंकर हुन्दी ''श्रीमद्भगवदगीता'' त्रैवे अनुवाद न ते इन्देच साहित्यक तत्त्व मूल ग्रेंथें दे साहित्यक तत्त्वें दे नक्श जां परछामें भातर न। पर ''पैंह ्ला फुल्ल'' इक मूल रचना ऐ – एह् दियें केइएं क्हानियों च लोककत्थों दी झोन ऐ, विशे ते शिल्प दौनें च। पर इन्दे च इक साहित्यक गैली ऐ, जेह्ड़ी साठे हुन्दी ग्रपनी ऐ ते इन्दे पिच्छें इक चाल्लीदी कलात्मकता, इक चाल्लीदी सरजनात्मकता ऐ। सारें कोला बड्डी गल्ल एह् ऐ-क — इस लौह्की नेही पोथी कन्ने मूल डोगरी सर्जात्मक गद्य साहित्य दी बेल पेई ते परम्परा रम्भ होई । रेडियो परा डोगरी च प्रोग्रामें बी डोगरी गद्य दे बकास च योगदान दित्ता । लोकें क्हानियां लिखना शुरू करी दित्तियां ते उन्नी सौ पंजाएं च सत्त क्हानी लेखक सामनै ग्राये---धर्मचन्द प्रशांत, कविरत्न, ललता मैहत्ता, वेदराही, रामकुमार अब्रोल, मदनमोहन गर्मा ते नरेन्द्र खजूरिया। दिल्ली दा इक त्रमाही पत्रका नमीं चेतना गुरू होई ते इन्नै जम्मूच ग्राइयै डोगरी संस्था दै नमां जन्म लेग्रा। इस्सै पत्रका च प्रणांत ते कविरत्न हुन्दी इक-इक वहानी छपीं। ललता मैह्ता नै 'सूई-धागा' नां दा सत्तें क्हानियें दा संग्रैह् छपोआया । वेदराही नै डोगरी क्हानी गी इक नमां शिल्प दित्ता ते शैह्री जीवन दियां मार्मक झांकियां ग्रपनी पोथी ''काले हत्थ'' दियें सत्तें वहानियें च पेश कीतियां। रामकुमार ग्रत्रोल, मदनमोहन शर्मा ते नरेन्द्र खजूरिया नै डोगरी वहानियें दी इक-इक पोथी लिखी ते ग्रपनियें क्हानियें च डुग्गर दे ग्रांई जीवन, ब्रोह्दियें विशमताएं ते समस्याएं गी किश ब्रादर्शवादी नजरिए कन्ने पेश कीता। डोगरी क्हानी दी नींह पक्की होई गेई। इस चाल्ली डोगरी गद्य दी इक साहित्यक विधा 'क्हानी' दा मुंढ पेई गेम्रा — परम्परा चली पेई।

डोगरी गद्य साहित्य दी दूई विधा, 'उपन्यास' दा मुंढ 1960 ई. च पेत्रा, जदूं इक्के व'रे च त्रै लीह् के-लीह् के उपन्यास छपे- मदनमोहन शर्मा दा 'धारां ते धूड़ां', नरेन्द्र खजूरिया दा 'शानो' ते वेदराही दा 'हाड़, वेड़ी ते पत्तन'। इनें उपन्यासें च उपन्यास कला दी कोई परिपक्वता नेईं

ऐ पर लेखकें दी साधना, लगन, ईमानदारी ते डुग्गर समाज, ग्रांईं समाज गी समझने ते ग्रोह्दियें करीतियें, वर्ग विशमताएं गी सलझाने ते उपन्यासें राहें लोकें गी समझाने दे काफी सफल जतन न।

डोगरी गद्य साहित्य दी त्री विधा, नाटक दा जन्म वी उन्नी सौ पंजाएं च गै होई गेम्रा हा—िकश रेडियो एकांकियें कन्ने जेह् डे जम्मू रेडियो उप्पर ब्रॉडकास्ट होए, किश रंगमंची नाटकें कन्ने। इन्दे चा किश छपे, किश नेई छपे। 'बाबा जित्तो' नां दा रंगमंची नाटक ते 1950 ई. कोला पैह्ले गै लखोई ते खडोई गेम्रा हा पर, हूना तोड़ी छपेम्रा नेई। दो रेडियो एकांकी उन्नी सौ पंजाएं च छपे—रामनाथ शास्त्री हुंदा 'बरोबरी' ते धर्मचन्द प्रशांत हुंदा 'देवका जन्म'। दो रंगमंची नाटक वी छपे—इक 'नमा ग्रां' जिसी रामनाथ शास्त्री, दीनूभाई पंत ते रामकुमार म्रबोल होरें मिलियै 1957 ई.च लिखेग्रा ते इक वेदराही दा 'धारें दे ग्रत्थरू' जेह्डा 1959 ई. च छपेग्रा।

गद्य अनुवाद दी परम्परा पहुले गै ऐ ही—उन्नी सौ पंजाएं च त्रै अनुवाद छपे—िकरपाराम शास्त्री हुन्दा 'दुर्गा सप्तशती' दा अनुवाद, डोगरा मण्डल आसे आ छपे आ, श्री सत्यनारायण 'वृत कथा' ते उन्दा गै छापे दा 'गुलावनामे' दा अनुवाद जेह डा राओ रत्न सिंह ते किशनू पत होरें कीता।

होगरी गद्य दी चौथी विधा 'निबंध' दा श्रीगणेश 1916 ई. च होग्रा— श्यामलाल शर्मा ते शक्ति शर्मा हुन्दी लिखी दी निबंध पोथी 'त्रिवेणी' दे छपने कन्ते । पर होगरी निबंध गी ते होगरी गद्य गी होर बी बल मिलेग्रा— जम्मू-कश्मीर कल्चरल ग्रकैडमी ग्रासेग्रा दौं पत्रकाएं दे निकलने कन्ते इक 'शीराजा' (छमाही) ते दूग्रा 'साढ़ा साहित्य' (सलाना), किश मदद धर्मचन्द प्रशांत हुन्दी पत्रका 'रेखा' (1963-64) नै बी कीती पर, एह् चार ग्रंक कड्डियै तौले गै बन्द होई गेई। इंयां गै जम्मू-कश्मीर सरकार दी मासक पत्रका 'फुलवाड़ी' नै बी किश मदद कीती। इन्दे च साहित्यक निबन्ध बी छपे ते ऐसे निबन्ध बी छपे जेह् ड़े साहित्यक नेई है।

ताजा खोज दे मताबक नाट्य विधा च पैह्ला प्रयत्न विश्वनाथ खजूरिया होरें 1935 ई. च 'ग्रछूत' नाटक लिखियै ते रामनगर दे मिडल स्कूल च मंचत करियै कीता हा । —सम्पादक

गद्य दी पंजमीं विधा 'जीवनी' दी डोगरी च हूना तोड़ी इक्कै पोथी छपी ऐ ते ओह् ऐ लाला मुलकराज सराफ हुन्दी लिखी दी लाला हंसराज हुन्दी जीवनी। पर क्हानी, नाटक, उपन्यास ते निवन्ध दे खेत्तरें च डोगरी गद्य साहित्य च काफी बाधा होग्रा ऐ।

डोगरी वहानी दा बित कोई बड़ा नेई ऐ, मसां त्रीह्-चाली मूल रचनाएं दे संग्रैह् पर इन्दे च श्रेण्ठ वहानियां, भारत दियें दूइएं भाशाएं च रचत श्रेश्ठ क्हानियें दा मकाबला करी सकदियां न । किश महत्वपूर्ण संग्रैहें दे नां गिनाये जाई सकदे न, जियां—नरेन्द्र खजूरिया दा 'नीला ग्रम्बर, काले बद्दल', मदनमोहन शर्मा दा 'दुद्ध, लहू ते जैहर', वेदराही दा 'ग्राले', रामनाथ शास्त्री हुन्दा 'बदनामी दी छां', श्रोम गोस्वामी दा न्हेरे दा समुन्दर', ग्रोमप्रकाश शर्मा सारथी दा 'सुक्का बरूद', भगवत्प्रसाद साठे हुन्दा 'खाली गोद', छत्रपाल दा 'टापू दा ग्रादमी', बन्धु शर्मा दा 'परछामे', ललित, मनोज, ग्रर्रावद ते चमन ग्ररोड़ा दा 'सच ते सच'। डोगरी वहानी दे विकास च त्र-चार दौर दिक्खे जाई सकदे न, त्र-चार बक्खरे-बक्खरे स्टाइल ते उन्दे च बी व्यक्तिगत रूप ते व्यक्तिगत शैली ते जीवन ते क्हानीकला दे प्रति रुख। बजुर्गे च इक भगवत्प्रसाद साठे, धर्मचन्द प्रशांत ते रामनाथ शास्त्री हुन्दा दौर हा-परानी वहानीकला दा दौर, जेह्दे च त्रीनें वहानीकारें च वक्ख-वक्ख स्वाद ल'बदे न । भगवत्प्रसाद साठे हुन्दियें क्हानियें च लोक-वार्ता दी घुट्टी निजी अनुभवें दे मखीरै च मिली दी, रामनाथ शास्त्री हुन्दी समाजी समस्याएं दे बारे च सोच किश घटनाएं ते चरित्रें दी रोचकता च लपटोई दी ते धर्मचन्द प्रशांत हुन्दियां वहानियां रोमांस ते इतिहास दे झरोखें चा झाकदियां न । पही आये रामकुमार अब्रोल, ग्रादर्शवाद ते भावुकता दे रंग घोलदे— बजुर्गें दे दौर दे कोल-कोल लंगदे, स्रगला दौर नरेन्द्र खजूरिया, मदनमोहन शर्मा ते वेदराही दा हा। इनें त्रौनें डोगरी क्हानी दे शिल्प गी पुख्ता कीता, बड़ियां शैल डोगरी वहानियां लिखियां - नरेन्द्र खजूरिया दियां श्रेक्ठ वहानियां 1967 ई. च छपे संग्रैह् 'नीला ग्रम्बर काले बद्दल' च छिपयां, मदनमोहन शर्मा दियां श्रेश्ठ क्हानियां 'दुद्ध लहू ते जैह्र' च

इनें पत्तरें दे छपने कोला हफ्ता-खंड पैह्ले विश्वनाथ खजूरिया हुन्दी 'पगडंडियां' नां दी ग्रातमकथा बी छपी गेई ऐ। — सम्पादक

1971 ई. च छिपयां ते वेदराही दियां उत्तम क्हानियां 'म्राले' संग्रैह् च 1982 ई. च छपियां । इनें त्रीनें साहित्य ग्रकादमी दा पुरस्कार प्राप्त कीता । इन्दे फौरन वाद ग्राये नरसिंहदेव जम्वाल ते चंचल शर्मा किश वहानियां, लेइयै, जिन्दे च सम्भावना ते विड़यां हियां पर म्रोह् दूएं खेत्तरें म्रास्सै खचोई गे ते डोगरी क्हानी गी मता किण नेई देई सके। स्रगला दौर ग्रोमप्रकाश शर्मा 'सारथी', ग्रोम गोस्वामी, बंधु शर्मा ते छत्रपाल दा दौर हा—इनें डोगरी क्हानी गी ग्राधुनकता दा रंग दित्ता, उसी यथार्थ दे धरातल उप्पर बनकाया ते हिन्दी क्हानी दी नमीं शैली दा डोगरी च प्रयोग कीता। इनें चौं क्हानीकारें दा वी ग्रपना-ग्रपना वक्खरा रंग ऐ, ववखरी शैली ऐ, वक्खरा समाजवोध ऐ । सारथी च किश वौद्धकता, किश मानवीयता, किश भावुकता, किश ग्रादर्शवाद, किश समाज उप्पर रोह् दे झलाके न । ओम गोस्वामी च ग्राम आदमी दियां समस्यां, समाजी ते आर्थक विषमतां उभरिऐ सामने औंदियां न ते वहानीकार समाजी पखंडें ते दोह्रे जीवन-मुल्लें दा पर्दा-फाश करने च सफल हुंदा ऐ, बंधु शर्मा समाज दे घेरे च, समाजी मुल्लें च बज्झे दे, खिच्चें च तनोये दे व्यक्तियें दे मनोभावें दा चितेरा ऐ ते छत्रपाल च माह्नू जीवन दे किश पैह्लुएं दा बड़ा प्रभाव-पूर्ण ते कलात्मक चित्रण ऐ । चौनें भाशा दे सुन्दर प्रयोग कीते न । छत्रपाल ते सारथी दे कोई नमें वहानी संग्रैह् नेई छुपे पर बंधु शर्मा ते ओम गोस्वामी दा इक-इक नमां क्हानी संग्रैह् छपेग्रा ऐ, 'कींगरे' ते 'सुन्ने दी चिड़ी' जिन्दे कन्ने डोगरी क्हानी होर ग्रग्गें वधी ऐ। ग्रगला दौर ऐ चौं होर नमें जोआन वहानीकारें दा—डा. मनोज, डा. ललित मगोत्रा, डा. अरविंद ते चमन ग्ररोड़ा दा दौर। इनें अजें मितयां क्हानियां नेई लिखियां— कुसै त्रै, कुसै चार-पंज। पर जे किश हूना तोड़ी छपेग्रा ऐ, उसी दिक्खिये लगदा ऐ जे उन्दे च विलक्षणता, प्रतिभा, समाज ते माह्नू दी परिस्थिति दी समझ ते डोगरी भाशा च उस समझ दियें बरीकिएं गी पगड़ने दी समर्थता ऐ।

डोगरी उपन्यास:

डोगरी च उपन्यास हूना तोड़ी कुत्ल ठारां छपे न, जिन्दे चा देशबंधु नूतन हुन्दा 'प्योक भेजो' थोड़े दिन पहु्ले छपेग्रा ऐ। नूतन होरें ग्रोह्दी इक प्रति सैल्ले कवर च मिगी ग्रप्रैल 1984 ई. च जम्मू च दस्सी

जरूर ही पर, मिगी ग्रजें थ्होई नेईं ते में पढ़ी नेईं। बाकी दे सताह रें उपन्यासें चा ग्रोह् उपन्यास जिनें गी साहित्य ग्रकादमी नै पुरस्कारजोग समझेग्रा, उपन्यास कला दे शैल नमूने न । ओह् उपन्यास न—श्री वत्सिविकल दा 'फुल्ल बिना डाली', नरसिंहदेव जम्बाल दा 'सांझी धरती बखले माहुन' म्रो. पी. शर्मा 'सारथी' दा 'नंगा रुक्ख' ते देशवंधु नूतन दा 'कैदी'। भ्रौं समझनां जे सारथी दे त्रे होर उपन्यास 'रेशम दे की हें, मकान' ते 'पत्थर ते रंग' बी गैल उपन्यास न, हालांके इनें गी पढ़दे होई खास करिये चौथे गी एह् महसूस होन लगदा ऐ-क लेखक 'नंगा रुवख' दी शैली गी हद कोला किश ज्यादा खिच्चै करदा ऐ, ग्रयने-ग्रापै गी दुहराऽ करदा ऐ। 'नंगा रुक्ख'च पूरे शहर देदा मंथन ऐ, दृष्किण दी समग्रता ऐ, बाकी त्रौंच उस मंथन दे किशा पैह्लू न, दृष्टिकोण दे बक्ख-बक्ख टुगड़े न-इक राजनैतक, इक ग्रध्यात्मक, इक कला-सरबंधी । सवनें च बौद्धकता ऐ, माह्नू दी स्थिति उप्पर सोच ऐ ते उस स्थिति गी बदलदे समाज दे परिप्रेक्ष च इक नमीं चुब दी, झंजोड़दी, ठुग्रालदी शैली च पेश कीता गेग्रा ऐ। 'कैदी' डोगरा ग्राईं जीवन दा गद्य महाकाव्य ऐ-इन्ना गै नेईं एह्दे इक चेते रौह्ने म्राला चरित्तर भागां दा चरित्तर ऐ, व्यवस्था, प्रचलत समाजी मुल्लें ते चलनें उप्पर गैह्री चोट ऐ ते वर्णन दी रोचकता ऐ, भाशा दा नमां बिस्तार, नमां प्रयोग ऐ। 'सांझी धरती बखले माह्नू' च समें दे प्रवाह दे पर्सपैक्टिव च दीं-त्रौं मुद्दें दा सुन्दर समावेश ऐ—इक राजपूत टब्बरै दी जीवन-क्रथा, देसा दी बंडा कोला पेंह्ले हिन्दू-मुसलम भाईचारे ते सरबंधें दी सरलता ते बंडा दे बाद दे तनाऽ ते सरबंधें च जटलता, मुख पात्तरें दे मनोभावें च बदलाव, बंड ते युद्ध दे बुरे प्रभाव ते नतीजे। 'फुल्ल बिना डाली' च पैह्ली बारी डोगरा जीवन दी बड़ी शैल डोगरी भाशा च मनमोहक झांकी मिलदी ऐ ते सोमा-नेह् इक नारी पात्तर दा चरित्तर। इनें सारें उपन्यासें च ते दौं-चौं गी छोड़िय, होरनें च बी, डोगरी उपन्यासकार दी समाज दे प्रति प्रतिबद्धता झलकदी ऐ । किश च समाज सुधार दी प्रखर भावना ऐ, किश च बिंद ज्यादा भावुकता ऐ ते किश च ग्रादर्शवादता। होर उपन्यासें ते सारथी दे चौं उपन्यासें च इक बड़ा फर्क एह् ऐ-क जिल्थें होर उपन्यास समें दी गति दे सूत्रै च बज्झे रेह् न ते समां घटनाचकें ते चरित्तरें राहें गतिशील ल'बदा ऐ उत्थें सारथी दे उपन्यासें च नां कोई

नियोजत घटनाक्रम ऐ ते नां कोई हडूमास दा जीवन्त चरित्तर, बस स्थितियां मात्तर न ते समां जियां खड़ोई-जन गेदा ऐ। ते स्थितियां न जियां तस्बीरां न, जिन्दे पिच्छें समाज ते माह नू दा यथार्थ ऐ। एह् यथार्थ बड़ा नंगा ऐ। यथार्थ होर उपन्यासें च बी ऐ पर ग्रोह कल्पना कन्ने घड़े गे चित्तरें राहें सामनें औंदा ऐ, जिन्दी रचना च कल्पना दे रंग बी हैन, ग्रादर्ण ते सुधार दी भावना दे रंग बी ते घटनाएं दा ताना-बाना बी। डोगरी उपन्यास गी, दूइएं भाशाएं दे स्तर तोड़ी पुज्जने ग्रास्तें ग्रजें बड़ी लम्मी यात्रा करनी ऐ। जीवन दा विस्तार गैं नेई, माह नू मनें दी गहराई गी बी ग्रयने च समेटना ऐ। कोई इक दर्जन उपन्यास, ग्रनुवाद रूप च बी डोगरी च उपलब्ध न—गोर्की, प्रेमचन्द, वृन्दावनलाल वर्मा, शरत्चन्द्र, टी. शिवशंकर पिल्ले ते राजिन्दरसिंह बेदी। बड़ा सीमत दायरा ऐ। भारत दियें भाशाएं च बी ते बदेसी भाशाएं च वी केई उच्चकोटि दे उपन्यास न,

डोगरी नाटक:

डोगरी दा पैह्ला नाटक 1948 ई. च खडोग्रा— एड् हा रामनाथ शास्त्री हुंदा 'बावा जित्तो'। डोगरी दा सारें कोला ताजा नाटक 1982 च खडोग्रा, यश शर्मा हुंदा लिखेदा, नां हून चेते नेईं। पैहुलाजम्मूदेइक ग्रांटिक्करीच खेढेग्रागेग्रा ते यश हुन्दा नाटक नमीं दिल्ली दे मावलंकर हाल च खेढेग्रा गेग्रा । वड़ा सुन्दर, प्रभावपूर्ण नाटक हा ए। दोऐ नाटक ग्रजें तोड़ी नेई छपे। इन्दे बछकार डोगरी दे चौदां रंगमंची नाटक ते कोई सट्ठ एकांकी छपी गे न । छपे दे रंगमंची नाटकें दी यात्रा 'नमां ग्रां' (1957) कोला लेइयै 'जीने दी कैंद' (1979) तोड़ा दी ऐ ते एकांकियें दी 'सत्त डोगरी नाटक' (1966) कोला लेइयें 'नीलकंट' तोड़ी दे। चौं-पंजें नाटकें दे ग्रनुवाद वी छपे न, जियां— 'मित्ती दी गड्डी' जेह््ड़ा संस्कृत साहित्य ते रंगमंच दा गै नेईं, दुनिया दा इक उत्तम नाटक ऐ, जेह्,ड़ा केइयें भाशाएंच खेढेआ गेआ ऐ, 'ग्र'न्ना युग' ते 'मल्लिका', 'जसमां' वर्गैरा । मूल डोगरी नाटकें च दीनूभाई पन्त हुंदा लिखेदा 'सरपंच', मदनमोहन शर्मा हुन्दे 'जनौर' ते 'इक परछामा बदली दा', नरसिंहदेव जम्वाल हुन्दा 'अ'ल्लंड़ गोली बीर सपाही ते ललित मगोत्रा ते चमन अरोड़ा दा लिखेदा 'जीने दी कैद' डोगरी नाटक दे शैल नमूने पेश करदे न।

'अ'ल्लड़ गोली वीर सपाही' गद्य च नेईं पद्य च ऐ ते शायद डोगरी दा इक्कला पद्य नाटक ऐ। केहिरिसिंह मधुकर दा 'लैंह्रां' शायद इक पद्य एकांकी ऐ। 'सत्त डोगरी एकांकी' 1960 ई. च छपेग्रा। इक 'पंजरंग' 1968-69 ई. च डोगरी संस्था ग्रास्सेग्रा ते दूग्रा पंजरंग 1975 ई. च देवरत्न शास्त्री हुन्दे पंजें एकांकिएं दा संग्रेंह्, जम्मू-कश्मीर कल्चरल ग्रकादमी नै शीराजा दे दों ग्रंकें च पंज-पंज एकांकी छापे 1973 ई. च। इक-इक संग्रेंह् रामनाथ शास्त्री, विश्वनाथ खजूरिया ते नरसिंहदेव जम्बाल, विष्णु भारद्वाज नै छपोग्राया। पर सारें कोला ज्यादा एकांकियें दी देन (ते डोगरी रंगमंची नाटकें दी बी) मदनमोहन शर्मा हुन्दी ऐ जिनें त्रै संग्रेंह् छपोग्राए—1971 ई. च 'इक जनम होर' (रेडियो एकांकी), 1974 ई. च 'यात्र' ते 1980 ई. च 'बंजर'। 'यात्र' ते 'बंजर' नां दे एकांकी बड़े प्रभाव पैदा करने ग्राले ते शंल सुगठत न। इनें सट्ठें-क — एकांकिएं चा कोई दस-वारां एकांकी बड़े शंल, रोबक ते ग्रर्थपूर्ण न। इन्दे च गै दो संग्रेंह् बालकें-बालकाएं ग्रास्तै न—नरेन्द्र खजूरिया दा 'ग्रस भाग जगाने ग्राले ग्रां ते ग्रोम गोस्वामी दा 'डोगरी वाल एकांकी'।

डोगरी निबंध:

होगरी निबंधें दियां कोई ज्यादा पोथियां नेईं छिपयां। 'त्रिवेणी' दे वाद 1967 ई. च इक्क पास्सै विश्वनाथ खजूरिया हुन्दा लिलत निबंध संगैह 'डुग्गर दा जीवन-दर्शन' छपेग्रा ते दूए पास्सै ग्रंग्रेजी दे नौएं निबंधें दा ग्रनुवाद 'लेख लैह री'। पही लक्ष्मी नारायण हुन्दा 'कण्डेग्रारी दे फुल्ल' ते ग्रावितग्रमा हुन्दा 'स्याइं।' ते विश्वनाथ खजूरिया हुन्दा 'सप्तक'— सब 1968 ई. च जां 1968 ई. दे अग्गें-पिच्छें। डोगरी संस्था नै दो संग्रैह होर छपोग्राए ते पही 1978 ई. जां 1979 ई. दे ग्रुरू च डा. संसारचन्द्र हुन्दा संग्रैह (तील्ले दे घाट' छपेग्रा। पर साढ़ा साहित्य, शीराजा ते नमीं चेतना च समें-समें उप्पर डोगरी च निबंध छपदे रेह ् न। डोगरी संस्था नै किश निबंध किट्ठे करियें ग्रपने रजत जयंती ग्रैथ (1970 ई.) च छापे ते जम्मू-कश्मीर कल्चरल ग्रकेंडमी नै किश चोनमें निबंध 'दिन-दिन जोत सोआई' दे निबंध छें हिस्सें च वक्ख-वक्ख किस्में दे हसाबै कन्ने पेश कीते गे न—माह नू दे वकासै दे वारे च, चेतना ते मनोविश्लेषण सरवंधी, चेतें ते ग्रनुभवें गी लेइये, यात्तरा सरवंधी, व्यंगात्मक ते हास्से विसोद ग्राले

निबंध। केई सुन्दर निबंध जेह् ड़े शीराजा, साढ़ा साहित्य ते नमीं चेतना दे पन्नें च मिली जाङ्गन, इनें दौं संगैहें च नेई ग्राई सके । साहित्य समीक्षा दे निवंध वी ज्यादा नेईं लखोए, कुल्ल दस प्रकाशन—'डोगरी साहित्य दर्पण' (1967 ई.), 'डोगरी साहित्य चर्चा' (1969 ई.), 'डोगरी काव्य चर्चा' (1969 ई.), 'नजर ग्रपनी-ग्रपनी' (1972 ई.), 'इक झांक' (1976 ई.), शीराजा दा समालोचनात्मक ग्रंक (1976 ई.), 'नमीं परख नमीं खोज' (1980 ई.), साढ़ा साहित्य—डोगरी कविता विश्लेषण ग्रंक (1981 ई.), डोगरी शोध (1981 ई.), डोगरी शोध (1982 ई.)। किश निवंध पत्रकाएं च वी छपे न । पर डोगरी साहित्य ग्रालोचना दी कोई विधिवत् परम्परा ग्रजें नेई बनी।

डोगरी अनुवाद:

श्रनुवादें बी डोगरी गद्य गी समृद्ध कीता ऐ। उपन्यासें ते क्हानियें (रवीन्द्रनाथ टैगोर हन्दियें 21 वहानियें दा वेदराही हुन्दा डोगरी अनुवाद), नाटकें दे ग्रलावा, किश म्हत्तवपूर्ण ग्रनुवाद न-म्हात्मा गांधी, जवाहरलाल नेहरू, विनोवा भावे, सी. राजगोपालाचारी हुन्दियें कतावें दे ग्रमुवाद, श्रीमद्भगवद्गीता, छें उपनिषदें दे अनुवाद ते हितोपदेश दे अनुवाद, सामान्य भाशा विज्ञान दा ग्रन्वाद।

डोगरी लोककत्थें दे तेरां-चौदां संग्रैह बी डोगरी गद्य च म्हत्तव-पूर्णबाद्धान। पर डोगरी गद्य (ते पद्य बी) दे पूर्णविकास दे रस्ते च दो बडियां ग्रडचनां न – इक डोगरी च पत्रकारता दा नेई होना ते दूत्रा डोगरी च गैर साहित्यक विशें उप्पर कताबें दा नेईं लखोना। भाशा दी इकरूपता दी कमी ते बालसाहित्य दा नेई दे बरोबर होना बी डोगरी गद्य दे बिकास च रकौटां न । जिन्ना चिर डोगरी च दैनक, साप्ताहक, मासक पत्र नेई निकलङ्गन, जिन्ना चिर मुंढा थमां गै ञ्याणें दी प्राथमक सिक्खेग्रा डोगरी च नेईं होग ते जिन्ना चिर हर चाल्ली दे विशें उप्पर जियां–ग्रर्थ शास्त्र, ज्ञान, मनोविज्ञान; जीव विज्ञान बगैरा उप्पर लेख ते कताबां नेई लखोङ्गन, श्रजें पैंडा बडा लम्मा ऐ।

डोगरी पद्य:

डोगरी-प्हाड़ी च लिखत पद्य दे सारें कोला पराने नमूने मानकचन्द

(1565 ई.) ते गम्भीरराय (1650 ई.) दे पर्दे च मिलदे न । इन्दा जिकर कांगड़ा जिले दे गर्जेटियर च मिलदा ऐ। मानकचन्द दे पर्दे च कांगड़े दे राजा रूपचन्द दे राज ते कांगड़े दे किले उप्पर दिल्ली सुल्तान फीरोज तुगलक दी चढ़ाई दा वर्णन ऐ:—

> रूपचन्द बढ़कर चढ़े भ्रो दिलेश्वर सुरतान बहुत हेटकर पगपारी पीठ हाथ लेई सान।

गम्भीर राय दे पर्दे दा विशे नूरपुर दे राजा जगतसिंह (1619-1649 ई.) दियों महीमें ते व्हादरी दे कारनामें दा गुणगान ऐ:—

> जगता राजा, भगता राजा, वासदेव दा जाया सिन्धु मारे, सागर मारे, हिमाचल डेरा लाया श्राकास को श्ररवा कीता, तां जगता कहाया।

जियां में पह ले वी गलाया क—डुगगर च डोगरी भाशा च लिखने दी परम्परा गैं नेईं ही, लिखने दी परम्परा ही तां संस्कृत ते ब्रजभाशा च । पर इसदा एह् मतलब नेईं जे डोगरी च रचना नेईं ही हुन्दी । हुन्दी ही पर ग्रोह् रचना शायद लोकसाहित्य दा ग्रंग विनये ग्रोह् दी परम्परा च रची-खपी जन्दी ही । मानकचन्द ते गम्भीरराय दे पद, दिक्खेग्रा जा तां डोगरी दियें वारें दी परम्परा च ठीक वैठदे न, उन्दे नां साढ़े तोड़ी पुज्जी गे न पर होर केइये बारां, कारकां ते गीत रचने ग्रालें दे नां नेईं पुज्जे इस करिये साहित्य दे इतिहास च उन्दा जिकर नेईं होई सकदा । ब्रजभाशा च लिखने दा रवाज सतारमीं सदी च शुरु होई गेदा हा । गुलेर दे राजा दलीपिसिह (मृत्यु 1741 ई.) नै किव उत्तम कोला 'दलीप रंजनी' ब्रजभाशा च गैं लखोआई । उत्तम दे वैंस दा किव भीखा होग्रा, जिन्नै 'दलीप रंजनी' दी नकल तोग्रारी । भीखा दे समें दा गैं किव कांशीराम होग्रा जिन्नै ढाई- त्रै सौ बजभाशा च छन्द रचे । किवत्त ते सबैय्या शैली च ते 'हनुमान गीता' लिखी । इन्दा डोगरी-प्हाड़ी च लिखेदा इक छन्द बी प्राप्त होग्रा ऐ। उत्तरमीं सदी च गैं भड़डू दे सुकराला देवी दे मन्दर पं. शिवनंदन होये

^{1.} दिक्खो, वृजराज स्मारिका—डा. पीयूष गुलेरी दा लेख ।

जिनें गी चम्वे दे राजा उमेदसिंह (1748-1764 ई.) बड़ा मनदे हे, स्रो वी ब्रजभाशा च कवता रचदे हे । फ्ही कवि दत्तू होये, जिनें संस्कृत भाशा च 'कृष्णमहास्तोत्र', 'कृष्णाष्टक' लिखे ते ब्रजभाशा च सत्त रचनां जिन्दे च 'वीर विलास', 'व्रजराजपंचाशिका', 'वारहमाह' ते 'कमलनयनस्तो<mark>त्र'</mark> मश्हूर न $oldsymbol{\mathsf{I}}^1$ उन्दे गैं वैंसे दे शिवराम, त्रिलोचन, रुद्रदत्त ते दयानिधि होये, जिनें एह् परम्परा ग्रग्गें चलाई. त्रिलोचन दा 'नीतिविनोद' मण्हूर ऐ । उद्दर गुलेर च, राजकवि वृजराज (1846-1919 ई.) होये जिनें व्रजभाशा च पंद्रां-सोलां रचनां लिखियां—चार ग्रष्टक, त्रै पंचक, दो शतक— 'मंगल-शतक', 'नीतिशतक', ते 'रामरस लैह्री' वगैरा । डा. प्रत्यूष गुलेरी नै 'रामरस लैंह्री', 'नीतिशतक' ते 'मंगलशतक' दा सम्पादन कीता ऐ ${f l}^2$ होई सकदा ऐ इनें कवियें, डोगरी-प्हाड़ी च किश छन्द, किश कवित्त, किश सबैये लिखे होन पर, ग्रोह् उपलब्ध नेईं, सिर्फ किव दत्तू दे डोगरी दे दो कवित्त ते इक गीत, शिवराम दी इक कवता ते रुद्रदत्त दी इक कवता थ्होई ऐ । इंयां गै कवि गंगाराम होये, जेह् ड़े संस्कृत ते ब्रजभाशा दे विद्वान हे, जन्नीमीं सदी च जिनें 1000 सफे च 'रणवीर प्रायश्चित' लिखेग्रा **।** उन्दी इक कवता 'कंढी दा बस्सना' उपलब्ध ऐ। डोगरी च लिखत कवता दे एह् नमूने, जम्मू-कश्मीर कल्चरल ग्रकंडमी ग्रास्सेग्रा छापी गेई पोथी 'नीहारिका' च छापे गे न । ठारमीं सदी च डुग्गर च त्रै कृष्ण भगत बरागी किव बी होये —मयादास, रघबीरदास ते शामदास । एह् डफरवाल दे हे। मयादास ते रघबीरदास दियां उपलब्ध डोगरी रचनां, स्रोम गोस्वामी हुन्दी सम्पादत कताब 'म्रजादी पैह्ले दी डोगरी कवता' च दित्तियां गेइयां न। प्रचलत परम्परा दे मतावक, मयादास होर ज्यादा व्रजभाशा च कवता करदे हे ते उनें डुग्गर च रासलीला लेई मंडलियां तेत्रार कीतियां। उन्नीमीं सदी दा इक होर किव होग्रा -- लक्खू इक ग्रनपढ़ तरखान जिसी फलौनियां लिखने च महारत होई गेई ही। ग्रोह् ग्रपनी प्रेमका दा मन परचाने ग्रास्तै फलीनियां रचदा हा।

लक्खूते गंगाराम हुन्दे बाद बी डोगरी च पद्यरचना हुंदी रेही—

^{1.} दिक्खो, प्रो. गौरीशंकर हुन्दी 'कविदत्त ग्रंथावली।

^{2.} दिक्खो, वृजराज स्मारिका — डा. प्रत्यूष गुलेरी दा लेख।

टामी-टामी। जिसलें में कोई वारां-तेरां व'रें पैह्ले डोगरी साहित्य दा इतहास लिखेग्रा हा तां मिगी महाराजा रणवीरिसह दे काल दे वाद ते 1940 ई. कोला पैह्ले दे समें दे मसां त्रै नां थ्होए हे-- रामधन, दासमल ते हरदत्त। इस सदी दे गुरू च जम्मू च पंजावी च लिखने दा दौर गुरू होई चुकेदा हा ते रामधन ते दासमल पंजावी च वी कवता करदे हे ते डोगरी च वी। पर पिछले दस्सें व'रें दी खोजपड़ताल नै कोई दस होर किवएं दे नां तुष्पी कड्ढे न। ग्रोह् नां न—हाकमजट्ट (1807-1937 ई.), मैह्ता मथरादास (1858-1928 ई.), वाबा कांशीराम (1882-1943 ई.), हरनामदास (वाबा कांशीराम दे समकालीन) रामप्रपन्न शास्त्री (मौत 1937 ई.), संतराम शास्त्री (1860-1945 ई.), मूलराज मैह्ता, गंगाराम शर्मा (1876-1963 ई.), गौरीशंकर भद्रवाही (1879-1948 ई.) ते गुकदेव शास्त्री (1889-1981 ई.)। इन्दियें रचनाएं दे नमूने कल्चरल ग्रकेडमी दे प्रकाशन 'ग्रजादी पैह्ले दी डोगरी कवता' च दित्ते गेदे न।

दत्तू ते गंगाराम दे गीत, डोगरी लोकगीतें दे बड़े नेड़ै न । इंयां गै मूलराज मैह्ता हुन्दा गीत 'जीना प्हाड़ें दा ऐ:—

> म्रड़िये जिन्दे जीना प्हाड़ें दा जीना, प्हाड़ बूटी कन्ने जगमग करदा — दिक्खी मने गी शैल जे लगदा।

हाकम जट्ट दियां लुहानियां वी लोकगीत दे नेड़ें न, पर उन्दियें किश डोगरी कवताएं च समाजी स्थिति उप्पर हास्सा-व्यंग वी ऐ। ग्रोह् कवता मूं ह् जवानी करदे हे, ग्रनपढ़ हे। पं. गंगाराग शर्मा पढ़े लिखे दे हे, टैलिग्राफ मास्टर रेहिऐ रटायर होए, पर डोगरी कवता ग्रोह् वी मूं ह् जवानी करदे हे ग्रोह् राजभगत वी हे, मैह्ता मथरादास हुन्दे ग्रांगर जिन्हें लिखेगा:—

जुग जिश्रो राजा हरिसिह टिक्का, साढ़े डुगारै दा सरताज जेह्का।

मथरादास, दासमल ते रामधन पंजाबी कवता दी धारा कन्ने बी जुड़े रेह् हे। मथरादास उर्दू-फारसी च बी कवता करदे ऐ ते रामधन होर ब्रज भाशा च बी। रामधन हुंदी डोगरी कवता 'चन्दै दी चांदनी चन्नै कन्ने' बड़ी सरोखड़ कवता ऐ:—

दिक्खी लै रामधना ! प्रीते दी रीते गी, लटकना कच्चियां तन्दै कन्ने । हत्थें दियां दिली दियां कठन होई जंदियां खोलनै पौदियां दन्दै कन्ने ।

मथरादास हुंदी कवता च जित्थें राजभगती ऐ, भजन न, उत्थें डोगरा समाज दे पिछड़ेपन उप्पर टीका बी ऐ, समाज चेतना बी ऐ। एह् समाज चेतना वावा कांगीराम हुन्दी कवता च राजनैतिक चेतना बिनये मुखर हुन्दी ऐ, सतराम ग्रास्त्री ते हरनामदास हुन्दी कवता च बोलदी ऐ, ते हरदत्त हुन्दी कवता च बिस्तार कन्ने बबख-बबस रूपें च प्रगट हुंदी ऐ। बाबा कांगीराम होरें कोई 200 कवतां लिखियां ते डोगरे-प्हाड़ियें गी ठुम्नालने दी म्हीम चलाई। डोगरा-प्हाड़ी लाके दे म्रोह् पैह् ले ग्रष्टस न, जिंदे उप्पर भारती डाकतार विभाग नै इक डाकटिकट जारी कीता ऐ। उन्दी इक कवता ऐ:

इन्हां प्हाड़ियां दी मारी गई मत्त लोको, उज्जड़ी डोगरे देस जाणा । परदेश दे लोक जागी उद्ठे, साढ़े देसा दे लोक खूब सुत्ते ।

हरदत्त हुन्दियां 'डोगरा देस' शीर्षक दियां दो कवतां इस्सैं चाल्ली न :

डोगरा देस ।

लक्खंदा बनी गेश्रा कक्ख लोको, देस परमेसरं पार लाना।

डोगरा देस ॥

कियां गजारा तेरा होग श्रो डोगरेश्रा देसा, सारे देश सुत्ते दे जागे, जागेश्रा सारा ज्हान।

वावा कांशीराम फक्कड़-घुमक्कड़ राजनैतिक नेता हे, हरदत्त होर धर्मीकर्मी कथावाचक हे। दोए लोकप्रिय हे ते दौनें दी बाणी च शक्ति ही ते दौनें दी डोगरी कवता गी देन वड़ी नमुल्ली ऐ। हरदत्त हुंदे भजन 'डोगरी भजनमाला' च छपे जेह्दे दो भाग न ते बाकी कवता संग्रैहें च छपियां— 'जागी डुग्गर' ते 'नीहारिका' च। रामप्रपन्न शास्त्री, पं. संतराम ते शुकदेव शास्त्री संस्कृत दे विद्वान हे ते संस्कृत च लिखदे हे। उनें संस्कृत च लिखने दी परम्परा गी बीह् मी सदी च ग्रग्गें चलाया ते कन्ने-कन्ने डोगरी च बी लिखेग्रा। रामप्रपन्न होरें यास्क दे निरूवत उप्पर ते होर विशें उप्पर संस्कृत टीकां लिखियां ते 'देविका लहरी स्तोत्र' लिखेशा। डोगरी च उनें इस्सै स्तोत्र दा छन्दबद्ध ग्रनुवाद लिखेशा। संतराम होरें संस्कृत च मानसर स्तुति लिखी ते डोगरी च गीत 'जिंदड़ी', 'करतूतां डोगरियां' ते 'मानसर' नां दियां कवतां लिखियां। मानसर दे वारे च उनें लिखेग्रा:

पारा थाल पेग्रा, जियां लिश्कदा सीसा टिकेदा धुप्पा।

'मानसर' उप्पर ल'ब्बने ग्राले पैतरी पबखरएं दे नां कवता च परोए। शुकदेव शास्त्री होरें संस्कृत च छे कताबां लिखियां ते डोगरें दी ग्रपनी विशेशता दे बारे च ते चाटुकार जीवन देवारे च डोगरी च कवतां लिखियां।

उन्नी सौ चालिएं च डोगरी संस्था दी स्थापना होई ते डोगरी साहित्य सिरजना दो तह्रीक चली, दीनूभाई पन्त हुंदी कवता कन्ने —

'उट्ट मेरेग्रा देसा हून लो होई गई' ते उन्दी लोकप्रिय लम्मी कवता 'गुत्तलूं' कन्ने 'बीर गुलाव' ते 'मंगू दी छबील' कन्ने । इस्सै कन्ने डोगरी साहित्य दा ग्राधुनक युग गुरु होग्रा । दीनूभाई पन्त दी कवता च पराने ते नमें दा बड़ा गैल संयोग ऐ । 'बीर गुलाव' बारें दी परम्परा च इक ग्राधुनक बार ऐ—एह् दे च नमां शिल्प ऐ, नमीं किसमा दी घड़ाई । 'गुत्तलूं' च मंगू दी छबील ते दीनूभाई हुन्दियें होर कवताएं च, उस बेले दे समाज दा बड़ा पैन्ना चित्तर ऐ, हास्सा-व्यंग ऐ, हसाइऐ समझाने ग्राली गल्ल ऐ । उंदी कवता च बाबा कांशीराम दी राजनैतक चेतना ते हरदत्त हुंदी धर्मनिष्ठ समाजी चेतना बी ऐ ते नारेबाजी बी, पर उंदे आखने दे ढंग च किश नमांपन ऐ इक नमीं रवानी ऐ, भाशा दे प्रयोग च इक ताजगी ऐ, सिरजनात्मकता ऐ।

कियां पे ग्रन्ज एह् खीखेमांगे रौले रापे ? कुस कड्ढी दस्सो एह् म्हारी धीकी, म्हारी थुग्राड़ी ? गप्पें दे पटार छड़े लीडरी बनाई कियां ? साढ़े थुग्राड़े घरें बिच्च जन्नी ब'ट्टें मारी-मारी । दीनूभाई पंत कन्ने इक लौह्का ने'ग्रा उद्मी काफला ग्राई रलेग्रा— 'जागो डुग्गर' दे इक दर्जन किवएं दा जिन्दे चा इक पराना महारथी बी हा — हरदत्त । उर्दू कवता दी क्यारी छोड़िये ग्राया किशन स्मैलपुरी, प्हाड़ें दी बानगी ते संगीत लेइऐ ग्राया परमानन्द ग्रलमस्त, हिन्दी दे खेत्तर चा उट्टी खड़ोते रामनाथ शास्त्री, वेदपाल दीप ते यश शर्मा । बरकत राम, चूनी लाल कमला, दुर्गा दास चमक, जगन्नाथ कालरा ते बालकृश्ण होरें ग्रपनी-ग्रपनी समरथा ते योग्यता दे मताबक, ग्रपने-ग्रपने रुझान दे मताबक कवतां लिखियां।

उन्नी सौ पंजाएं दा दशक बी किव सम्मेलनें दा दशक हा—किव सम्मेलने तांई जां गोश्ठियें च पढ़ने ताईं कवतां, गीत, गजलां लखोदियां ते पढ़ोंदियां। पहीं इंदे चा चोनिमयां रचनां छपोदियां किश पत्रकाएं च, किश संग्रेहें च। उन्नी सौ पंजाह दे डोगरी किवयें दी गिनत्तरी कोई 20 दे लाग्गें ही, 1940 ई० दे छे किव ते चौदां नमें नां। पराने छें किवएं कोई मता नईं लिखेआ, छड़े दीनूभाई पंत होरें इक नमीं कताव छपोयाई 'दादी ते मां'। वाकी दे किवएं कोई कताव नेईं छपोआई पर उंदियें रचनाएं च प्रौढ़ता ग्राईं ते उनें सुन्दर भाव भरोचियां रचनां कीतियां ते उनें डोगरी कवता च गजल दी नींह रक्खी। किशन समैलपुरी, परमानन्द ग्रलमस्त ते यश शर्मा नै बड़ें मिट्टे प्यारे गीत लिखे। यश नै लिखेशा !—

संजां घिरदेश्रां चित्त कमलाई जन्दा; कोई - कोई चेता डंग लाई जन्दा।

किन्ने मुन्दर विम्व न । दीनू दी समाजै गी बदलने दी ललकार च बी सुन्दर विम्व मिलदे न :

> डक्को दियां व्हारां लेई ग्रीचै, भागें दे किले ब्रोड्चै।

रामनाथ शास्त्री होरें 'चक्की' ते 'एह् रातीं दा खीरी बेला' जनेहियां ं श्रनुपम कवतां रचियां।

बोल, बरेसा दा रस लेइयै किरणां बिनयै गैली चमके,
नहेरें दे मन थूंह्दे जन्दे, ए लोई दे झुमके लमके।
नमें किवयें च बुजर्ग बी हे ते जोग्रान बी। बुजर्गे च रघुनाथ सिंह

सम्याल ते स्वामी ब्रह्मनन्द ते ग्रधेड़ उमरी दे शम्भूनाथ ते जोग्रानें च केह्र र सिंह मधुकर, तारा स्मैलपुरी, श्रोंकार सिंह ग्रवारा ते पद्मा नै डोगरी साहित्य गी वड़ा किश दित्ता उसी ग्रादरजोग बनाया। सम्याल होरें डोगरी पद्य च श्रीमद्भगवद्गीता दा ग्रनुवाद कीता ते शैल सुरभरी दियां कवतां लिखियां ढुग्गर ते डोगरी कन्ने प्रेम भरोचियां। स्वामी ब्रह्मानन्द होरें डोगरी पद्य दियां पंज पोथियां लिखियां ते छपोग्राइयां। शम्भूनाथ होरें बी 'कर्क' 'फूल्लां दा कुर्ता' ते 'वक्खरियां-वक्खरियां रुत्तां' नेहियां कवतां लिखियां ते इक कताव 'भड़ास' छपोग्राई। तारा स्मैलपुरी नै कंढी दे जीवन दा खाका खिच्चेग्रा ते 'फीजी पैंशनर' नां दी पोथी छपोआई ते ग्रोंकार सिंह ग्रवारा नै धर्मशाला दे प्हाड़ें दी रांस दा वर्णन कीता। पद्मा ने 'राजे दियां मंडियां' कवतां लिखिएे ते अपनियें होर रचनाएं कन्ने, डोगरी काव्य जगत च चका-चौध पैदा करी दित्ती पर, उन्नी सी पंजाएं दी डोगरी कवता लेई सारें कोला बहुी उपलब्धि ही केह्र्रसिंह मधुकर।

मधुकर नै डोगरी कवता दे विशे खेतर गी विस्तार दिता ते सुर लै बज्झे शब्दें दा हाड़-जन बगाई दिता। ग्रोह् दियें समाजी राजनीतक विशें उप्पर कवताएं च भावुकता ते नारेबाजी ज्यादा ल बदी ऐ, भावें दी सुखमता घट्ट। पर, ग्रोह् दियें मानवतावादी कतवाएं च संवेदना दी गहराई बी ल वदी ऐ ते अभिव्यक्ति दी खूबसूरती बी। 'डोली', 'वनजारा 'चन्न तारे धरत' ते 'भली सुलियां जिंद टंगोई' नेइएं कवताएं च भाव ते शिल्प ते लय दा बड़ा शैल सम्मिश्रण ल बदा ऐ।

डोर नमीं मन भाई भी बी पैह्ली तार नेई सुटदी, श्रमली मंजल श्राले मारै पिछली तांङग नेई सुटदी।

जित्थें उन्नी सौ पंजाएं दे दशक च कोई बीह्-इक किव डोगरी च कवता करा दे हे, उन्नीसौ सट्ठें दे दशक च इन्दी गिन्त्तरी सौ तोड़ी जाई पुज्जी। डोगरी पद्य दा खेतर फैला दा हा— इंदे च सब तरां दे लोक हे— डा. कर्णसिंह जनेह् भारत सरकार दे मंत्री जिनें डोगरी च भजन लिखे, लालचन्द प्रार्थी जनेह् राज्य सरकार दे मंत्री जिनें हिमाचल मैह्मा दियां कवतां लिखियां।

लिखने ते छुपने श्रास्तै, हून नमीं चेतना दे श्रलावा, 'शीराजा', 'साढ़ा साहित्य' ते 'फुलवाड़ी' ते थोड़े चिरें लेई 'रेखा' पत्रकां उपलब्ध हियां। कवता संग्रैह् छापने ग्रास्तै जम्मू-कश्मीर कल्चरल ग्रकैंडमी ग्रास्सेआ सहायता वी मिली जन्दी ही। डोगरी दे केन्द्री साहित्य ग्रकादमी ग्रास्सेग्रा मानता थ्होई जाने परैत, अकादमी दे इनाम दी सम्भावना वी ही। जम्मू-कश्मीर कल्चरल ग्रकैंडमी दे इनाम वी हे।

इस दशक च दीन्भाई पंत ते किशन स्मैलपुरी होरें बड़ियां रचनां कीतियां जेह्डियां पत्रकाएं च छिपयां। इंयां गै यश शर्मा नै बस तै कवतां ते ग्रट्ठ गीत लिखे। इन्दे चा कुसै वी ग्रपिएं रचनाएं दा संग्रेह् नेई छपोआया। परमानन्द ग्रलमस्त होरें अवित्ये कवताएं ते गीतें दा इक संग्रेह् 'झुनक' नां कन्ने छपोग्राया। रामनाथ शास्त्री होर बी सित्रय हे, भाएं उनें ग्रपियों रचनाएं दा कोई संग्रेह् नेई छपोग्राया, उनें भतृंहिर दे वैराग्यशत ते ते रवीन्द्रनाथ ठाकुर हुन्दी 'गीतांजिल' दे डोगरी पद्यानुवाद छपोग्राए। वेदपाल 'दीप' ने ग्रपियों गजलें दा संग्रेह् 'ग्रस ते आं बजारे लोक' प्रकाशत कीता। एह् गजलें दी इक ग्रित उत्तम कृति ऐ। इनें गजलें च किय दे निजी अनुभवें, विचारें, भावनाएं ते धारणाएं दा निरूपण वड़ा शैल ते सरोखड़ होग्रा ऐ ते किय दा व्यक्तित्व उ'व्विरिए सामने ग्राया ऐ।

हसदा - हसदा बेदना दा भार चुक्की फिरा नां, पीड़ ते पाला नां श्रऊं बो दुक्खे दा मारा बी नेईं।

इस दशक च वेदपाल दीप ने डोगरी साहित्य गी 'अस ते ग्रां बजारे लोक' दित्ती तां पद्मा ने 'मेरी किवता मेरे गीत', मधुकर ने 'डोला कु'न ठप्पेग्रा' ते शम्भूनाथ शर्मा ने डोगरी पद्य च 'रामायण'। डोगरी पद्य साहित्य च चारे कताबां बिड़्यां म्हत्तवपूर्ण न ते डोगरी साहित्यक प्रतिभा दे उत्कृष्ट नमूने पेश करदियां न।

उन्नी साँ सट्टों देनमें किवएं च प्रमुख न -- रामलाल शर्मा, चरण सिंह, मोहनलः ल स्पोलिया, नरिंसहदेव जम्बाल, शिव दीप, गौतम व्यथित ते पीयूप गुलेरी ने गजलां लिखियां। रामलाल हुन्दियों गजलों दा इक खास ग्रपना गै रंग ऐ -- कहानी, प्रौढ़, बिचार प्रधान ते किश कवतांए च प्रकृति दे सुन्दर दक्ख न। उंदियां सट्टों च दो कताबां छिपयां 'किरण' ते 'इन्दरधनख'। संवेदनशील ग्रभिन्यिकत दी किवता दी लीह् बद्धी ते शिल्प दे खेतर च नमें तजरबे कीते नमें-नमें ते ताजा बिम्बे दा प्रयोग कीता ते प्रकृति दे संजीव चित्तर पेश कीते।

चरणिंसह दी 'सोच सरजना' 'दौं कींगरे' 'ञ्याणा' 'होली' डोगरी दियां बड़ियां शैल कवतां न, इन्दे च कल्पना बी ऐ ते बैचारकता बी ते उन्दे ग्रनुकूल शैली बी, सुन्दर शब्द संयोजन ते बनकदी लयात्मकता बी।

मोहनलाल स्पोलिया दी कवता च नदी दी रवानी ऐ ते उन्दे कवता संग्रीह् 'सजरे फुल्ल' च किश शैल कवतां न—देशप्रेम दे जोश ग्रालियां, कंढी दे जीवन उप्पर ते प्यार उप्पर, आत्मविश्वास भरोचियां:—

धरती दे कोमल श्रंगें चा, सुत्ती दी प्रीत जगा करनां मीती-शा जीवन पा करनां मस्ती बिच बगदा जा करनां

नरिसहदेव जम्बाल ने इक कवता संग्रेह् छुपोग्राया 'नमीं कवता नमें रस्ते' ते इक गजल संग्रेह् 'शमा जलें की धड़की-धड़की'। इन्हें रचनाएं च किंव दी कवता,माध्यम उप्पर पकड़ ढिल्ली लगदी ऐ। शायद उनें छपने दी तौला च रचनाएं गी तराशने दी कोशश नेई कीती—इन्दे च मता किश हलका ऐ, पर प्रतिभा दे झलाके बी हैन। शिव दीप ने इक संग्रेह, छपोआया—'इक लीकर केई परछामे' जेह् दे च 19 कवतां ते 19 गजलां न, इन्दे च बी प्रतिभा ते ताजगी दे गुण मजूद न। जम्बाल ते शिव दीप, दौनें दियें उन्नी सौ सटठें दियें रचनाएं च, होर शैल ते सरोखड़ रचनाएं दियां सम्भावनां नजरी ग्रोंदियां न। उन्नी सौ सटठें च गै महाचल दा दो कवता संग्रेह् निकले—पीयूष गुलेरी हुन्दा 'मेरा देश महाचल' ते गौतम व्यथित हुन्दा 'चेते'। इन्दे च अपनी धरती ते लोकजीवन दे पहेलुएं गी लेइयें उन्दे प्रति प्रेम् दे उद्गार प्रगट कीते गे न। इन्हें रचनाएं च बी होर सरोखड़ रचनाएं दियां सम्भावनां नजरी औंदियां न।

उन्नी सौ सत्तरें दे दशक च किशन स्मैलपुरी होरें अपनियां चोनिमयां गजलां इक थाह् र किट्ठियां करियें 'मेरियां डोगरी गजलां' नां दे संग्रें ह् च छपोग्राइयां ते चोनमें गीत 'मेरे डोगरी गीत' नां दे संग्रें ह् च छपोग्राए ते साहित्य ग्रकादमी दा पुरस्कार,प्राप्त कीता। उन्हें किश नमां लिखना बड़ें चिरै दा बन्द करी ग्रोड़ेदा हा। रामनाथ शास्त्री होर ग्रपनियें चोनिमियें कवताएं दा संग्रें ह् 'धरती दा रिण' ते पिच्छूं गजलें दा संग्रें ह् 'तलिखयां' छपोग्राइये डोगरी कवता कोला जियां रिण-मुक्त होई गे। उन्हें गी शब्द कोश दे कम्मै, अपने आस्मै खिल्ली लेग्रा। पर पद्मा नै 'तवी ते चन्हां' नां दे अपने दूए कवता संगैह च सिरजना दे नमें आयाम प्रस्तुत कीते। उन्दे संग्रैहें डोगरी कवता गी समृद्ध कीता। मधुकर दे 'में मेले रा जाणूं' दियां किश कवतां जियां—'तान', 'कोह्लू', 'धुवतारे', 'समीन' ते 'वापसी' विद्यां शैन न पर मतीहारी कवताएं च शब्दें दा खलार ते लैं-ताल ते हैन पर विशे सजीव नेईं होई सके। 'तवी ते चन्हां' दियें कवताएं च एह् गल्ल नेईं ते एह् दियां अपनी अनुभूति चा नचोड़ियें, विम्बें कन्ने रंगोइऐ भाव भरोचियां आत्मनवेदन, प्रेम प्रगटन दियां कवतां विद्यां गैं शैंल न— एह् दी मसाल 'खोब्बा' कवता ऐ।

रामलाल हुन्दा संग्रैंह् 'सरगम' नां कन्ने, जम्बाल हुन्दा 'कोरज' नां कन्ने ते शिव दीप होरें 'मांगमी लत्तें दी दौड़' नां कन्ने छापे । कोरज दियां रचनां, जम्बाल हुन्दे पैह्ले दौं संग्रैहें दियें रचनाएं कोला केईं दर्जे वेह्तर न, इन्देच विचारेंदी परिपक्वतावी ऐ, शिल्प दी प्रौढ़ता बी ते विम्वें च ताजगी बी । पराने लिखने आलें चा वसंतराम वसंत होरें 'हिरखी दीग्रा', रामलाल पपीहा होरें 'पपीहा दी पुकार' ते 'कलजुग दी माया' ते जगन्नाथ कालरा होरें 'किश कंडे किश कलियां'— संग्रैह् छापे, पर इन्दा स्तर कविसम्मेलनें दियें कवताएं दे स्तर कोला उप्पर नेईं उठी सकेग्रा। इस्सै चाल्ली दे होर किश संग्रैह् बी इस दशक च छपे, जियां— मुन्शीराम रामनगरी हुंदा 'सुच्चे मोती', कुलदीपसिंह जिद्राहिया हुंदा 'इक डबरी दी मौत', गोगाराम साथी हुंदा 'दिक्खने ग्राली ग्रक्ख नेईं'। इस दशक च म्हावल दावी किश कवता संग्रैह् निकले—शेष ग्रवस्थी दा 'धारां दियां धुप्पां', रूप शर्मा हुन्दे 'मेरा म्हाचल मेरा देश', ते 'ग्रास परदेसियां दी', 'श्रीकांत प्रत्यूष हुंदा 'गीतां दी सीर', जयदेव किरण हुंदा 'पत्थरा रे माह््नू', भगतराम मुसाफिर हुंदा 'मेरा शैल म्हाचल', ऋषि भारद्वाज हुंदा 'कूंजां दी कूक', रामकुमारी हुंदा 'संझां दे परछोए', ओंकारलाल भारद्वाज हुंदा 'गोरी ग़ैल लगदी', शबाब ललित हुन्दा 'भागसू दे नौणे', मुलकराज शांतलवी हुन्दा 'रुणझुण' ते राजगोपाल शर्मा दा 'बिधवा बजोगन'। जम्मू दा वीते म्हाचल दाबी किश-किश सम्पादत कवता संग्रैह् बी इस दशक च छपे। जम्मू दा क्यामलाल क्षमी हुन्दा सम्पादत संग्रैह् 'डोगरी काव्य सवमा', विजनदास दुवे हुन्दा 'धारे दे म्राले' (बंदराह् लता खंड दी प्रतिनिध कवता), शिवराम दीप दे दो संग्रैह, 'कूंजकतारां' ते 'गुंजार' जेह्दे च 49 नमें कविएं दियां रचना संग्रैह्त न । म्हाचल दा गौतम व्यथित हुन्दा सम्पादत संग्रीह 'मिजरां' ते प्रत्यूष गुलेरी हुन्दा सम्पादत संग्रीह 'मने दी भडास'। इन्दे ग्रलावा म्हाचल सरकार दे शिक्षा विभाग नै 'काव्यधारा' दे दो-त्रं ग्रंक छपोग्राए ते म्हाचल ग्रकादमी नै 'माला रे मणके' नां कन्ने इक संग्रीह छपोग्राया । म्हाचल दा छपी दियां कतावां मिली नेई सिकयां-इस करिये उन्दे बारे च किश लिखें आ नेई जाई सकदा । जम्मू दे लाके दा कोई ग्रटठ नमें नां काफी सम्भावनां ते प्रतिभा दे झलाके दिंदे नमुदार होए-एह न ओमप्रकाश शर्मा सारथी, जितेन्द्र उधमपुरी, अश्विनी मगोत्रा, दुनीचन्द त्रिपाठी, संतोष खजूरिया, प्रद्युम्नसिंह जिन्द्राहिया, मोहन सिंह ते कुंबर वियोगी। वेदराही दा कोई कवता संग्रैह् नेई छपेग्रा पर उन्दी इक्की-दुक्की रचना थमां प्रतिभा ते सम्भावना झलकदी ऐ । सारथी दियां दो कतावां छिपयां—इक लम्मी कवता 'तंदां' ते दूई कवता गजल संग्रैह् 'परतां'। इन्देच इक नमीं वैचारकता, नमें किस्म दी मनोदशा ते सोच दी गहराई दी ग्रभिव्यवित मिलदी ऐ।


चेतें दी भुब्बली गी दनां रोलियै दिक्खो, में उऐ ग्रादमी ग्रां मिगी खो'लियै दिक्खो।

जितेन्द्र उधमपुरी नै बी इक—विषयी लम्मी कवता 'चाननी' प्रकाशत कीती ते पही एह दे बाद नै कवता संग्रीह — 'बनजारा', 'चेतें दे सूरजमुखी' ते 'इक शैंह र यादें दा'। जितेन्द्र दी कवता दा संसार चेतें दा संसार ऐ। चेतें दे बक्ख-बक्ख पैंह लुएं गी शैंल-सुन्दर बिम्बें च पेश कीता गेश्रा ऐ। अध्विनी मगोत्रा नै बी इक लम्मी कवता—'लैंह रां' नां कन्ने छपोआई ते इक कवता ते गजल संग्रेह 'खुबिट्यां' प्रकाशत कीता—दोए रचनां ग्रपनै-ग्रपनै थाह र शैंल न—इन्दे च गित ऐ, चंगा शब्द-संयोजन ऐ, लय-ताल ऐ, किश सुन्दर बिम्ब बी हैन; पर संयम दी कमी ऐ ते भावुकता ऐ। इन्हें पैंह ले प्रयत्नें च होर सुन्दर काव्य रचना दियां सम्भावनां न। इये नेहियां सम्भावनां संतोष खजूरिया दे कवता संग्रीह, 'त्रिचौली' च विद्यमान न—पद्मा ग्राङ्गर संतोष च बी कल्पनाशिक्त, नारीस्वात्तम दे अनुकूल सरल भाव ते चीजें गी सजीव करी देने दे गुण मौजूद न।

दुनीचन्द त्रिपाठी हुन्दे संग्रैंह् 'धारां ते धुप्पां', मोहनसिंह दे संग्रैंह् 'ग्रस लोक' ते प्रद्युम्नसिंह जिन्द्राहिया दे गीत संग्रैंह् फुहारां' च वी किश गैल रचनां न। कुंवर वियोगी दी लम्मी कवता 'घर' इस किस्मा दी डोगरी च चौथी रचना ऐ। एह्दे उप्पर वियोगी होरें गी साहित्य ग्रकादमी दा पुरस्कार बी व्होग्रा, पर ग्रऊं समझनां जे वियोगी हुन्दियां उत्कृष्ट रचनां ग्रजें भविक्ख दी कोखा च न।

उन्नी सौ अस्सियें दे दशक दे पैह्ले चौं व'रें च, हर व'रे डोगरी पद्य दियां दो कतावां छपी जिन्द्यां रेहियां न—1980 च वीरेन्द्र केसर दी 'गिल्ला वालन' ते सुदर्शन रत्नपुरी दी 'कलतरां', 1981 ई. च शिव खजूरिया दी 'ग्रौंसियां' ते ग्रिश्वनी मगोत्रा दी 'मेरी वस्ती मेरे लोक', 1982 च शिवराम दीप दी 'गमलें दे कैंक्टस' ते नवीन हलदूणवी दी 'एह् दुनिया' ते 1983 ई. च पद्मा सचदेव दी 'न्हेरियां गिलयां' ते वीरेन्द्र केसर दा 'लावा'।

इंयां डोगरी पद्य दे बकास दी यात्रा मट्ठी-मट्ठी टोरा कन्ने ग्रागें वधा दी ऐ। ग्रपने च बड़ियां गै हलिकयां फुलिकयां वक्ती चीजां समेटियें बी ते विच-विच विड़ियां गै शैल, सरोखड़, मनै गी छूह्ने ते दिलें गी ल्हाई देने ग्रालियां कवतां ते गजलां लेइयें बी। मेद ऐ होर रचनाकारें दियें सुन्दर रचनाएं दे संग्रीह् छुपङ्गन ते काफला होर ग्रागों बधदा जाग।



चित्तर चन्दो

- विरहणी नायिका ते सोहा (बसोह्नी कलम)
- 2. म्हेश मूर्ति (श्रखतूर थमां प्राप्त) नौमीं सदी ई०
- बोह्ली मूर्तिकला दा गुहाड़ ग्रां पंचैह्री (तै ब्लाक)
- 4. क) ग्रम्बारा थमा प्राप्त नरमुंड (त्रै)
 - ख) घुड़स्वार (पंचैह्री)
- 5. क) फ्रर्जन देवता दे मोह्रे
 - ख) झिड़ी बावा जित्तो दा थान क) डगार दी मूर्तिकला दा गौरव
- 6 क) डुगार दा स्तिकला दा पार्य ख) ग्रां पनासा च पेदे पत्थरा दे सोह्रेर
- 7. क) शिव-पार्वती दियां सूरतां ख) यक्ख-यक्खनी दियां सूरतां
- 8. बबौर दी इक देव सूरत
- गुन्नी-ग्हार बाबा जिलो दा तौकड़ा
- 10. डुगार दे प्रसिद्ध साज-बाज
- 11. लोह्ड़ी पर छज्जा नाच
- 12. क) कांगड़ा दा जनाना नाच झमाकड़ा

- ख) कांगड़ा दा चन्द्रावली नाच
- 13. डोगरा लबास च डोगरा नारी
- 14. लोकनाच फु'म्मनी
- 15. जनाना नाच जागरणा
- 16. राजे दियें मंडियें दा गौरव
- 17 क) रियासी दा किला
 - ख) भद्रवाह् दा किला
- क) भिड्ड पालन करदे गददी
 ख) निक्का कश्मीर भद्रवाह
- 19. दुद्ध दा व्यवसाय करदे गुज्जर
- 20. पश पालन करदे बकरवाल
- 21. करीमची मन्दर
- 22. बुर्ज दा ठाकरद्वारा
- 23. तबी दी ढक्की पर वाक्या इक सन्दर
- 24. पुरमंडल दे इतिहासक मन्दर
- 25. क) लोककला भित्ती चित्तर

 ख) बुनाई कढाई ते पांडुलिपियें

 दी सुलेख कला
- 26. सफा 1 कन्ने जम्मू कलम 18मीं सदी दी इक तस्वीर — राधा-कृष्ण (संजोग शंगार)

इस प्रंथ ग्रास्ते श्री बालकृष्ण सागर ने मिनियेचर पेंटिंग्स ते ग्रम्बारां दियें मूर्तियें, इन्दुभूषण होरें पंचैह्र्री दियें बौलियें कन्ने ग्रर्जन देवता दे मोह्र्रें दे नैगेटिव देइये सहयोग दिता। कांगड़ा भेठा दियां तस्वीरां डा. गौतम व्यथित नै भेजियां। साजें ते बलोर देवमूरत आला ब्लाक डोगरी संस्था थमां, बुर्ज (सूही-सिम्बली कच्छ) दे ठौकरद्वारे ते तवी आले मन्दर दियां तस्वीरां श्री विद्यारत्न खजूरिया हुन्दे सौजन्य थमां घहोइयां। लोककला भित्ती-चित्तर, बुनाई-कढाई ते सुलेख कला दियां दों फोटुग्रां डा. ग्रशोक जेरथ कोला प्राप्त होइयां। इन्दा सारें दा मता-मता धन्नवाद।



विरहणी नायिका ते सोहा (बसोह्ली कलम)





श्रखनूर थमां प्राप्त म्हेश मूर्ति सदी नौमों ई०

CC-0. Dogri Sanstha, Jammu. Digitized by eGangotri







बोह् ली मूरती कला दा गुहाड़ (ग्रां, पंचैह्री)



बोह्ली दी सजावट ताई पत्थरें पर उक्करी दियें मूरतें दियां रींह्गां










श्चम्बारां (ब्रखनूर) थमां प्राप्त इतिहासक नरमुंड (यूनानी कला दी छाप)





लोक्कलाक्तान्त इब्राइम्बर्ग केला गेंदा घड्मवार पंचेह री (उधमपुर)







श्चर्जन देवता दे मोह्रे (रियासी च)




डुगार दे सांस्कृतक थाह् रें दा दर्शन करने दे सिलसले च प्रकंडमी दे सैक्रेटरी जनाब मुहम्मद यूसुफ टेंग—झिड़ी च बावा जित्तो दे थान पर, कन्ने डोगरी ते कश्मीरों भाशायें दे संपादक क्रमशः थ्रोम गोस्वामी ते चमनलाल चमन

CC-0. Dogri Sanstha, Jammu. Digitized by eGangotri





CC-0. Dogri Sanstha, Jammu. Digitized by eGangotri






भित्ती कन्ने बनाइयां गेदियां शिव-पार्वती दियां मूरतां



यक्ख-यक्खनी दियां मूरतां (ग्रगों नाग मोह्रा, शिवलिंग ते जलैह्री) ग्रां मीर, उधमपुर



बबौर दी इक देव मूरत




पां गुन्नी-व्हार (रियासी) च लोकनायक बावा जित्तो दा थान ते तौकड़े च पेदे झुंडे


डुगगर दे प्रसिद्ध साज-जाज



1. तुहीं 2. नगारे 3. बौंसरी 4. ढोल 5. नर्रांसहा

6. इकतारा 7. नगोजे 8. कॅसियां 9. सरंगी









कांगड़ा दा जनाना नाच झमाकड़ा





कांगड़ा च परचल्लत चन्द्रावली नाच (हास नाटिका)




CC-0. खुरुक्तेः स्रोते हो गुरा लुवास च डोगरा नारी Digitized by eGangotri










CC-0. Dogri Sanstha, Jammu. Digitized by eGangotri






रियासी दा किला



बर्फ च ढके दा भद्रवाह् दा किला CC-0. Dogri Sanstha, Jammu. Digitized by eGangotri



भिड्डा पालन करदे गिह्यें दा इक दक्ख



जम्मू प्रांत दा निक्का कश्मीर भद्रवाह् — इक मनोरम दक्ख






दुद्ध दा व्यवसाय करदे गुज्जर











CC-0. Dogri Sanstha, Jammu. Digitized by eGangotri





जम्मू च तबी कंढे ढस्की पर वास्या मन्दर (स्थापत्य शिल्प)



पुरमण्डल दे इतिहासक मन्दर ते चंतर चौदेश्रा दा मेला



घरें दियें कंधे पर बनाये गेदे नाग (लोक-कला भित्ती चित्तर)



CC-0. Dogri Sanstha, Jammu. Digitized by eGangotri

संदर्भनी

1. पर्व-ध्यार

अक्लेआ नीमी-306 अक्षय ततीया-292 अत्रैण (उत्तरायण)—268, 370 ईद-16 ईद-उल-जोहा-271 ईद-उल-फितर-271 ईद-ए-मेलाद-272 कजली त्तीया 118 करेग्राचोथ-17, 106, 118, 191, 239, 264, 278, 303, 370, 371, 415 कास्ती-371 किसमिस-272 खारका- 292 गुग्गा नौमी--16, 193, 253, 258, 297 गृह परव-16 गुरु रिवदास जन्म दिन-16, 273 गवर्धन पूजा-13, 305

गोपाल अण्टमी-263, 306, 374 गो त्तीया-117, 118 गोरी तृतीया-191, 192 चन्नन छट्ठ- 196, 372 चैतर चौदेग्रा-251 ज्येष्ठ नवमी-117 जन्माश्टमी/ठीगरें दा वर्त - 13, 16, 17, 237, 262, 296, 370, 371 टिवका/बीर दुतिया—241, 305, 370 तुलसी पूजा/तुलसी दा वर्त-107, 110, 118, 240 दसंह्रा-13, 16, 116, 246, 264, 302 दक्षिणायण-263 दिय्ये -110 द्रु व्वड़ी—17, 106, 237, 246, 263, 298, 370, 371, 415 देग्राली—13, 16, 107, 110,

117; 240, 246, 265, 278, 304, 318 370 धन-त्रोस्ती -240, 304, 370 धमदेंह् /धर्म-ध्याड़ा — 236, 246, 260, 294 धागे - 106 ध्व-दर्शन-19 नराते -238, 252, 264, 370 नराते (कत्ते म्हीने दे) - 301 नरसिंह चौदेग्रा-293 नाग पूजा - 42, 382 नाग पैंचमी—15, 16, 17, 107, 111, 237, 261, 299, 370, 382, 389 निर्जला कादणी—246, 294 नैंत चौदेग्रा-300 पंच भीखम—118, 306 बच्छ दोग्राह्—17, 106, 117, 118, 237, 246, 263, 298, 370, 371, 415 वसंत पंचमी - 246, 268, 308, 370 वसाखी/वसोग्रा--235, 247, 278 291, 414 वामन द्वास्ती—300 विद्धी/विद्धी दी पुन्नेम्रां—17, 370, 371, 372 बुद्ध जयन्ती—272 बूह् लाचीथ-117, 118

भुग्गा-17, 239, 307, 370 मकर संग्रांद-308 महावीर जयन्ती - 16, 273 मिजरां - 246 रक्खड़ी - 246, 261, 296 राई -107, 109, 236, 278, 294 रामनौमी - 13, 16, 17, 309 लामां -19 लोह् ड़ी - 16, 115, 117, 197, 241, 267, 278, 307, 370, 414 व्यास पूजा-295 शवे-बरात--16, 270 शरद पुन्नेम्रां — 303 शिव चौदेग्रा—370 णिवरात्री--105, 116, 189, 242, 268, 308, 370 शिवें दा वर्त-371 सकोलड़े—370, 371 सप्तपदी-19 सतवाह. -312 स्राध-301 हरदालका-17, 300 होई-17, 107, 111, 117, 118, 266, 303, 370 होम-19

2. सन्त, पीर-लोकदेव

कपला पीर -14 ख्वाजा खिजर-7 ख्वाजा पीर-226 खिचडी राईं-14 गजनी भियां - 7 गरीवशाह -14 गृह गोरखनाथ-14, 251 जैनदीन वली-14 जोगी गरीवनाथ-259 दाता बाल्ला -- 217 दाता बीरम - 217 दाता भीखो-14, 217 दाता लीखो -- 14, 217 दाता रंग-217 दाता रणपत-2!7 दाता सुक्खो- 14, 217 दाता हत्लो - 14, दाती लाडो-217 नीगजा पीर (रोणनशाह वली)—14, 226, 258 पज पीर-7 पत्थर तोड पीर - 386 पीर बदर-7 पीर वाबा-14, 258 पीर बुड्ढनशाह् वली-220, 259 पीर मिट्ठा-14, 226, 258, 259 फजनगाह—258, 259

वावा ग्रम्बो -217 वावा जितो - 13, 16, 21, 217, 254, 272 वावा थोल -14 बावा विरपानाथ-14, 255 वावा भैड-217 रावा भैरोनाथ-217 वावा भोतो-217 बाबा मेर्डमल्ल - 14, 16, 217, 247. 254 वावा सहजनाथ-14 वावा सिद्धगीरिया - 14, 251 व्या ग्रमरो -217 वुत्रा कीड़ी-14, 21, 217, 254 वुग्रा भागां - 217, 247, 254 बुआ मक्खां - 217 वुआ सजावती-217 मियां धनिया-14 मूछ मरोड़ पीर-380 राजा मण्डलीक/गुग्गा—14, 21, 92, 119 राजा होडी -14 रानी वाशला - 14 सन्द्रकड़ी आले बावा - 14 सेईद फरीद - 387 शाह ग्रमीरूदीन शेख--14 शाह फरीद-390 गाह फरीदुदीन--14

3. सांस्कृतक-इशारिका

ग्ररब-36 ग्रध्यातम - 3 अध्यात्मवाद - 4 अमर आर्ट म्यजियम-23, 132 ग्रवतारवाद-- 6. 235 इंका ते रेड-इंडियन -- सभ्यता - 96 इंडोनेशिया -315 इरान-15. 36 इस्लामी संस्कृति -- 7 एजियन संस्कृति-95 एशिया - 36 कर्मवाद -230, 233 केट - 96 चंडीगढ़ म्युजियम-104 जम्म विश्वविद्यालय - 406, 432 जर्मनी-315 जे. एण्ड के. ग्रकैडमी ऑफ ग्रार्ट, कल्चर एण्ड लैंग्वेजिज -406. 426, 427, 432 डच पेनिनिसलवेनिया - 95 ड्ग्गर संस्कृति - 9, 10; 14, 16, 17, 21, 24, 26, 235, 280, 370 डोगरा म्रार्ट गैलरी-23, 98, 104, 114 डोगरा साहित्य मंडल -- 427 डोगरी संस्था 405, 427

डोगरी रिसर्च इन्स्टीच्यूट-432

त्यागवाद -- 2 तक्षणिला (टैक्सला) -- 29, 55 तिब्बत-62, 315 प्रकति-2 पुनर्जन्मवाद-230, 233 पौराणक संस्कृत-20 बड़ोदा म्य जियम--132 वेबीलोनिया-15 बोस्टन - 131 भाग्यवाद-230, 231 भोगवाद-2 भीतकवाद-4 भारती संस्कृति-4, 5, 6, 8, 13, 15, 18, 24, 131, 143, 413 भूरिसिंह म्युजियम, चम्वा-446, 448 मथरा-12, 75, 79, 262 माईसिन -- 96 मिसर-15 मैसोपटोमिया-94 मोहनजोदारो-44. 92 यनान-15 वेदांत -228, 229 साऊथ कसिंघटन ग्रजैबघर-113 सिन्ध् सभ्यता - 14, 97 स्मेर-15 सैंट्ल म्यजियम लाहोर-134 हडपा सभ्यता-28 हिन्दू संस्कृति — 131

4. इतिहास प्रश

म्रकवर-23, 133, 136, 225, 226, 250, 389 अजैबदेव - 259 ग्रमतपाल-154 ग्रमीर खसरो-40 ग्रहमद शाह् ग्रव्दाली -- 137 ग्रानन्दराज—149 उगगर सिह—446 उमाधर-146, 150, 151 उमेद सिह—463 ग्रीरंगजेब--45 कनिष्क-84 कलश—146, 147 कश्मीरा सिंह-30 क्पाल चौधरी-225 कृष्णपाल-133 कृष्णपाल सिंह—23 कीर्तिधर-146, 147 केसव सेन-122 गृह गोविन्द सिह—260 गुलाबसिंह-22, 30, 138, 155, 221 घमण्डचन्द-122 चढ़त सिह—122 जगतिंसह-446, 462 जसदेव -155

जीतसिंह—122 दलीपसिंह - 462 दलेलिंसह - 33, 446 दारा शिकोह -133 ध्यानसिंह--138 ध्यानसिंह (कोटले दा)-448 ध्र बदेव-134, 155 नागपाल-247, 255, 389 पशौरासिह-30 प्रतापिंसह—138, 139 प्य-70 प्रीतमसिंह-122 पुष्यमित्र गुङ्ग-74 बलवंत-132 वजराजदेव-33 वीरवन्दा वैरागी—14, 247, 254 भगवान सिंह-390 भाऊसिह -446 भपतपाल -134 भोट वर्मन - 445 मनहारा (मलहान हंस)-30 महेन्द्रपाल -154 महेन्द्र प्रताप-245 मार्डिसह-225 मानसिंह-250 मालदेव - 151, 259 मियां डीडो-45, 91 मेरवर्मन-119 रत्नदेव-155 जहाँगीर -134, 136, 140, 154

रंजीतदेव-30, 31, 32, 33, 133, 137, 138, 1 5, 447 रणजीतसिंह -31, 98, 250 रणबीरसिंह-22, 138, 205, 267, 451, 464 राजिंसह-113, 122; 141, 448 राजा द्र्गह--75 राजा सालवान-153 रामसिह-139 रूपचन्द-462 वसदेव-134 वजधर-146, 147, 149, 150 शमशेरचन्द हिताल - 155 शमशेर सेन-448 संग्रामपाल-134 संसारचन्द-122, 123, 124, 136, 140, 448 सकंदर बुतिशकन-158 सिकंदर-38, 162, 163 सिकंदर स्री-153 सुचेतसिंह—138, 139, 155, 253 स्सल-146, 147 सुलेमान शिकोह-45, 133 सोम वर्मा-57, 73 हुमायुं -- 153, 262 हविष्क-84

हीरासिह—98

5. थाहर नां-वली-।

ग्रयोध्या - 9, 78 ग्रलमोडा-108 ग्रहमद नगर--97 ਕਰਗੈਜ--30 उत्तर प्रदेश-108. 203 कन्या कुमारी—13, 275, 289 कनखल - 70 कलकता-131 कलानीर-31 कहकान-42 कामरूप-30 कामाक्षा-13 करक्षेत्र-9 63, 69 केरल - 195 कोणार्क-96 गढ़वाल-108: 407 गांधार-53 गुजरात-108 छोटा नागपूर-195 जगन्नाथपुरी -150, 161 जालंधर-137 धनवाद-97 धारा नगरी-30 पंजाव-32, 34, 35, 41, 42, 51, 53, 93, 98, 153, 195, 203, 250, 254, 287, 356

पठानकोट-9, 10, 31, 155 फरीदकोट-42 वंगाल-30, 103 बम्बई-135, 183 विहार -- 108, 203 भवनेश्वर-22, 148, 150 मगध - 68, 69, 70 मध्यप्रदेश -195 महाराष्ट्र—108, 195 राजस्थान-78, 96, 304 ल्होर -- 31 लूधियाना -31 सीराष्ट्--192, 193 हरयाणा - 41, 51; 250, 251, 2.54 हिंगलाज-73

6. थाह्र नां-वली-]]

प्रखनूर—10, 12, 14, 16, 21, 22, 28, 29, 152, 219, 220, 250, 253, 254, 344

प्रम्बारां—10, 21, 152, 163

आकलपुर—14

आरह—9

उत्तरबैंह्,नी—11, 16, 218, 231, 241, 242

उदीच्य-मद्र—9, 10

उधमपुर—-10, 16, 37, 98,

100, 164, 248, 250, 344, 407 ऊना/हमीरपूर-9, 35 ऐरमां-249, 252 कटडा—13 कठ्या-14, 16, 248, 249, 344 करसोग-120 कश्मीर - 15, 31, 32, 65, 158, 275, 289, 379, 383 कांगडा - 9, 23, 30, 31, 32, 35, 38, 109, 112, 119, 121, 124, 131, 134, 210, 414 काला देह रा-219 काहन्नाचक्क-13 91 किनीर-119, 126 किरमची--22, 73, 75, 150, 152 किण्तवाड-9, 10, 14, 29, 32, 36, 75, 134, 158, 160, 163, 164, 192, 223, 248, 384, 395, 422, 448 कुल्ल-9, 30, 35, 112, 113, 117, 120, 121, 124, 134, 191, 448 कलत-9 केकय-9

कौध—12, 253
ग्हार13
गंगथा—119, 206
गाठा—15, 16, 257, 388
गुरदासपुर-9, 10, 35
गूल-गलावगढ़—112, 163
घगवाल-220, 253
चंबा-9, 10, 31, 32, 35, 37,
38, 73, 113, 117, 124;
386, 448
चक्क जड़ेली332
चनैह्नी-11, 41, 100, 101,
155, 255, 380
चिंगस 154
छतराह् ड़ी-119, 120, 225
जफरवाल-9
जसरोटा 29, 155
जिब्ब-56, 100, 407
जांड़ी —14
झिड़ी—13, 16, 21, 217 ; 254
टिक्करी—21, 92, 153
ठाठरी—165
ठेर गढ़—153
ड ¹ हेरा — 14,16
डालसर—248, 253
डोडा —36, 37, 386
तिलोतलाऽ—14
दच्छन—387
थड़ा कलयाल-22, 149, 150,

254 थन्ना मंडी—154 दार्वाभिसार-9.53 दिगर्त — 38 नगरकोट-31 नगरी पडोल-13 नगरोटा पथीपाल-220 नरमंड-119 नागवनी -247 नीरथ-121 नीलठी-15 नरपर-10, 31, 134, 446 पंचैह री-91 पराशर-120 पाडर-273, 387, 388, 389, 398 पालमपुर-127, 208 पीर पंजाल-9, 53, 69, 72, 386 पंछ—11, 22, 29, 36, 152, 154, 380 परमण्डल-11, 16, 67, 74, 76, 78, 218, 231; 241, 242, 250, 252 पोगल-393 पौनी -112 पौनी-भारख-11, 152, 252, 380 ववनेरगढ---153

वज्जपूर - 57 वजीरा -119 बटोत-19, 387 बनी--383 वलासपुर-9, 35, 109, 113, 120, 121, 124, 448 बसंतगढ -- 37 बबौर-21, 22, 29, 39, 73, 75, 45, 148, 149, 151, 152, 225, बम्हाग-41 बलीर (भड्ड्)-11, 16, 21, 29, 37, 39, 148, 151, 152; 159, 223, 248, 383, 384 बसोह्ली-10, 21, 23, 37, 100, 113, 124, 131, 137, 159, 160, 220, 252, 341, 342 बाह-29, 30 बुड्ढे ग्रमरनाथ-11, 16, 218, 231, 380 बूद्धी बरवाल-249 बैजनाथ-119, 146 भद्रवाह् - 10, 11, 14, 15, 16, 21, 28, 36, 37, 61, 75, 92, 93, 94, 112, 152, 158, 160, 161, 164, 191, 283, 343, 380,

384, 386 भरमीर-119, 120, 219 भलेस-190, 401 भिवर - 29 म्हाचल/हिमाचल -9, 13, 35, 37, 46, 79, 116, 225, 382 म्हानपुर-11, 22, 219, 225, 445, 451 म्होरगढ-22, 153 मंडी/स्'केत - 9, 35, 108, 113, 120, 121, 124, 134 मद - 14 मनकोट-23, 113 मनम्हेश-11, 37, 380 मनाली-120 मलान-121 मसरूर-114 महाधेरा-22, 220 मांडली -254 मानतलाई -92, 164, 231, 257 मीर-92, 97, 100 मूटठी - 14 मरंग-120 रजोरी-16, 21, 22, 36, 154 रणबीरसिंह पुरा-10, 254, 448 राड़ा- 4 राजपूरा-205 रामनगर (बंदराह् लता)-12, 22, 29, 101, 139, 248, 250, 253, 329, 332, 407 रामवन—10, 36, 250, 387 रियासी—10, 12, 14, 22, 28, 112, 254

लखनपर---29 लहाख-191, 272 लाहील स्पीती-119, 126 वाहीक-9, 10 स्यालकोट/साकल -9; 29, 35 स्मैपूलर - 14 स्योज धार-37 संगरोट-112, 124 संढरवनी --- 407 सतवारी-14 सरमोर-119, 126 सरहिन्द-153 सरांह् /सराह् न-120 साम्बा-10, 14, 16, 29, 153, 329, 344 सामेचक--254

सिद्ध-सोग्रांखा—14, 251 स्'ई सिम्बली—12, 221 सुकराला—97, 100, 223 सुजानपुर—127 सुमरता—150

शकरगढ़—9 शिमला—119, 121

गुद्धमहादेव -10, 11, 16, 21,

100, 101, 111, 152, 164, 218, 231, 241, 242

श्रीनगर—65 होशियारपुर—9, 10, 31, 35 त्रिगर्त — 9, 45, 80 त्रेह्टा—57

7. बदेसी जिंदे हवाले आये न

ग्रल-वेरूनी—382 ग्रोल्डन वर्ग—68 कर्नल टॉड—261 कीथ—51 ग्रियर्सन—15, 40 (डा.) चार्ल्स फेबरी—152, 162 टी. एस. इलियट—2 (डा.) जे. जी. फेजर—315 जेनाइदे-ए-रगोजिन—61, 80, 81, 84 (सर) जोन्स—246 डब्लयू. बी. ग्रीचर—123, 132,

डब्लयू. बी. ग्रांचर—123, 132 136, 137 डाया दुरस—162 प्लोमी—38 पर्सी ब्राऊन—131

फ्रीड्रिक ड्रयू—145, 267 बेंजामिन रौलैण्ड—132 बेसिल्ल ग्रे—132

वैरन कालवान ह्यूगेल -64

बोहत लिंक -68 मुरकापट -- 23, 131 मैकडानेल-51 मैक्सम्लर - 128 डा. मैनले—133 मैध्य ग्रानिल्ड-2 ल्योनिल हीथ-132 ल्यौन बेटिस्टा-132 लॉकवड किपलिंग-122, 125 विक्टोरिया-128 विलियम केरी -- 40 (डा.) बोगेल -145, 147 शेक्सपीयर - 268 स्मिथ-122 स्ट वो -162 हवेनसांग - 30, 382 हचिन्सन-123 हर्बट रीड-132 हिल्ले बाण्डट-68, 72 हैवल-23, 122, 131 हैवलाक-185

8. जलस्रोत

ग्रञ्जसी (ग्रञ्जी—52, 55, 62 ग्रसिक्नी चनाव चन्द्रभागा 3 9, 28, 52, 55, 75, 151, 163, 165, 252 ग्राजीक—63, 66, 76 चदिभ—55

ऊर्णावती - 52 ऐक - 63 कपलास कुंड-16, 55, 92 कलीगड-155 कालिशी - 52, 55, 62 गंगा - 51. 70 गोमती-51 जमना-9, 12, 51, 79, 222 जेहलम-30, 31, 36, 38, 75 डल झील-65 तवी/तोह -13, 14, 37, 145, 302 तर्णाह -56 नुणीश -- 56, 57 दुहर-100 देवक-9, 28, 67, 218, 231, 241, 248 नीरू-37, 61, 386 पहण्णी-9, 52 वासक ड-11, 37, 380 बिपाशा/व्यास-9, 32, 36, 52 भिदय-55 मदीन--75 मानसर-22, 37, 64, 145, 219, 231, 249 मान सरोवर-62 रावी-9, 10, 30, 36, 38, 75, 78, 151, 249 वितस्ता-52

वैतरणी—19 वीर पत्नी—52, 55,62 शर्यणावत—63 शिफा—52, 55, 62 शुतुद्र—52 सतलुज—9, 36 सरजू—51 सरस्वती—51, 52, 64, 79 सरूं ईसर—37, 60, 62, 74, 137, 231 सिधु—52 सुषोमा—52, 75 सेश्रावा/सेवा—55, 61

9. कलाकार-लेखक-विद्वान

सेचू नाला —445 त्रिष्टामा — 52

प्रोम प्रकाश टाक—124
कृष्मलाल—140
गिह्याराम—122
गोवर्धन कायस्थ—122
चन्दुलाल रेणा—123
छुनिया (जगतराम)—23, 138
जगतराम—205
दीदी—133, 137
दोखू—140
नरोत्तम—23
नैनसुख—23, 133, 137
पदमू—140

पुरख-140 फत -140 वसमां - 140 वांजन--133, 137 भोलाराम-133 मानक-135 मुकन्दी लाल-133 मृहम्मदी-122 शहीफा बानो -135 संसारचन्द रैणा-124 सेन- 133 हरिचन्द-139 हस्त-140 कल्हण-38, 39 कालीदास-2, 4, 38, 55, 208 तीर्थंकर-7 पाणिनी-9.58 भवभूति--357 मल्लिनाथ-2 महात्मावुद्ध/बोधिसत्व-6. 7 यास्क-68, 69, 72 शंकराचार्य-1. 228 शवर स्वामी-1 सायण-1 अपोलो-15 ग्रजीदहक-15 एयोप-15

कड़फाइसिज -84 फरदियम - 15 फाइकोन-15 कवीर-203, 242 केशव-136, 142 विहारी-142 सूरदास-142 इक्रवाल-65, 183 ए. सी. दास-15 एस. एन. गुप्ता-134 ए. एन. रैणा-159 एन. सी. मैहता—135 (डा.) कन्हैयालाल सहल-408, 438 (डा.) कृष्णदेव उपाध्याय—408. 438 (डा.) कार्ल खण्डेलवाला—132, 133 कालीपद शर्मा—75 (डा.) क्नदनलाल उप्रेती-438 कुमार स्वामी-23, 131 (प्रो.) जगन्नाथ ग्रग्रवाल-165 (पं.) जवाहरलाल नेहरु-6, 224 (डा.) दशरथ म्रोझा-203 नेमीचन्द जैन-200 बलवंत गार्गी-203 बलिराम-448 बी. एन. गोस्वामी-132, 134

वैनर्जी-15 मंगलदेव शास्त्री-5, 6 महात्मा गांधी --- 74 मुल्कराज ग्रानन्द—134, 182 मोलाना म्रबुल्काम म्राजाद-182 रंधावा-23, 123, 132, 141, 142 (डा.) राधाकृष्ण सर्वपल्ली— 216 (डा.) रामधारी सिंह दिनकर—5, 6.7 रामनरेश त्रिपाठी-408 (डा.) वासुदेवशरण ग्रग्रवाल-8 (डा.) श्याम परमार-408, 438 शम्स कंवल-182 (डा.) सत्येन्द्र — 408 (डा.) सिद्धे श्वर वर्मा-65 सूर्यकरण पारीक-408 (ची.) हरिहर सिह-244 हीरानन्द शास्त्री-134

10. लेखक नां-वली

स्रनंतराम शास्त्री—406 (डा.) स्रर्शवद—457 स्रश्विती मंगोत्रा—472, 473 ऋषि भारद्वाज—471 स्रोंकार सिंह स्रावारा—468 स्रोंकारलाल भारद्वाज—471 स्रो. पी. शर्मा सारथी—457, 458,

(डा.) स्रोम प्रकाश गुप्त-406 ग्रोम गोस्वामी-406, 457, 460 (डा.) कर्ण सिंह—180, 468 (बाबा) कांशीराम-464, 465 किश्न स्मैलपूरी-467, 470 कृष्णलाल वर्मा -- 405, 407, 443 कुंवर वियोगी -- 472, 473, कुलदीप सिंह जिन्द्राहिया-471 केदारनाथ शास्त्री—22, 146, 148, 154 केहरिसिंह मध्कर -406, 460, 468, 469, 471 गंगाराम-463 गंगाराम शर्मा—464 गम्भीरराय-462 गोगाराम साथी-471 गौतम व्यथित-469, 472 गौरीशंकर भद्रवाही --464 चंचल शर्मा—457 चमन ग्ररोरा-457, 459 चरण सिंह - 469, 470 चूनीलाल कमला-467 छत्रपाल-457 जयदेव किरण-- 471 जान मुहम्मद तिश्ना—255 जितेन्द्र उधमपुरी — 472 जितेन्द्र शर्मा - 204, 411 जे. एन. गन्हार - 65, 257 टैह् लदास-448

डी. सी. प्रशांत—336, 450, 455 तारा स्मैलपुरी-408, 439 दत्त-463, 464 दासमल -464 दीन्भाई पंत-405, 453, 467 द्गीदास चमक-467 द्निचन्द त्रिपाठी—472 देशबंधु डोगरा -457 नरसिंहदेव जम्वाल-457, 458, 459, 460, 470, 471 नरेन्द्र खजूरिया—460 (प्रो.) नीलाम्बरदेव शर्मा—406, 408 पद्मा सचदेव - 468, 469, 471 परमानंद ग्रलमस्त - 467, 469 प्रद्यमनिसह जिद्राहिया—472 पीयूष गुलेरी-469, 470 पी. एन. बामज़ई--163 बंध्शर्मा--457 वंसीलाल गुप्ता -406 बरकत राम-467 वलदेव सिंह-406 वलराज पूरी-80 वालकृष्ण शास्त्री--38 भगतराम मुसाफिर—471 भगवत्प्रसाद साठे-454 मदन मोहन शर्मा—459, 460 (डा.) मनोज-457 मयादास - 467 मानकचंद-461, 462

मुनशी रामनगरी-471 मुल्कराज शांतलवी -471 मूलराज मेह्ता-464 मैह्ता मथरादास-464 मोहनलाल सपोलिया—469, 470 मोहन सिंह-472, 473 यश शर्मा - 206, 459, 467 रघबीरदास-463 राजगोपाल शर्मा— 471 रामकुमारी -471 रामधन-41, 464 रामनाथ शास्त्री - 405, 446, 453, 459, 460, 467 रामचंद काक-147 राम प्रपन्न शास्त्री-464, 466 रामलाल पपीहा-471 रामलाल शर्मा-406, 469 **रुद्रदत्त**—463 रूप शर्मा--471 लक्ख -- 463 (डा.) ललित मगोत्रा—457, 459 लक्ष्मी नारायण-460 लालचंद प्रार्थी-468 विद्यारत खजरिया-153, 446 विश्वनाथ खजूरिया -- 326, 460 विष्ण भारद्वाज-460 (डा.) वीणा गुप्ता -- 427 वीरेन्द्र केसर-473 (डा.) वेद कुमारी - 39, 165

वेदपाल दीप-467, 469 वेद राही-457 च्यामलाल शर्मा - 406, 471 प्रो. शक्ति शर्मा-406 शवाब ललित -471 शम्भूनाथ - 468, 469 शामदास-463 शिव उपाध्याय-207 शिवराम-403 शिव दीप -469, 470, 472, 473 शिव खजरिया-473 शीला स्लाथिया-405 श्रीकांत प्रत्यष--471, 472 श्रीवत्स विकल-458 शुकदेव शास्त्री -466 शेष ग्रवस्थी-471 स्वामी ब्रह्मनंद तीर्थ-228, 229, 230, 233, 469 संतराम शास्त्री-466, 469 (डा.) संसारचंद्र-460 सरवरी कसाना-43 सुदर्शन रत्नपुरी-473 (ग्रा.) स्रेन्द्रपाल गंडलगाल-406 सूरज सराफ-163, 165 हंसराज पंदोत्रा—80, 85 हरदत्त-465 हाकम जट्ट-464 त्रिलोचन - 463

अकैडमी द्वारा प्रकाशत किश म्हत्तवपूर्ण

डोगरो प्रकाशन:-

- 1. डोगरी लोकगीत (16 भाग)
- 2. डोगरी लोक कत्थां (13 भाग)
- साढा साहित्य (21 भाग, 1962 कोला 1983 तकर)
- 4. कलमकार सीरीज तैह्त छपे दे ए ग्रैथ:
 - i) कलमकार चरण सिंह
 - ii) श्रीवत्स विकल
 - iii) कवि शंभुनाथ
 - i∨) कवि हरदत्त शर्मा
 - ∨) कवि ग्रलमस्त
- 5. किश नमें अनुवाद :
 - i) गण देवता दो भाग
 - (ii) पैंडे मेरे जीवना दे (गोर्को दे प्रसिद्ध श्रात्म कथात्मक उपन्यास अप्रैंटिसशिरु दा श्रनुवाद)
 - iii) उमराश्रो जान श्रदा (मिर्ज़ा हादी पस्वा दा प्रसिद्ध उर्दू उपन्यास)
- 6. डोगरी दी इक मातर दमासक पित्रका 'शीराजा डोगरी' इनें कताबें दे श्रलावा होर बी मते हारे प्रकाशन उपलब्ध न ।

पूरी जानकारी ग्रास्त लिखो:--

पब्लिकेशन इन्चार्ज,

जे० एण्ड के० कल्चरल अकडमी केनाल रोड, जम्म





Published by the Secretary on behalf of J&K Academy of Art, Culture & Languages, Canal Row & Printed at the inters, Rehari Colony,

CC-0. Dogri Sanstha, Jammu. Digitized by eGangotri